





THEOLOGIA
DOGMATICA
ET MORALIS,
AD USUM SEMINARII CATALAUN.

AUCTORE

D. LUDOVICO HABERT,

S. Facult. Paris. Doct. Theol. & Soc. Sorb.

Cui insuper in hac Editione adj.cta est

HISTORIA
PŒNITENTIÆ PUBLICÆ

Conscripta, notisque & animadversionibus illustrata

a R. P. GERALDO ZURCHER

O. S. Ben. SS. Theol. & J. U. Prof. Sangal.

TOMUS TERTIUS.

Continens Tractatus

DE ACTIBUS HUMANIS,

De Vitiis, & Peccatis, de Regula Morum,
de Fide, Spe, & Charitate.




BIBLIOTECA
ROMA
VITTORIO EMANUELE

VENETIIS,

MDCCLXXXV.

EX TYPOGRAPHIA BALLEONIANA.

Superiorum Permissu, ac Privilegio.



I N D E X

CAPITUM.

TRACTATUS

De Actibus Humanis.

Cap. I. D E notione Actus Humani.	Pag. 9
§. I. De voluntaria.	10
§. II. De violentia & coactione.	12
§. III. De ignorantia.	14
§. IV. De Libero.	25
§. V. De Morali.	29
Cap. II. De bonitate & malitia actuum humanorum.	31.
Cap. III. Utrum omnis humana actio sit bona, vel mala, nec ultra sit indifferens?	38
Cap. IV. De objecto actuum humanorum.	41
Cap. V. De circumstantiis actuum humanorum.	43
Cap. VI. De fine actuum humanorum.	49
§. I. De varia acceptione finis.	50
§. II. De definitione finis.	52
§. III. De effectibus finis.	54
§. IV. De quinto & sexto effectu finis.	61
§. V. De septimo & octavo effectu finis.	66

COROLLARIUM.

§. VI. De divisione finis.	77
§. VII. De vera hominis beatitudine obiectiva.	81
§. VIII. De Beatitudine formali.	85
§. IX. De Beatitudine, quæ homini in hac vita competere potest.	90
Cap. VII. De merito actuum humanorum.	104
§. I. Utrum opera ex gratia ellicita sint vere bona?	105

4 Index Capitum.

§. II. <i>Utrum bona opera gratiæ auxilio elicta , sint meritoria?</i>	109
§. III. <i>Utrum honestum sit operari intuitu mercedis æternæ?</i>	115
§. IV. <i>Utrum liceat fiduciam ponere in propriis meritis?</i>	116
§. V. <i>Quotuplex sit meritum?</i>	117
§. VI. <i>De conditionibus ad meritum de condigno requisitis?</i>	121
PRIMA CONDITIO.	122
SECUNDA CONDITIO.	125
TERTIA CONDITIO.	129
QUARTA CONDITIO.	132
QUINTA CONDITIO.	133
SEXTA CONDITIO.	ibid.
§. VII. <i>De iis , quæ cadunt sub meritum de congruo.</i>	137
§. VIII. <i>De iis , quæ pertinent ad meritum de congruo.</i>	140
Cap. VIII. <i>De divisione Actuum humanorum.</i>	144

T R A C T A T U S

De Vitiis & Peccatis.

Cap. I. D E varia acceptione vitii & peccati.	149
Cap. II. D E definitione peccati.	152
Cap. III. <i>De macula peccati.</i>	154
Cap. IV. <i>De divisione peccati.</i>	158
Cap. V. <i>De peccato mortali & veniali.</i>	160
Cap. VI. <i>De peccati mortalis differentia a veniali.</i>	165.
Cap. VII. <i>De peccato originali.</i>	174
§. I. <i>Utrum existat peccatum originale?</i>	175
§. II. <i>Quid sit peccatum originale , & in quo formaliter consistat?</i>	191
§. III.	

Index Capitulum:

7

§. III. Expenduntur sententiæ Hereticorum circa formalem rationem peccati originalis .	196
§. IV. Expenduntur sententiæ Catholicorum circa rationem formalem peccati originalis .	202
§. V. Quomodo traducatur originale?	208
§. VI. Utrum peccatum primi parentis transeat in omnes sine exceptione homines , qui vi ordinaria ex ipso nascuntur , aut excipienda sit Mater Christi?	212
§. VII. De panis peccati originalis?	224
Cap. VIII. De causa efficiente peccati .	236
Cap. IX. Satisfit nonnullis difficultatibus circa cogitationes morosas .	244

TRACTATUS

De Regula morum.

PRIMA PARS.

De Conscientia.

Cap. I. D E definitione Conscientiæ .	253
Cap. II. D E divisione Conscientiæ .	255
Cap. III. De bona malæ Conscientiæ .	261
Cap. IV. De Conscientia probabili .	266
Cap. V. De tuta & tutiore opinione .	276



SECUNDA PARS

De Legibus.

Cap. I.	D E Legis nomine, & varia ejus accep- tione.	277
Cap. II.	De definitione legis.	279
Cap. III.	De legis acceptatione.	292
Cap. IV.	De subiecto legis.	295
Cap. V.	De Legis observatione.	301
Cap. VI.	De Legis divisione.	309
Cap. VII.	De differentia Legis naturalis, & positivæ.	319.
Cap. VIII.	De interpretatione Legis.	323
Cap. IX.	Utrum Lex obliget cum gravi noimento, at- que etiam cum vitæ periculo?	329
Cap. X.	De dispensatione in lege positiva.	333
Cap. XI.	Expenduntur reliquæ difficultates circa dispen- sationes, & alias gratias.	342
Cap. XII.	De consuetudine.	351
Cap. XIII.	De Lege humana.	358
Cap. XIV.	De Lege Divina veteri?	368
Cap. XV.	De Lege Evangelica.	389
§. I.	Quid sit Lex Evangelica, & in quo confi- stat?	390
§. II.	Utrum Lex Evangelica sit præceptiva?	395
§. III.	Utrum Lex Evangelica sit alia a veteri.	401.
§. IV.	Utrum Lex Evangelica sit veteri gravior?	414.
§. V.	Utrum in Lege Evangelica dentur consilia?	419.
§. VI.	Utrum Lex Evangelica sit aliquando mutan- da?	425

TRACTATUS

De Fide, Spe, & Caritate.

PRIMA PARS.

De Fide.

Cap. I.	D E definitione Fidei.	427
§. I.	Exponitur definitio fidei ab Apostolo tradita.	ibid.
§. II.	Quomodo fides definiiri possit juxta Dialecticorum leges?	431
§. III.	Consecutaria quædam colliguntur ex definitione fidei.	446
Cap. II.	De interno actu fidei.	453
§. I.	De definitione & proprietatibus interni actus fidei.	ibid.
§. II.	De necessitate interioris actus fidei.	465
§. III.	Satisfit nonnullis difficultatibus circa Symbolum Apostolorum.	471
Cap. III.	De externo actu fidei.	476
Cap. IV.	De peccatis oppositis.	481

SECUNDA PARS.

De Spe.

Cap. I.	D E Spei definitione, objecto, & divisione.	494
Cap. II.	De differentia spei a fide & caritate.	507
Cap. III.	De Spei necessitate.	517
Cap. IV.	De Spei certitudine.	522
Cap. V.	De peccatis oppositis Spei Theologicæ.	528
Cap. VI.	De causis Spei Theologicæ.	539
Cap. VII.	De effectibus Spei Theologicæ, ubi de timore Dei.	541

TERTIA PARS.

De Caritate.

Cap. I.	D E nomine, & definitione Caritatis.	555
Cap. II.	De objectio materiali & formali caritatis.	568
Cap. III.	De necessitate caritatis.	578
§. I.	De præcepto amoris Dei.	579
§. II.	De præcepto amoris proximi.	590
Cap. IV.	De ordine caritatis.	603
Cap. V.	De effectibus caritatis.	612
§. I.	De internis effectibus caritatis.	ibid.
§. II.	De eleemosyna.	619
§. III.	De correctione fraterna.	630
Cap. VI.	De peccatis caritati oppositis.	647
§. I.	De novem primis peccatis caritati oppositis.	648
§. II.	De Scandalo.	654



TRACTATUS

DE

ACTIBUS

HUMANIS.

Theologi vulgo distinguunt inter actionem hominis, & actionem humanam: ab homine quidem utraque procedit, sed illa sine rationis advertentia; ista cum advertentia & humano modo. De posteriori dumtaxat instituitur hic Tractatus.

CAPUT PRIMUM.

De notione actus humani.

Q. **Q**uid est actus humanus?

R. 1. Est actus a voluntate hominis deliberate procedens, Ita S. Th. 1. 2. q. 1. art. 1. *Illæ solæ actiones, inquit, vocantur proprie humane, quarum homo dominus est: est autem dominus suorum actuum per rationem & voluntatem: unde & liberum arbitrium esse dicitur facultas voluntatis & rationis. Illæ ergo actiones proprie humane dicuntur, quæ ex voluntate deliberata procedunt: si autem aliæ actiones homini convenient, possunt dici quidem hominis actiones, sed non proprie humane, cum non sint hominis in quantum homo est.*

Dicitur 1. A voluntate hominis procedens, quod sit vel immediate, vel mediate. Si immediate a voluntate procedat, ut amor, odium, desiderium, &c. actus dicitur elicited: si mediate tantum, ut meditatio, de-

ambulatio, &c. actus dicitur imperatus, quia nec meditatio, nec deambulatio exeunt a voluntate, sed ab aliis potentiis; illa ab intellectu, hæc a facultate motrice. Dicuntur tamen actus a voluntate imperati, quia non procedunt a suis potentiis, nisi imperante voluntate. Ad instar actuum voluntatis, Philosophi ac Theologi distinguunt actus virtutum moralium in elicitos & imperatos, quamvis omnes a voluntate immediate procedant. Actus virtutis elicited est ille, qui immediate a virtute producitur, ut oratio a virtute Religionis: imperatus, qui non nisi mediante alia virtute producitur; sic oratio ad obtinendam veniam peccatorum, est actus poenitentiae imperatus, quia oratio non procedit a poenitentia nisi mediante Religionem, cujus est proprius & elicited actus.

Dicitur 2. *Deliberate*, hoc est, cum advertentia rationis, & ex electione, ac proinde libere.

Actus autem a voluntate procedit, vel consentaneus ad rectam rationem, vel dissentaneus; sub quo respectu dicitur actus moralis.

Ergo in Actu humano tria sunt spectanda, scilicet voluntarium, liberum, & morale; de quibus singillatim agendum.

§. I.

De Voluntario.

Q. *Quid est voluntarium.*

R. Est id, quod fit a principio interno, id est, a voluntate, cognoscente singula in quibus est actio. Ita Philosophi & Theologi summo consensu post Aristotelem, S. Gregorium Nissenum, sanctum Damascenum; ac præcipue S. Bernardus, Tractatu de gratia & libero arbitrio, cap. 2. num. 4. & S. Th. 1. 2. q. 6. art. 1. & 2.

Ergo ad voluntarium duo absolute requiruntur. Primo, debet esse a principio intrinseco; unde violenta tractio in carcerem non est voluntaria in eo, qui trahitur, quia fit a principio extrinseco, nempe a

factore

satellitibus, nec ad eam tractus quidquam confert. Secundo, debet agens, a quo procedit actio voluntaria, agnoscere ea, in quibus versatur ejus actio, singulas nempe circumstantias, locum, finem, tempus, &c.

Dices: actio aliquando est magis voluntaria, etiam si procedat ex minori cognitione & deliberatione: ergo ad voluntarium non pertinet cognitio.

Probatur antecedens: Concupiscentia augeat voluntarium, & causat ignorantiam, seu inadvertentiam, ita ut quo magis ardet concupiscentia, eo actus sit magis voluntarius, & mentis cæcitas major.

Nego anteced. cujus confirmationem distinguo: Concupiscentia causat ignorantiam & inadvertentiam circa ea, quæ ab objecto possent avertere, & impedire actionem, Conc. Circa ea, ad quæ movet concupiscentia, puta delectabilia, Nego. Itaque multa spectanda sunt circa objectum concupiscentiæ, scilicet, bonum sensibile, & delectabile; turpitudine peccati, prohibitio legis, pœnæ, quas Deus minatur. Cum autem hæc posteriora frænum injiciant concupiscentiæ, & motum ejus restringant, efficit, ut peccato inde oculos mentis avertat, & eatenus excæcetur: ad priora vero convertat, nempe ad delectabilia, & attentius ea expendat.

Ergo amor est cæcus, & oculatus, seu perspicax, sub duplici respectu. Nempe oculatus est & perspicax respectu eorum, ad quæ inclinatur; cæcus vero respectu eorum, quorum consideratio motum ejus impediret.

Ergo quem justitia magis delectat, is in bono sapientior est, & in lege Dei scrutanda perspicacior: contra vero qui temporalia concupiscit, in iis prudentius se gerit, juxta illud Lucæ 16. *Filiis hujus sæculi prudentiores filiis lœtis in generatione sua sunt.*

§. II.

De violentia & coactione.

Q. 1. **Q**uotuplex est violentia seu coactio?

R. Duplex, alia absoluta, alia secundum quid, quæ dicitur a S. Thoma coactio. insufficientiens.

Q. 2. Quid est coactio absoluta?

R. Est actio, quæ procedit a principio extrinseco, nihil conferente passo, ut tractio in carcerem, quæ totaliter est a satellitibus.

Q. 3. Quid est coactio insufficientiens, & secundum quid?

R. Est actio, quæ est partim a principio intrinseco, partim ab extrinseco, ut consensus, quem gravis metus extorquet.

Q. 4. Omnis coactio tollitne voluntarium?

R. Absoluta tollit, insufficientiens vero minuit dumtaxat.

Probatur. utraque responsionis pars. Actio voluntaria ex dictis procedit a principio intrinseco, nempe a voluntate: atqui quod fit per coactionem absolutam, ut violenta tractio in carcerem, nullatenus procedit a principio intrinseco: quod autem fit coactione insufficienti, partim est a principio intrinseco seu voluntate; partim a principio extrinseco, puta ab eo, qui per metum extorquet consensum voluntatis. Ergo coactio absoluta voluntarium prorsus excludit, insufficientiens vero minuit dumtaxat.

Quæst. 5. Voluntas potestne cogi coactione absoluta?

R. Non potest quoad actus elicitos. Hæc est responsio omnium Philosophorum & Theologorum, præsertim vero Sancti Bernardi Tract. de grat. & lib. arbitr. cap. 1. 2. 3. 12. &c. Et Sancti Thomæ 1. 2. q. 6. art. 4.

Probatur: quia omnis elicita voluntatis actio est volitio, quemadmodum omnis operatio intellectus est

est intellectio: atqui repugnat volitionem ab alio principio, quam a voluntate procedere, esset autem manifesta contradictio, volitionem non esse quid voluntarium.

Dices: vis seu metus gravis reddit matrimonium nullum: ergo tollit omnino consensum, ac proinde voluntarium.

Dist. conseq. tollit omnino consensum quoad effectum, & vim obligandi, Conc. quoad entitatem, Nego cons. Itaque qui per vim consentit matrimonio, simpliciter voluntarie consentit, estque involuntarius secundum quid dumtaxat. Sed consensus ille, ex dispositione juris positivi, nullam parit obligationem, nulliusque est effectus. Idem dicendum est de voto solemnem ex gravi metu emisso; nam tale votum non ligat vovemtem, etiamsi sit absolute & simpliciter voluntarium.

Confirm. respons. Valet matrimonium, si metus sit iuste incussus, puta si concuprator metu gravioris poenae cogatur ducere virginem a se corruptam: ergo metus non tollit absolute voluntarium.

Ergo apostasia, perjurium, & alia crimina metu extorta, sunt absolute voluntaria, & secundum quid involuntaria; nec proinde omnino excusanda; minus tamen gravia sunt, quia etsi metus non tollat omnino voluntarium, minuit tamen.

Dices: concupiscentia, ex dictis, auget voluntarium, & tamen minuit gravitatem peccati, ergo majus aut minus voluntarium non reddit peccatum gravius aut levius.

Nego cons. nam gravitas aut levitas peccati non solum repetitur ex voluntario, sed etiam ex libero. Porro concupiscentia, dum auget voluntarium, minuit liberum; nam magis inclinat & determinat; minor autem libertas minuit gravitatem peccati.

Ergo, inquires: gratia minuit meritum, quia dum facit nos magis voluntarios in lege Domini, reddit minus indifferentes, ac proinde minus liberos.

Nego cons. namque vera radix meriti est caritas; indifferentia vero, seu potestas agendi & non agendi, est

est conditio requisita ad meritum, quatenus efficit ut homo sit dominus sui actus. Unde quo major est caritas, eo majus sequitur meritum; quia ex intentione caritate actus intensior & perfectior procedit.

§. III.

De Ignorantia.

Q. 1. **Q**uotuplex est ignorantia?

R. Alia est ignorantia juris, alia facti: alia vincibilis, alia invincibilis.

Q. 2. *Quid est ignorantia juris?*

R. Est ea, qua quis ignorat legem, v. g. consanguinitatem, aut affinitatem esse matrimonii impedimentum dirimens. Hæc autem ignorantia vel est juris naturalis, vel juris positivi, sive divini sive humani.

Q. 3. *Quid est ignorantia facti?*

R. Est ea, qua quis, sciens legem, v. g. affinitatem esse matrimonii impedimentum dirimens, nescis eam, cum qua contrahit, esse sibi affinem.

Q. 4. *Quid est ignorantia vincibilis?*

R. Est ignorantia eorum, quæ quis scire potest & debet.

Dico, *debet*: si enim quis ignorat ea quæ scire non tenetur, non est in eo ignorantia, sed mera nescientia, nec negligentia est infimulandus, si non curaverit addiscere. Hinc quod est nescientia in plebe, potest esse ignorantia vincibilis in Pastore.

Q. 5. *Quid est ignorantia invincibilis?*

R. Est ignorantia eorum, quæ quis scire non potest, nec tenetur.

Dico, *nec tenetur*, si quis enim munus temere suscipiat, nec scientiam ad illud exercendum necessariam comparare possit, ignorantia illius non censetur invincibilis, ut ex infra dicendis patebit.

Q. 6. *Quotuplex est ignorantia vincibilis?*

R. Duplex: affectata, quando quis de industria vult nescire, ut liberius peccet; & crassa, ut si quis di-

recte

secte quidem non affectet ignorare, debitam tamen non adhibeat diligentiam, ut ignorantiam vitet?

Q. 7. Ignorantia vincibilis tollit ne voluntarium?

R. 1. Affectatio auget voluntarium, & peccatum; sedem tollat. Ita S. Thom. 1. 2. quæst. 76. art. 4.
 „ Ex intentione ... voluntatis, inquit, ad peccatum
 „ provenit, quod aliquis vult subire ignorantie dam-
 „ num, propter libertatem peccandi.

R. 2. Crassa minuit voluntarium, quia minuit cognitionem; actio enim, quæ procedit a principio minus cognoscente singula, in quibus est actio, est minus voluntaria, ac proinde minus malitiæ continet, juxta illud Luc. 12. „ Servus, qui cognovit volunta-
 „ tem domini sui, & non præparavit, & non fecit
 „ secundum voluntatem ejus, vapulabit multis: qui
 „ autem non cognovit, & fecit digna plagis, vapu-
 „ labit paucis. Et 1. Timoth. cap. 1. Misericordiam Dei
 „ consecutus sum, quia ignorans feci in incredulitate.

R. 3. Ignorantia crassa non tollit absolute voluntarium, nec omnino excusat a peccato, quia est volita saltem indirecte, quatenus nempe qui ea laborat, voluntarie vel omittit diligentiam necessariam ut addiscat, vel suscipit officium, ad quod præstandum non potest adipisci scientiam requisitam. Porro qui vult causam, vult consequenter effectum cum ea necessario conjunctum.

Confirmatur respons. 1. ex Scriptura Luc. 12. mox laudato, qui autem non cognovit, & fecit digna plagis, vapulabit paucis. In lib. Levitici varia sunt instituta sacrificia ad expianda ignorantie peccata. Ps. 25. David petit veniam pro peccatis ignorantie, ignorantias meas ne memineris, Domine.

Confirm. 2. ex Concilio Diospol. in quo damnata fuit hæc Pelagii propositio: Oblivio & ignorantia non subjacent peccato: quoniam non secundum voluntatem eveniunt, sed secundum necessitatem. Contra quam propositionem Patres insurgunt his verbis; Hæc reprobat sancta Synodus, & sancta Catholica Ecclesia. Munc Pelagii errorem in auctore quodam reviviscen-

tem egregie refellit S. Bernardus Tract. de Baptismo ad Hugonem Victorinum cap. 4.

Dic. ex dictis, ubi nulla est cognitio, nullum quoque est voluntarium, nec proinde peccatum: atqui plures nesciunt quæ scire possunt & debent, nec advertunt se nescire; immo existimant, etiam ex aliorum testimonio, se nosse quæ oportet, nec in mentem eorum venit sibi adhibendam esse maiorem diligentiam: ergo ignorantia vincibilis nonnunquam tollit voluntarium & peccatum.

Minor probatur multis exemplis: 1. Judæorum qui ex zelo legis persecuti sunt Christum Dominum: Si enim cognovissent, inquit Apostolus 1. Cor. 2. nunquam Dominum gloriæ crucifixissent. 2. Hæreticorum, ex quibus non pauci solo Dei timore videntur suæ sectæ addicti. 3. multorum tum Judicum, tum Pastorum, & Confessariorum, qui ubi ponunt tenebras lucem, ibi putant se obsequium præstare Deo.

Dist. min. Plures nesciunt nec advertunt se nescire, sed advertere possunt, & debent, Conc. advertere non possunt, nec debent, subdistinguo; & in illa hypothesi ignorantia est invincibilis, qualis est in infidelibus negativis, Conc. & ignorantia illa est invincibilis, Nego min. & conf.

Ad Confirm. resp. 1. Judæos per miracula & prophetias potuisse cognoscere Christum Dominum, juxta illud Jo: 5. Si enim crederetis Moysi, crederetis fortitan & mihi; de me enim ille scripsit. 2. Hæreticos & alios infideles, quibus annuntiatum est Evangelium, si vellent attendere ad notas veræ Religionis, eam in Ecclesia Romana facile esse deprehensuros. Porro Pastores & Judices Catholici multo minus sunt excusandi ob ignorantiam, quam infideles; habent enim libros, de quorum auctoritate non dubitant: habent & qui explicant, si quæ occurrant difficiliora; sed legere negligunt, & audire contemnuunt.

Ex his duo colliges.

Primum: merito a summo Pontifice Alexandro VIII. & a Clero Gallicano anno 1700. damnatam fuisse hanc quorundam Modernorum propositionem: Peccatum

Phi-

Philosophicum seu morale quantumvis grave in eo, qui Deum vel ignorat, vel de Deo actu non cogitat: est grave peccatum, sed non est offensa Dei, neque peccatum mortale dissolvens amicitiam Dei, neque æterna pœna dignum: Quæ propositio ab Illustrissimis Antistitibus notatur ut scandalosa, temeraria, piarum aurium offensiva, & erronea. Quid enim absurdum magis, quam nequissimum peccatorem vix offensam Dei incurrere; quia vix de Deo cogitat: Justum vero sæpius cadere, quia in conspectu Dei sollicitè ambulat; dæmonem in tuto salutem hominum ponere, dum mentis oculos excæcat, & eos falsa boni specie deludit.

Secundum: peccata ignorantie vincibilis, etsi minus malitiæ contineant, majori tamen damnationis periculo exponere, & eatenus quam maxime esse timenda, ut quæ cum impœnitentia finali plerumque sint conjuncta; quis enim illud emendare cogitabit, in quo se peccare non arbitratur? hinc geminæ Ecclesiæ preces; *illumina oculos meos, ne unquam obdormiam in morte, Psal. 12. ab occultis meis munda me, Psal. 18.* hinc firmissimarum Ecclesiæ columnarum tremor, *nihil enim mihi conscius sum, sed non in hoc justificatus sum, 1. Cor. 4. multum timeo occulta mea, quæ norunt oculi tui, mei autem non. Tu nasti de hac re ad regnum cordis mei, & flumina oculorum meorum: S. August. lib. 10. Confessionum cap. 37.*

Q. 8. *Quid observandum ad sedandos graves conscientie motus ex dictis nascentes; suadendumque ignorantiam, si quæ in nobis sit, non esse vincibilem seu voluntariam, nec proinde peccata, quæ inde sequuntur nobis in Dei judicio fore imputanda?*

Q. 1. Quoad ignorantiam juris, communis est Teologorum & Canonistarum doctrina, ut ignorantia non censeatur vincibilis, sufficere eam diligentiam, quæ moraliter sit in hominis potestate, spectatis circumstantiis ejus personæ, & rei tractandæ, quamvis major dari possit: non imputandam ignorantiam scienti, quæ communiter noverunt homines ejusdem professionis, nec requiri, secluso contractu, ut quis excellat inter doctissimos. Hinc Actuarius, seu Notarius,

rius, qui vitiosum scripsit contractum ex ignorantia; quam soli peritissimi vitare potuissent, non peccavit, nec damnum inde secutum resarcire tenetur: contra vero si erravit in iis, quæ facilia sunt, quæque communiter norunt, qui ad illud munus sunt idonei. Idem iudicium esto de Pastore, Confessario, & Advocato; hi quippe si in suis consiliis errent, ubi periti non errarent, peccant, & obnoxii sunt restitutioni; secus si hæc scirentur duntaxat a peritissimis.

Dixi, *secundo contractus*; namque ex Tractatu de Justitia & jure part. 2. cap. 3. sunt contractus, qui requirunt diligentiam singularem, & peritiam excellentem.

R. 2. Quoad ignorantiam facti, qua nonnunquam laborant etiam viri doctissimi. Hæc non videtur vincibilis seu voluntaria, nec proinde imputanda in peccatum iis, qui mandata Dei impense diligunt, omnem culpam summopere timent, instantius orant, ne obrepat, & certam morum regulam, de qua suo loco, sibi præstituunt. Quis vero ante tribunal Christi illius patrocinium suscipias, qui ignorat se eodem spiritu superbiz & cupiditatis pulsari, quem in aliis eum multa eruditione & magna animi fortitudine detegit ac reprehendit?

Q. 9. *Ignorantia invincibilis excludit-ne omnino voluntarium & peccatum?*

R. Excludit, siue illa sit facti, siue juris, etiam naturalis, in hypothesi, quod detur ejusmodi ignorantia.

Probatur: quia ex dictis illud voluntarium non est, quod sit a principio nullatenus cognoscente singula, in quibus est actio: voluntas enim non fertur in incognitum. Atqui agens ex ignorantia invincibili nullatenus cognoscit, nec cognoscere potest ea, in quibus est ejus actio, alioquin ignorantia ejus non esset invincibilis: ergo quod sit ex ignorantia invincibili, prorsus involuntarium est. Porro nullum est peccatum, nisi sit voluntarium; *Usque adeo*, inquit S. Augustinus lib. de vera Religione cap. 4. *peccatum voluntarium est, ut nullo modo sit peccatum, si non sit volunt-*

voluntarium: & hoc ita manifestum, ut nullo doctorum paucitas, nulla indoctorum turba dissentiat.

Confirmatus ex summis Pontificibus Pio V. Gregorio XIII. & Urbano VIII. qui damnarunt sequentes Baji propositiones, *Ad rationem & definitionem peccati non pertinet voluntarium*. Item, *infidelitas negativa in iis, quibus Christus non est predicatus, peccatum est*. Alexander quoque VIII. perstrinxit eundem errorem his propositionibus restitutum. *Prima In statu naturæ lapsæ ad peccatum mortale, & demeritum sufficit illa libertas, quæ voluntarium ac liberum fuit in causâ sua peccato originali, & voluntate Adami peccantis*. *Secunda, Tamest detur ignorantia invincibilis juris naturæ, hæc in statu naturæ lapsæ operantem ex ipsa, non excusat a peccato formali*.

Dixi, etiam juris naturalis, in hypothesis quod detur ejusmodi ignorantia invincibilis: nam quæstio est infra examinanda, utrum revera detur.

Dices 1. peccatum originale est peccatum proprie dictum, quia voluntarium fuit in Adamo: ergo quæ fiunt ex ignorantia invincibili contra legem naturalem, sunt formaliter peccata, cum in Adamo sint æque voluntaria.

Nego consequentiam & paritatem; quia, ex dicendis tractatu de peccatis, peccatum originale est peccatum naturæ, fatisque est ad illud contrahendum, quod natura humana fuerit vitiata in sua origine per voluntatem Adami, in quo, tanquam in capite, omnes continebantur: At quæ fiunt ex ignorantia, sunt actus personales, ac proinde debent esse voluntarii propria voluntate. Peccatum autem personale non potest esse voluntarium propria voluntate, nisi adsit, aut adesse possit & debeat aliqua cognitio. Porro posterius Adam nec debuerunt, nec potuerunt in illo prævidere quæ faciunt ex ignorantia invincibilis: ergo illa non sunt peccata formaliter, sed materialiter duntaxat.

Confirmatur 1. Si sacrilegia, homicidia, adulteria, &c. essent peccata naturæ, iis omnibus homines nascerentur obnoxii, & pro iis parvuli sine Baptismo decedentes penas in altera vita luerent, quod ne ipsi qui-

quidem Adversarii admittunt : ergo ut quis horum censeatur reus, satis non est quod natura in Adamo vitata ad ea inclinet, sed accedat necesse est propriæ voluntatis consensus, qui cum ignorantia invincibili exire nequit.

Confirmatur. 2. Ex concessis Adversariorum, ignorantia invincibilis facti & juris positivi excusat a peccato : atqui illa ignorantia est æque effectus peccati originalis, & æque voluntaria in Adamo, ac ignorantia invincibilis juris naturalis : Ergo.

Dices 2. Sanctus Augustinus pluribus in locis probat ignorantiam invincibilem non excusare ; librum enim de grat. & lib. arbitr. cap. 3. sic habet : *sed & illa ignorantia, quæ non est eorum, quæ scire volunt, sed & eorum, qui tanquam simpliciter nesciunt, neminem sic excusat, ut semiterno igne non ardeat, si propterea non credidit, quia non audivit omnino quod crederet, sed fortassis ut mitius ardeat : non enim sine causa dictum : Effunde iram tuam in gentes quæ te non noverunt. Et epist. 194. alias 105. Inexcusabilis est, inquit, omnis peccator vel vitio originis, vel additamento propriæ voluntatis, siue qui novit, siue qui ignorat. Ergo.*

Distinguo anteced. neminem excusat a peccato originali, quod in Adamo contraxit, Concedo : a peccato actuali, subdistinguo : si scire potuit, Concedo : si scire non potuit, Nego antec. Itaque infideles negativi, juxta mentem Sancti Doctoris, duplici ignorantia laborant, nempe vincibili & invincibili. Ignorantia legis naturalis in ipsis vincibilis est, & ideo peccant, si illam non servant, sed mitius ardebunt, quia illorum peccata minus sunt gravia, utpote ex ignorantia. Servus enim, ait Christus, qui non cognovit voluntatem domini sui, vapulavit paucis : ignorantia vero Legis Evangelicæ, de qua nihil audire potuerunt, invincibilis est, nec proinde in ipsis peccatum formaliter, sed pœna peccati dumtaxat. Quod autem hæc solutio sit ad mentem sancti Augustini, patet tum ex lib. 3. de libero arbitr. cap. 19. tum ex laudata Epist. 194. sic enim habet cit. c. 19. de

de ignorantia juris naturalis, recte fortasse quaereretur (homo) si erroris aut libidinis nullus hominum victor existeret. Cum vero ubique sit praesens, qui multis modis per creaturam sibi Domino servientem, aversum vocet, doceat credentem, diligentem horretur, conantem adjuvet, exandiat deprecantem, non tibi deputatur ad culpam quod invitus ignoras, sed quod negligis quaerere quod ignoras. De ignorantia autem juris positivi, seu legis Evangelicæ, sic scribit laudata epist. 194. in iis, qui intelligere noluerunt, sine dubitatione peccatum est; in iis autem, qui non potuerunt, pana peccati.

Instabis: S. Augustinus impugnat hanc Pelagii propositionem, *oblivio & ignorantia non subjacent peccato*: atqui Pelagius non negavit ignorantiam vincibilem subjacere peccato; idem enim agnoscit S. Augustinus: tractat iste, inquit, de peccatis ignorantiae, & dicit hominem pervigilare debere, ne ignoret, ideoque esse culpandam ignorantiam: Ergo S. Augustinus post Patres Diospolitano contendit ignorantiam invincibilem non excusare a peccato.

Dist. min. Non negavit subjacere peccato ignorantiam naturæ viribus vincibilem; Concedo: vincibilem solo gratiæ auxilio, cujus necessitatem non agnoscebat, Nego minor. Igitur ignorantia, quæ secundum Pelagium erat invincibilis, vinci poterat auxilio gratiæ, quod Deus suppliciter petentibus non denegat, sed Pelagius de viribus liberi arbitrii præsumens negligebat illud auxilium hoc sophismate delusus: Vel possum adhibita diligentia expellere ignorantiae tenebras, vel non possum; si possum & negligo, ignorantia mihi imputatur; si non possum, ignorantia est, non voluntatis, quod peccem. Contra arguit Sanctus Augustinus: illud non dicendum impossibile, quod Deus reddit facile per gratiam suam, quam petentibus misericorditer concedit: „Humana superbia, „ inquit, tamquam præsumens, de viribus liberi arbitrii, excusatam se putat, quando ignorantia est, „ non voluntatis, quod peccat. Potius disputat, quam „ ut oret, & dicat, „ da mihi intellectum, ut discam mandata tua.

Urge-

Urgebis : Atqui Sanctus Augustinus sæpius docet ea, quæ sunt ex ignorantia invincibili esse, peccata : ergo.

Distinguo antecedens, esse peccata metaphorice & denominative, quemadmodum scriptura nonnunquam vocatur manus, quia per manum exarata est, Concedo : proprie & formaliter, Nego antecedens ; & quidem ad mentem Sancti Augustini, qui citato libro de libero arbitrio cap. 19. sic scribit : „ nam illud, quod „ ignorans quisque non recte facit, & quod recte vo- „ lens facere non potest, ideo dicuntur peccata, quia „ de peccato illo liberæ voluntatis originem ducunt. „ Illud enim præcedens meruit ista sequentia ; nam „ sicut linguam dicimus non solum membrum, quod „ movemus in ore, dum loquimur, sed etiam illud, „ quod hujus membri motum consequitur, id est for- „ mam tenoremque verborum, secundum quem modum „ dicitur alia lingua Græca, alia Latina : sic non so- „ lum peccatum illud dicimus, quod proprie vocatur „ peccatum : libera enim voluntate, & absciente com- „ mittitur : sed etiam illud, quod jam de hujus sup- „ plicio consequatur necesse est. „

Dices 3. ex sancto Thoma quodlib. 3. q. 4. art. 2. *in iis quæ pertinent ad fidem & bonos mores nullus excusatur, si sequatur errantem opinionem alicujus Magistri* : ergo ignorantia invincibilis non excusat.

Nego consequ. ibi enim loquitur Sanctus Thomas de eo, qui sequitur opiniones manifeste repugnanter Scripturæ, aut Ecclesiæ auctoritati. „ Qui enim, in- „ quit, assentit opinioni alicujus Magistri contra ma- „ nifestum Scripturæ testimonium, aut contra id, quod „ publice tenetur secundum Ecclesiæ auctoritatem, non „ potest ab erroris vitio excusari. *Et quest. 12. art. 2. ad Si alicui dicat conscientia, ut faciat il- „ lud quod est contra legem Dei : si faciat, peccat, „ quia ignorantia juris non excusat a peccato, nisi „ forte sit ignorantia vincibilis.* „

¶ Q. 1. *Daturne ignorantia invincibilis juris naturalis?*

Nota 1. jus naturale tripliciter spectari posse : 1. in suis

luis principiis, quale est istud, quod tibi non vult fieri, alteri ne feceris. 2. in conclusionibus, quæ proxime deducuntur ex primis principiis, qualia sunt præcepta Decalogi, non occides, non mechaberis; &c. 3. in remotioribus conclusionibus: cujuscmodi sunt usuras, matrimonii indissolubilitas, &c.

Nota 2. Prima principia, & primas conclusiones rursus spectari posse vel simpliciter & absolute, puta, mendacium non dices, vel in quibusdam circumstantiis, v. g. non mentieris, etiamsi proximus ab injusta morte liberari non possit. His prænotatis.

R. 1. Non datur ignorantia invincibilis circa prima principia juris naturalis, neque circa primarias ejus conclusiones.

Probatur 1. auctoritate Sancti Augustini, qui in Ps. 116. sic scribit: „ Nullus est qui faciat injuriam alteri, nisi qui sibi fieri nolit; etenim in hoc transgreditur naturæ legem, quam non finitur ignorare, dum id facis, quod non vult, pati. “ Idipsum agnovit ipse Aristoteles lib. 3. Moral. ubi sic docet: „ quæ agenda, quæve fugienda sunt, nullus improbus ignorat, & hoc ipso vitio improbi & injusti fiunt. Non igitur ideo quisque involuntarie agere dicitur, quia quod expedit, nescit: omnino enim ista ignorantia, qua quis eligit certum aliquod malum, non efficit ut involuntaria sit illa actio, sed ut mala sit; talem enim ignorantiam vitio vertimus. „

Probatur 2. ratione, qua utitur S. Thomas, nempe peccatum naturam humanam prorsus non corrumpit, alioquin homo per peccatum desineret esse homo, & in aliam speciem transmutaretur: atqui si in eo nulum rationis lumen remaneret, quo perciperet prima principia per se nota, jam non esset homo, ergo illa principia ignorare nequit. Porro qui novit prima principia, ex iis facile elicit conclusiones, quæ immediate ex iis sequuntur.

R. 2. Circa conclusiones remotiores juris naturalis, quales sunt prohibitio usuræ, uxorum pluralitas, matrimonii indissolubilitas, etiam interveniente aliqua gravi causa, &c. potest esse ignorantia invincibilis; quia

quia non deducuntur ex primis principiis nisi longiori discursu, ejus moraliter capaces non sunt ut plurimum homines indocti, tardioris ingenii, consuetudine & aliorum exemplo preoccupati.

Dices: Ex Gersonio lib. de vita spiritali, *concors est sententia, nullam in iis quæ legis naturalis sunt, cadere ignorantiam invincibilem, ergo.*

Distinguo anteced. quæ legis naturalis sunt, si spectetur quoad prima principia & primarias conclusiones, Concedo; si spectetur quoad conclusiones remotiores, Nego antecedens. Nam ipsimet Theologi nonnunquam circa illas conclusiones varie opinantur.

R. 3. Conclusiones etiam primariæ juris naturalis in quibusdam circumstantiis aliquando invincibiliter ignorari possunt, v. g. in hypothese quod homicidium, aut oppressio virginis vitari non possit sine mendacio officioso, aliquis sibi certo persuadere potest mendacium in hoc casu non solum esse licitum, sed etiam præceptum.

Advertes tamen difficilius agnoscendam esse ignorantiam invincibilem in iis, quæ juris naturalis sunt, quam quæ juris positivi; qui enim hac ignorantia laboravit, forte diligentiam non adhibuit, non oravit, Deum interius monentem audire contempsit; forte etiam aliquis rationis radius, licet exiguus, ejus mentem perstrinxit, sed dormitantem non excitavit, *Vigiliis continuis*, inquit Sanctus Augustinus lib. 22. de Civitate Dei capite 22. *excubant justi, ne opinio verisimilis fallat, ne decipiat sermo versutus, ne tenebræ alicujus erroris effundant, ne quod malum est, bonum esse credatur.* Unde qui in iis ignorantia peccaverint, non ita facile ab omni culpa excusandi, quam qui ignorantia facti aut juris positivi lapsi fuerint.

Atque hæc de voluntario, quod primo loco in actibus humanis spectari debet.

§. IV.

De Libero.

Q. 1. **V**oluntarium estne idem ac liberum?

R. Minime; crescente enim voluntario per concupiscentiam, minuitur liberum. Nonnunquam tamen S. Augustinus, S. Thomas, & alii liberum & voluntarium confundunt; quia nomen libertatis in varia significatione accipitur. Quando rogavit Christus pro Petro, inquit S. August. lib. de corrept. & grat. cap. 8. ne deficeret fides ejus; quid aliud rogavit, nisi ut haberet in fide liberrimam, invictissimam, perseverantissimamque voluntatem? ubi voluntas maxime voluntaria dicitur liberrima.

Q. 2. Quotuplex est libertas?

R. Duplex: alia dicitur libertas naturæ, alia libertas arbitrii.

Q. 3. Quid est libertas naturæ?

R. Est libertas, per quam habet quævis natura, ut sine obstaculo tendat in suum finem, & bonum sibi conveniens; sic dicimus aquam libere fluere, quando violenter non retinetur: Beatos libere in Deum ferri, quia corpore mortali non prægravantur; & eo sensu Deus dicitur a S. Augustino, & a S. Thoma libere vivere, libere seipsum amare. Ex quibus patet hanc libertatis speciem non excludere necessitatem, & in hac acceptione voluntarium ac liberum aliquando esse quid idem.

Q. 4. Quid est libertas arbitrii?

R. Est potentia activa, quæ, positis omnibus ad agendum prærequisitis, potest agere vel non agere.

Dicitur 1. *potentia*: neque enim est actus, cum homo maneat liber, etiamsi non agat. Neque etiam est habitus; quia idem habitus non inclinatur ad actus contrarios, v. g. ad actum temperantiæ & intemperantiæ: libertas autem arbitrii se habet ad utrumque.

Dicitur 1. *activa*; ut distinguatur libertas arbitrii a potentia passiva, quæ est indifferens ad recipiendam

Habert, Tom. III.

B

hanc

hanc vel illam formam, puta albedinem, aut nigredinem; determinaturque, non a seipsa, sed ab agente eam disponente. At libertas arbitrii est potentia indifferens ad agendum vel non agendum, & sui ipsius determinativa.

Dicitur 3. *positis omnibus ad agendum prærequisitis.* In quo distinguitur causa libera a causis necessariis. Hæ nimirum, quamdiu non ponuntur prærequisita ad agendum, indeterminatæ sunt & indifferentes ad hunc vel illum effectum, v. g. ignis ad comburendum lignum, aut ad liquefaciendum metallum: ubi vero ponuntur, necessario determinatæ sunt ab objectis & dispositionibus: ignis v. g. necessario comburit lignum præparatum, & sibi applicatum. Causæ vero libera, positis omnibus ad agendum prærequisitis, potest suspendere suum actum, nec nisi a seipsa determinatur.

Ad libertatem autem arbitrii exercendam prærequiritur rationis iudicium; ita tamen ut ab ipso voluntas non determinetur necessario, ut advertit S. Bernardus lib. de grat. & lib. arbitr. c. 2. his verbis: *Habet sane (voluntas) quocumque se voluerit, semper rationem comitem, & quodammodo pedissequam, non quod semper ex ratione, sed quod nusquam absque ratione moveatur; ita ut multa faciat per ipsam contra ipsam, hoc est, quasi per ejus ministerium contra ejus consilium, sive iudicium... est vero ratio data voluntati, ut instruat illam, non destruat, destrueret autem, si necessitatem ei ullam imponeret.*

Q. 5. *Quælibet necessitas tollitne libertatem arbitrii?*

R. Physica tollit: moralis non tollit, sed minuit dumtaxat.

Q. 6. *Quid est necessitas physica?*

R. Est ea, qua simpliciter & absolute aliter non possumus agere. Talis est necessitas, qua Beati amore in Deum feruntur.

Q. 7. *Quid est necessitas moralis?*

R. Est ea, quam etsi valeamus superare, numquam tamen superabimus, quia totas vires non sumus adhibaturi. Unde stante ea sola necessitate, habes quis libe-

beram electionem, mereturque vel laudem, si ejus actio fuerit honesta, vel vituperium, si inhonesta. De hac necessitate intelligendus est S. Augustinus Julianum sic alloquens, *Erras, si nullam putas esse peccandi necessitatem: necessitatem, inquam ego, moralem & insufficientem, non physicam & absolutam?*

Q. 8. *Quotplex est libertas arbitrii?*

R. Duplex, nempe contrarietatis, & contradictionis.

Libertas contrarietatis dicitur ea, qua quis potest eligere contraria, bonum & malum: contradictionis, qua quis potest ponere actum, & non ponere, velle & non velle.

Q. 9. *Quotplex est libertas contradictionis?*

R. Duplex, scilicet specificationis, & exercitii.

Libertas specificationis ea est, qua quis potest eligere hunc vel illum specie actum, v. g. jejunium, aut elemosynæ erogationem: exercitii, qua voluntas, etsi necessario determinata ad unum objectum, v. g. Deum amandum, mortem crucis subeundam, indeterminata tamen manet ad hunc vel illum actum, potestque hunc potius eligere, quam alium. Consule quæ ad hujusce divisionis intelligentiam diximus Tom. 2. Tractatu de Incarnatione cap. 8. ubi probavimus libertatem exercitii sufficere ad meritum, cum per ea agens vere sit dominus sui actus, agatque humano modo.

Q. 10. *Quæ arbitrii libertas competit homini?*

R. In statu naturæ sive integræ, sive corruptæ, competit illi libertas contrarietatis & contradictionis, sive specificationis, sive exercitii: in statu vero beatitudinis non competit, nisi libertas contradictionis.

Prima pars probatur 1. ex Scriptura Eccl. 15. *Ante hominem vita & mors, bonum & malum: quod placuerit ei, dabitur illi.* Ex SS. Patribus, ex S. August. lib. de spir. & litt. c. 33. *agit Deus ut velimus & credamus ... sed consentire vel dissentire posse propriæ voluntatis est, & ex S. Bern. cit. cap. lib. de grat. & lib. arb. ubi necessitas, ibi libertas non est; ubi libertas non est, nec meritum, ac per hoc nec judicium ... cum ergo voluntas nil liberum habeat nisi se, merito non judicatur*

nisi ex se. Siquidem nec tardum ingenium, nec labilis memoria, nec inquietus appetitus per se statuunt hominem, sicut nec contraria innocentem; & hoc non ob aliud, nisi quia hæc necessario & præter voluntatem posse provenire probantur. 3. ex Summis Pontificibus Innocentio X. & Alexandro VII. qui tanquam hæreticam damnarunt hancce Jansenii propositionem, ad vitandum & demerendum in statu naturæ lapsæ non requiritur libertas a necessitate, sed sufficit libertas a coactione. Objectiones, quæ contra fieri possunt, vid. Tract. de Gratia cap. 6. §. 7. &c.

Secunda pars probatur; quia libertas contrarietatis ex dictis est facultas agendi contraria bonum & malum: atqui hæc facultas non competit Beatis, cum sint impeccabiles: Ergo.

Q. 11. Quare Beati sunt impeccabiles?

R. Quia voluntas non potest ferri in malum nisi sub ratione boni apparentis; malum quippe ut malum non est appetibile. Unde in hoc statu nullus peccat nisi aliquo modo ignorans & deceptus saltem a propria concupiscentia, juxta illud Sap. 4. *fasciatio ... nugacitatis obscurat bona*, & *inconstantia concupiscentiæ transvertit sensum*; atqui ratio nihil voluntati Beatorum proponere potest contrarium legi æternæ, tanquam bonum apparens & appetibile; cum tam clare & tam perfecte videant Deum esse omne bonum, ut necessario illis appareat malum & fugiendum, quidquid voluntati ejus repugnat.

Q. 12. Sub quo respectu Beati habent libertatem contradictionis, sive specificationis, sive exercitii?

R. 1. Nullam habent respectu visionis intuitivæ, & amoris beatifici, quia ex mox dictis Beati peccare non possunt, nec habent libertatem contrarietatis: atqui defectus est & peccatum libere a Deo averti: ergo. Deinde arbitrii libertas non est respectu ultimi finis; illum enim necessario volumus saltem in genere; sed respectu dumtaxat mediorum: hinc vulgare effatum, *electio non est finis, sed mediorum*: æger v. g. non deliberat an sanitatem eligat; sed illa præsupposita, investigat media, & eligit quæ videntur aptiora ad

ad illam consequendam . Porro visio Dei intuitiva ; & amor beatificus sunt ultimus finis hominis , & proinde sunt actus maxime necessarii .

Nec dicas , homini viatori liberum esse constituere suum ultimum finem in Deo vel in creatura ; illud enim est maxima liberi arbitrii imperfectio , quam ex eo patimur , quod Deum obscure cognoscamus , & alia tanquam bona appetibilia appareant . Unde licet ultimum finem sub ratione generica necessario appetamus , cum tamen in specie libere constituimus in Deo , vel in creatura . Sed ejusmodi infirmitas & imperfectio tolletur in patria , ubi clare & dilucide apparebit malum esse quidquam appetere præter Deum . Interim vero per gratiam minuitur ille defectus , & eo magis , quo plus in virtute proficimus .

R. 2. Beati habent libertatem contradictionis , tum specificationis , tum exercitii , respectu eorum , quæ non sunt necessario conjuncta cum ultimo fine ; quia cum ejusmodi bona non sint summa , sed finita , possunt appeti aut non appeti absque præjudicio legis æternæ . Unde sicut ad perfectionem Dei pertinet , quod necessario amet seipsum utpote summum bonum ; libere vero creaturas , quas non produceret , nec conservaret , nisi vellet : ita ingens perfectio est creaturæ rationalis sic immobiliter & necessario adherere Deo , ut non trahatur more brutorum ab objectis inferioris ordinis .

§. V.

De Morali .

Q. 1. Quid significat nomen illud , Morale ?

R. Quod ad mores pertinet .

Q. 2. Quid est mos ?

R. Mos generatim est frequens operandi modus communis vel generi , puta omnibus animalibus ; vel speciei , v. g. homini .

Mos autem oritur vel ex naturali instinctu & naturæ pondere , vel ex electione voluntatis libere se determinantis ex rationis judicio . Primum constituit

mores animalium, & insensatorum hominum, ut habetur Sap. 12. Secundum vero mores hominum, qui ut tales non agunt nisi ex deliberata voluntate.

Q. 3. *Quid ergo morale dicit præter liberum?*

R. Dicit ordinem & relationem ad naturam rationalem; liberum quippe dupliciter spectari potest, vel præcise, prout deliberate exit a voluntate, vel prout exiti consentanee, vel dissentanee ad naturam rationalem, seu rectam rationem; & sub hoc respectu actus humanus dicitur moralis, bonus, vel malus, laude vel vituperio dignus.

Ergo omne liberum est morale, & vice versa omne morale est liberum, quia omnis actus liber vel est consentaneus naturæ rationali, & secundum rectum rationis iudicium, vel dissentaneus.

Dices: operatio artificialis libera est, nec tamen moralis: ergo omnis actio libera non est moralis.

Nego antec. Neque enim artifex exiit hominem, ut vacet suo operi, sed debet illum perficere, tum secundum artis suæ regulas, tum maxime secundum rectam rationem, omnium actuum humanorum regulam, cui subesse debent omnium disciplinarum regulæ: alioquin actus, licet ad normam artis expressus, erit simpliciter malus, & bonus secundum quid dumtaxat, scilicet in genere artificialium, & artifex ab eo vere denominabitur improbus homo, bonus vero artifex: namque artifices, juxta S. August. lib. 1. Confess. c. 35. *dum foras sequuntur quod faciunt, intus relinquentes a quo facti sunt, exterminant quod facti sunt.* Mirare ergo hominum cæcitatem, qui, ut artes discant, nomenque sapientissimi artificis mercantur, nihil omittunt, sudant, ingenium acuunt, longius peregrinantur, & peritissimos quosque consulunt: cum vix pedem moveant, aut animum applicent, ut vitam recte instituant, ac probi homines evadant; omnia satagunt habere quam optima, præter mores.

Hactenus de actu humano secundum essentiam spectato, nunc, quod caput est, dicendum de morali ejus bonitate & malitia, quæ sunt ejus proprietates.

CAPUT II.

De bonitate & malitia actuum humanorum.

Q. 1. **I**N quo consistunt bonitas & malitia actionis humane?

R. 1. Bonitas seu honestas actionis humane consistit in conformitate & convenientia cum natura rationali, adeo ut recte & ex virtute vivere idem sit homini, ac rationabiliter agere. Res enim quælibet est bona, cum facit ea, ad quæ nata est: *Vitem laudamus*, inquit Seneca, *si fructu palmites onerat* & cum ipso ad terram pondere eorum, quæ tulit, adminicula deducit. In homine laudandum est quod ipse est, consummaturque ejus bonum, si implet, cui natus est: atqui natura hominis est rationalis: ergo bonus est, & bene agit, si rationabiliter & ex recto rationis judicio operatur.

Hæc responsio comprehendit actiones supernaturales; quamvis enim sint supra naturam, ipsi tamen maxime conveniunt, cum ex S. Augustino posse habere fidem, naturæ sit humane, non pecorinæ.

R. 2. Malitia actionis humane consistit in difformitate & repugnantia cum natura rationali. Responsio patet ex præcedenti; nam contrariorum contrariæ sunt rationes; ergo si bonitas actionis humane est ejus conformitas cum natura rationali, malitia est ejus difformitas cum natura rationali.

Q. 2. *Quomodo definitur actio moraliter bona & actio moraliter mala?*

R. Bona definitur, actio humana, libera, naturæ rationali consentanea.

Mala vero, actio humana, libera, naturæ rationali dissentanea, repugnans.

Q. 3. *Unde habet actio humana, quod sit consentanea naturæ rationali?*

R. Ex eo quod illam perficiat; in eo quippe sita est essentia boni relativi, de quo est hic sermo; agitur enim de bono relative ad hominem, non ad pecora.

Q. 4. Quotuplex igitur est bonum?

R. Duplex, absolutum & relativum.

Absolutum, est integritas & perfectio rei secundum se spectatæ. Hanc integritatem laudavit Deus in operibus suis; legitur enim Gen. 1. *viditque Deus cuncta quæ fecerat & erant valde bona*, quia scilicet erant perfectissima in sua specie; nec ulli deerat quidquam ex iis, quæ illius naturæ congruebant.

Relativum, est virtus perficiendi aliud, seu perfectivitas, adeo ut bonum relativum idem sit ac perfectivum.

Q. 5. *Omne bonum absolutum estne etiam bonum relativum respectu cujuslibet naturæ?*

R. Minime: nam calor, qui est bonus igni, nocivus est aquæ: venenum, quod perficit serpentem, corrumpit hominem; denique ex S. Augustino, quod natura est pecoris, vitium est hominis, id est, quod consentaneum naturæ pecorinæ, est dissentaneum naturæ rationali.

Q. 6. *Quenam sunt proprietates boni relativi?*

R. Convenientia & appetibilitas: hoc enim ipso, quo res est alterius perfectiva, est quoque ei conveniens, ac consequenter ab ea appetibilis.

Ergo nihil appetibile aut conveniens, nisi bonum: nullum autem bonum, nisi perfectivum:

Ergo sola actio humana censenda est bona, quæ est hominis perfectiva.

Ergo nec divitiæ, nec voluptas, nec fama seu honores sunt bonum hominis, quia illum non perficiunt, nec reddunt meliorem: immo, si hujusmodi adhæreat, deprimunt, deterioremque efficiunt; quemadmodum enim aurum ex commixtione metalli inferioris sit minoris pretii, sic animus redditur deterior, cum rebus inferioribus agglutinatur. *Fieri non potest*, inquit S. Aug. in Psalm. 32. *ut res deterior te faciat meliorem: deterius te est quidquid cupis, quo beatus esse desideras. Aurum, argentum, quolibet corporalia quibus inhiis acquirendis, fruendis, possidendis, inferiora sunt Potest corpus tuum melius fieri per meliorem (animam;) quia subiectum est corpus animo . . . ut cum*
fue-

fuerit iustus animus tuus, sit postea immortale etiam corpus tuum. . . jam ergo superest ut queras quid melius sit, quam animus tuus. Angelus quidem melior est homine, sed non est bonum hominis, quia non est perfectivus hominis; cum homo non sit formatus ad possidendum Angelum; quemadmodum lumen, quamvis sit melius odore, non potest tamen perficere odoratum, quia adoratus factus non est ad recipiendum lumen.

Ergo Deus est summum bonum cujuslibet rei, quia rerum omnium est summe perfectivus; perfectio enim effectus est assimilari suæ causæ, ex qua haurit quidquid in se habet bonitatis. Porro sicut oculi inter omnia corporis membra, quæ lumine perlustrantur, speciali modo illius capaces sunt, utpote ad illud recipiendum specialiter formati & dispositi; non enim lumine circumfunduntur duntaxat, quemadmodum alia corpora: sed illud percipiunt ac sentiunt, illo fruuntur, delectantur, & ita perficiuntur, ut & ipsi evadant lumina, juxta illud Matth. 6. *Lucerna corporis tui est oculus tuus*; maxima vero sit illis poena & miseria, si in tenebris jaceant. Similiter ex omnibus creaturis, quæ bonitate divina collustrantur, sola mens humana & Angelica efformata est ac ordinata ad illam percipiendam & possidendam cognitione & amore. *Erat lux vera*, ait Evangelista, *quæ illuminat omnem hominem*, nullum vero pecus. Et Apostolus 2. Cor. 3. *Nos vero omnes revelata facie gloriam Domini speculantes, in eandem imaginem transformamur; a claritate in claritatem*, idest, adempto velamine terrenorum, animus ad Deum erigentes, participes efficiamur ejus gloriæ, sapientiæ, ac divinitatis; & in illa claritate in dies proficimus, donec venerit quod perfectum est: *Cum apparuerit, similes ei erimus, quoniam videbimus eum sicuti est*, 1. Joan. 3.

Ergo actus humanus eo est melior, quo magis Deo conjungit, quia naturam rationalem magis perficit: pejor vero, quo magis a Deo avocat; quia naturæ rationali magis repugnant, eamque magis inficit ac corrumpit. Ergo actus mali miserum hominem reddunt; cum

enim sint contrarii & noxii naturæ rationali, non minus illam excruciant, quam pulvis & aliæ sordes oculum corporis: *Et ideo*, inquit Sanctus Aug. concione secunda in Psal. 32. *Perversi sunt homines, qui mali volunt esse, miseri nolunt. Et cum malitiæ sit indivisa comes miseria, isti perversi non solum mali esse volunt, & miseri nolunt, quod fieri non potest: sed ideo volunt mali esse, ne miseri sint. Peccatum est vermis ille, qui in damnatis non moritur, quia corrodendo, malitiam eorum nunquam absumit.*

Ergo observatio mandatorum præsertim legis naturalis est toto corde expetenda, quia naturæ rationali maxime conveniens: ideo autem maxime conveniens, quia ipsius summe perfectiva, ac proinde summe delectabilis: operatio enim, quo perfectior, eo magis delectat, ut infra dicetur. Unde vox est Ecclesiæ: *Dilexi mandata tua super aurum, & topazion. . . Lætabor ergo super eloquia tua, sicut qui invenit spolia multa.* Pl. 118. *desiderabilia super aurum & lapidem pretiosum multum, & dulciora super mel & favum.* Pl. 18. Si quid autem difficultatis & molestiæ nunc sentimus in exequendis Dei mandatis, unde interturbatur hæc justitiæ suavitas, illud oritur ex palato animæ male affecto, & ex colluctatione carnis & spiritus, propter quam vigiliæ, abstinentiæ, & aliæ corporis afflictationes assumendæ sunt veluti collyria, quibus sanatur spiritualis oculus. Sed illa corporalis exercitatio locum non habebit, reparata sanitate: justitiæ vero amor & cultus in æternum manebit, utpote vera hominis perfectio & felicitas: quid est enim possessio Dei, inquit S. Aug. nisi possessio sapientiæ & totius justitiæ? Deus quippe est veritas, & justitiæ plenitudo: ac proinde nostra beatitudo, quæ in possessione Dei consistit, est gaudium de veritate & de justitiâ.

Ergo latum est discrimen inter legem naturalem & leges civiles ac humanas: istæ nimirum plerumque sunt onera, quibus subjeci servitus est, & subduci singularis gratia principis, quia bonum commune, quod spectatur a lege humana, & præsertim attenditur in principe, quandoque pugnat cum bono privato. Contra vero, legem naturalem implere usque ad minimos apices, vera est homi-

hominis libertas, vera felicitas, & maximum Dei beneficium; ipsa quippe est divinus radius legis æternæ, fulgor imaginis Dei, quæ ex sancto Augustino lib. 12. de Trinitate capite 11. *Non custoditur nisi ad ipsum, a quo imprimitur: Ut . . . se homo laudet, ait enarrat. in Pl. 144. arrogantia est: ut Deus se laudet, misericordia est Itaque quoniam hoc nobis prodesse novit, ut amemus eum, laudando se amabilem se facit. Quid ita? quia bonum amando, nos meliores efficiuntur. Hæc est gratia, quam Filius Dei nobis promeruit, quamque continuo postulamus, ut mandata Dei adimpleamus, quia in illis custodiendis salus & perfectio nostra: Deus nihil jubet, quod sibi proficit: sed illi, cui jubet: S. Augustinus Epist. 138. alias 5.*

Dices: 1. Rectitudo seu bonitas artefacti consistit in conformitate ad regulas artis: Ergo & bonitas actionis humanæ in conformitate ad legem quæ est regula morum. Hinc a S. Augustino definitur peccatum, *factum, dictum, vel concupitum contra legem Dei.*

Distinguo anteced. Consistit in conformitate ad regulas artis secundario, Concedo: primario, Nego anteced. Nam opus artificis eo præcise & formaliter est rectum, quo aptum & concinnatum usui, ad quem destinatur; domus v. g. tum perfecte ædificata censetur, cum est commoda & bene disposita ad habitandum. Per applicationem vero regularum, tanquam per mensuram cognoscitur domus habere perfectionem, quæ ei competit; proindeque conformitas cum regulis est quid consequens ipsam operis perfectionem. Similiter actio humana bona est præcise, quia conformis est naturæ rationali: sed bonitas illa deprehenditur vel per conscientie testimonium, vel per legis applicationem, cui si contraria reperiatur, recte judicatur mala, & ita potius definiri peccatum per oppositionem ad legem, tanquam per aliquid consequens & magis notum.

Instabis: 1. Actio mala non est, nisi intelligatur facta contra aliquam prohibitionem: ergo malitia primario consistit in difformitate ad legem.

Nego anteced. Quia nonnulla sunt per se mala, &

ideo prohibita: cur enim v. g. lex æterna prohibet mendacium, nisi quia per se malum est: ergo prius mendacium intelligitur malum, quam intelligatur prohiberi. Cur vero per se malum est, nisi quia repugnat naturæ divinæ, & imagini ejus scilicet, naturæ rationali?

Instabis 2. Actio humana contra legem positivam, v. g. manducare carnes die veneris, agrum colere die festo, non est mala, nisi quia prohibetur; sublata enim prohibitione, licitum erit illis diebus carnes manducare, & agrum colere: ergo malitia ejusmodi actionum non consistit in difformitate cum natura rationali, sed cum lege.

Nego. conseq. Quia non obedire legitimæ potestati, est res per se mala, & repugnans naturæ rationali & divinæ.

Dices 2. Perfectio imaginis consistit in conformitate cum suo exemplari: defectus vero in difformitate: atqui Deus est exemplar rerum omnium: ergo perfectio seu bonitas actionum nostrarum reponenda est in conformitate cum bonitate divina, ac consequenter cum lege æterna, seu voluntate divina.

Confirmatur: actio contraria naturæ rationali habet rationem offensæ Dei: atqui offensæ Dei intelligi non potest, nisi actio facta sit contra legem æternam, & Dei voluntatem: ergo actio humana eo præcise bona vel mala est, quo sit secundum, vel contra legem æternam.

Respondeo concedendo primum argumentum: quidquid enim conforme vel difforme est imagini, eo ipso censetur conforme, vel difforme ejus prototypo, seu exemplari. Perinde ergo est reponere bonitatem, & malitiam actionum humanarum in conformitate & difformitate, sive cum natura rationali, sive cum natura divina, quia quod convenit aut repugnant uni, convenit & repugnat alteri, cum altera habeat rationem exemplaris, altera vero imaginis. Unde lex naturalis nihil est aliud, quam impressio divinæ bonitatis, & radius quidam legis æternæ, quam S. Bernardus vocat legem Dei, adeo ut conveniat homini eadem probare & improbare, velle & nolle, quæ Deus probat, & improbat, amat & rejicit.

Aptius

Aptius tamen exprimitur bonitas, & malitia actionum humanarum per conformitatem & difformitatem cum natura rationali, quam cum natura divina; quia cum bonitas divina alio modo participetur ab homine, quam a creaturis inferioribus, multaque fiant ab istis naturæ suæ conformis, ac consequenter legi æternæ, quæ tamen essent vitia in natura rationali, debuit potius definiri bonitas, aut malitia actionis humanæ per conformitatem, aut difformitatem cum natura rationali.

Ad confirmationem respondeo, actionem rationali naturæ repugnantem vere esse offensam Dei, quia est contra ejus bonitatem, ac consequenter contra legem æternam.

Instabis ex S. Augustino Enchir. cap. 103. *Aliquando bona voluntate homo vult aliquid, quod Deus non vult . . . tanquam si bonus filius patrem velit vivere, quem Deus bona voluntate vult mori. Et rursus fieri potest, ut hoc velit homo voluntate mala, quod Deus vult bona: velut si malus filius velit mori patrem, velit hoc etiam Deus.* Ergo quæ conveniunt naturæ rationali, non semper conformia sunt bonitati divinæ, & legi æternæ.

Dist. conseq. Non semper conformia sunt in objecto formali, seu in re volita, Concedo: In objecto formali, seu in ratione & modo volendi, Nego conseq. Itaque cum Deus voluntate optima & rectissima voluerit mortem patris alicujus, voluntas ejus non potest honeste displicere voluntati filii. Sed si spectetur objectum materiale, seu res volita, filius non solum potest, sed etiam debet nolle mortem patris, saltem voluntate conditionata, licet Deus illam absolute velit, quia ejusmodi conditionata voluntas non est contraria divinæ: Deus enim posuit necessitudines inter propinquos & amicos, efficitque propensiones voluntatum ad invicem, quemadmodum inclinat membrum corporis, v.g. brachium ad sui conservationem, ita tamen ut paratum sit se exponere pro salute capitis. Immo nec Deus ipse secum pugnat, cum voluntate antecedenti & conditionata vult omnes homines salvos fieri, cum tamen plures ex his damnare decreverit: sicut nec Judex sibi ipsi est contra-

rius,

rius, dum mortì addicit reum, quem velles vivere; ista quippe sub diversis rationibus appetuntur, in quibus voluntas humana, si recta sit, semper est conformis divinæ.

Dices 3. Si quis ex ignorantia invincibili credat sibi mentiendum esse, ut erat proximum a periculo mortis, actio illa est difformis naturæ humanæ, nec tamen mala est: ergo malitia actionis non est difformitas cum natura humana.

Dist. ant. Est difformis materialiter, Conc. formaliter, Nego ant. Convenit enim naturæ rationali, ut operemur secundum quod ratio dicit post adhibitam, quam possumus, diligentiam. Porro qui errat in hac vel simili hypothesi, non minus est laudandus, quam artifex, qui opus suum perficit secundum regulas artis, sed in materia, cujus vitium cavere non potuit, nec debuit.

C A P U T III

*Utrum omnis humana actio sit bona vel mala,
nec ulla sit indifferens?*

QUæstio esse nequit de actionibus indeliberatis, & sine advertentia elicitis, quia cum humanæ non sint, hoc est, nec liberæ, nec morales; bonitas aut malitia moralis non potest eis competere. In confesso est apud omnes dari actiones humanas ex objecto plane indifferentes, hoc est, actiones, quæ versantur circa objecta nec bonæ, nec mala, cujusmodi sunt ambulatio, lectio & plures actiones ludicræ.

Controversia itaque, & quidem celebris est in Scholis tum Philosophicis, tum Theologicis, utrum actiones humanæ ex objecto indifferentes, possint quoque esse formaliter indifferentes in individuo, seu in exercitio. Ad quam dirimendam.

Nota bonitatem & malitiam actuum humanorum non repeti ex objecto dumtaxat, sed etiam ex fine & cir-

circumstantiis, adeo ut actio possit esse indifferens, vel etiam bona ex objecto, mala autem vel ex circumstantiis, ut ludere, & confabulari in Templo, vel ex fine, ut legere ad ostentationem, scilicet, ut in litteris versatus appareas. His præmissis, ad propositam questionem

R. 1. Vix in hocce statu naturæ corruptæ datur actio ex objecto indifferens, quæ in individuo non fiat mala aut bona, ex fine aut circumstantiis.

Prob. Quia omnis actio, quæ vel procedit ex concupiscentia & cupiditate, vel quæ caret debitis circumstantiis, proculdubio mala est: atqui in hocce naturæ corruptæ statu, nisi ratio invigilet, attendatque ad honestatem, ut bene & laudabiliter ejusmodi actiones fiant, semper aut fere semper vel procedunt ex concupiscentia, hoc est, ex motivo superbiæ, vanitatis, cupiditatis, & voluptatis, vel saltem carent debitis circumstantiis: ergo semper, aut fere semper malæ sunt, nisi ad honestatē dirigantur.

Major probatur 1. ex Scriptura, Ecclesiastici cap. 18. *Post concupiscentias tuas non-eas, & a voluntate tua avertere.* 2. Ex Clero Gassicano, qui anno 1700. hanc propositionem jam ab Innocent. XI. proscriptam ann. 1679. *Comedere & bibere usque ad satietatem ob solam voluptatem, non est peccatum, modo non obsit valetudinis, quia licite potest appetitus naturalis suis affectibus frui*, hæc censura notavit, hæc propositio temeraria est, scandalosa, & perniciofa, & ab Episcopi schola ableganda. 3. Quia mala arbor malos fructus facit, Matth. 7. Atqui concupiscentia est mala arbor, ex S. Augustino passim contra Julianum & alios & Pelagianos: Ergo. Præterea bonum est ex integra causa, malum vero ex minimo defectu: ergo si humana actio fiat sine omnibus circumstantiis debitis, mala est absque dubio.

Minor probatur 1. Quia in hoc statu caro concupiscit adversus spiritum, sensus & passionēs non expectant rationis imperium, sed præveniunt; ac proinde dormitante ratione, dominantur concupiscentia & carnales animi affectus. Deinde fere semper ejusmodi actiones inordinate sunt ex aliqua circumstantia. 1.

In iis plerumque perditur tempus, cujus jactura peior est quam pecuniae. Hæc de causa Christus Matth. cap. 12. omne verbum otiosum damnat: *Manet nos*, inquit Tertullianus lib. de patientia cap. 8. *omnis vani & supervacui dicitur reatus*. Et S. Casarius homil. 30. *Si extra Ecclesiam occupari otiosis sermonibus, malum est, quanto magis in Ecclesia?* S. quoque Bernardus sermone de triplici custodia, ait: *nemo vestrum, fratres, pauci aestimet tempus, quod in verbis consumitur otiosis*. 2. Actiones ex objecto indifferentes, nisi ratione regantur, mentem phantasmatibus obnubilant, & rebus terrenis implicant, minusque ad divina reddunt expeditam. Quis autem indifferentes dixerit actiones adeo noxias? Restat ergo questionem esse de iis actionibus, quibus naturæ indulgetur, secluso omni motivo honestatis & turpitudinis, nulla dominante cupiditate, nullave interveniente circumstantia mala, quæ hypothesis potius pertinet ad statum naturæ innocentis, quam ad præsentem. Utrum autem ejusmodi actiones, si dentur, sint indifferentes in individuo, aut in exercitio?

R. 2. Ejusmodi actiones non sunt indifferentes, quia homo non est purum animal, sed animal rationale: ergo tenetur humano modo, idest, rationabiliter naturæ infirmitatem juvare, & necessitatibus ejus subvenire. Quod si in hujusmodi more pecudum sensibus deserviat, imaginem Dei in se deturpat, & naturam rationalem deformat: *Honor hominis verus*, inquit supra S. Aug. *est imago ... Dei, quæ non custoditur, nisi ad ipsum, a quo imprimetur*; dedecus vero ejus similitudo pecoris, dum ad ima propellitur, id est, ad ea, quibus pecora delectantur.

Confirm. ex S. Bern. serm. 36. in Cant. *Sunt*, inquit, *qui scire volunt eo tantum fine, ut sciant: & turpis curiositas est*.

Porro quid magis conveniens naturæ rationali, quam scire, cum id maxime appetat? Attamen turpe est id velle, juxta S. D. nisi adsit aliquod motivum honestum, scilicet, vel ut ædificemur ipsi, vel ut alios ædificemus. Audiamus ergo Apostolum, his verbis graves

monentem 1. ad Cor. 10. v. 31. *Sive ergo manducatis, sive bibitis, sive aliud quid facitis, omnia in gloriam Dei facite.*

C A P U T IV.

De objecto Actuum humanorum.

Diximus bonitatem & malitiam ex triplici capite repeti, nempe ex objecto, circumstantiis & fine. Cur autem & quomodo objectum conferat ad bonitatem & malitiam actuum humanorum, hic demonstrandum suscipimus. Itaque

Q. 1. *Quare bonitas & malitia Actuum humanorum desumuntur ab objecto?*

R. Quia actus formam & speciem ab eo recipiunt; visio v. gr. differt essentialiter ab auditu, estque eo melior & nobilior, quia habet objectum nobilius: ergo si objectum actus humani sit bonum aut malum, actus similiter erit bonus aut malus.

Confirm. resp. ex amore, prima radice omnium actuum humanorum, cuius proprium est transferre amantem in amatum, juxta illud Osee 9. *Facti sunt abominabiles, sicut ea que dilexerunt.* Et S. August. tract. 2, in 1. S. Jo: num. 14. *Talis est quisque, inquit, qualis ejus dilectio est. Terram diligis? terra es: Deum diligis? quid dicam? Deus eris.*

Q. 2. *Quotuplex est objectum?*

R. Duplex, materiale, & formale.

Materiale est id, circa quod versatur actio, v. gr. miseria pauperis est objectum materiale actus misericordiae, quia circa illam versatur.

Formale est ratio, sub qua actio tendit in objectum; sic sublevatio pauperis est objectum formale actus misericordiae, quia misericordia tendit in pauperem sublevandum.

Q. 3. *Ex quonam objecto actus desumit suam bonitatem, aut malitiam?*

R. Ex

R. Ex utroque, sed præcipue ex objecto formali.

Prob. 1. De materiali, quia quo objectum materiale est præstantius, eo perfectior actus existit, ceteris paribus; quo vero naturæ rationali magis repugnat, eo actus est peior. Hinc amor Dei melior est amore proximi, licet uterque habeat idem objectum formale, nempe bonitatem Dei, & odium Dei peius est odio proximi. Deinde objectum per se malum puta mendacium, reddit actum malum, etiamsi voluntas in illud feratur motivo honesto, v. g. caritatis.

Prob. 2. de objecto formali, ex S. Aug. tract. 17. in 1. S. Joannis: *Non quid faciat homo, inquit, considerandum est, sed quo animo & voluntate faciat. In eodem facto invenimus Deum Patrem, in quo invenimus Judam: benedicimus caritatem, in qua Pater Filium, & Filius seipsum tradiderunt: detestamur iniquitatem, qua Judas Dominum.*

Præterea objectum materiale vel est per se indifferens, ut deambulatio, & sic nullam actui tribuere potest bonitatem, nisi ratione objecti formalis, ut si fiat ambulatio motivo religionis: vel est per se bonum, ut sacrum audire, parentes colere, nec sic reddit actionem bonam, nisi voluntas moveatur bonitate objecti formalis, (quod ideo dicitur objectum motivum) audiaturque sacrum motivo religionis, colantur parentes motivo pietatis: qui enim indifferenter ista præstaret, actio ejus non esset bona.

Q. 4. *Quæ mentis attentio & intentio requiritur ut objectum formale seu motivum bonitatem conferat operi?*

Advertes quadruplicem distingui intentionem. Prima dicitur interpretativa, cum quis ita est affectus, ut si tale motivum in mentem veniret, ex illo operaretur. Secunda est habitualis, ut in amente, qui multa facit ex habitu, quem sanus contraxerat. Tertia est actualis, cum quis actu advertit honestatem objecti, & ex ea movetur. Quarta est virtualis, estque effectus actualis intentionis, quæ præcessit; ut in Concionatore, qui ex actuali motivo caritatis concio-

cionari incipit, sed in decursu totus est ad persuadendum, non attendens amplius ad pulchritudinem caritatis. Intentio tamen actualis, quæ præcessit, dicitur virtualiter manere, quia virtute illius concionem prosequitur. His præmissis,

R. 1. Intentio interpretativa nullam actibus tribuit bonitatem, quia in illos nullatenus influit. Deinde non sufficit ad culpam, nec enim Deus quenquam condemnabit propter mala, quæ fecisset, si hæc aut illæ occasiones occurrissent: ergo multo minus sufficit ad bonitatem, quæ plus voluntarii & liberi requirit.

R. 2. Habitualis intentio præcise sumpta nullam actibus confert bonitatem aut malitiam, quia actiones, quæ sunt ex habitu, nec sunt liberæ, nec morales, nec proinde capaces bonitatis, aut malitiæ; quod videre est in allato amentis exemplo, qui multa dicit aut facit ex habitu, propter quæ non meretur laudem, aut vituperium.

Dices: Qui sæpius pejerat ex habitu, toties peccat, etiamsi non advertat se pejerare.

Distinguo antecedens, Si consuetudinem non retractaverit, voluntarieque remaneat habitus, Concedo; Quia qui vult libere causam, censetur velle cetera, quæ inde consequi ignorare non potest: peccat, si habitum retractaverit; Nego antecedens: actiones enim, quæ sine advertentia procedunt ex habitu, quem patitur quis contra voluntatem, nec sunt voluntariæ, nec liberæ.

R. 3. Actualis intentio non est necessaria, sed virtualis sufficit, ut actiones virtute illius elicitæ sint bonæ moraliter.

Probatur 1. Auctoritate S. Thomæ lib. 3. cont. gent. cap. 138. in quo sic habet: *Voluntas præcedens actum, manet virtute in tota consecutione actus, & ipsum laudabilem reddit, etiam quando de proposito voluntatis, propter quod actus incipit, in executione operis non cogitatur; non enim oportet quod qui propter Deum iter arripuit, in qualibet parte itineris de Deo cogitet actum.* 2. Talis est operandi modus hominis, & si

& si quid ultra ab eo exigatur, plusquam humanum est: operarius, verbi gratia, tota die de mercede cogitare nequit, nec peregrinus de patria, ad quam tendit, & nihilominus ille tota die operatur mercedis amore, & iste pergit patriæ desiderio.

Ex quibus sic argumentari licet: illud opus vere est bonum, quod fit ex motivo honesto: atqui opus, quod fit propter Deum virtute præcedentis actualis intentionis, est ex motivo honesto: ergo vere est bonum.

Q. 5. *Quandonam recta intentio, quæ mane præcessit, censetur per totam diem virtualiter manere, bonitatemque conferre singulis diei operibus?*

R. 1. Cum sancto Bonaventura in 2. dist. 41. art. 1. quæst. 3. Satis non est, quod quis mane afferat Deo quidquid per diem facturum est, nisi pius ille affectus innuat in singula ejus opera; quia alioquin non essent effectus, sed objectum præcedentis voluntatis: atqui objectum non desumit bonitatem ullam a bona voluntate, quæ circa illud versatur, nec enim aliorum actiones meliores evadunt ex eo quod caritatis affectu illas Deo offeram, cum non procedant ex bona mea voluntate:

R. 2. Ut intentio, quæ quis mane intendit omnia opera referre ad Dei gloriam, sit efficax, comprimat necesse est quoslibet contrarios affectus, quibus mens præveniri solet, puta lucri faciendi, voluptatis captandæ, famæ consequendæ, &c. ac sola ubique dominetur; alias sequentia opera non essent ejus effectus, sed cupiditatis.

R. 3. Quantumcumque matutinis horis ferveat hujusmodi intentio, vix tamen erit causa omnium operum nisi identidem iteretur, præsertim si opera illa varia sint ac disparata, & operans modicam habeat virtutem. Et ratio est, quia corpus, quod corrumpitur, aggravat animam, & caro continuo concupiscit adversus spiritum. Unde sicut aqua ad ignem semel calefacta, paulatim tepescit, ac tandem frigescit propter naturalem ad frigus propensionem; sic & intentio nostra sensim remittitur, nisi per certa temporis in-

tervalla nos ipsos admoneamus, & mentem ad Deum erigamus.

Dixi 1. *Præsertim, si opera illa varia sint ac disparata*: Nam si quis per totum diem vacaret unico operi, v. g. peregrinaretur motivo religionis, vel litteris operam daret ex affectu caritatis, facilius intelligeretur perseverare pia intentio, maxime si in initio remissa non fuerit, nec contrario affectu, puta vanitatis, oppugnetur.

Dixi 2. *Et operans modicam habeat Virtutem*; diuturnior enim esse potest recta intentio in viris sanctis: tum quia ardentius in Deum feruntur, nec proinde tam cito tepescunt: tum quia passionibus in illis moderatiores sunt, nec ita acriter rationem impugnant: quemadmodum enim globus semel percussus, diutius ac longius volvitur in via declivi, quam in acclivi, sic & pia affectio constantior esse solet in animo propenso in bonum, quam in repugnante. Hæc est salutis via, quam quisquis non tenuerit, errat, & in vanum currit; non enim qui spiritu suo agunt, sed quotquot Spiritu Dei aguntur, hi sunt filii Dei. Augustinus in Psalm. 118.

C A P U T V.

De circumstantiis actuum humanorum.

Q. 1. **Q**uid sunt circumstantiæ actuum humanorum?

R. Sunt quædam conditiones morales, quæ circumstant & comitantur actum humanum, ut tempus quo, & locus ubi producuntur.

Q. 2. *Quare bonitas & malitia actuum humanorum desumuntur ex circumstantiis?*

R. Quia sicut dantur objecta consentanea, aut dissentanea naturæ rationali; ita & circumstantiæ. Si enim decet v. g. vestire nudum, quod est objectum misericordiæ, multo magis si nudus ille sit Sacerdos, quæ

quæ est circumstantia hujusce actus misericordiæ. Item si turpe est spoliare proximum, turpis si pauper sit, si Sacerdos. Primum pertinet ad objectum injustitiæ, cetera habent rationem circumstantiarum.

Confirmatur. Bonitas operis naturæ, v. g. equi, non consistit in sola equi essentia, sed ex variis accidentibus, membrorum proportionem exurgit. Perfectio quoque artefacti præter figuram, quæ est forma artificialis, complectitur varium ornatum, concinuum partium habitudinem & dispositionem. Ergo similiter bonitas moralis actuum humanorum non a solo objecto, a quo formam & speciem accipiunt, ut diximus, sed & ab adjunctarum circumstantiarum concursu petenda est, v. gr. si congruant personæ, loco, tempori, &c.

Q. 3. Quot sunt circumstantiæ actuum humanorum?

R. Septem vulgo numerantur, sequenti versu expressæ:

Quis, quid, ubi, quibus auxiliis, cur, quomodo, quando.

Quis, significat conditionem operantis, si justus aut peccator eleemosynam tribuat; si conjugatus aut voto strictus fornicetur.

Quid, denotat conditionem objecti, an magna, aut levis plaga sit inflicta; an res furto sublata sit sacra, aut profana; an odium contra totam familiam exarserit, vel contra privatam personam.

Ubi, locum designat, an peccatum commissum sit in loco sacro, vel profano.

Quibus auxiliis; v. g. quibus instrumentis usus sit homicida; inde enim colligitur, num homicidium fuerit casuale, aut voluntarium; an consulens proximi commodo, mendacium adhibuerit, ex hac quippe circumstantia actus efficitur malus, quia ex sancto August. libro contra mendacium, cap. 7. num. 18. *Quæ constant esse peccata, nullo bonæ causæ obtentu; nullo quasi bono fine, nulla velut bona intentione facienda sunt.*

Cur, Exprimit finem extrinsecum, qui est accidentalis actui, quippe dicitur finis operantis, v. g. cur largitus est eleemosynam, an ut Deo satisfacere pro peccatis.

Quomodo, notat modum actionis, an facta sit remissa aut intense, an ex malitia aut ex ignorantia & infirmitate, an ex negligentia, aut ex contemptu.

Quando, significat tempus, utrum v. gr. die festo quis inebriatus sit, agrum proximi messuerit; quia in posteriori exemplo actus pugnat contra iustitiam simul & religionem; in priori vero contra temperantiam & religionem.

Q. 4. *Quid observandum circa circumstantias?*

R. Expendendum an novam addant speciem bonitatis, aut malitiae; an augeant duntaxat, aut minuant, sive notabiliter, sive leviter intra eandem speciem.

Q. 5. *Quandonnam circumstantiae novam addunt speciem bonitatis aut malitiae, vel augent duntaxat?*

R. 1. Addunt novam speciem bonitatis, aut malitiae, quando efficiunt, ut actus vel pertineat ad diversas virtutes, vel contra eas pugnet. Sic circumstantia Sacerdotis in paupere sublevando efficit, ut elemosyna pertineat ad misericordiam, & ad religionem. Similiter malitia furti in loco sacro, est contra iustitiam & religionem propter circumstantiam loci.

Hinc in genere moris plures peccati species possunt concurrere in uno & eodem actu, propter multiplices ejus circumstantias, ut patet in Sacerdote, qui ad peccandum induxit suam consanguineam conjugem. 1. enim peccavit contra caritatem, ratione scandalii, quo induxit aliam personam ad peccandum, 2. contra castitatem. 3. contra religionem, ut qui sit persona sacra. 4. contra iustitiam erga maritum. 5. contra reverentiam consanguineis debitam, quod peccatum dicitur incestus. Et haec accurate sunt observanda, cum in Sacramentali Confessione explicari debeant, ex definitione Concilii Tridentini sess. 14. can. 7. his verbis: *Si quis dixerit, in Sacramento poenitentiae ad remissionem peccatorum necessarium non esse jure divino confiteri omnia & singula peccata mortalia . . . & circumstantias, quae peccati speciem mutant . . . anathema sit.*

Dixi, quando pugnat contra aliam specie virtutem, non

non vero contra duo præcepta eandem virtutem spectantia, ut contingeret in eo, qui jejunium quadragesimale violaret iis diebus, quibus occurrunt jejunia Quatuor Temporum; is enim unius specie peccati reus esset, quia duo illa jejunii præcepta eodem die occurrentia ad unam pertinent virtutem. Secus si solvens jejunium quadragesimale, ex alia virtute adstringeretur præcepto jejunii, puta ex religione voti, vel ex injuncta a Confessario satisfactione; cum enim diversa illa præcepta spectent diversas virtutes, violatio jejunii quadragesimalis in illo casu esset duplex specie peccatum.

R. 2. Circumstantiæ augent vel minuunt notabiliter bonitatem, sive malitiam actus intra eandem speciem virtutis sive peccati, quando longe major aut minor est honestas sive turpitudine in cultu, aut violatione ejusdem virtutis. Sin longe laudabilior est qui pauperem sublevar ex necessariis, quam qui ex superfluis; qui cum fervore perseverat in bono opere arduo & difficili, quam qui remisse & leviter illud attingit. Contra vero gravius peccat contra justitiam, qui furatur ingentem pecuniæ summam, quam qui modicam: qui, cum Sacerdos sit, peccat contra castitatem & religionem, quam qui Diaconatu, aut Subdiaconatu duntaxat est initiatus. Utrum autem ejusmodi circumstantiæ, quæ notabiliter peccatum aggravant, in Confessione sacramentali sint explicandæ, expendetur ubi de Pœnitentia.

Q. 6. *Quid requiritur, ut actus humanus bonitatem aut malitiam ex circumstantiis trahat?*

R. Ut conferant actui bonitatem, necesse est, ut sint prævisæ, & aliquo modo intentæ, quatenus honestæ sunt; quia ex dictis nulla est bonitas moralis nisi sit voluntaria. Ut autem conferant malitiam, satis est, quod cum vitari possint & debeant, nihilominus voluntas illas vitare negligat; malum quippe est nolle declinare a malo. Hinc qui dateleemosynam Sacerdoti, non attendens circumstantiam personæ, non elicit actum religionis, sed misericordiæ duntaxat. Qui vero eum percutit, nullam Sacerdotii habens ratio-

tionem, peccat simul contra justitiam, & religionem : Et ratio hujusce discriminis est quod bene sit quædam perfectio, quæ in actibus humanis elucere non potest sine aliqua diligentia & conatu voluntatis : male vero agere sit defectus qui sequitur negligentiam & socordiam.

Dices : Actio bona ab homine justo elicitæ, est meritoria, etiam si justus non advertat ad meritum : ergo circumstantiæ conferunt bonitatem actioni, quamvis nec cognoscantur, nec intendantur.

Nego consequ. Quia meritum ac demeritum sunt quid necessario consequens opus bonum, vel malum independentem ab intentione agentis : eo enim ipso quis meretur laudem, aut vituperium, quo voluntarie & libere facit ea, quæ sunt naturæ rationali consentanea aut dissimilanea. Immo plus meretur præmii, si gratuito velit operari, quia opus ejus est magis voluntarium, & ex intensiori amore proficiscitur.

C A P U T VI.

De fine actuum humanorum.

Finis in moralibus primum locum obtinet : Non valde attendas quid faciat homo, sed quid, cum facit, aspiciat, inquit S. Augustinus in Psal. 31. & S. Thomas 1. 2. q. 1. art. 3. *Actus dicuntur humani*, inquit, *in quantum procedunt a voluntate deliberata : objectum autem voluntatis est bonum & finis, & ideo manifestum est, quod principium humanorum actuum, in quantum sunt humani, est finis. Quamobrem operæ præmium est, ut de fine accuratius disseramus. Ac 1. quidem dicemus de varia finis acceptione : 2. de ejus definitione : 3. de effectibus : 4. de divisione : 5. speciatim de ultimo fine, qui est nobilissima finis species, & hominis beatitudo.*

§. I.

De varia acceptione finis.

Q. 1. **Q**uestio duplex est finis acceptio?

R. Finis dupliciter accipitur. 1. improprie pro termino cuiusque rei, etiam si ille non intendatur, hoc sensu mors dicitur finis vitæ, vespera finis diei: 2. proprie pro bono, in quo tendit agens, & quo obtento, cessat motus ejus.

Ergo finis proprie dictus habet rationem causæ & termini: causæ quidem, quia incitat & movet ad operandum, v. g. sanitas intenta ad quærenda & accipienda remedia: termini quoque, quia obtento fine agens quiescit. Ita S. Thomas citat. art. 3. *Id ad quod terminatur actus humanus, inquit, est id quod voluntas intendit tanquam finem.*

Dices: Ex præcedenti capite, finis numeratur inter circumstantias actus humani: Ergo non est prima ejus causa.

Dist. antec. Actus humani imperati, Conc. Actus humani imperantis, Nego antec. In agente vero propter finem formaliter, duo sunt distinguendi actus: alter imperans & elicited, nempe intentio seu desiderium efficax obtinendi finis: alter imperatus, scilicet electio & usus mediorum ad obtinendum finem.

Porro finis est circumstantia actus imperati, tribuitque illi bonitatem, vel malitiam accidentalem; causa vero motiva actus imperantis conferens illi speciem seu bonitatem, vel malitiam essentialem.

Responsio elucidabitur quibusdam exemplis. Qui largitur eleemosynam ad obtinendum remissionem peccatorum, duos elicit actus; alterum imperantem, qui versatur circa finem, estque intentio obtinendæ remissionis peccatorum, & hujusce actus causa motiva est remissio peccatorum, quam agens intendit; ideoque actus ille est elicited a virtute pœnitentiæ, ex qua speciem & bonitatem essentialem desumit. Alter vero actus est electio & largitio eleemosynæ, imperata a præ-

precedenti actus pœnitentiæ, hic autem actus elicitur a virtute misericordiæ, cujus proprium objectum motivum est sublevare miseriam pauperis, & ex illo objecto habet suam speciem, & bonitatem essentialem. Cum vero accidentale sit illi, quod imperetur a virtute pœnitentiæ, fiatque propter hunc vel alium finem; finis respectu illius est mera circumstantia, nec tribuit illi nisi bonitatem accidentalem. Idem cernere est in actu malo, v. g. in furto propter adulterium patrato: intentio adulterii in eo, qui sic furatur, est actus adulterii & intemperantiæ imperans furtum quod est actus injustitiæ. Prior actus, qui est imperans, malitiam essentialem haurit ex adulterio, quod habet rationem finis & primi moventis. Posterior vero essentialiter malus est ex proprio injustitiæ objecto, accidentaliter autem ex fine, nempe ex adulterio, ex cujus intentione imperatur, & ideo finis respectu illius est circumstantia.

Ergo bonitas & malitia actuum humanorum, potissimum ex fine repetenda est, quia ex dictis actio eatenus est moraliter bona aut mala, quatenus est deliberate voluntaria; atqui actio maxime ex fine est voluntaria, quia finis propter se appetitur, cetera vero propter ipsum: per quod autem unumquodque tale, inquit Philosophi, & illud magis per se, hoc est, per quod cetera amantur, & illud magis: *Quod enim amatur propter aliud*, inquit S. Augustinus, *non illud amatur, sed aliud propter quod amatur*, v. gr. potio medica proprie non amatur, sed sanitas, propter quam potio amara sumitur: Ergo.

Q. 2. *Quotuplici modo finis proprie dictus accipi potest?*

R. Duplici, scilicet in actu primo, & in actu secundo.

Finis in actu primo est res ipsa, quæ movere potest ad agendum: virtus autem movendi est ejus bonitas sive vera, sive apparens; in tantum enim allicit ac movet, in quantum est amabilis & appetibilis: atqui allicit quatenus apparet bonus, malum enim quatenus malum non allicit, sed fugat; non appetitur, sed timetur: ergo finis in actu primo est bonum propter se appetibile, saltem apparenter.

Finis in actu secundo est res bonitate sua saltem apparenti actu illiciens, attrahens ac movens. Causalitas ejus seu influxus, est motio seu amor; illud enim est causalitas finis, quo posito, intelligitur finis actu influere, & ut ita dicam, causare, & quo sublato, non influit: atqui posita motione, seu amore & desiderio finis intelligitur actu influere; nam ex S. Thoma q. 22. de verit. art. 2. *Sicut influere causæ efficientis, est agere, ita influere causæ finalis, est appeti, & desiderari*: sublata vero motione, finis non influit; sicut sublata actione ignis, v. g. calefactione, ignis actu non agit, nec calefacit; sed est tantum in potentia ad agendum & calefaciendum: Ergo. Porro de fine in actu secundo hic præsertim agitur.

Ergo Deus est omnium finis in actu primo, quia est summum bonum, quo omnes possunt allici, & moveri desiderio illius assequendi; sed non est peccatorum determinatus finis in actu secundo, quia illis non placet, nec ejus bonitate alliciuntur: *Solus non habet quod nobis displiceat*, inquit S. Augustinus, conc. 2. in Psal. 32. *& nemo tam multa habet, quæ infidelibus displicent Et . . . (quod piget dicere, sed tamen dicam, nosti enim quam verum dicam) facilius placet Pantomimus quam Deus.*

§. II.

De definitione finis.

Q. **Q**uomodo definitur finis?

R. Definitur, id cujus gratia aliquid fit.

Dicitur 1. *Id*, hoc est res bona, saltem apparenter, quia voluntas, ut jam diximus, non potest allici, aut moveri nisi aliquo bono.

Dicitur 2. *Cujus gratia*, id est, cujus amore & fruendi desiderio agens operatur, quo distinguitur finis proprie dictus, tum a medio, tum a fine improprie dicto, seu a puro termino.

A medio quidem, quia licet multa fiant propter medium, puta propter præparandum pharmacum, aut lu-

lucrandum pecuniam ; attamen nec pharmacum , nec pecunia dici possunt finis , cum illa non fiant amore pharmaci , aut pecuniæ , sed amore dumtaxat sanitatis , & commodæ sustentationis , in quibus agens requiescere intendit ; nam , ut supra dicebat S. Augustinus , *quod amatur propter aliud , non illud amatur , sed aliud propter quod amatur* . Hinc bonum utile , ut utile , non habet rationem finis , quia ad aliud ordinatur .

Dixi, ut utile, quia etsi pecunia non habeat ex se rationem nisi boni utilis, apprehenditur tamen ab avaro, ut bonum delectabile, ideoque illam intendit, ut finem, & ejus amore operatur, cum eam obtentam nedum in proprios usus consumat, quin illam diligenter servet, & in ejus possessione quodammodo requiescat.

Eadem quoque ratione finis distinguitur a puro medio, ad quod agens ita opera sua dirigit, ut illud non appetat, nec illius gratia agat, ut videre est in illo, qui cum multa præparet pro tempore ægritudinis, ad quam novit certo terminandam sanitatem; qua impræsentiarum fruitur, non habet tamen ægritudinem pro fine, sed pro termino, quia illam nec amat, nec appetit, sed quantum potest, propellit. Sic carnales homines quædam bona opera ordinant ad futuram vitam quæ præsentis futurus est terminus; sed finis illorum proprie non est, cum illa non ament, nec appetant; sed timeant dumtaxat, ne post præsentis vitæ terminum miseri evadant.

Dicitur 3. *aliquid fit*, quo significatur finem esse primam omnium operationum sive naturalium, sive artificialium, sive moralium causam.

Et ratio est, quia omnia appetunt bonum suum, & ad illud tendunt moventurque sive a seipsis, ut rationalia, sive a superiore voluntate, nempe divina, ut irrationalia & inanimata, quæ a Deo aguntur, & diriguntur sicut sagitta a sagittante, inquit S. Thomas: Ergo finis est bonum, cujus gratia omnia fiunt. Ex dictis autem omne bonum est perfectivum, ac proinde finis cujusque rei est ejus perfectio.

Ergo bonum & finis non reciprocantur, quamvis
C 3 enim

enim omnis finis sit bonus, saltem apparenter, alias non appeteretur: bonum tamen omne non est finis; quia multa sunt bona, propter quæ consequenda nihil sit: victoria, v. g. & scientia sunt quid bonum, sed finis non sunt ignavi & desidioſi, quia neuter operatur illarum gratia.

Cum autem homo ſeipſum moveat ad finem: pluriſimi refert ad mores, ut a ſcopo non aberreret, nove-ritque quid ſit proprium bonum, in quo finem conſtituat, quidve amor finis parere debeat. De primo nonnulla jam prælibavimus capite de objecto actuum humanorum, pluraque dicemus ſequentibus Paragraphis. De ſecundo nunc tractandum ſuadet ordo doctrinæ.

§. III.

De effectibus finis.

Q. 1. **Q**uot ſunt finis effectus?

R. Octo numerantur. Primus eſt voluntas ſeu volitio, & amor finis. Secundus, intentio, ſeu deſiderium efficax. Tertius, conſilium. Quartus, conſenſus. Quintus, electio. Sextus, imperium. Septimus, uſus mediorum. Octavus, fruſtio, ſive quies in fine adepto & bono poſſeſſo. Ex his effectibus tres verſantur circa finem, nempe voluntas, intentio, & fruſtio: ceteri vero circa media.

Dices: Omnes illi actus, ſola fruſtione excepta, ſunt cauſa finis, cum per eos acquiratur: Ergo non ſunt ejus effectus:

Diſtinguo antec. Sunt cauſa finis in executione, Concedo: finis in intentione, Nego antec. Finis itaque dupliciter ſpectatur, ſcilicet in intentione, & in executione. Finis in intentione eſt bonum voluntati propoſitum, ut propter ſe appetendum, & ut ſic moveat voluntatem ad amorem ſui, & ad efficaciter operandum, ut obtineatur, ac proinde eſt cauſa actuum, quos recenſuimus. Finis vero in executione eſt bonum jam obtentum & poſſeſſum, ut ſanitas, commoda habitatio: quod cum non obtineatur, niſi per inquiſitionem,

nem, electionem, & utrum mediorum, sequitur omnes illos actus esse causam possessionis, quæ vocatur finis in executione.

Q. 2. *Quis ordo illorum actuum?*

R. Bonitate objecti proposita voluntati, 1. loco exurgit simplex volitio, seu amor & complacentia. Hic actus ceteris quidem necessario præsupponitur; nisi enim placeat bonum apprehensum, v. g. castitas, &c. nullus sequitur conatus ad illud consequendum, sed si sit solitarius, non efficit ut bonum evadat finis in actu secundo; quia simplex complacentia potest versari circa bonum apprehensum, ut impossibile, puta circa victoriam, quam imbellis sibi repræsentat, ut impossibilem bonum autem apprehensum, ut impossibile, non habet rationem finis, quantumcumque placeat, cum nihil fiat gratia illius, Nisi ergo simplex illa voluntas, quæ velleitas dici solet, quasi semivoluntas, adjunctam habeat intentionem, effectus finis esse nequit.

Intentio proxime sequitur amorem seu complacentiam; naturale enim est velle possidere quod placeat & amatur. Intentio autem est efficax desiderium finis, seu actus voluptatis efficaciter tendentis in bonum per media consentanea, Ergo intentio continet saltem virtualiter propositum inquirendi, & adhibendi media: qui enim vult sincere & efficaciter finem consequi, v. g. vincere cupiditates, intelligitur velle uti mediis, sine quibus finis non potest obtineri. Unde patet ex intentione pendere totam humanorum actuum seriem & æconomiam. Porro qui efficaciter finem intendit, is statim cogitat de mediis, quibus obtineri possit; illamque sollicitè inquiret, si non habeat ad manum. Quare

Tertius finis effectus statuitur consilium seu deliberatio, estque actus mentis inquirentis, & ponderantis media, eorumque proportionem ad finem; consilium quippe non est de fine, sed de mediis; id enim est finis in agibilibus, inquit Sanctus Thomas, quod prima principia in speculativis; sicut ergo in speculativis nulla potest esse quæstio circa principia, an v. g. idem possit simul esse non esse; sed circa conclusiones ex iis deductas: similiter in practicis non inquitur consilium;

hec deliberatur de fide, puta, an Deus sit colendus, salus comparanda, superbia, aut fornicatio fugienda, sed de mediis, quibus Deus recte coli possit, salus obtineri, & superbia aut fornicatio efficaciter vitari. Sine ejusmodi consilio appetitus finis, & propositum illius assequendi quantumcumque vehemens, est inefficax & mera velleitas, quemadmodum S. Augustinus in seipso advertit, cum adhuc illicitis amoribus detinebatur. Mirum in modum placebat illi pulchritudo castitatis, ad illam conabatur, nec attingebat, & ideo prorumpabant flumina lacrymarum, sed frustra: *Jam multa feci*, inquit l. 8. Conf. c. 8. & 9. *ubi non hoc erat velle quod posse, & non faciebam quod & incomparabili affectu amplius mihi placebat, & mox ut velle possem . . . unde hoc monstrum, & quare illud?* Quia nimirum non ex toto volebat, non totus assurgebat veritate sublevatus, consuetudine prægravatus. Ut ergo intentio finis sit plena & efficax, ad deliberandum de mediis moveat necesse est, quia sine mediis finis obtineri nequit, nec proinde efficaciter intendi.

Dices: consilium & deliberatio sunt operationes intellectus: atqui operatio intellectus non potest esse effectus finis: ergo neque consilium, nec deliberatio.

Minor probatur. Finis ex dictis non movet nisi per bonitatem: atqui bonitas non afficit, nec movet intellectum, utpote quæ non sit objectum intellectus, sed voluntatis.

Nego minorem, cujus confirmationem distinguo, bonitas non afficit, nec movet intellectum immediate. Concedo: mediate, hoc est, mediante imperio voluntatis, Nego minorem. Voluntas itaque delinita bonitate finis, excitat intellectum ad inquirenda media, quibus finem assequi possit, applicat, acuitque ad ponderanda quæ ex præcogitatis sint aptiora, & confutanda quæ a proposito eam avocare possent. Intellectus quippe sub imperio voluntatis se habet sicut famulus, qui noctu præferens facem ante dominum, non pergit, nisi quo & qua vult dominus, nec lucem admoveat, nisi ubi ille præcipit.

Ergo

Ergo sicut recta intentione, ita consilio veraci nititur tota morum disciplina & bonitas, quia deficiente regula, nimirum sano & prudenti consilio, opus quod ad illam dirigetur ac efformatur, vitiosum exire oportet; scriptum quippe est Gen. 4. vers. 7. ut legunt Sancti Augustini & Gregorius juxta septuaginta Interpretes, *si recte offeras, & non recte divides, peccasti*, in quem locum Sanctus Gregorius lib. 30. Moral. cap. 14. sic habet: *Recte non dividitur, si hoc quod pie agitur, etiam subtiliter non discernatur: oblata quippe dividere est qualibet bona studia nostra sollicite discernendo penare, quod nimirum qui agere dissimulat, etiam recte offerens peccat, & nonnumquam hoc fit reatus criminis, quod putatur causa virtutis*. Hinc Spiritus sanctus Eccli. 37. hisce gravissimis verbis monet: *Ante omnia opera verbum verax precedat te, & ante omnem actum consilium stabile*.

Vero prudens illud ac stabile consilium non est expectandum a peccatoribus, utpote qui careant prudentia supernaturali, & sapissime naturali. Supernaturali quidem, cujus est actus humanos ordinare ad ultimum finem supernaturalem; quia cum illa sit appendix caritatis, in qua radicitur, sicut ceteræ virtutes morales infusæ, pereunte caritate, pereat ipsa necesse est, regnetque prudentia carnis genuina cupiditatis soboles. Sapissime quoque naturali prudentia carere peccatores constans est Philosophorum doctrina, quia juxta tritum illorum effatum unusquisque judicat secundum quod affectus est; male autem affecti sunt peccatores erga ultimum finem, ac proinde inordinata eorum voluntas, quæ aliis facultatibus imperat, pervertit rationis judicium, & cogit mentem ad nutum suum cogitare & consulere; cogitare quippe a cogendo dictum vult S. August. lib. 10. Conf. c. 11. Sic ergo, inquit S. Bernardus, vel quivis Auctor Tractatus ad Fratres de Monte Dei cap. 16. *voluntas neglecta facit cogitationes otiosas & indignas Deo: corrupta perversas, quæ separant a Deo, pia efficaces ad fruendum Deo: Et nonnullis interjectis, pergit idem Auctor. In omni genere cogitationis, omnia quæcumque cogitanti occurrunt, conformantur*

intentioni voluntatis. Ideo homini Deum amare volenti, vel jam amanti, suus semper consulendus est animus, quid sit quod in totum vult & propter quod vult, quia scilicet ad votum voluntatis, si plena sit, mens preoccupata dabit consilium. Unde scriptum est Eccli. 3. v. 20. Cum factis consilium non habeas; non enim poterunt diligere, nisi quæ eis placent. Et Sap. 4. vers. 12. Fascinatio enim nugacitatis obscurat bona; & inconstantia concupiscentiæ transvertit sensum sine malitia. Hoc est, cupiditas rerum terrenarum, quæ a Sapiente dicuntur vanitas vanitatum, & a S. Augustino, nugæ nugarum, mentem decipit, ac fascinat, ut peccati sceditatem, & virtutis pulchritudinem vel non videat, vel non æstimet; inconstantia, græce, agitatio, & impetus cupiditatum ac passionum immutat & evertit sensum hominis, etiam qui alioqui innocens est & sine malitia. Ex quibus discant ipsimet iustum suspendendum iudicium & consilium, cum pulsari se sentiunt motu iræ, odii, invidiæ, & cujuslibet inordinati affectus, periculum namque est ne concitatus spiritus sine discretionem aliquid decernat. Tolle autem discretionem, inquit S. Bernardus serm. 49. in Cant. virtus vitium erit, ipsaque affectio naturalis in perturbationem magis convertetur, exterminiumque natura. Et tractatu de gradibus humilitatis cap. 4. Amor, sicut & odium, veritatis iudicium nescit. Vis iudicium veritatis audire? Sicut audio, iudico (Joan. 5.) non sicut odi, non sicut amo, non sicut timeo. . . . A legibus humanis statutum; speciales amicos causarum, (litigantium) non debere admitti ad iudicium; ne vel fallant, vel fallantur amore suorum. Quod si culpam amici tuo iudicio amor illius aut minuit, aut prorsus abscondit: quanto magis amor tui tuum contra te iudicium fallit? Ut igitur in pendendis ponderibus æquatur lances, ne si examini sit aliqua inclinatio, iudicium iniquum feratur; ita qui deliberat (nisi se ipsum decipere velit) omnem privatum affectum seponere debet; neque enim quid ipse velit, illud inquirat, sed quid efficacius sit, & magis expediat ad intentum finem consequendum, qui sane non erit legitimus,

gitimus, nisi illum meliorem efficiat, ut patet ex dictis.

Quæ cum ita sint, unicuique perspicuum esse debet, deliberationem in iis, quæ spectant mores, esse periculi plenam, ac veluti scopulum, quem humana ratio nunquam declinabit, nisi regatur Spiritu Christi, qui idcirco dicitur Consiliarius, magni consilii Angelus. Quin ipsemet Plato agnovit consultationem rem esse plane divinam.

Enimvero plures videas, qui deliberant, non quid ad salutem, sed quid ad præsens negotium expediat, satisque illis esse videtur, si omittant quæ mala sunt & contra salutem evidenter pugnantia, quasi vero beatitudo obveniat sine labore & industria, nihilque pro ea molientibus, quam paucos in sæculo reperias qui sine indeterminati, ac indifferentes circa matrimonium, vel Clericatum: circa Beneficium, aut officium in Republica: circa hanc aut illam artem: solumque interrogent, *quid faciens vitam æternam possidebo?* ita ut cetera spectentur ab ipsis, ut media dumtaxat, quæ ut quibusdam possunt esse utilia ad salutem, sic aliis non nisi impedimenta existunt, habita ratione ingenii, indolis, & aliarum dispositionum. Annon omnes, aut fere omnes, ubi audierint aliquid horum ipsis non congruere, statim opponunt exempla eorum, qui iis in Republica necessariis strenue & laudabiliter defuncti sunt? Tantumque abest, ut illa respuant uti æger medicamentum sanitati superfluum, vel etiam noxium, quin obstinatius illis adhærent, tanquam fini unice intento, adeo ut tota illorum deliberatio in eo sit, quo modo, & qua via timorem damnationis æternæ probabiliter a se expellant, cælestisque felicitas terminus sit terrenæ, ad quam omnia studia sua dirigunt. Hæc est prudentia sæculi, quam Apostolus mortem vocat, Rom. 8. quia caritatem extinguit, ut cupiditas omnes actus humanos sibi vindicet tanquam proprios effectus.

Neque vero existimandum est eos qui cum Propheta unam a Domino petunt, ac requirunt ex consilio veraci & stabili semper agere, nec unquam in suis deli-

berationibus decipi. Namque amor sui, quem iusti in hac mortali vita totaliter non exuunt, mentes eorum sæpe præoccupat, fallitque iudicia, & inconstantia concupiscentiæ ad agonem relictæ, transvertit eorum sensum sine malitia: denique Angelus Satanz transfiguratur in Angelum lucis, ut sagittet in occulto rectos corde; eos enim ad peccatum, quod tantopere exhortentur, non traheret, nisi præcipiti, aut fallaci consilio. *Nec unquam bonus, nisi boni simulatione deceptus est*, inquit S. Bernardus serm. 66. in Cant. Hinc est illud Proverb. 3. *ne innitaris prudentiæ tuæ*, nemò quippe in propria causa Iudex. *Et merito*, inquit S. Bernardus epist. 87. *quia qui se sibi magistrum constituit, fulgo se discipulum subdit...* Ego de me expertus sum quod dico; & facilius imperare, & securius possum præesse aliis multis, quam soli mihi. Et epist. 82. *Cunctis pene sapientibus contingere solet in rebus videlicet dubiis plus alieno se, quam proprio credere iudicio; & qui aliorum facile ambigua quæque elucidant, in suis consueverunt scrupulosius hesitare.*

Ergo consilium verax & stabile querendum est a sapiente, ad illius iudicium morales Philosophi & Theologi singularia referunt; & ratio est, quia cum in aliorum causa omnino liber sit a privatis illis affectibus, qui nos aut fluctuantes reddunt, aut præoccupatos præcipitant, serena & tranquilla mentē decernere potest, quod magis expediat, modo tamen notam ipsi faciamus sinceram & candidam nostram mentem, scilicet nos verisimilia non inquirere, sed vera: non blanda & quæ cupiditati saveant, expetere; sed quæ utiliora, & saluti viciniore. Timor enim displicendi & excidendi ab amicitia aut honorifica existimatione, præsertim nobilium, gravissima est tentatio, quæ plerumque conturbat sapientes, & vehementer impellit ad adulatoria consilia, quod Deus testatur Ezech. 14. v. 9. *se permiscere in pœnam interrogantis: Prophetæ cum erraverit, & locutus fuerit verbum: Ego Dominus deceptus Prophetam illum.* Et vers. 10. *juxta iniquitatem interrogantis, sic iniquitas Prophetæ erit.* Sic deceptus est Achab lib. 3. Reg. 22.

Quartus finis effectus est consensus, qui describi potest, actus voluntarie adhærentis consilio rationis & acceptantis media ab intellectu proposita. Quando ratio consilium dat ex imperio voluntatis, naturaliter placet consilium, & facile voluntas consentit iis quæ ratio proponit, quia consentanea sunt ejus inclinationi. Sed si consilium suggeratur exterius, puta a sapiente, voluntas nonnunquam repugnat, momenta opponit contra, & consilium datur incassum, nisi cordis duritia auferatur a Deo, interius voluntatem præparante & inclinante per gratiam suam.

§. I V.

De quinto & sexto effectu finis.

Electio numeratur quintus finis effectus, describiturque actus liberæ voluntatis, quo ex pluribus mediis idoneis & placentibus, per consensum unum ceteris præfert in ordine ad finem intentum: Ergo electio versatur circa media.

Dices 1. electio pertinet ad intellectum, cum ipse sit judicare unum alteri præferendum: Ergo non est actus voluntatis.

Nego anteced. Potest enim esse mentis judicium sine electione, juxta illud Poetæ, *video meliora proboque, deteriora sequor*. Electio itaque formaliter est acceptatio medii, quod mens judicat magis conducere ad finem. Unde Ethicorum 3. dicitur appetitus intellectivus.

Dices 2. Electio nonnunquam est actus necessarius, quando nimirum unicum suppetit medium: Ergo male dicitur actus liber.

Dist. anteced. Est actus necessarius in allata hypothesi, necessitate finis, Conced. necessarius formaliter & in exercitio, Nego antec. Electio, siue assumptio cibi, v. g. sine quo vita animalis conservari nequit, est necessaria quidem cupienti conservare vitam animale, sed formaliter & in exercitio est libera, quia sicut potest quis nolle finem, nempe diuturniorem vitam, po-

potest etiam nolle sumere cibum . Ergo libere Pilatus damnavit Christum Dominum , & reus libere perjerat , ac proinde neuter a gravi peccato excusandus , quamvis neuter alio modo potuerit vitare ille indignationem Cæsaris , iste mortem ; quia uterque finis est libere intentus , ac proinde libere eligitur medium unicum ad illum conducens . Fatendum tamen est quod ubi unicum est medium , electio non distinguatur a consensu , & minus proprie dicatur electio .

Dices 3. potest quis deliberare an finem suum constituat in Deo , an in voluptatibus , aut mundi honoribus , ergo electio æque potest esse de fine ac de mediis .

Nego consequ. Quia deliberatio illa (quæ fieri nequit sine gravissimo peccato , cum in ea Deus & creatura ponantur in quodam æquilibrio) non est de fine , sed de mediis . Finis enim qui intenditur in ejusmodi deliberatione , est beatitudo in communi , & perfecta quies deliberantis ; medium vero quo possit illum acquirere , est vel Deus , vel bona temporalia . Unde eadem res potest esse finis & medium sub diverso respectu : est finis , cum propter se amatur : est vero medium , cum amatur propter aliud . Sunt per-versi , inquit S. Augustinus lib. 11. de Civit. Dei c. 25. qui frui volunt nummo , uti autem Deo , quoniam non propter Deum nummum impendunt , sed Deum propter nummum colunt .

Q. 1. Quid requiritur ; ut electio sit recta & honesta ?

R. Generatim debet prudenter fieri ; quod enim fit imprudenter , malum est peccatum ; prudentia quippe definitur , habitus recta cum ratione activus , vel recta ratio agibilium : ergo quod fit contra prudentiam , illud fit contra rectam rationem . Porro quod fit contra rectam rationem , malum est peccatum .

Q. 2. Quandoam electio censetur prudenter fieri ?

R. Quando eligitur quod efficacius est , & rectius conducens ad debitum finem consequendum . Et ratio est ; quia recta electio est fructus ad quem tendit deliberatio ; in deliberatione enim prudentia , quæ consiliativa dicitur a S. Thoma post Aristotelem , inquiri-

rit media ad finem, & ex iis excogitatis judicat unum præ ceteris eligendum, utpote magis aptum: ergo si voluntas aliud minus idoneum eligat, agit contra prudentiam & rectam rationem.

Confirmatur 1. quibusdam familiaribus exemplis. Proponitur viatori duplex via, qua possit ad patriam, quo tendit, pervenire: altera est brevior, facilior, & securior: altera longior, scaberosa & multis periculis obnoxia. Item Advocato duæ rationes suppetunt evincendi adversarium, altera rem brevi & fere sine expensis conficiet; altera non nisi longo processu & magnis expensis. In utroque illo exemplo viator & Advocatus, vel alium finem præter eum quem præferunt, ille patriam, iste justitiam non intendunt, vel alium intendunt: si non intendunt, nihilominus medium minus idoneum eligant, non solum imprudentiæ, sed & stultitiæ notam non effugient: si alium intendunt, quod verisimilius est, viator forte vult invisere amicum, Advocatus lucri cupidus expetit, pinguius honorarium, in qua hypothese perspicuum est amorem, sive patriæ, sive justitiæ, non esse causam hujus electionis, sed privatum finem quem insinuavimus. Idem dixeris de eo, qui profitetur se in omnibus gloriam Dei, & vitam æternam intendere, cum tamen omissis mediis aptioribus, alia eligit, non quidem inepta, sed minus idonea, & minus segura; proculdubio amor Dei & desiderium celestis patriæ non movet illum ad ejusmodi electionem, sed sub obtentu gloriæ Dei obumbrat negotium cupiditatis, qua incitatur ad præferendum minus idoneum.

Confirmatur 2. eligere quod est minus aptum rejecto aptiori, ad consequendum finem honestum, non est actus virtutis: Ergo nec prudentiæ, quæ & ipsa est virtus, & sine qua nulla est vera virtus.

Probatur antec. virtus definitur habitus electivus secundum rectam rationem: atqui recta ratio non judicat præferendum medium minus aptum: Ergo.

Nec dicas prudentiam & rectam rationem non consulere quidem ejusmodi electionem, sed eam non prohibere:

nam

nam ex S. Th. 2. 2. quæst. 47. art. 8. ex communi Philosophorum Schola, prudentia non solum est consiliativa, sed etiam præceptiva. *Et quia, inquit, iste actus est propinquior finis rationis practicæ (quod est bonum opus) inde est quod iste est principalis actus rationis... & per consequens prudentiæ. Et hujus signum est, quod perfectio artis consistit in judicando, non autem in præcipiendo; ideo reputatur melior artifex, qui volens peccat in arte, quasi habens rectum judicium, quam qui peccat nolens, quod videtur esse ex defectu judicii: sed imprudentia est & converso... imprudentior enim est, qui volens peccat, quasi deficiens in principali actu prudentiæ qui est præcipere, quam qui peccat nolens.* Unde art. 13. concludit veram prudentiam non esse in peccatoribus, quia licet de agendis aliquando bene consulant & judicent, deficiunt in principali actu prudentiæ, qui est efficaciter præcipere.

Dices 1. Consilia Evangelica sunt de meliori bono & aptiora ad salutem: atqui non peccat contra prudentiam, qui ea non eligit: ergo prudentia non præcipit, ut eligatur medium magis idoneum.

Dist. maj. Sunt aptiora absolute, & in se spectata Conc. respective, & per ordinem ad omnes & singulos homines, Nego maj. Namque ex Apostolo. 2 Cor. 7. *Melius est... nubere quam uri.*

Dist. etiam min. Non peccat contra prudentiam qui ea non eligit in quibusdam circumstantiis, Conc. in quibuslibet circumstantiis, Nego min. Itaque unusquisque proprium donum habet ex Deo, inquit Apostolus, cap. 7. alius quidem sic; alius vero sic: prudentia est primo per consilium inquirere ad quid sit a Deo institutus, deinde eligere ad quod vocatur; alioquin si mundi concupiscentiis attractus vocationis suæ non respondeat, contra prudentiam & rectam rationem graviter peccat.

Dices 2. ex communi Theologorum sententia, satis est juxta prudentiæ leges amplecti viam tutam, relicta tutiore: Ergo.

Dist. ant. Satis est aliquando, C. Semper, N. ant. Si-
cut

eus igitur contra prudentiam aliquando peccatur per defectum, puta per negligentiam; ita & per excessum, nempe per nimiam sollicitudinem, timorem inuisilem, & scrupulosam anxietatem: scrupulosus v. gr. timet, ne quas passus est inter orandum mentis evagationes, voluntariæ fuerint; securiusque sibi forte decernit, si orationem repetat: prudentia ejusmodi anxietatem improbat, nec judicat in iis circumstantiis securius esse eligendum, sed per Apostolum ad Rom. 12. dicit, *rationabile & obsequium vestrum*, & per Regium Prophetam, Pl. 13. *trepidaverunt . . . ubi non erat timor*. Aliquando vero prudentia & recta ratio per eundem Apostolum. 1. Cor. 6. clamat, *omnia . . . licent, sed non omnia expediunt*. Joannes Baptista non præcepit publicanis & militibus ad se venientibus; Luc. 1. ut officia sua dimitterent; sunt enim licita & tuta, si in se spectentur; sed respective ad aliquos sunt occasiones peccandi fere proximæ, proindeque prudentia & recta ratio iis consulit præcipitque, ut viam tutiorem eligant. Quare, ubi de salute animæ agitur, multi cupiditate excecati in suam perniciem abutuntur receptis, iisque verissimis Theologorum sententiis, liberum est amplecti consilia Evangelica. Item; licet sequi opinionem tutam, relicta tutiore; quia cum non attendant quid sibi expediat, corruunt & damnantur in via tuta: cum contra steterint & salvati fuissent in tutiore.

Dixi, ubi agitur de salute animæ; namque prudentiores sunt filii sæculi in iis, quæ spectant corporis salutem; nec profiterentur artem, v. gr. refarciendi tecta domorum, eo prætextu, quod ars illa sit licita, Reipublicæ utilis, sitque necessarium, ut aliqui eam profiteantur, nisi prius expendissent, num caput sit illis satis firmum, ut vertiginem timere non debeant. Ad prudentiam quippe pertinet, inquit S. Thomas 2. 2. quæst. 47. art. 3. spectare non solum rationes universales, sed etiam singulæ, in quibus est operatio.

Sextus finis effectus dicitur imperium, estque actus practicus intellectus imperantis usum mediorum, quæ post

post habitam deliberationem electa sunt tanquam ad finem magis idonea. Plerumque enim contingit voluntatem non exequi ea quæ elegerat, & observanda proposuerat, propter nascentes difficultates, tum ex parte passionum, quæ rebellant, tum ex circumstantiis, quæ in deliberatione & electione non fuerant prævisæ, tum ex parte ipsiusmet voluntatis, quæ inconstans est, quæque remittit ex pristino intentionis fervore, & ita evanescente causalitate seu motione finis, omnes supra numerati effectus inutiles abeunt, & operans quasi in media subsistit via, nisi recta ratio præcipiat, & prudentia stimulis conscientiæ voluntatem impellat. Quare S. Thom. & omnes Philosophi communiter inter partes prudentiæ numerant memoriam, sollicitudinem, sive vigilantiam, rationem, circumspeditionem, & cautionem contra totidem defectus prudentiæ oppositos, scilicet oblivionem, negligentiam, inconsiderationem & inconstantiam.

Dices: imperium pertinet ad voluntatem: Ergo non est actus intellectus.

Diff. ant. cum S. Thom. cit. quæst. 47. art. 8. ad 3. imperium absolute & simpliciter pertinet ad voluntatem, & secundum quid ad intellectum, Conceditur pertinet ad voluntatem, & nullatenus ad intellectum, Nego ant. namque recta ratio voluntatem movet, eamque ordinat tanquam regula, cui debet conformari. Sed voluntas simpliciter movet intellectum, eique absolute imperat opus, v. gr. meditationem.

S. VI.

De septimo & ultimo finis effectu.

USus septimus finis effectus dupliciter sumitur, scilicet active & passive. Active sumptus, est actus elicitus voluntatis applicantis seipsam & alias potentias ad exequenda media prædicta, ut volitio dandi eleemosynam aut jejunandi. Passive vero spectatus, est ipsa executio, v. gr. largitio eleemosynæ aut jejunium.

Fruitio est quies in fine possessio, ultimus effectus causæ.

causæ finalis, ac veluti fructus operantis; ad fruitionem quippe usus terminatur, sicut motus ad quietem, desiderium & animi contentio ad rei concupitæ possessionem.

Ergo usus est circa media, fruitio vero circa finem. *Ea re dicimus frui*, inquit S. Aug. l. 11. de Civ. Dei c. 25. *quæ nos, non ad aliud referenda, per se ipsam delectat; uti vero ea re, quam propter aliud querimus. Unde temporalibus magis utendum est, quam fruendum, ut frui mereamur æternis.*

Ergo quies, quæ intelligitur nomine fruitionis, proprie non est cessatio operationis, sed gaudium & delectatio, ac proinde vitalis actus voluntatis suaviter quiescentis in possessione boni amati. *Fruimur*, inquit S. Augustinus, lib. 10. de Trin. c. 10. *rebus cognitis, in quibus voluntas delectata conquiescit.*

Q. 1. *Quid est illa finis possessio, ex quo oritur delectatio & quies?*

R. Est operatio naturæ conveniens: sic per cognitionem & amorem possidetur sapientia; per visionem oculorum possidentur lux & colorata, per auditionem sonora, per gustum sapida; hinc languente operatione, puta, gustu, tactu, minuitur delectatio, cessante vero evanescit omnino.

Q. 2. *Qualis debet esse operatio, ut pariat delectationem & quietem?*

R. Debet esse 1. connaturalis seu conveniens & perfectiva, 2. perfecta & non impedita; alioqui si sit noxia & violenta, v. g. si lædat temperamentum, ut nimia potatio, dolorem parit: si sit imperfecta & impedita, si v. g. imperfecte audiatur egregius Orator aut Cantor, tedium affert.

Q. 3. *Quot requiruntur, ut operatio sit perfecta causa delectationis?*

R. Triæ. Primum est excellentia & bonitas objecti; objectum enim excellentius, est magis perfectivum, redditque operationem meliorem & magis convenientem, ac proinde magis delectabilem. Secundum est modus tendendi in objectum seu in rem amatam: nam si sit intensus, & vehemens, operatio erit perfectior & per-

& delectatio major, ut patet in famelicis; qui avidè cibum capiunt: contra vero, si modus agendi sit remissus & frigidus, si v. gr. nulla sit fere cibi appetitio, delectatio erit mediocris, vel etiam nulla. Hinc oratio fervens, est causa delectationis, languida vero fastidii, denique quotquot tepide & negligenter agunt; ex suis operationibus voluptatem non capiunt, sed tedium. Ob eandem rationem delectationes, quæ sensu percipiuntur, diuturnæ esse nequeunt, quia sensatio, quæ initio erat vehemens, paulatim languescit. Tertium, est nobilitas potentiæ; quo enim potentia est nobilior, ceteris paribus, operatio ejus est melior & magis perfectiva, ac proinde magis appetibilis & delectabilis, visio v. gr. est operatio olfactione perfectior, ideoque delectabilior, quia facultas visiva, ex qua procedit visio, est olfactiva nobilior.

Dices: ex S. Thoma 1. 2. q. 31. art. 6. delectationes, quæ sensu, præsertim tactu percipiuntur, sunt omnium maximæ: atqui operationes ex quibus nascuntur, sunt omnium imperfectissimæ: Ergo delectatio non semper respondet perfectioni operationis.

Distinguo majorem, in statu naturæ corruptæ & inordinatæ, in quo animales & ignobiles illæ operationes sunt omnium vehementissimæ: & quidem in dedecus creaturæ rationalis, unde ex eis homo naturaliter erubescit, Concedo: in statu naturæ integræ & ordinatæ Nego majorem; natura enim rationalis recta & integræ non inclinat ad operationes sensuum, nisi propter operationes mentis, quibus subvenire debent tanquam instrumenta. Quod autem propter aliud appetitur, minus appetitur, quam quod propter se intenditur; ac proinde, cum natura rationalis ex primæva sua institutione non feratur in operationes facultatum inferiorum, nisi quatenus juvant operationes superiorum, scilicet intellectus & voluntatis, iis non fruitur nec delectatur, sed utitur dumtaxat ad quiescendum in operationibus spiritualibus, ad quas tendit tanquam ad proprium bonum & ultimam perfectionem. Vehemens ergo & effrænis ille impetus, quem nunc habet ad bona sensibilia, ac præ-

præsertim carnalia, & delectationes inde consequentes pœna peccati est, & signum immanis corruptionis; rationes enim judicium impediunt ac pervertunt, ne dum illud juvant. Annon ex morbo est quod prægnantes in cibum appetant, & ad delicias utantur iis, quæ sanis nauseam, & horrorem excitant? Quis pruritum libidinis minus malum æstimet, quam pruritum scabiei, quo qui laborat, liberari satagit, contempta voluptate; quam scalpendo percipit? Itaque ejusmodi delectationes naturales non sunt; sed ægritudines, & meræ deceptiones; *risum reputavi errorem*, ait Sapiens Eccl. 2. *& gaudio dixi, quid frustra desiperis?*

Addere liceat, quia verissimum est, delectationes sensuum non posse dici summas absolute; 1. quia operationes, ex quibus exurgunt, non delectant, nisi in quadam mediocritate consistant; intensior enim operatio lædit temperamentum, & dolorem parit, juxta illud Prov. 14. *Risus dolore miscetur, & extrema gaudii luctus occupat.* 2. Delectationes corporeæ, cum motum consequantur, stillatim fluunt, sicut non extinguunt, sed provocant; cibus v. g. voluptate non afficit, nisi in transitu; & voluptuosus ita delectatur ea parte quam gustat, ut desideret frui eo quod sumendum superest; sic qui delectabiliter audit elegantem orationem, non vult stare syllabam, ut in ea quiescat, sed cito transvolare appetit, ut aliæ veniant, cumque & gulosus ad satietatem pervenit, & auditor longa attentione fatigatus est, delectatio veluti somnium vanescit.

At in delectationibus spiritualibus nullus ex iis defectibus occurrit: 1. enim totæ simul haberi possunt, cum operationes ex quibus pendent, successivæ non sint. 2. Mediocritas in illis non requiritur, quia operationes spirituales, quarum sunt fructus, quo intensiores sunt, eo magis animam perficiunt. Verum quidem est, quod quandiu mortalem vitam vivimus, operationes spirituales plerumque sunt magis remissæ, quam corporeæ, ac propterea minus delectant: sed ille defectus oritur, ut jam diximus, ex corruptione naturæ, cui, ut paullatim reparetur per gratiam Mediatoris, spiritualia & Deus ipse fiunt in dies præsentiora, eamque tam vehementer & suaviter ad se rapiunt, ut

in illo raptu & extasi aliud sapere possit, intromittis me, inquiebat S. Augustinus lib. 10. Confess. c. 40. in affectum multum inuistatum introitus, ad nescio quam dulcedinem, quæ si perficiatur in me, nescio quid erit, quod vita ista non erit.

Dices 2. actus virtutum sunt media ad ultimum finem: atqui iustus prudenter & rationabiliter fruitur ac delectatur ejusmodi actibus: Ergo fruitio æque est mediorum ac finis.

Distinguo maj. Sunt media simul & fines: Concedo: sunt media pura, Nego maj.

Distinguo similiter consequ. Fruitio est mediorum, quæ habent etiam rationem finis, Conc. est mediorum, quæ prudenter & rationabiliter finis esse nequeunt, Nego consequ.

Medium itaque duplex, scilicet purum & non purum. Purum dicitur, quod ita necessarium aut utile est ad finem consequendum, ut propter se nullatenus sit appetibile, ut pharmacum: non purum vero quod & propter se appetibile est, sub quo respectu est fini, & ulterius conducit ad nobiliorem finem assequendum & eatenus habet rationem medii. Porro actus virtutum sunt media non pura; quia sunt propter se expetibiles; & simul inserviunt ad obtinendum ultimum finem. Sed ista paullo latius sunt explicanda; plurimi enim refert ad mores nosse quid liceat amplecti ut medium non purum, & ita eo frui & delectari: quidve ut purum medium, quo solum utendum sit. Nam ex S. Augustin. lib. 10. de Trin. c. 10. non est alia vita hominis vitiosa atque culpabilis, quam male utens & male fruens. Et l. 1. de Doctrina Christiana c. 3. & 4. Frui autem, inquit, est amore inherere alicui rei propter seipsam: uti autem quod in usum venerit, ad id quod amat, obtinendum referre, si tamen anandam est. Nam usus illicitus abusus potius, vel abusus nominanda est. Itaque

Q. 4. Quid in moralibus spectari debet vel ut purum medium nullatenus propter se amabile, sed notabiliter ad aliud referibile; vel ut medium non purum: hoc est, simul propter se amabile, & ad aliud insuper refe-

referendum ; vel denique ut purus finis propter se expetibilis , & nullo modo ad aliud referibilis ?

R. 1. Illud spectari debet ut purum medium , quod naturam rationalem nec perficere , nec meliorem reddere potest . Responsio necessario sequitur ex dictis ; eatenus quippe rem aliquam appetere licet , quatenus nobis est bona , quia malum velle nefas est : atque quod naturam rationalem nec perficere , nec meliorem reddere potest , illud secundum se spectatum non est nobis bonum , quo frui & delectari liceat : ergo spectari debet ut purum medium ad illud referendum : sive ut utile , sive ut necessarium .

Ergo temporalia , quantumcunque sensibus delectabilia , ut fama , honor , rerum abundantia , quibus non utimur *sine* sensu voluptatis , sunt pura media , quibus dumtaxat uti licet , nullatenus frui ; qui naturam rationalem nec perficiunt , nec meliorem reddunt , immo amor illorum , qui dicitur cupiditas , inficit & corrumpit . *Quid intersit* , ait S. Augustinus lib. 2. de Serm. Domini in monte , cap. 24. *inter bonum quod appetendum est , & necessarium quod sumendum est , hac sua sententia declaravit ; Quærite primum regnum Dei & iustitiam ejus , & hæc omnia adjicientur vobis . Regnum ergo Dei iustitia Dei bonum necessarium est ; & hoc appetendum , & ibi finis constituendus . Cætera adjicientur , nempe fama , honores , rerum sufficientia operanti ex caritate , etiamsi ea non intendat , immo etiamsi ea a cogitatione sua repellat , ne fiat transgressor primarii illius præcepti , non concupisces . Unde pergit S. Doctor c. 25. non dicis , deinde ista quærite , quamvis necessaria . . . nec cum ista quæritis , illinc avertamini , aut ne duos fines constituatis , ut & regnum Dei propter se appetatis , & ista necessaria , sed hæc potius propter illud . . . Ergo simplici corde tantummodo propter regnum Dei debemus operari bonum ad omnes , non aniem in hac operatione , vel solam , vel cum regno Dei mercedem temporalem cogitare . Et lib. 1. de Doct. Christ. c. 4. hancce Catholicam doctrinam , & in Scholiis Philosophorum celebrem illustrat egregia similitudine ad captum lectorum*

rum accommodata, Quomodo ergo, inquit, si essemus peregrini, eaque peregrinatione, utique miseri, opus esset vel terrestribus, vel marinis vehiculis quibus utendum esset, ut ad patriam, qua fruendum erat, pervenire valeremus; Quod si amoenitates itineris, & ipsa gestatio vehiculorum nos delectaret, conversi ad fruendum his, quibus uti debuimus, nollemus cito viam finire, & perversa suavitate implicati alienaremur a patria, cujus suavitates faceret beatos: Sic in hujus mortalitatis vita peregrinantes a Domino, si redire in patriam volumus, ubi beati esse possimus, utendum est hoc modo (ut vehiculis necessariis) non fruendum... ut de corporalibus temporalibusque rebus æterna & spiritalia capiamus.

Abusus est ergo non usus, ac proinde peccatum; delectari prælationis honore, & nominis celebritate, quia turpis vanitas est: rei alterius amore, quam vitæ æternæ; lucrum intendere, quia turpis cupiditas est: actibus naturalis appetitus frui, quia turpis voluptas est. *Tu voluptate fruere, ego utor*: inquit ipse Seneca Epicurum insectans, lib. 16. de Vita beata, c. 88. & S. August. l. 10. Conf. c. 31. *his tentationibus quotidie conor resistere & invoco dexteram tuam ad salutem meam*. Denique in Sancti Doctoris sententia, aliud hominis peccatum non est, quam frui utendis, & uti fruendis, ac proinde circa intentionem finis, & quotidianum rerum usum maxime vigilare debet Christiana pietas.

R. 2. Actus Christianæ virtutis sunt media non pura, quibus frui simul & uti licet tanquam fine & mediis.

Probatur. Illud habet rationem finis & medii quod naturam rationalem perficit, melioremque reddit, ac insuper interservit ad acquirendum summum bonum & ultimum finem: atqui ejusmodi sunt actus Christianæ virtutis: Ergo Major constat ex dictis.

Minor quoad posteriorum partem, nempe actus Christianæ virtutis esse media ad acquirendum ultimum finem, est de fide, Matth. 19. *Si vis ad vitam ingredi, serva mandata*. 2. Tim. 4. *Reposita est mihi corona*

rona justitiæ, quam reddet mihi Dominus in illa die justus Judex; non solum autem mihi, sed & iis qui diligunt adventum ejus.

Quoad priorem vero partem, nimirum quod ejusmodi actus habeant rationem finis propter se expectabilis, cujus possessione frui & delectari licet,

Probatur 1. ex Scriptura, Psal. 18. Mandata Dei dicuntur, *desiderabilia super aurum & lapidem pretiosum multum, & dulciora super mel & favum.* Psal. 118. *Quomodo dilexi legem tuam, Domine, tota die meditatio mea est.* Sap. 7. v. 19. *Custoditio autem legum consummatio incorruptionis est.*

Prob. 2. ratione. Quod perficit naturam rationalem, melioremque reddit, illud est propter se expectandum, & eo obtento frui licet ac delectari; omnia enim appetunt suam perfectionem, & in ejus possessione quiescunt: atqui actus veræ virtutis perficiunt naturam rationalem, melioremque efficiunt: virtus a Philosophis definitur, habitus laudabilis, qui facit simpliciter bonum habentem se. Vide quæ in hanc rem diximus supra cap. 2. Porro delectatio est fructus operationis perfectæ, charitas ex S. August. in Psal. 76. sine gaudio esse non potest. Gaudet de auro tuo, de cuppa tua plena, & non gaudet Deo plenus? Fructus spiritus per quem diffunditur charitas in cordibus nostris, sunt gaudium, pax, Gal. 5. v. 22. Hanc cordis lætitiā nulla amaritudo turbat, *repletus sum consolatione,* inquit Apostolus 2. Cor. 7. v. 4. *Superabundo gaudio in omni tribulatione nostra.* Denique Deus, qui non mentitur, beatos dicit cultores justitiæ, *beati immaculati in via, qui ambulant in lege Domini.* Ps. 118. Verum quia opus justitiæ in hac vita non potest esse undequaque perfectum, justus in eo plene non quiescit, sed ultimam suam perfectionem eo ardentius appetit, & bonis actibus promereri sollicitus satagit, quod ad eam propius accedat, & hac ratione virtutis operibus tanquam mediis recte utitur.

Ergo carnales & superbi Philosophi, ut Stoiei, male de virtute sentiunt.

Ac primo quidem carnales, qui solo damnationis ti-

more adacti utuntur operibus virtutis tanquam puris mediis per se ingratis, non secus ac æger jucundis remediis ad morbum expellendum, eodemque plane modo animas vulneribus peccatorum saucias tradunt Confessario curandas, quo ille corpus sanandum committit Medico. Nempe cum Confessario disceptant, ne plura bona opera, quam necessaria ad salutem injungat, eumque præferendum judicant, qui paucioribus & facilioribus remediis veniam peccatorum & vitam æternam pollicetur: iis autem non hilariter, sed patienter obtemperant, quia non amore virtutis, sed ex necessitate finis injecta perficiunt. Enimvero juxta S. Thom. illud interest finem inter & pura media, quod finis utpote bonum per se amabile, absque modo & mensura appetatur, desideriumque illius sit illimitatum & quodammodo infinitum: contra vero in mediis mediocritas semper requiratur, adeo ut illud eis superfluum & inutile reputetur, rejiciaturque, sine quo finis obtineri potest. Æger v. g. vult sanitatem absque limitatione, nec unquam contendit cum Medico, ne plus sanitatis procuret, sed ne remedia sine necessitate multiplicet. Sic se habent corda carnalium, voluptati & cupiditati eorum nunquam satis, quia finem in ea constituunt, & ad illam tendunt, ut ad bonum per se expetibile, & alio non referibile: hoc unum timent a Confessario, ne quid ex ea minuat, & plura bona opera imponat, quam absolute necessaria sint ad remissionem peccatorum, & vitam æternam obtinendam, nec advertunt miseri se cum illa voluntate (quæ sane mala est, cum non amet quod amandum & naturæ rationali consentaneum), non posse unquam esse beatos. Quid enim est æterna felicitas nisi gaudium de veritate, de Deo totius justitiæ fonte? nisi ergo delectet eos justitia, & mutetur perversa eorum voluntas, miseri essent in patria, in qua unus est actus, nempe frui Deo, qui est veritas, castitas, & omnis virtus: mala autem voluntas non mutabitur post mortem, quia ubi ceciderit lignum, ibi in æternum erit: ante mortem ergo mutetur necesse est, alioquin ipsis claudetur janua Regni celestis.

Secundo, male etiam sentiunt de virtute superbi Philosophi, ut Stoici, qui ita dicunt, frui mea virtute mihi bonum est, ut ad illud nempe ad Deum, utpote summum bonum, eam non referant, sed ea in seipsis fruuntur & quiescant, cum veræ virtutis officium sit nos unire Deo totius justitiæ fonti, a quo, & in quo est nostra perfectio, & omnimoda requies. Quare si virtus a Deo sejungatur, idem plane est; ac si separetur radius a suo Sole, rivulus a suo fonte, & ramus a sua radice, si quis in me non manserit, ait vera vitis Jo: 15. mittetur foras sicut palme, & aresecit, & colligent eum, & in ignem mittent.

COROLLARIUM.

QUæ de effectibus finis hæcenus diximus, certa sunt, non solum apud Theologos, sed etiam apud Philosophos; nam S. Th. quem in hac materia Magistrum secuti sumus, suam doctrinam ex Aristotele ubique confirmat, ut cuilibet perspicuum sit se peccare contra lumen rationis simul & fidei, si alicubi a præscriptis morum regulis deflectat.

Accuratius autem de iis differendum fuit, quia sunt primæ morum rudimenta, ac veluti elementa, ex quibus laudabiles actus humani quodammodo componuntur, & in quæ ultimo resolvi debent; nulla quippe est bona actio, nisi fiat ex amore finis honesti, & boni perfectivi, ex recta intentione, eaque efficaci, ex prudenti consilio & electione, dirigaturque in rerum usu & fruitione juxta regulas præmissas. Qui ergo voluerit actus suos ad examen revocare, & de iis verum judicium ferre, ut solet virtutis studiosi, discurrat necesse est per singulos finis effectus, expendatque ex quo amore processerint: quæ fuerit ejus intentio, an simplex, aut duplex: quæ deliberatio & electio: quis usus & quæ fruitio, seu delectatio; alioquin externa boni species fallit: multa quippe ad oculum videntur recta, quæ regulis applicata reperiuntur distorta: *Et nonnunquam hoc fit reus criminis, quod putatur causa virtutis*, inquebat supra S. Gregorius.

Dixi ea . quæ spectant finis effectus , esse prima laudabilium morum rudimenta , ac veluti elementa , ex quibus actus humani componuntur , & in quæ ultimo resolvi debent , ut quis intelligat neminem posse absque eorum perfecta notitia , & familiari usu recte vivendi artem tenere . Enimvero ut quis in qualibet arte peritus evadat , cum prima tirocinia ponere oportet : in grammatica . v. g. litterarum notas primo distinguere , deinde syllabas & dictiones conjungere : in pictura similiter umbratiles lineas ducere , situm & proportionem , quam habent intra se membra corporis delineandi , observare : ac denique ita scire colores miscere , ut visum fallat imago , videaturque partim e summa tabella exilire , partim in ima jacere : alioquin frustra & incassum Ludi magister discipulis horum ignaris imitandam proponet egregiam orationem , aut absolutum Archetypum . Eodem fere modo se habent Pastores , qui in in panegyricis Orationibus ad sequenda Sanctorum exempla hortantur plebem , quam nondum imbuerunt rudioribus hisce prudentiæ præceptis , ex quibus , nec alias exurgit actus moraliter bonus .

Nec dicas , hujusmodi rudimenta difficiliora esse ac sublimiora , quam ut vulgus Christianorum ea capere possit . Namque 1. ars bene vivendi est omnium nobilissima , ac plane divina , nec quisquam sine gratia Christi eam assequitur . Ipse Aristoteles , & alii Philosophi , qui inflatis buccis , ut loquitur S. Aug. regulas a nobis hic expositas aliis erudite tradiderunt , eas in praxi secuti non sunt ; & quamvis multa ab eis præclare ac veluti heroice gesta legamus , tamen si discutiatur quo fine facta fuerint , vix reperiuntur , quæ juxta regulas ab ipsis præscriptas veram virtutis laudem mereantur , ut observat idem S. August. lib. de spir. & litt. cap. 27. Vide quæ in hanc rem diximus Tom. 2. Tract. de Gratia Christi . 2. Cum naturale sit homini rationabiliter vivere , & omnes sint à Deo instituti ad virtutem excolendam , repugnat aliquem esse ita rudem , ut incapax sit artis bene vivendi . Esto nonnulla reperiantur tam stolidi & stupidi , ut alias quasdam artes edoceri nequeant , quia natura eorum ad alias non est à Deo efformata , sed cum in uno-
quo-

quoque ad virtutem sit ordinata, nullus est qui ad institui, & in arte bene vivendi excellere non possit, si ad Deum, à quo est sapientia, & omne donum perfectum, suppliciter recurrat, ac proinde quod quis in hac arte peccet, negligentiae illius est tribuendum.

3. Nullus est actus vere bonus, quin sit conformis regulis hic praescriptis: Ergo omnes suo modo illas tenere debent; alii quidem, ut vulgus Christianorum, saltem confuse & imperfecte: alii, nimirum Pastores, utpote insipientium Magistri, distincte & perfecte, quo possint discipulorum actus ad normam virtutis expendere, defectus advertere, & corrigere. Ex quibus patet illos Pastores graviter hallucinari, qui sibi satis esse putant, si plebs curae suae commissam memoriter teneat rudimenta fidei, prout infantibus tradi solent; cum praecipuum illorum opus sit majoribus tradere regulas recte vivendi, & instare juxta Apostolum opportune & importune, ut ad illos opera sua dirigant. Quam autem assiduus esse debeat bonus Pastor in hocce docendi munere, Deus ipse per Prophetam declarat Isai. 58. ubi sic praecipit: *Clama, ne cesses*. Et Patres Tridentini sess. 9. cap. 2. de refor. diebus saltem Dominicis & festis solemnibus plebes sibi commissas pro sua & earum capacitate pascant salutaribus verbis, docendo . . . vitia, quae eos declinare, & virtutes, quas sectari oporteat, ut poenam aeternam evadere, & caelestem gloriam consequi valeant. Dicendo, saltem, hoc est, ad minimum, innuunt omnino expetendum, ut id fiat frequentius, si possit. Unde S. Augustinus: *Quamvis assidue praedicemus, inquit, minus tamen reddimus, quam debemus, dicente Scriptura: Clama, ne cesses*.

§. VI.

De divisione finis.

Q. 1. **Q**uomodo finis dividitur?

R. Dividitur 1. in internum, & externum.

Finis internus est ille, ad quem actus proxime tendit.

ac terminatur: sic sublevatio pauperis est finis internus eleemosynæ, quia eleemosyna proxime & immediate tendit ad sublevandum pauperem. Unde finis ille dicitur finis operis, estque plane cum objecto.

Finis externus est ille, ad quem actus remote & mediante fine interno refertur: sic remissio peccatorum est finis externus eleemosynæ in eum finem collatæ, quia sicut aqua extinguit ignem, ait Sapiens Eccli. 3. ita eleemosyna, mediante sublevatione pauperis, extinguit peccatum. Hic finis dicitur finis operantis, non vero operis, quia actus ex natura sua ad eam non tendit, sed ex intentione operantis. Unde bonitas, quam actus ex fine externo desumit, non est ipsi essentialis, sed accidentalis dumtaxat, ut supra diximus.

Dividitur iterum finis in intermedium, & ultimum.

Intermedius finis is est, ad quem actio ita refertur, ut ipse ad ulteriorem finem referatur: sic venia peccatorum, quæ intenditur in allato eleemosynæ exemplo, est finis intermedius, quia ulterius ordinatur, nempe ad beatitudinem.

Ultimus finis dicitur, ad quem omnia ita referuntur, ut ipse ad aliud non referatur, sed eo obtento, omnino quiescat agens, qui, si sit intelligentia præditus, illa quiete efficitur beatus. Namque ex S. Aug. lib. octoginta trium questionum, q. 5. *Non cadit in animalia rationis expertia, ut beata sint*, quia aguntur & possidentur potius, quam agant & possideant, beatitudo autem est possessio summi boni.

Q. 2. *Quotuplici modo ultimus finis spectari potest?*

R. Duplici, scilicet objective, & formaliter.

Finis ultimus objective spectatus, est res bona, quæ intenditur: formaliter vero sumptus, est ipsa rei possessio.

Porro res illa debet esse summum bonum, alioquin ultra eam aliud esset appetendum, & ita non omnia ad eam referrentur, nec in ea quiesceret appetitus: ergo finis ultimus, summum bonum, beatitudo saltem respectu intellectualium, sunt omnia synonyma, quæ idem prorsus significant.

Q. 3.

Q. 3. Quotuplici modo spectari potest beatitudo obiective sumpta?

R. Duplici. Primo, confuse seu indeterminate, & secundum rationem universalem summi boni, abstrahendo ab omni bono specificè sumpto, ut cernere est in eo, qui incertus in quo felicitas ponenda sit, animum ad plura converteret, puta ad divitias, voluptates, experturus an in illis posset quiescere; is enim ageret amore finis ultimi, sed confuse & indeterminate spectati. Secundo beatitudo seu finis ultimus spectari potest distincte & determinate, ut si qui rem determinatam, v. g. Deum, vel gloriam mundi sibi proponat tanquam summum bonum, & ad illud assequendum.

Q. 4. Homo agitur semper propter ultimum finem?

R. Semper agit propter ultimum finem spectatum in genere & indeterminate, non vero spectatum in specie & determinate.

Prima pars probatur 1. ex Sancto August. lib. 10. de Civ. Dei cap. 1. *Omnium certe sententia est: inquit, qui ratione uti possunt, beatos esse omnes homines velles. Et lib. 13. de Trinit. cap. 3. Quidquid autem latenter aliud aliquis vellet, ab hac voluntate non recedat. Sed præsertim conc. 1. in Psal. 118. ubi sic habet: Beatum... esse tam magnum est bonum, ut hoc & boni velint & mali. Nec mirum est quod boni propterea sunt boni: sed illud est mirum, quod etiam mali propterea sunt mali, ut sint beati: & lib. 2. Confess. c. 6. ignavia quasi quietem appetit, qua vero quies certa præter Deum? Luxuria satietatem atque abundantiam se cupit vocari; tu tamen (Deum alloquitur) es plentudo. & indeficiens copia incorruptibilis suavitatis... perverse te imitantur omnes, qui longe se a te faciunt, & extollunt se adversum te. Sed etiam sic te imitando intiment Creatorem te esse omnis naturæ, & ideo non esse, quo a te omni modo recedatur.*

Probatur 2. ratione duplici, qua utitur S. Thomas 2. 2. quæst. 1. art. 6. Namque 1. beatitudo est expletio naturalis appetitus: atqui nihil facit homo, nisi ut expleat naturalem appetitum: ergo in omnibus

actionibus beatitudinem saltem implicite appetit. Illud ipsum agnovit Aristoteles lib. 1. Ethic. cap. 12. ubi docet beatitudinis causa omnes operari omnia. 2. Ultimus finis se habet ad motum appetitus, sicut se habet in aliis motionibus primum movens: *Manifestum est autem*, inquit Angelicus Doctor, *quod causse secundae moventes non movent nisi secundum quod moventur a primo Movente. Unde: secunda appetibilia non movent appetitum, nisi ordine ad primum appetibile, quod est ultimus finis.*

Secunda pars probatur; quia qui de ultimo fine non cogitat, vel etiam ab eo se avertit, ut alio tendat, is sane non operatur propter ultimum finem determinate sumptum: atqui sic se habent peccatores. *Homines*, inquit S. Augustinus lib. 13. de Trinit. cap. 31. *ut eos quaeque res maxime delectavit, ita in ea constituerunt vitam beatam.* Epicurus ait, frui carne mea bonum est: Stoicus, frui mea mente bonum est. Christianus vero, mihi adhærere Deo bonum est. Denique apud Philosophos Gentiles tanta fuit in hac parte opinandi libido, & sententiarum varietas, ut idem S. Doctor lib. 19. de Civit. Dei cap. 1. numeret ex Varrone ducentas octoginta octo opiniones circa summum bonum. Redite errantes, inquit S. Doctor in Psalm. 33. & lib. 4. Conf. cap. 12. non est hæc via: bonam rem quæritis, sed non in regione ejus illam quæritis: *Beatam vitam quæritis in regione mortis: non est illic; quomodo enim beata vita, ubi nec vita?* *Descendit huc vita nostra (Filius Dei) & iatavit clamans, ut redeamus hinc.* Nusquam enim periculosius erratur, quam in definitione ultimi finis; quia sicut se habet primum principium in speculabilibus: ita ultimus finis in operabilibus, inquit Sanctus Thomas ex Philosopho. Sicut ergo constituto semel incerto aut falso principio, totam conclusionum seriem nutare, aut in præcipitium erroris discurrentem trahi necesse est: ita posito fictitiæ beatitudinis fundamento morum fabrica, ac spiritualis disciplinæ structura stare nequaquam potest.

S. VII.

De vera hominis beatitudine obiectiva.

Q. 1. **Q**uamnam est determinata hominis beatitudo obiective spectata?

R. Solus Deus, quia in eo consistit vera hominis beatitudo, quod est summum hominis bonum; atqui solus Deus est summum hominis bonum, ut supra demonstravimus c. 2. Ergo.

Confirmatur 1. ex S. Augustino pluribus in locis; sed præsertim epist. 55. alias 52. ad Macedonium his verbis: *Neque enim beatum facit hominem, nisi qui fecit hominem. Namque qui tanta creature sue bonis magnisque largitur, ut homines sint, ut vigentes sensibus, valentes viribus, affluentes opibus sint: seipsum bonis dabit, ut beati sint: quia etiam hoc munus ejus est, ut boni sint.* Et lib. 13. Conf. Cap. 8. Deum sic alloquitur: *Satis ostendit quam magnam creaturam rationalem fecerit, cui nullo modo sufficit ad beatam requiem quidquid minus est, ac per hoc nec ipsa sibi . . . male mihi est præter te non solum extra me, sed & in me ipso, & omnis mihi copia quæ Deus meus non est, egestas.* Denique lib. 1. Conf. cap. 1. *Fecisti nos ad te, & inquietum est cor nostrum, donec requiescat in te.*

Confirmatur 2. ex S. Th. 1. 2. quæst. 2. art. 8. in quo discurre: *Objectum voluntatis, (quæ est appetitus humanus) est universale bonum, sicut objectum intellectus est universale verum.* Ex quo patet quod nihil potest quietare voluntatem hominis, nisi universale bonum; quod non invenitur in aliquo creato, sed solum in Deo, quia omnis creatura habet bonitatem participatam.

Q. 2. Tenetur ne homo dirigere omnia opera sua ad Deum tanquam ad ultimum finem sibi determinatum, & obiectum suæ beatitudinis?

Constat ex dictis hominem necessario appetere ultimum finem in communi, & ex illa generali intentione semper agere: libere vero se determinare ad ultimi-

mum finem in particulari, qui alius non est, quam Deus, principium & finis cuiusque rei. Hinc naturaliter oritur opposita quaestio, utrum homo Deum intendere debeat in omnibus operibus suis.

R. 1. Cum Sancto Thoma 1. 2. quaest. 1. art. 6. ad 3. homo non tenetur Deum actuali intentione intendere in omnibus operibus suis, quia actualis intentio requirit actualem mentis attentionem, seu cogitationem; atqui homo quamdiu mortalem hanc vitam vivit, non potest semper actu de Deo cogitare; hæc perfectio est propria Spirituum beatorum, qui etsi deputentur ad hominum custodiam, nihilominus in sua administratione semper vident faciem Patris, Matth. 18. *Non oportet*, inquit Angelicus Doctor, *ut semper aliquis cogitet de ultimo fine, quandodumque aliquid appetit, vel operatur; sed virtus primæ intentionis, quæ est respectu ultimi finis, manet in quolibet appetitu, cuiuscumque rei, etiamsi de ultimo fine actu non cogitetur, sicut oportet quod qui vadit per viam, in quolibet passu cogitet de fine.* Unde ad mentem Sancti Thomæ.

R. 2. Homo intentione, saltem virtuali, tenetur singula sua opera ad Deum referre.

Probatur 1. ex Scriptura, Pl. 104. *Querite Dominum, & confirmamini; querite faciem ejus semper.* In quem locum sic scribit S. August. *Caritas invenit Deum per fidem; & eum querit habere per speciem; est enim sine fine querendus, quia sine fine amandus.* . . . Et nimirum hoc est, querite faciem ejus semper, ut non huc inquisitioni, qua significatur amor, finem præstet inventio, sed amore crescente, inquisitio crescat inventi. Matth. 6. *Querite ergo primum regnum Dei, & justitiam ejus; & hæc omnia adjicientur vobis.* Quæ verba expendens Sanctus Augustinus lib. 2. de serm. Domini in mente c. 25. hæc habet: *Non dicit, deinde ista querite, quamvis necessaria. . . nec eum ista queratis, illinc advertamini, aut ne duos fines constituatis, ut & regnum Dei propter se appetatis, & ista necessaria, sed hæc propter illud.* . . . Ergo simplici corde tantummodo propter regnum Dei debemus bonum operari ad omnes. 1. Cor. 10. *Sive ergo manducatis, sive bibitis, sive aliud quid.*

quid facitis: omnia in gloriam Dei facite. Et Coloss. cap. 1. Omne quodcumque facitis in verbo aut in opere, omnia in nomine Domini Jesu Christi facite.

In quem locum S. Thomas L. 3. sic scribit: *Quidam dicunt quod hoc est consilium: sed hoc non est verum. Sed dicendum est quod non est necessarium quod omnia in Deum referantur actu sed habitu.*

Prob. 2. ratione 1. Finis ultimus ex omnium consensu est ille, ad quem omnia referuntur; atqui solus Deus est finis ultimus: Ergo. 2. Omnis creatura debet tendere ad id, ad quod movetur a suo actore: atqui Deus ut primus movens omnia ad seipsum movet, & adducit, inanimata quidem, & irrationalia necessario, rationalia vero libere: *Omnia propter seipsum operatus est Dominus.* Ergo creatura rationalis deficit a sua rectitudine, & abutitur sua libertate, nisi omnes actus suos ad Deum dirigat, saltem intentione virtuali, *nemo sit superbus extra viam*, inquit S. Aug. Præfat. in Pl. 31. *nemo piger in via. Si quis deviasse invenerit, redeat ut in viam ambulet. Si se in via invenerit, in ea ambulet ut perveniat.* Adde, quod gratia sit divina quædam motio in ordine ad vitam æternam; ac proinde quisquis Spiritu Dei agitur, hic vitam æternam intendit, 3. Appetitus humanus necessario tendit in beatitudinem in communi, ut supra diximus: officium ergo sit rectæ rationis investigare in quo consistat illa beatitudo, cumque eam extra Deum non consistere invenerit, tum oportet omnes actus humanos ad Deum dirigat juxta pondus, & innatam inclinationem naturæ rationalis; alioquin actio non esset consentanea naturæ rationali; nec proinde bona. 4. Dominus vitam æternam nobis proponit, ut mercedem bonorum operum: atqui herus mercedem non debet servo, qui propter ipsum non operatur: Ergo bona nostra opera ad Deum referri debent. 5. Regula precandi est regula credendi & operandi: quid autem orantes petere debeamus, docuit Magister noster in Oratione Dominica adeo necessaria; *ut aliter orare, non ignorantia sola sit, sed & culpa*, inquit sanctus Cyprianus sermo de oratione. Et S. Augustinus epist. 138. alias 121.

c. 12. *Quisquis id dicit, quod ad istam Evangelicam precem pertinere non possit, etiamsi non illicite oret, carnaliter orat: quod nescio quemadmodum non dicatur illicite, quandoquidem Spiritu renatus nonnisi spiritualiter debet orare.* Atqui ex eodem S. Doctore laudata epist. & ex Thoma 2. 2. q. 83. art. 9. hoc unum in oratione petendum est, nempe vita æterna, & media ad illam consequendam, & quidem continuo, juxta illud Luc. 18. *Oportet semper orare, & non deficere:* quatenus desiderium vitæ æternæ debet in nobis esse virtualiter continuum, ut fuse explicamus Tom. 4. Tract. de Virtute Religionis cap. 4. §. 5.

Dices 1. Præceptum affirmativum, quo præcipitur actus bonus, non obligat pro semper, ut loquuntur Theologi: atqui præceptum, quo jubemur actus nostros ad Deum referre, est affirmativum: Ergo non obligat pro semper.

Distinguo maj. Præceptum affirmativum media dumtaxat spectans, Conc. Finem ultimum spectans; Nego major. & ratio disparitatis est, quod unus sit ultimus finis, ad quem omnes tendere debent, plura vero media, respectu quorum est electio juxta prudentiæ regulas, non enim omnia omnibus semper, & ubique conveniunt: ensis v. g. non est restituendus domino furibundo, cum prævidetur eo percussurus proximum: oratio intermittenda, quando familia ope nostra indiget: cura pauperum relinquenda, si præceptum superioris ad alia vocet. Ex quibus liquet præceptum de mediis non semper & pro semper obligare; quia non semper concurrunt omnes circumstantiæ, in quibus media illa prudenter assumi possint. Sed præcepta, quæ ultimum finem spectant, ut fides, spes, & caritas, semper & pro semper obligant, quia etsi non omni modo, saltem aliquo ad Deum tendere debemus.

Instabis: Præceptum caritatis est affirmativum, & Deum respicit; atqui non tenemur semper & pro semper ex caritate agere: alias peccatores, qui caritate carent, & ex gehennæ metu operantur, nullum actum bonum elicere possent, quod est falsissimum & hæreticum, Ergo.

Distinguo maj. est aliquod præceptum affirmativum Deum respiciens, Conc. est unicum præceptum affirmativum Deum respiciens, Nego maj. Spes enim etiam Deum respicit ut ultimum finem, & ex ea saltem peccatores qui se ad justificationem disponunt, divinæ justitiæ timore concussi, ad misericordiam Dei se convertunt, atque vitæ æternæ intuitu laboriosis pœnitentiæ operibus defunguntur.

Dices 2. Opera virtutum moralium, v. gr. colere parentes, benefacere amicis, habent rationem finis intermediæ, licetque iis frui, & delectari, ut supra dictum est; ergo non tenemur ea ulterius referre; sed satis est quod per se sint ad Deum referibilia.

Dist. ant. Licet iis frui & delectari in Domino, Conc. in seipso, nego ant. Illud enim est superbia, & turpis vanitas.

§. VIII.

De Beatitudine formali.

Iam diximus beatitudinem formalem esse ipsam summi boni possessionem, quia illud est beatitudo formalis, quo formaliter Beati efficimur: atqui possessione summi boni formaliter Beati efficimur: Ergo possessio summi boni est beatitudo formalis, circa quam.

Q. 1. *In quo consistit illa possessio?*

R. Non consistit nisi in aliqua operatione perfecta.

Prob. 1. Quia beatitudo formalis est ultima hominis perfectio: atqui ultima hominis perfectio est operatio: quæ enim sunt in potentia, censentur imperfecta; sapiens & insipiens eandem habent naturam, iisdem instruuntur potentiis, sola operatione discrepant, a qua ille denominatur perfectus, iste imperfectus.

Prob. 2. In Beatitudine formali intelligitur perfecta quies, & plena delectatio: atqui delectatio ex dictis est consuetudinem quid, & proprietas perfectæ operationis: delectatio oculorum, aurium, & gutturis, est consentanea & perfecta perceptio lucidi, concentus, & saporis: insensitiva, ut cognitionis sunt incapacia,
ita.

ita & delectationis: Ergo beatitudo formalis, seu possessio summi boni, neque in potentiis, neque in habitibus laudabilibus, sed in sola operatione perfecta est reponenda; operatio enim est quid ultimum rei. Unde Aristoteles lib. 2. de celo docet unumquodque esse propter suam operationem.

Q. 2. *Quæ operatio potest esse formalis beatitudo?*

R. Debet esse potentie præstantioris, & versari perfectissimo modo circa objectum perfectissimum. Et ratio est, quia beatitudo formalis debet esse possessio, quæ quietet & satiet appetitum: atqui nisi hæc tria concurrant in operatione, non explebit appetitum: Ergo.

Min. prob. 1. vilior potentia non percipit, nisi objecto inferiora, ut auditus sonos: quis autem crederet hominem beatum ex suavissimo concentu, cum interim cæcus sit? Idem dicito de eo qui fruitur gratissimo spectaculo, sed amens est, aut stolidus. Natura rationalis majori pondere ad altiora fertur, quæ possidere nequit, nisi per præstantiorem facultatem, ac proinde formalis ejus beatitudo non potest esse nisi operatio præstantioris potentie, & idcirco maxime excolendæ: *quid est aliud beate vivere*, inquit S. Aug. lib. 83. quæst. 35. *Nisi æternum aliquid cognoscendo mente habere? Id. autem habere non possumus, nisi ea re qua præstantiores sumus, idest, mente. Quidquid autem mente habetur, noscendo habetur.* 2. Si objectum sit bonum mediocre, operatio; quæ circa illud versatur, erit possessio mediocris boni, ac proinde non satiabit appetitum, nec erit beatitudo formalis, ut quæ debet esse possessio summi boni. 3. Denique nisi potentia præstantior perfectissimo modo attingat objectum, quantumcumque excellens & infinitum, non quiescit, nec expletur ejus appetitus, quia imperfecta est ejus possessio. Hinc est quod in hac mortali vita simpliciter beati esse non possumus, quia licet Deum mente noverimus, per fidem tamen ambulamus, & non per speciem; quæ autem relatione & testimonio aliorum cognoscimus, minus afficiunt, quam quæ visu percipimus: Ergo operatio non erit for-

formalis nostra beatitudo, nisi hæc tria ad eam concurrant, nempe præstantior potentia, objectum præstantissimum, & modus operandi perfectissimus.

Ergo visio Dei intuitiva est formalis hominum beatitudo, ut quæ sit operatio facultatis præstantissimæ, mentis scilicet, versetur circa objectum in omni genere perfectionis infinitum; sitque perfectissima illius possessio; nosse enim Deum est illum habere: immo ex S. Aug. lib. 83. quæstion. quæst. 35. *Illud ipsum est, quod nihil aliud sit habere, quam nosse*. Sicut aliter non possidetur lumen, quam per visum, nec suavis concentus, quam per auditum; ita nec veritas & sapientia, quam per cognitionem. Qui videt aurum, non illud propterea possidet, quia visio auri non tribuit jus & facultatem eo utendi in proprios usus: contra vero, qui veritatem & sapientiam perfecte novit, is possessor illius est, luce ejus refulget, gloria clarescit, suavitate profunditur, & ceteris ejus donis amplificatur. Quid est autem Deus, ad quem cor nostrum tam ardentem suspirat, nisi subsistens veritas, ipsamet sapientia? Ergo quibus clare apparebit, erit illorum Deus & omnia; hoc est, interprete S. Aug. lib. 22. de Civita. Dei cap. ult. erit unde fassientur: erit quæcumque ab omnibus honeste desiderantur, & vita, & salus, & victus, & copia & gloria, & honor & pax, & omnia bona. Denique in divinam transferebatur similitudinem, juxta illud 1. Jo: 3. *Cum apparuerit, similes ei erimus, quoniam videbimus eum, sicuti est*.

Confirm. 1. ex Scriptura Ps. 16. *Satiabor, cum apparuerit gloria tua*. Ps. 79. *Ostende faciem tuam, & salvi erimus*. Jo: 17. *Hæc est autem vita æterna, ut cognoscant te, solum Deum verum*. 2. ex SS. PP. S. Ambrosius lib. 2. de Off. cap. 2. sic scribit: *Scriptura divina vitam beatam in cognitione posuit Divinitatis*. S. Chrysost. hom. 81. in Jo: *Omnis requies, inquit, est Filium Dei videre*. S. Aug. quoque lib. 1. de Trinit. cap. 8. sic habet: *Hæc contemplatio promittitur nobis omnium actionum nostrarum finis*. Et lib. de Spir. & litt. cap. 32. *Illæ cognitione, illa visione, illa contem-*

templatione satiabitur bonis animæ desiderium; hoc enim ei solum sat est, ultra non habet quod appetat, quo inhiat, quod requirat.

Dices ex S. Aug. lib. de Moribus Eccl. cap. 3. beatus dici non potest, qui non amat, quod habet, et si optimum sit. Nam qui non appetit, quod appetendum esset, egrotat: nihil autem istorum animo contingit sine miseria. Unde concludit S. D. eam esse beatam vitam, cum id quod est homini optimum, & amatur, & habetur: Ergo amor ad beatitudinem formalem pertinet.

Dist. consequ. pertinet ut pars integralis, vel tanquam proprium quid necessario fluens a visione intuitiva, Conc. pertinet ut pars essentialis, Nego cons. Quemadmodum igitur homo v. gr. dupliciter spectari potest, nimirum; vel secundum essentiam, & quatenus est animal rationale: vel secundum integritatem, quatenus est aliquod totum constans ex essentia, partibus integrantibus, & proprietatibus, puta ex natura humana, mente, appetitu, brachiis, pedibus, &c. Ita duobus modis sumitur beatitudo. 1. Integre, & ut sic complectitur visionem intuitivam, amorem, durationem indefectibilem, corporis sanitatem, & immortalitatem. 2. Essentialiter, & sub hoc respectu consistit in sola intuitiva Dei visione, ex qua fluunt cetera, veluti proprietates, nempe amor fructivus, duratio indefectibilis propter impeccantiam, corporis immortalitas, & alie dotes gloriose.

Ac primo quidem amor fructivus: Cum enim ex dictis liberum non sit cohibere innatum beatitudinis appetitum, adeo naturalis est ac præponderans, nemo non intelligit ex visione Dei intuitiva, qua non solum præsens exhibetur, sed & possidetur summum illud bonum tam ardentem, tamque constanter expectatum, statim exurgere impotentis amoris incendium, & immensam voluptatem, cui comparata omnis aliunde jucunditas, inquit S. Bern. epist. 114. *maror est: omnis suavitas, dolor; omne dulce, amarum; omne decorum, fadum; omne postremo quodcumque aliud delectare potest, molestum.* Deinde ex operatione perfecta nascitur delectatio & gaudium, sicut ex sole radius, & ex luce

fulgor, adeo ut quo perfectior est operatio, eo magis gaudium efflorescat; atqui visio Dei intuitiva est summa & ultima hominis perfectio, nec ultra superest, quo appetitus tendere possit: Ergo in eo plene quiescit, juxta illud Psal. 16. jam laudati: Satiabor, cum apparuerit gloria tua, nec in hac satietate timendum est fastidium, quia ex S. Gregor. hom. 36. in Evang. hoc distare solet inter delicias corporis & cordis, quod in illis appetitus placet, experientia displicet: in illis appetitus saturitatem, saturitas fastidium generat: in istis autem appetitus saturitatem, saturitas appetitum parit: Quia quanto magis earum sapor percipitur, eo amplius cognoscitur, quod avidius ametur. Et hoc sensu dicitur 1. Petr. cap. 1. in quem desiderant Angeli prospicere: Quia, inquit S. Augustinus in Psalm. 104. quem quisque diligit, etiam cum eum videt sine fastidio, semper vult esse presentem.

Secundo, visio Dei intuitiva parit in Beatis firmitatem & securitatem de sua perseverantia, quatenus eos reddit impeccabiles; peccare enim est deficere a summo bono, a quo nullus recedere potest, nisi delusus falsa specie boni apparentis, juxta tritum et fatum, omnis peccans est ignorans, & illud Prov. 14. errant qui operantur malum: atqui deceptio non cadit in eos, qui omne bonum tam clare intuentur, tamque perfecte possident, ut nihil extra appetibile appareat; adeo sunt profecti, inquit S. Anselmus lib. de casu Diaboli cap. 16. ut sint adepti quidquid potuerunt velle, nec jam videant quid plus velle possint, & propter hoc peccare nequeunt.

Dices: in caelesti patria alii sunt aliis feliciores: Ergo inferiores felicitatem superiorum appetere possunt utpote majus bonum, ipsis invidere, ac proinde peccare.

Nego consequ. Namque ex S. Augustino lib. 22. de Civitate Dei cap. ult. Id etiam beata Civitas illa magnum in se bonum videbit, quod nulli superiori nullus inferior invidet quia nec in corpore vult oculus esse, quia est digitus, cum membrum utrumque contineat totius carnis perfecta compago. Sic itaque habebit do-

num alio minus, ut hoc quoque donum habeat; nec velit amplius. Inferior itaque beatitudinem superioris apprehendit ut bonum simpliciter & absolute majus, non vero ut bonum sibi, nec proinde a se appetibile, quemadmodum nec digitus perfectiones oculis appetit, nec bene vestitus homo vestem hominis grandioris, quia latior illa vestis & amplior sibi non est bona & conveniens.

Tertio, ex intuitiva Dei visione nascitur corporis immortalitas, & ceteræ dotes gloriosæ, ut expressè docet S. Aug. epist. 118. alias 5. ad Dioscorum cap. 3. *Tam potenti natura, inquit, Deus fecit animam, ut ex ejus plenissima beatitudine, quæ in fine temporum Sanctis promittitur, redundet etiam in inferiorem naturam, quod est corpus, non beatitudo, quæ fruētis & intelligentis est propria, sed plenitudo sanitatis, id est, incorruptionis vigor.* Idem docet S. Th. 3. part. quæst. 45. art. 2. & in Supplem. quæst. 83. & 85. probat corporis subtilitatem & agilitatem provenire ex dominio absoluto animæ glorificatæ in corpus, cujus est forma, ratione cujus dominii, inquit, corpus gloriosum spirituale dicitur quasi omnino spiritui subiectum. Omnia ergo dici possunt de illa ineffabili perfruitione veritatis, ut notat S. Aug. lib. 9. Evang. quæst. 39. *Et tanto magis omnia dici possunt, quanto minus digne dici aliquid potest. Nam ipsa est lux illuminatorum, requies exercitatorum, patriæ redemptium, esca indigentium, & corona vincientium.*

§. IX.

De Beatitudine, quæ homini in hac vita competere potest.

Q. 1. *Estne aliqua hujusce status beatitudo?*

R. 1. Non potest esse perfecta, & simpliciter dicta, 1. quia beatitudo habet rationem termini, est enim ultimus finis: atqui in hoc statu sumus semper peregrini & viatores: vix nobis, si hic quiescere appetimus, quia nostrum sit votum velocius currere, & c.

& citius apprehendere . 2. Quia , ut habetur Job 7. militia est vita hominis super terram : non est nobis pax a lege peccati , quæ est in membris nostris : a tentationibus , quæ nos continuo infestant : a conscientia , quæ pungit : a metu iudicii , qui angit : a morbis & aliis miseriis , quæ cruciant . Denique exclamat Apost. Rom. 7. *Infelix ego homo quis me liberabis de corpore mortis hujus ?* Nihilominus .

R. 2. In hocce statu agnoscenda est aliqua beatitudo inchoata , & imperfecta , 1. Quia Scriptura , quæ neminem fallit , nonnullos hic beatos prædicat , Psalm. 111. *Beatas vir qui timet Dominum .* Psalm. 118. *Beati Immaculati in via .* Matth. 5. *Beati pauperes spiritu .* Unde Sanctus Augustinus lib. 11. de Civitate Dei cap. 12. *Quis , inquit , primos illos homines in Paradiso negare audeat beatos fuisse ante peccatum , cum hodie non imprudenter beatos vocemus , quos videmus juste , ac pie cum spe futuræ immortalitatis hanc vitam ducere sine crimine vastante conscientiam , facile impetrantes peccatis hujus infirmitatis divinam misericordiam ?* 2. Quia qui summum bonum imperfecte possidet , ille est imperfecte beatus : atqui homo in hoc statu summum bonum imperfecte possidere potest : *Qui manet in caritate , in Deo manet , & Deus in eo ,* 1. Joan. 4. *Misit Deus Spiritum Filii sui in corda vestra .* Gal. 4. *Fructus autem Spiritus est gaudium , pax , ut dicitur Gal. 5. pax , inquam , quæ exsuperat omnem sensum , & quam Apostolus vult esse in iustis .* *continuum : Gaudete , inquit , in Domino semper , iterum dico ; gaudete .* Phil. 4. Psalm. 33. *Gustate , & videte : quoniam suavis est Dominus .*

Ergo iusti , non solum propter spem futuræ beatitudinis nunc dicuntur beati , quomodo beatum dicimus ægrum , qui sub manu medici utiliter secatur , & utitur ad sanitatem ; sed insuper propter aliquam participationem beatitudinis , secundum aliqualem summi boni fruitionem , ut loquitur S. Thomas 1. 2. quæst. 5. art. 3. ad 1. Porro ista prælibatio tanta suavitate afficit animam , ut omnia mundi oblectamenta arbitretur veluti detrimenta , Philip. cap. 3.

Dices :

Dices: Ex Apostolo 1. Corinth. 15. *Si in hac vita tantum in Christo sperantes sumus, miserabiles sumus omnibus. Ergo veri christiani ex sola spe futuræ mercedis felices sunt censendi.*

Distinguo antec. Miserabiles sub aliquo respectu, & in circumstantiis, in quibus loquebatur Apostolus, Concedo; Absolute, & ex ipso Christianæ vitæ instituto, Nego antec. Apostolus igitur, dum hæc scriberet, præ oculis habebat miseram sub Principibus ethnicis Christianorum sortem, ac præsertim Apostolorum, ad quos nonnulli Interpretes laudatum textum restringunt; hi quippe, præter quotidianas contra vitiorum incentiva conflictationes omnibus pietatis cultoribus communes, ubique exosi, maledictis laceffiti, plagis affecti, ac tandem excarnificati, mortalium miserrimi videbantur, quamvis invictæ suæ virtutis delectationibus intus reficerentur, teste ipsomet Apostolo 2. Corinth. 1. *Sicut abundant passiones Christi in nobis; ita & per Christum abundat consolatio nostra.* Et c. 6. *quasi tristes, semper autem gaudentes ipsa quippe virtus ipsis amplissimum erat præmium, felicioresque sunt boni, etiam dum hic vivunt, quam mali; quantumlibet fortunati Si (quod absit) illius tanti boni spes nulla esset, inquit S. August. lib. 21. Civ. c. 15. male debuimus in hujus conflictationis molestia remanere, quam vitis in nos dominationem permittere.* Illud ipsum senserunt etiam Philosophi, qui, licet animas mortales statuerint, nihilominus definierunt felicius esse secundum virtutem vivere, quam cupiditatibus obsequi. Unde merito Christus Marc. 10. vers. 30. Sectatoribus suis amplam mercedem non modo in futura, sed etiam in præsentī vita promittit, nemo est, inquit, qui non accipiat centies tantum nunc in tempore hoc... cum persecutionibus, & in sæculo futura vitam æternam. Ergo.

Q. 2. *In quo consistit inchoata illa præsentis vitæ felicitas?*

Tria constant ex dictis: Primum, nulla rerum creatarum possessione nos effici beatos, quia res creatæ nec meliores, nec perfectiores nos reddere queunt. Secundum,

dum, Deum solum, utpote summum bonum, esse beatitudinem nostram objectivam, sive in presenti sive in futura vita. Tertium, beatitudinem formalem non consistere, nisi in aliqua operatione perfecta, quia beatitudo formalis est quid ultimum, ad quod tendit natura rationalis: atqui sola operatio ex dictis habet rationem ultimi. Quæritur autem hic (quod maxime refert) quænam sit illa operatio, cui præcipue vacandum, ut in terris inchoetur nostra felicitas.

R. 1. Cum S. Thoma 1. 2. q. 3. art. 5. & 2. 2. q. 182. art. 1. beatitudo formalis præsentis vitæ, non consistit in actionibus virtutum moralium, quæ dici solent vita activa. 1. Quia ejusmodi actiones proxime non attingunt Deum, qui est summum bonum nostrum, sed versantur circa objecta creata, ut misericordia circa miseriam proximi depellendam, fortitudo circa adversa toleranda, temperantia circa voluptates refræmandas; *vita contemplativa*; inquit S. Doctor, *est secundum divinam*; *vita autem activa secundum humanam*. 2. Quia major est delectatio vitæ contemplativæ, quam activæ; perfectior enim operatio ex dictis magis delectat: atqui contemplatio est operatio perfectior operatione practica: *Martha turbabatur, Maria epulabatur*, inquit S. Augustinus serm. 103. alias 26. de verbis Domini. 3. Contemplatio propter se diligitur, vita vero activa ordinatur ad contemplationem, tanquam medium ad finem; *mores*, inquit S. Augustinus Tract. 18. in Joan. *perducunt ad intelligentiam*. Beati quidem dicuntur qui lugent, sed sicut beatum dicimus ægrum qui invenit salutaria remedia, non in quibus quiescat, sed per quæ perveniat ad sanitatem; *Opera justitiæ*, pergit S. Doctor, *sunt veluti collyria, quibus sanatur oculus mentis*, ut veritas nobis suaviter eluceat, quæ est illud necessarium, propter se expetendum: *Quomobrem*, lib. 19. de Civ. Dei cap. 19. *otium sanctum quærit caritas veritatis, negotium justum suscipit necessitas caritatis. Quam sarcinam si nullus imponit, percipiendæ atque intuenndæ vacandum est veritati. Si autem imponitur, suscipiendæ est propter caritatis necessitatem: sed nec sic omnimodo veritatis delectatio deferenda est, ne subtrahatur illa*

illa suavisitas, & opprimat ista necessitas. Ex quibus colligere licet eos a recta via aberrare, qui inutili otio torpent, si desint exteriora opera, quibus proximi necessitatibus serviant. 4. Quia vita activa transit, utpote quæ sit temporalis: beatitudo vero hic incipit, inquit S. Gregorius homil. 14. in Ezech. ut in cælesti patria perficiatur; quia amoris ignis, qui hic ardere inchoat, cum ipsam, quem amat, videris, amplius ignoscit. Unde Christus ad Martham, interprete S. Augustino serm. 104. alias 27. de verbis Domini: Maria meliorem partem elegit, non tu malam, sed ista meliorem. Unde meliorem? quia quod elegit, non auferetur ab ea; a te autem quod elegisti, auferetur, sed bono tuo auferetur, ut quod melius est, detur; auferetur enim a te labor, ut requies detur. Absit ergo a pietate fidelium, maxime Clericorum, ut tædio afficiantur, si desint ignorantes, quos doceant; errantes quos reducant; esurientes, quos pascant; ista quidem debita officia suscipit necessitas caritatis, sed otium sanctum querit caritas veritatis, ut amplius patebit ex sequenti responsione. Itaque

R. 2. Inchoata beatitudo vitæ præsentis consistit in Dei contemplatione; Probat; quia beatitudo consistit in operatione omnium perfectissima: atqui contemplatio est operatio omnium perfectissima. 1. Versatur circa summum bonum, estque ejus inchoata possessio, ac proinde maxime delectat. 2. Habes rationem finis, ad quem ceteræ actiones referuntur. 3. In exitu non auferetur, sed perficietur: Ergo.

Dices 1. Nonnulli vocantur a vita contemplativa ad regimen animarum; quod pertinet ad vitam activam: Ergo vita activa est perfectior, & ratio finis magis ipsi competit, quam contemplationi.

Neque conseq. Quia ex S. Thoma 2. 2. q. 182. art. 1. ad tertium: Cum aliquis a contemplativa vita ad activam vocatur, hoc non fit per modum subtractionis, sed per modum additionis. Et quidem ad mentem S. Augustini, supra sic monebat, Si imponitur (cura animarum) suscipienda est propter charitatis necessitatem, sed nec sic omnino veritatis delectatio deferenda est,

est, ne subtrahatur illa suavitas, & opprimat ista necessitas. Articulo autem quarto docet Angelicus Doctor vitam activam addi contemplativæ, ut ab ea moveatur & dirigatur: Ratio enim superior, quæ contemplationi deputatur, comparatur ad inferiorem, quæ deputatur actioni, sicut vir ad mulierem, quæ est per virum regenda, ut Augustinus dicit 12. de Trinitate.

Dices 2. Vita activa majoris est meriti, quam contemplativa, juxta illud S. Gregorii hom. 12. in Ezech. Nullum sacrificium est Deo magis acceptum, quam zelus animarum. Ergo vita activa est melior & præferenda.

Nego antecedens: Namque ex S. Gregorio lib. 6. Moral. cap. 18. Magna sunt vite activæ merita, sed contemplativæ potiora. Et hom. 3. in Ezech. contemplativa major est merito: quia, ut ratiocinatur S. Thomas art. 2. ejusdem questionis, vita contemplativa directe & immediate pertinet ad dilectionem Dei; activa vero ad dilectionem proximi: atqui quod directe pertinet ad dilectionem Dei, est magis meritorium ex suo genere, quam quod pertinet ad dilectionem proximi: Ergo vita contemplativa comparate ad activam, est majoris meriti. Sed si quis utramque jungat, & igne caritatis succensus, rapiat ad amorem Dei quos potest, hortando, rogando, portando cum mansuetudine, & lenitate, ut loquitur S. Augustinus in Psalm. 33. habet utriusque meritum; nec est sacrificium magis acceptum, quam si Deo animam tuam offeras per contemplationem, agasque insuper, ut alii similes munus ipsi exhibeant. Hoc docuit Christus suo exemplo, ipsum imitati sunt Apostoli, & qui deinceps sanctitate eminuerunt: Bonam acquiris gradum (loquit S. Bernardus serm. 3. de Assumptione Beatæ Mariæ) qui bene ministraverit: forte meliorem, qui bene vacaverit Deo: optimum autem, qui perfectus est in utroque.

Dices 3. Beatitudo debet esse continua: atqui contemplatio est admodum rata & brevis, ut docent communiter Sancti Patres: Aliquando, inquit S. Augustinus lib. 10. Confess. c. 40. intromittis me in affectum mul-

multum inuistatum introrsus ad nescio quam dulcedinem . . . sed recido in hac ærumnosa ponderibus , & resorbeor solitis , & teneor , & multum fleo . Sanctus Gregorius hom. 14. in Ezech. sic habet : Furtim & tenuiter animo quiddam attingit de incircumscripto lumine , sed ad semetipsum protinus reuerberata reuertitur . Et S. Bernardus serm. 11. in Cantic. in eandem rem scribit : desiderium cordis ejus tribuetur ei . . . ex parte tamen , idque ad tempus & tempus modicum . Nam cum vigiliis & obsecrationibus , & multo labore , & imbre lachrymarum quæsitus affuerit , subito dum teneri putatur , elabatur , & rursus lachrymans & insectanti occurrens comprehendi patitur , sed minime retineri , dum subito iterum quasi e manibus evolat . Denique Innocentius XI. damnavit vanam Quietistarum præsumptionem , qua docebant contemplationem in hac vita posse esse continuam , animamque a sensibus abstractam , & divinitate delibutam non debere e tanta sublimitate descendere , ad compescendas sensuum ludificationes , & refrænandas libidinis insanias , utpote quæ non imputentur in peccatum animæ sic in Deum transformatæ : Ergo .

Distinguo min. Contemplatio est admodum rara & brevis , quoad aliquem specialem actum , Concedo : quoad omnes & singulos actus , quos complectitur , Nego min. In vita itaque contemplativa plures sunt distinguendi actus . Primus est fides , cui justus quantumcumque perfectus semper attendere debet tanquam lucernæ in caliginosa nostra peregrinatione lucenti , alioquin facile in fanaticorum somnia & deliria declinaret : scriptum est enim Habac. 2. justus ex fide vivit . Beatus vero exultat in specie : Nunc quidem , inquit S. Bern. serm. 31. in Cant. apparet quibus vult , sed sicuti vult , non sicuti est ; non sapiens , non Sanctus , non Propheta videre illum sicuti est , potest . Secundus actus , isque præcipuus est charitatis , quæ juxta S. Thomam 2. 2. q. 180. art. 7. ad primum , rationem habet primi moventis seu principii & finis in vita contemplativa . Finis quidem , quia delectari in Domino , & gustare quam suavis sit , proprie sunt actus chari-

ritatis , ad quos ultimo tendit vita contemplativa . Caritas habet etiam rationem primi moventis & principii , quia ex dictis intentio & desiderium fruendi Deo , est primus ultimi finis effectus , qui in actu punnit omnes animæ facultates & laudabiles habitus ; fides enim & ceteræ virtutes sine caritate sunt mortuæ , verbum Dei insipidum , lectio injucunda , oratio languida & frigida , meditatio pene nulla ; sed fervor caritatis iis admotus idem præstat , inquit Richardus a S. Victore lib. 4. de Contemplatione cap. 7. quod ignis suppositus vasi aqua semipleno , nimirum aquam nativo ejus frigore expulso leviolem reddit , ebullientem ad superiores vasis partes effert , ac tandem superfluere facit . In hunc modum cælestis desiderii amoncum vehementer exæstuat animam humanam divino amore fervidam , supra semetipsam ad superna contuenda rapit , fidem vivam efficit , mentem ad pias & sanctas cogitationes exacuit determinatque dona Spiritus Sancti , quæ diximus esse caritatis appendices ab ea inseparabiles , scilicet intelligentiam , scientiam , & sapientiam ; movet ad proprios actus , qui mirum in modum considerationem juvant vitamque contemplativam perficiunt ac delectant . Namque per intelligentiam anima , Spiritu Sancto specialiter operante , clarius videt , quam credibilia sunt quæ fides obscure proponit de rebus divinis , & inde amplius incitatur ad illa appetenda . Per scientiam melius percipit , quæ fides docet de vanitate rerum creaturarum , doletque usque ad lachrymas , quoad meliora contendenti importune se ingerant , ac sensus demulceant : sed ejusmodi lachrymæ jam suaviter fluunt , ut numerentur inter singularia Spiritus Sancti dona , nec Christus dubitaverit pronuntiare beatos , qui cælesti illi rore perfunduntur , ait enim Matth. 5. *Beati qui lugent* . Denique per sapientiam anima gustat quam suavis sit Dominus , quam dulcia ejus eloquia , ex quo sapore nascitur ultimus & perfectissimus contemplationis actus , qui est perspicax & liber contuitus animi res divinas degustantis ; ut enim ratiocinatur Gerson , *Tract. de Monte contemplationis cap. 2.* idiota , qui mel gustu percipit , melius novit ejus dulcedinem , quam

superbus Philosophus, qui illam non expertus, de ejus natura & proprietatibus subtiliter differit. Porro ultimus ille actus est quidem brevis, nec ita frequens, sed actus charitatis potest esse continuus, saltem virtualiter; namque ex S. Augustino cap. 130. alias 121. in ipsa fide, spe, & charitate continuato desiderio semper oramus, ut fufius demonstramus tract. de Religione, ubi de oratione continua, cap. 4. §. 7.

Q. 3. *In quo actu ex recensitis consistit inchoata formalis beatitudo vite presentis?*

R. 1. Non consistit in actibus scientiæ acquisitæ; tum quia natura humana non accepit ut per seipsam beata esse possit, quemadmodum argumentatur S. Augustinus contra Manichæos; tum quia hæc scientia sine charitate inflat, non ædificat, ingurgitat, non confortat, nec faciat, ut loquitur S. Bern. serm. 9. in Cantica; tum quia beatitudo, ex dictis, est quid optimum; scientia autem acquisita minus est bonum, quam habitus infusi & supernaturales: Ergo.

R. 2. Neque etiam consistit in actibus donorum Spiritus Sancti, scilicet, intelligentiæ, scientiæ & prudentiæ, quia ex S. Thoma v. 1. 2. q. 168. art. 8. virtutes Theologicæ meliores sunt, & præferendæ donis Spiritus Sancti; perfectius est enim veritates divinas, & Deum ipsum immediate, quamvis obscure, cognoscere, quam de sola credibilitate rerum revelatarum habere claritatem. Atqui dona Spiritus Sancti versantur circa rationes & motiva, quibus res revelatæ cernuntur credibiles & amabiles. Unde evidentia, quæ competit donis, & reddit actus fidei clariores & perfectiores, spectat solum animæ dispositiones, per quas anima sit magis expedita ad credendum, sperandum & amandum, & facilius mobilis a Spiritu Sancto; per ea quippe videt credibilia omnino esse, quæ Deus dixit & promisit, sed illa non attingit, nisi per fidem, spem & charitatem.

R. 3. Neque in actibus fidei inchoata beatitudo formalis hujus vite præcisè consistit, quamvis illos non excludat, sed ipsos supponat. 1. Quia fides invenitur in peccatoribus: beatos autem esse impios & iniquos, quis

quis vel impius dixerit, inquit S. Augustinus concione prima in Psalm. 118. cum sit malitiæ individua comes miseria? nam beatitudo & perfectio reciprocantur: atqui peccatum opponitur perfectioni, cum sit defectus: ergo & beatitudini. 2. Quia fides magis habet rationem laboris quam præmii, credimus quod non videmus, ut mereamur intelligere: charitas vero ipsa sibi præmium, ipsa sibi merces, fructus ejus sunt gaudium, pax. Gal. 5. Deinde ex Apostolo 1. Cor. 13. Fidei visio succedit, siue scientia, inquit, destruetur; ex parte enim cognoscimus, & ex parte prophetamus, cum autem venerit quod perfectum est, evacuabitur quod ex parte est. At charitas nunquam excidit, non evacuatur per gloriæ perfectionem, sed eadem numero manet, ut docet S. Thomas 1. 2. q. 67. art. 6. Quia imperfectio, quæ ei competit in via, est ipsi accidentalis; non est enim de ratione amoris, quod sit imperfectus: nihil autem prohibet, quominus idem numero quod prius ex accidenti fuit imperfectum, postea perfectum evadat: idem enim homo imperfectus in infantia crescit, & vir evadit. Sed imperfectio cognitionis est essentialis fidei; definitur enim ab Apostolo, Hebr. 11. *argumentum non apparentium*. Unde perspicuum est fidem non posse esse perfectam cognitionem, destruendamque illucescente visione intuitiva.

R. 4. Inchoata beatitudo formalis præsentis vitæ in actibus charitatis consistit.

Probatur 1. ex dictis in præcedenti responsione. 2. Quia charitas facit simpliciter bonum habentem se, cum queritur, inquit S. Augustinus Enchir. c. 117. *utrum quis sit homo bonus, non queritur quid credat, aut quid speret, sed quid amet*. Et Epist. 167. alias 29. *ubi illa plena & perfecta est, nihil ex vitio remanebit*. & tanto quis invenitur in peccando minor, quanto in diligendo Deum & proximum major. 3. quia dilectio Dei est actus hujus vitæ perfectissimus: ergo & maxime delectabilis: detestatio enim ex dictis sequitur operationem, ac proinde ipsa dilectione Dei respondenda est inchoata hujus vitæ beatitudo.

Antec. prob. Ille actus est omnium perfectissimus; quo plenius & perfectius possidetur summum bonum, & appetitus rationalis magis quiescit: atqui per actus caritatis Deus, qui est summum bonum, plenius & perfectius possidetur, appetitusque rationalis magis delectatur & quiescit, quam per actus ceterarum virtutum sive Moralium, sive Theologicarum: Ergo.

Minor constat quoad actus virtutum moralium, ut qui versentur circa media & objecta creata: demonstratur vero quoad actus virtutum Theologicarum, nempe fidei & spei, quæ quidem versantur circa Deum, sed longe imperfectiori modo, quam caritas; namque 1. spes respicit Deum ut absentem, & ut bonum revera summum, sed obtentu difficile; caritas vero ut præsentem, quia *qui manet in caritate, in Deo manet, & Deus in eo.* 3. Jo: 4. 2. Per fidem assentimur Deo de se loquenti, sed non videmus quæ ab illo audimus, & inde appetitus accenditur desiderio videndi quid sit, & quomodo se habeat quod dicitur. Mens quidem illud, quo potest modo, sibi repræsentat; nam assensus fidei non est sine cognitione: omnis autem cognitio est repræsentatio objecti. Porro mens in hac vita non potest sibi repræsentare Deum per propriam speciem, sed per alienam, scilicet per creaturas, per quas tendit ad primam veritatem; sed cum illa habitet lucem inaccessibilem, hæret quasi ad ejus januam; ibique excipitur ab assensu fidei credens vera esse quæ audit, etsi ea capere non possit. In illo autem cognitionis termino incipit dilectio, ut docet S. Thomas 2. 2. q. 27. art. 4. & omni scientiæ supereminens attingit Deum ut in se est, eique tanquam summo bono conjungit amantem, *qui plenus est caritate*, inquit S. August. in Psal. 110. *plenus est Deo*, & lib. 15. de Trin. c. 18. *nullum est isto Dei dono excellentius, solum est quod dividit inter filios regni æterni, & filios perditionis æternæ. Dantur & alia per Spiritum Sanctum munera, sed sine caritate nihil prosunt.*

Dices 1. Proprius actus caritatis in hac vita est desiderium videndi Deum, juxta illud Psalm. 104. *Querite faciem ejus semper*: atqui beatitudo non po-

est esse desiderium; neque enim ille dici potest beatus, qui non habet quod amat, ex S. Augustino lib. de Morib. Eccl. c. 3. cum beatitudo sit fruitio, & quies in summo bono possessio: ergo nullus actus caritatis potest esse beatitudo presentis vitæ.

Dist. maj. actus aliquis, isque præcipuus caritatis est desiderium videndi Deum, Conc. unicus, Nego maj. namque ex S. Gregor. Hom. 30. in Evang. *Qui mente integra Deum desiderat, profecto jam habet quem amat: neque enim quisquam posset Deum diligere, si eum quem diligit, non haberet.* Et S. Augustinus in Psal. 104. *Caritas, inquit, invenit Deum per fidem, & eum querit habere per speciem. Est enim sine fine querendus, quia sine fine amandus...* Proinde quem quisque diligit, etiam cum eum videt sine fastidio, semper vult esse præsentem, hoc est semper querit eum esse præsentem... ut non huic inquisitioni, qua significatur amor, fidem præstet, inventio seu amore crescente, inquisitio crescat inventi. Porro ex eodem S. Doctore in Psal. 76. *Caritas sine gaudio esse non potest; Scriptum est enim Gal. 5. Fructus Spiritus est gaudium, pax, &c. Gaudes de auro tuo, de cuppa tua plena: & non gauderes Deo plenus?*

Dices 2. fides se habet ad virtutes Theologicas; sicut prudentia ad virtutes Morales; atqui prudentia est perfectior virtutibus moralibus, quas dirigit: ergo & fides caritate, cui lucem præstat.

Nego maj. namque ex S. Thoma 1. 2. q. 66. art. 6. ad 1. *Prudentia moderatur motus appetitivos ad morales virtutes pertinentes; sed fides non moderatur motum appetitivum tendentem in Deum, qui pertinet ad virtutes Theologicas, sed solum ostendit objectum: motus autem appetitivus in objectum excedit cognitionem humanam, secundum illud ad Ephes. 3. supereminentem scientiam caritatis Christi.*

Instabis: beatitudo formalis vitæ futuræ consistit in operatione intellectus, utpote facultatis præstantissimæ: ergo inchoate beatitudo vitæ præsentis in actibus fidei, quæ est virtus intellectualis, ac proinde præstantior virtutibus appetitivæ facultatis.

Nego conseq. quia ad beatitudinem satis non est quod actus sit præstantissimæ facultatis, nisi ipse sit perfectus, habeatque rationem finis, in quo appetitus quiescat: atqui actus fidei informis, ut ajunt, hoc est, caritate destitutæ, adeo est imperfectus, ut nequidem ad perfectionem virtutis percingat, ex S. Thoma 2. 2. q. 4. art. 5. Nedum appetitum satiet, quin illum magis accendit desiderio videndi ea quæ dicuntur. Contra vero actus caritatis est maxima hominis perfectio, quam in hac vite consequi possit: habet rationem ultimi finis, cum sit inchoata Dei possessio & fruitio; qui enim manet in caritate, in Deo manet, & Deus in eo: *totum habet*, inquit S. August. Tract. 7. in Jo: *qui habet caritatem*; quæcumque enim vere bona sunt, ab illa fluunt tanquam a radice: sine illa fides & spes mortuæ sunt, & per illam dumtaxat vivunt: sine illa nulla in homine vera prudentia, nulla virtus moralis infusa & supernaturalis; ipsa adveniente sequuntur omnes virtutes, & Spiritus Sancti dona tanquam ejus proprietates, *sit in te caritas*, inquit S. August. Conc. 27. in Ps. 118. *& necessæ est plenitudo scientiæ consequatur*, quia caritas non est sine dono intelligentiæ, scientiæ & sapientiæ. Et in Psal. 149. *Quisquis habet caritatem, conscientiam suam attendat, & ibi videt Deum*: nec tantum videt, sed & gustat quam suavis sit Dominus, unde identidem exclamare cogitur cum Propheta Psal. 30. *quam magna multitudo dulcedinis tue!* Magna sane ac prorsus ineffabilis illa ferventis caritatis suavitas: ut quæ omnes peccati illecebras inanes reddat, nulla adversitatis amaritudine turbetur, *superabundq. gaudio in omni tribulatione nostra*, inquit Apostolus 2. Cor. 7. *Quapropter in nullis scripturis aliud* (præter caritatem) *inquiratis*. August. in Psalm. 140.

Urgebis: fidei succedit visio intuitiva tanquam ejus præmium & merces: ergo fides est inchoata hujus vitæ beatitudo.

Distinguo antec. quoad priorem ejus partem: succedit, sicut dies succedit nocti, quam expellit, Conc. succedit sicut clara lux auroræ, quam perficit, Nego
ant.

ant. evacuatur enim fides, adveniente visione beatifica, caritas vero perficitur.

Distinguo etiam alteram partem antecedentis, visio intuitiva est præmium & merces fidei formata, ut ajunt, hoc est, fidei quæ per dilectionem operatur, Concedo: fidei informis & caritate destitutæ, Nego ant. nam ex S. Thoma 1. 2. 114. art. 4. *Meritum vite æternæ primo pertinet ad caritatem, ad alias vere virtutes secundario, secundum quod earum actus a caritate imperantur*; scriptum quippe est Jac. 1. *cum probatus fueris, accipies coronam vite, quam repromisit Deus diligentibus se.*

Sic ergo caritas primum movens in moribus, prima in intentione, præsit nostris consiliis & deliberationibus, applicet ad opus, & omnia ex ejus fiant imperio, quia est totius mortalis disciplinæ finis, juxta illud Apostoli 1. Timoth. 1. *finis autem præcepti est caritas*, & Psalm. 72. *mibi autem adhaerere Deo bonum est*, addit Sanctus Augustinus, *hoc est totum bonum*, ac proinde vera beatitudo, quia qui manet in caritate, in Deo manet, & Deus in eo, 1. Joan. 4.

Ergo mirare mentis humanæ depravationem in quibusdam Modernis Theologis, qui eo sunt progressi, ut docuerint, 1. hominem non teneri amare ultimum finem neque in principio, neque in decursu vitæ mortalis. 2. Præceptum amoris Dei per se tantum obligare in articulo mortis. 3. Præceptum affirmativum amoris Dei & proximi non esse speciale, sed generale, cui per aliorum præceptorum adimpletionem satisficit. Quid enim rationi magis repugnans, quam media assumere, & finem non intendere, v. g. pugnare sine desiderio victoriæ, remedia adhibere, neglecta sanitate? Sed quid impium magis quam docere creaturam non teneri amare suum Creatorem, filium patrem, servum dominum beneficum, captivum redemptorem? Quare Clerus Gallicanus anno 1700. merito damnavit ejusmodi propositiones, primam ut hæreticam, secundam & tertiam ut scandalosas, erroneas, impias, atque Evangelicæ legis spiritum extinguentes: præverant Ale-

ander VIII. anno 1690. Innocentius XI. anno 1679.
& Academia Parisiensis anno 1665.

C A P U T VII.

De merito Actuum humanorum.

Agitur hic dumtaxat de actibus bonis: constat enim apud omnes, etiam infideles, actus moraliter malos non mereri nisi pœnam. Sed gravis est controversia Catholicos inter & Heterodoxos circa actus bonos, utrum scilicet præmiis sint digni ac meritorii.

Pelagiani contendunt actus bonos viribus naturæ elicitos esse meritorios vitæ æternæ, contra quem errorem acriter pugnavimus Tract. præcedenti de Gratia, & iterum nobis pugnandum erit, ubi de conditionibus ad meritum requisitis.

Lutheranis vero & Calvinistis nomen meriti adeo exosum est, ut Calvinus l. 3. Instit. cap. 15. §. 2. sequentibus, audeat scribere Veteres Patres pessimo consuluisse fidei sinceritati, dum usi sunt vocabulis meriti & mercedis. Sed vel ipsum Spiritum sanctum repræhendat, qui in Scripturis sanctis vocabula illa usurpat, ut Matth. 5. vers. 12. *merces vestra copiosa est in celis*: vel, quod æquius est, fateatur se pessime consuluisse sectæ Calvinianæ, dum scripsit illam esse contrariam veterum Patrum Traditioni. Hinc Sæcutor ejus in hac parte illum deserunt, agnoscuntque bona justorum opera meritoria esse, non quidem vitæ æternæ, ad quam per solam fidem perveniri contendunt, sed alicujus præmiæ temporalis etiam spiritualis: idque non ex dignitate operum, quæ secundum ipsos sunt vera peccata, sed ex indulgentia Dei regentis eorum fœditatum.

Ut autem radicitus evellatur ejusmodi perniciosus error, operæ pretium est advertere Novatores duobus niti principiis iisque falsissimis. 1. docent actus Spiritu Christi inspirante, & movente elicitos infici, concupiscen-

tupiscentia, & privati amoris fœditate, ac proinde vera esse peccata, in reprobis quidem mortalia, in prædestinatis vero venialia. Venialia autem dicunt, non eo sensu, quo Catholici venialia vocant peccata levia; hanc enim divisionem peccatorum in gravia & levia ejiciunt, contenduntque nullum esse peccatum, quod non mereatur damnationem æternam; sed dicunt venialia esse in electis sacrilegia, homicidia, & gravissima quæque, quatenus Deus illa non imputat prædestinatis: verbum vero otiosum, mendacium jocosum, & cetera leviora in reprobis esse mortalia, & pœnis æternis vindicanda. 2. definiunt non sine injuria Christi meritum aliquod tribui bonis operibus ex gratia elicitis; quia si opera nostra essent alicujus meriti, in iis confidere liceret: atqui omnis nostra fiducia in meritis Christi est collocanda. Ergo. Hinc Calvinus lib. 3. Institut. cap. 2. §. ult. tragice exagitat Magistrum Sententiarum, ex eo quod scripserit spem in nobis gigni ex gratia Dei, & meritis præcedentibus; *Deus* inquit, *non immerito tales bestias excretur. O Magistrum talibus discipulis dignum quales infantis fabularum scholis nactus est!*

Quamobrem nobis inquirendum est, 1. utrum opera ex gratia elicita, sint verò bona? 2. utrum sint meritoria? 3. an sint honestum operari intuitu mercedis æternæ? 4. an liceat in bonis operibus fiduciam ponere? 5. quotuplex sit meritum? 6. quot requirantur conditiones ad meritum? 7. quænam cadant sub meritum de condigno? 8. quæ sub merito de congruo?

§. I.

Utrum opera ex gratia elicita, sint vere bona?

R. **D**E fide est opera ex gratia elicita, sive ante, sive post justificationem, vere esse bona, nec dici posse peccata. Ita definiit Concilium Trident. sess. 6. can. 7. *Si quis dixerit opera omnia, que ante justificationem fiunt, quacumque ratione facta sint, vere esse peccata, vel odium Dei mereri... anathema sit.* Et

E §

can.

can. 25. *Si quis in quolibet bono opere iustum saltem venialiter peccare dixerit, aut (quod intolerabilius est) moraliter; atque ideo penas eternas mereri, tantumque ob id non damnari, quia Deus ea opera non imputet ad damnationem, anathema sit.*

Probatur 1. ex Scriptura, Job cap. 1. & 2. dicitur vir rectus, simplex, ac timens Deum, & recedens a malo, nec in omnibus, quæ ipsi acciderunt, peccasse labiis suis, in quem locum sic scribit S. Gregorius lib. 7. Moral. cap. 8. *Si in sermonibus sui dicimus Job deliquisse, Deum (quod sentire nefas), dicimus in sua propositione victoriam perdidisse.* Matt. 7. *Videant opera vestra bona.* Luc. 7. *Laudatur peccatriciis poenitentia; remittuntur ei peccata multa (ait Christus) quoniam dilexit multum.*

Probatur 2. ex Patribus. S. Hieronymus l. 3. contra Pelagianos, hoc nos dicimus, inquit, *posse hominem non peccare, si velit, quamdiu intentus est animus.* S. August. lib. de bono conjugii cap. 6. sic habet; *Conjugalis concubitus generandi gratia, non habet culpam; concupiscentie vero satianda, sed tamen cum conjuge, venialem habet culpam; adulterium vero, sive fornicatio lethalem habet culpam.* Mitto alios textus S. sequ. laudandos.

Probatur 3. ratione duplici. Prima, si omnia bona opera essent peccata, vera esset ista argumentatio: nullum peccatum est faciendum: atqui omnia bona opera sunt peccata: ergo nulla bona opera sunt facienda, Deus non est amandus, nec colendus, non est tribuenda eleemosyna. Secunda, si actus ex gratia elicitus essent peccata, id certe oriretur vel ex innata concupiscentia, vel ex defectu caritatis intensioris, vel ex admixtione peccati venialis: adversarii quippe aliud non proferunt adversus bona opera: atqui nihil horum vitiat actus supernaturales.

Non primum; quia, ex dicendis ubi de peccatis, primi concupiscentie motus, quibus resistitur, peccata non sunt; nullum quippe est peccatum, quod non sit voluntarium.

Non secundum; quod enim minus fervecat caritas in

vía, quam in patria, peccatum non est, sed defectus, ut docet S. Augustinus lib. de Spiritu & Litera cap. ultimo: *Neque enim, inquit, si esse nondum potest tanta dilectio Dei, quanta illi cognitioni plena, perfectæque debetur, jam culpæ deputandum est.*

Non tertium; nam ex S. Hieronymo cit. lib. 3. contra Pelagianos, qui cautus est, & timidus, potest ad tempus vitare peccatum.

Dices 1. Eccl. 7. *non est . . . homo justus . . . qui faciat bonum & non peccet.* Isaïæ 64. *facti sumus ut immundus omnes nos, & quasi pannus menstrua-
te universæ justitiæ nostræ: ergo omnia opera nostra moribus concupiscentiæ, & privato amore sunt inquinata.*

Nego consequ. namque 1. non dicit Sapiens; hominem justum in singulis actibus cadere, immo Prov. 25. asserit eum aliquando surgere, *sepius enim cadit justus, & resurgit.* 2. Loquitur Isaïas nomine Civitatis Jerosolymitanæ, in qua plures erant impii, propter quos Civitas hostibus erat tradenda; ait enim, *non est qui invocet nomen tuum, qui consurgat, & teneat te.* Deinde justitiæ, de quibus est sermo, sunt, interprete Sancto Hieronymo, cæremonia, sacrificia, & alia legis exteriora opera, quibus Judæi idololatræ & peccatores impenitentes Deum placare contendebant, cum tamen Deus illa rejiceret propter offerentium corruptos mores, *incensum abominatio est mihi . . . Sabbatum & festivitates alias non feram.* Isaïæ 1.

Instabis; Matth. 6. omnibus præscribitur hæc orandi forma, *sanctificetur nomen tuum . . . fiat voluntas tua:* unde sic argumentatur Lutherus; petimus quod non habemus, ut nomen Dei sanctificetur in nobis, ejusque voluntas fiat: Ergo in nobis pollitur nomen Dei, & ejus voluntati sumus rebelles.

R. 1. Retorquendo argumentum contra Lutherum: Christus non jubet nos petere quod nunquam sumus impetraturi: ergo per orationes possumus a Deo obtinere, ut sanctificemus nomen ejus, impleamusque ejus voluntatem.

R. 2. Peccatores, per quos nomen Dei blasphematur.

tur, petunt quod nullatenus habent; petunt iusti, ut perseverent in eo, quod jam habent, & perficiatur in eis quod acceperunt.

Dices 2. constans est SS. Patrum doctrina, omnia iustorum opera esse vitiosa; sic enim habet S. Hieronymus Dialogo 1. contra Pelagianos, *tum ergo iustissimus, quando nos peccatores fatemur, & iustitia nostra non ex proprio merito, sed ex Dei misericordia consistit.* Sanctus Augustinus Epist. 167. alias 29. *Illud, inquit, quod minus est (caritas). . . . ex vitio non est . . . qui faciat bonum, & non peccet.* Et lib. 9. Confessi. cap. 13. *ut etiam laudabili vite hominum, si remota misericordia discutias eam.* S. Gregorius lib. 9. Mor. cap. 1. sic de Jobo scribit. *Sanctus vir, quia omne virtutis nostrae meritum esse vitium conspicit, si ab eterno arbitrio districto iudicetur, subjungit, &c.* Denique S. Bernardus Serm. 5. de verbis Isaiae ait, *nostra . . . si qua est, humilis iustitia, recta forsitan, sed non pura, nisi forte meliores non esse credimus, quam patres nostros, qui non minus veraciter, quam humiliter agebant, omnes iustitiae nostrae tanquam pannus menstruatæ mulieris. Quomodo enim pura iustitia, ubi adhuc non potest culpa deesse? ergo omnia bona opera sunt peccato infecta.*

Nego antecedit. Nam laudati Patres per iustitiam 1. non intelligunt unum aut alterum opus, sed totam vivendi rationem, quo homo denominatur iustus; quocum admixta habet multa peccata venialia, iusti indigent Dei misericordia, & ad poenitentiae remedia semper confugere debent. Hanc esse mentem SS. Hieronymi & Augustini; patet ex laudatis eorum textibus in confirmationem nostrae sententiae, quæ est catholica. 2. docent ex vitio esse, quod minor sit nostra iustitia; quia quando concupiscentia consensum sive perfectum, sive imperfectum a nobis extorquet, culpa nostra est. S. Gregorius laudato c. 1. loquitur de iustitia, in qua confidimus quasi ex nobis sit, sic enim scribit, *quisquis se auctori honorum comparat, bono se, quod acceperat, privat: qui enim accepta bona sibi arrogat, suis contra Deum donis pugnat; sanctus autem;*

autem vir, quia omne virtutis nostrae meritum esse vitium conspicit, si ab aeterno arbitro iudicetur, recte subiungit, qui voluerit contendere cum eo, non poterit ei respondere unum pro mille: cum Deo autem contendere, est non ei, sed sibi gloriam suae actionis tribuere.

§. II.

Utrum bona opera gratiae auxilio elicta sint meritoria?

R. **D**E fide est esse meritoria: sic enim definit Concilium Tridentinum sess. 6. Can. 32. *Si quis dixerit, hominis iustificati bona opera ita esse dona Dei ut non sint etiam bona ipsius iustificati merita . . . anathema sit.*

Prob. 1. ex Scriptura Matth. 5. *Gaudete, & exultate, quoniam merces vestra copiosa est in caelis: & cap. 2. Venite benedicti Patris mei, possidete . . . Regnum, &c. Esuriui enim, & dedisti mihi manducare. Rom. 2. Reddet unicuique secundum opera ejus, iis. quidem 3. qui secundum patientiam boni operis gloriam . . . & in corruptionem quaerunt, vitam aeternam. 2. ad Timoth. 4. Bonum certamen certavi, cursum consummavi, fidem servavi. In reliquo reposita est mihi corona iustitiae 3. quam reddet mihi Dominus in illa die iustus iudex.*

Prob. 2. ex Patribus; S. Cyprianus lib. de unitate Ecclesiae ait, *praeceptis ejus (Dei) obtemperandum est, ut accipiant merita nostra mercedem.* S. Basilus lib. de Spiritu sancto cap. 24. sic scribit: *Homo ex operibus iustitiae salvatur.* S. Chrysostomus homil. 4. de Lazaro; *Si iustus est Deus, inquit, & illis reddet pro meritis, id est bonis & malis.* S. Hilarius: *De nostro est beata illa aeternitas promerenda.* S. Ambrosius lib. 1. de offic. cap. 15. *Nonne evidens est meritum aut praemia, aut supplicia manere post mortem?* S. Augustinus epist. 194. alias 105. ad Sixtum. *Nulla sunt merita iustorum? sunt plane, quia iusti sunt; sed ut iusti fierent, merita non fuerunt.* . . . Sicut merito
per.

*peccati tanquam stipendium redditur mors, ita meritis
justitiæ tanquam stipendium vita æterna. S. Bernardus
Serm. 68. in Cant. merita habere cures habita ... data
noverit, perniciofa paupertas, penuria meritum.*

Dices 1. Rom. 6. habetur; *Gratia autem Dei vita
æterna: Ps. 102. Qui coronat te in misericordia & mi-
serationibus. Unde S. Augustinus concione 2. in Ps. 70.
sic scribit: Cum præmium venerit, sua dona coronabit:
& S. Bernardus Serm. 1. de Annuntiatione: Neque,
inquit, talia sunt hominum merita, ut propterea vita
æterna debeat ex jure, aut Deus injuriam aliquam
faciat, nisi eam donaret: Ergo.*

Diff. ant. vita æterna est gratia, & miseratio,
quatenus Deus gratuito ad eam eligit, vocat, & au-
millis efficacibus, alias indebitis, perducit, Conc. est
gratia & miseratio dumtaxat, nullamque habet ratio-
nem mercedis, aut præmii, quasi ex mercede digna
non sint bona justorum opera, Nego ant. & quidem
juxta interpretationem S. August. lib. de corrept. &
grat. cap. 15. in quo sic habet: *Vita æterna, quam
certum est bonis operibus debitam reddi? a tanto Apo-
stolo gratia Dei dicitur, cum gratia non operibus red-
datur, sed gratis detur: sine ulla dubitatione consiten-
dum est ideo gratiam vitam æternam vocari, quia his
meritis redditur, quæ gratia contulit homini.*

Instabis 1. ex Apostolo Rom. 8. *Non sunt condi-
gnæ passionēs hujus temporis, ad futuram gloriam quæ
revelabitur in nobis: Ergo.*

Diff. ant. Non sunt condignæ, si secundum enti-
tatem, & veluti materialiter spectentur, Conc. si se-
cundum virtutem & influxum Christi capitis nostri,
per quem voluntarie sustinetur, Nego ant. Sic Passio
Christi v. gr. secundum entitatem spectata similis est
passioni plurium Martyrum, qui per crucis tormen-
tum, & alia atrocissima supplicia consummati sunt,
nec sub illo respectu condignæ fuit exaltatione, quæ
subsecuta est. Sed si spectetur secundum valorem &
dignitatem personæ, quæ facta est obediens usque ad
mortem, meritum ejus, præmium infinite excedit.
Porro Christus vivit in Justis tanquam caput in mem-
bris,

bris, illos movet & regit per communicationem sui spiritus, qui sit in eis fons aquæ salientis in vitam æternam, ut dicitur Jor. 4. Nimirum aqua fontis in canali compressa ascendit ad altitudinem sui principii, seu scaturiginis: atqui Spiritus sanctus est Deus & vita æterna, ad quam ordinat & dirigit actiones justorum: ergo cum non deficiat in suis consiliis & operationibus, dubium non est quin illas actiones ad tantum præmium promoveat.

Confirm. Semen quercus secundum entitatem & materiam spectatum non habet proportionem cum procerâ quercu, virtute tamen continet illum, cum illam producat. Sic in moralibus, qui brevi tempore insignem victoriam retulit, ex qua salus Reipublicæ pendebat, omnium judicio meritis est illustriores Reipublicæ Dignitates, quamvis ejus actio materialiter spectata non sit cum illis conferenda.

Instabis 2. Lucæ 17. ait Christus: *Cum feceritis omnia ... dicite, servi inutiles sumus*: Ergo.

Nego conf. Ideo enim servos inutiles nos existimare debemus, 1. quia nihil utilitatis per nostra bona opera Deo conferimus: 2. quia cum natura Deservi simus, potest quidquid libuerit præcipere, etiam nulla proposita mercedis spe. Hinc S. Aug. serm. 163. alias 3. de verbis Apostoli, sic exclamat: *O magna bonitas Dei! cui pro conditione reddere debeamus obsequium, utpote servi Domino, amicitiarum præmia nobis repromittit, ut a nobis obsequia debita servitutis extorqueat*. Præterea advertit S. Chrysostomus, Christum Dominum non dixisse nos inutiles servos esse, cum omnia præcepta perfecimus: sed jussisse, ut id dicamus ad cavendam superbiam.

Dices 2. S. August. Serm. 164. alias 15. de verbis Apostoli in illud Ps. *Pro nihilo faciet illos*, sic scribit: *Nihil invenit unde salvet*. Et S. Bern. cit. serm. 15. in Ps. *Qui habitat in totum*, inquit, *hominis meritum est, si totam spem suam ponat in eo, qui totum hominem salvum facit*: Ergo.

Nego conf. Hæc enim & similia intelligenda sunt eo sensu, quo laudata Scripturæ loca, scilicet vitam æternam

æternam jure non dari meritis, quia merita nostra supponunt gratiam, & gratuitam Dei promissionem: Deus quippe bona opera poterat a nobis exigere absque ulla mercedis pollicitatione, quæ S. August. fusius explicat lib. de grat. & lib. arbitr. cap. 7. & 8. nos infra demonstrabimus, ubi de conditionibus meriti.

Dices 3. Non potest sine Christi injuria aliquid tribui meritis nostris, quia videremur partiri cum ipso gloriam, dum salutem nostram partim ad ejus merita, partim ad nostra referemus: Ergo.

Nego ant. & ejus confirmationem. Merita quippe nostra sunt ejus dona, cum ipse in nobis operetur velle & perficere, ac proinde non in nobis, sed in ipso solo gloriamur.

Confirm. resp. Hoc Christus Salvator est in ordine gratiæ & morum, quod Deus Creator est in ordine naturæ: atqui Deus in eo manifestat suam omnipotentiam, & infinitam virtutem, ne dum insufficientem ostendat, quod causis secundis efficaciam tribuat: ergo a pari gloria Christi, & infinita vis Passionis ejus in eo maxime elucet, quod non solum sibi, sed & nobis sit merendi principium.

Ergo, inquires, sicut Christus dicitur in nobis operari, recte etiam diceretur in nobis mereri.

Nego sequelam; quia Christus expleto Redemptionis opere, non est in statu merendi, cum non sit amplius viator, sed ex omni parte comprehensor. Itaque jam in nobis non meretur, quia per Passionem suam omnia nobis promeritus est; sed nobis applicat Passionis suæ merita, & est in nobis principium bene operandi & merendi.

§. III.

*Utrum honestum sit operari intuitu mercedis
aeternae?*

R. **D**E fide est id licitum esse & honestum; Ita enim definiit Concilium Tridentinum sess. 6. can. 31. *Si quis dixerit, justificatum peccare, dum intuitu aeternae mercedis bene operatur; anathema sit.*

Probatur 1. ex Scriptura Psalm. 118. *Inclinavi cor meum ad faciendas justificationes tuas in aeternum propter retributionem.* Matth. 6. *Querite ergo primum regnum Dei, & justitiam ejus.* Luc. 16. *Facite vobis amicos de mammona iniquitatis, ut cum defeceritis, recipiant vos in aeterna tabernacula.*

Probatur 2. ex S. August. in Psal. 120. *Quid est, inquit, nesciat sinistra, quid faciat dextera tua? id est, quando facis opus bonum, propter vitam aeternam fac; nam si opus bonum propterea feceris in terra, ut terrena tibi in cibum Deus tribuat, scit sinistra tua, quid faciat dextera tua; miscuisti sinistram dexterae tuae. Noli facere nisi propter vitam aeternam: hoc fac, & ideo securus facias; hoc enim mandavit Deus.*

Probatur 3. ratione: cuilibet operanti licet intendere finem, pharmacum videlicet sumere intuitu sanitatis, decertare propter victoriam: atqui finis bonorum operum supernaturalium, est vita aeterna: Ergo.

Dices: mercenarium est intueri mercedem: atqui Christus damnat mercenarios, Joan. 10. & S. Thomas 2. 2. quæst. 19. art. 4. ad 3. docent amorem mercenarium cum vera caritate non posse sustinere. Ergo.

Distinguo maj. Mercenarium est intueri mercedem tanquam finem principalem, ita ut nisi proposita mercede quis injunctum opus non perficeret, Concedo: tanquam finem secundarium. Nego majorem.

Porro justus ita affectus est, ut Deo imperanti obsequeretur, etiamsi mercedem non proponeret.

Instabis 1. sordidum & servile est operari propter mercedem: Ergo.

Distinguo

Distinguo antec. Propter mercedem ipso opere vi-
liorem, v. gr. evangelizare propter bona temporalia,
Concedo : propter mercedem, ad quam naturaliter
ipsum opus tendit, scilicet beatitudinem, Nego ante-
cedens.

Instabis 2. Deus debet diligī amore amicitiae, non
concupiscentiae, unde S. Bern. 1. de diligendo Deo,
*non sine premio diligitur Deus, etsi absque premii in-
tuitu diligendus sit*: ergo.

Distinguo antec. Deus non debet diligī amore con-
cupiscentiae non referibili ad amorem amicitiae, quem-
admodum concupiscimus alimenta, Concedo : referi-
bili, Nego antec. Deus enim spe & caritate amatur;
spes autem est amor concupiscentiae : caritas vero amor
amicitiae, ad quem spes introducit, *in quantum*, in-
quit S. Thomas 2. 2. q. 17. art. 8. *aliquis sperans
remunerari a Deo accenditur ad amandum Deum : &
ideo in via generationis spes est prior caritate*. Vera
quidem est S. Bernardi sententia, Deum absque premii
intuitu esse diligendum, & ita caritate diligitur; sed
caritas non excludit amorem spei, sed concupiscen-
tiae, immo illum perficit, quia ut docet S. Thomas
loco cit. *de amicis maxime speramus*.

§. IV.

Utrum liceat fiduciam ponere in propriis meritis?

Nota 1. fiduciam nihil aliud esse, quam spem
perfectam, ex Sancto Thoma 2. 2. quaest. 129.
art. 6.

Nota 2. aliud esse fiduciam nasci ex bonis operi-
bus, aliud fiduciam ponere in bonis operibus. Fidu-
ciam ponit in bonis operibus, qui ea intuetur, ac
enumerat, atque ex iis confidit, quemadmodum Aposto-
lus dum scriberet, 2. ad Timoth. cap. 4. *bonum cer-
tamen certavi, cursum consummavi, fidem servavi :
in reliquo reposita est mihi corona iustitiae*. Sed quam-
vis ignoremus an opera nostra sint in Deo facta, pro-
ptereaque in iis non confidamus: attamen ex iis fiducia
nasci

nasci potest; quia Spiritus sanctus qui habitat in justis; & per quem bene operantur, ex Apostolo Rom. 8. reddit testimonium spiritui eorum, quod sint filii Dei; datque illis fiduciam clamandi, *Abba, Pater*, Sic Job, etiam si diceret cap. 9. *verebar omnia opera mea*, nihilominus ex bonis operibus cor ejus ita paratum erat sperare in Domino, ut nulla adversitate commoveretur ejus fiducia, *etiam si occiderit me*, inquit e. 14. *sperabo in ipso*. His observatis, ad propositam questionem.

R. 1. Ex bonis operibus nascitur fiducia in Deum.

Probatur 1. Ex Scriptura. Tobie 4. *Fiducia magna erit coram summo Deo elemosyna omnibus facientibus eam*. Rom. 5. *Tribulatio patientiam operatur, patientia autem probationem, probatio vero spem*, 1. ad Tim. 3. *qui enim bene ministraverint, gradum bonum sibi acquirent, & multam fiduciam in fide, quæ est in Christo Jesu*. 1. Joan. 3. *Si cor nostrum non reprehenderit nos, fiduciam habemus ad Deum*.

Probatur 2. ex SS. PP. S. Cyprianus tract. de elemosyna, *præclara & divina res*, inquit, *salutaris operatio, salutum grande credentium, securitatis nostræ jalubre præsidium*.

Sanctus Chrysostomus hom. 2. in 2. ad Cor. ait: *Optamus ut ex beneficiis habeas fiduciam*. Et hom. 15. operis imperfecti: *sicut oleum accendit lumen, ita & bona opera excitant fidem cordis, & dant confidentiam animæ*. S. Augustinus Præfat. in Psal. 31. *Ille sperat, qui bonam conscientiam gerit: ut ergo speret regnum, & credat, operetur*.

Probatur 3. ratione, 1. Ex bonis operibus nascitur bona conscientia; sicut ex malis mala: atqui ex bona conscientia nascitur fiducia: Ergo. 2. Actus boni virtutes generant ac perficiunt: Ergo spes, quæ est virtus Theologica, ex bonis operibus crescit, ac perficitur.

R. 2. Absolute potest poni fiducia in operibus vere bonis: in praxi tamen multis de causis, non est ponenda.

Prima pars probatur 2. ex Scriptura lib. 2. Esd. c. 5.

ait

ait Nehemias vir Sanctus: *Memento mei, Deus meus; in bonum, secundum omnia quæ feci populo huic.* Psal. 17. David ex multa fiducia dicit: *Retribuere mihi Dominus secundum justitiam meam.* Et Apostolus c. 4. 2. ad Tim. *Bonum certamen certavi, cursum consummavi, fidem servavi, in reliquo reposita est mihi corona justitiæ, quam reddet mihi Dominus in illa die justus iudex.*

Probatur 2. ratione: quia fidelis est Deus in promissis suis. Ergo qui conscius est se perfecisse ea, pro quibus Deus pollicitus est mercedem, potest fidenter dicere, juxta S. August. *feci quod jussisti, imple quod promissisti.*

Secunda pars, nempe multis de causis fiduciam in bonis operibus non esse ponendam.

Probatur 1. ex auctoritate Ecclesiæ, quæ hanc orandi formam nobis præscribit, *Deus qui conspicias, quia ex nulla nostra actione confidimus.*

Probatur 2. multiplici ratione. Prima, quia nescit homo utrum amore, an odio dignus sit. Eccl. 6. Secunda, quia nobis non constat, an opera nostra sint in Deo facta, & ex recta intentione procedant; namque pravum est cor hominum & inscrutabile, quis cognoscet illud? ait Dominus Jeremiæ c. 17. & S. Gregor: *sepe opus nostrum causa est damnationis, quod putatur esse profectus virtutis.* Tertia, quia nullum opus est meritum, ex dicendis, nisi sit supernaturale, & a Spiritu sancto movente: atqui ex dictis Tract. de Gratia nullus absque speciali Dei revelatione certo scire potest, an Spiritu Dei moveatur: Ergo. Quarta, quia tam frequentes sunt nostri lapsus, ut veniam petere videatur tota nostra justitia, meritoque timere debeamus, ne Deus nos projiciat a facie sua, & Spiritum sanctum suum auferat a nobis, ac retrahat auxilia efficacia, sine quibus nemo perseverat. Quinta, quia periculum est, ne ex bonis operibus inflemur, gloriemurque in nobis, sicut Phariseus Luc. 18. namque ex S. Chrysostomo hom. 3. in illud, *elevatum est cor ejus (Oziæ)* 2. Paral. c. 26. *nihil perinde gignit superbiam, ut bona conscientia, nisi advigilemus.* Unde & Christus sciens quod post benefacta nos hic morbus adortus, dicebat disci-

discipulis ; cum feceritis omnia , dicite ; quia servi inutiles sumus . Quando nihil arbitramur operatos egregium , amplius etiam ob talem meremur affectum quam propter opera ipsa , quæ fecimus . Minimum itaque de se iussisse tam magnum est , quam magnas res fecisse . Et S. Bernardus Serm. 68. in Cant. *Habet merita* (Ecclesia) *sed ad promerendum , non ad præsumendum . Ipsum non præsumere , nonne promereri est ? Ergo eo præsumit securius , quo non præsumit .*

Atque ex his responsionibus facile conciliantur , qui inter se pugnare videntur textus , tum Scripturæ , tum SS. Patrum , ubi sermo est de merito & fiducia bonorum operum .

§. V.

Quotuplex sit meritum :

R. **D**Uplex , aliud de condigno , aliud de congruo . Meritum de condigno necessario præsupponit gratiam sanctificantem , estque iustorum proprium : meritum vero de congruo nonnunquam justificationem præcedit , estque commune iustis & peccatoribus , qui ad justificationem disponuntur ; nam iustus gratiam alteri mereri potest de congruo , ut infra dicetur , & bona opera peccatoris pœnitentis sunt meritoria de congruo . Ita Theologi communiter , paucis exceptis , ut Durando , & Soto .

At 1. quidem Durandus in 2. dist. 27. q. 2. contendit nullum posse esse in creatura condignum meritum , quia Deus non potest illi constitui ita debitor , ut nisi mercedem redderet , injustus foret .

Sotus vero lib. 2. de natura & gratia cap. 4. probat ex S. Augustino nullum ante justificationem cognoscendum meritum . Sic enim habet S. Doctor epist. 168. Alias 106. *Si aliquid boni operatur homo , ut gratiam mereatur , non ei merces imputatur secundum gratiam , sed secundum debitum . Si autem credit in eum , qui justificat impium , ut deputetur fides ejus ad iustitiam , profecto , antequam gratia justificetur impius , quid est , nisi impius ?* Deinde S. Thomas , qui 1. 2. quæst.

quæst. 104. art. 6. concesserat justum alteri mereri posse de congruo primam gratiam, negat art. 7. posse similiter sibi mereri reparationem post lapsum: *Desiderium*, inquit in responsione ad primum, quo quis desiderat reparationem post lapsum, justum dicitur, & similiter oratio: quia tendit ad justitiam; non tamen ita quod justitiæ innitatur per modum meriti, sed solum misericordie. Et ratio est, quia qui meretur, acquirit jus ad id quod meretur: atqui peccator nullum habet jus ad gratiam sanctificantem, & remissionem peccatorum; alias esset ei debita.

Confirmatur Durandi simul & Soti sententia ex Concilio Tridentino; namque Patres can. 32. sess. 6. simpliciter docent hominis justificati bona opera ita esse dona Dei, ut sint etiam bona ipsius justificati merita; de condigno autem nihil prorsus. Et can. 7. cavent dicere opera, quibus peccatores disponuntur ad justitiam esse meritoria. Sed satis ipsis est definire non esse peccata. Ergo ex Concilio Tridentino nec bona justorum opera sunt meritoria de condigno, nec penitentiam de congruo. Nihilominus.

Probatur utrumque membrum allatæ divisionis, ac primo quidem contra Durandum, quod in justis bene operantibus agnoscendum sit meritum de condigno; quia ad meritum de condigno necesse non est, quemadmodum supponit Durandus, ut debeatur merces, seu præmium ex stricta justitia; sed satis est, quod opus proportionem habeat ad mercedem, & intercedat promissio ex parte remuneratoris. Ista duo tam necessario requiruntur, ut si alterutrum desit, nullum sit meritum proprie dictum, nec merces debita: aliquis v. g. magna animi fortitudine, & singulari prudentia hostes patriam devastantes profligaverit, dignus quidem est, qui Imperator a Rege præficiatur exercitibus; sed illud imperium non est illi debitum, si nullum intercefferit pactum, aut promissio: contra vero Rex promiserit ejusmodi imperium Medico, qui filium ejus a lethali morbo sanaverit, curatio illa non erit meritum, sed mera conditio sine qua non; quia nec ordinem, nec proportionem habet ad tantam dignitatem. Atqui
opus

opus iusti ex gratia elicitum est proportionatum, & æquivalens vitæ æternæ; iustus enim, utpote filius Dei adoptivus, per gratiam sanctificantem factus confors naturæ divinæ, ut loquitur S. Petrus epist. 2. cap. 1. & in esse divino constitutus, jus habet ad vitam æternam, tanquam ad hæreditatem paternam, opera ejus per motionem Spiritus sancti ad eam tendunt ac diriguntur, ut ad proprium terminum, exceduntque quodlibet aliud inferius præmium, adjungam insuper habent Dei promissionem: Ergo sunt vitæ æternæ meritoria de condigno.

Confirmatur ex S. Thoma 1. 2. quæst. 114. art. 3. in quo sic scribit, „ Si autem loquamur de opere „ meritorio, secundum quod procedit ex gratia Spi- „ ritus sancti, sic est meritorium vitæ æternæ ex con- „ digno; sic enim valor meriti attenditur secundum „ virtutem Spiritus Sancti moventis nos in vitam æ- „ ternam, secundum illud *Joan. 4. Fiet in eo fons „ aque salientis in vitam æternam*: Attenditur etiam „ pretium operis secundum dignitatem gratiæ, per „ quam homo confors factus naturæ divinæ, adopta- „ tur in filium Dei, cui debetur hæreditas ex ipso „ jure adoptionis; secundum illud, *Rom. 8. Si filius „ & hæres.* „

Probatur 2. contra Sotum opera supernaturalia, quibus peccator disponitur ad justificationem, esse meritoria de congruo, 1. ex Sancto Augustino libro de prædestinatione Sanctorum: *Quis, inquit, dicet eum, qui jam cupit credere, ab eo, in quem credidit, nihil mereri?* Et epist. 194. alias 105. *Nec ipsa peccati remissio sine aliquo merito est: neque enim nullum meritum fuit illius, qui dicebat, propitiuss esto mihi peccatori.* Denique epist. 186. alias 106. *Si quis dicat quod gratiam bene operandi fides mereatur, negare non possumus, immo gratissime confitemur.* Quando ergo S. Doctor in textu, quem laudat Sotus ex eadem epistola, negat impium aliquid boni operari, ut gratiam mereatur, manifeste loquitur de prima gratia ad credendum necessaria, quam nullum bonum opus præcedit saltem meritorium, cum fides sit prima radix me-

meriti; *Hanc fidem*, inquit, *volumus habeant* (Semipelagiani) *ut impetrent caritatem*. 2. S. Augustinus, & alii sancti Patres, qui contra Semipelagianos decertarunt, constanter docent pium credendi affectum, & primum salutis desiderium habere rationem alicujus meriti, nec proinde in nobis exurgere solis viribus liberi arbitrii, alioquin gratiam non fore gratiam, sed mercedem. Ergo in eorum sententia quoddam imperfectum meritum in peccatoribus præcedit justificationem.

Ex silentio autem Concilii Tridentini hoc unum colligi potest, scilicet Patres nihil circa præsentem controversiam definiisse, quod ultro fatemur. Quamquam favere videtur communi sententiæ, cum can. 32. sess. 6. definit justificatum bonis operibus vere mereri augmentum gratiæ & vitam æternam; nam particula, *vere*, denotat meritum de condigno, utpote simpliciter dictum meritum, quippe de congruo est meritum secundum quid; nemo enim absolute & simpliciter dixerit peccatorem bonis suis operibus mereri remissionem peccatorum, quæ est opus misericordiæ; non vero justitiæ, licet eam præcedant bona opera, tanquam dispositiones in adultis requisitæ, & de congruo meritoria.

Quod autem opponitur ex Sancto Thoma, illud intelligendum est de justo, qui post multa bona opera lapsus est in grave peccatum, a quo neque de condigno, neque de congruo meretur resurgere, propter illa opera, quæ ejus lapsum præcesserunt: quod verissimum est, quia præcedentia illa merita extincta sunt per peccatum subsequens, juxta illud Ezech. capite 18. quod laudat Sanctus Doctor: *Si . . . averteris se justus a justitia sua, & fecerit iniquitatem . . . omnes justitiæ ejus, quas fecerat, non recordabuntur.*

S. VI.

De conditionibus ad meritum de condigno requisitis.

REm aggredimur in praxi maxime necessariam, & sine qua non proderunt quæ hæctenus tradidimus tum in hocce Tractatu de bonitate, & sine actuum humanorum, tum in præcedenti de Gratia. Namque, ut argumentatur S. August. tract. 45. in Jo: *Cui non datur semper vivere, quid prodest bene vivere?* Annon in vacuum gratiam accipit, qui fructum, ad quem data est, hoc est, meritum condignum ex ea non colligit, ad quid felicitatem nostram a longe aspiciamus, si desit quo eam promereamur? Proponitur autem ut merces, nonnisi pretio ac merito bonorum operum comparanda: *Carere meritis, satis ad iudicium est ... perniciofa paupertas, penuria meritorum*, inquit S. Bernardus serm. 68. in Cant. Servus, qui inutilem servaverat pecuniam domini sui, projicitur in tenebras exteriores, Matth. 25. Quin Tertullianus, & post eum S. Gregorius lib. 33. Moral. c. 26. Deum in futuro iudicio nobis exhibent veluti numularium, qui examinat, ponderatque monetam, ne adulterina sit, aut levior: *Qui, inquit, numisma percipiunt, prius qualitatem illius, post figuram, ad extremam pondus examinant, ne sub auri specie res lateat, aut hoc quod veraciter aurum est, monete reprobæ figura debonestet, aut quod & aurum & rectæ figuræ est, hoc non integrum pondus leviget.* Singulorum ergo plurtimi est nosse, & Pastorum docere, qui sint proprii characteres meriti condigni, & præveniendo iudicium Dei perpendere, utrum in bonis nostris operibus nulla desit ex conditionibus ad verum meritum requisitis. Itaque

Q. Quot sunt conditiones ad meritum de condigno requisitæ?

R. Ex constanti Catholicorum doctrina sex requiruntur, & sufficiunt. 1. Opus debet esse bonum. 2. Supernaturale. 3. Ab homine iusto. 4. Liberum. 5. In

statu vitæ elicitedum. 6. Denique merces debet ei promitti.

Probatur responsio quoad singula, quamvis in catechesibus satis fuerit tria priora exponere; quia præterquamquod memoria puerorum, ac rudiorum non est nimis oneranda, si tria illa in nostro opere adfuerint, cetera non deerunt, etiamsi de illis non cogitemus.

PRIMA CONDITIO.

EST cuique naturali lumine notum non esse opus laudabile, ac præmio dignum, nisi fuerit bonum; nam ex Tertulliano, natura omne malum pudore & timore perfudit, adeo ut qui mali operis conscius est, naturaliter de eo erubescat, & inde puniri timeat, si non ab hominibus, saltem a Deo: *Tribulatio & angustia in omnem animam hominis operantis malum*, inquit Apostolus Rom. cap. 2. Et c. 6. *Stipendia enim peccati, mors, & quidem æterna, nisi Deus misereatur*; malitiæ enim individua comes est miseria. Quod si quis contendat dari opus in exercitio, seu individuo, nec bonum, nec malum, sed prorsus indifferens, quod supra negavimus; concedas necesse est, illud non esse laude ac præmio dignum, sicut nec pœna, aut vituperio. Deinde ex communi omnium sensu, nemo mercedem ab eo expectaverit, in cuius gloriam & obsequium non fuerit operatus; longe enim absurdissimum foret, si quis a te remunerari ex peteret, ex eo quod suam vineam in proprium commodum diligenter excoluisset; atqui nullum opus cedit in Dei gloriam & obsequium, nisi fuerit bonum: Ergo.

Huc autem revocare necesse est, quæ de bonitate actuum humanorum præmittenda duximus, cum ex iis nostrum pendeat meritum, neque enim satis est operari bonum, nisi & bene. Annon artifex, qui injustum opus elaboraverit, laudabilem materiam adhibuit, puta pretiosum pannum, sed male, & præter artis, regulas concinnavit, pœnam meretur, nedum mer-

mercedem: Sic quoque habent apud Deum, qui operibus ex objecto bonis vacant, publicam rem administrant, familiam regunt, agrum colunt, & quæ sunt honesti sui status ac conditionis, exequuntur; sed alio, quam ad vitam æternam ista referunt, puta ad lucrum, auram popularem, & favorem humanum: *Officium quisque nostrum*, inquit S. August. conc. 12. in Psal. 118. non initio, sed sine pensandum est, ut scilicet, non tantum si bonum est quod fecimus, sed præcipue si bonum est propter quod fecimus, cogitemus. Hinc Psalmista Deum enixe rogat, & ex illo Ecclesia, dicens: *Averte oculos meos, ne videant vanitatem, in via tua vivificum me*; hoc est temporalia non intuehda, sed spiritualia; vanitas enim vanitatum omnia quæ sub Sole geruntur, Eccli. 1. in qua vanitate, pergit S. Doctor, præcipuum locum obtinet amor laudis humane, propter quam multa magna fecerunt, qui magni in hoc seculo nominati sunt, multumque laudati in civitatibus gentium quærentes, non apud Deum, sed apud homines gloriam... ad quam pervenientes perceperunt mercedem suam vani vanum. Ab hac vanitate volens Dominus avertere oculos suorum: *Attendite, inquit, ne iustitiam vestram faciatis coram hominibus, ut videamini ab eis, alioquin mercedem non habebitis apud Patrem vestrum, qui in cælis est...* Monuit ne etiam propter pecuniam, dicens: *Non potestis Deo servire & mammonæ*. Monuit ne propter ipsum necessarium vestram, atque vestram, dicens: *Ne solliciti sitis animæ vestræ quid manducetis, neque corpori vestro, quid induamini: Si enim vanum est propter hominum laudes bona facere, quanto vanius propter adipiscendam pecuniam, vel augendam, sive retinendam, & si quid ejusmodi est commodi temporali, quod nobis accidit extrinsecus, quia omnia vanitas? Ex quibus concludit lib. 2. de serm. Domi. in monte cap. 25. Ergo simplici corde tantummodo propter regnum Dei debemus operari bonum ad omnes. Non autem in hac operatione vel solam, vel cum regno Dei mercedem temporalem cogitare, alioquin mercedem non habebimus apud Patrem nostrum, qui in cælis est, quin ab illo audituri sumus tristem il-*

eam vocem : *Amen dico vobis , receperunt mercedem suam .*

Oremus igitur , & multum oremus , cum opus aliquod meditamur , ut quod propriis viribus non licet , avertat Deus oculos nostros , ne videant vanitatem vigilemus ejus auxilio nixi , ne quod in nobis remaneat cupiditatis , in decursu operis sensim germinet , inficiatque quod ad ejus gloriam duro corde susceperamus ; succidua enim est illa arbor , seu radix mala , quæ non potest bonos & condignos fructus facere .

Neque vero timendum est , ne regnum cælorum , & justitiam ejus unice quærentibus vitæ hujus necessaria desint , cum scripto teneamus Dei promissum ; Matth. 6. *Hæc omnia adjicientur vobis* , etiam de iis non cogitantibus ; sicut enim semen mandatum terræ , dormiente agricola , germinat , crescit , & in messem maturescit : sic quodlibet opus strenue elaboratum , naturaliter parit commodum temporale , etiam si agens nonnisi regnum Dei , & justitiam ejus intenderit . An caupo , v. g. qui desiderio consequendæ vitæ æternæ accensus , diversantes ad se hospites humane excipit , minus emolumentum capiet , quam qui lucro inhians , hocce officio defungitur ; aut quisvis operarius minorem mercedem consequetur ex eo quod omnem laborem & industriam ad Deum referat ? Immo multo amplius lucrabitur ; tum quia finis nobilitas , ac præmii magnitudo acuit diligentiam & solertiam ; sicut autem umbra corpus , ita diligentem operarium fama sequitur , & multitudinem ad ipsum trahit : tum præsertim , & magis ad sensum textus mox laudati , quia Deus ut providus Pater filiis sibi obsequentibus necessaria suppeditat , rectam eorum intentionem remunerat benedictionibus , etiam temporalibus : harum quippe meritoria sunt de congruo bona justorum opera : *Pietas autem* , inquit Apostolus , 1. Timoth. 4. *ad omnia utilis est , promissionem habens vitæ , quæ nunc est , & futura .*

Quæ cum ita sint , lugendi profectio , & quam sæpissime a Pastoribus commonendi innumeri homines , quibus pereunt opera , alioquin ex officio bona , &

condigna vitæ æternæ pretio, si ad illam, ut par est, referrentur. Namque ad comparandum regnum cælorum necessarias impensas faciunt agricolæ, nec plura exigunt, quam impenduntur ab artificibus, & aliis, qui utiliter pro Republica laborant, ac divinæ providentiæ diu noctuque sudantes deserviunt, finem tantummodo mutent, non contemplantes quæ videntur, sed quæ non videntur, ut loquitur Apostolus, & æternum gloriæ pondus in præmium certo consequuntur. Verum quia ad ejusmodi opera sola incitat cupiditas, sola vires & animos subministrat, meritis exeunt vacui, tandemque ad lucem veritatis evigilantes exclamare coguntur cum illo, qui dicebat: *Præceptor per totam noctem laborantes nihil cepimus*, Luc. 5.

SECUNDA CONDITIO.

Quodlibet opus moraliter bonum meritorium non est, etiam de congruo, nisi sit supernaturale. Est fidei dogma, variis in Conciliis definitum contra Pelagianos & Semipelagianos, & confirmatum in Tridentino sess. 6. can. 1. 2. & 3. *Omni palmitem*, inquit Christus Jo: 15. *in me non ferentem fructum, tollet eum* (Pater) Et v. 5. *qui manet in me, & ego in eo, hic fert fructum multum, quia sine me nihil potestis facere*. Unde Patres Tridentini c. 16. ejusdem sessionis sic docent: *Cum ille ipse Christus Jesus, tamquam caput in membra, & vitis in palmites, in ipsos justificados jugiter virtutem influat, quæ virtus bona eorum opera semper antecedit, & comitatur, & subsequitur, & sine qua nullo pacto Deo grata & meritoria esse possent*. Et ratio est, quia debet esse proportio, & quædam æqualitas inter opus & mercedem, inter meritum & præmium: nemo enim dixerit vile opus bajuli; v. g. mereri primos Reipublicæ honores: atqui nulla est proportio inter opus naturale, & præmium supernaturale; multoque magis distat gloria cælestis, ab actu moraliter bono, etiam heroico, quam prima regni dignitas a vilissimo bajuli opere, cum gloria cælestis sit divinum quid, excedatque omnem ordinem creatum. Ergo nullus

actus potest esse tanti præmii meritorius, nisi sit supernaturalis & ordinis divini: *Opus meritorium hominis*, inquit S. Thomas 1. 2. q. 104. art. 3. „dupliciter considerari potest; uno modo secundum quod procedit ex libero arbitrio: alio modo secundum quod procedit ex gratia Spiritus Sancti. Si consideretur secundum substantiam operis, & secundum quod procedit ex libero arbitrio, sic non potest esse condignitas, propter maximam inæqualitatem. Si autem loquamur de opere meritorio secundum quod procedit ex gratia Spiritus Sancti, sic est meritorium de condigno vitæ æternæ: sic enim valor meriti attenditur secundum virtutem Spiritus Sancti moventis nos in vitam æternam; attenditur enim pretium operis secundum dignitatem gratiæ, per quam homo consors factus nature Divinæ adoptatur in Filium Dei, cui debetur hæreditas ex ipso jure adoptionis.

Q. 1. Quos requiruntur ut actus sit supernaturalis?

R. Duo, nempe principium supernaturale, & objectum, seu finis supernaturaliter movens.

Principium quidem, quæ causa naturalis nonnisi naturaliter operatur. Ut ergo voluntas humana, quam diximus esse principium actuum moralium, supernaturaliter agat, Christo tamquam capiti jungatur, utrumque cum ejus Spiritu principium efficiatur necesse est, juxta illud Jo: 15. *Qui manet in me, & ego in eo, hic fert fructum multum, quia sine me nihil potestis facere.* In Christo autem manendum, non habitu dumtaxat, & per gratiam sanctificantem, sed & actu, & per actuale ejus Spiritus influxum. Sicut enim oculus plenissime sanus, ex S. Augustino, sine corporali luminæ videri nequit: sic anima quantumcumque per gratiam habitualement, seu sanctificantem sanata, absque habituali Spiritus sancti influxu & lumine, supernaturaliter non operatur.

Attrahitur autem vivificus ille Spiritus per orationem, juxta illud Psal. 118. *Os meum aperui, & attraxi Spiritum*, quæ ideo virtualiter continuam esse debere docet S. Thomas: & nos fuse explicamus Tract.

de

de Religione. §. 70. de Oratione. Ergo qui propria
 mutantur industria, & neglecto orationis studio, toto
 impetu feruntur ad opera exteriora, puta mer-
 catoriam, agriculturam, lectionem, &c. non videntur
 operari supernaturaliter, nec proinde apud Deum me-
 reri, quia principium ex quo procedunt ejusmodi
 opera, est mere naturale.

Objectum quoque, seu finis supernaturaliter mo-
 vem, concurrere debet ad actum supernaturalem, quia
 omnis actus speciem & essentiam desumit ab objecto
 motivo, ac proinde actus erit naturalis, si motivum
 sit naturale, qualis est civilis honestas, familia alenda,
 captanda hominis benevolentia, lucrum faciendum,
 scientia acquirenda. Cum autem certo scire non possi-
 mus, utrum ista duo ad actus nostros concurrant,
 nonnisi ex quibusdam conjecturis colligimus nos su-
 pernaturaliter operari. Unde vero id conjicere liceat,
 jam diximus supra, cap. 3.

Q. 2. *Ad meritum de condigno requiruntur ut opus
 supernaturale nulla lege sit preceptum, sitque, ut ajunt,
 supererogationis.*

R. Minime, immo affirmans sententia communiter
 a Theologis damnatur ut temeraria, & erronea.

Probatur 1. ex Scriptura, quæ servantibus mandata
 vitam æternam in mercedem promittit, Luc. 6. *Dili-
 gite inimicos vestros... Et erit merces vestra multa.*
 Matth. 16. *Si... vis ad vitam ingredi, serva manda-
 ta.* Et cap. 25. *Statuit regnum Dei propter opera mi-
 sericordiæ, & quidem præcepta; qui enim ea omise-
 runt, mittentur in gehennam ignis.* 2. Tim. 4. *Fi-
 dem servare, in reliquo reposita est mihi corona justit-
 iæ, quam reddet mihi... justus Judex.*

Probatur 2. Ex Concilio Tridentino sess. 6. cap.
 16. Ubi docet nihil justificatis deesse: Quominus plene
 illis quidem operibus, quæ in Deo sunt facta, divine
 legis pro hujus vite statu satisfecisse, & vitam æternam
 suo etiam tempore (si tamen in gratia decesserint) con-
 sequendam, vere promeruisse censeatur.

Probatur 3. ratione; Quia laudabile est implere præ-
 ceptum cum recta intentione, & pio affectu: Ergo

Dices Luc. 19. habetur : *Cum feceritis omnia quæ præcepta sunt vobis, dicite, servi inutiles sumus, quod debuimus facere, fecimus.* Enimvero servus nec dominum sibi debitorem constituit, dum facit quod debet, nec debitor creditorem, cui solvit debitum : Ergo.

Nego conseq. Quia meritum apud Deum non fundatur in commodo & utili, quod ei conferamus, sed in voluntaria honestate operis, quæ in ejus gloriam cedit, alioquin nec mereremur amplectendo divina consilia; cum nihil utilitatis Deo inde acerescat.

Ad confirmationem respondeo, apud homines meritum non repeti, sicut apud Deum, ex honestate operis, sed ex labore in eorum utilitatem impenso; ac proinde par non est utrobique ratio.

Q. 3. *Actus supernaturalis cujuslibet virtutis, estne in homine justo meritorius de condigno?*

R. Theologi in oppositas abeunt sententias; alii affirmant, alii negant, contenduntque nullum in homine justo actum esse meritorium de condigno vitæ æternæ, nisi sit elicitus, aut imperatus a caritate. Ita S. Th. 1. 2. q. 114. art. 4. Bellarminus; & plures alii, quibus in re tanti momenti adhærendum videtur, cum hæc sententia sola in praxi sit tuta: *Meritum vitæ æternæ*, inquit Angelicus Doctor, *primo pertinet ad caritatem; ad alias autem virtutes secundario secundum quod earum actus a caritate imperantur.* Et in responsione ad tertiam objectionem, nempe quod actus fidei, patientiæ, & fortitudinis sint maxime meritorii, ut patet in Martyribus, sic habet, *fidei actus non est meritorius, nisi fides per dilectionem operetur, ut dicitur Gal. 5. similiter etiam actus patientiæ & fortitudinis non est meritorius, nisi aliquis ex caritate hæc operetur, secundum illud 1. ad Cor. 13.* Si tradidero corpus meum, ita, ut ardeam, caritatem autem non habuero, nihil mihi prodest. Quæ responsio excludit effugium Patronorum oppositæ sententiæ, qui S. Thomam in corpore articuli interpretari conantur de actibus virtutum acquisitarum. In hac enim responsione expresse meminit actus fidei, quem ne-

git esse meritum vite æternæ, nisi imperetur a caritate.

Probatur autem illa sententia 1. ex Scriptura, quæ disertis verbis beatitudinem caritati promittit Joâ. 14. *Qui autem diligit me, diligetur a Patre meo, & ego diligam eum, & manifestabo ei meipsum.* 1. Cor. 2. *Oculus non vidit, nec auris audivit, nec in cor hominis ascendit quæ præparavit Deus iis, qui diligunt illum.* Jac. 1. *Beatus vir qui suffert tentationem, quoniam cum probatus fuerit, accipiet coronam vite, quam repromisit Deus diligentibus se.*

Quando igitur regnum cælorum promittitur pauperibus spiritu, misericordibus, persecutionem passis propter justitiam, subintelligi debet conditio: ut supra interpretabatur S. Th. modo ista bona imperentur, diriganturque a caritate; quia ex Apostolo cit. epist. ad Corinth. cap. 13. *Si habuero omnem fidem . . . si distribuero in cibos pauperum omnes facultates meas, & si tradidero corpus meum, ita ut ardeam, caritatem autem non habuero, nihil mihi prodest.*

Probatur 2. ratione duplici. Prima, quia debet esse proportio inter meritum & præmium. Cum ergo gloria æterna sit præmium præstantissimum, per actum præstantissimum, scilicet caritatis, obtineri debet. Secunda, quia major gloriæ non retribuetur præcise ei, qui plus pro Christo laboraverit, sed qui plus eum dilexerit, ut patet in beata Virgine, quæ tot labores non sustinuit, quot Apostoli. Ergo.

TERTIA CONDITIO.

Bijus Doctor Lovaniensis absoluto Concilio Tridentino, cui interfuerat, docuit propositione decimatertia sententiam, quæ docet opus bonum circa gratiam adoptionis factum, non esse regni cælestis meritum, inter errores Pelagii numerandum. Et propositione 16. rationem meriti in eo solum consistere, quod quis obediat legi divinæ; quas propositiones cum pluribus aliis proscripserunt Summi Pontifices Pius V. Gregorius XIII. & Urbanus VIII.

Certum est igitur statum gratiæ sanctificantis esse conditionem necessariam meriti de condigno.

Probatur 1. Ex Scriptura Ezech. 18. *Si... auerterit se iustus a iustitia sua... omnes iustitiæ ejus, quas fecerat, non recordabuntur.* Porro si peccatum subsequens delet merita prius acquisita, a fortiori impedit, quo minus nova acquirantur. Joan. 15. *Sicut palme non potest ferre fructum a semetipso, nisi manserit in vite; sic nec vos, nisi in me manseritis:* Atqui Christus non manet in nobis, nisi per caritatem, & gratiam sanctificantem, juxta illud 1. Joan. 4. *Qui manet in caritate, in Deo manet, & Deus in eo.* Enimvero peccatum lethale animam separat a Deo, Isaïæ 59. *Iniquitates vestre diviserunt inter vos & Deum vestrum.*

Probatur 2. auctoritate tum Concilii Tridentini sess. 6. cap. 16. supra laudato, ubi ad meritum prærequirit gratiam sanctificantem: tum Summorum Pontificum, qui oppositam Baji sententiam proscripserunt: tum sanctorum Patrum; sanctus enim Augustinus lib. 1. ad Bonifacium cap. 2. sic scribit: *Non vivunt recte homines, nisi effecti filii Dei.* Et lib. de fide & operibus cap. 24. *sequuntur bona opera hominem justificatum, non præcedunt justificandum.* Sanctus quoque Gregorius lib. 22. Moral. cap. 2. expendens illud Genes. 4. *Respexit...* ad Abel & ad munera ejus, docet cum ab omni malitia debere esse purgatum, qui cupit ut sua munera Deo placeant.

Probatur 3. ratione multiplici. Prima: vita æterna promittitur, ut hæreditas: atqui hæreditas non servatur nisi filiis: Si... filii & hæredes, inquit Apostolus, Rom. 8. *Servus... non manet in domo in æternum.* Joan. 8. Secunda, si ad meritum de condigno status gratiæ sanctificantis non esset necessarius, sequeretur peccatorem posse mereri de condigno remissionem peccatorum, & infusionem gratiæ sanctificantis; qui enim meretur hæreditatem, eo ipso meretur adoptari in filium, quia, ut jam observavimus, hæreditas non datur nisi filiis: atqui a sensu Catholicorum omnino alienum est peccatorem veniam mereri de condigno:

Dicat

Dicit peccator, inquit S. August. in Psalm. 7. *Salvum me fac, Domine, propter misericordiam tuam... quia nullum habet meritum peccator, qui adhuc justificari desiderat. Tertia, quia idem simul meretur vitam æternam, & damnationem: vitam quidem, ut contemnit opposita sententia: damnationem vero, quia peccator est, & reus pœnæ æternæ: atqui ista duo sunt manifeste contradictoria: Ergo. Quarta, si personæ dignitas nihil conferret ad meritum, actiones Christi non fuissent infiniti meriti; nam secundum entitatem spectatæ erant finitæ, & ejusdem speciei cum bonis justorum operibus. Sicut ergo suum valorem hauriebant ab ejus persona infinite digna; sic bona justii opera sunt apud Deum accepta, quia procedunt a persona grata & amica. Deus, Genes. 4. 1. respexit ad Abel justum, deinde ad munera ejus. Idipsum in hominum moribus positum cernimus; si enim munuscula ad aliquem deferantur, prius interrogant a quo fuerint missa, si ab amico, grater accipiuntur: si veto ab inimico, contemnantur.*

Dices 1. Scriptura illud unum proponit ad consequendam vitam æternam, nempe mandatorum observationem. *Si... vis ad vitam ingredi, serva mandata: Ergo.*

Distinguo antec. Proponit hominibus justificatis, & in Christo regeneratis, Conc. Peccatoribus, Nego anteced. *Nisi enim quis renatus fuerit ex aqua & Spiritu sancto, non potest introire in regnum Dei.*

Dices 2. Hæc doctrina peccatores eo ipso a bonis operibus evocat, quo eos spe remunerationis dejicit? Ergo.

Nego antecedens. Quamvis enim bona opera non sint in peccatoribus condigna vitæ æternæ merita, sunt tamen necessariae dispositiones ad justitiam, debite satisfactiones, sine quibus Deus juste iratus non placatur: salutaria remedia, quibus neglectis nec morbi animi depelluntur, nec lauciata conscientia pristinae sanitati restituitur: Unde peccator eo instantius piis operibus incumbere debet, quo in majori periculo versatur, quam justus. Ille dura Diaboli servitute premittur,

mitur, iste in spe filiorum Dei gloriatur: illi extrema minatur Deus, nisi respiciat, & læsæ suæ justitiæ satisficiat, hunc pollicitationibus recreat, accenditque: ille stat ad veniam incertus, & misericordiam implo- rat timidus: iste coronam gloriæ expectat justo Dei adjutorio innixus, juxta illud Psalm. 7. *Justum ad- jutorium meum a Domino*. Quot igitur in peccatoribus incentiva boni operis; quot stimulis urgendi a Pasto- ribus, ut per poenitentiam in gratiam Dei quam ci- tissime redeant, & bonæ arbores effecti fructus ferant dignos vitæ æternæ!

Q U A R T A C O N D I T I O .

Opus condignum debet esse liberum & necessitate, ut constat ex Constitutionibus ubique receptis Summorum Pontificum Innocentii X. & Alexandri VII. qui hanc Jansenii propositionem uti hæreticam damna- runt, *Ad merendum & demerendum in statu nature lapsæ, non requiritur in homine libertas a necessitate, sed sufficit libertas a coactione*.

Probatur 1. ex Scriptura Eccles. 31. justus dicitur mereri laudem & gloriam, quia *posuit transgredi, & non est transgressus: facere mala, & non fecit*. 2. Ex S. Augustino, qui lib. 5. de Civit. cap. 7. docet nul- la justitia bonis præmia, & malis supplicia esse con- stituta, si a Dei præscientia necessitas imprimatur. 3. ratione; quia, ut quis sit præmio vel pœnæ dignus, debet habere dominium suæ actionis, & de ea dispo- nere prout vult; ideo enim est laudandus, aut vitu- perandus, quod seipsum moverit, ac determinaverit ad opus bonum vel malum, a quo abstinere poterat: atqui agens ex necessitate absoluta, non habet domi- nium suæ actionis; nec de ea disponit prout vult tan- quam dominus: ergo nec præmio, nec pœna est di- gnus. Plura vide in hanc rem Tom. 2. Tract. de gratia, cap. 6. §. 3.

QUINTA CONDITIO.

AD meritum requiritur ex Dei ordinatione. status viatoris.

Prob. 1. Ex Scriptura, quæ in morte figit meritum terminum, Jo: 9. *Venit nox, quando nemo potest operari.* Gal 6. *Dum tempus habemus, operemur bonum.* 2. Ex S. Hieronymo in cap. 9. Eccl. *Viventes, inquit, possunt bona opera perpetrare; mortui vero nihil valent adjicere ad id, quod secum tulere de vita.* Nulla autem ratio afferri potest, cum id totum pendeat a libera Dei voluntate, & quidem congruenter; quia cum beati & reprobi sint in termino, ultra progredi nequeunt: progredierentur autem, si illi nova merita, isti demerita congererent.

Dices: Beati in cælis multæ nobis obtinent suis orationibus: Ergo merita locum habent in Patria.

Dist. ant. Obtinent per modum impetrationis, Conceditur. Per modum meriti, Nego ant. Oratio itaque dupliciter spectari potest, 1. ut supernaturalis Religionis opus in honorem Dei, & ejus obsequium: & sub eo respectu est in viatoribus meritoria, vel de condigno, si sint iusti; vel de congruo, si peccatores. 2. ut mera petitio, sicut in paupere efflagitante eleemosynam, & sub ea ratione est impetratoria dumtaxat; nam pauper obsecrationibus suis non meretur aliquid accipere, cum nihil faciat in obsequium nostrum. Porro orationes Sanctorum spectantur ut meræ petitiones, quibus Sancti multa nobis impetrant, non vero merentur, propter momenta supra allata. Sic Christus semper vivens ad interpellandum pro nobis, Hebr. 7. nova nobis non meretur; sed impetrat solummodo, ut merita vite sue mortalis nobis applicentur.

SEXTA CONDITIO.

AD meritum de condigno intercedere debet gratuita Dei promissio.

Prob. 1. Ex sæpius laudato cap. 16. sess. 6. Concilii Tri-

Tridentini; in quo Patres docent justificatis proponendam esse vitam æternam, tamquam mercedem a Deo promissam bonis eorum operibus.

Prob. 2. Ex Bullis Summorum Pontificum Pii V. & Gregorii XIII. qui secundam hanc Baji propositionem proseripservnt: *Sicut opus malum ex sua natura est mortis æternæ meritorium: sic bonum opus ex sua natura est vite æternæ meritorium.*

Prob. 3. Ex S. Aug. serm. 158. alias 16. de verbis Apostoli: *Debitus, inquit, factus est Deus, non a nobis aliquid accipiendo, sed aliquid quod ei placuit, promittendo. Aliter enim dicimus homini, debes mihi, quia promissisti mihi: & aliter dicimus, debes mihi, quia dedi tibi. Possumus exigere dominium nostrum, ut dicamus, redde quod promissisti, quia fecimus quod iussisti.*

Prob. 4. Ratione duplici. Prima, quæ cum simus natura servi Dei, jure potest a nobis omnia operæ exigere, & tenemur reddere, etiam nulla mercede proposita. Unde S. August. serm. 159. alias 15. de verbis Apostoli, sic loquitur: *Nihil addi ad istam benevolentiam potest: (qua nempe mercedem repromittit) quis est, quæ dicat, sanem te, & do tibi mercedem?* Secunda, quia nemo tenetur rem suam vendere offerenti justum pretium, nisi pactum vendendi præcesserit, nec mercenario merces debetur, si non conductus laboraverit.

Dices, peccatum meretur pœnam, etiamsi nullum intercesserit pactum: ergo & bonum opus mercedem.

Nego conf. Disparitas est quod per peccatum Deus non fiat debitor hominî peccanti, quin ipse peccator reddatur debitor justitiæ divinæ: unde peccata dicuntur debita; potest autem creatura se obligare Creatori absque ejus promissione.

§. VII.

De iis, quæ cadunt sub meritum de condigno.

Q. 1. **Q**uænam cadunt sub meritum de condigno?
 R. Vita æterna, & augmentum gratiæ sanctificantis. Ita definiit Concilium Tridentinum sess. 6. Can. 32. his verbis: Si quis dixerit, hominis justificati bona opera ita esse dona Dei, ut non sint etiam bona ipsius justificati merita, aut ipsam justificationem bonis operibus ... non vere mereri augmentum gratiæ, vitam æternam, & ipsius vite æternæ (si tamen in gratia decesserit) consecutionem, atque etiam gloriæ augmentum, anathema sit.

Probat: Tum quia ex conditionibus ad meritum de condigno requisitis, & mox recensitis nulla deest bonis iusti operibus in Deo factis, tum quia id expresse docet Scriptura Sacra. De vita quidem æterna habetur 2. Timoth. 4. *Reposita est mihi corona justitiæ, quam reddet mihi Dominus in illa die iustus iudex, non solum autem mihi, sed & iis, qui diligunt adventum ejus.* De augmento etiam gratiæ sanctificantis legitur Psalm. 83. *Ibunt de virtute in virtutem, in quem locum sic scribit S. Augustinus, quanto plus amoverit, tanto plus ascendit. Coloss. 1. Ut ambuletis digne, Deo per omnia placentes: in omni opere bono fructificantes, & crescentes in scientia Dei.*

Dixi, augmentum gratiæ sanctificantis, quia primus ejus gradus non cadit sub meritum de condigno; cum ante illum homo non sit iustus & filius Dei adoptivus, sed peccator.

Dices, ergo neque primus gloriæ gradus cadit sub meritum de condigno, utpote qui debeatur tanquam hæreditas primo gradu gratiæ sanctificantis, qui ex dictis necessario præsupponitur ad omne meritum de condigno.

R. 1. Graves Theologi ejusmodi ratione permoti concedunt primum gloriæ modum non cadere sub
 me-

meritum de condigno, sed posteriores dumtaxat. Nihilominus

R. 2. Cum communiori sententia negando sequelam, & quidem ad mentem Conc. Trid. Patres enim laudato Can. 32. expresse distinguunt inter vitæ æternæ consecutionem, & ejus augmentum, definiuntque justum verè mereri utrumque. Et ratio est, quia primus gloriæ gradus possideri potest duplici titulo, nempe titulo hæreditatis debitæ filiis adoptionis, & titulo mercedis propter bona opera, quæ justificationem subsequuntur.

Inst. Si homo potest mereri de condigno primum gloriæ gradum per merita, quæ justificationem consequuntur; quidni poterit similiter mereri primum gradum gratiæ sanctificantis per actus subsequentes?

R. Disparitas est, 1. quia Scriptura & Patres simpliciter & absolute docent vitam æternam retribui meritis, nusquam autem peccatorum remissionem & justificationem; sed eam constanter referunt ad Dei misericordiam; 2. quia justificatio, seu primus gratiæ sanctificantis gradus ex dictis est principium meriti de condigno; atqui principium meriti non cadit sub merito, sed ei necessario præsupponitur.

Confirm. Si justificatio daretur propter bona opera sam secutura, idem æque dici posset de gratia vocationis, & prima gratia actuali, nempe eam concedi intuitu futurorum bonorum operum, quod tamen est hæreticum.

Q. 2. *Quoties augetur gratia sanctificans, augenturne pariter omnes virtutes infusæ, ut fides, prudentia, temperantia?*

R. Augentur, quia gratia postulat illas virtutes tanquam proprietates, per quas justus disponitur ad omnia bona opera: ergo eo ipso, quo justus per intensiorem gratiam sanctificantem ad illa magis inclinatur, consentaneum est, ut ad illa per virtutes amplius disponatur, & expeditior fiat. Unde Concilium Tridentinum docet in justificatione simul infundi gratiam, virtutes, & dona.

Q. 3. *Potestne justus semper in gratia proficere, quoad est in via?*

Ne

Negarunt Beguardi, & Beguinæ asserentes hominem in præsentī vitā eum perfectionis gradum posse acquirere, quo redderetur prorsus impeccabilis, & amplius in gratia proficere non posset: quem errorem damnavit generale Concilium Viennense sub Clemente quinto anno 1311. Quare.

R. Justus in hac vitā potest semper proficere in gratia.

Probatur 1. ex Scriptura, Prov. 4. *Iustorum . . . semita quasi lux splendens procedit & crescit usque ad perfectam diem*, quæ est in altera vitā, ut interpretantur S. Gregorius, Venerabilis Beda, & alii, Eccli. 17. *Ne verearis usque ad mortem justificari, quoniam merces Dei manet in æternum*. Apoc. ultimo, *qui iustus est, justificetur adhuc*, quod universaliter dicitur de omnibus iustis.

Probatur 2. ex SS. Patribus S. Aug. Serm. 169. alias 15. de verbis Apostoli sic habet: *Perfecti viatores, nondum perfecti possessores: & novitis quod perfectos viatores dicat, qui jam in via ambulant. Quid est ambulare? breviter dico, proficere. Si dixeris, sufficit, peristi, semper addi, semper ambula, semper profice. S. Leo, Serm. 2. de Quadragesima hæc est; inquit, perfectorum vera iustitia, ut nunquam præsumant se esse perfectos, ne ab itinere nondum finiti intentione cessantes, decidant in deficiendi periculum, ubi proficendi deposuerint appetitum.*

Probatur 3. ratione, quia semper iusti tenentur præcepta implere: atqui opus præceptum, ex dictis, est meritorium: Ergo.

Objiebant Beguardi; si semper iusti proficerent, Christo perfectiores evadere possent, quod est absurdum & impium.

Nego sequelam; Quia causa meriti est gratia, supra cujus motionem nemo supernaturaliter operari, nec proinde mereri potest; atqui nullus secundum ordinariam Dei potentiam, tantam gratiam habere potest, quanta collata est Christo, ut diximus Tractatu de Incarnatione: ergo nullus quantumcumque crescat in virtute, ad perfectionem Christi pervenire potest.

Q. 4. *Bonum opus iniustus estne meritorium de condigno, alterius bonis operis?*

R. Minime; quia in hoc statu nulum bonum opus perficitur, nisi auxilio efficacis: atqui iustus non potest mereri de condigno auxilium efficax: Ergo.

Q. 5. *Quare iustus propter operibus non meretur de condigno gratiam efficacem?*

R. 1. Quia nulla de ea extat Dei promissio. 2. Quia Scriptura & SS. PP. docent continuo implorandum Dei auxilium, ut acceptis ejus donis bene utamur, & in bonis operibus perseveremus, ut fusc probamus Tom. 4. Tract. de Religione, ubi de necessitate orationis, cap. 4. §. 7. Atqui quod obtinetur per orationem, non habet rationem mercedis, sed gratuiti doni. 3. Quia si gratia efficax deberetur cuilibet iustorum bono operi, omnes iusti perseverarent, quia gratia efficax semper habet effectum, nec unquam ei resistitur. Unde perspicuum est, quod si iustus per primum opus bonum mereretur de condigno gratiam efficacem, infallibiliter alterum bonum opus sequeretur, quod similiter meritorium gratiae efficacis tertium exciperet, & sic deinceps usque ad ultimum vitae terminum. Quae autem contra obijci possunt, solvimus Tom. 1. tract. de Attributis cap. 19. §. 9. ubi pluribus ostendimus donum perseverantiae, quod in adultis complectitur auxilia efficacis, cadere quidem sub merito de congruo, minime vero sub merito de condigno.

Q. 6. *Iustus mereturne de condigno augmentum gratiae sanctificantis per quodlibet opus a caritate elicitum aut imperatum?*

R. Duplex est in scholis sententia; alii, ut S. Bonaventura, & Durandus, negant iustum per actus gratiae sanctificante remissiores mereri ejus augmentum, quia habitus non augentur per actus remissiores, sicut corpus calidum ut quatuor, non potest calefieri per aliud corpus, quod sit dumtaxat calidum ut duo. Alii magis communiter affirmant iustum mereri illud augmentum per ejusmodi actus etiam remissos; sed mentem suam non uno modo explicant. Alii quippe contendunt augmentum gratiae habitualis seu sanctificantis non statim

pendi ejusmodi actibus remissis, sed differri donec vel conferatur gloria, vel iustus producat actum intensiorem, ad quem disponit actus remissus: hanc suam sententiam colligunt ex Sancto Thoma, qui 1. 2. q. 114. art. 8. sic respondet ad tertium, *dicendum*, inquit, *quod quolibet actu meritorium meretur augmentum gratiae*; sed sicut *vita aeterna non statim redditur*, sed suo tempore, cum scilicet fuerit sufficienter dispositus ad gratiae augmentum. Et 2. 2. quæst. 24. art. 6. ex professo querit, utrum quolibet caritatis actu habitus caritatis augeatur, & ita statuit, *non quolibet actu caritatis, caritas actu augeatur*; sed quilibet actus caritatis disponit ad caritatis augmentum, in quantum ex uno actu caritatis homo redditur promptior iterum ad agendum secundum caritatem, & habilitate crescente homo prorumpit in actum ferventiore dilectionis & tunc caritas augeatur in actu. Alii volunt augmentum gratiæ sanctificantis statim retribui actibus caritatis etiam remissis; probantque, quia nec Scriptura, nec Concilia, nec SS. Patres huiusmodi dilectionis meminere, immo Concilium Tridentinum videtur illam excludere, dum discrete docet iustum renovari de die in diem, in gratia accepta crescere, & ire de virtute in virtutem. Sed illud est notatu dignum, quod Patres definiant canone 32. sess. 6. piis iusti operibus gloriam tribuendam cum hac conditione, *Si in gratia decesserit*, nullam vero conditionem apponant, ubi sermo est de augmento gratiæ, sed simpliciter & absolute statuunt iustificatum bonis operibus mereri augmentum gratiæ.

Confirmatur 1. quia absurdum videtur iustum, qui præviis caritatis actibus in iustificatione abundantiorē gratiam accepit, propter tria simul Sacramenta ipsi collata, scilicet Baptisma vel Pœnitentiam, Confirmationem, & Eucharistiam, iisdem caritatis actibus utpote remissis, non mereri augmentum gratiæ, quibus aliter gratia inferior illud mereretur. 2. Quia actus supernaturales physice non augent habitus infusos, sicut actus naturales habitus acquisitos, sed moraliter dumtaxat & meritorie: atqui negare non potest quin Deus
ali:

aliquando pro actibus remissioribus in præmium rependat habitum longe intensiorem; namque in glorificatione augetur perficiturque habitus caritatis in mercedem præcedentium actuum, qui in via fuerunt longe remissiores amore beatifico. Et ita corrumpit fundamentum primæ sententiæ, quamquam non pauci Philosophi doceant habitus acquisitos intendi per actus remissiores.

Q. 7. *Iustus potestne alteri mereri gratiam & vitam æternam?*

R. Non potest de condigno, potest de congruo, non tamen ipsam prædestinationem. Responsio quoad singulas partes probata est, ubi de prædestinatione, tractatu de attributis, c. 19. §. 6.

§. VIII.

De iis quæ pertinent ad meritum de congruo.

PLura jam supra diximus circa meritum de congruo, ac primo quidem de ejus existentia §. 5. de iis quæ sub meritum de congruo cadere possunt, tum citato §. tum §. 7. immediate præcedenti. Superfunt dumtaxat nonnullæ difficultates nunc solvenda. Itaque

Q. 1. *Quot sunt conditiones ad meritum de congruo?*

R. Quatuor; 1. opus debet esse bonum, 2. supernaturale: 3. libere elicitum, 4. ab homine viatore. Probatur iisdem plane momentis, quibus supra demonstravimus easdem conditiones requiri ad meritum de condigno; pro utroque enim merito æque sunt efficacia, ut legenti patebit.

Quod vero spectat ceteras conditiones ad meritum de condigno necessarias, nempe statum gratiæ sanctificantis & Dei pactum seu promissionem, absolute non requiruntur ad quodlibet meritum de congruo; utpote quod præcise fundetur in motione Spiritus sancti; & bonitate operis proportionata beneficio accipiendo; nam Cornelius Act. 10. suis elemosynis & orationibus

bus meruit de congruo, quod Deus ipsi non promiserat.

Dixi duas illas condiciones absolute non requiri ad quodlibet meritum de congruo, ut innuerem eas aliquando intervenire; nam Ezech. 18. v. 21. Deus peccatori pœnitenti veniam promittit: Sanctus quoque Jacobus c. 5. supponit necessarium iustitiæ statum, ut quis alteri mereatur, *múltum . . . valet*, inquit, *deprecatio iusti assidua*. Et Sanctus Ambrosius. *Si diligis Dominum Deum tuum, non solum tibi, sed etiam aliis, poteris mereri*. Denique constat apud omnes neminem, nisi sit iustus, posse sibi mereri de congruo donum perseverantiæ.

Q. 2. *Donum sequiturne infallibiliter meritum de congruo?*

R. Sequitur, si meritum habeat rationem ultimæ dispositionis: secus, si se habeat ut remota dispositio; quia motio Spiritus sancti semper consequitur finem, nisi creatura impedimentum opponat: atqui nullum est impedimentum ex parte creaturæ, quæ mota a Spiritu sancto, extremam manum operi imponit; secus, si retrahat; hinc bona, quæ iustus aliis meretur, iis non semper obveniunt, quia plerumque ponunt obicem.

Q. 3. *Potestne quis sibi vel alteri mereri bona temporalia?*

R. Potest per actus supernaturaliter & ex gratia elicitos mereri saltem de congruo, tum sibi, tum aliis, ea bona temporalia, quæ ad propriam vel aliorum salutem sunt divinitus ordinata. 1. Quia Christus præcepit ut nobis & aliis peteremus panem nostrum quotidianum, quo nomine intelliguntur omnia vitæ præsentis necessaria: atqui huiusmodi præceptum supponit Deum, ut optimum patrem filiis rogantibus & promerentibus ea subsidia velle concedere, quæ aliquando negligentibus, & immeritis denegat. 2. Quia congruum est (nisi ponamus obicem) ut sequatur effectus, ad quem promerendum Deus nos sua gratia movet. 3. Quia bona temporalia quatenus a Deo ordinata ad nostram salutem, pertinent ad gratias exteriores, quas Christus nobis promeruit: Ergo.

Dixi

Dixi 1. *saltem de congruo*, illud quippe communiter admittunt Theologi, sed difficultas est circa meritum condignum; quia quod cadit sub meritum de condigno, habet rationem præmii & mercedis, ex S. Thoma 1. 2. q. 114. arti. 10. atqui bona temporalia non sunt præmium virtutis, cum bona & mala æque eveniant bonis & malis, ut habetur Eccl. 9. Attamen S. Doctor cit. arti. videtur concedere iustos posse sibi mereri temporalia de condigno; ait enim, *si temporalia bona considerentur prout sunt utilia ad opera virtutum, quibus perducimur in vitam æternam, secundum hoc directe & simpliciter cadunt sub merito, sicut & augmentum gratiæ . . . tantum enim dat Deus viris iustis de bonis temporalibus; & etiam malis, quantum eis expedit ad vitam æternam, & in tantum sunt simpliciter bona huiusmodi temporalia. Unde dicitur Ps. 33. timentes autem Dominum non minuentur omni bono: atqui juxta S. Doctorem & omnes Catholicos, iusti merentur de condigno augmentum gratiæ. Ergo & bona temporalia, quatenus gratiæ augendæ subserviunt, proptereaquo dicis ea simpliciter cadere sub meritum, cum contra meritum congruum supra vocet meritum secundum quid, & eam sententiam amplectuntur Gamacheus, Sylvius & alii.*

Dixi 2. *per actus supernaturales*, quia quamvis in statu naturæ puræ homo mereri potuisset etiam de condigno bona temporalia per actus moraliter bonos, & viribus naturæ elicitos, utpote præmio proportionatos; in hæc tamen statu non agnoscitur meritum propriè dictum, nisi sit ex meritis Christi, & ex influxu Spiritus ejus; atqui merita Christi nobis non applicantur per opera moraliter bona solis naturæ viribus elicta. Ergo.

Dixi 3. *quæ ad salutem æternam sunt ordinata*, scilicet a Deo simul & ab ipso operante, ut innuerem orationem, eleemosynas, & alia opera ex objecto bona, quæ sunt ex cupiditate pro adipiscendis bonis temporalibus, nedum esse alicujus meriti apud Deum, quin esse peccata, & iram ejus provocare; sed de his plura Tom. 4. tract. de Religione, ubi de oratione, c. 4. §. 4.

Dices 1. Exodi 1. Deus benefecit obstetricibus, quæ contra præceptum Pharaonis non interfecerant nascentes Hebræorum masculos, proptereaque edificavit eis domos: atqui opus illud non fuit sine vitio; in eo quippe mentitæ sunt obstetrices: ergo ad promerenda bona temporalia, bonum opus non requiritur.

Nego min. Peccarunt quidem obstetrices, cum per mendacium occultarunt Pharaoni opus misericordie erga Hebræos, sed ipsum opus fuit in eis laudabile, & moraliter bonum; quis enim dixerit filium peccasse audiendo sacrum; quia ad declinandam iram patris hæretici falso postea negavit se audisse sacrum; Deus autem non remuneravit mendacium obstetricum, sed bonum carum opus, quod præcesserat.

Instabis, Ezech. 29. dicitur, *Rem. Babylonis servire fecit exercitum suum servitute magna adversus Tyrum* (quia per annos, 13. oppugnavit eam, tandemque vastavit, Deo ita ordinante, in vindictam ejus scelerum). . . . *Et merces non est reddita ei. . . . Erit merces exercitui illius, & dedit terram Egypti, pro eo quod laboraverit mihi*; atqui obsidio illa, ac vastatio fuit opus malum & injustum in Nabuchodonosore, utpote ex impotenti libidine dominandi: Ergo per actus moraliter malos potest quis mereri saltem de congruo bona temporalia.

Distinguo maj. Erit merces exercitui illius improprie & materialiter, quemadmodum Deo materialiter, & præter intentionem in illa obsidione servivit, Concedo; erit merces proprie & formaliter, Neg. maj. Deus itaque in hac narratione probat se esse rerum omnium Dominatorem, & pro infinita sua sapientia ac justitia; ad quos voluerit, transferre regna terræ; sibi adscribendas; Nabuchodonosoris, & aliorum Regum victorias, dicitque eos per ejusmodi opera sibi servire, sed veluti instrumenta irrationalia; cum nec Nabuchodonosor, nec Alexander Macedo, nec Romani illum agnoverint. Dedit ergo eis mercedem improprie dictam, quemadmodum pabula pinguiora dantur jumentis, ex multo & utili labore defatigatis.

Dices 2. ex citate cap. 9. Eccles. *Universa æquo*

eveniunt iusto & impio ; Ergo bona temporalia non cadunt sub meritum .

• Distinguo antec. æque eveniunt in diversum usum & finem , Concedo ; æque eveniunt in eundem usum & finem , Nego antec. quia , inquit S. Thomas cit. art. 10. ad 4. *boni per huiusmodi munus ducuntur ad beatitudinem* , non autem mali . Impiis mala est sive prosperitas , sive adversitas : prosperitas quidem , quia si miser est , quia male concupiscit , sane inferior dicendus est , ex S. Augustino , qui habet quod male concupiscit , inde enim exardescit superbia & cupiditas , sicut ex majori lignorum copia crescit incendium . Contra vero electis prosperitas est instrumentum bonorum operum , & adversitas veluti fornax , in qua probantur , & excoquantur eorum virtutes . Unde , juxta S. Augustinum tract. 73. in Joan. Deus malis concedit iratus , quod iustis negat propitius : *Novit enim Medicus* , inquit , *quid pro sua , quid contra suam salutem pascat ægrotus . Quod si fecerit , non ut salvator facit , quod est nomen ejus fidelibus ejus . Est quippe impiis & damnator .*

C A P U T VIII.

De divisione actuum humanorum .

Q. 1. **Q**uomodo dividuntur actus humani ?

R. Dividuntur 1. in elicitos , qui immediate a voluntate procedunt , ut amor ; & imperatos , qui mediante alia facultate , a voluntate exeunt , ut ambulatio , quæ imperatur a voluntate , sed immediate procedit a facultate motrice . 2. in interiores , v. g. velle dare eleemosynam , appetere vindictam ; & exteriores , ut actu dare eleemosynam vel vindictam sumere . 3. in bonos & malos . Boni subdividuntur in bonos moraliter , & bonos supernaturaliter . Et hi rursus sunt meritorii vel de condigno , vel de congruo .

Circa actus malos plura sunt exponenda Tractatu
se-

sequenti, qui est de peccatis. De bonitate autem actuum humanorum generatim spectata, ac de eorum merito satis superque diximus in hocce Tractatu. De bonitate vero morali ex professo egimus Tom. 2. Tract. de grat. cap. 5. §. 2. de supernaturali, ibidem cap. 1. Supersunt dumtaxat nonnullæ difficultates solvenda circa actus interiores & exteriores. Itaque

Q. 2. *Utrum actibus exterioribus competat specialis bonitas, aut malitia?*

R. 1. Actus exterior, puta eleemosyna, non est bonus moraliter, nisi extrinsece, & denominatione petita ab interiori voluntatis actu. Ita S. Chrysostomus hom. 19. in Matth. *Voluntas est*, inquit, *quæ aut remuneratur pro bono, aut condemnatur pro malo: opera autem testimonia sunt voluntatis*. Et S. Thomas 1. 2. q. 28. art. 4. ad 2. sic scribit: *Bonitas actus exterioris... non est alia a bonitate voluntatis, quam habet ex ipso actu voluto*. Et ratio est, quia actus exterior eatenus est bonus moraliter, quatenus est voluntarius, liber, & tendens ad honestatem, ut patet ex dictis: atqui per se formaliter nec est voluntarius, nec liber, nec tendens ad honestatem, sed quatenus imperatur, & dirigitur ab interno voluntatis actu libero, a quo denominatur voluntarius, liber & moralis: ergo extrinsece tantum & denominative est bonus.

R. 2. Actus exterior indirecte & occasionaliter augget bonitatem actus interioris, quatenus difficultas, diuturnitas laboris, defatigatio, & alia quæ solent comitari opera externa, occasionem voluntati præbent exerendi vires, majorem conatum adhibendi, actus internos multiplicandi, quandiu perficitur opus externum, quandiu v. g. martyr corpus per varia tormenta dilaniatur. Ergo simpliciter & absolute melius est esse Martyrem in re, quam in voto; longam & difficilem peregrinationem conficere Religionis causa, quam proponere tantum, aut vovere. quia nimirum propter ejusmodi opera exteriora voluntas plures & intensiores actus repetit.

Advertit tamen Sanctus Thomas cit. articulo quod si voluntate existente pura, & perfecta desit oc-

caso vel possibilitas ponendi actum exteriorem, nihil minuitur de ejus merito & premio; quia, inquit, *involuntarium absolutum non minuit meritum*. Quod autem dictum est de bonitate actuum exteriorum, idem cum proportionem censendum de eorum malitia, nempe malos esse moraliter extrinsece tantum, & denominatione petita ab actu interiori voluntatis malæ, indirecte tamen & occasionaliter augere malitiam actus interioris; qui enim cruentat manum sanguine proximi, crudelior est, majori diuturniori flagrat odio, quam qui solum voluit occidere.

Ergo in Confessione Sacramentali actus exterior exprimendus, meritoque Alexander VII. proscripsit hanc propositionem, *qui habuit copulam cum soluta, satisfacit Confessionis præcepto, dicens, commisi grave peccatum cum soluta contra castitatem, non explicando copulam*.

Adde quod actus exterior, ex Sancto Thoma cit. art. 4. pertinet ad interiorem, tamquam materia ad formam, efficitque cum illo unum actum completum; ac proinde qui reticeret actum exteriorem, non integre peccatum confiteretur.

Q. 3. Unde petenda est unitas, vel multiplicitas actuum humanorum?

Hæc questio non videtur esse alicujus momenti, nisi propter Confessionem Sacramentalem, in qua secundum definitionem Concilii Tridentini debent explicari peccata secundum speciem & numerum. Cui questioni ut fiat satis.

Nota 1. unitatem & multiplicitatem actuum humanorum duplicis esse generis, aliam specificam, aliam numericam; actus enim humani aliquando distinguuntur specie, ut furtum, & ebrietas; aliquando solo numero, ut duo furta, qui sunt actus ejusdem speciei, sed numero distincti.

Nota 2. actus humanos dupliciter spectari posse, scilicet physice, & moraliter; ita ut nonnumquam plures actus physice numero distincti moraliter reputentur unus actus. His præmissis,

R. 1. Unitas, vel diversitas specifica actuum hu-
ma-

minorum sumitur ab unitate, vel diversitate objecti formalis, quia objectum formale, seu motivum ex didis dat speciem & formam actui. Hinc peccata non differunt specie, etiam si pugnent contra distincta præcepta, quibus eadem virtus præcipitur: secus si diversa, quia in priori hypothese est idem objectum formale, in posteriori vero diversum. Sic fornicatio, v. g. in Sacerdote & Diacono, est ejusdem speciei, quia est contra eandem virtutis Religionis, quamvis gravior sit in Sacerdote propter circumstantiam Sacerdotii notabiliter aggravantem in Confessione sacramentali exprimendam; Sacerdotium enim, utpote sacratius, majorem requirit mundiciem, quam Diaconatus. In Sacerdote vero & laico fornicatio differt specie, quia in illo castitatem lædit simul & Religionem, in isto vero castitatem duntaxat.

R. 2. Actus humani physice spectati, multiplicantur numero pro mutatione objecti & circumstantiarum; sic in illo sunt duo actus physice distincti, qui post inflictum semel vulnus, aliud iterum eidem infligit: si vero moraliter spectentur actus, plures physice reputantur, unus moraliter; & ideo non numerandi in Confessione, si ex natura sua, vel ex communi hominum consuetudine ordinentur ad eundem actum principalem, & absque ulla fere mora. Statuit quis v. g. percutere inimicum, enssem accipit; iter aggreditur, & dum pergit ad locum, sæpius iterat propositum occidendi, tandemque exequitur; hi omnes actus censentur moraliter unus actus. Idem dicendum de adulterio, in quo satis intelliguntur actus, qui præcedunt tanquam dispositiones.

Dixi 1. si ex natura sua, vel ex communi hominum consuetudine ordinentur; Quia si actus insolitus, & contra specialem virtutem pugnans, ad alium præcipue intentum disponderet, in Sacramentali Confessione esset exponendus; ut si quis in allato exemplo homicidii enssem furatus esset ad occidendum; peccatum illud furti moraliter esset ab aliis distinctum, tum numero, ut patet, tum specie, quia est contra

aliam virtutem, nec solet adhiberi ejusmodi actus ad homicidium patrandum.

Dixi 2. *ad eundem actum precipue intentum*; nam si sint duo actus principales, qui ad se invicem non ordinantur, v. g. si in eadem pugna occidantur duo homines, duæ habeantur copulæ cum eadem, & eodem tempore, erunt duo numero actus, etiam moraliter; ac proinde exprimiendi in Confessione. Idem dicendum de eo, qui sæviret in cadaver hominis mortui a se occisi, tenereturque hunc actum declarare, cum sit alterius speciei, pertineatque ad crudelitatem, nec solet intelligi in homicidio.

Dixi 3. *& absque ulla fere mora fiant*, quia si tam longum temporis intervallum intercedat, ut actus illi censerentur non possint moraliter conjuncti, multiplicantur numero, & in Confessione sunt numerandi. Ita S. Thomas 1. 2. quæst. 20. art. 4. ubi sic habet: *Cum aliquis vult aliquid facere, bono fine vel malo, & tunc quidem non facit, postmodum vult & facit, duplicatur actus voluntatis, & sic fit duplex bonum, vel duplex malum*. Hinc qui per plures dies meditatur homicidium, furtum, adulterium, plura numero peccata etiam moraliter committit, nec facit Confessionem integram, si dicat se reum esse unius homicidii, furti, adulterii; sed insuper exprimere debes, quoties voluerit homicidium, furtum, adulterium perpetrare.



TRACTATUS

DE

VITIIS ET PECCATIS.

CAPUT PRIMUM.

De varia acceptione Vitii & Peccati.

Q. 1. **Q**uotuplici modo vitium & peccatum sumuntur?

R. Duplici, 1. late pro quolibet defectu sive naturæ, sive artis. 2. stricte pro morali rationis defectu. Priores defectus dicuntur vitia & peccata secundum quid, v. g. vitia & peccata naturæ, aut arte facti: posteriores simpliciter vocantur vitia & peccata. Et ratio est, quia, cum natura, aut artifex deficit, peccat solum contra finem particularem, nec effectus utriusque, licet vitiosus, repugnat legi æternæ, reduciq; potest ad Deum ultimum rerum omnium finem: contra vero defectus moralis adversatur legi æternæ, nec potest ad Deum referri.

Ergo peccatum seu vitium stricte sumptum, est deordinatio voluntaria naturæ rationalis in iis, quæ spectant mores,

Q. 2. *Vitium & peccatum suntne unum & idem?*

R. Aliquando promiscue accipiuntur: proprie tamen differunt.

Q. 3. *In quo differunt?*

R. Differunt sicut actus & habitus. Peccatum quippe est actus moraliter malus: vitium vero est habitus, seu dispositio per se inclinans ad actum moraliter malum.

Ergo peccatum est quid pejus vitio, quia male age-

re pejus est, quam dispositum esse ad male agendum. Primum puniatur, non secundum.

Dices: ab habitu homo denominatur simpliciter bonus aut malus, non vero ab actu; mendax v. g. non dicitur, qui semel mentitur, sed qui dispositus est ad mentiendum: ergo vitium pejus est peccato.

Nego consequ. ideo enim quis ab habitu, non ab actu dicitur bonus vel malus, quia habitus est permanens, actus vero transiens. Unde qui semel mentitus est, si habitum mentiendi non contraxit, presumi debet non velle mentiri; forte enim consilium mutavit. Sed si per impossibile quis continuo mentiretur, aut Deum diligere nullo contracto habitu, potiori jure dicendus esset malus aut bonus, quam si retinens habitum mentiendi, aut Deum diligendi, ab omni actu mendacii vel dilectionis abstineret.

Ergo vitium & virtus sunt duo contraria: quia virtus est habitus inclinans ad actus bonos; vitium vero est habitus inclinans ad actus malos.

Dices: illi habitus non sunt contrarii, qui se ab eodem subjecto non expellunt: atqui virtutes, quæ in justificatione infunduntur, non expellunt a penitente vitia, quæ per malam consuetudinem contraxerant, cum justificatus eandem experietur difficultatem circa prosecutionem boni, & fugam mali? Ergo vitium non est contrarium virtutibus saltem infusis.

Dist. maj. qui se non expellunt in gradu intenso; Concedo: in gradu remisso, Nego maj. Nam calor remissus non expellit frigus remissum.

Porro in justificatione remittuntur, ac debilitantur prava dispositiones, quæ præcesserant. *Qui habuit habitum intemperantiæ*, inquit S. Thomas. quæst. 1. de virt. art. 10. ad 16. *cum conteritur, non remanet in virtute temperantiæ infusæ habitus intemperantiæ in ratione habitus, sed in via corruptionis.* Quemadmodum enim, recedente anima, cadit corpus, continuæque subiacet corruptioni, donec in pulverem resolvatur: sic habitus vitiosi, cum per contritionem desinunt esse voluntarii, lethale accipiunt vulnus, inquit Sanctus

Do-

Deior; quia voluntate jam contra ipsos renitente; sensim minuuntur, donec prorsus desinant.

Ergo vitium est contra naturam: tum quia adversatur & opponitur virtuti, quæ est naturæ rationalis perfectio: tum quia pugnat contra rationis ordinem. *Omne vitium*, inquit S. Augustinus lib. 4. de libero arbitrio cap. 14. *eo ipso, quo vitium est, contra naturam est. Si enim naturæ non nocet, nec vitium, est. nullius ergo rei recte vituperatur vitium, nisi cujus natura laudatur.*

Ergo natura est admodum in iis corrupta, qui nedum peccato repugnent, quin potius non latentur, nisi male fecerint.

Dices 1. Ea peccata dumtaxat dicuntur contra naturam, quæ sunt enormia, ut sodomia, bestialitas. Ergo.

Distinguo antecedens; contra naturam genericam, Concedo: contra naturam specificam, Nego anteced. Itaque quodlibet vitium & peccatum est contra naturam rationalem, licet non semper pugnet contra universalem animalium naturam, juxta illud S. Augustini, *vitium est hominis, quod est natura pecoris*, Sed enormes illæ luxuriæ species simpliciter dicuntur peccata contra naturam, quia non solum adversantur speciei hominis, sed etiam animalium generi.

Dices 2. quæ sunt contra naturam admodum rara sunt, ut monstra: atqui vitium & peccatum in pluribus reperiuntur: ergo non sunt contra naturam.

Distinguo majorem. Si natura sit integra, Concedo: si sit corrupta, Nego majorem. Morbus enim est contra naturam, attamen, grassante peste, in pluribus reperitur. Porro homo, cum in honore esset, non intellexit; comparatus est jumentis insipientibus, & similis factus est illis, Psalm. 48.

CAPUT II.

De definitione Peccati.

Q. 1. Quid est peccatum?

R. Ex dictis est deordinatio voluntaria naturæ rationalis in iis, quæ spectant mores.

Definitur autem a S. Aug. lib. 22. contra Faustum cap. 27. dictum vel factum, vel concupitum contra legem æternam. Hæc definitio probatur a S. Thoma 1. 2. quæst. 71. art. 6. & obtinuit in Scholis.

Dices 1. Neque peccatum originale est factum, sed congenitum: neque peccatum omissionis, quo omittitur actus præceptus; sed est negatio actus debiti: neque peccatum habituale, habitus enim opponitur actui. Ergo hæc definitio non convenit omni peccato.

Respondeo ad singula.

Ad primum. Peccatum originale dici potest factum voluntarium voluntate primi parentis, quæ non solum erat voluntas privata personæ, sed etiam communis omnium hominum, tanquam membrorum, quorum Adamus constitutus erat caput. Ita Sanctus August. lib. 1. Retract. cap. 11. ubi sic habet: *Illud quod in parvulis dicitur originale peccatum, cum adhuc non utantur arbitrio voluntatis, non absurde vocatur etiam voluntarium; quia ex prima hominis voluntate contractum, & factum est quodammodo hereditarium.*

Ad secundum respondet Sanctus Thomas quæst. 76. art. 2. ad primum, ex communi hominum usu in istis nominibus, *factum, dictum, concupitum*, intelliguntur negationes oppositæ. Hinc dicimus de aliquo, quod male faciat, dum omittit officium, non respondet interroganti, & non amat quæ ipsum decent.

Ad tertium. Peccatum habituale est moraliter concupitum seu volitum, quatenus est macula remanens ex actu voluntario, & non retractata, ut mox dicetur.

Dices 2. Peccata quæ sunt contra leges humanas, sive

sive Ecclesiasticas, sive civiles, non sunt contra legem æternam. Ergo.

Nego antecedens. Lex quippe æterna, sicut & recta ratio, jubet ut filii obediant parentibus, subditi superioribus, servi dominis suis. Rom. 13. *Omni animæ potestatibus sublimioribus subdita sit, non est enim potestas nisi a Deo...* Itaque qui resistit potestati, Deo ordinatione resistit. Ephes. 6. *Servi, obedite dominis carnalibus cum timore, & tremore, in simplicitate cordis vestri, sicut Christo: non ad oculum servientes...* facientes voluntatem Dei ex animo.

Ergo falsa est hæc propositio quorundam Theologorum Moralium, & sæpius damnata, *Leges humane non obligant in conscientia*. Cum enim emanent a Lege æterna, transgressio illarum vere est Dei offensa, sive mortalis, sive venialis secundum materię gravitatem, aut levitatem: ut infra explicabitur.

Ergo obligatio est sub peccato, solvendi & Ministris Ecclesiæ debita stipendia, & Principibus tributæ per legem taxata; omnes enim in suo ordine Ministræ Dei sunt, ad hoc ipsum missi & servientes, ut subditi quietam & tranquillam vitam agant in omni pietate & castitate, 1. ad Timoth. 2. Unde merito proscrip-ta est hæc propositio, 1. a Facultate Parisiensi, dein-de a Clero Gallicano: *Subditi possunt juxta tributum solvere*. Pugnat enim contra illud Apostoli Rom. c. 13. *Reddite ergo omnibus debita: cui tributum, tributum; cui vestigal, vestigal.*

Nec dicas plura esse edicta, quæ transgressores non obligant, nisi ad pœnam, præsertim quando subditos nimis onerant. Namque 1. omnis vera lex sub peccato obligat, cum sit regula actionum humanarum, & sit contra rectam rationem non obedire Superiori præcipienti. *Subditi estote*, ait Apostolus Rom. 13. *non solum propter iram, sed etiam propter conscientiam*. 2. Subditi judicare non debent onera esse nimis gravia, quandoquidem ipsis perspectum non est quæ & quanta sit Reipublicæ necessitas, quibus indigeat impensis, ut communi saluti sufficienter provideat, amoveatque pericula immentia.

Dices 3. Peccatum veniale veram habet peccati rationem: atqui ex S. Th. peccatum veniale non est contra legem, sed præter legem: Ergo.

Distinguo minorem. Non est contra legem simpliciter & absolute, Concedo: non est contra legem secundum quid, Nego minorem. Nam idem S. Doctor scribit quæst. 74. art. 10. ad primum, peccatum veniale esse contra rationes æternas. Itaque sicut servus tum absolute & simpliciter non agit contra præceptum domini, cum injunctum opus, v. g. peregrinationem suscipit & perficit, quamvis non ea, qua par esset, diligentia, & celeritate; sic fidelis Deo præcipienti, v. gr. falsum testimonium non dices, absolute obtemperat, dum cavet omne mendacium contrarium fini legis, qui est caritas, licet non ita cautus sit, ut minima quæque mendacia non subreant. Peccatum veniale, inquit S. Thomas quæst. 7. de malo art. 1. ad primum; *etsi in aliquo recedat ab ordine legis, non tamen ipsam corrumpit, quia non corrumpit dilectionem, quæ est plenitudo legis.*

C A P U T III.

De macula Peccati.

Q. 1. **P**eccatum inducitne maculam?

R. inducit, probaturque ex Scriptura, Isaïæ 4. *Si abluerit Deus sordes filiorum suorum.* Tit. 1. *Inquinata sunt eorum & mens, & conscientia.* Jac. 1. *adjicientes omnem immunditiam.*

Q. 2. *Per quos actus inducitur illa macula?*

Respondet S. Thomas q. 86. art. 1. ad secundum, non induci præcise per cognitionem, sed per amorem rerum inferiorum; quia proprium est intellectus per cognitionem assimilare sibi objecta, & eorum materialitatem, & imperfectionem quodammodo eliquare & expugnare, adeo ut ex objectis materialibus & obsecnis, sola veritas in intellectu refulgeat; unde eis non inficitur,

fitur, sed perficitur. Pertinet v. g. ad perfectionem intellectus divini, quod illi nuda & aperta sint abscondita tenebrarum, de quibus ipsi peccatores erubescunt. Amor vero est motus voluntatis ad res ipsas, ut in se sunt, illisque animam conglutinat, ac proinde, si turpes sint, commaculat. Quemadmodum enim vestis tum maculari dicitur, cum perdit suum nitorem: perdit autem per contactum alicujus impuri, puta lutis: sic anima amittit suam pulchritudinem adhærendo creaturæ, quod fit per amorem.

Dixi, animam non maculari præcise per cognitionem, quia occasionaliter per eam aliquando fœdatur. Nam attentio ad turpia inflammat libidinem; ad superbia causat teporem & negligentiam; ad injuriam acceptam provocat iram & vindictam. Hinc inter peccata numerantur cogitationes morosæ, sic dictæ, propter moram, quæ in iis trahitur, ex qua exurgit delectatio in appetitu sensitivo.

Q. 3. Quid est peccati macula?

R. Primo, non est habitus relictus ex præcedenti actu culpabili: tum quia unico actu producit macula, non vero habitus: tum quia habitus malus ex parte remanet in homine justificato, in quo nulla est peccati macula.

Secundo, non est reatus, seu obligatio ad pœnam: tum quia reatus ille est posterior macula, ideo enim peccator est reus pœnæ, quia est macula peccati inquinatus: tum quia reatus ille est a Deo, utpote justitiæ consentaneus, quod de macula dici nequit: tum quia sæpe remanet reatus pœnæ temporalis post deletam maculam peccati.

Tertio, non est actus malus præteritus, alioquin sequeretur hominem esse peccatorem extrinseca tantum denominatione, petita ab actu culpabili præterito, ac proinde remissionem peccati fieri per extrinsecam Dei condonationem absque renovatione interiori, quod hæreticum esse diximus, ubi de gratia habituali.

Quarto, non est solâ privatio gratiæ præcise sumpta, tum quia privatio gratiæ ut sic non habet ratio-

nem culpæ sed pœnæ a Deo justissime infligitur : tum quia una & eadem est privatio gratiæ in omnibus peccatoribus, diversæ vero peccatorum maculæ pro diversitate peccatorum.

Q. 4. *Quid est ergo peccati macula?*

R. Est privatio gratiæ; non præcise ut diximus, sed eum relatione & ordine ad actum malum præteritum, qui quandin non fuerit sufficienter retractatus, moraliter remanet, & privatio gratiæ censetur voluntaria conversio habitualis ad creaturam, quin & habitualis aversio a Deo, si actus fuerit lethaliter malus. Namque propter actum præteritum non retractatum voluntas habitualiter adhæret objecto illicite amato, privaturque vel gratia sanctificante, & habitu caritatis, si actus fuit lethaliter malus; vel ejus fervore, si venialiter dumtaxat. Unde S. Th. 3. part. q. 87. art. 2. ad tertium, concludit ad abluendam maculam peccati mortalis requiri infusionem gratiæ sanctificantis: ad tollendam vero maculam peccati venialis, sufficere motum caritatis.

Ergo omnia peccata non sunt æqualia, ut soli Stoici ausi sunt disputare contra omnem sensum generis humani, inquit S. Augustinus epist. 167. alias 19. Namque peccans convertitur ad objecta magis vel minus turpia, quibus plus minusve maculatur.

Stoicis tamen adstipulatus est Jovinianus contra sensum, non solum generis humani, sed & Scripturæ, ut Matth. 7. ubi peccata comperantur, alia festucæ, alia trahi, & Joan. 19. Christus ad Pilatum ait, *quem me tradidit tibi, majus peccatum habet.*

Dices: peccatum est privatio rectitudinis: atqui privatio non suscipit magis & minus; mors v. g. non est major in uno, quam in alio.

Respondet Sanctus Thomas distinguendo majorem, privatio totalis, ut mors, non suscipit magis & minus, Concedit: privatio partialis, quæ aliquid de forma opposita relinquit, ut ægrotudo, negat maj. Nam ægrotudo, quæ est inchoata privatio sanitatis, potest esse major aut minor. Porro peccatum ita est recessus ab ordine rationis, ut non tollat totum illum ordinem; alio-

alioquin si per peccatum nihil remaneret rationis ; peccatum seipsum destrueret , nec esset peccatum , juxta illud Aristotelis lib. 4. Eth. cap. 30. *malum si sit integrum , destruit seipsum* .

Brevius responderi posset , peccata ratione aversionis a Deo & privationis gratiæ sanctificantis ; quæ est mors animæ , esse paria , sed ratione conversionis ad creaturam , esse inæqualia , quia malitia actus repetitur ex objecto .

Q. 5. *Quotuplex est peccati macula?*

R. Triplex . Cum enim macula sit privatio nitoris animæ , totuplex distingui debet peccati macula , quotuplex est animæ nitor ; atqui nitor ille triplex est . 1. Refulget ex lumine naturali rationem dirigente . 2. Ex lumine supernaturali fidei & gratiæ . 3. Ex actibus elicitis caritatis , & virtutum infusarum , quibus interior gratiæ nitor exterius splendet . Ergo ex peccato generatim sumpto , nascitur triplex animæ macula . Prima consistit in privatione rectitudinis & conformitatis ad rectam rationem ; rectitudo quippe illa pulchritudo est & naturalis animæ decor . Secunda in privatione gratiæ sanctificantis , quam inducit peccatum mortale , ratione cujus maculæ homo denominatur ; & vere est malus , peccator , & inimicus Dei . Tertia Quam inducit peccatum veniale , consistit in privatione fervoris , qui est decor & pulchritudo in homine relucebat ex actibus caritatis & aliarum virtutum ; juxta illud Matth. 5. *Luceat lux vestra coram hominibus , ut videant opera vestra bona , & glorificent Patrem vestrum , qui est in celis* .

Ergo macula unius peccati mortalis tolli non potest sine alia , quia homo non potest esse simul privatus & ornatus gratiæ sanctificante . Secus de macula peccati venialis : quia absolute quis potest fervere circa unum objectum , & non circa aliud .

Dices ; justi in Scripturâ dicuntur mundi & immaculati , ut Ps. 118. & Jo. 15. cum tamen non sint absque peccato veniali : Ergo peccatum veniale non inducit maculam .

Disting. anteced. Justi sunt mundi & immaculati .

lati simpliciter propter nitorem gratiæ sanctificantis, & omnium virtutum ornamenta, quæ illam sequuntur; Conc. sunt mundi & immaculati perfecte; Nego ant. Nam ex S. Leone, *De pulvere mundano etiam religiosa corda sordescunt*, & ab illis levioribus sordibus, quas S. Thom. vocat maculas secundum quid, per penitentiam quotidianam abluuntur.

C A P U T IV.

De divisione Peccati.

Q. 1. Quotuplex est peccatum?

R. Duplex. Originale, quod in Adamo contrahitur, & personale, quod propria voluntate committitur.

Q. 2. Quotuplex est peccatum personale?

R. Multiplex:

Primo, aliud est actuale, & est ipsemet. actus inordinatus & inhonestus: aliud habituale, quod est macula ex actu inordinato consequens.

Ergo peccatum habituale aliter sumitur a Philosophis, aliter a Theologis. Apud Philosophos quippe peccatum habituale est habitus vitiosus & actibus malis sæpius repetitis productus. Apud Theologos vero peccatum habituale est macula in anima remanens vel uno actu malo non retractato.

Secundo, peccatum aliud dicitur commissionis, aliud omissionis, Commissionis est contra præceptum negativum, quo prohibetur malum, v. gr. mendacium. Omissionis est contra præceptum affirmativum, quo præcipitur actus bonus, estque omisso actus præcepti, v. gr. non audire Sacrum die festo, non jejunare tempore Quadragesimæ: Duobus modis esse constat peccatum, inquit S. Aug. lib. de perfectione justitiæ cap. 3. *Si aut fiant illa, quæ prohibentur, aut illa non fiant, quæ jubentur.*

Q. 3. Utrum ex illis peccatis est gravius?

R. Peccatum commissionis ceteris paribus est gravius quia.

quia in eo maior est recessus ab ordine rationis. Sic pejus est odisse Deum, quam non amare, in illum blasphemare, quam illum non laudare.

Dixi, *ceteris paribus*; nam pejus est omittere Sacrum die festo, quam ad momentum voluntarie mente distrahi tempore Sacri..

Tertio, aliud est peccatum simpliciter dictum; aliud peccatum in Spiritum sanctum, quod teste ipsa Veritate Matth. 12. *Non remittetur neque in hoc seculo, neque in futuro.*

Q. 4. *Quid est peccatum in Spiritum sanctum?*

R. Est peccatum ex malitia procedens, quo repelluntur impugnanturque spiritualia gratiæ dona, quæ cum sint effectus amoris Dei erga homines, appropriantur Spiritui sancto, utpote qui sit ratione processionis suæ amor Patris & Filii.

Q. 5. *Quot sunt peccata in Spiritum sanctum?*

R. Sex numerantur, nempe desperatio, præsumptio, impœnitentia, obstinatio, impugnatio veritatis, agnitæ, & invidentia fraternæ gratiæ..

Q. 6. *Quomodo peccata in Spiritum sanctum dicuntur irremissibilia, cum ex S. Aug. in Ps. 100. omnipotenti Medico nullus insanabilis languor occurrat, & ex definitione Ecclesiæ contra Novatianos, omne peccatum per Sacramentum Pœnitentiæ deleri possit?*

Respondet S. Thom. hic art. 3. peccatum in Spiritum sanctum ita dici irremissibile, quomodo morbus corporalis per se sanabilis, tum curari non potest, cum freneticus non admittit salubria remedia. Nam ex S. Aug. lib. 1. de serm. Dom. in monte, qui sic peccat, humilitatem deprecandi non subit, nec spe veniæ, nec timore pœnæ movetur ad pœnitentiam, sed vel de se præsumit, vel desperatione deiecitur: non acquiescit sanis consiliis, sed obstinato animo veritati resistit, aut detrahit: non accenditur aliorum exemplis, sed eorum gratiæ invidet. Porro si ne minima quidem peccata absque pœnitentia remitti queunt, quanto minus graviora?

Quarto, alia sunt peccata capitalia, alia quæ ex illis nascuntur.

Capitalia septem numerantur a S. Gregorio lib. 31 Moral. cap. 31. scil. inanis gloria, invidia, avaritia, ira, luxuria, gula, & accedia: de quibus plura nobis hic dicenda essent scitu maxime necessaria ad curandos animi morbos tum proprios, tum alienos, nisi fuisse de illis egissemus in praxi sacramenti Pœnitentię gallice edita Parisiis apud *Spiritus Billiot*.

Quinto. Peccata alia dicuntur spiritalia, alia carnalia: illa perficiuntur in delectatione spiritali, ut superbia, invidia: hæc in carnali, ut gula, luxuria; in latiori tamen significatione nonnumquam omnia fere peccata dicuntur opera carnalia, ut Gal. 5. quia ex carne saltem occasionaliter oriuntur.

Sexto. Alia sunt ignorantie, alia infirmitatis, alia malitię, de quibus diximus ubi de voluntario.

Septimo. Peccatum dividitur in peccatum cordis, oris, & operis, quę divisio non est peccati in species, sed in diversos gradus ejusdem speciei. Peccatum enim incipit in corde, deinde foras prodit per vocem, denique ipso opere consummatur.

Octavo. Celebris & præcipua est peccati divisio in mortale & veniale, de quibus separatim tractandum est.

C A P U T V.

De peccato mortali & veniali.

Q. 1. **E**stne legitima peccati divisio in mortale & veniale?

Negant Lutherani & Calvinistę, contenduntque omnia peccata esse mortalia ex sua natura; sed in prædestinatis gravissima quęque dici venialia; quia ipsis non imputantur propter eorum fiduciam in Deum; in reprobis vero minima etiam peccata esse mortalia.

Jo: Gerson celeberrimus Academia: Parisiensis Cancellarius decimoquinto sæculo contra communem Theologorum sententiam docuit libro de vita spirituali:
lect.

lect. 1. peccata venialia ex natura sua mereri damnationem æternam, tribuendumque misericordie Dei, quod non ita severe puniantur.

Michael Bajus Lovaniensis Theologus 16. sæculo plures edidit propositiones, inter quas hæc fuit vigesima cum ceteris damnata a Pio V. Gregorio XIII. & Urbano VIII. *Nullum est peccatum natura sua veniale, sed omne peccatum meretur penam æternam.*

Itaque circa propositam quæstionem de solo peccato veniali controversia est, utrum scilicet detur: nam consensus est omnium sententia dari peccatum mortale.

R. De fide est dari peccata natura sua venialia.

Probatur 1. ex Scriptura, Matth. 7. quædam peccata in se spectata, & sine ordine ad subjectum in quo reperiuntur, sive sis ex prædestinatis, sive non, comparantur, alia festucæ, utpote levia; alia trabi, utpote gravia. Deinde Adam, David, S. Petrus erant fideles & prædestinati: nihilominus quædam eorum peccata in Scripturis reputantur mortalia, non venialia. Adamo dicitur Gen. 2. *In quocunque die comederis ex eo, morte morieris*, quod de morte etiam animæ intelligunt S. Ambrosius lib. de Paradiso cap. 9. & S. Augustinus lib. 13. de Civit. cap. 12. Mortale quoque fuisse peccatum Davidis, docet idem S. Augustinus in Psalmum quinquagesimum, ubi sic illum describit deprecantem, *de meo tam lethali vulnere desperare, nisi tantum Medicum reperirem*: & de peccato S. Petri ait Tract. 66. in Joannem, *mortuus est negando, & revixit plorando.*

Probatur 2. ex Traditione. Concilium Africanum in sua epistola asserit multos esse fideles, qui post suam conversionem ad Deum vivunt toto vitæ suæ tempore sine crimine, neque tamen sunt sine quotidianis & levibus offensionibus. Patres Tridentini sess. 6. cap. 11. sic docent, *licet in hac mortali vita quantumvis Sancti & iusti in levibus saltem & quotidiana, quæ etiam venialia dicuntur, peccata quandoque cadant, non propterea desinunt esse iusti.* S. Augustinus Serm. 351. alias 50. ex lib. 50. Homiliarum hæc scribit: *Quantumvis singula non lethali vulnere ferire sentiantur, tamen omnia*

omnia simul congregata velut scabies nostrum decus ita exterminant, ut ab illius sponsi speciosi forma præ filiis hominum castissimis amplexibus separent, nisi medicamento quotidiane penitentiae rescentur. Quod si falsum est, unde quotidie tundimus pectora, quod nos quoque antistites ad altare assistentes cum omnibus facimus? unde etiam orantes dicimus quod in vita ista oportet, ut dicamus, dimitte nobis debita nostra: Non enim ea dimitti precantur, quæ in Baptismo dimissa sunt: pro quibus etiam sacrificia eleemosynarum, jejunorum, & ipsarum orationum ac supplicationum quisquis pro suis viribus offerre non cessat: Eadem docent S. Cyprianus Sermone de Eleemosyna, S. Ambrosius lib. 2. de pæn. cap. 10. S. Gregorius lib. 11. Moral. cap. 9. S. Bernardus Serm. 1. in Cæna Domini, & lib. de præceptis & disp. cap. 12.

Dices 1. Matth. 5. Christus sic pronuntiat: *Si quis solverit unum de mandatis istis minimis, minimus vocabitur in regna celorum, idest nullus, interprete S. Thoma: ergo omnia peccata sunt mortalia.*

Nego consequ. Tum quia eo loci non dicitur simpliciter, *qui solverit*, sed additur: *& docuerit sic homines*: grave autem peccatum est verbum Dei adulterare, & corrumpere etiam in minimis: tum quia minima mandata hic dicuntur comparate ad graviora, & ad Scribarum mentem, apud quos grave erat adulterium, amicorum odium: leve vero concupiscentia uxoris alienæ, & odium inimicorum, quamvis revera sint peccata lethalia.

Dices 2. Grave peccatum est non diligere Deum ex toto corde: atqui omnis peccans, etiam mendacioso, non diligit Deum ex toto corde: Quæ enim vitiosa cogitatio obrepit in hominis animo, inquit Calvinus, si totus Dei amore occupetur? Ergo nullus leviter peccare potest.

Dist. maj. cum S. August. grave est peccatum non diligere Deum ex toto corde præponendo, aut æquantdo ipsi aliud quidpiam, Conc. Non diligere actu continuo & intensissimo, Nego maj. Primus modus diligendi Deum ex toto corde est proprius justorum interris peregrina-

nan-

nantium . . Secundus. Beatorum . . Hic excludit omne peccatum etiam veniale : sed est impossibilis in hoc vitæ statu , & ideo non præcipitur . Proponitur tamen tanquam finis & scopus , ad quem peregrinantes tendere debent quotidie proficiendo , & quotidianos defectus minuendo : caritas enim nascitur ut crescat , crescit donec perficiatur .

Dices 3. S. Basilii in regulis brevioribus docet nulla peccata existimanda esse minuta , nec differentiam minorum & majorum peccatorum reperiri in Evangelio : Ergo .

Resp. 1. Dubium est quibusdam , an opus illud sit S. Basilii . 2. Auctor , sive S. Basilii , sive quisvis alius , vult dumtaxat peccatum veniale non esse contemnendum , tanquam aliquid leve ; Probatque ex Scriptura , quæ indiscriminatim deterret a quolibet peccato tanquam a malo præ ceteris temporalibus fugiendo . In novo quoque Testamento sic fuga peccatorum leviorum & venialium stabilitur , ut simul ab iis committendis lectores vehementer deterreantur . De verbo otioso , inquit Christus , Matth. 12. *rationem reddent in die judicii . Qui irascitur fratri suo , reus erit iudicio .* Matth. 5. *Vae vobis qui ridetis ,* Luc. 6. *attendite ne justitiam vestram faciatis coram hominibus , ut videamini ab eis : alioquin mercedem non habebitis apud Patrem :* Matth. 6. *babeo adversus te panta . . . penitentiam age : si quominus , veniam tibi sita ,* Apocal. 2. Hunc scribendi modum de peccatis venialibus sic tenuerunt sancti Patres in scriptis suis , ut ex iis lectores reddantur timidiore , nedum audaciores ad illa committenda , quod in primis observare debent Theologi morales , ubi designiunt peccatum aliquod esse leve & veniale .

Enimvero non sine magno animarum periculo hæc legerentur . Peccata levia in quolibet numero non excludunt ab amicitia Dei , nec a regno cælorum , facile eorum obtinetur remissio , non necessario in confessione sacramentali sunt declaranda , absolute non reddunt sacrilegam sacramentorum perceptionem , aut administrationem , caritatem non extinguunt , sed favorem & devotionem , dumtaxat impediunt . Levia autem peccata sunt .

sunt superbia, ambitio, vanitas, avaritia, voluptas; modo in iis finis ultimus, non constituitur. Hæc quidem verissima sunt: sed destruunt potius, quam ædificant, nisi ulterius progrediatur libri auctor, sparsimque doceat exemplo sanctorum Patrum, immo & ipsiusmet Christi Domini, quam grave sit malum, quamque timendum, Deum etiam in minutissimis offendere; quam horrendæ pœnæ maneant eos, qui ista leviora negligunt, & in quanto versetur periculo eorum salus, hoc quippe scribendi modo mens lectoris illustratur, & voluntas ad perficiendum accenditur.

Dices 4. Minima opera bona iusti merentur vitam æternam: ergo & minima peccata supplicium æternum.

Nego consequ. 1. Quia Deus ultra condignum remunerare potest, utpote infinite misericors, punire vero non potest, cum iustitiæ ejus repugnet. 2. Sicut minimum opus bonum vitam æternam per se non meretur, sed propter caritatem, ex qua proficitur; sic peccatum ex objecto leve, non est dignum pœna æterna, nisi ex Dei contemptu procedat.

Dices 5. Peccatum veniale infinitam Dei majestatem offendit: ergo est malitiæ infinitæ, ac proinde æterna pœna dignum.

Distinguo anteced. Offendit secundum quid, & in re levissima: Concedo: Offendit simpliciter, & in re gravi, Nego anteced. Neque enim necesse est quamlibet offensam tantam habere malitiam, quanta est dignitas in persona quæ læditur, ut videre est in aulico, qui propter leve aliquod dictum aut factum Regi minus acceptum, non dicitur reus læsæ majestatis.

Instabis: Malum culpæ etiam levissimæ, majus est malo pœnæ gravissimo, alias licitum esset aliquando peccare leviter, verbi gratia mentiri, quando necessarium videretur ad vitandum grave malum temporale: Ergo peccatum veniale iuste puniri potest pœna gravissima, scilicet damnatione æterna.

Nego consequ. Quamvis enim malum culpæ sit superioris ordinis respectu cujuscunque mali pœnæ etiam infinitæ, inde tamen recte non concluditur nullam pœ-

nam esse justam vindictam peccati etiam levissimi, quemadmodum non sequitur argentum vel aurum, in quolibet quantitate appendatur, non posse esse justum pretium animalis, puta oviculæ, ex eo quod minutissimum animal perfectius sit quovis corpore inanimato. In his itaque servanda est aliqua proportio secundum justitiæ leges, ita ut pro culpa leviori decernatur poena levior; sicut pro animali ignobiliori statuitur minus pretium.

Instabis iterum: quandiu peccatum veniale non est remissum, tandiu puniri potest: remitti autem non potest sine gratia: ergo quod non semper puniatur, misericordiæ divinæ est tribuendum.

Distinguo consequ. Misericordiæ divinæ est tribuendum, quod gratiam justo concedat ad satisfaciendum pro venialibus, Concedo: Quod justum in æternum non puniat, Nego consequ. Neque enim aulico Regi acceptissimo perpetua debetur poena propter leviores offensas, ex eo quod veniam sperare non possit, nisi ex indulgentia Principis.

C A P U T VI.

De Peccati mortalis differentia a veniali.

Q. 1. **I**N quo differt peccatum mortale a veniali?

R. In eo quod homo per peccatum mortale simpliciter avertitur a Deo tanquam a fine ultimo, & consequenter suum finem ultimum constituit saltem implicite in creatura: per peccatum autem veniale non avertitur simpliciter a Deo, neque suum ultimum finem in creatura constituit: paratus quippe est illa, quæ inordinate diligit, & in quibus venialiter peccat, potius dimittere, quam a Deo separari.

Peccatum itaque mortale in duobus essentialiter consistit, nempe in aversione a Deo, & conversione ad creaturam tanquam ad ultimum finem; peccatum vero veniale in sola conversione ad creaturam, salvo ordine ad Deum, ut ad ultimum finem.

Pro-

Probatur. Illud censetur essenziale, quod primum intelligitur in rei qualitate, & ex quo cetera fluunt: atqui aversio a Deo, & conversio ad creaturam, tanquam ultimum finem; primo loco intelligitur in peccato mortali, & ex illa veluti ex radice cetera fluunt: Ergo.

Minor probatur. Sex potissimum sunt propria peccati mortalis. 1. Solvit amicitiam cum Deo, destruitque caritatem, & omnes virtutes morales infusas. 2. Inducit mortem animæ. 3. Infert peccanti malum aliquo modo infinitum. 4. Est malum natura sua irreparabile. 5. Est offensio Dei infinita. 6. Peccatorem constituit reum pœnæ æternæ. Atqui hæc omnia veluti naturaliter fluunt ex aversione a Deo: Ergo.

Primo, aversio a Deo solvit Dei amicitiam, destruitque caritatem. Quid est enim caritas, nisi unio & conjunctio cum Deo, a quo aversio illa separat? Deinde caritas cuncta ordinat ad Deum: ex aversione autem sequitur amor sui, per quem peccator omnia ad se convertit: Unde hæc aversio, inquit Sanctus Augustinus libro 3. de libero arbitrio capite 24. nisi dum ille; cui bonum est Deus, sibi ipse vult esse bonum suum, sicut sibi est Deus. Hinc avaritia vocatur ab Apostolo Gal. 5. idolorum servitus, & Philip. 3. venter dicitur carnalium Deus. In Commentario quoque in Psalmum 80. inter opera sancti Hieronymi sic scribit Auctor: *Quæcumque vitia habemus, & quæcumque peccata, tot videntes habemus Deos: . . . unusquisque animæ quod cupit & veneratur, hoc illi Deus.* Porro cum virtutes morales infusæ caritati inhabitantur tanquam ejus proprietates, sublato per peccatum mortale earum fundamento, ipsas consequenter rueri necesse est.

Secundo, aversio a Deo inducit animæ mortem, a qua peccatum grave dicitur mortale: Sicut enim expirat corpus, inquit Sanctus Augustinus Serm. 81. alias 5. de verbis Domini: *dum animam emittit; ita expirat anima, cum Deum amittit. Deus amissus, mori animæ; anima emissa, mori corporis.* Levia vero peccata non sunt mortalia, sed venialia, quia non aver-

tunt

tunt peccatorem a Deo, nec destruunt caritatem: 57 caritas excludatur, ait S. Thomas, q. 7. de malo art. 1. est peccatum mortale: si autem sit talis defectus rectitudinis, qui caritatem non excludat, est peccatum veniale.

Tertio, illa aversio, quatenus hominem privat Deo, infert illi malum quodammodo infinitum; privatio quippe tantum æstimatur malum, quantum est oppositum bonum. Infamia v. g. pejor est paupertate, quia melius est nomen bonum, quam divitiarum multarum mors plus est timenda, quam cæcitas, quia vita, cujus mors est privatio, est quid longe melius visu, cui opposita est cæcitas. Deus autem est bonum infinitum, a quo per aversionem separatur peccator: ergo propter aversionem a Deo peccatum mortale infert homini malum infinitum, quod de peccato veniali dici nequit.

Si autem quæras, quod homini detrimentum sequatur ex peccato veniali, facilis erit responsio. Cum enim peccatum veniale sit conversio ad bonum commutabile, inordinatusque affectus ad creaturam, salvo semper ordine ad Deum, ut ultimum finem, opponitur gratiæ actuali, quæ est motio supernaturalis in Deum. Ergo peccatum veniale privat hominem actuali motione caritatis, quæ non est bonum infinitum, licet sit superioris ordinis, plusque timenda sit ejus jactura, quam cujuscumque rei naturalis.

Quarto ex aversione a Deo sequitur inordinatio penitus irreparabilis; quia destruit principium vitæ spiritualis, nempe caritatem & ordinem ad ultimum finem. Ita S. Thomas 1. 2. q. 72. art. 5. ubi sic habet: *Deordinatio mortis, quæ est per remotionem principii vitæ, est irreparabilis secundum naturam, inordinatio autem rectitudinis reparari potest propter id, quod salvatur principium vitæ. Similiter est in his quæ pertinent ad animam; nam in speculativis, qui errat circa principia, impersuasibilis est; qui autem errat salvatis principii, per ipsa principia revocari potest. Et similiter in operativis, qui peccando aversitur ab ultimo fine quantum est ex natura peccati, habet lapsum irreparabilem,*

dilem, & ideo dicitur peccare mortaliter, eternaliter puniendus: qui vero peccat citra aversionem a Deo, ex ipsa ratione peccati reparabiliter deordinatur, quia salvatur principium. & ideo dicitur peccare venialiter, quia scilicet non ita peccat, ut mereatur interminabilem penam. Hactenus Sanctus Thomas qui idipsum repetit 3. part. q. 88. art. 1.

Quinto ex aversione a Deo nascitur infinita Dei offensa, quia per illam peccator aufert a Deo (saltem quoad affectum) rationem ultimi finis, ut eam vilissimæ creaturæ afferat: *Proprium Dei est, inquit Sanctus Thomas lect. 3. in cap. 3. Epist. ad Philip. ut sit primum principium & finis ultimus. Unde qui pro fine habet aliud, illud est Deus suus. Similia habet in cap. 5. ad Ephes. his verbis: Idololatria est, quando honor soli Deo debitus impenditur creaturæ: Deo autem duplex honor debetur, scilicet, ut in eo finem nostrum constituamus, & ut in eo fiduciam nostram finaliter ponamus: ergo qui hoc in creaturis ponit, reus est idololatriæ. Hoc autem facit avarus (idem dicit de aliis peccatoribus) qui finem suum in re creata ponit, & totam fiduciam. Porro Rex non potest majori affici injuria, quam cum a regis majestatis dignitate ad vilis mancipii conditionem deprimitur.*

Sexto, cum ex aversione a Deo nascatur offensa infinita, ex eadem etiam sequitur reatus pœnæ infinitæ; quia secundum justitiæ leges pœna respondet offensæ.

Dices 1. Peccans mortaliter non semper præfert creaturam Deo, ut patet in S. Paulo adhuc infideli, qui ex inordinato zelo Dei Ecclesiam persequabatur: *Per zelum Legis, inquit S. Petrus Chrysolog. Serm. 157. impugnabas legem, & in Deum, Dei amore peccabas*

Nego antecedens, & ejus confirmationem. Nam zelus ille & ignorantia vincibilis oriuntur ex inordinato amore, saltem sui ipsius, propter quem peccans negligis inquirere ea, quæ scire tenetur.

Instabis: finis ultimus est ille, ad quem omnia referuntur, nec ipse ad aliud refertur: atqui peccans mortaliter non refert omnia ad creaturam, propter quam peccat; fur v. g. non ordinat omnia ad pecuniam, quam subripit.

Nego.

Nego min. Qui enim peccat mortaliter, omnia refert ad bonum privatum: Deum etiam, cum videtur illum appetere, appetit sibi ipsi: *Pravus*, inquit Aristoteles 9. Eth. cap. 8. *sua gratia cuncta agit, tanto magis, quanto pravior*. Et S. Thomas in 2. dist. 42. q. 1. art. 2. sic scribit: *Finis ultimus in amore commutabilem bonorum est ipse homo propter quem alia querit & ideo si radix peccati accipiat ex parte ipsius peccantis, erit una: si autem sumatur ex parte eorum, quæ propter se peccans querit, erunt plures*.

Urgebis: Peccator est capax amicitie: atqui amor amicitie non procedit ex appetitu boni privati, alias esset amor concupiscentie: ergo peccans non refert omnia ad seipsum.

Dist. min. Amor amicitie proprie dictæ, qualis est in homine iusto, *Conc.* Improperie dictæ, qualis est in peccatore, *Nego min.* *Caritas*, inquit Apostolus, 1. Cor. 13. *non querit quæ sua sunt*. Cum enim sit quædam participatio naturæ divinæ, semper inclinat justum in bonum Dei: inordinatus vero amor sui, qui caritati opponitur, quique in peccatore dominatur, omnia ordinat ad bonum privatum. Unde amicitia, nisi ex amore Dei procedat, bonum amici ultimate refert ad privatum appetentis commodum. *amicabilia ad alios, ex his quæ sunt, ad seipsum profecta esse videntur*, 9. Eth. cap. 4.

Instabis iterum: Sequeretur eum qui peccat venialiter, ex deliberata voluntate constituere suum ultimum finem in creatura. Nam omnis actio humana ex motione alicujus finis ultimi procedit: atqui actio, quæ fit ex deliberata voluntate, est humana: ergo est propter aliquem ultimum finem. Porro ille ultimus finis non potest esse Deus, cum peccatum veniale non sit referibile ad Deum: ergo est bonum privatum.

Dist. seq. Sequeretur constituere secundum quid ultimum finem in creatura, & in bono privato, *Concedo*: Constituere absolute, & simpliciter, *Nego*. Verum quidem est quod quicumque venialiter peccat, inordinate se diligit, refertque ad seipsum quidquid utilitatis apprehendit in objecto, Sed inordinatus ille amor

fui non procedit usque ad contemptum Dei, quemadmodum in eo qui peccat mortaliter, quia non excludit caritatem, per quam homo seipsum ulterius ordinat ad Deum. Ita S. Thomas in primum dist. 1. quæst. 3. art. unico ad quartum.

Dices 2. Actus caritatis tantum Deo tribuit, quantum peccatum mortale detrahit; sicut enim per peccatum mortale tollitur a Deo ratio ultimi finis, & asseritur vilissimæ creaturæ; ita per actum caritatis supremus ille honos Deo confertur, & creaturæ denegatur. Atqui actus caritatis non est infinitus nisi extrinsece: Ergo peccatum mortale est offensæ Dei extrinsece tantum infinita.

Nego primam propositionem, & quicquid ex ea concluditur. Qui enim Regem in throno sedentem veneratur, non est comparandus ei, qui illum inde deturbaret. Et ratio est, quia honor est in honorante: injuria vero in persona læsa; hoc est, tantum honorat quis, quantum se subicit alteri; & contra, tantum lædit personam, quantum illam deprimit. Per peccatum autem mortale Deus infinite deprimitur, quatenus vilissimæ creaturæ postponitur: per caritatem vero vix quidquam Deo subicitur, cum creaturæ omnes comparatæ Deo sint tanquam nihilum: *Quicumque*, ait S. Thomas, quæst. 28. de verit. art. 2. *rem aliquam digniorem indigniori postponit, injuriam ei facit, & tanto amplius, quanto vel illa est dignior. Quicumque autem in re temporali finem sibi constituit, quod facit omnis mortaliter peccans; ex hoc ipso quantum ad affectum suum postponit Creatorem creaturæ, diligens plus creaturam quam Creatorem; fatis enim est, qui maxime diligitur. Cum ergo Deus in infinitum creaturam excedat, erit peccatum contra Deum infinita offensæ ex parte dignitatis ejus, cui per peccatum injuria fit, dum ipse contemnitur.*

Confirmatur responsio: Honor quem Christus Deo Patri exhibuit, est infinitus simpliciter, quia habet pro subiecto personam simpliciter infinitam; honor enim est in honorante, qui se subicit. Ergo peccatum mortale est simpliciter infinitum in ratione offensæ Dei; quia

quia subiectatur in persona infinita; injuria enim est in persona laesa, quae deprimitur.

Q. 2. *Malitia peccati mortalis, & malitia peccati venialis differuntne essentialiter?*

R. Differunt: Quia malitia quae opponitur fini ultimo, & destruit caritatem, differt specie, & essentialiter ab illa, cui ista non competunt: atqui sola peccati mortalis malitia est opposita fini ultimo, & destructiva caritatis habitualis: Ergo.

Diges: Illa peccata essentialiter non differunt, quorum objecta sunt ejusdem speciei: atqui objecta peccati mortalis, & venialis sunt ejusdem speciei: nec differunt nisi secundum majus & minus: Ergo.

Minor probatur. Motus indeliberatus odii circa Deum, est peccatum veniale; deliberatus vero, mortale: atque illi duo motus habent idem objectum, nempe Deum. Item objecta furti levis & gravioris non differunt nisi secundum magis & minus: Ergo.

Dist. maj. Objecta formalia, Concedo: Materialia, Nego maj. Nam eadem pecunia potest esse objectum materiale vanitatis, avaritiae, & injustitiae, quae sunt peccata specie distincta propter diversa objecta formalia.

Dist. similiter min. Peccata venialia & mortalia habens saepissime objecta ejusdem speciei materialia, Conc. Formalia, Nego min. Si quis v. g. die Jovis scienter produceret carnem carnibus instructam ultra mediam noctem, circa unum & idem objectum materiale peccaret venialiter ante mediam noctem, in hypothese quod edisset cum levi intemperantia; & mortaliter post mediam noctem, quia tunc adveniret nova formalitas, nempe nova transgressio legis, novaeque deordinatio in voluntate. Idem advertetur in odio Dei indeliberato, si comparetur cum deliberato, & in furto levi cum gravi collato; voluntas quippe in indeliberato motu odii, & in levi furto, non vult separari a Deo, neque constituere suum ultimum finem in creatura, ad quod mutato consilio se determinat in odio deliberato, & in furto gravi.

Instabis; Idem est specie actus caritatis in via & in

patria, licet mutetur cognitio Dei; nam obscuritati fidei succedit claritas visionis beatificæ. Ergo major aut minor advertentia difformitatis, quæ est in objecto, non efficit actum specie distinctum.

Quidquid sit de antecedente, dist. conseq. major vel minor advertentia non efficit actum specie distinctum, si eadem difformitas ubique deprehendatur, Conc. Si alia, Nego conseq. Cum igitur Beati, quando erant in via, crediderint & amaverint quæcumque vident in Deo, non desunt Theologi, qui doceant amorem Dei in via & in patria esse ejusdem speciei. Sic duo superbix motus circa idem objectum materiale & formale sufficienter cognitum, non differunt nisi accidentaliter, licet unus procedat ex clariori cognitione, alter vero ex obscuriori; quia in utroque eadem turpitudine apprehenditur, licet diversimode: sed si per cognitionem perfectiorem alia detegeretur turpitudine, actus inde consequens esset alterius speciei propter diversum objectum formale.

Ergo fieri nequit, ut unum numero peccatum veniale evadat mortale, & contra, quia peccatum mortale & veniale essentialiter differunt, habentque objecta formalia specie distincta. Ergo delectatio venerea, quæ est venialis ante sufficientem advertentiam, & mortalis post, licet in sensualitate, sive in appetitu concupiscibili perseveret idem numero motus, in voluntate tamen rationali est duplex specie actus; vult quippe post sufficientem advertentiam quod ante noluit, nimirum separari a Deo, & constituere suum ultimum finem in creatura.

Dices: ex S. Augustino Tract. 12. in Joann. *Plura minuta peccata, si negligantur, occidunt: quemadmodum minuta grana arene, si multa sint, premunt, atque opprimunt, & aqua paulatim per sentinam intrando, si non exhauriatur, mergit navim.* Ergo plura peccata venialia mortalia evadunt.

Dist. antec. Occidunt dispositive, quemadmodum levis febris, si non curetur, tandem extinguit calorem naturalem; & mortem affert, Concedo: Occidunt per se formaliter, Nego antec.

Q. 3. Quibus signis discerni potest peccatum mortale a veniali?

R. 1. Ad peccatum mortale duo requiruntur. Primum, ut sit materia gravis. Secundum, ut sit sufficiens advertentia & deliberatio, unde si alterutrum desit, non erit nisi peccatum veniale. Quare mendacium jocosum, & furtum unius assis, licet ex deliberata voluntate procedant, sunt peccata dumtaxat venialia propter levitatem materię: contra vero delectatio turpis, quamvis sit materia gravis, si tamen desit sufficiens advertentia, aut libertas, venialis censetur.

R. 2. Cum S. Augustino lib. Enchir. cap. 77. & seqq. aliquando in praxi difficile est determinare, an, & quale sit peccatum: *Quæ sint autem levia*, inquit, & *quæ gravia peccata*, non humano, sed divino sunt ptesanda iudicio... putari posset non esse peccatum misceri conjungi non filiorum procreandorum causa, quod bonum est nuptiale, sed carnalis etiam voluptatis; ut adulterii sive cujusquam alterius immunditiæ mortiferum malum devitet infirmitas. Quis autem jam esse peccatum neget, cum dare veniam facientibus Apostolica auctoritas fateatur... sunt autem quedam, quæ levissima putarentur, nisi in Scripturis demonstrarentur opinione graviora. Quis enim dicentem fratri suo, fatue, reum gehennæ putares, nisi Veritas diceret? aut quis æstimaret quam magnum peccatum sit dies observare, sicut observant qui certis diebus, sive mensibus, sive annis volunt, vel nolunt aliquid inchoare, eo quod secundum varias doctrinas hominum fausta vel infausa existimant tempora, nisi hujus mali magnitudinem ex timore Apostoli pensaremus, qui talibus ait, timeo ne forte sine causa laboraverim in vobis? Hinc accidit quod peccata, cum in consuetudine venerint, aut parva, aut nulla esse creduntur: *Vae peccatis hominum, quæ sola inusitata exhorrescimus, &c.*

Itaque ad ponderandam peccatorum gravitatem, in primis consulenda S. Scriptura, præsertimque novum Testamentum, ubi Christus legem naturalem explicuit, vindicavitque a falsis interpretationibus hominum. Attendenda verba, quibus ibidem res aliqua

prohibetur, an sub gravi pœna; ex gravitate enim pœna colligitur gravitas culpæ.

Cum autem omnia, quæ servanda & vitanda sunt, expresse non contineantur in Scriptura Sacra, consulenda est etiam traditio Ecclesiæ, videndum quid Sancti Patres & Theologi communiter circa difficultatem propositam senserint, quemadmodum præscribit Concil. Trident. sess. 4. *Ad coercenda, inquit, petulantia ingenia ... nemo suæ prudentiæ imminuat in rebus fidei & morum sacram Scripturam ad suos sensus contorquens ... interpretari audeat.*

C A P U T VII.

De Peccato originali.

Versamur in materia accuratius pertractanda, cum in mente S. Augustini notitia peccati originalis, & fides redemptionis humanæ per Christum sine duo veluti cardines, circa quos vertitur Christiana Religio: *Vide, inquit S. Doctor, epist. 157. alias 89. quemadmodum commendat (Apostolus) unum & unum, idest, Adam & Christum: illum ad condemnationem, hunc ad justificationem, cum tanto post Adam Christus venerit in carne; ut sciamus etiam antiquos justos, quicumque esse potuerunt, nonnisi per eandem fidem fuisse liberatos, per quam liberamur & nos, scilicet, Incarnationis Christi, quæ illis prænnuntiabatur.*

Enimvero an medicum admittet, qui se sanum existimat, aut redemptorem agnoscet, qui nescit se fuisse captivum? Ut ergo sciamus, quæ, & quanta nobis attulerit Christus, prius noscamus oportet quid in Adam amiserimus.

Hæc autem circa peccatum originale nobis investiganda sunt. 1. Utrum revera existat. 2. Quid sit, & in quo consistat. 3. Quomodo traducatur in Adæ postereros. 4. Utrum ita necessario in omnes transmittatur, ut nullus excipi possit. 5. Quæ sint illius pœnæ, tum in præsentī vita, tum in futura.

§. I.

Utrum existat peccatum originale.

Negarunt Pelagiani, docueruntque 1. Adamum peccando sibi soli nocuisse, morbos, mortem; & concupiscentiam non esse effectus peccati illius, sed naturales naturæ humanæ defectus. Postea tamen argumentis Catholicorum coacti sunt confiteri mortem corporis ex Adamo trahi, non vero peccatum. Priorem Pelagianorum errorem XVI. sæculo amplexi sunt Anabaptistæ, & Sociniani; posteriorem Zuvingliani & contra utrumque

Respondeo: De fide est per Adæ prævaricationem omnes homines nasci peccato, morti, & aliis miseriis obnoxios. Ita enim definiit Concilium Trident. contra Anabaptistas & Zuvinglianos sess. 5. can. 2. his verbis. *Si quis Adæ prævaricationem sibi soli & non ejus propagini asserit nocuisse... aut inquinatam illum per inobedientiæ peccatum, mortem & penas corporis tantum in omne genus humanum transfudisse, non autem & peccatum, quod est mors animæ, anathema sit.*

Probatur 1. ex Scriptura, Psal. 50. *Ecce enim in iniquitatibus conceptus sum, in quem locum scribit S. Augustinus enarrat. in Psal. quid est, quod se dicit in iniquitate conceptum, nisi quia trahitur iniquitas ex Adam?* Job 14. *Quis potest facere mundum de immundo conceptum semine, nomen tu qui solus es?* Quem locum sic vertunt septuaginta Interpretes: *Nemo mundus a sorde, cujus est unus diei vita super terram.* Agitur hic de sordibus, quas solus Deus mundare potest; atqui sordes pannorum infantilium emundare possunt homines: ergo textus ille non potest intelligi ad mentem Socinianorum de sordibus corporeis, sed intelligendus est de peccato, & ita interpretati sunt Patres antiquissimi, ut Sanctus Clemens Alexandrinus lib. 3. Strom. Origenes hom. 12. in Leviticum; Sanctus Augustinus in Psalmum 50. Rom. 5. *Per unum hominem peccatum in hunc mundum intravit, & per peccatum*

eatum mors: & ita in omnes homines mors pertransit in quo omnes peccaverunt.

Nec dicant Pelagiani & Sociniani Adamum transmississe peccatum non, propagine, sed imitatione, quatenus suo exemplo posteros ad peccatum induxit; nam, ut argumentatur S. Aug. lib. 3. de peccat. mer. c. 9. si Apostolus peccatum illud commemorare voluisset, quod in hunc mundum non propagine, sed imitatione intraverit, ejus principem, non Adam, sed Diabolum diceret, de quo scriptum est, *ab initio Diabolus peccat*. Deinde mors intravit per peccatum; cum ergo ipsa in parvulos deserviat, sequitur peccatum in eos fuisse transmissum non imitatione, sed propagine.

Denique, ex Apostolo, peccatum Adæ derivatur ad parvulos, sicut justitia Christi ad regeneratos; atqui justitia Christi non per solam imitationem, sed per veram in illo regenerationem communicatur fidelibus, ut constat vel ex solo exemplo parvulorum, qui in Christo regnerantur, etiamsi illum imitari non possint.

Probatur 2. ex omnibus Conciliis, quæ in Oriente, in Occidente & Africa contra Pelagianos celebrata, errorem, quem impugnamus, proscripserunt: *Ubi quo diffusus Christi exercitus*, inquit S. August. lib. 3. contra Julian. cap. 1. *debellaruit apud Carthaginem Cælestium, quando ipse non eram, & rursus Constantino-poli longe a regionibus Africanis*. Adde & Diospoli in Palæstina, ubi sequentes Pelagii propositiones anathematæ sunt percussæ. Prima, quod peccatum Adæ ipsum solum læserit. Secunda, quod infantes nuper nati in illo statu sint, in quo Adam fuit ante prævaricationem. Tertia, quod neque per mortem, vel prævaricationem Adæ omne genus hominum moriatur. Quarta, quod infantes, etsi non baptizentur, habeant vitam æternam. Denique Concilium Arausicanum in Gallia sic habet can. 2. *Si quis, soli Adæ prævaricationem suam, & non ejus propagini asserit nocuisse, aut certam mortem tantum corporis, quæ pena est peccati, non autem & peccatum, quod est mors animæ per unum, bonitatem in omne genus hominum transisse testatur, in-*
justi-

justitiam Deo dabit, contradicens Apostolo dicenti, per unum hominem, &c.

Probatur 3^o ex Patribus, S. Irenæus lib. 3. cap. 20. Quemadmodum, inquit, per inobedientiam unius hominis . . . peccatores facti sunt multi, & amiserant vitam; ita oportuit & per obedientiam unius hominis . . . justificari multos, & percipere salutem.

Origenes hom. 14. in Lucam sic habet, Parvuli baptizantur in remissionem peccatorum. Quorum peccatorum? vel quo tempore peccaverunt? aut quando potest ulla lavari in parvulis ratio subsistere, nisi juxta illum sensum, de quo paullo ante diximus, nemo mundus a sorde, nec si unius diei, &c. & lib. 4. contra Celsum, in Adamo omnes moriuntur, & damnati sunt in similitudinem peccationis Adami, nec tam de uno quopiam, quam de toto humano genere Scriptura divina loquitur.

Sanctus Cyprianus epist. 59. Quanto magis, inquit, prohiberi non debet infans (a baptismo) qui recens natus nihil peccavit, nisi quod secundum Adam carnaliter natus, contagium mortis antiquæ primæ natiuitate contraxit. Qui ad remissionem peccatorum accipiendam hoc ipso facilius accedit, quod illi remittuntur non propria, sed aliena peccata. Similia habet Sanctus Firmilianus epist. quæ est 75. inter Epistolas S. Cypriani.

S. August. lib. 3. de peccatorum meritis cap. 6. asserit hanc esse antiquam & universalem Ecclesiæ Traditionem, peccatum & mortem ab Adamo in ejus posteros propagine transmitti, Non aliud, inquit, de peccato originali, ex quo Christi Ecclesia constituta est, divinarum Scripturarum Tractatores scripserunt, non aliud a majoribus acceperunt, non aliud posteris tradiderunt.

Dices 1. Ezechielis 18. habetur: Anima quæ peccaverit, ipsa morietur: filius non portabit iniquitatem patris sui: Ergo.

Nego conseq. Nam ex dicendis, peccatum originale non est peccatum Adami, sed cuique inest proprium. Unde S. Augustinus lib. 3. de pec. mer. cap. 8. Pelagianis eundem textum objicientibus, sic respondet: Imputat non jam aliena, sed propria: carnali generatione jam

jam eorum sunt, quibus nondum spiritali regeneratione dimissa sunt. Et lib. 6. contra Julianum cap. 12. *Aliena sunt proprietate actionis, & nostra sunt contagione propugnationis.*

Dices 2. *Ubi non est lex, inquit Apostolus, Rom. 4. v. 5. nec pravaricatio;* atqui infantes non acceperunt legem: Ergo nulla in eis pravaricatio, nec proinde peccatum.

Distinguo min. Non acceperunt legem in sua conceptione & nativitate, Conc. Non acceperunt legem in primo parente, in quo continebantur, & in quo audierunt, in quocumque die comederis, morte morieris, Nego minor.

Distinguo similiter conseq. nulla in eis pravaricatio, nec proinde peccatum per propriam voluntatem, Conc. Per voluntatem Adami, quæ & ipsorum fuit, Nego conseq. Ita S. Aug. c. 7. lib. 3. de pec. mer. *Nec illud, inquit, liquide dici potest, quod peccatum Adæ etiam non peccantibus nocuit, cum Scriptura dicat, in quo omnes peccaverunt. Nec sic dicuntur ista aliena peccata, tanquam omnino ad parvulos non pertineant: siquidem in Adam omnes tunc peccaverunt, quando in ejus natura illa insita vi, qua eos gignere poterat, adhuc omnes ille unus fuerunt; sed dicuntur aliena, quia nondum ipsi agebant vitas proprias; sed quidquid erat in futura propagine, vita unius hominis continebat.*

Dices 3. Rom. 5. *Regnavit mors ab Adam, usque ad Moysen, etiam in eos, qui non peccaverunt in similitudinem pravaricationis Adæ:* Ergo mortem dumtaxat, non peccatum ex Adamo trahimus.

Distinguo anteced. Qui non peccaverunt propria voluntate, sive, ut loquitur Apostolus, in similitudinem pravaricationis Adæ, Concedo: Qui non peccaverunt simpliciter, & voluntate Adami, Nego anteced. Mors enim, quæ regnavit usque ad Moysen, est pœna justa: atqui non esset justa, nisi supponeretur peccatum. Unde Apostolus expresse dicit, *usque ad legem peccatum orit in mundo: peccatum autem non imputabatur, id est, non agnoscebatur: per legem enim cognitio peccati.* Ita S. Aug. lib. 6. contra Julianum cap. 4.

Instabis 1. Apostolus ibidem subdit : *Si unus delicto multi mortui sunt, multo magis gratia Dei . . . in plures abundavit* : Ex quibus sic argumentari licet ; Plures sunt, ex Apostolo, qui in Christo justificantur, quam qui in Adamo peccaverunt ; atqui plures illi in Christo justificati paucissimi sunt respectu Infidelium, & eorum, qui sine Baptismo decedunt : ergo paucissimi admodum sunt, ad quos peccatum Adami transmittitur.

R. 1. In Græco non habetur, *plures*, sed *multos*, πολλοι. **2.** Termini illi, *multi*, *plures*, *omnes*, promiscue hic usurpantur ab Apostolo, ut legenti patebit, ait enim, *in omnes homines mors pertransiit : in quo (Adamo) omnes peccaverunt*. Item, *si unus delicto multi mortui sunt, per unius justitiam in omnes homines in justificationem vitæ* : & paucis interjectis : *per unius obedientiam iusti constituentur multi*. Cuius dictum est, inquit S. August. lib. 6. contra Julianum cap. 24. *per unum in omnes transisse peccatum ; & postea, per unius inobedientiam peccatores constitutos multos, ipsi sunt multi, qui & omnes*. Nec singulare est Apostolo voces illas promiscue usurpare ; nam, ut ibidem observat S. Doctor, Deus sic illa usurpavit, Genes. 22. ubi dictum est Abrahamæ : *in semine tuo benedicentur omnes gentes, & patrem multarum gentium posui te*. Hic quippe eisdem omnes, multas, inquit S. Doctor, & easdem multas omnes esse monstratum est. Quanquam dici potest cum Estio per vocem, *plures*, Apostolum non attendere ad multitudinem eorum, qui Christi gratiæ participes sunt, sed ad copiam gratiæ, quæ superabundavit, adeout plus nobis restituerit Christus, quam in Adamo perdiderimus, scilicet donum perseverantiæ, auxilia efficacia ; hæc enim non fuerunt in statu innocentiae.

Instabis 2. 1. Cor. 15. v. 22. Apostolus hanc comparisonem Adamum inter & Christum instituit : *Sicut ite Adam omnes moriuntur, ita & in Christo omnes vivificabuntur* : atqui non omnes in Christo vivificabuntur : ergo neque in Adamo omnes moriuntur.

R. In hoc stare comparisonem Apostoli : sicut

quotquot ex Adamo generantur, ii reatum peccati & mortis contrahunt; ita quotquot in Christo regenerantur, ii iustitiam & vitam supernaturalem percipiunt, & si perseverent, felicitatem æternam: & conversio sicut qui ex Adamo via ordinaria non nascitur (quemadmodum Christus) in Adamo non moritur; ita qui in Christo non renascitur, spiritualiter non vivificabitur.

Dices 4. Ex Apostolo 2. Cor. 5. *Omnes nos manifestari oportet ante tribunal Christi, ut referat unusquisque propria corporis sui, prout gessit, siue bonum, siue malum*: atqui parvuli, subsumebant Pelagiani, nihil mali in corpore gesserunt: ergo nullam pœnam referent.

R. 1. Retorquendo argumentum contra Adversarios, parvuli, qui decedunt siue ante, siue post Baptismum, nihil boni in proprio corpore gesserunt: ergo nullum præmium recipiente, nec regno cælorum, nec vita æterna donabuntur: quod est longe absurdissimum, etiam in sententia Adversariorum.

R. 2. cum S. Aug. lib. 6. contra Julianum c. 10. locum illum intelligendum de adultis tantum, ut patet ex contextu capitis, *propria corporis sui dixit, quod ad unumquemque in seipso jam viventem pertineat*.

Dices 5. Veteres præsertim Græci, diserte negarunt peccatum originale, sic enim scribit S. Gregorius Nyssenus oratione de infantibus, qui præmatura morte abripiuntur, *nec ab initio quidem (parvulus) prorsus in animum morbum admisit*. S. Chrysostomus homilia ad Neophytos, *infantes, inquit, baptizamus, cum non sint coinquinati peccato, ut eis detur, vel addatur sanctitas*. Et Theodoretus lib. 4. hæreticarum Fabularum cap. 18. *quorsum infantes baptizamus, qui peccatum nondum gustarunt?* Ergo.

Distinguo antecedens; Infantes peccatum in animum non admisit, non gustarunt, peccatum inquam, actuale, & personale, Concedo; peccatum originale, Nego antecedens. Ita Sanctus Augustinus lib. 1. contra Julianum verba sancti Chrysostomi objicientem cap. 6. *Peccata dixit parvulos non habere, sed propria*. Unde.

Unde illas innocentes merito nuncupamus, secundum id quod ait Apostolus nondum natos nihil egisse boni sive mali: non secundum id quod ait, per unius inobedientiam peccatores constituti sunt multi.

Probatur solutionem esse ad mentem laudatorum Patrum.

Ac primo quidem S. Gregorii Nysseni, qui in Plac. cap. 16. sic loquitur: *Sordes hominis peccatum est, quod una cum humana orditur natura, quoniam in peccatis concepit me mater mea.*

Secundo; S. Chrysostomi plura testimonia profert S. Augustinus cit. cap. 6. quibus discrete adstruit peccatum originale; sic enim scribit S. Chrysostomus ad Olympiam: *Quando Adam peccavit, illud grande peccatum omne genus humanum in commune damnavit.* Homil. 10. in epist. ad Rom. *Manifestum, inquit, quoniam non ipsum peccatum, quod ex legis transgressionem, sed illud peccatum, quod ex Ade obedientia, hoc erat quod omnia contaminavit.* Et infra, *ut cum tibi dixerit Judeus; Quomodo unius virtute Christi mundus salvatus est? possit eis dicere, quemadmodum uno inobediente Adam mundus damnatus est...* nam alium pro alio damnari, non valde videtur habere rationem; alium autem pro alio salvari, & decentius magis & rationabilius apparet. Si igitur illud factum est, multo magis hoc. Quin ex ipsamet Homilia ad Neophytos; quam Julianus opponebat, S. Augustinus eruit validissimum argumentum pro peccato originali: ait enim S. Chrysostomus, *venit semel Christus, invenit nostrum chirographum paternum, quod scripsit Adam. Ille induxit initium debiti, nos famus auximus posterioribus peccatis.* Quae verba S. Augustinus contra Julianum sic contorquet: *nunquid contentus fuit dicere, paternum chirographum, nisi adderet, nostrum, ut sciremus antequam fenus peccatis nostris posterioribus auferemus, jam illius chirographi paterni ad nos debitum paternum pertinere?*

Tertio, de mente etiam Theodoreti constat: cum quia scripsit post profligatam ubique Pelagianorum haeresim,

resim, & maxime in Concilio Ephesino generali, quod ignorari non potuit: tum quia in cap. 5. epist. ad Rom. hæc habet: *Dicit itaque divinus Apostolus, quod cum Adam peccavisset, & mortalis propter peccatum factus fuisset, utrumque ad genus pervenit. Ad omnes enim homines mors pervasit, quatenus omnes peccaverunt. Non enim propter primi parentis peccatum, sed propter suum (quia ex Tridentino est unicuique proprium) unusquisque mortis decretum suscipit: Etiam infantes, quamvis voluntate propria non peccaverint.*

Instabis: S. Chrysostomus agnoscit quidem omnes homines in Adamo incurrissæ mortis reatum, & damnationem; sed constanter negat in ipso constitutos esse peccatores; ait enim homil. 17. in epist. ad Corinth. *Quid ergo faciam ego? propter illum pereō? Certo non propter illum. Neque enim tu mansisti non peccans: sed si non idem peccatum, alterum certe admisisti. Alioqui autem neque a supplicio (mortis) accepisti damnum, sed lucrum. Et hom. 39. in eadem epistolam, expendens illud, sicut in Adam omnes moriuntur, sic habet, omnesne, dic quæso, mortui sunt in Adam morte peccati? Quomodo ergo Noe iustus in generatione sua? quomodo alii omnes? ... Nam si hoc quidem dictum est de corpore, stat quod dicitur: *sin autem de iustitia & peccato, nequaquam.* Ergo...*

Nego ant. In laudatis enim textibus vult dumtaxat S. Doctor peccatum Adam, & posterorum ejus non esse irreparabile, quemadmodum peccatum Angelorum: mortem quidem, quæ inde influxit, esse ineluctabilem; sed non ita peccatum, cum Noe, Abraham, & plures alii in Scripturis iusti prædicentur.

Urgebis, atqui S. Chrysostomus discrete asserit homines reatum mortis dumtaxat contraxisse; nullatenus vero peccati, hom. quippe 10. in epist. ad Rom. ad illa verba cap. 5. *Sicut enim per inobedientiam unius hominis peccatores constituti sunt multi, quæstionem movet, & solvit his verbis: videtur quæstionem non pusillam habere quod dictum est; sed si quis accurate attendat, & hos quoque persacile solvetur. Quæ-*

non igitur quæstio fuerit? dicere videlicet multos ob unius inobedientiam peccatores extitisse. Illo enim premisse, ac mortali effecto, & qui ex eo orti sint; ut tales esse, nihil absurdum. At ex illius inobedientia alterum peccatorem extitisse, id vero quam (obsequio) congruentiam & consequentiam habeat? invenietur nimis sic nec panis quidem debere qui talis fuerit, si quidem non ex seipso peccator extiterit. En difficultas proposita; sequitur responsio. Quid igitur hoc loci; verbum hoc peccatores, significat? Mihi videtur tantundem significare, quantum illud, supplicio obnoxii ac mortis rei.

Nego subsumptum; quæ enim opponuntur, astruunt doctrinam Catholicam, nedum destruant. Concedit quippe S. Doctor, nec mortis poenam debere, qui peccator non extiterit, & inde concludit nos in Adamo factos esse peccatores & mortales, vocesque illam, peccatores, in mente Apostoli tantundem significare, id est, æque patere ac mortales, ut cum tibi Judæus dixerit, quo pacto uno recte agente Christo, universus orbis salvus factus est, possit illi respondere, quo pacto uno inobediente Adam universus orbis condemnatus est? quanquam nihil simile inter se habeant peccatum & gratia, mors & vita. Quibus posterioribus verbis S. Chrysostomus supponit peccatum & mortem, conjungi in Adæ posteris, sicut gratiam & vitam in filiis Dei adoptivis; unde pergit in eadem homilia; nam & supplicio liberati sumus, & vitiositatem omnem deposuimus, & de integro regenerati sumus, & resurreximus sepulto veteri homine, & redempti sumus, & sanctificati.

Dices 6. Tertullianus lib. de Bapt. cap. 18: probans Baptismum in parvulis differendum, donec adoleverint, sic scribit: quid festinas innocens ætas ad remissionem peccatorum? Ergo.

Nego cons. Nam ex S. Augustino supra laudato, peccata dixit parvulus non habere; sed propria. Unde illos innocentes merito nuncupamus, secundum id quod ait Apostolus, nondum natos. nihil egisse boni suum malum.

Dices 7. S. Clemens Alexandrinus lib. 3. *Stromatum* aperte negat peccatum originale; sic enim habet post medium: *Dicant ergo nobis ubi fornicatus est infans natus? vel quando sub Ade cecidit execrationem, qui nihil est operatus? ... Et quando dixit David, in peccatis conceptus sum, &c. dicit quidem propheticè matrem Evam, sed Eva fuit mater viventium, & si in peccatis fuit conceptus, sed non ipse in peccato, neque vero ipse peccatum ... non accusat eum, qui dixit, Crescite & multiplicamini, sed primas impulsiones (concupiscentiæ) & motus ex generatione, per quos Deum non agnoscimus, dicit impietates.*

R. 1. Locum illum esse adeo difficilem, ut multis Theologis videatur in eo contineri objectionem Cassiani contra quam pugnat S. Clemens, non ipsam S. Doctoris sententiam; sed contrarium suadet libri contextus. 2. ut benigne interpretemur S. Doctorem, plura movent, 1. singularis ejus eruditio. 2. ex Schola ejus prodiit Origenes, peccati originalis eximius assertor, ut constat ex laudatis supra ejus textibus. 3. Nullus hactenus accusavit S. Doctorem de peccato originali male sensisse, nec Pelagiani illum in suum patrociniū appellarunt, ut colligitur ex scriptis S. Augustini. 4. Ex scopo mens ejus est elucidanda. Insectatur quidem Cassianum, qui sicut Marcionitæ, & postea Manichæi, duo rerum principia statuebat, alterum spirituum, & quidem bonum: alterum corporalium, & ipsum malum. Contra insurgit S. Clemens, probatque non accusandum, sed laudandum eum, qui dixit, *Crescite & multiplicamini*: matrimonium non esse fornicationem, ut contendebant Adversarii: nec generationem esse malam, alioqui non corpus dumtaxat, sed & anima ipsa esset peccatum, quod posterius negabat Cassianus; non enim generatur solum corpus, sed totus homo constans ex corpore & anima: accusandas solummodo primas impulsiones & motus ex generatione, id est, concupiscentiam, quam S. Thom. & plures Theologi peccatum originale asserunt, non tamen eo sensu, eoque hæretico, quo Pseudoreformati, ut infra ostendemus: illas autem impulsiones non esse ipsam.

ipsam hominis substantiam, sed accessiones ad hominis substantiam, quemadmodum ex S. Basilio loquitur S. Augustinus cit. lib. 1. contra Julianum. Detorquet quidem textus, quibus astringitur peccatum originale, scilicet *nullus est a sorde mundus*, Job 14. *In iniquitatibus conceptus sum*, Psal. 50. *Execranda dies in qua natus sum*, Jer. 20. ut novum & acrius bellum declinet; quis enim nesciat Catholicos peccati originalis defensores a Pelagianis traduci solitos, quasi cum Marcionitis & Manichæis duo rerum principia inhererent? Fatendum tamen quod ex ejusmodi argumentandi ratione videatur posse inferri peccatum originale non existere; sed illationem hanc non debuit præcavere S. Clemens, ut qui ea ætate scriberet, quando nondum exorti erant hæretici, qui deinceps fident peccati originalis labefactarunt, disputans in Catholica Ecclesia, inquit S. August. lib. 16. contra Julianum cap. 6. *non se aliter intelligi arbitrabatur, tali questione nullus pulsabatur, vobis (Pelagianis) nondum litigantibus, securius loquebatur.*

Instabis; ille directe & perspicue negat peccatum originale, qui negat infantem, qui nihil operatus est cecidisse sub execrationem Adæ: atqui S. Clemens disertis verbis id negat, quando, inquit, *sub Adæ cecidis execrationem, qui nihil operatus est*: Ergo.

Distinguo maj. qui negat ad mentem Catholicorum, Concedo: qui negat ad mentem Adversarii, Nego maj.

Dist. similiter min. S. Clemens negat infantem cecidisse sub prævaricationem Adæ, quasi substantia ejus secundum corpus sit mala, Concedo: quasi vitiositas non accesserit ejus substantiæ, Nego minor. accusat enim *primas impulsiones & motus ex generatione*, quæ secundum reatum peccati in Baptismo delentur, quamvis secundum quod in eis est materiale, in baptizatis remaneant, ut docent SS. Augustinus & Thomas; & colligitur ex ipso S. Clemente, qui eodem lib. 3. Stromat. dicit nos per Baptismum regenerari, *cum hæc sit*, inquit, *alia ratio in creatione*. Et lib. 4. *non tale esse vult, quales etiam genuit*.

nuit ex matrice aque: atqui generatio supponit mortem peccati.

Instabis iterum, quæ fuerit mens S. Clementis, con-
ficere licet ex suis Discipulis: Atqui Origenes ab
ipso edoctus, non agnovit peccatum originale, ut
patet ex ejus commentario in Epist. ad Rom. in quo
illud Apostoli, *peccatum in hunc mundum intravit*,
sic interpretatur, ut velit per mundum intelligen-
dos homines terrenos, qui exemplo & in similitu-
dinem Adæ, propria voluntate legem transgrediuntur.
Enimvero quomodo Origenes peccatum originale agno-
scere potuisset, cum docuerit animas deliquisse,
priusquam infunderentur in corpora tanquam in car-
ceres? Unde S. Hieronymus lib. 3. contra Helagia-
nos, qui auctoritate Origenis gloriabantur, sic scri-
bit; *Transite ad Amasium vestrum qui præteri-
ta in calis, & antiqua delicta solvi dicit in Ba-
ptismo.*

Nego min. Origenes quippe in illo Commentario
verba Apostoli pro more allegorice exponit: allego-
ria autem non destruit sensum literalem, quem lu-
culenter confirmavit locis supra laudatis. Unde in
ejus sententia priora animarum delicta, & peccatum
originale simul in Baptismo delentur.

Dices 8. Cum Juliano apud S. Augustinum lib. 2.
de nupt. & concup. cap. 28. non peccat iste, qui
nascitur, non peccat iste, qui genuit, non peccat
ille, qui condidit: per quas igitur rimas inter tot
præsidia peccatum fingitur ingressum?

Confirm. 1. Damnantur nuptiæ, si aliquid habere
credantur, unde filii damnabiles generantur. 2. non
omnia peccata dimittuntur in Baptismo, si in bapti-
zatis conjugibus remanet malum, ex quo generentur
mali; non enim possunt parentes quod non habent, in
liberos transfundere. 3. non peccat, qui non potest
aliud esse quam creatus est; Nemo namque, inquit
Aristoteles lib. 3. Eth. cap. 5. exprobrabit cuiquam si
sit aut natura, aut ægitudine, aut vulnere cecus: quod
si ebrietate, aut aliquo flagitio captus sit oculis, omnes
utique carpent, ac increpabunt: vitia igitur corporis ea
quæ

quidem, quæ in nostra sunt potestate, reprehenduntur :
 in vero quæ non sunt, non increpantur.

Respondet S. Augustinus cit. cap. 28. quid queris
 latentem vimam, cum habet apertissimam januam? per
 unum hominem, ait Apostolus: per unius acbitum,
 ait Apostolus: per inobedientiam unius hominis, ait
 Apostolus. Quid queris amplius? quæ queris apertius?
 quid queris inculcatis? Itaque per voluntatem, quæ
 peccavit Adamus a Deo constitutus caput generis hu-
 mani, peccatum in ejus posteros transiit. Omnes homi-
 nes, inquit S. Thom. 1. 2. q. 81. art. 1. „ qui na-
 „ scuntur ex Adam possunt considerari ut unus ho-
 „ mo, in quantum conveniunt in natura, quam a pri-
 „ mo parente accipiunt . . . sic igitur multi homines
 „ ex Adam derivati, sunt tanquam multa membra
 „ unius corporis: actus autem unius membri corpo-
 „ ralis, puta manus, non est voluntarius voluntate
 „ ipsius manus, sed voluntate animæ, quæ primo
 „ movet membrum. Unde homicidium, quod manus
 „ committit, non imputaretur manui ad peccatum, si
 „ consideraretur manus secundum se, ut divisa a cor-
 „ pore, sed imputatur ei, in quantum est aliquid ho-
 „ minis, quod movetur a primo principio . . . ho-
 „ minis. Sic igitur inordinatio, quæ est in isto ho-
 „ mine ex Adam generato, non est voluntaria volun-
 „ tate ipsius, sed voluntate primi parentis, qui mo-
 „ vet motione generationis omnes, qui ex ejus ori-
 „ gine derivantur, sicut voluntas animæ movet omnia
 „ membra ad actum. Unde peccatum, quod sic a pri-
 „ mo parente in posteros derivatur, dicitur originale.
 „ Sicut peccatum, quod ab anima derivatur ad membra
 „ corporis, dicitur actuale: & sicut peccatum actua-
 „ le, quod per membrum aliquod committitur, non
 „ est peccatum illius membri, nisi in quantum illud
 „ membrum est aliquid ipsius hominis, propter quod
 „ vocatur peccatum humanum: ita peccatum origina-
 „ le non est peccatum hujus personæ, nisi in quan-
 „ tum hæc persona recipit naturam a primo parente:
 „ unde & vocatur peccatum naturæ, secundum illud
 „ Ephesi. 2. *Eramus natura filii iræ*, „

Non.

Non peccat igitur parvulus dum nascitur, sed peccatum contrahit, quod in Adamo commisit; nam ex S. Aug. lib. 2. de nupt. cap. 5. *per unius illius voluntatem malam omnes peccaverunt, quando omnes ille unus fuerunt.* Hinc Apostolus Rom. 5. non dicit de Adamo, *in quo omnes peccant*, sed *in quo omnes peccaverunt*, moxque subdit, *peccatores constituuntur multi* nempe per generationem, in qua contrahitur macula peccati originali, a qua actū denominantur peccatores.

Ergo præceptum non comedendis de ligno scientiæ boni & mali datum fuit Adamo, non ut singulari dumtaxat homini, sed ut capiti totius generis humani; ita ut ipso obediens, ejus posteris censerentur obediens, & ipso transgrediente, transgredientes. Utrum autem intercesserit pactum proprie dictum inter Deum & Adamum, disputant Theologi. Alii affirmant, alii, ut nobis videtur, verisimilius negant, contententes satis fuisse Deum decreto suo absoluto (quod pactum utcumque dici potest) justitiam originalem, tanquam donum totius naturæ humanæ in Adamo reposuisse ea conditione, ut voluntas ipsius habenda esset pro voluntate posterorum: quantum ad observationem & transgressionem præcepti, ex quo pendebat conservatio & amissio justitiæ originalis. Hanc Dei ordinationem colligunt ex Scripturis Sanctus Hieronymus ex cap. 6. Osee, *ipsi autem sicut Adam transgressi sunt pactum*: & S. Augustinus lib. 16. de Civit. Dei c. 19. & lib. 2. de nupt. cap. 11. ex illo Genes. 17. *Masculus cujus præputii caro circumcisa non fuerit, peribit, anima hujus de populo Dei; quia Testamentum meum dissipavit.* In quæ verba sic scribit Sanctus Doctor, *tunc dissipavit Testamentum Dei, non hoc de imperata circumcissione, sed illud de ligni prohibitione.* Hinc Sanctus Basilius hom. de jejunio, ait: (quasi nos ipsi in Adamo comederimus) *quoniam non jejunavimus, exulamus a Paradiso.*

Neque vero illud Dei decretum iniquum videri debet, ex eo præsertim, quod posterorum non fuerit expectatus consensus. i. quia Deus magis habet in sua potestate voluntates hominum, quam ipsi suas.

Si ergo Respublica inconsultis pupillis, statuit voluntatem tutoris pro voluntate pupillorum, ita ut quidquid ille egerit, ab illis actum censeatur; quanto magis Deus utpote supremus Dominus, id poterit? 2. quia sicut nos suo præcepto obligavit in Adamo, ita etiam nos in ipso donis suis exaltavit: illa quippe ad posteros erant transmittenda, si Adamus ea conservasset, quod facile poterat, nulla tentatione pulsus, nulla difficultate præpeditus; præceptum erat servatu facile, & transgressio illius peccatum immane; verisimile enim est pactum, seu Dei decretum ipsi innotuisse, tum ut præcepti gravitatem agnoscens, nihil negligeret in re tanti momenti, tum ut transgressio ejus esset voluntaria, quatenus obnoxios reddebatur posteros.

Neque etiam sequitur damnandas esse nuptias aut peccare parentes, dum generant; quia nec actus conjugalis, nec ipsi parentes sunt vera causa peccati originalis, sed tantum conditio, sine qua non traduceretur peccatum originale: sicut creanti Deo, inquit Sanctus Augustinus lib. 3. contra Julianum cap. 24. non imputatur, quod rationales nature a bono deficiunt, sed quod bonum sunt; sic parentibus gignentibus, & malo concupiscentiæ bene utentibus non imputandum est, quod cum eo malo filii nascuntur, sed quod bonum sunt.

Ad id vero, quod objiciebat Julianus, parentes a labe peccati originalis per Baptismum purgatos, non posse transfundere in liberos peccatum quod non habent, respondet S. Augustinus, triticum licet a paleis purgatum, generare tamen aliud triticum paleis involutum, & semen oleæ producere oleastrum, seu oleam sylvestrem. Ideo autem parentes baptizati communicant peccatum, quod non habent, quia non sunt illius origo, sed instrumenta, ac veluti canales, per quos peccatum a primo parente transmittitur.

Instabis: licet Deus sit omnipotens, & supremus omnium Dominus, non potest facere quod repugnat: atqui repugnat actionem ab alio elicitam sine meo consensu, quin & invincibiliter me ignorante, ex dispositione Dei

Dei iam esse in me voluntariam, ut ex ea sim vel laudandus & premio donandus, si bona sit, vel vituperandus, & damnandus, si mala 1. quia voluntarium definitur id, quod sit a principio interno cognoscente singula, in quibus est actio. Hinc actio alterius, quam non approbo, non est voluntaria respectu mei, quia est a principio mihi extraneo. Similiter quod facio per ignorantiam invincibilem, non est in me voluntarium, multo minus quod sit ab alio me prorsus ignorante. 2. quid absurdius, magisque repugnans fingi possit, quam me ideo vituperandum, & damnandum esse propter blasphemiam hominis apud Indos constituti; quia Deus pro suo supremo dominio in omnium voluntates, meam in illo homine reposuit, me non consentiente & ignorante? 3. quia per veterem Adam peccatores constituti sunt multi, sicut per novum Adam iusti constituuntur multi: atqui fideles non ita iustificantur in Christo, ut per ullum ejus opus bonum fiant laude digni, merenturque vitam æternam; parvuli enim recens baptizati illam non consequuntur, tamquam premium aut mercedem, sed tamquam hereditatem: Ergo.

R. 1. Si nulla esset difficultas in explicando peccato originali, transductio ejus non esset mysterium, nec fidei indigeremus ad illud credendum.

Hic ergo, sicut in aliis mysteriis, agnoscenda est imbecillitas ingenii humani, exclamandumque cum Apostolo Rom. 11. *O altitudo divitiarum sapientiæ & scientiæ Dei, quam incomprehensibilia sunt iudicia ejus, & investigabiles viæ ejus! Quis enim cognovit sensum Domini? aut quis consiliarius ejus fuit?* Nimirum ut rationem reddat eorum omnium, quæ infinita sua sapientia profert de Thesauris suis. Verum cum Theologi sit respondere argumentis, quæ contra Religionis nostræ mysteria ab infidelibus proponuntur, ostendereque ea non esse contra, sed solum supra rationem:

R. 2. Argumenta in objectione collecta, concludere dumtaxat pro peccato personali, non pro peccato naturæ, quale est peccatum originale. Equidem ad

pec-

peccatum personale requiritur usus & libertas propriæ voluntatis: sed ad peccatum naturæ sufficit voluntas naturæ, seu capitis, in quo erat natura. Ita S. Thomas in 2. dist. 30. q. 2. art. 2. ubi sic scribit: „Oportet, quod secundum hoc, quod aliquid rationem culpæ habet, secundum hoc ratio voluntatis reperitur. Sicut autem est quoddam bonum, quod respicit naturam, & quoddam quod respicit personam, ita etiam est quædam culpa naturæ, & quædam personæ. Unde ad culpam personæ requiritur voluntas personæ, sicut patet in culpa actuali, quæ per actum personæ committitur: ad culpam vero naturæ non requiritur, nisi voluntas in natura illa.“ Juxta quam doctrinam

R. 3. In forma ad objectionem, distinguendo minorem, repugnat actionem ab alio elicitam sine meo consensu esse in me voluntariam voluntate personali, Concedo: voluntate naturæ, Nego minorem; quid enim repugnat naturam in capite peccatricem, ideoque vituperabilem spoliari donis supernaturalibus, vulnerari in naturalibus, quatenus nempe propter peccatum originale appetitus sensitivus, & inferiores potentie fiunt acrius impetere rationem, quam si homo in puris naturalibus conditus fuisset? Quod si cui durum nimis videatur, propter hujusmodi peccatum naturæ homines æterno igne cruciandos, responsio in promptu est, quod tale obsequium fides a nobis non exigit, liceatque unicuique credere cum pluribus Catholicis, parvulos propter peccatum originale privandos dumtaxat æterna beatitudine; sed de pœnis peccati originalis postea.

§. II.

Quid sit peccatum originale; & in quo formaliter consistat?

Respondeo cum Sancto Augustino lib. de moribus Ecclesiæ cap. 22. hoc peccato antiquo nihil est ad prædicandum notius: nihil ad intelligendum secretius
Hinc

Hinc nascitur opinionum diversitas circa essentiam peccati originalis; nam ex Tertulliano, varietas opinionum venit ex ignorantia veritatis.

Ac 1. ex Heterodoxis Mathias Illyricus Lutheranus docuit peccatum originale esse quandam substantiam malam a diabolo productam, ita ut homo per peccatum originale fuerit substantialiter mutatus. Ceteri vero Lutherani & Calvinistæ sentiunt peccatum originale esse formaliter ipsam concupiscentiam, seu naturæ humanæ corruptionem, & quandam pravitatem in omnes animæ partes diffusam. Ita Calvinus lib. 2. Instit. cap. 1. *Videtur ergo, inquit, peccatum originale hereditaria natura nostræ pravitas, & corruptio in omnes animæ partes diffusa, quæ primum facit reos iræ Dei, tum etiam opera in nobis profert, quæ Scriptura vocat opera carnis, atque id est propriè, quod a Paulo sæpius peccatum nominatur.*

Dixi, formaliter, ut innuerem concupiscentiam in mente Novatorum habere veram rationem peccati, cum contra Catholici constanter propugnent eam non dici peccatum, nisi metaphorice, vel ad summum materialiter, ut nonnulli contendunt.

Atque ex hoc falso principio Adversarii deducunt peccatum originale per Baptismum non deleri, sed tegi dumtaxat in prædestinatis, cum in iis concupiscentia remaneat, ac in illorum sententia, bona etiam justorum opera inficiat, ut diximus Tract. de Gratia.

Ut autem pateat in quo situs sit Novatorum error,

Nota duplicem distingui concupiscentiam, actua-lem scilicet, & habitualem. Actualis sunt actus inordinati, & indeliberati, qui contra rationem & legem Dei exurgunt: habitualis vero est naturalis propensio in bonum privatum.

Rursus concupiscentia habitualis tripliciter sumi potest. 1. Pro propensione ad bonum sensibile, quatenus est conveniens naturæ rationali; voluntas enim est inclinatio in bonum totius suppositi, quod cum sit sensibile & rationale, naturaliter propendet in bonum honestum & sensibile: *In tantum concupiscere est hominè*

naturæ

naturale, inquit S. Thomas 1. 2. q. 82. art. 3. ad 1. in quantum est secundum rationis ordinem; concupiscentia autem quæ transcendit limites rationis, inest hominibus contra naturam, & talis est concupiscentia originalis peccati. 2. Strictius pro qualibet inordinatione virium animæ, & hoc sensu concupiscentia diffunditur in omnes animæ potentias, voluntatem scilicet, intellectum, & appetitum sensitivum. 3. Strictissime pro inordinatione membrorum corporis, vel ipsius animæ, quæ vitiose propensa est ad voluptates carnis, quæ ex tactu percipiuntur.

Porro in mente Adversariorum, neque concupiscentia actualis, neque habitualis primo modo sumpta, est formaliter peccatum originale. Non quidem actualis, quia est aliquid consequens ad peccatum originale, & est verus ejus effectus. Neque habitualis primo modo spectata, quia ut sic est homini naturalis, competebarque Adamo in statu innocentie: ergo concupiscentia secundo & tertio modo duntaxat est formaliter peccatum originale, juxta Novatorum doctrinam.

Catholici explosa Hæreticorum impietate, in varias abeunt sententias circa formalem peccati originalis rationem.

Prima est eorum, qui reponunt peccatum originale in morbida quadam qualitate, quæ ex carne per peccatum infecta derivatur in animam. Ita Henricus a Gandavo quodlib. 2. quæst. 11. & Gregorius Ariminenſis in 2. dist. 20. q. 3. art. 1.

Secunda est Alberti Pighii in controversia de peccato originali, & Catharini in Opusculo de peccato originali, disput. 6. qui definiunt peccatum originale esse denominationem extrinsecam petitam ab actuali prævaricatione Adami, in quo omnes eramus, adeo ut peccatum originale non sit unicuique proprium.

Tertia est plurium Theologorum, & maxime Thomistarum, qui docent peccatum originale materialiter esse concupiscentiam habitualement secundo & tertio modo spectatam, formaliter vero defectum justitiæ originalis, & in hanc sententiam inclinare videtur

Sanctus Thomas 1. 2. q. 82. art. 3. ubi sic habet :
 „ Oppositorum oppositæ sunt causæ : est igitur at-
 „ tendenda causâ originalis peccati ex causâ origi-
 „ nalis justitiæ , quæ ei opponitur : tota autem or-
 „ dinatio originalis justitiæ ex hoc est , quod volun-
 „ tas hominis erat Deo subiecta , quæ quidem subje-
 „ ctio primo & principaliter erat per voluntatem
 „ cuius est movere omnes alias partes in fine . Un-
 „ de ex aversione voluntatis a Deo consecuta est
 „ inordinatio in omnis aliis animæ viribus . Sic ergo
 „ privatio originalis justitiæ , per quam voluntas sub-
 „ debatur , est formale in peccato originali : omnis
 „ autem alia inordinatio virium animæ se habet in
 „ peccato originali , sicut quiddam materiale
 „ quæ ipsidem inordinatio communi nomine potest di-
 „ ci concupiscentia .

Quarta Sententia in Scholis admodum communis ,
 statuit peccatum originale materialiter esse privatio-
 nem justitiæ originalis inadequate sumptæ , hoc est ,
 gratiæ sanctificantis ; formaliter vero ipsummet pec-
 catum actuale , quod in Adamo commisimus , quod-
 que moraliter in unoquoque permanet , tanquam ve-
 ra macula , donec Baptismo , vel perfecta conversio-
 ne ad Deum fuerit absterfa : namque , inquit illi
 Theologi , peccatum originale est in posteris Adam
 per modum habitus : ergo de eo idem sentiendum ,
 quod de peccato habituali : atqui ex dictis peccatum
 habituale est privatio gratiæ sanctificantis propter
 actum malum , qui præcessit : homicidium , inquit
 Sanctus Augustinus , transit actu , sed manet reatu ,
 hoc est , licet percussio injusta præterita sit , præsens
 tamen est illius macula , a quo percussor denomina-
 tur homicida & peccator : nec deleri potest nisi per
 infusionem gratiæ sanctificantis : ergo similiter pecca-
 tum originale , cum sit habituale , est privatio gratiæ
 sanctificantis propter actualem prævaricationem , cuius
 roa est posteritas Adam , in quo omnes unus homo
 erant , quæque in non renatis moraliter manet . Pres-
 sus dici potest in hac sententia peccatum originale
 esse privationem justitiæ originalis quatenus est habi-
 tua-

totalis aversio à Deo propter pravariationem, quæ præcessit in Adamo.

Dixi, privationem justitiæ originalis, inadæquate sumptæ. tria enim complectitur justitia originalis. Primum est, perfecta subjectio voluntatis ad Deum per gratiam sanctificantem. Secundum, integra subordinatio virium inferiorum ad rationem. Tertium, obedientia corporis ad animam, per quam corpus incorruptibile animam non gravabat, nec ullis molestiis premebat. Primum autem est causa secundi & terti, ut docet S. Augustinus in Plal. 143. *Agnosce ordinem*, inquit, *quare pacem: tu Deo, tibi caro. Quid justius? quid pulchrius? tu majori, minor tibi: servi tu ei, qui fecit te, ut tibi serviat, quod factum est propter te... si autem contemnis tu servire Deo, nunquam efficies, ut tibi caro. Qui nam obtemperas Domino, torqueris a servo.* Et S. Thomas opulc. 2. c. 192. „ Quia, inquit, tam ordinata integritas tota causa-
„ batur ex subjectione humane voluntatis ad Deum,
„ consequens fuit, ut subducta humana voluntate à
„ subjectione divina, deperiret illa perfecta subjectio
„ inferiorum virium ad rationem, & corporis ad
„ animam: unde consecutum est, ut homo sentiret
„ in inferiori appetitu sensibili concupiscentiæ, &
„ iræ, & ceterarum passionum inordinatos motus,
„ non secundum ordinem rationis, sed magis repu-
„ gnantes, & eam plerumque obnubilantes, & quasi
„ perturbantes. Consecutum est etiam, ut in corpo-
„ re sentiretur corruptionis defectus, ac per hoc ho-
„ mo incurreret necessitatem moriendi, quasi anima
„ jam non valente corpus in perpetuum continere.

Si privatio justitiæ originalis spectetur tertio modo, nullus dixerit eam esse formaliter peccatum originale, cum Christus habuerit corpus mortale, & doloribus obnoxium: si secundo modo, soli Heretici asserunt eam esse formaliter peccatum originale. Restat ergo, ut in hac quarta sententia privatio justitiæ originalis primo modo duntaxat sit ratio formalis peccati originalis.

§. III.

*Expenduntur sententiæ Hæreticorum circa rationem
formalem peccati originalis.*

Q. 1. **U**trum peccatum originale sit substantia ma-
la a Diabolo producta, ut concedit Illy-
ricus?

R. Minime 1. quia Jo: 1. omnia per ipsum (Ver-
bum) facta sunt, & sine ipso factum est nihil: ergo
nulla est substantia, nisi sit a Deo: atqui peccatum
non est a Deo: ergo peccatum originale non est sub-
stantia. Hinc S. Augustinus conc. 1. in Psalm. 68.
Quia per iniquitatem, inquit, homo lapsus est a sub-
stantia, in qua factus est: (iniquitas quippe ipsa non
est substantia, non enim iniquitas est natura, quam
formavit Deus: sed iniquitas est perversitas, quam fecit
homo) venit Filius Dei ad limbum profundum, & non
est substantia: omnia per ipsum facta sunt, & sine
ipso factum est nihil: Natura omnes per ipsum facta
sunt, iniquitas per ipsum facta non est; quia iniquitas
facta non est. 2. quia illa impia sententia olim da-
mnata est in Manichæis, qui teste S. August. vole-
bant malum esse aliquam substantiam naturæ nostræ
admixtam: 3. quia inde sequeretur peccatum origina-
le non auferri per Baptismum, cum in illo nulla
auferatur forma substantialis.

Dices 1. Sunt actus essentialiter mali & peccata
formaliter, ut blasphemia, qui secundum esse mate-
riale & physicum sunt a Deo; secundum vero mo-
ralem inordinationem a mala voluntate: ergo a pari
absque injuria Creatoris, potest dari aliqua substantia
essentialiter mala, producta a Deo quidem, si spectetur
ejus entitas physica, quia ut sic creatura est: &
voluntate vero mala sive Dæmonis, sive primi pa-
rentis, si ratio habeatur inordinationis moralis, quæ
in ipsa inest.

R. 2. Retorquendo argumentum contra Illyricum:
omnis actus inordinatus secundum entitatem, & physice
spe-

spectatus, est bonus: ergo & omnis substantia: ergo nulla est natura substantialiter mala, nec proinde peccatum formaliter.

R. 2. Inordinatio consequens naturam humanam in origine vitiatam, est ipsamet concupiscentia, quæ, quatenus rationi & legi repugnans, est mala, sed ut sic non est substantia, sed defectus, nec potest dici peccatum originale, nisi materialiter, quia manet in renatis, in quibus deleta est macula peccati originalis.

Instabis: ex præcedentibus actibus malis generatur habitus erroris & vitii: quidni & substantia mala?

R. 1. Quæstio est inter Philosophos, an habitus mali sint qualitates realiter distinctæ? Plures negant, contenduntque esse meras modificationes. 2. Si sint qualitates realiter distinctæ, certe non sunt peccata formaliter, sed propensiones dumtaxat ad peccatum, utpote quæ aliquandiu remaneant in homine a peccatis justificato. Quod autem sunt habitus vitiosi, idipsum est habitualis inordinatio concupiscentiæ.

Dices 2. Peccatum originale dicitur radix omnium peccatorum, corpus peccati, *vetus homo noster*, inquit Apostolus Rom. 6. *simul crucifixus est, ut destrueretur corpus peccati*: atqui radix & corpus denotant substantiam: ergo.

Nego min. Namque 1. cupiditas, quæ sane substantia non est, dicitur ab Apostolo 1. Tim. 6. *radix omnium malorum*; 2. corpus peccati proprie est collectio plurium peccatorum, quæ destruitur per gratiæ adjectionem, non per substantiæ interitum, ut loquitur Tertullianus lib. de Resurrectione carnis cap. 47. *ut evacuetur corpus delinquentiæ per emendationem vitæ, non per interitum substantiæ.*

Dices 3. Quod est divinæ legi contrarium, illud est peccatum proprie dictum: atqui natura humana per peccatum originale vitata est legi contraria; Ergo.

Dist. min. Est contraria propter peccatum ipsi inherens, Concedo: est contraria per seipsam & propriam substantiam, Nego min.

Dices 4. Natura humana creata fuit imago Dei : atqui peccatum originale destruxit imaginem Dei .

Dist. min. destruxit imaginem Dei accidentalem , quæ consistit in donis supernaturalibus , Concedo : imaginem substantialem , quæ consistit in anima rationali , quæ spiritalis est , intellectu & voluntate prædita , sicut & ipse Deus : Nego min.

Q. 2. Peccatum originale estne formaliter ipsa concupiscentia ?

R. De fide est , non esse concupiscentiam ; ita enim definivit Concilium Tridentinum , sess. 5. Can. 5. Si quis , per Jesu Christi Domini nostri gratiam , quæ in Baptismate confertur , reatum originis peccati remitti negat , aut etiam asserit non tolli totum id , quod veram & propriam rationem peccati habet , sed illud dicit tantum radè , aut non amputari , anathema sit manere autem in Baptizatis concupiscentiam vel fomittem , hæc sancta Synodus fatetur , & sentit : quæ cum ad agonem relicta sit , nocere non consentientibus , sed utiliter per Christi Jesu gratiam repugnantibus non valet hanc concupiscentiam quam aliquando Apostolus peccatum appellat , sancta Synodus declarat Ecclesiam Catholicam nunquam intellexisse peccatum appellari , quod vere & proprie in renatis sit , sed quia ex peccato est , & ad peccatum inclinat . Si quis autem contrarium senserit , anathema sit .

Probat. 1. ex Scriptura , Rom. 8. nihil ergo damnationis est iis , qui sunt in Christo Jesu . Et c. 6. qui mortui sumus peccato , quomodo vivemus in illo ? 1. Jo. 1. sanguis ejus emandat nos ab omni peccato .

Nec dicant Adversarii , nihil esse damnationis in renatis , quia peccatum , quod in ipsis inest , per justificationem Christi tegitur , nec imputatur .

Nam Apostolus Coloss. 3. dicit non exuere veterem hominem , & induere novum , exspoliantes vos , inquit , veterem hominem cum affectibus suis , & induentes novum .

Deinde cap. 6. v. 2. & 4. Epist. ad Rom. confert renovationem , quæ fit in Baptismo eam , resurrectione Christi , Mortui sumus peccato , inquit , ut quomodo
Christi

Christus surrexit a mortuis per gloriam Patris, ita & nos in novitate vite ambulemus: atqui Christus resurgens corruptionem carnis & moralitatem non tenuit per indumentum gloriæ, sed prorsus deposuit. Ergo pariter in mente Apostoli ita Christum in Baptismo induimus, ut omnem prorsus peccati maculam exuamus. Plura vide in tractatu de Gratia cap. 4. §. 1.

Probatur 2. ex S. Aug. lib. 1. de nupt. & concup. c. 23. ubi sic habet: Nam ipsa quidem concupiscentia jam non est peccatum in regeneratis, quando illi ad illicita opera non consentitur, atque ut ea perpetrent a regina mente membra non dantur: ut si non sit, quod scriptum est, non concupiscas, fiat saltem quod alibi legitur, post concupiscentias tuas non eas. Sed quia modo quodam loquendi peccatum vocatur, quod & peccato factum est, & peccatum (si vicerit) facit, reatus ejus valet in regenerato: quem reatum Christi gratia per remissionem omnium peccatorum in regenerato. (si ad mala opera ei quodammodo jubenti non obediat) valere non sinit. Sic autem vocatur peccatum, quia peccata facta est, cum jam in regeneratis non sit ipsa peccatum, sicut vocatur lingua locutio, quam facit lingua, & manus vocatur scriptura, quam facit manus. Idemque sic vocatur peccatum, quia peccatum (si vincit) facit, sicut vocatur frigus pigrum, non quod a pigris fiat, sed quod pigros faciat. Quæ verba adeo clara sunt, ut Calvinus non possit ea obscurare, faterique cogatur lib. 3. Instituit. cap. 3. §. 10. Augustinum in hac parte sibi esse contrarium.

Dices 1. concupiscentia est peccatum, ex Apostolo Rom. 7. jam non ego, inquit, operor illud, sed quod habitat in me peccatum, id est, concupiscentia. Ergo.

Distingo antecedens: est peccatum metaphorice, Concedo: est peccatum vere & proprie, Nego antea Sanctus Augustinus, & Patres Tridentini supra laudati.

Dices 2. Sanctus Augustinus lib. de nupt. & concup. capite 26. dicit concupiscentia in renatis jam non esse peccatum: ergo supponit fuisse peccatum in non

donatis. In eis, ergo, inquit, qui regenerantur in Christo, cum remissionem accipiunt prorsus omnium peccatorum, utique necesse est, ut reatus etiam hujus licet adhuc manentis concupiscentiæ remittatur, ut in peccatum (sicut dixi) non imputetur. Tum eam conferens cum peccato habituali adulterii subdit, manet, si non remittatur, sed quomodo manet, si præteritum sit, nec amplius fiat, nisi quia præterit actus, manet reatus? Ergo secundum S. Augustinum concupiscentia proprie peccatum est; non actuale: ergo habituale & originale; & lib. 3. contra Julianum cap. 3. scribit, sicut cecitas cordis & peccatum est, quo in Deum non creditur, & pœna peccati, qua cor superbum digna animadversione punitur: & causa peccati, cum aliquid mali cordis errore committitur: Ita carnis concupiscentia, adversus quam bonus spiritus concupiscit, & peccatum est, quia inest illi inobedientia contra dominatum mentis: & pœna peccati est, quia reddita est meritis inobedientis: & causa peccati defectione consentientis, vel contagione nascentis: ergo concupiscentia peccatum est, non solum quia est a peccato & pœna peccati præcedentis, & causa subsequentium, sed vere & proprie ipsa met est peccatum.

Confirmatur ex S. Augustino, concupiscentia non est a Patre, odio habetur a Deo: atqui omnia sunt a Patre, præter peccatum proprie dictum, nihilque odit Deum eorum, quæ fecit: ergo concupiscentia proprie peccatum.

R. 1. Reatus concupiscentiæ, qui tollitur per Baptismum, est inordinatio, & habitualis aversio a Deo, in qua dicemus §. sequenti, consistere formaliter peccatum originale. Tollitur autem hæc aversio per gratiam sanctificantem, qua voluntas est habitualiter conversa ad Deum, eique subdita, ita ut ceteri defectus, qui remanent post Baptismum sub nomine concupiscentiæ, jam censeantur involuntarii, & contra inclinationem voluntatis per gratiam renovatæ. Unde

R. 2. Distinguendo: ita renatis concupiscentia est peccatum metaphorice tantum, quia est involuntaria si ei non consentiatur; est pœna peccati, quod in

Adamo

Adamo præcessit : & causa peccati , cum extorquet consensum , Concedo : est peccatum formaliter , Nego . Hæc omnia patent ex laudato cap. 23. lib. de concup. ut agnoscit ipse Calvinus .

Ad confirmationem respondeo : concupiscentia quatenus spectatur , ut simplex inclinatio ad bonum sensibile , est a Deo & ab eo diligitur , ut sic enim est bonum quoddam naturale , & consentaneum creaturæ rationali , ut præcedenti §. diximus . Sed quatenus deficit , & est inordinata propensio in bonum sensibile , non est a Deo , nec ab eo diligitur ; est enim defectus , qui refundi non debet in auctorem , sicut nec rubigo ferri in artificem , quia ejusmodi defectus non oriuntur ex aliqua culpa opificis , sed ex ipsamet natura defectibili . Unde ex eodem Sancto Augustino lib. 1. Retractionum cap. 9. *Quamvis ignorantia , & difficultas essent primordia naturalia , nec sit culpandus Deus , sed laudandus esset .*

Instabis ; Deus non potest esse ductor habitus vitiosi , puta intemperantiæ , quia inclinat ad malum ; ergo non concupiscentiæ .

Nego consequ. & paritatem . In eo differt habitus vitiosus a concupiscentia , quod ille per se inclinet ad malum ; intemperantia , v. g. est formaliter inclinatio ad sumendum cibum & potum contra rationis ordinem , quod est per se malum , cum ex dictis Tractatu præcedenti ; malitia sit ipsa difformitas contraria naturæ rationali . At concupiscentia per se inclinat dumtaxat ad bonum sensibile quod est conveniens naturæ sensitivæ , quæ cum in homine sit etiam rationalis , debet regi a ratione , tanquam inferior a superiore .

Confirmatur responsio : Nullus potest bene uti habitu vitioso , quia per se malus est , & contrarius rationi : at concupiscentia bene utimur sancti conjuges , ex Sancto August. lib. 2. de sup. & concup. cap. 21. ergo per se mala non est , sed per accidens , quatenus impedit rationis officium ; sed ad id per se non tendit , sicut habitus vitiosus .

§. IV.

*Expenduntur sententiæ Catholicorum circa formalem
rationem peccati originalis.*

Q. 1. **P**eccatum originale estne qualitas morbida?
R. Est fictitia illa qualitas, & prorsus
impossibilis: vel enim naturaliter produceretur ex actua-
li Adæ peccato, vel supernaturaliter: atqui neutrum
dici potest: non primum; quid enim habuit speciale
prævaricatio Adami, quod non habeant ceteræ præva-
ricationes? atqui aliæ prævaricationes, puta homici-
dia, adulteria, non producant qualitatem morbidam
in corpore peccantis; quæ transeat ad ejus posteros;
ergo neque prævaricatio Adami. Non secundum; quia
si supernaturaliter a Deo produceretur, Deus esset au-
ctor peccati, quod impium est dicere: Ergo.

Q. 2. *Peccatum originale consistitne formaliter in
denominatione extrinseca, petita a peccato actuali A-
dami?*

R. Non consistit; Probaturque 1. ex Scriptura,
Rom. 5. *Per unum hominem peccatum intravit in mun-
dum, & per peccatum mors:* atqui peccatum actuale
Adami, cum fuerit actus immanens, non intravit in
mundum: ergo præter peccatum actuale Adami datur
aliquid intrinsecum ad posteros ejus transiens. Deinde
Apostolus ibidem docet, peccatum, sicut mortem, in
omnes transisse: ergo: sicut mors est in unoquoque,
ita & peccatum; neque enim quis potest magis dici
peccator peccato alterius, quam mortalis alterius mor-
talitate. Denique Apostolus eo loci comparat pecca-
tum: quod trahimus ex Adamo, cum justitia, quam
haurimus ex Christo: atqui illa justitia non est for-
maliter ipsa Christi justitia, a qua intrinsicè iusti de-
nominantur; sed est justitia intrinsicè inherens; ergo
peccatum originale non est actuale Adami peccatum,
a quo parvuli formaliter denominantur peccatores.

Probatur 2. Ex Concilio Tridentino, sess. 5. can.
1. in quo sic definit: *Si quis hoc Adæ peccatum,
quod*

quod origine unum est, propagatione, non imitatione transfusum omnibus inest, unicuique proprium.... per aliud remedium asserit tolli, quam per meritum mediatoris Domini nostri Jesu Christi... anathema sit. Hinc; sententia Pighii & Catharini, quam hic impugnamus, communiter rejicitur, ut erronea, & in fide periculosa, quin & a quibusdam, ut a Suarez, habetur tanquam hæretica. Sed benigne explicatur a Bellarmino hoc sensu, quod ita docuerint illi auctores, peccatum originale esse denominationem extrinsecam petitam a peccato actuali Adami, ut non negaverint inde consecutam maculam habitualement, quæ in unoquoque inest, nisi renascatur in Christo.

Q. 3. *Concupiscentia estne proprie peccati originalis quiddam materiale?*

R. Minime, tum quia concupiscentia, in omnium sententia est pœna peccati originalis: atqui omnis pœna præsupponit peccatum, & est quid ad aliud consequens: tum quia concupiscentia, ex Concilio Tridentino, manet in renatis, nec per Baptismum tollitur: atqui ex eodem Concilio per Baptismum tollitur omne quod habet rationem peccati: ergo concupiscentia non habet rationem peccati, nec proprie est essentialis ejus materia.

Dices: Hæc responsio aperte pugnat contra manifestam doctrinam sancti Augustini & sancti Thomæ. De mente sancti Thomæ constat ex articulo tertio supra laudato, cap. 7. §. 2. in quo ex professo statuitur concupiscentiam esse materiale peccati originalis: *Privatio, inquit, originalis justitiæ, per quam voluntas subdebatur, est formale in peccato originali; omnis autem alia inordinatio virium animæ se habet in peccato originali sicut quiddam materiale.... quæ quidem inordinatio communi nomine potest dici concupiscentia.*

Quod autem hæc sit ipsissima sancti Augustini doctrina, probant omnes libri, quos pro stabiliendo dogmate de peccato originali, scripsit contra Pelagianos, ex quibus duos textus duntaxat proferemus.

Primus peritur ex lib. 5. contra Jul. cap. 3. in quo sic habet 1. *Concupiscentia carnis & peccatum est,*

quia inest illi inobedientia contra dominatum mentis, & pana peccati est, quia reddita est meritis inobedientis, & causa peccati est defectione consentientis, vel contagione nascentis. Similia habet lib. 1. de nupt. & concupisc. cap. 25. Ad hæc, inquit, respondetur, dimitti concupiscentia carnis in Baptismo, non ut non sit, sed ut in peccatum non imputetur. Quamvis autem reatu suo jam soluto, manet tamen, donec sanetur omnis infirmitas: Ergo.

Distinguo antec. Concupiscentia in peccato originali est quiddam materiale improprie, Concedo: Proprie, Nego anteced. Ait enim S. Thomas, quod concupiscentia in peccato originali se habeat sicut quiddam materiale, quæ vox, sicut, denotat non esse ejus materiam essentialem, nec includi in conceptu formali peccati originalis: dicitur autem concupiscentia esse velut quiddam materiale peccati originalis, quia illud comitatur, & cum eo conjungitur in non renatis, in quibus propterea a S. August. vocatur peccatum, non quod ipsa præcise sit peccatum, cum maneat in renatis, in quibus nullum est peccatum proprie dictum. Unde sic argumentari licet: ex S. Aug. reatus peccati per Baptismum ita solvitur, ut concupiscentia ipsa secundum se spectata maneat: atqui concupiscentia, quæ manet in mentem ejusdem Sancti Doctoris, non est peccatum, sed quoddam peccati consociarium, nempe pœna & effectus peccati: ergo concupiscentia secundum se spectata non est materia essentialis peccati originalis: repugnat enim idem respectu ejusdem esse causam & effectum; peccatum & pœnam; cum hæc sint correlativa, quæ inter se opponuntur.

Q. 4. In quo igitur consistit formalis ratio peccati originalis?

R. In habituali aversione a Deo, quæ intelligitur in privatione justitiæ originalis primo modo spectatæ, hoc est, in privatione gratiæ sanctificantis propter actualem prævaricationem Adæ, in quo omnes eramus, ita ut ipsa privatio gratiæ sanctificantis sit materiale peccati, & aversio a Deo, quam S. Aug. vocat reatum peccati seu culpe, sit ipsum formale peccatum originale.

Pro-

Probatur 1. Ex refutatione aliarum opinionum.

Probatur 2. ex S. Anselmo, qui lib. de conceptu Virginis cap. 26. accuratius inquiris formalem rationem peccati originalis, cum S. Augustinus sollicitus fueris dumtaxat ejus existentiam statuere contra Pelagianos. Sic autem habet S. Anselmus: *Hoc peccatum, quod originale dico, aliud intelligere nequeo in ipsis infantibus, nisi ipsam, quam supra posui factam per inobedientiam Adæ; justitiæ debitæ nuditatem, per quam omnes filii sunt iræ.* In eodem quoque sensu accipienda sunt verba S. Thomæ cit. art. 3. *Privatio originalis justitiæ, per quam voluntas subdebatur Deo, est formale originale peccati.*

Probatur 3. Duplici ratione. Prima, peccatum originale non est actuale, sed habituale, cum permaneat in parvulis donec regerentur: atqui peccatum habituale ex dictis est privatio gratiæ sanctificantis cum relatione ad aliquem actum malum præcedentem, ratione cujus est voluntarium: ergo secunda in eo consistit essentia peccati originalis, a quo tanquam a radice fluunt cetera, quæ ad peccatum originale pertinent: atqui ex privatione gratiæ sanctificantis, seu justitiæ originalis primo modo sumptæ, sequuntur aliæ omnes inordinationes ex peccato Adami in nos per generationem transfusæ: Ergo.

Minor probatur ex S. Thoma 1. 2. quæst. 85. art. 3. in quo probat quatuor esse vulnera naturæ inflicta per peccatum originale: nempe infirmitatem, ignorantiam, malitiam, & concupiscentiam: *Sunt, inquit, quatuor potentie animæ, quæ possunt esse subiecta virtutum: scilicet ratio, in qua est prudentia; voluntas, in qua est justitiæ; irascibilis, in qua est fortitudo; concupiscibilis, in qua est temperantia. In quantum ergo ratio destituitur suo ordine ad verum, est vulnus ignorantie; in quantum vero voluntas destituitur ordine ad bonum, est vulnus malitiæ; in quantum vero irascibilis destituitur suo ordine ad audaciam, est vulnus infirmitatis; in quantum vero concupiscentia destituitur ordine ad desiderabile moderatum ratione, est vulnus concupiscentiæ. Sic igitur ista quatuor sunt vulnera inflicta toti humanæ*

naturæ.

natura ex peccato primi parentis: atqui quatuor illa vulnera procedunt ex privatione iustitiæ originalis, quatenus subdebat mentem Deo, seu, quod idem est, ex aversione a Deo, quemadmodum docet S. August. serm. 30. alias 22. de verbis Apostoli: Ipse, inquit, quando hominem creavit, utrumque fecit: utrumque coniunxit, carnem animæ subdit, animam sibi: si semper illa staret sub domino suo, semper & ista obediret domino suo. Noli ergo mirari, si ea quæ deseruit superiori, penam patitur per inferiorem. Ergo ratio formalis peccati originalis consistit in habituali aversione a Deo.

Dices: Privatio iustitiæ originalis, seu gratiæ sanctificantis, est effectus & pœna peccati: ergo non est ipsum peccatum.

Dist. ant. Est effectus & pœna peccati actualis, quod in Adamo præcessit. Conc. Peccati originalis, Nego ant. Est enim ipsummet peccatum originale, quemadmodum in adultis peccatum habituale est ipsamet privatio gratiæ sanctificantis propter actum malum, qui præcessit.

Instabis: Privatio gratiæ sanctificantis est a Deo subtrahente influxum, quo conservabatur iustitia originalis: atqui peccatum non est a Deo: ergo privatio iustitiæ originalis non potest dici peccatum originale.

Dist. maj. Privatio gratiæ sanctificantis est a Deo physice, Conc. Moraliter, tanquam a causâ particulari determinante secundam, Nego maj. Quemadmodum enim actus malus, v. gr. homicidium materialiter & physice spectatus, est a Deo tanquam a causâ universali concurrente cum causâ secunda; nec propterea Deus potest dici auctor peccati, quia defectus est refundendus in creaturam, tanquam in causam moralem, quæ voluntarie & libere se determinavit ad actum illum: ita privatio, seu subtractio gratiæ sanctificantis materialiter & physice est a Deo, quatenus est cessatio divini influxus conservantis supernaturalem illum habitum; sed quatenus est voluntaria aversio, seu separatio a Deo, est a deficiente voluntate sive propria, si
pec-

peccatum sit personale, siue capitis, si originale. Porro in hac aversione consistit formale peccati habitus & originalis; est enim turpe, vituperabile & damnable, quod voluntas deficiat a lege æterna, & ab ultimo suo fine avertatur. Censetur autem voluntas permanere in illa aversione, quandiu actus malus præcedens non est retractatus: *Adulterium*, inquiebat supra S. August. *præterit actus, remanet reatu.*

Ergo peccatum originale est mortale, quia est habitualis aversio a Deo: sicut enim recedente anima, moritur corpus, ita Deo deferente, moritur anima, non quidem omittendo vitam naturalem, sic enim est immortalis; sed supernaturalem, quæ consistit in unionem cum Deo.

Ergo peccatum originale inducit pœnam damni, hoc est, privationem æternæ beatitudinis, quæ est hæreditas paterna, hæreditas enim non pertinet nisi ad filios. Porro gratia sanctificans est adoptio, qua formaliter privat peccatum originale. Hinc ab Apostolo dicimur nasci filii iræ.

Ergo peccatum originale minus est peccato habituali personali, quia minus habet voluntariū, cum non sit voluntarium nisi voluntate Adami. Utrum autem sit gravius peccato veniali, quæstio est, ad quam Bellesminus cum nonnullis aliis respondet, lib. 4. de amissionē grat. cap. 10. peccatum veniale gravius esse in ratione voluntarii, minus vero in ratione mali, quia peccatum originale est privatio gratiæ sanctificantis, & consequenter æternæ felicitatis. Sed cum peccata ista sint diversi generis, vix inter se comparari possunt.

Hinc nascitur alia quæstio, utrum peccatum actuale & originale conveniant univoce. Alii probabilius affirmant; quia utrique convenit definitio peccati in genere, utrumque enim est privatio rectitudinis, quæ secundum rectam rationem deberet inesse: ex eo autem, quod unum sit voluntarium voluntate propria, alterum voluntate capitis, solum concluditur illa peccata differre specie.

§. V.

Quomodo traducatur peccatum originale?

Respondet S. August. lib. 5. contra Julian. cap. 3. *Hic libentius discō, quam dico; nec audeo docere quod nescio.* Additque epist. 167. alias 19. ideo Scripturam hic obscurius loqui, quam cum agitur de existentia peccati originalis: quia prius non est ita ad salutem necessarium, ac posterius: *Eleganter autem, inquit, dictum esse narratur, quod huic rei satis apte convenit. Cum quidam misisset in puteum . . . accessit alius, & eo viso, admirans ait: Quomodo hic cecidisti? At ille: Obsecro, inquit, cogita quomodo hinc me liberes, non quomodo hic ceciderim, queras.* Ita quoque fatemur, & fide catholica tenemur de reatu peccati, tanquam de puteo, etiam parvuli infantis animam Christi gratia liberandam; satis est ei, quod modo quomodo salva fiat, novimus; etiam si nunquam quomodo in malum illud devenerit, noverimus. Nihilominus ad propositam questionem cum communi Schola.

R. Traducitur peccatum originale per generationem & seminalem propagationem. Ita S. Thom. 1. 2. quæst. 81. art. 4. *Peccatum originale, inquit, a primo parente traducitur in posteros, in quantum moventur ab ipso per generationem, sicut membra moventur ab anima ad peccatum actuale. Non autem est motio ad generationem, nisi per virtutem activam in generatione. Unde illi soli peccatum originale contrahunt, qui ab Adam descendunt per virtutem activam in generatione originaliter ab Adam derivatam, quod est secundum seminalem rationem ab eo descendere; nam ratio seminalis nihil aliud est, quam vis activa in generatione. Si autem aliquis formaretur virtute divina ex carne humana, manifestum est quod vis activa non derivaretur ab Adam, unde non contraheret peccatum originale; sicut nec actus manus pertineret ad peccatum humanum, si manus non moveretur a voluntate hominis, sed ab aliquo extrinseco movente. Hinc si Eva ex cocta Adæ post ejus pec-*
catum

entum formata fuisset, peccato originali non fuisset inquinata, quia non existisses in Adam secundum feminalem rationem.

Confirm. resp. 1. ex cap. 24. Job, ubi vir sanctus sic loquitur: *Quis potest facere mundum de immundo conceptum semine?* 2. Ex Concilio Tridentino, sess. 6. cap. 1. *Sicut, inquit, reuera homines nisi ex semine Ada propagati nascerentur, non nascerentur iniusti, cum ea propagatione per ipsum, dum concipiuntur, propriam iniustitiam contrahant.*

Nec dicas per semen intelligi posse carnem, aut sanguinem, juxta illud Apostoli, Rom. 1. *Qui factus est ex semine David secundum carnem:* Hæc enim Concilii verba, cum ea propagatione per ipsum, dum concipiuntur, non faciunt aliud intelligi per semen, quam feminalem rationem. Christus quippe factus ex semine David & Adam secundum carnem, dici nequit conceptus sive per Davidem, sive per Adam.

Dices: Sola anima est subjectum peccati; semen autem, utpote corporeum, non attingit animam, quæ, cum sit spiritalis, non producit generatione, sed a Deo immediate creatur.

R. Et si anima non traducatur ex carne, nihilominus vi generationis producit naturam humanam, verèque dicitur homo generare hominem, quatenus virtute seminis eas dispositiones in materiam inducit, quas infallibiliter anima consequitur. Porro natura humana, quæ sic producit, infecta est in Adamo, communicaturque cum peccato. Nec aliud vult S. Aug. cap. 4. lib. 5. cont. Julian. ubi dicit: *Alterum in alio* (hoc est anima in corpore) *tanquam in vase vitiatum corrumpitur, ubi occulta iustitia dipina legis includitur.* Sensus enim est animam non pollui, quatenus creatur a Deo, sed quatenus conjungitur cum carne ex Adamo tracta; tunc enim efficitur pars hominis, qui in Adamo peccavit; conjungitur autem anima virtute seminis disponentis corpus ad animam rationalem.

Nec propterea fingas cum Gregorio Arimienfi qualitatem quandam morbidam ex sibili venenoso serpens derivatam, propter quam Adamus peccator gene-

generet peccatorem, sicut in semine leprosi est quidam realis corruptio, propter quam generat leprosum: tum quia serpens non est allocutus Adamum, sed Evam: tum quia physica illa qualitas per tot secula permanisset sine speciali Dei concursu, ad quem nefas est recurrere; Deus enim nec auctor, nec fautor est peccati. Corruptio igitur, & infectio est in semine moralis quidam defectus, quemadmodum si status innocentiae permanisset, virtus transmittendi iustitiam originalem fuisset quidam morale in semine.

Instabis: Concupiscentia, seu ardor libidinis, est causa propagationis peccati originalis: atque concupiscentia non est quid morale, sed physicum.

Maj. probi. Ex S. Aug. sic enim habet lib. 1. de peccatorum meritis, cap. 9. *Ille, in quo omnes moriuntur. . . occulta habet carnalis concupiscentia sua, tabificavit in se omnes de sua stirpe venientes.* Et lib. 1. de nupt. cap. 24. *Ex hac concupiscentia carnis quaecunque nascitur proles, originali est obligata peccato.* Atque inde concludit lib. 5. contra Julian. cap. 9. Conceptionem Christi Domini fuisse sine peccato, quia nullus fuit motus concupiscentiae: *Quid attinet, inquit, ad peccati originalis in omnes homines transfusum, quoniam per concupiscentiam carnis transit, transire in eam carnem non potuit, quam non per illam Virgo concepit.*

Nego maj. 1. Quia homo in puris naturalibus conditus non generaret sine ardore libidinis, & motu concupiscentiae, neque tamen peccatum transmitteret: contra vero qui ex posteris Adae singulari Dei privilegio filios absque sensu libidinis procrearet, nihilominus peccatum transfunderet: ergo libido, seu concupiscentia, tanquam morbida qualitas generantium, non est vera, & actualis causa peccati originalis. 2. Quia ideo parvuli precise contrahunt peccatum, quia nascuntur ex Adamo, in quo omnes peccaverunt, & natura humana vitata est. Signum autem huiusmodi vitii est concupiscentia, sine qua ne sanctissimi quidem conjuges generare solent.

Unde S. Augustinus ex uno alterum certo con-

clu-

edidit supposito hocce rerum statu. Cum ergo conceptio Christi Domini fuerit sine ullo concupiscentie motu, S. Doctor colligit fuisse quoque sine peccato.

Vera itaque & propria ratio, cur Christus Dominus non peccaverit in Adamo, nec ab eo peccatum in sua conceptione traxerit, ea est; quod in Adamo fuerit materialiter dumtaxat; quemadmodum ipse Adamus fuit in limo, ex quo formatus est, & Eva in costa Adami, ex quoeducta est. Ita S. Anselmus lib. de conceptu Virginis c. 23. in quo sic habet: *In illa (Maria) nec voluntas creature prolem seminavit, nec natura germinavit, sed spiritus sanctus, & virtus. Altissimi de Virgine muliere virum mirabiliter procreavit. Valde itaque diverso modo Christus erat in Adam, quando peccavit, quam erant alii, qui voluntaria & naturali cursu procreantur. Istus quodammodo facit Adam, quos per acceptam potestatem humana voluntas seminando, & natura germinando procreant. Istum vero non nisi Deus fecit, quamvis de Adam: quia non per Adam, sed per se velut de suo.*

Urgebis: idem Sanctus Anselmus c. 7. ejusdem libri de conceptu Virginis, ait: *Non magis est in semine culpa, quam in sputo, vel sanguine; si quis mala voluntate exspuit, aut de sanguine suo aliquid emittit. Non enim sputum aut sanguis, sed mala voluntas arguitur. Ergo peccatum originale non traducitur per viam seminalem.*

Distinguo anteced. Non magis est culpa formaliter in semine, quam in sputo vel sanguine, Concedo: Virtualiter, & instrumentaliter, Nego anteced.

Distinguo similiter consequens: Peccatum originale non traducitur per viam seminalem, tanquam per causam principem, Concedo: Tanquam per instrumentum, per quod communicatur natura humana infecta ex mala voluntate primi parentis, in quo omnes eramus, Nego consequens.

Duo itaque docet Sanctus Anselmus, nempe peccatum traduci per aliquid corporeum vitaliter seminatum, & nihilominus corporeum illud non esse formaliter malum, nec peccatum in eo habere semen, sed

in voluntate: *Pates igitur, inquit, quomodo & in infantibus non statim ab ipsa conceptione (scilicet inchoata, & nondum perfecta) non sit peccatum, quia nondum est anima, seu voluntas; & vera sint, quæ de divina Scriptura opposui, quippe non est in illis (nondum animatis) peccatum, quia non habent (sine qua non inest peccatum) voluntatem: & tamen dicitur inesse, quoniam in semine trahunt peccandi (cum homines jam erunt) necessitatem.*

§. VI.

Utrum peccatum primi parentis transeat ad omnes sine exceptione homines, qui via ordinaria ex ipso nascuntur.

R. 1. **D**Eus potest speciali privilegio aliquem eximere ab hac communi lege, quia quamvis statutum sit omnibus semel mori, doceatque Apostolus Rom. 6. mortem ad Adamo in omnes homines pertransisse, liberum est tamen Deo, stante illa lege, quempiam a morte servare; quidni similiter & a peccato? sed difficultas est utrum de facto aliquem tanto privilegio dotaverit.

R. 2. Temerarium est id de aliquo asserere, nisi faveat vel Scriptura, vel Traditio, & Ecclesiæ auctoritas; cum enim Scriptura universaliter affirmet omnes in Adamo peccasse, Rom. c. 5. non licet privato quemquam excipere, nisi Ecclesia cujus est judicare de vero sensu, & interpretatione Scripturarum sanctarum, ejusmodi exceptioni faveat, eamque tanquam piam propugnari permittat: Ego, inquit S. Bernardus epist. 174. quod ab illa (Ecclesia) accepi, securus & teneo, & trado: quod non, scrupulosius, fateor, admiserim.

R. 3. Ecclesia hætenus non definivit, an excipienda sit beata Virgo, fueritque concepta sine peccato.

Probatur 1. auctoritate Gregorii XV. in epist. ad Regem Hispaniæ, qui urgebat ejusmodi definitionem. Cum nondum, inquit summus Pontifex, æterna sapientia Ecclesiæ suæ tanti mysterii penetralia patefecerit, in Dei, Romanorumque Pontificum auctoritate debent fideles populi conquiescere. 2. Sixtus IV. in sua Bulla, quæ incipit, *Grave nimis*, & confirmata est a Concilio

cilio Tridentino sess. 5. liberam cuique facultatem reliquit tenendi partem affirmantem, vel negantem, prout, vel magis pium, vel magis probabile judicaverit. Idem docent Pius V. in Bulla edita anno 1570 Paulus V. anno 1616. & Gregorius XV. anno 1622.

Advertes autem circa prædictas Bullas & Constitutiones, quod cum dissensiones & discordiæ circa Conceptione B. M. Virginis Ecclesiam turbarent, graviusque scandala excitarent, Sixtus IV. primo prohibuit sub pœna excommunicationis, ne quis crimen hæreseos impingeret asserentibus immaculatam B. Virginis Conceptionem. Deinde Pius V. prohibuit sub pœna suspensionis, ne publice, ubi promiscua virorum, & mulierum multitudo convenire solet, sententia negans immaculatam Conceptionem propugnaretur; id tamen permisit in publicis Academiæ disputationibus, ubi nulla subest scandali occasio. Idipsum postea præscripsit Paulus V. Sed cum ex ejusmodi disputationibus pax turbaretur, tandem Gregorius XV. prohibuit sub iisdem pœnis, ne in Scholis & privatis colloquiis quisquam audiret asserere B. Virginem in peccato fuisse conceptam: *Nisi*, inquit, *aliquibus fuerit specialiter indultum*. Cavent autem omnes illi Pontifices, ne quis ex prædictis Bullis & Constitutionibus colligat contrariam sententiam ab iis esse damnatam, aut improbatam.

R. 5. Absque ulla temeritatis nota licet tenere beatam Dei genitricem ex speciali Dei privilegio sine peccato originali fuisse conceptam.

Probatur. Eatenus illa opinio videri posset temeraria quatenus sine fundamento B. Virginem exciperet a regula fidei, quam tradit Apostolus Rom. 5. ubi universaliter affirmat omnes in Adamo peccasse: atqui hæc exceptio non est sine fundamento: ergo opinio, quæ asserit beatam Virginem sine peccato originali fuisse conceptam, non est temeraria.

Minor probatur 1. ex Concilio Tridentino sess. 5. ubi expresse excipit beatam Virginem ab illa generali regula. Postquam enim ex Apostolo definiit can. 2. omnes in Adamo peccasse (ista subjicit ad calcem canonis 3. *Declarat tamen hæc ipsa sancta Synodus, non esse*

esse sua intentionis comprehendere in hoc Decreto, ubi de peccato originali agitur, beatam immaculatam Virginem Mariam Dei genitricem; sed observandas esse Constitutiones felicitis recordationis Sixti Papæ II. sub panis in eis Constitutionibus contentis, quas innovat.

Probatur 2. ex S. Augustino, qui lib. de natura, & gratia, cap. 36. sic habet: *Excepta sancta Virgine Maria, de qua propter honorem Domini nullam prorsus, cum de peccatis agitur, habere volo questionem. Inde enim scimus, quod ei plus gratiæ collatum fuerit ad vincendum omni ex parte peccatum, quæ concipere ac parere meruit cum, quem constat nullum habuisse peccatum.*

Nec dicas, S. Augustinum agere dumtaxat de peccato actuali. Namque 1. nullam vult habere questionem de beata Virgine, ubi de peccatis agitur. Hæc autem exceptio est generalis. 2. Sanctus Doctor B. Virginem excipit propter honorem Domini: atqui honor Domini non minus postulare videtur, ut Mater ejus fuerit immunis a peccato originali, quam ab actuali etiam veniali. 3. In mente Sancti Augustini non minus est universalis hæc precandi formula: *Dimitte nobis debita nostra*, quam illa fidei regula, *Eccce in iniquitatibus conceptus sum*; Atqui S. Augustinus non vult asserere illam precandi formulam B. Virgini fuisse præscriptam: ergo in ejus mente fidei regula peccatum originale spectans, pati potest aliquam exceptionem. Denique idem S. Doctor ex peccato originali colligit illam impotentiam moralem, quæ ideo in singulis, vitandi omnia & singula peccata venialia: ergo cum concedat eam gratiam beatæ Virgini collatam, qua omni ex parte vinceret peccatum actuale, supponit similem ei negatam non fuisse, qua vitaret peccatum originale: Propterea, inquit lib. 5. contra Julianum cap. 9. *nullus est hominum præter ipsum (Christum) qui peccatum non fecerit grandioris ætatis accessu, quia nullus est hominum præter ipsum, qui peccata non habuerit infantilis ætatis exortu.* In priori comparationis membro non continetur beata Virgo, ut profitetur S. August. cit. lib. de natura & grat. Ergo nec in posterioris

Dices : De fide est, B. Virginem fuisse per Christum redemptam ; ait enim Apostolus Rom. 5. *Sicut per unius delictum in omnes homines in condemnationem ; sic & per unius justitiam in omnes homines in justificationem vite* : Atqui si beata Virgo non contraxit peccatum originale, non fuit per Christum redempta ; quia, ut ait Zozimus Summus Pontifex, quem S. Aug. laudat epist. 191. alias 157. nullus, nisi qui peccati servus est, liber efficitur, nec redemptus dici potest, nisi qui vere per peccatum fuerit ante captivus : Christus enim non venit vocare justos, sed peccatores : Ergo. Ut solvatur hæc difficultas.

Nota tribus modis posse dici aliquem in Adamo peccasse, 1. Quatenus erat in lumbis Adæ secundum rationem seminalem, quando transgressus est legem. 2. Quatenus in prima conceptione, priusquam anima rationalis infunderetur, vi generationis suæ fuit peccato obnoxius, utpote via ordinaria seminatus. 3. Quatenus conceptione jam perfecta, accepit animam rationalem justitia originali nudatam, & a Deo aver- sam. His præsuppositis.

Distinguo minor. Si non contraxit neque primo, neque secundo modo, Concedo : Si non contraxit ter- tio modo, Nego minorem. Porro beata Virgo primo & secundo modo peccavit in Adamo, sed a Christo Domino redempta est, quatenus anima ejus in primo sue creationis instanti fuit ornata gratia sanctificante, & ita a peccati macula liberata, quam quidem actu & de facto non incurrit, sed quam incurisset, nisi gra- tia Dei per merita Christi fuisset præventa. Redempta est igitur, quemadmodum, inquit S. Augustinus in Psalm. 85. *si Medicus videat tibi imminentem agridi- dnam fore ex aliquo labore, & dicat, parce tibi, re- quiesce : recte dicis Medico, liberasti me ab agridine, non in qua jam eras, sed in qua futurus eras. Nescio quis habens caussum molestiam, mittendus erat in carce- rem : venit alius, defendit eum. Gratias agens, quid dicit? Erasti animam meam de carcere. Suspendendus erat debitor ; solutum est pro eo, liberatus dicitur de suspendio. Similiter beata Virgo in Adamo contraxit debi-*

debitum; voluntas ejus, sicut ceterorum hominum; continebatur in voluntate Adami vi conceptionis suæ; quæ fuit per viam seminalem, contractura erat peccatum; sed per Christum merita actu & de facto non contraxit; quia in primo instanti unionis animæ cum corpore jam organizato sanctificata est. Hoc modo solve omnes textus, tum Scripturæ, tum SS. Patrum, in quibus definitur omnes in peccato conceptos, solo Christo Domino excepto; solus enim Christus nec primo, nec secundo modo peccavit.

Non desunt Theologi, qui doceant B. Virginem ne primo quidem aut secundo modo peccavisse, existimantes legem ita datam fuisse primo parenti pro se, & posteris ejus, ut ab illa exciperetur B. Virgo per merita Christi futura: ex quo sequitur eam in conceptione nequidem habuisse debitum contrahendi peccati.

Verum hæc sententia, quæ paucissimorum est, stare non potest; quia si beata Virgo prædestinata est sancta ante prævisum Adæ peccatum, per Christum non fuit redempta; cum decretum Incarnationis præsupponat Adæ peccatum; quemadmodum probavimus Tractatu de Incarnatione. 2. Quia hæc sententia nulla fulcitur auctoritate; quæ enim ex libera Dei voluntate pendent, ea non ex humana ratione, & quibusdā convenientis pensanda sunt, & determinanda: sed ex Ecclesiæ auctoritate, cujus est explanare quæ a Deo revelata fuerint, sive in Scriptura, sive in Traditione: *Periculose præsumimus*, inquit Sanctus Bernardus, epist. 174. *quidquid ipsorum (Patrum) in talibus prudentia præterivit*. Enim vero periculosum est ratione humana definire, quæ decora & insignia Deus B. Virgini conferre debuerit, ut dignum Filii sui habitaculum effici mereretur, quia si Deus altiori consilio forte ea non contulerit, quæ debita judicaverimus, jam invenimur divinæ Sapientiæ censores, quasi defeceris in suis consiliis: ergo in iis ante omnia consulenda est auctoritas, per quam Dei consilia nobis innotescunt: atqui nihil extat in Scriptura aut in Traditione, unde fulciri possit illa opinio: Ergo. 3. Quia non modo huic opinioni non favet Patrum auctoritas,

ritus, quin ei omnes una voce contradicunt. S. Irenæus lib. 9. *Plaga serpentis*, inquit, omnes homines sunt vulnerati, sed per crucem Christi, qui solus sine peccato venit in similitudinem carnis peccati, &c. S. Hilarius & S. Augustin. laudatus lib. 2. contra Julian. cap. 4. ait: Omnis caro, excepta illa quæ sine peccato venit in similitudine carnis peccati, sub peccati origine, & sub peccati lege nata est. S. Hieronymus Dialogo 2. contra Pelagian. absque omni peccato esse, inquit, solus Christo competit, omnisque humana creatura peccato subjacet, S. Ambrosius in Isaiam, nemo sine peccato, nisi unus solus Deus. Servatum est igitur, ut ex viro & muliere, per illam corporum mixtionem nemo conceptus reperiri sit delicti; qui autem expers est delicti, expers est & ejusmodi conceptionis. S. Augustinus in Psal. 34. sic de Christo scribit: inde carnem assumpsit de massa ipsa, quæ mortem meruerat ex peccato. Etenim, ut ceterius dicam, Maria ex Adam mortua propter peccatum. Et lib. 1. de peccat. mer. c. 24. solus ergo illi etiam homo factus, manens Deus, peccatum nullum habuit unquam, nec sumpsit carnem peccati, quamvis de materna carne peccati. Et lib. 5. de nupt. cap. 12. docet carnem omnem, quæ de concubitu nascitur, carnem esse peccati, quandoquidem sola, quæ non inde nata est, non fuit caro peccati. S. Fulgentius lib. de Incarnatione & gratia c. 6. Caro quippe Mariæ, inquit, quæ in iniquitatibus fuerit concepta, caro fuit utique peccati, quæ Filium Dei genuit in similitudinem carnis peccati. Petrus Damiani Opusc. 6. cap. 19. sic habet. Ex ipsa carne Virginis, quæ de peccato concepta est, caro (Christi) sine peccato prodiit. Ergo ex constanti Patrum Traditione, Beata Virgo peccatum originale aliquo modo contraxit, si non actu, saltem debito. Quæstio jam superest, utrum actu non contraxerit. Cui ut fiat satis,

R. 5. Beata Virgo peccatum originale actu non contraxit.

Probatur 1. Ex Concilio Basileensi, quod sess. 36. de Conceptione B. Virginis sic statuit anno 1439. *Doctrinam illam differentem gloriosam Virginem Dei genitricem* Habere, Tom. III.

tem Mariam præveniente & operante divini Numinis gratia singulari, nunquam actualiter subjacuisse originali peccato, sed immunem semper fuisse ab omni originali, & actuali culpa, sanctamque & immaculatam, tanquam piam, & consonam cultui Ecclesiastico, fidei Catholicae, rectae rationi, & sacrae Scripturae ab omnibus Catholicis approbandam, tenendam & amplectendam definimus, & declaramus, nullique de cetero licitum esse in contrarium prædicare, & docere.

Tria autem advertes circa hoc Decretum. Primum, Concilium non definiit doctrinam illam esse de fide, sed fidei consonam, & piam. Secundum, hæc definitio non habet auctoritatem Concilii œcumenici; divisi enim erant tunc Episcopi, & magna eorum pars Florentiam convenerat ad Eugenium IV. Summum Pontificem, qui totis viribus Concilio Basileensi se opposebat, & aliud Florentiæ celebrabat, quod dicitur Florentinum Generale XVII. Tertium, definitio illa maximi est ponderis: tum quia in Basileensi Concilio aderant viri non pauci, eruditione conspicui: tum quia Academia Parisiensis statim amplexa est doctrinam ea definitione contentam, atque ad eam tenendam suos alumnos solemni juramento hætenus astrinxit: tum denique quia ejusmodi definitio nedum a Summis Pontificibus, & a subsequentibus Conciliis fuerit reprobata, quin solemniter confirmata. Unde

Probatur 2. Auctoritate Summorum Pontificum. Sixtus IV. Constitutionem emisit ann. 1483. in qua prohibet sub pœna excommunicationis latæ sententiæ, ne quis hærescos damnet asserentes Conceptionem Beatæ Virginis fuisse immaculatam. Pius V. Paulus V. Gregorius XV. in suis Bullis supra laudatis sententiæ oppositæ Patronis silentium imponunt, nostramque dumtaxat publice propugnari permittunt juxta Decretum Basileense. Alexander VI. approbavit, nemine reclamante, Ordinem institutum in honorem Immaculatæ Conceptionis B. Virginis. Sed quod gravius est, Concilium Tridentinum sess. 5. supra laudata sanxit observandas esse constitutiones Sixti IV. quas & innovat.

Nec

Nec dicas ascititiam esse ejusmodi declarationem ; cum non habeatur in editionibus sex primarum sessionum excusis Lutetiae ann. 1546. & 1551. Nam reperitur in editione, quæ Romæ facta est ann. 1564. statim post absolutum Concilium, & ita ubique terrarum promulgatum est Concilium, nullis reclamantibus, etiam ex iis, qui Concilio interfuerant: quin & Calvinus hanc eandem declarationem, ut genuinum Concilii factum impugnat in suo Antidoto circa annum 1547.

Confirmatur. Ecclesia celebrat sollemne Festum Conceptionis: Græca quidem ante mille annos; Latina vero ante quingentos. Quamvis enim dici possit Festum illud fuisse institutum in gratiarum actionem, quod Deus per hujus Virginis Conceptionem viam patet ad promissa complenda: quo sensu conceptio Beati Joannis Baptistæ olim fuit festiva; maxime cum Gregorius XV. in sua Constitutione caveat, ne in officio illius festi voci conceptionis quidquam addatur, quale posset esse nomen adjectivum, *immaculata*; negari tamen non potest, quin Festum illud maxime faveat sententiæ affirmanti. Quin S. Bernardus epist. 74. scribit, ejusmodi festivitatem esse professionem publicam. B. Virginem sine peccato fuisse conceptam, quod privilegium illi adjudicat; unde totis viribus insurgit in Canonicos Lugdunenses, qui contra antiquum morem Festum illum instituerant, cum hæc, inquit, ita se habeant (nempe solum conceptum Christi qui est de Spiritu Sancto esse sanctum) *quenam jam erit ratio, festivæ Conceptionis? quo pacto, inquam, aut sanctus asseretur conceptus, qui de Spiritu Sancto non est, ne dicam, de peccato est; aut festus habebitur, qui minime sanctus est? libenter gloriosa hoc honore carebit, quo vel peccatum honorari, vel falsa videtur induci sanctitas.*

Misto miracula, & revelationes, quæ circumferuntur in confirmationem immaculatæ Conceptionis; ad hæc enim respondet S. Bernardus laudata epist. Ipse mihi facile persuadeo scriptis talibus non commoveri, quibus nec ratio suppeditari, nec certa invenitur favere auctoritas.

Dices: Novitas doctrinæ est mater temeritatis, so-

ror superstitionis, filia levitatis, ex S. Bernardo ibidem; atqui sententia de immaculata Conceptione est nova in Ecclesia: Ergo.

Minor probatur testimonio S. Bernardi, qui in præfata epistola sic carpit Canonicos Lugdunenses, quod inducerent opinionem immaculatæ Conceptionis: *Numquid Patribus doctiores, aut devotiores sumus? periculose præsumimus quidquid ipsorum in talibus prudentia præterivit. Non ita præcipitanter atque inconsulte paucorum sequenda simplicitas imperitorum. Antequidem apud aliquos errorem compereram; sed dissimulabam, parcens devotioni quæ de simplici corde, & amore Virginis veniebat. Verrum apud sapientes, atque in famosa nobilique Ecclesia, & cujus specialiter filius sum, superstitione deprehensa, nescio an sine gravi offensa, etiam vestri omnium dissimulare potuerim. Hactenus S. Bernardus de iis, qui ipsum præcesserant, & qui sua ætate florebant, ut Rupertus, S. Anselmus, qui cum S. Bernardo ejusdem fuerunt sententiæ, sicut qui cum subsequuti sunt Scholæ principes, Albertus Magnus, Alexander Alensis, S. Thomas, & S. Bonaventura.*

R. 1. Sanctum Bernatdum non impugnare nostram sententiam tanquam perniciosam, & periculosam in fide, sed sobrie, & ut ita dicam, subdubitanter contra eam scribere: sic enim Epistolam suam concludit: *Quæ autem dixi, absque præjudicio sane dicta sint sanis sapientis. Romane præsertim Ecclesiæ auctoritati atque examini totum hoc, sicut, & cetera, quæ ejusmodi sunt, universa reservo; ipsius, si quid aliter sapiat, paratus judicio emendare: ex quibus vides, & quid sentiret piissimus Pater, si viveret hoc tempore, quæ Ecclesia Romana recipit doctrinam immaculatæ Conceptionis, & quo sensu novam dixerit, nimirum quia quæstio nondum ejus ætate enucleata fuerat. Unde*

R. 2. Diff. maj. novitas doctrinæ est nota temeritatis & falsitatis: si doctrina, quoad materiam sit nova, & ab antiqua traditione prorsus aliena, Conc. si sit nova, quoad explicationem dumtaxat, Nego maj. alioquin, omnes fere definitiones & explicationes

res Ecclesiæ saperent novitatem ; multa enim successu temporis propter controversias identidem nascentes Ecclesia elucidat & definit credenda fide divina, quæ perspicua non erant in Traditione.

Dist. similiter min. Sententia affirmans immaculatam Conceptionem, est nova quoad explicationem ; hæc est, clarius & expressius proposita, Conc. quoad materiam, Nego min. Itaque nostra sententia nititur Veterum traditione, nedum ab ea recedat ut simpliciter & absolute nova dicatur. Nam ex S. August. lib. de Nat. & Grat. c. 36. supra laudato Matri Dei plus gratiæ collatum fuit ad vincendum omni ex parte peccatum : ex S. Ambrosio in Psal. 118. integra fuit ab omni labe peccati : ex S. Hieronymo, seu quovis alio Auctore in Psal. 77. nunquam fuit in tenebris, sed semper in luce : ex S. Sophronio in Epist. ad Sergium, quæ lecta est in Concilio generali VI. ab omni contagione corporis & animæ liberata est. Quæ momenta licet intelligi possunt de peccato actuali, ex iis tamen eruitur immunitas a peccato originali, cum constet tum ex Scriptura, tum ex Patribus, neminem ex iis, qui concepti sunt in iniquitatibus, esse sine peccato actuali. Neque desunt ex Antiquis, qui B. Virginem expresse eximant a labe originali. Sedulius V. sæculo de ea cecinit lib. 3. Pâschalis operis.

*Et velut e spinis mollis rosa surgit acutis ;
Nil, quod lædat, habens.*

S. Joannes Damascenus in oratione 2. de Nativitate B. Mariæ Virginis sic loquitur ; *Natura gratiam antevertere ausa non est, sed tantisper expectavit, dum gratia fructum suum produxisset ... beatos Joachimi lumbos, e quibus immaculatum semen effluxit ! o præclaram Annæ vulvam, in qua tacitis incrementis formatus fuit sanctissimus fatus ! ... o sanctissima, quæ Principatus & potestates fefellisti, immaculata conservata in Dei sponsam : Auctor cognomento Idiota ; c. 1. in contemplatione Beatæ Mariæ scripsit initio octavi sæculi B. Virginem totam pulchram esse, non in parte, sed in toto, & maculam peccati in ea non existisse, sive mortalis, sive venialis, sive originalis.*

In libro de Operibus Cardinalibus inter opera S. Cypriani, Mater Dei dicitur a ceteris differre, *quia natura communicabat, non culpa*. Ad textus vero, in quibus antiqui Patres asserunt carnem Mariæ fuisse carnem peccati, solumque Christum non sustinuisse contagia humanæ originis, jam respondimus inde erui dumtaxat Beatam Virginem contraxisse debitum peccati originalis, & carnem ejus fuisse carnem peccati, quatenus nimirum non sine libidine formata est tanquam vas vitiatum, quod ejus animam infecisset, nisi Deus eam prævenisset in benedictionibus, infundens gratiam simul & sanctitatem cum anima rationali. Atque hoc sensu S. Bernardus scripsisse ad Canonicos Lugdunenses, contendunt nonnulli, ut Bellarminus lib. 4. de amissione gratiæ cap. 16. & Mabillonius in notis ad S. Bernardi epistolam nempe piissimum Patrem voluisse dumtaxat B. Virginis Conceptionem in suis primordiis, & ante infusionem animæ rationalis fuisse vitiatam; non vero in ipso termino, hoc est, in ipsa infusione animæ rationalis. Verum nec verba, nec scopus Epistolæ patiuntur benignam ejusmodi interpretationem. Non verba, ut legentibus satis patet: non etiam scopus. S: quippe Bernardus probare intendit contra Canonicos Lugdunenses Conceptionem Beatæ Virginis non esse veneratione aut ullo cultu dignam, ex eo quod non sit sancta; *quo pacto, inquit, sanctus asseretur conceptus, qui de Spiritu Sancto non est, ne dicam, de peccato est? aut festus habebitur, qui minime sanctus est?* atqui ejusmodi ratio nullius esset ponderis in hypothesis, quod anima non fuerit infusa sine gratia sanctificante; in promptu enim fuisset Canonicorum excusatio, se non celebrare immundam seminationem, in qua nondum erat B. Virgo, sed sanctificationem, a qua cæpit existere.

Nec mirum, quod S. Bernardus, alioquin in laude B. Mariæ Virginis profusus, hunc ei honorem non detulerit, sicut & plerique Scholæ Principes, qui eum proxime secuti sunt; traditio enim in hac parte adeo obscure fuit, ut ipse Gregorius XV. Philippo III. Regi Hispaniarum, argenti Ecclesiæ definitionem scripserit æternam sapien-
tiam

tiam nondum Ecclesiæ suæ tanti Mysterii penetrabilia patefecisse, & cuilibet liberum esse sentire sub religioso silentio quod verisimilius judicaret.

Nihilominus nostra sententia ita obtinuit a quadringentis annis, hoc est, ab ineunte decimo quarto sæculo, quo Scotus in tertium Sent. dist. 3. q. 1. eam probabilem assuerit, ut an. 1385. Academia Parisiensis hanc propositionem Joannis de Montefono Dominicani, est expresse contra fidem, B. Virginem Mariam, & Dei Genitricem non contraxisse peccatum originale, sua censura notaverit in hunc modum: *Hæc propositio revocanda est tanquam falsa, scandalosa, presumptione asserta, & plurimum aurium offensiva.* Cum autem anno sequenti Guillelmus Ebroicensis Episcopus, ex familia Dominicanorum propositionem Joannis de Montefono propugnare ausus fuisset, agente eadem Academia, compulsus est revocare quæ dixerat contra sacræ Facultatis censuram: quæ ulterius progressa anno 1497. statuit, neminem deinceps ad gradum Doctorem promovendum, nisi prius Sacramento solemniter ad tenendam hanc doctrinam se obstrinxisset. Idipsum postea præstiterunt Academiæ Colonienfis, & Moguntina in Germania, Salmaticensis, Toletana, Complutensis, & plures aliæ in Hispania. Quin & plures viri celebres ex familia Dominicanorum, ut Natalis Hervæus Magister Generalis decimo quarto sæculo, S. Vincentius Ferrerius serm. 1. de Nativitate, Dominicus Soto, Ambrosius Catharinus, & plures alii eandem sententiam amplexi sunt: sicque evasit communis.

Dices: mors est pœna peccati originalis, dicente Apostolo Rom. 5. *per unum hominem peccatum in hunc mundum intravit, & per peccatum mors*: atqui B. Virgo mortem subiit: ergo Beata Virgo incurrit pœnam peccati: atqui omnis pœna necessario supponit peccatum: ergo Beata Virgo contraxit peccatum originale.

Distinguo majorem: mors est pœna peccati originalis, vel actu, vel quoad debitum contracti, Concedo: actu & de facto contracti, Nego majorem.

Porro Beata Virgo ex dictis contraxit debitum peccati originalis.

Instabis: sublata causa tollitur effectus: atqui peccatum originale est causa mortis: ergo sublato peccato originali tollitur moriendi necessitas, ut quæ sit peccati originalis effectus.

Distinguo minorem: causa mortis est peccatum originale; vel in actu, vel in debito, Concedo: in actu, Nego minorem. Quanquam illud axioma non est universaliter verum; sicut enim effectus, qui cum non indigeant continuo causæ influxu, permanent etiam sublata causa, domus enim stat defuncto artifice; qui percussus & mutilatus est a latrone, ipso morte multato, manet mutilus. Unde absurdum non est, quod & parvulos deleto per Baptismum peccato originali, sit in naturalibus vulneratus, & B. Virgo licet in Conceptione immaculata, sit morti obnoxia propter debitum peccati, quod in Adamo contraxerat.

Nec est cur Catholicus hic timeat Hæreticorum dentem; cum Zuinglius lib. de Capt. & Calvinus in Antidoto Concilii Tridentini & lib. 4. Instit. cap. 16. 24. & 25. doceant filios fidelium esse Sanctos ante Baptismum, nec eis imputari peccatum originale: nam Beata Virgo orta est ex fidelibus & sanctissimis parentibus, ac proinde in Adversariorum principiis non contraxit in sua Conceptione labem peccati originalis. Verum quam falso nitantur principio, demonstramus Tractatu de Baptismo, ubi de ejus necessitate.

§. VII.

De panis peccati originalis.

Q. 1. **Q**uam sunt panes peccati originalis?

R. Aliæ spectant corpus, aliæ animam, aliæ mortalem hanc vitam, aliæ futuram.

Q. 2. *Quæ sunt panes corporis in hac vita?*

R. Mors & aliæ miseriæ, ut morbi, &c. Est de fide, sic enim definiit Concilium Tridentinum sess. 5. his verbis: Si quis non confitetur primum hominem . . . incurrisse . . . per offensum prævaricationis mortem . . . quam antea illi comminatus fuerat.

Pena

Deus . . . anathema sit . Præiverat Concilium Arau-
sicanum II. can. 2.

Probatur 1. ex Scriptura Sap. 2. *Deus creavit homi-*
nem inextinguibilem, & ad imaginem similitudinis sue
fecit illum; invitia autem Diaboli mors intravit in or-
bem terrarum. Rom. 5. per unum hominem peccatum in-
travit in mundum, & per peccatum mors. De aliis my-
steriis habetur Eccli. 40. Jugum grave super filios Adam
a die exitus de ventre matris eorum, usque in diem se-
pulture. Per jugum autem intelliguntur omnes ærum-
næ, ut morbi, aeris intemperies, sterilitas terræ, de
quibus Gen. 3. maledicta terra in opere tuo, in labori-
bus comedes . . spinas & tribulos germinabit tibi.

Probatur 2. S. Aug. lib. de peccat. merit. c. 2. *Si*
non peccasset Adam, inquit, non erat exspoliandus cor-
pore, sed supervestiendus immortalitate & incorruptione.
Et lib. 4. contra Julianum c. ult. *Quid igitur restat,*
nisi ut causa istorum malorum sit aut iniquitas, vel
impotentia Dei, aut pena primi veterisque peccati; sed
quia nec injustus, nec impotens est Deus, restat quod
non vis, sed cogis confiteri; quod grave jugum super
filios Adam a die exitus de ventre matris eorum usque
in diem sepulture in matrem omnium non fuisset, nisi
delicti originalis meritum præcessisset.

Dices: habetur Gen. 2. Deum posuisse hominem in
Paradiso, ut operaretur: ergo homo terram coluisset,
etiamsi peccatum non præcessisset.

Distinguo consequens: Coluisset honesta animi vo-
luptate, & in oblectationem, Concedo: coluisset cum
labore, & ex necessitate vitæ sustentandæ, Nego con-
sequentiam.

Q. 3. *Quæ sunt animæ pænæ in hac vita?*

R. Cum Glossa, quæ Venerabili Bedæ tribuitur,
homo spoliatus est gratuitis, & vulneratus in natura-
libus, juxta parabolam, in qua Christus Luc. 10. ex-
hibet hominem qui descendens à Jerusalem in Jericho
incidit in latrones, qui spoliaverunt illum, & plagis
impositis abierunt semivivo relicto.

Constat apud omnes Catholicos, sequiturque ex di-
ctis, hominem per peccatum originale spoliatum fuisse

supernaturalibus & gratuitis donis, quæ complectabatur iustitia originalis, scilicet gratia sanctificante, & omnibus virtutibus infusis, scientia, sapientia, fide, prudentia, caritate, quibus perficiebatur ejus intellectus & voluntas, obedientia partis inferioris ad superiorem, & membrorum corporis ad nutum voluntatis. Sed nonnulli negant contra communem Theologorum doctrinam, hominem fuisse vulneratum in naturalibus, contenduntque eum nasci in eo statu, in quo nasceretur, si conditus esset in puris naturalibus. Contra quos.

Probatur nostræ responsionis secunda pars, 1. ex S. Aug. lib. de Nat. & Grat. 19. *Videte quæso*, inquit, *quomodo nesciens*, (Pelagius) nitatur avertere medicinalium loquiorum voces saluberrimas, ego dixi, Domine, miserere mei, sana animam meam, quia peccavi tibi. Quid sanatur, si nihil est vulneratum, nihil sauciatum, nihil debilitatum, atque vitiatum? Et lib. 22. de Civit. Dei c. 22. omnium mortalium progeniem fuisse damnatam, hæc ipsa vita, si vita dicenda est, tot & tantis mali plena testatur. Quid enim aliud indicat horrenda quedam profunditas ignorantie, ex qua omnis error existit, qui omnes filios Adam tenebroso quodam sinu suscipit, ut homo ab illa liberari sine labore, dolore, timore non possit? Quid amor ipse tot rerum vanarum, atque noxiarum, & ex hoc mordaces curæ, perturbationes, marores? Qui ignorat cum quanta ignorantia veritatis, quæ etiam infantibus manifesta est, & cum quanta abundantia vanæ cupiditatis, quæ incipit in pueris apparere, homo veniat in hanc vitam; ita ut si dimittatur vivere ut velit, & facere quidquid velit, in hæc facinora & flagitia, quæ commemoravi, vel cuncta, vel multa perveniat? Quid est, quod cum labore meminimus, sine labore obliviscimur? cum labore discimus, sine labore nescimus? cum labore strenui, sine labore inertes sumus? Nonne hinc apparet in quid velut pondere suo proclivis & prona sit vitiosa natura, & quanta ope, ut hinc liberetur, indigeat?

Probatur 2. ex S. Thoma 1. 2. quæst. 83. art. 3. supra laudato, in quo probat quatuor vulnera per peccatum naturæ humanæ fuisse inflictæ, nempe ignorantiam

tiam in intellectu, malitiam in voluntate, infirmitatem in appetitu irascibili, & concupiscentiam in concupiscibili.

Dices; peccatum originale est privatio & defectus, atqui privatio non potest producere effectum positivum, quale est vulnus: Ergo.

Distinguo minorem: privatio non potest producere effectum positivum positive influendo, Concedo: negative, & quatenus est subtractio boni necessarii, quam sequitur naturæ corruptio, quemadmodum subtractio alimentorum solvit laudabilem habitudinem corporis, & inducit mortem, Nego minorem: ita S. Aug. lib. de Nat. & Grat. cap. 2. *Nec existimemus, inquit, peccato naturam humanam non posse vitiari, sed divinis credentes Scripturis, peccato eam esse vitiatam, quomodo fieri id potuerit, inquiramus. Quoniam peccatum jam didicimus non esse substantiam, nonne attenditur, ut alia omittam, etiam non manducare, non esse substantiam? a substantia quispe receditur, quoniam cibus substantia est. Sed abstinere a cibo non est substantia, & tamen substantia corporis, si omnino abstinetur a cibo, ita languescit, ita valetudinis inæqualitate corrumpitur... ut si aliquo modo perduret in vita, vix possit ad eum cibum revocari, unde abstinendo vitiata est. Sic non est substantia peccatum, sed substantia est Deus, summaque substantia, & solus verus rationalis creaturæ cibus; a quo per inobedientiam recedendo, & per infirmitatem non valendo capere, quo debuit & gaudere, & audis quemadmodum dicam, percussus est sicut fœnum, & aruit cor meum, quoniam oblitus sum comedere panem meum.*

Instabis: atqui illud vitium naturæ est ipsamet spoliatio iustitiæ originalis, & donorum supernaturalium: Ergo nulla solutio.

Præbatur antecedens, quia sicut tenebræ nihil aliud sunt, quam privatio lucis: ita nec ignorantia aut mentis cæcitas aliud concipitur, quam subtractio sapientiæ & intelligentiæ. 2. Quia fingi non potest animam rationalem vulnerari sive in sua substantia, sive in suis potentiis naturalibus, nisi quatenus intelligeretur deper-

dare aliquid pertinens ad suam integritatem, quemadmodum vulneratur tibia, si os frangatur: vel recipere qualitatem pravam positive eam ad malum inclinantem, qualis potest esse habitus erroris, & vitii, vel denique amittere aliquam perfectionem extrinsecus ei superadditam: atqui anima rationalis .i. modo vulnerari nequit: substantia enim est spiritualis, simplex, nec composita ex partibus integrantes, nec potentiae ipsi congenitae suscipiunt majus aut minus. Unde auctor de divinis nominibus c. 4. scribit naturalia in demonibus manere integra. Neque etiam quis enim esset auctor illius qualitatis pravae, nisi Deus, qui intentator malorum est? epist. Jacobi cap. 1. Restat ergo, ut dicamus animam vulneratam esse tertio modo, quatenus nudata est gratuitis donis.

Confirmatur. Homo sine peccato conditus in puris naturalibus, hoc ipso, quo careret omnibus donis gratuitis, pateretur tenebras ignorantiae & inordinatos motus concupiscentiae, gereretque corpus mortale, & doloribus obnoxium, nec propterea dicendus esset vulneratus in naturalibus donis, cum haberet quidquid pertinet ad naturae humanae constitutionem.

Nego subsumptum; & ad singula quae proferuntur in ejus confirmationem, respondeo.

Ad primum, distinguo propositionem. Ignorantia & mentis caecitas nihil aliud sunt quam subtractio luminis, sapientiae, & intelligentiae, statui hominis consentaneae, & necessariae in ordinem ad ultimum finem, ad quem institutus est, Concedo: minime consentaneae, nec pertinentis ad ejus statum. Nego propositionem. Non est enim ignorantia & caecitas, sed mera nescientia, non agnoscere ea, quae ad statum nostrum non pertinent. Porro homo sine peccato in puris naturalibus conditus, non haberet quidem notitiam rerum supernaturalium, ut qui ad ea non esset ordinatus; sed eam intelligentiam haberet, unde seipsum posset excolere, in virtute proficere, & ultimum finem adipisci; repugnat enim sapientiae divinae, negare creaturae innocenti media, sine quibus finem, ad quem illam ordinavit, consequi non posset. Deus igitur sicut Angelos
instru-

instruxit speciebus, sine quibus nequidem objecta naturalia cognoscerent; ita provideret homini in statu naturæ puræ constituto, ne concupiscentia effrænis & impotens obnubilaret mentem, & sensum perverteret, ut contingit in statu naturæ corruptæ: *In quo quidam tantæ snat fatuitatis, inquit S. August. epist. 166, alias 28. ut non multum a pecoribus differant.*

Ad secundum, resp. cum S. Thom. 1. 2. quæst. 85. art. 1. duplex esse bonum naturæ: primum, sunt principia naturalia, ex quibus natura ipsa constituitur; & proprietates a principiis fluentes, nempe naturales animæ potentie. Secundum, est inclinatio ad virtutem, quæ dici potest bonum naturæ rationalis, quia naturaliter inclinat natura humana ad vivendum secundum rationem, ac proinde secundum virtutem; agere enim ex ratione idem plane est ac agere ex virtute. Porro bonum prioris generis nec tollitur, nec minuitur per peccatum; unde & manet integrum in Dæmonibus. Bonum vero posterioris generis, nempe inclinatio naturalis ad virtutem, minuitur per peccatum, quatenus Deus in pœnam sinit causas secundas sævire in filios iræ, solvere debitam irascibilis & concupiscibilis temperiem, ex quo contingit nonnullos nasci cum indole adeo prava, ut ad bonum vix flecti queant.

Q. 4. *Bonum natura potestne totaliter auferri per peccatum?*

R. Non potest, quia ex S. Thom. quæst. 85. art. 2. inclinatio ad virtutem convenit homini, quatenus est rationalis. Per peccatum autem non potest fieri quod non sit rationalis, alioquin non esset amplius homo, nec proinde capax peccati.

Q. 5. *Quenam est pena peccati originalis in altera vita?*

R. De fide est parvulos sine Baptismo decedentes privari vita æterna, quæ consistit in intuitiva Dei visione; ita enim definiit Concilium Tridentinum sess. 5. Can. 4. his verbis: *Si quis parvulos dicit nihil ex Adam trahere originalis peccati, quod regenerationis lavacro necesse sit expiari ad vitam æternam consequendam anathema sit.* Præverat Concilium

lium Florentinum sess. ult. statuens, illorum animas, qui cum actuali peccato, vel solo originali decedunt, mox in infernum descendere, panis tamen disparibus puniendas.

Prob. 1. ex Scriptura. Jo: 3. ait Christus: Nisi quis renatus fuerit ex aqua & Spiritu sancto, non potest introire in regnum Dei. Quod autem regnum Dei non sit quid distinctum a vita æterna, quemadmodum fingeant Pelagiani, patet ex contextu ejusdem capituli, ubi Christus vocat æternam vitam quod prius dixerat regnum Dei: Ut omnis, inquit, qui credit in illum, non pereat, sed habeat vitam æternam. Rom. 5. Per unius delictum in omnes homines in condemnationem. Quem locum expendens S. Augustinus lib. 2. de peccat. meritis cap. 16. sic scribit: Potest recte dici parvulos sine Baptismo de corpore exeuntes in damnatione omnium mitissima futuros; multum autem fallit & fallitur, qui eos in damnatione prædicat non futuros, dicente Apostolo, iudicium ex uno delicto in condemnationem.

Prob. 2. ex variis Conciliis, puta Diospolitano, Carthaginensi, Milevitano, quorum meminit S. Augustinus lib. 2. de origine animæ cap. 12. Novellus, inquit, hæreticos Pelagianos iustissime Conciliorum Catholicorum, & Sedis Apostolicæ damnavit auctoritas, eo quod ausi fuerint non baptizatis parvulis dare quietis & salutis locum, etiam præter regnum celorum.

Q. 6. Quid Pelagiani intelligebant per vitam æternam?

R. 1. Pelagius mentem suam non explicuit, ex S. August. lib. de pecc. orig. cap. 21. ubi hæc Hæretici verba refert: Sine Baptismo parvuli morientes, quos inquit scio, quos autem nescio, id est interprete S. Doctore, non ire in regnum celorum, scio; quos vero autem, ideo se nescire dicebat aut dicit, quia dicere non audebat in mortem illos ire perpetuam.

R. 2. Verisimilius est Pelagianos non intellexisse felicitatem supernaturalem (ut contendunt nonnulli) quæ consistit in clara Dei visione; sed quandam dumtaxat

taxe naturalem. Prob. 1. quia Pelagiani agnoscebant parvulos non adoptari in filios Dei, nisi per Baptismum: ergo nec fructuros visione Dei intuitiva, quæ est paterna hæreditas, solis filiis promissa: Illo regenerationis. *Invacuo. adoptari ex filiis hominum in Dei filios non negatis, immo etiam predicatis,* inquit S. August. lib. 1. contra duas Pelagianorum Epist. cap. 6. Deinde quia S. August. lib. de hæresibus hæresi 88. docet Pelagianos parvulis non baptizatis promississe vitam secundum quid æternam: ergo non eis promittebant visionem Dei intuitivam, quæ vere & simpliciter est vita æterna: Promittunt eis, inquit, extra regnum quidem Dei, sed tamen æternam, & quandam beatam vitam suam.

Q. 6. Parvuli non baptizati fruunturne aliqua beatitudine naturali?

Affirmarunt Catharinus & Pighius, quibus se adjunxit Cardinalis Sfondratus: contendentes illos parvulos post judicium generale habituros super faciem terræ, tanquam in Paradiso terrestri, plenos & sapientia & virtutibus moralibus, identidemque fructuros consortio Angelorum: sed communiter rejicitur hæc sententia, utpote quæ accedat ad hæresim Pelagianorum. Quare

R. Fictitia est beatitudo illa naturalis.

Prob. ex S. August. lib. 1. de origine animæ cap. 9. ubi sic habet. *Non baptizatis parvulis nemo promittat inter damnationem, regnumque celorum quietis, vel felicitatis, cujuslibet, atque ubilibet medium locum, hoc enim est hæresis Pelagiana.* Deinde communis est sententia Catholicorum, quam exposuit Concilium Florentinum supra laudatum, parvulos, ante Baptismum decedentes, mox in infernum deduci. Addit S. August. ex constanti traditione Ecclesiæ lib. 6. contra Julian. cap. 8. eosdem manere sub potestate Diaboli: Hoc ergo, inquit, generi humano inflicta vulnus a Diabolo, quidquid per illud nascitur, cogit esse sub diabolo. Et lib. 3. de nupt. & concup. cap. 18. Baptizandi parvuli non ob aliud exsufflantur, nisi ut ab eis princeps mundi mittatur foras, a quo necesse est.

est vasa iræ possideantur, cum in Adam nascuntur, se in Christo non renascuntur.

Nec dicant patroni oppositæ sententiæ, post universale iudicium parvulos super terram transferendos, quasi de statu miseræ, ad statum cuiusdam felicitatis naturalis. Nam præterquam quod hæc doctrina nulla auctoritate fulcitur, pugnat contra communem Catholicorum sensum, nempe eandem fere sententiam in iudicio universali, quæ præcesserit in exitu, seu in iudicio particulari; post diem iudicii, inquit S. Anselmus de Conceptu Virginali cap. 22. *Nullus erit Angelus, aut homo, nisi aut in regno Dei, aut in inferno.*

Adde quod post universale iudicium omnia elementa suum situm naturalem repetitura sint, sicque aqua, quæ initio mundi terram ambebat, revertetur ad pristinum locum, a quo recesserat, iabente Deo, ut terra esset commoda habitatio hominum & animalium.

Dices S. August. lib. 3. de lib. arbitr. cap. 23. sic scribit: *Quis novit, quid ipsis parvulis in secreto iudiciorum suorum bonæ compensationis referret Deus?* Ergo S. August. agnovit possibilem esse medium locum inter regnum celorum & damnationem.

Dist. conf. In hypothesei Manichæorum, contra quos eo loci disputat, Conc. in hypothesei Catholicorum, Nego conf. Igitur Manichæi, ut jam monuimus, statuebant duo rerum principia, alterum bonum, alterum malum: ex pœnis autem, quas patiuntur parvuli, & ex præmatura eorum morte inferebant existentiam mali principii. S. vero August. hac ratione eorum argumentationem diluit nempe Deum optimum maximum propter ejusmodi pœnas temporales, & transitorias remunerare posse parvulos in altera vitæ, ac proinde providentiam ejus in hac parte esse laudandam, nedum vituperandam. Sed nullatenus attingit quæstionem de peccato originali, quia nondum nata erat illa controversia. Ita seipsum explicat Epist. 166. olim 28. ad S. Hieronymum. *Nam & de baptismo parvulorum, inquit, in eodem libro non quidem sufficienter, sed quantum illi operis satis esse*

esse videbatur, utcumque respondi non tamen de damnatione eorum parvulorum, qui sine illo (Baptismo) ex hac vita migrant, tunc aliquid dicendum putavi; quia non quod nunc agitur, agebatur. Cumque Semi-pelagiani eundem ipsum librum contra S. Augustinum postea urgerent, S. Doctor lib. de dono persever. cap. 12. sic respondet: „ Frustra itaque mihi de illius „ libri mei vetustate præscribitur ... si enim quan- „ do libros de libero arbit. Laicus cœpi, Presbyter „ explicavi, adhuc de damnatione infantium non re- „ nascentium liberatione dubitarem nemo (ut opi- „ nor) esset tam injustus, atque invidus qui me „ proficere prohiberet, atque in hac dubitatione re- „ manendum mihi esse judicaret. »

Q. 8. *Parvuli afficiunturne aliqua tristitia, & ani- mi dolore ex privatione visionis beatificæ?*

S. Thom. in dist. 83. quæst. 2. art. 2. sic denegat beatitudine parvulis, qui sine Baptismo decesserunt, ut velit eos esse immunes ab omni tristitia. *Nihil omnino dolebunt*, inquit, *de carentia visionis beatificæ.* Sed plures ex ejus discipulis a Magistro suo in hac parte recedunt, utpote qui adhuc junior hæc scripserit, revocaturusque fuisset sententiam in Summa, sicut plures alias de facto revocavit, nisi præmatura mors eum prævenisset; adhærentque S. Augustino, cum quo

R. Parvuli tristantur ob amissam beatitudinem. Ita S. August. lib. 6. cont. Jul. cap. 4. ubi sic scribit: „ Si hoc eis (parvulis) non erit malum, non er- „ go amabunt regnum Dei si autem amabunt, „ & tantum amabunt, quantum innocentes amare de- „ bent, regnum ejus, a quo ad ejus imaginem crean- „ tur, nihil ne mali de hac separatione patientur? „ Et *serm. 294. cap. 6.* Nam & qui exulant vi- „ vunt: si sani sunt, in doloribus corporis non sunt, „ non torquentur, non carceris tenebris affliguntur, „ hæc illis sola pœna est, non esse in patria. Si „ amatur patria, magna pœna; Si autem non amatur „ patria, peior est cordis pœna. Parvum malum est in „ hominis corde, qui societatem non quærit Sanctorum? „ qui

„ qui non desiderat regnum cælorum? si non deside-
 „ rat, pœna est de perversitate: si autem desiderat,
 „ pœna est de fraudata caritate.

Absurdum vero est, quod nonnulli ex hujus sen-
 tentiæ Patronis gratis docent, Deum denegare suum
 concursus, ne parvuli ex hac damnatione tristentur;
 si enim permittit parvulos ob solum peccatum origi-
 nale cruciatus corporis in hac vita sustinere, a for-
 tiori credendum est eos, in altera vita dolere ob
 omissam beatitudinem.

Multo minus verisimile est parvulos sine Baptismo
 defunctos ignorare se propter peccatum excludi ab
 æterna felicitate; nam ratio naturalis dicit, eum qui
 punitur, conscius esse debere peccati, propter quod
 pœnam meretur, alioquin videretur ipsi injusta.

Hinc parvuli statim a morte subeunt Dei judicium,
 interim reservati ad universale in quo supremus Ju-
 dex sententiam publice proferre in omnes peccatores,
 pusillos & magnos, quemadmodum docet S. Angusti-
 nus laudata epist. 166. cap. 8. serm. 294. alias 14. de
 verbis Apostoli.

Q. 1. *Quare privatio visionis Dei intuitiva simpli-
 ter vocatur a Theologis pœna damni?*

R. Quia est privatio summi boni; sicut enim Deus
 dicitur simpliciter ipsum bonum, non vero hoc, aut
 illud bonum, sed quidquid concipi potest nomine bo-
 ni: sic privatio Dei non est quodam peculiare dam-
 num, quemadmodum pœna sensus, sed est ipsum dam-
 num, virtualiter complectens quidquid significatur
 nomine damni. Tale quippe est damnum cum propor-
 tione, quale est bonum, quo privamur. Majus est
 v. g. damnum, graviorque pœna privari oculis, quam
 digito, quia oculi sunt quid digito præstantius: at-
 qui Deus est omne bonum, seu bonum ipsum: ergo
 privatio Dei est virtualiter omne malum, & dam-
 num ipsum.

Q. 2. *Parvuli in altera vita afficiuntur pœna sen-
 sus?*

R. Duplex est Catholicorum sententia; altera as-
 firmans, altera negans.

Affirmant 1. S. August. pluribus in locis : præsertim vero laudato serm. 294. cap. 3. & 4. ubi sic habet : *Nullus relictus est medius locus ; ubi ponere queat infantes : alii erunt ad dexteram , alii ad sinistram , non novi aliud : ecce exposui tibi quid sit regnum , & quid sit ignis æternus , ut quando confiteris parvulum non futurum in regno , fatearis futurum in igne æterno .* 2. Episcopi in Sardinia relegati , eandem sententiam amplexi sunt , ut constat ex lib. de Incarnatione & gratia apud S. Fulgentium cap. 14. & 30. Quin & ipse S. Fulgentius illud ipsum proponit veluti fidei dogma lib. de fide ad Petrum cap. 27. *Firmissime tene , inquit , & nullatenus dubites , non solum homines jam ratione utentes , verum etiam parvulos , qui sive in utero matrum vivere incipiunt , & ibi moriuntur , sive jam de matribus nati sine Sacramento S. Baptismatis... de hoc sæculo transeunt , ignis æterni sempiterno supplicio puniendos .* 3. S. Greg. lib. 9. Moral. cap. 12. *perpetua , inquit , tormenta percipiunt , qui nihil ex propria voluntate peccaverunt .*

Sanctus tamen Augustinus lib. 5. contra Julianum cap. 11. lenit suam sententiam , fateaturque se esse ancipitem circa pœnas ejusmodi parvulorum ; sic enim scribit : „ Ego autem non dico parvulos sine Christi „ baptisinate morientes , tanta pœna esse plectendos , „ ut eis non nasci potius expediret , cum hoc Domi- „ nus non de quibuslibet peccatoribus , sed de sce- „ lissimis & impiissimis dixerit ; si enim , quod de „ Sodomitis ait , & utique non de solis intelligi vo- „ luit , alius alio tolerabilius in die judicii punietur ; „ quis dubitaverit parvulos non baptizatos . . . in „ damnatione omnium levissima futuros ? quæ , qualis , „ & quanta erit , quamvis definire non possim , non „ tamen audeo dicere , quod eis ut nullibi essent quam „ ut ibi essent , potius expediret . “ Atqui , inquam ego , id dicendum videretur , si ignis per totam æternitatem in eos sæviret , quemadmodum hic sævit in corpora eorum , qui flammis pereunt .

Negant vero parvulos non baptizatos igne torque-
ri , 1. S. Greg. Nazianzenus orat. 4. in S. Baptisma ,

in qua sic loquitur. *Existimo futurum, ut . . . nec celesti gloria, nec suppliciiis a justo Iudice afficiantur, utpote qui licet Baptismo consignati non fuerint, improbitate tamen careant, atque hanc jacturam passi potius fuerint, quam fecerint.* 2. Sanctus Gregorius Nyssenus orat. 1. de infantibus: *immatura mors infantium, inquit, neque in doloribus ac maestitia esse eum, qui sic vivere desit, intelligendum esse nobis suggerit.* 3. Sanctus Thomas q. 5. de malo art. 2. in peccato originali, inquit, *non est conversio (ad creaturam) sed sola aversio (a Deo) vel aliquid aversioni respondens, scilicet destitutio anime a iustitia originali; & ideo peccato originali non debetur pena sensus, sed solum pena damni, scilicet carentia visionis divine.* Eandem sententiam amplexi sunt S. Bonaventura, Scotus in 2. & in Scholis evasit valde communis.

Ceterum monendi sunt Clerici hic præsertim cavendum, ne Scholæ opiniones in Catechesibus proponant tanquam fidei dogmata: experientia quippe constat fideles ægre admodum audire parvulos sine Baptismo decedentes, mitti in ignem æternum cruciandos, & propter hujusmodi sermones scandala interdum oriri in Ecclesia.

Poterunt tamen, data occasione, prudenter uti priori opinione contra matres, quæ ex negligentia, vel alio quovis modo fœtus in utero suffocant aut præmature effundunt: posteriore vero, utpote benigniore lenient dolorem earum, quæ acerbius lugent filios suos sine gratia Christi decessisse.

C A P U T VIII.

De causa efficiente Peccati.

Q. 1. **Q**uamnam est causa efficiens peccati?

R. Proprie & directe sola voluntas est causa efficiens peccati.

Probatur 1. ex Scriptura Matth. 15. & Marci 7. de

corde enim exeunt male cogitationes . . . furta , &c. Hec sunt , quæ coinquinant hominem : ubi Christus affert hominem non coinquinari , nisi actus exeat ex corde , hoc est , ex voluntate .

Probatur 2. ex S. Augustino lib. 2. de Civit. c. 6. ubi sic scribit : *Mala voluntas efficiens est operis mali : malæ autem voluntatis efficiens est nihil . Et c. 7. nemo querat causam malæ voluntatis ; non enim est efficiens (nempe voluntas mala) sed deficiens , quia nec illa effectio est , sed defectio . Deficere namque ab eo , quod summe est , ad id quod minus est , hoc est habere voluntatem malam .*

Probatur 3. ratione . Illud solum potest esse causa directa & efficiens peccati quod potest physice movere voluntatem ad peccatum : atqui nulla res potest physice & directe movere voluntatem ad peccatum . Vel enim voluntas moveretur a Deo , vel ab objecto , vel a iudicio rationis , vel a Diabolo , vel ab hominibus , vel denique a concupiscentia , seu appetitu sensitivo : atqui a nullo ex his moveri sic potest voluntas : ergo .

Non a Deo : quia , ex dictis , ubi de reprobatione , Deus non potest esse auctor peccati .

Non ab objecto , nec a iudicio rationis , 1. quia voluntas , ex dictis , est facultas libera , quæ positis omnibus ad agendum requisitis potest se determinare ad agendum , vel ad non agendum : atqui unum ex requisitis ad actum voluntatis , est objecti perceptio ; voluntas enim non potest ferri in incognitum ; ergo nec ratio proponens objectum , nec objectum propositum physice voluntatem determinant , quia 2. ex S. Thoma , illud est discrimen inter appetitum sensitivum ; & voluntatem rationalem , quod appetitus sensitivus , cum sola regatur imaginatione (quæ , utpote facultas corporea , bonum aut malum singulare dumtaxat apprehendit) necessario determinetur ab objecto sic proposito : ovis v. g. necessario fugit lupum , & appetit ramum viridem , quia nihil aliud videt timendum aut appetendum . At voluntas rationalis non fertur in objectum , nisi prælucente intellectu : intellectus autem , cum sit facultas spiritalis , cognoscit communem & universalem boni rationem ,
obje-

objectumque voluntati repræsentat secundum diversas rationes bonitatis, v. g. vel ut honestum simul & arduum; ac minus utile ad rem familiarem, sive conservandam, sive augendam, vel ut turpe & simul delectabile, vel utile. Unde semper liberum est voluntati eligere quod sibi magis placuerit, juxta illud Eccli. 15. *Deus ab initio constituit hominem, & reliquit illum in manu consilii sui. . . ante hominem vita & mors, bonum & malum: quod placuerit ei, dabitur illi.*

Non etiam a dæmone, nec ab hominibus voluntas physice moveri potest. Quia dæmon & homines voluntatem eatenus trahunt ad malum, quatenus suadendo illud proponunt; atqui ex mox dictis, voluntas hominis viatoris quocunque proposito bono, aut malo libera est, & sui determinativa: ergo nec a diabolo, nec ab homine physice movetur.

Advertes tamen efficacius dæmonem suadere malum, quam homines. Hi quippe, cum non agant directe, nisi in sensus exteriores, sæpe voluntatem movere nequeunt, appetitu sensitivo in aliud objectum propendente, & sensum interiorem præoccupante, quo fit, ut mens non attendat ad ea, quæ dicunt, vel faciunt, sive minuentur, sive blandiantur; dæmon vero sensus interiores, & appetitum sensitivum directe afficit, Deo ita permittente: phantasie species, quæ sunt cogitationum semina, commover, sicque objecta velut præsentissima in imaginatione recurrunt, spiritus quoque animales, & alios humores exagitando appetitum sensitivum ad libidinem, iram, & alios inordinatos motus accendit. Sed voluntati necessitatem non infert: quia inordinati concupiscentiæ motus, ex mox dicendis; voluntatem physice non determinant. Unde S. Thomas in 2. dist. 21. q. 1. art. 2. ad 1. sic scribit: „Quamvis potestas dæmonis sit simpliciter major, quam potestas hominis, tamen quantum ad ali-
„ quid non est major, scilicet quantum ad actus li-
„ beri arbitrii, qui cogi non possunt, quia horum
„ actuum ipse homo dominus est, & non dæmon.
„ Et ideo potest tentationi ejus resistere:“ Et Sanctus

Augu-

Augustinus : sive quivis auctor hom. 12. inter 50.
nunc vero serm. 253. in appendice : „ non Diabolus
„ cogendo , inquit , sed suadendo nocet ; nec extor-
„ quet a nobis consensum , sed petit. Si nos diabolum.
„ non adjuvemus , vincimus . Dat quidem ille consi-
„ lium , sed Deo auxiliante , nostrum est eligere vel
„ repudiare quod suggerit . “

Non denique a concupiscentia . Quamvis enim ju-
diciū rationis , & usum libertatis valde impediat ,
absolute tamen non tollit : quia concupiscentiæ nomi-
ne vel intelligitur ipse fomes peccati , seu inordinatio
radicalis ex peccato originali , etiam in renatis per-
manens , quæ dicitur a S. Thoma lect. 2. in cap. 7.
ad Rom. generale malum , communiter se habens ad
omnia peccata , sive spiritualia , sive carnalia : vel
pressius sumitur pro motibus inordinatis appetitus sen-
sitivi , quo sensu vocatur ab eodem Angelico Doctore
sensualitas : atqui concupiscentia neutro modo physice
mover voluntatem . Non priori ; quia , ut sic , est
veluti merus habitus sine actu & causalitate , ut in
parvulis & dormientibus . Non posteriori , & quatenus
innatus ; vel enim motus ejus ita præveniunt ratio-
nem , ut voluntas illos præcavere non potuerit , &
tunc non sunt peccata , nisi materialiter : vel subse-
quuntur rationis advertentiam & judiciū , & tunc
voluntas potest eis resistere , juxta illud Gen. 4. vers.
7. *Sub te erit appetitus ejus , & tu dominaberis illius .*
Et Jac. 1. *unusquisque vero tentatur a concupiscentia*
sua abstractus & illectus : deinde concupiscentia , cum
conceperit , parit peccatum ; peccatum vero cum consum-
matum fuerit , generat mortem . Quibus verbis Apostol.
docet motus concupiscentiæ esse tentationis duntaxat ,
donec ipsa conceperit ; concipit autem accedente vo-
luntatis consensu , ut interpretatur Sanctus Augustinus
lib. 6. contra Julianum cap. 5. ubi sic habet : „ Pro-
„ fecto in his verbis partus a pariente discernitur .
„ Parens enim est concupiscentia , partus peccatum .
„ Sed concupiscentia non parit , nisi conceperit , nisi
„ illexerit , hoc est ad malum perpetrandum obtinue-
„ rit voluntatis assensum . Quod ergo adversus eam
„ di-

dimicatur, hoc agitur, ne concipiat pariatque peccatum. *Et lib. 1. de Civit. cap. 25.* Si illa, inquit, concupiscentialis inobedientia, quæ adhuc in membris moribundis habitat, præter nostræ voluntatis legem, quasi lege sua movetur, quanto magis absque culpa est in corpore non consentiente, si absque culpa est in corpore dormientis? Unde merito Concilium Tridentinum sess. 5. can. 5. anathemate percussit Lutheranos & Calvinistas asserentes concupiscentiam esse peccatum propriè dictum, inordinatosque illius motus, quamvis plene involuntarios, hominum constituere reum damnationis æternæ.

Ergo sola voluntas est subiectum peccati formaliter sumpti; namque peccatum, utpote actus vitalis, recipitur in ea facultate, a qua producitur; ideo enim actus vitales dicuntur immanentes, quia manent in potentia vitali, ut cognitio in intellectu, & volitio in voluntate: atqui ex dictis sola voluntas est causa efficiens peccati: ergo sola voluntas est ejus obiectum.

Dixi, *formaliter sumpti*, quia si peccatum materialiter sumatur, sedem habet in aliis potentiis, & maxime in intellectu, & appetitu sensitivo. Unde Theologi vulgo agnoscunt peccata in ratione & sensualitate.

Dices 1. Deus ut primus motor, concutrit ad omnes actiones, etiam malas: Ergo Deus est causa peccati.

Dist. antec. concutrit ad omnes actiones malas materialiter sumptas, hoc est, quatenus sunt entia, Concedo: formaliter sumptas, & quatenus sunt quædam deordinationes, Nego antec. *Omnia facit Deus*, inquit S. Anselmus lib. de concord. gratiæ, & lib. arbit. cap. 1. *in bonis quidem facit quod sunt, & quod bona sunt; in malis vero facit quod sunt, sed non quod mala sunt.*

Instabis: sunt aliqui actus essentialiter mali, ut mendacium, odium Dei, blasphemia &c. Ergo.

Distinguo antec. sunt essentialiter mali, si moraliter spectentur, Concedo: si metaphorice, Nego antec.

cedens. Sunt enim entia quædam ; omne autem ens est verum & bonum , ut docetur in metaphysicis . Porro Deus est causa illorum actus , quatenus entia sunt , non quatenus diffformes : nam ex S. Thoma quæst. 3. de malo , art. 2. ad 1. *difformitas consequitur ex hoc , quod liberum arbitrium recedit ab ordine voluntatis divinæ* . Et in 2. dist. 27. quæst. 2. art. 5. *Et si , inquit , in aliquo effectu plura inseparabiliter conjuncta sint , non oportet ut quidquid est causa ejus quantum ad unum , sit causa ejus quantum ad alterum : sicut natura est causa oculi , quantum ad substantiam ejus , & non quantum ad defectum cæcitatæ , qui ex naturæ defectu incidit* .

Dices 2. actus a lege prohibitus est peccatum proprie dictum ; quid est enim peccatum , nisi dictum vel factum , vel concupitum contra legem ? atqui omnes concupiscentiæ motus prohibentur hac lege : *non concupisces* : ergo sunt peccata proprie dicta .

Minor probatur 1. ex Apostolo Rom. 7. *concupiscentiam nesciebam , nisi lex diceret : Non concupisces* . Procul dubio autem sciebat Apostolus concupiscentiam voluntariam esse peccatum : Ergo in mente ejus lex prohibet concupiscentiam involuntariam . 2. 1. Joann. 2. *concupiscentia non est a Deo* : atqui omnia sunt a Deo præter peccatum : ergo revera concupiscentia est peccatum . 3. ex S. August. 1^o b. de spir. & litt. cap. ult. pertinet ad præsentem hanc vitam illud præceptum Eccli. 18. *Post concupiscentias tuas non eas* : ad immortalitatem vero vitæ illud Deut. 5. & Rom. 7. *non concupisces* , quo excluduntur omnes motus concupiscentiæ etiam involuntarii .

Nego minor. non etiam dantur præcepta de iis , quæ non sunt in nostra potestate , quales sunt illi motus prorsus involuntarii , confirmaturque hæc responsio ex Bullis Pii V. & Gregorii XIII. in quibus damnata est hæc Baji propositio : *Prava desideria , quibus ratio non consentit , & quæ homo invitus patitur , sunt prohibita præcepto , non concupisces* . Cum igitur Sanctus Augustinus peccatum definiit concupitum contra legem , intelligendus est de concupito voluntario , etiamsi

foras non erumpat, quod nec Apostolus, nec quivis alius agnosceret esse peccatum, nisi opponeretur legi dicenti, *non concupisces*. Et sic patet responsio ad primam confirmationem.

Ad secundam confirmationem respondeo distinguendo min. omnia sunt a Deo præter peccatum, vel præter id quod ad peccatum inclinatur, Concedo: præter id quod est peccatum formaliter, Nego min. Nam habitus erroris & vitii non sunt a Deo, nisi materialiter, & ratione concursus generalis, quia cum Deus neminem tentet ad malum, non potest infundere habitum qui per se inclinatur ad peccatum. Concupiscentia itaque materialiter sumpta est a Deo; inordinatio vero est ex peccato originali, sicut habitus vitii est ex præcedente peccato actuali.

Ad tertiam confirmationem respondeo in præcepto duo esse attendenda, scilicet finem & media. Finis autem proprie non præcipitur, sed intenditur; obligatio vero & vis præcepti cadunt in media. Imperator v. g. præcipit militibus, ut hostem debellant; pater filio, ut doctus fiat. Illi satisfaciunt præcepto, si legitime & strenue pugnent: iste si diligenter studeat; etiamsi nec illi victoriam, nec iste scientiam assequatur. Sic nobis viatoribus dicitur: *Diliges Dominum Deum tuum ex toto corde tuo, & ex tota mente tua, & non concupisces*, quamvis hæc plene non sit implenda nisi in patria. Sed ista nobis proponuntur ut finis; præcipitur vero, ut ad illam perfectionem totis viribus enitamur, caveamusque ne ex quantulacunque negligentia cogitatio aliena, aut inordinati concupiscentiæ motus nostram attentionem detorqueant. Cum autem in hac parte nemo sat invigilet, & oscitante ratione multa huic præcepto, *non concupisces*, contraria subrepant, nobis quotidiana opus est penitentia.

Dices 3. S. Thomas hic art. 3. ad 3. respondet, motus sensualitatis rationem prævenientes esse peccata venialia: Ergo.

Dist. antec. Rationem prævenientes, id est, plenum & perfectum rationis iudicium; Concedo: prævenientis omnem omnino rationis advertentiam, Ne-

go antec. Ait enim ibidem motus illos non esse perfecte, sed imperfecte dumtaxat actus humanos: nullus autem est actus humanus etiam imperfectus sine aliqua rationis advertentia.

Instabis: Idem Angelicus Doctor 3. p. q. 41. art. 1. ad 3. sic scribit: „Tentatio quæ est ab hoste, potest esse sine peccato, quia fit per solam suggestionem. Tentatio autem, quæ est a carne, non potest esse sine peccato, quia huiusmodi tentatio fit per delectationem & concupiscentiam; & sic Augustinus dicit, nonnullum peccatum est, quando caro concupiscit adversus spiritum. Et ideo Christus tentari voluit ab hoste, sed non a carne. „ Eadem docet S. Bonaventura in 2. dist. 21. Ergo.

Dist. antec. Non potest esse sine peccato, hoc est, sine aliqua inordinatione, & peccato materiali, Concedo: sine peccato formali, Subdist. Non potest esse sine peccato, generatim loquendo, quia moraliter impossibile est, ut ratio semper satis vigilet, Concedo: Non potest esse sine peccato formali, ubi ratio viriliter repugnat, Nego antec. S. itaque Thomas distinguit inter tentationes quæ sunt a mundo, & a demone, & eas, quæ suscitantur a carne, docetque priores nullam inordinationem in anima ponere, ac proinde Christum illas pati potuisse. Sed tentatio carnis est quædam rebellio partis inferioris contra superiorem, quod vitium in Christum cadere non poterat.

Quod autem non sit formaliter peccatum, ubi ratio repugnat, constans est doctrina S. Thomæ, ait enim 1. 2. q. 80. art. 3. ad 3. Concupiscentia carnis contra spiritum, quando ratio ei actualiter resistit, non est peccatum, sed materia exercendæ virtutis. Et 2. 2. quæst. 154. art. 5. Primus motus sensualitatis non habet quod sit peccatum nisi in quantum iudicio rationis reprimi potest. Generatim tamen loquendo, motus illi inordinati non sunt sine aliquo peccato, quia moraliter impossibile est ut ratio vel satis invigilet, nec insurgat, vel totas vires suas exerat ad illos comprimendos. Et ita intelligendus est Sanctus Bonaventura.

C A P U T IX.

Satisfis nonnullis difficultatibus circa cogitationes morosas.

Q. 1. **Q**uid est cogitatio morosa?

R. Sic describitur a S. Augustino lib. 12. de Trinit. cap. 12. *Cum sola cogitatione mens oblectatur illicitis (puta venereis, ultione inimici,) non quidem discernens esse facienda, tenens tamen & volvens quæ statim ut attigerunt animum, respui debuerunt: Ergo in cogitatione morosa duo intelliguntur, nempe cognitio, & delectatio rei illicitæ.*

Q. 2. Unde cogitatio dicta est morosa?

Respondet S. Thomas hic quæst. 74. art. 3. ad 3. sic dici a mora, non temporis, cum peccatum etiam mortale uno momento consummari possit, sed rationis quæ circa eam immoratur. Dicitur enim ratio in mora, quomodo debitor, qui non solvit debitum statim, cum potest & debet.

Q. 3. Omnis cogitatio de re illicita estne culpabilis?

R. Non est, nisi sit otiosa, aut ex curiositate procedat, quia cognitio pertinet ad perfectionem intellectus, *omnis scientia bona est*, inquit Aristoteles, lib. 1. de anima. Deus cognoscit omnia obscæna & turpissima absque præjudicio infinitæ suæ puritatis & sanctitatis. Et ratio est, quia ex dictis hoc est discrimen intellectum inter & voluntatem, quod intellectus assimilet sibi objecta, & eatenus expurgat, si immunda sint; voluntas vero eis assimiletur, & agglutinetur; unde si objectum sit turpe, ipsam quoque scdari necesse sit.

Q. 4. Omnis delectatio cogitandi de re illicita estne mala & culpabilis?

R. Distinguendum est: Si delectatio terminatur ad cognitionem, non ad rem ipsam, quomodo gaudet Discipulus aut Confessarius, qui ex lectione notitiam acquirit eorum, quæ sexto Decalogi præcepto prohibentur, licita est & honesta, nisi quis in his inutiliter,

liter, & ex curiositate mentem occupet; vel sine necessitate exponat se periculo patiendi motus inordinatos. Item, si delectatio non sit de ipso opere malo, sed de modo subtili, quo v. g. furtum patratum est, non est peccatum mortale, sed ad summum est vana & inutilis, ac proinde nonnisi venialiter mala. Sed si delectatio ad rem ipsam cogitatione perceptam terminetur, peccatum mortale est in hypothesi, quod res illa sit lethaliter mala.

Probatur 1. Tum auctoritate Cleri Gallicani, qui anno 1700. doctrinam cuiusdam recentioris nostræ responsioni contrariam, declaravit falsam, temerariam, scandalosam, & in praxi perniciosam, tum S. Augustini laudato c. 12. lib. 12. de Trinit. ubi sit scribit: *Totus homo damnabitur, nisi hæc, quæ sine voluntate operandi, sed tamen cum voluntate animum talibus oblectandi, solius cogitationis sentiuntur esse peccata, per mediatoris gratiam remittantur*, tum ratione Sancti Thomæ 1. 2. quæst. 64. art. 8. quia nemo delectatus re illicita, nisi illam amet: atqui amare rem lethaliter malam, est peccatum lethale: ergo & ea libere delectari. Quomodo autem dignosci possit quando delectatio illa sit libera, exposuimus in praxi Sacramenti Pœnitentiæ gallice edita.

Q. 5. *Cogitatio morosa fortiturne diversam peccati speciem secundum objecti diversitatem?*

R. Negarunt nonnulli recentiores, sed sine fundamento. Ideo enim cogitatio illa est mala, quia est de objecto illicito, v. g. de fornicatione: Ergo si objectum sit pejus, puta adulterium, aut incestus, cogitatio quoque censenda est peior, ac proinde in Sacramentali Confessione explicanda.

Dices: S. Thomas hic q. 74. art. 9. docet peccatum in sensualitate non posse esse mortale: Ergo.

Dist. antec. Non posse esse mortale sine sufficienti advertentia rationis, Conc. cum sufficienti advertentia rationis, Nego antec. Namque S. Doctor disertè probat art. 8. delectationem sensualitatis esse lethalem, quando pro objecto habet actum mortaliter malum. Vult itaque dumtaxat, art. 4. peccatum illud potius

esse tribuendum rationi, quam sensualitati, ut videre est in familiari exemplo populi tumultuantis præsentis Magistratu. Si enim resistat Magistratus, sed non ea, qua par est fortitudine, seditio imputatur populo; sed si Magistratus eam approbet, suoque iudicio & auctoritate confirmet, jam ipse censetur auctor seditionis. Sic in proposito casu aliquando rebellat appetitus, ratione negligenter resistente, & tunc motus ille inordinatus tribuitur appetitui sensitivo, qui cum sit polietice tantum subditus, nonnunquam rebellat contra superiorem, proptereaque reus dicitur peccati, sed venialis dumtaxat, quia non subvertit ordinem ad ultimum finem, cum, ut supponimus, ratio superior motum illum inordinatum non approbet. Sed si accedat plenus rationis consensus; delectatio turpis, etiam si sit ab appetitu sensitivo, est peccatum mortale, ita tamen, ut in mente S. Thomæ adscribenda sit rationi, quia ipse est recte iudicare de ultimo fine, quem turpiter censet in bono commutabili esse reponendum.

Q. 6. Quid est ratio superior, quidve inferior?

R. Ratio, licet sit una potentia, quæ alio nomine vocatur mens, seu intellectus, dividitur tamen in inferiorem, & superiorem, quemadmodum appetitus sensitivus in concupiscibilem, & irascibilem. Inferior autem ratio est illa, quæ considerat motiva humana, quæ inferiora sunt respectu divinorum, v. g. quando quis expendit in aliquo objecto utilitatem temporalem, aut incommoda, gloriam aut infamiam, delectationem aut molestim, deliberatio illa pertinet ad rationem inferiorem. Si autem attendat quæ sunt superioris ordinis, puta, quod objectum sit conforme, vel contrarium legi divinæ, speculatio est rationis superioris; ratio enim superior dicitur quæ considerat motiva divina.

Q. 7. Potestne esse peccatum mortale in ratione inferiori?

R. 1. Constat rationem, sive superiorem, sive inferiorem, non esse capacem peccati independentem a voluntate, quia omne peccatum est voluntarium, pro-

pte.

pareaque diximus ignorantiam, aut errorem invincibilem excusare a peccato.

R. 2. Si nulla sit prorsus advertentia aut negligentia in ratione superiori, cum inferior expendit commoda temporalia quæ v.g. ex morte alterius obvenitur sunt, puta amplam hereditatem, & immunitatem a quibusdam molestiis, unde appetitus sensitivus delectatur, nullum est peccatum. In hypothese autem quod ratio superior in allato exemplo negligenter se gerat, & saltem imperfecte percipiat huiusmodi motiva temporalia, & delectationem inde consequentem repugnare legi æternæ, peccatum est veniale. Sed si ratio superior vel approbet iudicium inferioris, vel sufficienter advertat, aut advertere possit esse contrarium caritati & legi divinæ; delectatio illa, cum capiatur ex re lethalter mala, peccatum est lethale, ut patet ex dictis de cognitione morosa.

Dixi, *aut advertere possit*; neque enim necesse est, inquit S. Thomas, ut actu advertat & cogitet de lege æterna; alias qui peccant ex habitu, vel ex ignorantia vincibili, essent excusandi; habitus enim viciosus in perditissimis hominibus, & ignorantia vincibilis sæpe tollunt attentionem ad legem divinam.

Ergo excusandi non sunt, qui in familiaribus colloquiis laudant vitæ superfluitates, ultionem de inimicis, & de iis cogitando animum oblectant, eo prætextu, quod a lege ista prohibente abstrahant. *Hæc*, inquam, *dicta sunt secundum hominem*. Immo contra naturam hominis est, ac proinde peccatum, amare quæ per se mala sunt.

Q. 8. *Peccatne, qui negative se habet ad inordinatos concupiscentiæ motus, hoc est, nec consentit, nec dissentit, quamvis illos advertat?*

R. 1. Est peccatum mortale, quando imminet probabile periculum consensus in delectationem rei moraliter malæ. Hoc uno ore fatentur omnes Theologi, inquit Azor. part. 1. lib. 4. cap. 6. q. 5. nisi enim quis tunc expresse resistat, consentire videtur.

R. Nullum est peccatum non amovere justam & equam causam, qualis esse potest auditio confessionum,

equitatio, ex qua delectatio venerea sequitur in appetitu sensitivo, modo absit periculum consensus; si enim adesset, ab iis omnino esset abstinendum.

Neque etiam peccaret, qui propter magnam in honesto opere animi contentionem & attentionem non resisteret, citra tamen periculum consensus: quia motus illi nec directe, nec indirecte sunt voluntarii, sed omnino præter voluntatem suo operi unice intentam.

Dixi, *causam justam & equam*. Peccatum enim saltem veniale, per curiosam lectionem, vel inutilem confabulationem, dare occasionem non necessariam huiusmodi motibus, quamvis voluntas positive resistat.

Quæstio autem esse potest, utrum peccatum illud sit mortale.

Negant Sylvius, Bonacina. & alii, dummodo non intendatur delectatio, sed ei repugnetur, nec subsit grave periculum consentiendi, quale est in aspectu objecti valde obscæni, quem Theologi communiter judicant esse mortale, etiamsi ex sola curiositate proficiatur; quia huiusmodi aspectus sic provocat ad libidinem, & delectationem veneream, ut voluntatem in evidens consentiendi periculum conficiat,

R. 3. Quando delectatio venerea, aut alla rei mortaliter malæ sufficienter advertitur, probabilius est esse peccatum mortale, ad eam se negative habere, etiam citra periculum consensus positivi. Ita sanctus Thomas his art. 7. ad secundum: *Ex hoc ipso*, inquit, *quod ratio superior non dirigit actus humanos secundum legem divinam, impediens actum peccati, dicitur ipse consentire, siue cogitet de lege æterna, siue non. Cum enim cogitat de lege Dei actum, eam contemnit: cum vero non cogitat, eam negligit per modum cuiusdam omissionis.* Et clarius artic. 6. *Deficit (ratio) in directione passionum inferiorum dupliciter. Uno modo quando imperat illicitas passiones; alio modo quando non reprimat illicitum passionis motum.* Ex quibus conficitur hoc argumentum. Tum peccatum est, & quidem grave, cum ratio voluntarie deficit in re gravi: atqui non reprimat delectationes venereas, quas sufficienter advertit esse contrarias legi divinæ, sed ad eas negative
se habet

se habet, deficit in re gravi, deestque suo officio; officium enim est superioris coercere seditiosos subditorum motus, quando id præstare potest, censeturque iis consentire, si præmonitus dissimulet sine rationabili causa, Ergo.

Q. 9. Peccantne qui delectantur cogitatione actionis olim ipsis licite, nunc vero illicitæ: viduus, v. gr. aut vidua delectabiliter cogitet de opere conjugali præterito; sponsa de eodem opere futuro?

R. Viduus & sponsus peccant mortaliter, quando opus conjugale apprehendunt tanquam præsens, & ea cogitatione actuali oblectantur, quia delectatio illa est de objecto lethaliter malo: opus enim conjugii in eo statu, in quo sunt, ipsis prohibetur sub peccato mortali. Possent quidem excusari, saltem a peccato mortali, si absque sensualitatis motu apprehenderent actum conjugalem ut præteritum vel futurum, approbantes quod illum exercuerint, aut essent exercituri, quia non approbant illud opus, nisi quatenus fuit, vel erit ipsis licitum: sed cum ejusmodi mentis apprehensio vix possit esse sine delectatione venerea, nec est accersenda, nec sponte oblata retinenda, sed statim abjicienda.

Ex hac responsione colligitur quid sentiendum sit de eo, qui cuperet delectari re aliqua, nisi esset mala: si enim sic cogitando delectetur actu re mortaliter mala, reus est peccati mortalis; si vero non delectetur, immunis est a peccato saltem mortali, quia actu non vult delectari re illicita: cum autem vanæ sint & inutiles hujusmodi cogitationes, non sine peccato veniali admittuntur.

Quid si optaret ille rem non esse malam, puta fornicationem, aut occisionem inimici?

Distinguendum est. Vel enim res illa est ex se indifferens, ut esus carnum in Quadragesima, qui non est malus nisi propter legem prohibentem, vel est per se mala, ut fornicatio. Quæ sunt mala, quia prohibita, ex justa & rationabili causa sine peccato expeti possunt, v. g. esus carnum, sanitati necessarius; quia voluntas non fertur in objectum illicitum, & legem illud prohibentem reveretur, cum propter illam absteineat a

carnealibus aliisquē sanitati necessariis. Sed mala posterioris generis non possunt desiderari, nisi ut mala; non enim mala sunt, quia prohibita; sed potius ilco prohibentur, quia mala sunt, & vitiosum est velle talia permitti. Peccant ergo mortaliter, qui vellent fornicationem, furtum, actionem de inimicis non prohiberi.

Propter eandem rationem reus est peccati mortalis, qui sic effectus est, ut dicat, si non esset infernus, fornicarer; si militiæ non renuntiassem, aut ad statum Clericalem non transissem, te occiderem. Nam etiam si non esset infernus, nec qui ista dicit, ordini Clericali si esset adscriptus, nihilominus fornicatio, & injusta occasio essent lethalius malæ, nec proinde sine gravi peccato expeti possent.

Q. 1. *Licetne delectari opere, quod cum ex se sit peccatum mortale, commissum est sine culpa propter ignorantiam invincibilem, amentiam, aut aliquid simile?*

R. 1. Delectari licet, quod illud opus fuerit sine culpa. Responsio est evidens, quia ejusmodi delectatio est de re bona.

R. 2. Licitum est etiam delectari effectu, qui feliciter inde secutus est, v. g. sospitæ sunt lites, & pax conciliata ex homicidio casuali.

R. 3. Delectari ipso actu v. g. homicidii inculpabilis est peccatum mortale. Probatur 1. ex censura Innocentii XI. qui hanc damnavit propositionem: *Licitum est filio gaudere de parricidio parentis a se in ebrietate patrato, propter ingentes divitias inde ex hereditate consecutas.* 2. Quia objectum hujus delectationis est lethalius malum, etiam si non imputetur ei, qui ignoravit. Ergo & ipsa delectatio. 3. Quia non licet desiderare opus per se malum, propter bonum finem: Ergo neque de eo gaudere propter finem similiter bonum.

TRACTATUS

DE

REGULA MORUM.

Q. 1. *Quid requiriturne aliqua regula ad mores recte informandos?*

R. Certum est requiri; quia facultas, quæ deficere potest, ut manus Pictoris respectu picturæ, indiget aliqua regula, v. g. arte pictoria, per quam certo & infallibiliter dirigatur in suis operationibus; atqui voluntas humana, ex qua procedunt mores humani, deficere potest ad malum, sicut ad bonum: ergo si homo certa indiget regula, puta arte, ut sit bonus artifex, recteque perficiat opera, quæ temporalem duntaxat vitam spectant, a fortiori ut evadat vir bonus, actionesque suas certo dirigat ad ultimum finem, & æternam beatitudinem.

Q. 2. *Quenam est regula actuum humanorum?*

R. Duplex statuitur, interior scilicet & exterior, interior est conscientia, exterior vero lex.

Q. 3. *Quare conscientia non est unica actuum humanorum regula?*

R. Quia cum possit errare, & a vero deficere, lege debet dirigi.

Ergo temere agunt, qui ex proprio cerebro sibi & aliis conscientiam formant, ac sine legis noticia discernunt quid hic & nunc sit agendum.

Ergo actus humanus non est moraliter bonus, nisi rogatur conscientia simul & lege; sed est simpliciter malus, si alterutrum desit, hoc est, si procedat vel contra conscientiam, licet conformiter ad legem, vel juxta dictamen conscientiae, sed contra legis præscriptum. Ita S. Th. quodlib. 6. q. 6. art. 3. ubi sic habet: *Quobus modis aliquis ad peccatum obligatur?*

uno modo faciendo contra legem, ut cum aliquis fornicatur: alio modo faciendo contra conscientiam, ut si non sit contra legem, ut si conscientia dicat alicui quod levare festucam de terra sit peccatum mortale. Illud autem quod agitur contra legem, semper est malum, nec excusatur per hoc quod est secundum conscientiam. Et similiter quod est contra conscientiam, est malum, quamvis non sit contra legem.

Præverat Sanctus Bernardus lib. de præcept. & disp. cap. 14. his verbis: *Ut interior oculus vere simplex sit, duo illi arbitror esse necessaria, caritatem in intentione, & in electione veritatem . . . sive itaque malum putes bonum, quod forte agis, sive bonum malum quod operaris, utrumque peccatum est.*

Q. 4. *Quare actus humanus legi conformis, sed conscientie repugnans, est malus?*

R. Quia hominis natura, utpote rationalis, exigit ut omnes ejus actiones rationabiliter fiant, hoc est ratione regantur, *rationabile obsequium vestrum*, inquit Apostolus, Rom. 12. alioquin magna foret inordinatio, si voluntas contra rationem insurgeret, & contempto ejus imperio, inferiores potentias applicaret ad opus. Cum autem ignorantia in omnibus hominibus sit poena peccati, & ratio facile decipi possit passionibus, pravis aliorum exemplis, & daemonum suggestionibus, ipsa indiget certa & infallibili regula, lege nimirum, quam consulere necesse est, priusquam ratio judicium de agibilibus ferat.

Nec dicas homines facile falli in Dei voluntate de rebus dubiis percipienda, & in præcipienda fallere posse; nam lex æterna, quæ fallere nequit, prohibet ne inferior de superiore male suspicetur, cum aperta ratio, vel indubitata auctoritas non demonstrat ipsum contra Deum præcipere. Ita Sanctus Bernardus citato loco: *Cum de Scripturis habetas*, inquit, *quia labia Sacerdotis custodiunt scientiam, & legem ex ore ejus requirunt; quia Angelus Domini exercituum est: ipsum quem pro Deo habemus tanquam Deum in his quæ aperte non sunt contra Deum, audire debemus.*

Ex his

Ex his patet hunc tractatum in duas partes esse distribuendum. Prima pars erit de Conscientia. Secunda de Legibus.

PRIMA PARS.

De Conscientia.

CAPUT PRIMUM.

De definitione Conscientiæ.

Q. 1.  Uid est Conscientia?

R. Est iudicium actuale practicum distans quid in particulari sit faciendum, aut omittendum.

Dicitur 1. *Judicium*, quo significatur conscientiam pertinere ad intellectum, cujus est iudicare.

Dices: Conscientia, vel est bona, vel mala: bonum autem & malum pertinent ad voluntatem, sicut verum & falsum ad intellectum: ergo conscientia est actus voluntatis, ut præferat ejus nomen; conscientia enim secundum viam nominis est cordis scientia.

Dist. ant. Conscientia est bona, vel mala directive, quia ipsius est dirigere actus humanos, Conc. Est bona, vel mala formaliter, & subjective, Nego antec.

Dicitur 2. *Actuale*, quia conscientia neque est potentia, neque habitus sicut prudentia, sed actus.

Dicitur 3. *Distans*, quia conscientia est dirigere actus humanos.

Dicitur 4. *Quid in particulari sit faciendum, aut omittendum*, ut distinguatur, tum a synderesi, tum a prudentia universali: Synderesis enim est habitus intellectus nobis naturaliter inditus, qui versatur circa prima principia practica, v. gr. quod tibi fieri non vis, alteri ne feceris. Prudentia vero universalis est

est habitus, sive acquisitus, sive infusus, qui ex primis principiis practicis deducit conclusiones universales, v. g. non debemus alteri facere, quod nobis fieri nollemus; atqui nollemus rem nostram subripi: ergo non debemus rem proximi subripere. Conscientia autem subsumit, atqui hæc pecunia usuraria est res aliena: ergo ab ea debeo manus meas continere.

Ergo conscientia est ultimus prudentiæ particularis actus, & veluti ejus conclusio: *Conscientia*, inquit S. Antoninus, *est concludens scientia*.

Ergo conscientia, ut sit recta, præsupponit præmissas veras & notas; namque vera & æcqua non potest esse conclusio, nisi eliciatur ex propositionibus veris & notis.

Dices, Rom. 14. Conscientia vocatur fides, *omne quod non est ex fide, peccatum est*. Unde vulgo dicimus aliquem bona vel mala fide agere, quando agit secundum, aut contra conscientiam; ergo conscientia non est ultimus actus prudentiæ particularis.

Dist. ant. Conscientia est fides præsuppositive, Conc. Formaliter, Nego ant. Conscientia itaque præsupponit multa, quæ pertinent ad fidem, sive divinam, sive humanam, puta Ecclesiæ traditionem & definitionem, judicium sapientum, testimonium hominis fidei digni; ex quibus prudentia conficit hunc syllogismum practice & evidenter verum. Tutum est in praxi amplecti quod tradit Ecclesiæ, docent ejus Pastores, judicant, licitum sapientiores, testantur homines fidei digni, communiterque observant viri religiosiores. Hæc propositio est certa & evidens: atqui Ecclesiæ & ejus Pastores docent, v. gr. Contractum consignativum esse licitum: viri docti consentiunt Titium in hoc facto irregularitatem non contraxisse: duo testes affirmant hunc hominem reum esse homicidii voluntarii. Evidentia hujus propositionis ipsis sensibus percipitur. Unde conscientia evidenter concludit: ergo licitum est inire hunc contractum consignativum. Titius non tenetur se gerere tanquam irregularem. Judex hunc hominem secundum legem morte plectere debet. Porro hæ conclusiones non sunt fidei actus,

actus, licet fidem aliquando divinam, aliquando humanam præsupponant.

C. A. P. U. T. II.

De divisione Conscientiæ?

Q. 1. *Quotuplex est Conscientia?*

R. Generatim & adæquate dividitur in bonam & malam, nec ulla agnoscenda est indifferens; quia ex dictis conscientia est actus prudentiæ; atqui actiones indifferentes etiam in hypothesi quædantur, non sunt objectum prudentiæ, quæ tota est in ordinandis actionibus ad ultimum finem, ad quem consequendum actio indifferens non potest esse medium.

Gravis autem hic nascitur difficultas, ac præ ceteris accuratius examinanda, scilicet, quæ conscientia dicenda sit bona; nusquam enim in moralibus periculosius erratur, quam in definienda bona conscientia, testante Clero Gallicano anno 1700. his gravissimis verbis: *Hoc initium malorum esse, atque omnium corruptelarum caput, & doctrinæ consecutio, & fœdes temporum ostendit*. Atque ut in re tam lubrica secure procedamus, operæ pretium est referre sigillatim omnes conscientiæ divisiones, & varias ejus species, tumque licebit de unaquaque judicium ferre. Itaque.

Conscientia specialius dividitur 1. in rectam seu veram, & falsam seu erroneam: & hæc vel invincibiliter est erronea, vel vincibiliter. 2. In certam, & incertam, seu in tutam, & minime tutam.

Incerta subdividitur in dubiam, perplexam, probabilem, & scrupulosam.

Q. 2. *Quid est Conscientia dubia?*

R. Est intellectus practici hæsitatio circa rem agibilem. Hæsitat autem intellectus, & in neutram partem contradictionis inclinatur, vel quia nulla occurrit assen-

assentiendi ratio, vel quia pro utraque parte adfuerunt rationes æqualis ponderis, quæ mentem suspensam, & quasi in æquilibrio contineant. Pater v.g. afferit filium complevisse vigesimum primum ætatis annum, ac proinde teneri lege jejunii; mater contra pernegat & ex hac contradictione exurgit dubia filii conscientia.

Q. 3. *Quotuplex est Conscientia dubia?*

R. Duplicem vulgo distinguunt Theologi, scil. dubiam speculative duntaxat, practico vero certam; & dubiam tum speculative, tum practice.

Conscientia est speculative dubia, quando dubium est de re objective spectata, ut si tonsor dubitet an liceat barbas radere diebus festivis. Practice autem est dubia, quando dubium cadit in ipsum exercitium actus, ut si idem tonsor dubitet num peccet barbas radendo diebus Dominicis. Porro nonnumquam contingit, inquiunt illi Theologi, eundem esse speculative dubium, & practice certum, ut videre est in allato exemplo tonsoris, qui dubitat, num opus ejus sit servile, & ab Ecclesia prohibitum festis diebus, & practice certus est se non peccare illud opus exercendo, quando nempe res ejus familiaris magnum detrimentum pateretur, si solus ex omnibus tonsoribus in reverentiam dici sacri ab illo opere abstineret.

Quamvis hæc conscientiarum dubiarum divisio aliquo sensu sit vera, simpliciter tamen & absolute falsa est, & in praxi periculosa: & nisi recte intelligatur, tendit ad subvertendam omnem moralem disciplinam. Quare rejicienda videtur.

Primo non est simpliciter & absolute vera; cum enim conscientia ex dictis sit practica conclusio, non potest esse certa, nisi deducatur ex præmissis certis: ex incerto quippe principio non potest certa sequi conclusio. Tonsor in allato exemplo, qui dubitat, an radere sit opus servile die festo prohibitum, non potest certo concludere sibi licere eodem die radere, nisi ipsi præfuso sit hæc ratio speculative certa, quæ eum ad radendum determinet, nempe legem Ecclesiasticam non obligare cum magno familie dispendio. Itaque ut conscien-

tia sit practice certa, stante aliquo dubio speculativo, necesse est, ut concurrat certa aliqua ratio ex circumstantiis desumpta, ex qua eliciatur conclusio, seu conscientia practice certa: patet tum ex allato tonsoris exemplo, tum ex duobus sequentibus. Mulier, ex una parte speculative est dubia de veritate matrimonii bona fide initi: ex alia vero parte certa est speculative, neminem in dubio privandum esse jure suo, & ex illo principio certissimo practice judicat stante illo dubio reddendum esse debitum marito exigenti, nec de veritate matrimonii dubitanti. Item aliquis est speculative dubius, an sit detentor rei alienæ, & aliunde certus in tali dubio potiozem esse partem possidentis, nec ullum propter hujusmodi dubium esse spoliandum re sua: nixus autem hoc principio speculative certo, format sibi conscientiam practice certam se non teneri ad restitutionem. Ergo conscientia non potest esse practice certa, nisi cum dubio speculativo adsit ratio etiam speculative certa.

Secundo in praxi periculosum est simpliciter & absolute statuere conscientiam posse esse practice certam simul & speculative debiam, quia facile quis in quodlibet dubio ad nutum voluntatis conscientiam sibi formaret, omnes dubitandi rationes ablegaret, certumque se in operatione crederet eo ipso quo vellet esse certus.

Q. 4. Quid est conscientia perplexa?

R. Est intellectus practici judicium dictans subesse peccatum, quamcumque agens amplectatur partem, verbi gratia siue mentiatur ad impediendum homicidium injustum, siue non mentiatur in hypotesi quod ex veritatis confessione injustum homicidium consequatur.

Q. 5. Potestne aliquis esse in vera peccandi necessitate?

R. Minime, quia in iis angustiis, in quas nemo nisi ex errore delabitur, prudentia dictat minus malum esse eligendum, ac proinde in allata hypotesi mendacium officiosum non foret peccatum, nisi materialiter.

Q. 6. *Quid est conscientia, seu opinio probabilis?*

R. Est mentis assensus cum formidine oppositi: *Opinio*, inquit S. Bernardus lib. 2. de Confid. cap. 4. *cuncta nihil habens, verum per similia querit potius, quam apprehendit.*

Q. 7. *Quotuplex est conscientia, seu opinio probabilis?*

R. Duplex: Alia fulcitur ratione: alia auctoritate. Prior probabilitas dicitur intrinseca: posterior vero extrinseca.

Q. 8. *Quotuplici modo spectari potest opinio probabilis?*

R. Duplici, scilicet absolute, & sine respectu ad aliam oppositam, & comparate cum alia opposita. Aliquis v. g. probabiliter affirmat hoc poculum esse veneno infectum, hunc contractum esse usurarium; alter vero utrumque probabiliter negat: mens in ejusmodi opinionum contradictione illas prius inter se comparat, quam judicium ferat.

Q. 9. *Quid est observandum in concursu opinionum oppositarum?*

R. In primis observandum est utrum opinio opposita sit vel æque probabilis, vel minus probabilis, vel probabilior; neque enim quisquam poculum hauriret, altero affirmante esse veneno infectum, altero negante, nisi prius expendisset uter ex illis verum diceret.

Q. 10. *Quid si opinio opposita sit æque probabilis?*

R. Conscientia efficitur, aut saltem effici debet dubia: quia mens propter æqualis rationis, vel auctoritatis pondera non magis in unam inclinat partem, quam in aliam, Judex v. g. qui audito primo teste accusatum onerante probabiliter judicabat illum esse reum, in dubium venit, cum audita secundum testem priori contradicentem.

Q. 11. *Quid si opinio opposita sit minus probabilis?*

R. Conscientia in illo concursu non solum de ejus veritate erit dubia, sed si non impediatur parvo voluntatis affectu, pronuntiabit probabiliter esse falsam: id enim suadent graviora momenta, quibus opposita pro-

probabilior nititur, ut videre est in his exemplis: si duo testes, quorum alter est fide dignior, testimonium contradictorium ferant, Judex eo ipso, quo unius testimonium judicat credibilius, necessario putat testimonium alterius verisimilius esse falsum. Item privatus, qui consuluit duos Theologos dissentientes circa æquitatem alicujus contractus, si unius consilium propter majorem Theologi peritiam probabilius videtur verum, alterius consilium consequenter probabilius existimat falsum.

Dixi: Modò conscientia non impediatur pravo voluntatis affectu; Quia hujusmodi affectus judicium precipitat, nec sinit mentem attendere, nisi leviter, & superficie tenus ad ea, quæ dubium ingerere, & voluntatis impetum cohibere deberent; quod quam timendum sit, ubi agitur de formanda conscientia, docet Clerus Gallicanus sæpius citato loco: Neque quisquam, inquit, in dubio salutis ad actum prosiliat, nisi ipso dubio non ad nutum voluntatis, aut ex cupiditatis instinctu, sed ex recta ratione deposito, dicente Scriptura, rationabile obsequium vestrum. Omnia probate, quod bonum est, tenete.

Q. 12. Conscientia quæ fulcitur opinione probabiliori, estne certa?

R. Distinguendum est. Vel enim vis argumenti, quo nititur opposita opinio minus probabilis, statim probabilior, vel prorsus exploditur. Si primum, conscientia non est certa; quia opposita opinio quamvis minus probabilis, verisimilitudine non caret, quæ prudenti injicere debet errandi formidinem. Judex, verbi gratia, non potest certo judicare testem fide digniorem verum dicere, quandiu alterum contradicentem non potest falsi arguere; nec consulens verum esse consilium doctoris, quod minus doctus impugnat momentis verisimilibus, minimeque contemnendis. Si secundum, hoc est, si opinio probabilior explodit momenta oppositæ minus probabilis, efficaciterque ostendit non esse verisimilia, efficit conscientiam certam saltem moraliter.

Q. 10. Quotuplex est certitudo?

R. Triplex.

R. Triplex, scilicet, metaphysica, physica, & moralis.

Metaphysica habetur certitudo, quando res quæ concipitur, non potest aliter se habere, nequidem divinitus, ut mons sine valle, homo sine rationalitate, Deus sine bonitate; hæc enim sunt contradictoria.

Physica certitudo est, cum cognitio fertur in rem, quæ naturaliter & secundum ordinem a Deo præstitutum aliter esse nequit, quamvis supernaturaliter non sit impossibilis. Sic certi sumus stupam in ignem conjectam brevi consumendam, licet per miraculum conservari possit.

Moralis adest certitudo, quando spectatis circumstantiis ratio dicat non esse timendum, ne res aliter se habeat, quam menti objicitur, etsi naturaliter & absque miraculo possit se habere aliter: immo aliquando sic contigerit. Responsio patebit sequentibus exemplis: cum morali salutis certitudine quis ambulat per plateas tranquillo aere: cum fratre, quem benevolum expertus est, solus egreditur in campum; licet e tectis regulæ in caput ejus decidere naturaliter possint, aut frater in ipsum insurgere, quemadmodum Cain in Abelm. Nam imprudens & ridiculus videretur, si timor incurrendæ mortis in hujusmodi circumstantiis illum domi conclusum detineret. Cum eadem certitudine Judex credit duobus testibus consentientibus, plebs Parochi catechesibus, nec nisi imprudenter fidem denegarent, eo prætextu, quod duo testes & privatus Parochus fallere possint, nec desint exempla eorum, qui sic fuerunt decepti: hæc enim rariora & remotiora sunt, quam ut prudenter timenda sint. Sic vir probatæ castitatis & pietatis, anxius tamen num consenserit delectationi venereæ, aut vanis cogitationibus, quas inter orandum passus est, moraliter certus esse debet se non consensisse saltem eo consensu, qui ad peccatum mortale pertingat, hoc est, plene libero; quia moraliter fieri nequit, ut voluntas tam firma & tam constans in proposito vitandi omne peccatum præsertim lethale, mutetur, quin conscientia dilucide advertat. Secus judicandum de iis, quorum voluntas verti solet ad omnem tentationis

nis flatum. Horum quippe anxietas & dubium fundamento non caret, & plerumque præsumitur illos consensisse, nisi contrarium probent.

His præmissis de conscientie divisione, & de variis ejus speciebus, superest, ut expendamus, quæ sit conscientia bona, quæve nos coram tribunali supremi Judicis defendere valeat.

C A P U T III.

De bona, malave Conscientia.

CUM ex dictis nullus conscientie suæ testimonio possit esse securus, nisi probaverit hanc suam conscientiam esse bonam, dicente Apostolo 1. Cor. 4. *Nihil enim mihi conscius sum, sed non in hoc justificatus sum*, nobis accuratius investigandum incumbit, quæ tandem conscientia bona dicenda sit, an erronea, an dubia, an certa, aut probabilis. Quare

Q. 1. *Conscientia erronea est-ne bona?*

R. Minime, quia, ut ait Sanctus Bernardus supra laudatus, pag. 280. *Ut interior oculus vero simplex sit, idest, ut conscientia sit sana & laudabilis, duo illi arbitror esse necessaria, caritatem in intensionem, & in electione veritatem. Sive itaque malum putes bonum, quod forte agit, sive bonum malum, quod operaris, utramque peccatum est.*

Q. 2. *Conscientia erronea nunquamne excusat a peccato?*

R. Excusat, si sit invincibiliter erronea, secus si vincibiliter. Ita Sanctus Thomas quodlib. 8. q. 6. art. 15. *Error conscientia, inquit; quandoque habet vim absolvendi, sive excusandi; quando scilicet procedit ex ignorantia ejus, quod quis scire non potest, vel scire non tenetur. Et in tali casu, quamvis factum de se sit mortale, tamen intendens peccare venialiter, peccaret venialiter. Quandoque vero error conscientie non habet vim absolvendi vel excusandi; quando*
sci-

scilicet ipse error peccatum est, ut cum procedis ex ignorantia ejus, quod quis scire tenetur & potest, sicut si crederet fornicationem simplicem esse peccatum veniale, & tunc quamvis crederet peccare venialiter, non tamen peccaret venialiter, sed mortaliter.

Ergo neque ex intentione laudabilis finis, neque ex erroneæ conscientiæ dictamine excusantur defectus eorum, qui officium, sive politicum, sive Ecclesiasticum suscipiunt, quamvis non quæsitum, si vires eorum superet, vel propter insufficientem scientiam, vel propter ingenii tenuitatem, vel propter meliorem indolem qualibet suggestione versatilem; quia illorum ignorantia & deceptio voluntaria est saltem in causa, ac proinde vincibilis.

At, inquires, nullus nisi superbus crediderit se idoneum esse, qui aliis utiliter præesse valeat. Ergo omnes a regendis aliis abstinere debent, cum moraliter fieri nequeat, quin in regimine error aliquando subrepat, aut fallacia decipiat.

Nego consequentiam. Neque enim ista pensanda sunt ex proprio sensu, sed ex viri sapientis consilio, qui nos probe noverit, non ex fama tantum, aut veluti ex exteriori superficie, sed ex plena interioris hominis manifestatione. Nam ex Sancto Bernardo serm. 18. in Cantic. non minus cavendum est vocanti Deo resistere, quam honorem ab ipso non concessum, licet forte ab homine oblatum, assumere: Rem profecto, inquit, proximi retines tibi, si plenus virtutibus cum sis, donis scientiæ, & eloquentia adornatus & metu forte, aut segnitie, aut minus discretæ humilitate, verbum bonum, quod possit prodesse multis, inutili, immo & damnabili ligas silentio, certe maledictus quod frumenta abscondis in populis. Rursum quod tuum est spargis, & perdis, si prius quam infundaris tu cotus, semiplenus, festines effundere . . . si insisterint rogantes aliqui ex his qui forte existimant ad me supra id quod vident in me, aut audiunt aliquid ex me, respondebitur eis; ne forte non sufficiat nobis & vobis, ite potius ad vendentes & emite vobis.

Q. 3. Quid sentiendum de conscientia dubia?

R. Ma-

R. Mala est, nec ea innitendum, sed suspendendus consensus, quandiu duraverit dubium.

Probatur 1. ex Scriptura, Eccli. 3. vers. 27. *Qui amat periculum, in illo peribit, hoc est, qui se a peccandi periculo non remouet, in illo peribit quamvis se securum putet.*

Probatur 2. ex Traditione. S. Augustinus lib. 1., de Bapt. cap. 3. sic scribit: *Graviter peccares in rebus ad salutem animæ pertinentibus, vel eo solo, quod certis incerta præponeret.* S. Bernardus serm. de voluntate nostra subiicienda divinæ, ait: *In his rebus, in quibus nihil certi sumus invenire, nihil certum voluntas nostra definias, pendeat inter utrumque.* Innocentius III. lib. 5. de mysterio Missæ, cap. 24. Ego, inquit, *semper in dubiis, quod tutius est, iudico præferendum, & cap. Juvenis, de sponsalibus, in his, quæ dubia sunt, quod certius existimamus, tenere debemus.* Generale Conc. Viennense cap. Exiit, de verb. signif. sic statuit, *in his quæ salutem animæ respiciunt ad vitandos graves remorsus conscientie, pars securior est tenenda.* Addit Clerus Gallican. ann. 1700. inque id consilii, sed præcepti loco habeamus. S. Thom. quodlib. 8. art. 13. eadem docet his verbis: *Quod si ille, qui plures possidet Præbendas, in quandam dubitationem inducitur ex contrarietate opinionum & manente tali dubitatione, plures Præbendas habeat, periculo se committit, & sic procul dubio peccat.* Sanctus Antoninus etiam 3. part. tit. 3. cap. 10. §. 10. *Beatus Thomas & alii, inquit, dicunt quod ille, qui agit id, de quo est dubium, utrum sit mortale, vel non, peccat mortaliter, quia periculo se exponit mortali.* Cum ergo in aliqua materia morali sunt variae & contrarie opinionēs, ille qui adhaeret latiori viæ, videtur se exponere periculo mortis, quia est in dubio, cum possit illa opinio esse falsa, & contraria vera.

Probatur 3. ratione, quia agere temere & contra prudentiæ regulas peccatum est: atqui agens in dubio, temere & contra prudentiæ regulas operatur: Ergo.

Minor probatur, Quia prudentia est virtus intellectus;

Actus; atqui ex S. Thoma 1. 2. q. 57. art. 2. ad 3. illi soli habitus virtutes intellectuales dicuntur, quibus semper dicitur verum, & nunquam falsum: opinio vero & suspicio possunt esse veri & falsi, & ideo non sunt intellectuales virtutes, ut dicitur in 6. Ethic. Et art. 4. sic se habet prudentia ad actus humanos, sicut se habet ars ad exteriores actiones: atqui ars certo & infallibiliter operationes artificiales dirigit: ergo & prudentia actiones morales.

Confirmatur ex communi omnium hominum sensu: ille in proximum peccat, qui sciens & volens exponit se periculo illum lædendi, aut damnum inferendi, quia hæc agendi ratio vertitur in ejus contemptum & contumeliam. Ergo a fortiori reus est apud Deum, qui libere ea facit, dubius an illi displiceant, necne.

Ergo conscientia bona non est, nec actus ex illa procedens laudabilis, nisi sit certa. Evidenter sequitur ex præcedenti responsione. Non enim datur medium inter incertum & certum: atqui conscientia incerta & dubia est mala: ergo bona necessario debet esse certa.

Dices 1. probabile est quid medium certum inter & certum. Ergo.

Nego ant. Oppositum constat ex dictis de conscientia & opinione probabili, pag. 286. & seqq. ampliusque patebit ex capite sequenti.

Dices 2. Pastor in dubio prudenter Sacramenta ministrat infirmo in extremis posito, & Medicus carent remedio certo in iisdem circumstantiis recte adhibet dubium: ergo prudentia non excludit dubium.

Nego consequ. Quia etsi Pastor & Medicus dubitent de effectu, ille Sacramenti, iste remedii, nihilominus certi sunt dubia media, ubi alia non suppetunt, tum esse adhibenda, cum iis neglectis salus desperata videatur, & iis adhibitis spes aliqua salutis affulgeat.

Dices 3. in moralibus impossibile est habere certitudinem, dicente Scriptura Sap. 9. *ecogitationes . . . mortalium timida, & incertæ providentiæ nostræ*. Job ipse a Deo laudatus fatetur se dubitasse de omnibus operibus suis; *verebar*, inquit cap. 9. *omnia opera mea*, in quem locum sic Scribit Sanctus Gregorius,

rius, bonarum mentium est agnoscere culpam, ubi culpa non est: Ergo.

Dist. antec. Certitudinem metaphysicam aut physicam, Concedo: ac proinde scrupulosi frustra eam quærent certitudinem moralem, qualem supra explicuimus pag. 260. Nego antec. Hac morali certitudine non caruit beatus Job, scivit quippe eleemosynam & alia pietatis opera esse objective bona. Sed verebatur, ne ea qua par est, intentione illa non perficeret. Dicendum, inquit S. Thomas supra q. 6. art. 4. quod agnoscere culpam, ubi culpa non est, potest esse dupliciter. Uno modo ut intelligatur quantum ad substantiam actus, & sic non ad bonam mentem pertinet, sed ad errantem, ut se actum aliquem commisisse agnoscat, quem non commisit. Alio modo quantum ad conditionem actus, & sic verum est quod S. Gregorius dicit, quia iustus in actu, qui de se bonus est, formidat ne aliquis defectus ex parte fuerit. Et ideo iustus, qui est vere humilis, non reputat se deteriorem, quantum ad perpetrationem actus, qui sit peior ex genere, sed quia timet, ne in iis, quæ bene agere videtur, per superbiam gravius delinquat.

Quod adducitur ex sapiente, spectat dumtaxat consiliorum & actionum nostrarum successus, de quibus plerumque certi esse non possumus. Rex v. g. incertus est de victoria, licet bellum evidenter iustum, & necessarium suscipiat; mercator timet, ne male succedat negotiatio, quam certo novit non esse iniquam. Unde concludit sapiens, mortales non propria providentia, sed divino auxilio niti debere.

Ergo ad bonam conscientiam non requiritur certitudo metaphysica aut physica, sed moralis sufficit. Hoc agnovit Aristoteles lib. 2. Metaphys. ubi sic habet: Certitudinem metaphysicam non oportet in cunctis quærere, sed in his, quæ non habent materiam. Et Sanctus Thomas 2. 2. q. 70. art. 2. in actibus humanis, inquit, non potest haberi certitudo demonstrativa, eo quod sunt circa contingentia & variabilia. Et ideo sufficit probabilis certitudo, quæ ut in pluribus veritatem attingat, etsi in paucioribus a veritate deficiat. Et opusc. de

fallaciis cap. 8. probabilia dicuntur, quæ videntur omnibus, vel præcipuis, vel maxime notis. Sanctus quoque Antoninus 2. part. tit. 3. cap. 10. §. 3. eadem mente sic scribit, non consurgit moralis certitudo ex evidentia demonstrationis, sed ex probabilibus conjecturis grossis & figuratibus, magis ad unam partem, quam ad aliam se habentibus. Sed de conscientia probabilis separatim dicendum propter speciales difficultates, quas invexit recentiorum doctrina, apud quos tanquam effatum obtinuit, qui probabiliter agit, tuto & prudenter agit.

C A P U T IV.

De Conscientia probabilis.

Q. 1. **C**onscientia quæ nititur opinione probabilis, estne bona & tuta?

Hic in memoriam revocanda quæ diximus pag. 261. & seq. nempe opinionem probabilem aliquando excludere erroris formidinem, aliquando vero eam admittere vel propter rationes oppositas, quas sufficienter non solvit, vel propter auctoritatem contradicentis minime contemnendam. Hæc patent exemplis pag. 257. allatis. Quibus præmissis facile solvitur proposita questio.

R. Itaque primo, conscientia, quæ fulcitur opinione priori modo probabilis, bona est & tuta, quia conscientia moraliter certa ex dictis est bona & tuta: atqui conscientia, quæ fulcitur opinione hoc modo probabilis, est moraliter certa: Ergo.

Confirmatur, tum ex Alexandro VIII. qui anno 1690. hanc damnavit propositionem, non licet sequi opinionem, vel inter probabiles probabilissimam; tum ex Clero Gallicano sic scribente anno 1700. Absit vero ut probeamus eorum errorem qui negant licere sequi opinionem, vel inter probabiles probabilissimam: sed ad rectum usum probabilium opinionum hæc regulas a jure præscriptas agnoscimus. Primum ut in dubiis de salutis

nogo-

negotio, ubi equalia utriusque animo sese offerunt rationum momenta, sequamur id quod tutius, sive quod est eo in casu unice tutum; neque id consilii, sed præcepti loco habeamus, dicente Scriptura, qui amat periculum, in illo peribit.

R. Secundo, conscientia, quæ nititur opinione posteriori modo probabili, nec est bona, nec tuta.

Probatur 1. Quia conscientia dubia est mala, ut præcedenti capite dictum est: atqui conscientia, quæ nititur opinione hoc posteriori modo probabili, est dubia, immo tum verisimilius est falsa, cum momenta opinionis oppositæ præponderant: Ergo.

Probatur 2. quia nova doctrina in iis quæ ad fidem & mores pertinent, rejicienda est ut spuria, & a moribus Christianis aliena: atqui doctrina, quæ astringitur pro regula morum opinio hoc posteriori modo probabilis, est nova, & in Ecclesia ante elapsam sæculum inaudita.

Major probatur. Quia illud interest inter conclusiones Philosophicas & Theologicas, quod Philosophicæ eruantur ex ipsis naturæ visceribus, quæ successu temporis novis effectibus & experimentis magis ac magis se se explicant, quo fit, ut juniores veteribus evadant doctiores. Contra vero cum conclusiones Theologicæ deducantur ex iis, quæ Christus per seipsum & per Apostolos Ecclesiæ tradidit, recentiores Theologi omnem suam doctrinam a majoribus hauriant necesse est. Ex ipso ordine, inquit Tertulianus lib. de præscript. cap. 31. manifestatur id esse dominicum & verum, quod sit prius traditum; id autem extraneum, quod posterius immixtum. Ergo novitas doctrinæ in Theologia falsitatis notam præ se fert manifestam.

Minor probatur testimonio Cleri Gallicani his verbis expresso anno 1700. Quod in praxi tam nobis liceat sequi sententiam, quam nec ipsi, ut probabiliorē eligendam judicemus, hoc novum, hoc inauditum, hoc certis ac notis auctoribus postremo demum sæculo proditum.

Sed frustra testibus egemus contra Adversarios, cum eorum habeamus confessionem, tota Theologia mora-

lis nova est, inquiunt illi, eoque feliciorē Ecclesiam jactitant, quod sua novitate viam, quam Christus arctam fecerat, laxiorem reddiderint, innumerisque Ecclesie filios ad cælestem patriam secure perducant, qui alioquin viæ asperitate deterriti ne pedem in ea figere ausi periissent. Unde audacter in hæc verba concludunt: *Doctrina morum magis a junioribus petenda est*: quam propositionem Academia Parisiensis ann. 1663. & Clerus Gallicanus ann. 1700. damnarunt ut falsam, scandalosam, Sanctis Patribus & antiquis Doctoribus contumeliosam, & in præxi perniciosam.

Enimvero hæc opinandi libido nihil intactum & integrum in lege etiam naturali reliquit, ut discurrenti per singula Decalogi præcepta patebit. Namque juxta probabilitatis leges homo in toto vitæ decursu non tenetur actum dilectionis Dei, & proximi elicere. Condonatio injuriarum non est præcepti, sed consilii, sicut virginitas. Licitum est aliquando mentiri, vel etiam pejerare: desiderare mortem patris ob temporale emolumentum: occidere aggressorem non solum in periculo vitæ, sed etiam honoris, & rei familiaris, etiam unius aurei: multa obscœna facere aut pati, quæ pudor exprimere vetat: furari in gravi necessitate: lucrum ex mutuo exigere, cum numerata pecunia pretiosior sit, quam numeranda. Pœnitenti habenti consuetudinem peccandi, nisi emendationis spes nulla appareat, nec est deneganda, nec differenda absolutio, dummodo ore proferat se dolere, & proponere emendationem. Quare merito Clerus Gallicanus in sua Epistola encyclica anno 1665. sic scribit. *Une profonde ignorance seroit beaucoup plus souhaitable, qu'une telle science, qui apprend à tenir toutes choses problematiquement, & à chercher des moyens, non pas pour exterminer les mauvaises habitudes des hommes, mais pour les justifier, & pour leur donner l'invention de les satisfaire en conscience: car au lieu que Jesus Christ nous donne ses preceptes, & nous laisse ses exemples, afin que ceux qui croient en lui, lui obeissent, le dessein de ses auteurs paroît etre d'accommoder les preceptes*

ptes & les regles de Jeshu Christ aux interets, aux plaisirs, & aux passions des hommes.

Ergo in omnibus actibus nostris hæc nobis præscripta sit regula, quam Clerus Gallicanus anno millesimo septingentesimo demonstrat tanquam solam, veram & tutam, ut in rebus Theologicis ad fidei & morum dogmata spectantibus Theologos quidem etiam Modernos audiamus, si tamen consonas Sanctis Patribus tradant sententias. Deinde, ut si ab eis recedant, harum opinionum inhibeatur cursus, nedum earum aliqua ratio habeatur, aut ulla eis tribuatur auctoritas. Denique ut nemini liceat eligere eam sententiam, quam non veritati magis consentaneam duxerit.

Dices 1. ex concessis, quivis cum morali certitudine fidem adhibet testimonio sui probati Pastoris, vel alterius viri probi; atqui plusquam viginti Theologi asserunt, tuto fidem adhiberi libro vel unius Doctoris moderni, dum non constat opinionem ejus rejectam esse a Sede Apostolica, immo ad ducentos numerantur Theologi, qui docent tutum esse in conscientia, qui agit ex opinione minus probabili: Ergo.

R. 1. Pastorem aut quemvis Theologum peccare, cum uti certum consulit, quod novit tanquam falsum a pluribus impugnari.

R. 2. nec subditum debere assentiri Parocho, nec pœnitentem Confessatio, ubi rescire possunt & debent se dubia audire. In his quæ pertinent ad fidem & bonos mores, nullus excusatur, si sequatur erroneam opinionem alicujus Magistri, inquit Sanctus Thomas quodlib. 3. art. 10. & Sanctus Antoninus 1. p. tit. 20. dubium probabile est, cum scilicet rationes sunt ad utramque partem quasi æquales; & peccatum grave est se exponere tali dubio, ubi est morale. Unde in forma

Distinguo anteced. Quivis cum morali certitudine assentitur suo Pastori & Confessario, cum prudenter judicat illos vera dicere, nullo contradicente; Concedo: sic prudenter quis sumeret poculum, quod vir probus salutare assereret, quamvis revera esset lethiferum: Si noverit alios etiam fide dignos

contradicere, Nego antecedi. Patetque affato poculi exemplo, a quo quilibet abstinebit, si audiat alium asserentem, quod sit veneno infectum.

Ad confirmationem respondeo, turbam patronorum opinionia probabilis non esse magni faciendum, tum quia alii alios instar ovium, sine iudicio sequuntur, tum quia ex Navarro Enchir. c. 27. opinio communis non est numero opinantium æstimanda, sed pondere auctoritatis, quæ sane nulla est in iis qui aliter docent quam Ecclesiæ Pastores, a quibus populi legem requirere debent, dicente Domino, *qui vos audit, me audit*, Luc. 10. & iterum, *oves... non noverunt vocem alienorum*. Joann. 10. Quis autem magis alienus, quam qui ab Apostolica Traditione recedit?

Instabis: atqui Ecclesiæ Pastores absolute non proscripserunt opinionem probabilem, sed eam dumtaxat, quam vel Ecclesia corrigit, vel quæ proximum exponit periculo damni sive spiritualis, sive temporalis, ut contingit in Sacramentis administrandis, & iudiciis ferendis, in quibus nec Sacerdos, nec Iudex sequi debent opinionem probabilem, relicta tutiore.

R. 1. Nec nos rejicimus omnem opinionem probabilem, quin probavimus quemlibet ex ea prudenter & tuto operari, si sit moraliter certa. 2. Pia aures offenduntur, cum audiunt periculum legem Dei transgrediendi non esse timendum sequendo opinionem probabilem, si inde nullum proximo nocumentum sive spirituale sive temporale accidere possit, quasi verminus cavenda sit Dei offensa, quam proximi. 3. Innocentius XI. & Clerus Gallicanus duas sequentes propositiones damnarunt. Prima sic jacet, *sententia probabilis tantum utendum non est in collatione Baptismi, Ordinis Sacerdotalis, aut Episcopalis*. Hanc doctrinam vocat Clerus Gallicanus pessimum probabilistis fructum. Secunda his verbis concipitur: *generatim dum probabilitate quantumvis tenui, modo a probabilitatis finibus non exeat, confisi aliquid agimus, semper prudenter agimus*. Hic pro regula morum commendatur opinio vere, & juxta strictos probabilitatis apices probabilis; reprobatum tamen ab Innocentio XI. uti

scandalosa & pernicioſa; a Clero Gallicano inſuper uerſa, temeraria ſtatuens novam morum regulam, novumque prudentiæ genus, ſine ullo Scripturarum & Traditionis fundamento, denique cum magno animarum periculo. Ergo ſimpliciter & abſolute falſum eſt bonam eſſe conſcientiam, quæ nititur opinione vere probabili probabilitate ſive inſinſeca ſive extrinſeca, niſi opinio illa ſit moraliter certa.

Falſum quoque eſt opinionem cenſendam probabilem, quandiu ab Eccleſia non corrigitur, aut non conſtat rejectam eſſe a Sede Apoſtolica, quemadmodum declaraverunt Alexander VII. Clerus Gallicanus, & Academia Pariſienſis.

Urgebis: impoſſibilis eſt in praxi moralis illa certitudo: Theologi enim morales vix conſentiunt, ubi expreſſam non habent Eccleſiæ definitionem, quæ ſane in ſingulis actionibus haberi nequit propter novas, quæ quotidie occurrunt, circumſtantias. Ergo in tanta opinionum varietate, hæc regula morum ſtatuatur neceſſe eſt, nimirum, opinio probabilis eſt practice certa. Item, in problematicis licitum eſt eligere quamlibet opinionem, modo ſit vere probabilis, nitaturque gravis Theologi auctoritate.

Probatnr antecedens. Unde habeatur opinio moraliter certa, oppoſita debet apparere falſa, vel ſaltem minime probabilis, ut ſupra diximus; atqui in contrarietate opinionum, quæ in moralibus ſere ſemper occurrunt, nec veritas a falſitate, nec probabilitas ab improbabilitate ab ullo ſecernit poteſt. Non a mulierculis, & ab idiotis, qui conſilio & auctoritate Doctorum dumtaxat nituntur. Quomodo enim ipsis pateret auctoritatem unius alteri eſſe præferendum? An quia ille doctior habetur? ſed doctiores nonnunquam ſententias laxiores, & minus probabiles ſequuntur.

Non ab eruditis, quippe qui id unum ex ſuo examine conſequi poſſunt, nempe quamlibet ex oppoſitis opinionibus veriſimilem videri habere ſuos patronos, nec certo apparere utra ſit determinate vera aut falſa.

Ergo ubi non præluceſt Eccleſiæ definitio, nulla poteſt eſſe certitudo in practicis; ac proinde quandiu

non constat opinionem ab Ecclesia esse rejectam, ut improbabilem, prudenter teneri potest.

Confirmatur ex communi hominum praxi. Qui diriguntur opinionibus minime certis, quales sunt istæ, licet tutoribus lucrum exigere ex mutuata pupillorum pecunia. Clerici licite possident plura Beneficia, quamvis unum ex illis sufficiat ad honestam eorum sustentationem. Istæ enim propositiones oppositis negantibus sunt proculdubio minus probabiles, & nihilominus absque conscientie scrupulo ab omnibus fere habentur pro tuta regula.

Nego anteced. Omnes enim sive eruditi, sive idiotæ, si pura mente & simplici corde verum practicum quærant, certo invenient: *Doctrina prudentium facilis*, nempe inventu, ait Sapiens Prov. 14. vers. 6. Eruditi quidem; quia etsi ex oppositis sententiis determinare non possint, quæ sit speculative vera: evidenter tamen concludent alteram esse in praxi certam & eligendam, ut videre est in hoc exemplo. Sit opinio probabiliter affirmans hunc contractum esse licitum, attritionem sine initio dilectionis in Sacramento sufficere: sit quoque opposita utrumque probabiliter negans. Quis non videat affirmantes illas opiniones, quantumcumque supponantur probabiles, esse in praxi periculosas, & ideo dimittendas; negantes vero in praxi certissimas ac tutissimas, ac proinde tenendas? hanc tutam regulam Clerus Gallicanus præscribit Confessariis in hæc verba: *Pœnitentes admonere non cessent, ut in pœnitendo inchoate saltem dilectionis Dei ineant viam, quæ sola secunda sit, graviter peccaturi in hoc salutis discrimine; vel eo solo quod certis incerta præponant.*

Mulieres quoque, & omnes idiotæ, qui p'æterquam sola auctoritate ducuntur, erunt moraliter certi, si in opinionum varietate sapientum judicio adhæreant, quos sciunt sine personarum acceptione viam Domini docere.

Nec dicas hujusmodi Sapientes latere in tanta opinantium turba. Quomodo enim non detegerentur ab iis, qui vera sectantur, cum ipsi amatores sæculi ibi
los

los vel eo solo palam demonstrent, quod tam sollicite illorum examen & iudicium fugiant? Quod igitur mulieres & idiotæ fallaciis opinantium aliquando decipiuntur, tribuendum est pravis eorum affectionibus. *Juxta iniquitatem interrogantis, sic iniquitas Prophetæ erit*, ait Dominus Ezech. 14. v. 10.

Respondeo ad exempla in confirmationem adducta.

Ad primum. Nullatenus probabile est, sed prorsus falsum secundum legem tum divinam, tum Ecclesiasticam, tum civilem, licere tutoribus lucrum captare ex mutata pupillorum pecunia, ut multis probamus *Tract. de Justitia & Jure.*

Ad secundum: latum est discrimen inter has propositiones, licitum est retinere plura Beneficia, vel ob Ecclesiæ utilitatem, vel ad honestam Beneficarii sustentationem. Licitum est plura Beneficia retinere, quamvis nec evidens Ecclesiæ utilitas, nec vera Beneficarii necessitas id exigant; namque prior propositio vera est & certa, ex Concilio Lateranensi IV. cap. *Quia*, tit. de Præbendis & Dignitatibus, & ex Tridentino sess. 24. c. 17. de Reform. Posterior vero est absolute falsa, & prorsus improbabilis ex Concilio Tridentino cit. c. 17. ubi Patres sic loquuntur. *Cum Ecclesiasticus Ordo pervertatur, quando unus plurimum officia occupat Clericorum, sancte sacris Canonibus cautum fuit neminem oportere in duabus Ecclesiis conscribi. Verum quoniam multæ improbe cupiditatis affectu seipsos, non Deum, decipientes, ea quæ bene constituta sunt, variis artibus eludere, & plura simul Beneficia obtinere non erubescunt. Sancta Synodus debitam regendis Ecclesiis disciplinam restituere cupiens ut in posterum unum tantum Beneficium Ecclesiasticum singulis conferatur, &c.*

Nec dicas. Concilium Tridentinum in iis, quæ pertinent ad disciplinam, non esse receptum in Galliis. Nam pluralitas illa, ex Concilio Tridentino, est merus abusus, & ab Ecclesia sæpe damnatus: ergo independenter a nova Concilii Trid. lege simpliciter est illicita & prohibita, quod ultro concedunt & docent iidem ipsi, qui plura Beneficia possident. Quod si ab iis quæras, quæ ergo conscientia illa retineant? responde-

bunt illa sibi esse necessaria ad honestam status sustentationem, & Ecclesiæ cui præsumunt, utilitatem. Ergo male obtruditur eorum exemplum in patrociniū opinionis minus probabilis. Negandum tamen non est nonnullos Clericos eo ignorantia, vel ex ceca cupiditate abuti hoc exemplo, sibi que videri probabile saltem probabilitate extrinseca pluralitatem Beneficiorum, etiam sine iusta causa esse licitam. Sed iisdem Iudicibus condemnantur, quorum auctoritate se tueri contendunt.

Dices. 2. est regula juris, in dubiis melior est conditio possidentis, & benignior sententia est eligenda: Ex qua regula certo concludunt Theologi eum, qui adhibita omni diligentia, adhuc patitur dubium num retineat rem alienam, aut matrimonium, quod bona fide contraxit, sit legitimum, non teneri restituere, aut abstinere ab usu matrimonii: atqui privatus quisque est in possessione suæ libertatis: ergo quandiu certo elucidari non potest quis sit sensus legis, ut contingit in oppositione probabilium opinionum, nemo tenetur legem servare, sed liberum est cuique amplecti quam maluerit opinionem, peccabitque Confessorius, si poenitentem absolvere nolit secundum faventissimam opinionem. Ita Probabilistæ.

Respondeo 1. distinguendo majorem, Est regula juris in iis, quæ spectant justitiam, contractus & iudicia, Concedo; præsumi enim debet eum qui bona fide possidet, & contractum iniiit, iusto titulo possidere, & secundum leges contraxisse; alioquin stare non posset humana societas ob innumera scandala, quæ orirentur, si propter nascentia dubia proximus esset spoliandus, aut puniendus, dissolvenda matrimonia, & alii contractus. Est regula juris universaliter servanda in qualibet materia, Nego majorem; obstant enim supra laudatæ regulæ, in iis, quæ dubia sunt, quod certum existimamus, tenere debemus, cap. Juveneris, de sponsalibus, in iis, quæ animæ salutem respiciunt, pars sequens est tenenda, Clementina, cap. Extremis, de verborum significatione.

Respondeo 2. negando min. Immo siat possessu primo.

mo pro lege naturali & divina: Deo quippe semper obligata fuit nostra libertas: juxta illud Regii Prophetæ Deum sic alloquentis Plal. 115. *O Domine, quia ego servus tuus . . . & filius ancillæ tuæ*, id est, vernaculus ex ancilla tua tibi natus. Ergo in dubio juris naturalis & divini, nefas est contra Deum litigare, & libertatem humana asserere. 2. Stat quoque possessio pro lege humana; nascimur enim cives, & subditi Reipublicæ. Solisque reclamantibus Anabaptistis, usum nostræ libertatis prævenit Ecclesiæ auctoritas, adversus quam securum non est se tueri novellis Probabilistarum opinionibus.

Fatendum tamen est in hypothese, quod lex humana sit obscura, nec secundum communem Theologorum sententiam constet de mente Legislatoris, liberum & tutum esse in conscientia amplecti alterutram ex oppositis opinionem: quia per usum præscribitur contra legem humanam, præsumiturque Legislator silentio suo consentire in oppositas legis suæ interpretationes. Ecclesia v. g. ad jejunandum obligat omnes, qui sunt satis robustæ ætatis, & ad restituendum compellit singulos usurarii hæredes, sed non figit tempus, quo incipiat illa ætas satis robusta, nec explicat utrum singulis hæredes in solidum tentantur. Unde Theologi sic in oppositas abeunt sententias, ut nullam ex his judicent falsam aut improbabilem, consentiantque in praxi quamlibet eligi posse, nimirum juvenes ante vigesimum primum ætatis annum non teneri lege jejunii, nec usurarii hæredes in solidum ad restitutionem teneri.

Ergo, inquires; immerito proscripta est supra allata propositio, non sunt erroneæ opiniones, quas Ecclesia non corrigit.

Nego consequ. Namque 1. in dubiis circa legem naturalem aut divinam semper certa incertis sunt præferenda; quia adversus illas non currit præscriptio. 2. novellæ opiniones, quæ pugnant vel contra legem humanam clare expressam, vel contra communem Theologorum sententiam, merito habentur scandalosæ & erroneæ, etiamsi Ecclesiæ eas nondum correxerit. Eccle-

ſia quippè non ſolet colligere zizania, quæ inimicus homo identidem ſeminat in agro Domini, niſi cum prævalere incipiunt; periculumque eſt ne bonum ſemen ſuffocent. Hæ ſequentes opiniones, & aliæ bene multæ à modernis evulgatæ contra communem Catholicorum ſenſum, præceptum obſervandi feſta & jejunia non obligat ſub mortali. Satisfit præcepto audiendi Sacri præſentiam exteriorẽ, animo licet voluntarie in aliena deſectio. Omnes qui in R. publica corporaliter laborant, exuſantur ab obligatione jejunii.

Hæ, inquam, propoſitiones erant ſcandaloſæ & in praxi periculoſæ ante cenſuras Sedis Apoſtolicæ, & Epiſcoporum.

C A P U T V.

De tuta & tutiore opinione.

Q. 1. Quid eſt opinio tuta?

R. Eſt opinio moraliter certa. Patet ex dictis.

Q. 2. Eſtne obligatio eligendi opinionem tutiorem?

R. Minime: quia ſecundum prudentiæ leges non eſt timendum aut fugiendum, quando nullum eſt periculum: atqui nullum periculum incurrit, qui ſequitur opinionem tutam. Ergo.

Q. 3. Eſtne conſilium ſequi opinionem tutiorem?

R. Quando opinio tutior ſpectatis circumſtantis hominem magis expeditum reddit ad virtutem, ſalubre eſt conſilium eam amplectendi. Eligere viam tutiorem, inquit S. Antoninus, conſilii eſt, non præcepti: alias oporteret multos ingredi religionem, in qua tutius vivitur, quam in hoc ſæculo. Sed ſi opinio tutior ſcrupulis faveat, majoribuſque difficultatibus implicet, prorsus eſt dimittenda. Quare licet tutius videatur ſcrupuloſo horas repetere, alterum Sacrum audire, prohibendus tamen eſt ſuis ſcrupulis indulgere; quia timor ſine ſapientia Dei eſſe non debet, ait S. Bernardus.

Dices: ex laudatis Canonibus, semitam tutiorem debemus eligere, pars securior est tenenda: Ergo.

Dist. ant. Eligenda est pars tutior & securior; tutior, inquam, juxta communem loquendi morem, quo dicimus tutius, quod removet periculum, v. gr. tutius esse abstinere a cibo, quem timemus ac si lethifer, tutius viam non ingredi, quæ dicitur a latronibus obsideri, ubi vox, *tutius*, sumitur pro tuto, Conc. pars tutior secundum Grammaticæ leges, & prout comparativum opponitur positivo, hoc est, tutius tuto, Nego ant. Nam ex ipsa lectione laudatorum Canonum liquet tutius opponi dubio, & partem securiorem parti, quæ graves stimulos conscientie pareret.

SECUNDA PARS.

De Legibus.

CAPUT PRIMUM.

De Legis nomine, & varia ejus acceptione.

Q. 1. Unde lex sic vocatur?

R. Juxta S. Th. 1. 2. q. 90. art. 1. dicitur a ligando, quia proprius ejus effectus est ligare, seu obligare subditos. Secundum vero auctorem lib. q. novi Testamenti q. 15. dicitur ab eligendo. Lex, inquit, a lectione, id est, electione dicta est, ut de multis quid eligas, scias. In mente autem S. Isidori lib. 2. etim. c. 10. Lex dicta est a legendo, quia lex debet esse scripta, & ideo legenda.

Q. 2. Quare lex nonnunquam jus appellatur, v. gr. jus naturale, jus civile, &c.

R. Quia est quædam jussio actionum justarum; jus enim derivatur secundum quosdam a verbo, jubeo, & secundum alios a nomine, *justitia*.

Q. 3.

Q. 3. Quotuplici modo lex accipitur?

R. Duplici. 1. latissime. & improprie. 2. strictè & proprie.

Q. 4. Quid est lex improprie sumpta?

R. Est regula & mensura, secundum quam res quolibet inducitur ad operandum, vel ab operando retrahitur. Ita fere S. Thom. cit. art. 1.

Secundum hanc legis acceptionem, omnia sive rationalia, sive irrationalia & inanimata; artes quoque etiam illicitæ suas habent leges, quibusdam enim regulis diriguntur. Hoc sensu dicuntur leges Grammaticæ, militiæ, mundi. Scriptum quoque legitur Prov. 8. *Legem ponebant aquis: ne transirent sine suas.* Et Rom. 7. *Fomes peccati, & inordinatus appetitus vocantur lex peccati, lex membrorum.* Quamquam S. Aug. lib. 1. ad Simplic. q. 1. & S. Th. 1. 2. q. 90. art. 1. vident illam inordinationem dici legem denominatione extrinseca & metaphorica, quomodo scriptura dicitur manus, quia est a manu: & sermo lingua, quia a lingua procedit. Sic fomes peccati, & concupiscentiæ vocantur lex, quia sunt effectus divinæ legis, secundum quam homo propter peccatum originale iustissime privatur rectitudine, in qua conditus fuerat: quam sarcinam, inquit S. Aug. *prementem & urgentem ideo legem appellat: quia iura supplicii divino iudicio attributa & imposita est.*

Q. 5. Quid est lex strictè & proprie sumpta?

R. Est regula morum, secundum quam aliquis inducitur ad bonum, & retrahitur a malo. Ergo lex proprie dicta non competit creaturis irrationabilibus & inanimatis, quia non sunt capaces obedientiæ: nec ad præceptum iniquum transferri potest, quia huiusmodi præceptum non est regula morum, sed deviatio a regula. Unde S. Aug. lib. 1. de lib. arb. cap. 5. sic habet: *Mihi lex esse non videtur, quæ juxta non facit.*

C A P U T II.

De definitione Legis.

Q. 1. *Quomodo Lex definitur?*

R. Definitur, rationis ordinatio stabilis, ad bonum publicum, promulgata ab eo, qui curam habet communis cum intentione obligandi subditos.

Dicitur 1. *rationalis ordinatio*; quia Lex est actus prudentiæ, quo Legislatores membra Reipublicæ inter se componit, & aptis mediis dirigit ad suum ultimum finem. Lex, isquit Cicero lib. 2. de Legibus, *est recta ratio in iubendo & vetando*. Et 1. Ethic. cap. 9. dicitur *sermo ab aliqua prudentia & mente profectus*.

Ergo Lex est actus intellectus, cum sit iudicium practicum dictans subditis hæc esse vel facienda, vel fugienda.

Dices: Lex ~~est~~ præceptum & iussio: atqui præceptum & iussio pertinent ad voluntatem: Ergo Lex est actus voluntatis.

Dist. min. ad mentem S. Thom. cit. art. 1. ad 3. Præceptum & iussio pertinent ad voluntatem præsuppositive. Conc. formaliter, Nego. min. Namque Lex est actus prudentiæ, prudentia autem est virtus intellectus; necessario tamen præsupponit in voluntate intentionem finis; quia prudentiæ est ordinare media ad finem consequendum, v. gr. ad bonum commune procurandum, sed media non quærentur, nisi finis, nempe bonum commune efficaciter intendatur, ac proinde intellectus a voluntate moveri debet ad ferendam legem; & ideo voluntas Principis dicitur a Jurisperitis habere legis vigorem. Porro ex duplici illo actu, scilicet intellectus & voluntatis, qui ad legem faciendam concurrunt, Lex in Scripturis vocatur lux, lucerna: Dei voluntas, Prov. 6. v. 23. *Lex, lux*, Ps. 118. *Lucerna pedibus meis. verbum tuum, & lumen semitis meis*. Ps. 104. *Notas fecit vias suas. Moysi, & filiis*.

filiis Israel voluntates suas, id est leges; 2. Mach. r.^o Det vobis cor omnibus, ut colatis eum & faciatis ejus voluntatem.

Dicitur 2. *Stabilis & perpetua*, hoc est, non ad tempus, sed in perpetuum duratura, nisi abrogetur: per quod differt lex a mandato vel præcepto, quod non est ita firmum & stabile; & ratio est, quia præceptum non solet dirigi, nisi ad privatas personas, aut familiam, quæ successu temporis extinguitur: lex vero imponitur toti communitati, quæ nunquam interit.

Ergo lex ligat non solum præsentem, sed & eorum successores, non vero præceptum, aut mandatum.

Ergo defuncto Episcopo, statuta ejus obligant, quamdiu non revocantur a successore. Secus sentiendum de ejus mandatis, quæ non sunt lata per modum legis aut statuti.

Dicitur 3. *ad bonum publicum*; quia potestas legislativa est a Deo, Rom. 13. v. 2. & Principibus sive Ecclesiasticis, sive Politicis concessa, non in eorum privatam utilitatem, sicut potestas dominativa domini in servum & rem domesticam: sed in totius Reipublicæ ædificationem, 2. Corinth. cap. 10. v. 3. turpe enim est totum ad partem referri, cum pars naturaliter ordinetur ad totum. Unde Aristoteles lib. 4. Ethic. cap. 1. scribit leges ad Rempublicam accommodandas, non Rempublicam ad leges. Addeque lib. 8. cap. 10. in hoc differre tyrannum a Rege, quod ille propriam, hic communem utilitatem quærat.

Ergo vera lex non est, nec ligat subditos, quæ juri naturali sive divino contraria est.

Dices 1. cum Machiavello, & aliis pseudo-politicis: finis in practicis habet rationem principii, ad quod reduci debent omnes leges: atqui publica tranquillitas, & temporalis felicitas est finis regiminis politici: ergo ad eam reduci debent omnes leges civiles. Porro Religionis præcepta, & honestatis regulæ non modo ad pacem conciliandam, aut conservandam reduci non possunt, quin aliquando ei adversantur: ergo Princeps Politicus hujusmodi præceptis non astringitur.

Distinguo minorem: Temporalis felicitas est finis proximus Reipublicæ, Concedo: finis ultimus, Nego minorem. *Felices imperatores eos dicimus, ait S. Aug. lib. 5. de Civ. Dei cap. 24. si iuste imperant . . . si suam potestatem ad Dei cultum maxime dilatandum, maiestatis ejus famulam faciunt.*

Ad subsumptum respondeo. Solus impius & atheus dixerit veræ Religionis præcepta, & honestatis regulas publicæ tranquillitati obesse; idem enim est ac si dicatur, non est Deus, qui curet res humanas: aut, Sapientiæ æternæ præferenda est sæculi prudentia, & vitium virtuti; quam impietatem exhorraerunt ipsi Gentiles, qui docent Legislatoris scopum esse facere bonos cives, 2. Ethic. capit. 1. & lib. 1. Digest. de Justitia & Jure, *Justitiam colimus, licitum ab illicito discernentes, bonos non solum metu puniarum, sed etiam exhortatione præmiorum efficere cupientes.*

Instabis: si potestas civilis habet cultum Dei, & beatitudinem æternam pro fine, non distinguetur a potestate Ecclesiastica: falsum consequens: Deus enim voluit utramque distingui: ergo & antecedi.

Nego sequelam majoris. Quia utraque potestas diversis mediis ad unum & eundem finem tendit: civilis quippe Deo servit in administratione rerum terrenarum; Ecclesiastica vero in dispensatione rerum spiritualium, *arma militiæ nostræ, inquit Apostolus. 2. Cor. 10. non carnalia sunt, sed potentia Deo.*

Ergo materia Legum Canonicarum sunt res spirituales, Civilium vero res temporales, quemadmodum S. Athanasius monet Imperatorem Constantinum in sua Apologia, his verbis: *Tibi Deus imperium commisit, nobis quæ sunt Ecclesiæ concedidit; neque enim fas est in terris nos imperium tenere, neque tu thymiamatum & sacrarum potestatem habere.*

Sæculi tamen Principes, ut Ecclesiæ defensores & protectores, curare possunt & debent ut Ecclesiasticæ leges observentur. Unde Leo Magnus ad Leonem Imperatorem sic scribit epist. 73. *Debes incunctanter advertere, regiam potestatem tibi non solum ad mundi regimen, sed maxime ad Ecclesiæ præsidium esse collatam,*

ut ansua

ut ausus nefarios comprimendo : Et quæ bene sunt statuta defendas, Et veram pacem ; his quæ sunt turbata, resistas.

Dices 2. Si de essentia legis sit, ut feratur in bonum publicum, sequitur non esse obtemperandum legibus, quandiu de recta Legislatoris intentione non constiterit.

Nego sequelam : tum quia præsumidebet recta Legislatoris intentio, si opus ab eo præceptum sit justum, & Reipublicæ utile : tum quia rectitudo in mente Legislatoris non pertinet ad essentiam legis, sed sola bonitas operis. injuncti ; nam ex S. Augusti. lib. 1. de libero arbit. cap. 5. *Si ille cum aliqua libidine hoc statuit, non ex eo fit, ut ei legi cum libidine obtemperare necesse sit, quia bona lex a non bona fieri potest.*

Instabis : atqui leges tributorum non sunt in bonum publicum, sed in privatum Principis commodum : ergo non sunt veræ leges.

Nego subsumptum ; quia Princeps hic non spectatur, ut privata persona, sed ut caput Reipublicæ, quam administrare non potest sine magnis expensis. Quare Reipublicæ interest, ut ærarium Principis sit locuples, quantum necesse est ad publica onera sustinenda.

Dices 3. hæc definitionis particula subditorum inobedientiam fovet, & ad seditionem inducit ; familiare quippe est subditis conqueri se gravari legibus superfluis & iniquis : Ergo hæc particula ex definitione legis est delenda, tanquam publicæ tranquillitatis perturbativa.

Nego antecedens : namque 1. non ex vulgi opinione, sed ex sapientum judicio æquitas legum pensanda est. 2. In dubio sit ne lex juxta an injusta, utilis an superflua, præsumptio esset debet pro Legislatore ; quia, ut jam dictum est, in dubiis melior est conditio possidentis : atqui superior est in possessione regendi subditos : ergo in hoc dubio non est ei deneganda obedientia. *Imperfecti cordis, inquit Sanctus Bernardus lib. 12 de præceptis & disp. c. 10. Et infirmæ proferuntur.*

voluntatis indicium est male suspicari de omni Præcepto, cuius causa latuerit: nec unquam libenter obedire, nisi cum audire contigerit, quod forte libuerit aut quod non aliter licere, sua expedire monstraverit vel aperta ratio, vel indubitata auctoritas. Delicata satis, immo nimis molesta est huiusmodi obedientia. Et hæc responsio maxime locum habet in Politicis, ubi consilia & motiva, propter quæ leges feruntur, occulta esse debent, juxta illud Tob. 12. *Sacramentum Regis abscondere bonum est*. 3. quamvis leges nonnumquam habeant aliquid iniqui respectu unius aut alterius privati, justæ nihilominus censendæ sunt, cum toti communitati expediunt. Si enim Medicus laudatur, dum secundum suæ artis regulas membrum alioquin sanum cauterio inurit, ut totius corporis salutem consulat: quidni & Legislator qui lege sua nonnullos gravat ex necessitate procurandi boni publici? quamquam in huiusmodi circumstantiis sublevari soleant dispensationis beneficio, ut infra explicabitur.

Idem a fortiori dicendum, quando lex per se communitati necessaria, aut admodum utilis, quibusdam inutilis & superflua existit: pertinet enim ad bonum commune, ut pars toti se conformet.

Dices: cessante fine Legis, ipsa quoque lex cessare dicitur: ergo privatus non tenetur parere legi, quando est ipsi inutilis.

Distinguo anteced. Cessante universaliter, & respectu totius communitalis, Concedo: cessante dumtaxat respectu quorundam, Nego antecedens. Responsio elucidatur sequentibus exemplis.

Apostoli Act. 15. præceperunt ut Gentiles recens ad fidem conversi, abstinere a suffocato & sanguine, eo scilicet fine, ut Judæi, qui ab esu sanguinis prorsus abhorrebant, facilius cum Gentilibus in unum corpus coalescerent. Cum autem finis ille a pluribus sæculis evanuerit, lex quoque Apostolica desit, utpote jam toti Ecclesiæ inutilis. Contra vero licet statutum, quo caveatur ne Clerici in tabernis comedant extra casum peregrinationis, idque ad evitanda gravia scandala, quæ inde oriri solent, non videatur ullius utilitatis, respe-

respectu Clerici, qui a tabernario amico, forte etiam consanguineo, invitatus apud ipsum pranderet secluso scandalo, & servatis temperantiae honestatisque legibus: respectu tamen illius vim legis habet, quia finis illius statuti in tota Diocesi subsistit, rectusque ordo postulat, ut pars toti cohaereat, privatusque ille Clericus, & communi disciplina non recedat.

Dicitur 4. *promulgata*, id est enunciata & intimata: regula enim morum innotescere debet, quod fit per promulgationem.

Utrum autem promulgatio sit de essentia legis, dissentiunt Theologi; alii affirmant; quia ex c. *In istis*, dist. 4. *Leges instituuntur, cum promulantur*. Alii negant, contenduntque promulgationem esse conditionem, sine qua non; quia applicatio regulæ non constituit regulam, sed supponit constitutam; atqui per promulgationem lex tanquam regula applicatur, & intimatur subditis: ergo intimatio illa seu promulgatio non pertinet ad essentiam legis.

Verum etiamsi ante promulgationem innotescat subditis quid Princeps decreverit, illud tamen decretum non habet rationem legis & regulæ observandæ. Post promulgationem vero tale decretum vim habet obligandi subditos, etiam eos, ad quos ejus notitia nondum pervenit; nam ex cap. *Ad hoc*, de Prælatorum postulatione, necessarium non est promulgationem fieri singulis personis; ergo promulgatio legem perficit ac proinde est de ejus essentia.

Quomodo lex promulgata habet vim obligandi illos, qui eam ignorant?

R. Quatenus cogit subditos diligentiam adhibere ad illius notitiam assequendam, eosque constituit, qui illam transgrediuntur ex ignorantia vincibili; quod de lege nondum promulgata dici nequit.

Dicitur 5. *Ab eo, qui curam habet communitatis*. Quibus verbis duo designantur in Legislatore necessaria. Primum, ut sit superior; quia omnis lex est præceptum, quamvis non omne præceptum habeat rationem legis, ut jam observavimus: atqui solus superior præcipere potest: ergo. Secundum, ut jurisdictio-

nem

nem exteriorem habeat; hoc est, ut præsit communitati perfectæ, jusque habeat illam regendi.

Quid est communitas siue perfecta, siue imperfecta?

R. Perfecta est ea, quæ sibi sufficit ad assequendum finem, ad quem instituta est: imperfecta vero, quæ sibi non sufficit. Hinc regnum, & civitas sui juris, sunt communitas perfecta, quia sibi sufficiunt ad conciliandam & conservandam pacem, quæ est finis illarum; Magistratus constituunt, qui Cives in ordine contineant, inquietos coerceant, & pestiferos puniant.

Ecclesia quoque, & Diœcesis sunt communitas perfecta; subditis enim suppeditant media ad beatitudinem supernaturalem, quæ est finis spiritualis ordinis; Ministros ordinant, idoneos Pastores præficiunt, controversias nascentes dirimunt, inobedientes & contumaces spirituali gladio reseindunt. Familiæ vero, Collegia, & Parochiæ sunt communitates imperfectæ, quia nec firma pace gaudere, nec salutem æternam consulere valent, nisi aliunde adjuventur. Paterfamilias a molestis & importunis vicinis non liberabitur, nec infrem domesticum aut in filium degenerem animadvertet pro gravitate culpæ sine Magistratus politici auxilio. Parochus quoque non potest consecrare sibi Coadjutores aut successores; caret foro externo, in quo pestilentes comprimantur & puniantur; sed ad Episcopi auctoritatem & iudicium recurrat, necesse est. Idem dicendum de Moderatore Collegii. Ergo nec paterfamilias, nec Parochus, nec Collegii Superior leges condere possunt.

Dicitur 6. *cum intentione obligandi subditos*, ut distinguatur lex a consilio, quod dari potest æqualibus ac Superioribus, nec per se ullam inducit obligationem. Lex vero, cum præceptum contineat, non imponitur nisi inferioribus & subditis.

Q. 2. *Omnis lex obligatne in conscientia, & sub peccato?*

R. De lege naturali & divina positiva nullum potest esse dubium, ait enim Apostolus Rom. 2. Gentiles qui legem naturalem, & Judæos, qui scriptam transgrediuntur.

diuntur, perituros. Et ratio est, quia utriusque legis transgressio est vera Dei offensio; cum pugnet contra divinam ejus voluntatem; nam, ut argumentatur Tertullianus lib. 1. contra Marcionem c. 26. *Deus necessario offenditur facto, quod non vult fieri, cum offensa sit comes frustrata voluntatis; si offenditur, debet irasci: si irascitur, debet ulcisci: nam & ultio fructus est irae, & ira debitam offensam, & offensa, ut dixi, comes frustrata voluntatis.*

Controversia est dumtaxat Catholicos inter & Heterodoxos, num lex humana obliget in conscientia & sub peccato? Hi quippe absolute negant; illi vero affirmant, cum quibus sit nostra responsio.

R. Lex humana obligat in conscientia & sub peccato quandoque etiam mortali.

Probatur 1. ex Scriptura Matthæi 23. *Si Ecclesiam non audierit, sit tibi sicut Ethnicus & Publicanus.* Luc 10. *qui vos audit, me audit.* Rom. 13. *qui resistit potestati. Dei ordinationi resistit. Qui autem resistunt, ipsi sibi damnationem acquirunt. Ideo necessitate subditi estote, non solum propter iram; sed etiam propter conscientiam.* 2. Petri 2. *Subditi estote omni humane creature propter Deum. . . quia sic est voluntas Dei.*

Probatur 2. ex censuris Summorum Pontificum Alexandri VII. Innocentii XI. & Cleri Gallicani, qui sequentes propositiones damnaverunt. *Præceptum servandi Festa non obligat sub mortali. Frangens jejunium Ecclesie, ad quod tenetur, non peccat mortaliter: Populus non peccat, etiamsi absque ulla causa non recipiat legem a Principe promulgatam. Subditi possunt iusta tributa non solvere.*

Probatur 3. ratione duplici. Prima in communitatibus imperfectis, præceptum Superioris obligat sub peccato, Ephes. 5. *Mulier viris suis subdita sint sicut Domino. Et cap. 6. Filii, obedite parentibus vestris in Domino, hoc enim justum est. Servi obedite dominis carnalibus. . . sicut Christo, non ad oculum servientes. . . sed ut servi Christi, facientes voluntatem Dei ex animo. . . . scientes quoniam unusquisque, quodcumque* se-

fuert bonum, hoc recipiet a Domino. Ergo a fortiori in communitatibus perfectis (in quibus major est potestas) lex obligat sub peccato. Secunda, peccat qui transgreditur legem naturalem & divinam: atqui transgreditur legem naturalem & divinam, qui transgreditur humanam; at enim Dominus, qui vos audit, me audit. Unde S. Bernardus lib. de præcep. & disp. c. 8. & 9. ait: Discretio est in mandatis, consequenter & in culpis, ut majorum gravior, leviorque minorum censeatur transgressio mandatorum, sed mandantium non ita; siue enim Deus, siue homo vicarius Dei mandatum quodcunque tradiderit, pari profecto obsequendum est cura, pari reverentia deferendum, ubi tamen Deo contraria non præcipit homo.

Dices 1. Ex hac doctrina duo sequuntur absurda. Primum, inferiorem posse obligare in foro superioris; conscientia quippe est forum Dei proprium, utpote qui solus scrutetur renes & corda. Secundum, inferiores posse ligare ad pœnam, puta æternam, quam nec infligere nec solvere possunt, cum tamen ejusdem sit ligare & solvere.

Distinguo sequelam: inferiorem, ut superioris ministrum & auctoritate ejus munitum, Conc. Inferiorem independentem a voluntate & auctoritate Superioris, Nego sequel. Enimvero sicut in politicis Princeps vult eos morte plecti, qui in re gravi imperium ministri sui contempserunt, quamvis ipse minister tantam pœnam nec inferre, nec solvere possit: sic Deus æternæ damnationi obnoxios reddit, qui jussis vel parentum, vel Pastorum, vel Principum non obtemperant.

Ergo falsa est recentiorum quorundam doctrina, & a Clero Gallicano damnata anno 1700. legem humanam non præcipere actus interiores, v. g. attentionem in precibus, hac ratione ducti, quod potestas humana de internis judicare non possit; nam lege naturali & divina tenentur filii obedire parentibus, servi Dominis, plebs Pastori & Principi: atqui nulla est obedientia nisi sit voluntaria, ut docet S. Bernardus serm. 41. de diversis, ubi sic habet: *Quamlibet grave sit (suam relinquere voluntatem) non potest tamen primum*

obediencie ascendere gradum, qui voluntatem præcipientis suam non fecerit. Unde voluntarie, inquit, sacrificabo tibi. Sola ergo voluntas est, quæ totius operis ornat effectum, sine qua etiam nec bene aliquid agitur etiam si bonum esse videatur. Ex voluntate igitur suscipienda sunt imperia Prælatorum, & ipsum cor a suis voluntariis reflexionibus abducendum, donec propria voluntas mactata mandatum diligat imperantis.

Dices 2. Sequeretur omnia præcepta humana esse juris naturalis & divini. Falsum consequens, ergo & antecedens.

Distinguo majorem: Esse juris naturalis, & divini remote, Conc. Lex enim naturalis & divina dictant obediendum esse justis Superiorum mandatis: esse juris naturalis & divini proxime, Nego maj. Non enim est juris naturalis, aut divini, quod hæc mulier matrimonium contrahat cum tali viro, quod famulus locet operas suas huic diviti; quod privatus vendat agrum suum; quod Ecclesia venationem Clericis prohibeat: hæc quippe omnia sunt juris mere humani. Sed præsuppositis hujusmodi contractibus, aut legibus, jus naturale & divinum cogit servare leges contractus, & præceptum Superioris adimplere.

Ergo inquit, vera erit Gersonis doctrina l. de vita spiritali lect. 4. nempe leges humanas non obligare in conscientia, nisi quatenus sunt determinationes juris naturalis & divini.

Distinguo sequel. Quatenus sunt determinationes, vel proprie, vel improprie: Concedo: Quatenus sunt determinationes proprie & stricte loquendo, Nego sequel.

Lex humana proprie est determinatio legis divinæ, quando lex divina præfixit aliquod opus in particulari, puta Sacramentalem Confessionem, Eucharistiæ perceptionem, ita tamen, ut Ecclesiæ determinandum relinquat modum & tempus, quibus illud opus perfici debeat, v. g. quoties, & quando Confessio Sacramentalis sit facienda, aut Eucharistia percipienda.

Tum vero lex humana improprie dicitur determinatio legis naturalis & divinæ, cum ea opera injungit, quæ

quæ lex naturalis aut divina non præscribit, qualia sunt jejunium quadragesimale, abstinencia a carnibus qualibet feria sexta, recitatio Horarum canonicarum, & alia hujusmodi, quæ accedente & mediante Legislatoris voluntate determinant naturale ac divinum illud præceptum, *obedite Præpositis vestris*, Hebr. 13.

Porro sententia Gersonii priori sensu intellecta, falsa est, & omnino rejicienda, ut patet tum ex laudatis Scripturæ Textibus, tum ex constanti Ecclesiæ Traditione, quæ multa sub gravibus pœnis sanxit, de quibus nullum extat divinum præceptum. Posteriori vero sensu verissima est, quia ad Superioris jussionem, si Deo contraria non sit, divinum præceptum semper accedit.

Q 3. *Unde colligi potest legem siue divinam, siue humanam obligare sub mortali peccato.*

R. Ex materiæ gravitate. Namque vis & efficacia legis pendet ex voluntate Legislatoris, qui alia plus, alia minus expetit: atqui certum est quod voluntas recta, qualis agnoscitur in Deo, & supponitur in homine Legislatore, magis expetat fervare ea, quæ sunt graviora, ac proinde magis offendi, & severius ulcisci, si ea negligi contingat, quia ex Tertulliano supra laudato offensa est comes frustratæ voluntatis. Ergo transgressio legis tum divinæ, tum humane in materia gravi est culpa lethalis; in materia vero levi venialis dumtaxat, modo tamen absit contemptus; nam ex S. Bernardo, lib. de præcep. & disp. cap. 8. *Ubique culpabilis neglectus, & contemptus damnabilis.*

Dices 1. Si peccatum ex contemptu sit mortale & damnabile, sequitur nullum esse peccatum leve, quia omne peccatum procedit ex aliquâ negligentia & incuria: atqui omnis negligentia est contemptus; si enim subditus veretur, ut par est, Superioris mandatum, prompte & alacriter obtemperaret: Ergo.

Nego sequelam: Cujus confirmationis dist. min. omnis negligentia est contemptus materialis & interpretativus, Conced. est contemptus formalis, Nego min. Differunt autem neglectus & contemptus, ex Sancto Bernardo cit. c. 8. *Quod neglectus languor inertia est, contemptus vero superbiæ tumor: hoc est subdi-*

tus nonnunquam negligit mandatum, vel quia leve est, vel si grave, quia difficilius, & repugnans naturæ corruptæ; ideoque in minimis non acquiescit, linguam v. g. solvit in vaniloquium aut mendacium officiosum: in gravioribus vero segnius se gerit; & in alterutro casu non commodam Superiori reverentiam exhibere videtur. Qui reverentiæ defectus dicitur contemptus materialis & interpretativus. Cum autem ex odio & displicentia personæ præcipientis non vult acquiescere, & elata mente contra ejus auctoritatem rebellat, tum est contemptus formalis, & semper damnabilis, ut diserte docet ibid. S. Bernardus his verbis: *Porro hujusmodi elatio in minimis mandatis culpam facit non minimam, & convertit in crimine gravis rebellionis nuncium satis levem simplicis transgressionis. Non est enim idipsum nolle obedire, & non obedire. Hoc quippe interdum erroris est, nonnunquam & infirmitatis; illud vero aut odiosæ pertinaciæ, aut contumaciæ non ferendæ; quia scilicet illud posterius Legislatorem deprimit, & ejus auctoritatem minuit, quod gravissimum est, & damnabile.*

Dices 2. Prævaricatio Adæ, sicut & Israelitæ ligna colligentis die Sabbati, Num. 15. fuit lethalis quamvis in re levissima. Ergo levitas materiæ in lege divina non excusat a mortali. Idem videre est in legibus humanis, nam Sacerdos, si ex proposito modicissimam aquam vino non admisceat, dum sacra peragit, reus sit peccati mortalis secundum communem sententiam; suspensionem quoque incurrit, si contra Diocesanos statutum in taberna epuletur, etiam servatis temperantiæ & honestatis legibus. Denique Miles, qui inconsulto Præfecto e castris egreditur, eo ipso morte plectendus judicatur: Ergo ex levitate, aut gravitate materiæ non colligitur an peccatum sit mortale, aut veniale.

Dist. conseq. ex levitate materiæ secundum se spectatæ, Concedo: Ex levitate materiæ spectatæ per ordinem ad finem & circumstantias, Nego conseq. Itaque materia, in qua lex versatur, ponderanda est ex fine & circumstantiis, ex quibus saepe evadit gravi-

vilissima , ut patet in allatis exemplis . Lex quippe abstinendi a ligno scientiæ boni & mali , habuit pro fine testificationem humanæ subjectionis ad Deum ; & mixtio aquæ cum vino in sacris Mysteriis præcipitur ad significandam unionem Fidelium cum Christo , simulque denotandam integram Sacrificii hostiam ex capite & membris ; quæ duo sunt quid gravissimum . Prævaricatio quoque tum Israelitæ , tum Sacerdotis , tum Militis in propositis exemplis , magna post se traheret incommoda , & necessariam disciplinam subverteret , nisi severe corripereetur . Sed quia privati ista perpendere non valent , nec satis Legislatoris mentem assequuntur , Legislator pœnas decernit transgressoribus , quarum gravitas certo demonstrat materiz & peccati gravitatem .

Quæ cum sint certa & indubitata , omnino cavenda est , quam non semel experti sumus in Parochis benemultis , & aliis Clericis , perniciosa securitas , qua sine Dei timore , sine gehennæ metu , promulgata Prælati mandata , & statuta nihili pendunt vel ad summum reputant veluti monita & consilia , quæ negligentibus obesse nequeunt , observantibus vero plerumque in opprobrium vertuntur , quasi sua sedula obedientia Prælati favorem fratrum suorum dispendio ambitiose quærant . Quo fit ut Prælati labores pro stabilienda , vel restituenda Diœceseos disciplina , prorsus fiant irriti , subordinatio a Christo instituta inter Prælatos majores & minores plane solvatur , & inobedientes quotidianis prævaricationibus contemptum ad dentes usque ad mortem miserabiliter pereant . Nempe , ut sæpius inculcat S. Bernardus laudato opere : *Toties Deo resistere convincuntur , quoties ejus , qui pro Deo ipsis præest , hominis mandatum prætergrediuntur , contestante Apostolo , qui hæc spernit , non hominem spernis , sed Deum , i. Thef. 4. & iterum , qui potestati resistunt , ipsi sibi damnationem acquirunt , Rom. 13.*

Contra hanc fundatissimam doctrinam opponere solent aranearum telas , nempe statuta illa non fuisse ab omnibus acceptata , acceptionem vero secundum plures Theologos non minus pertinere ad rationem legis ,

quam promulgationem , quod nobis jam incumbit
examinandum .

C A P U T III.

De Legis acceptance .

Q. **A** *Acceptatio legis estne necessaria , ut vim habeat obligandi ?*

Primo , certum est legem naturalem non pendere ab acceptance . Quia lex naturalis , ut infra dicetur , nec prohibet nisi ea quæ per se mala sunt , ut mendacium , nec jubet nisi necessaria , quæ sine peccato omitti nequeunt , ut amor & cultus Dei , pietas ergo parentes ; ac proinde peccat quisquis legi naturali reluctatur .

Secundo , certum est legem divinam positivam vim habere independentem a populi consensu , quia nulla creatura jus habet contradicendi & resistendi Deo , qui habet imperium absolutum & illimitatum .

Tertio , certum est ad legem humanam satis esse , si acceptetur a primatibus , & saniori parte communitatis , nec requiri , ut a singulis recipiatur , alioquin nullæ essent leges humanæ , cum in communitate perfecta nunquam desint flagitiosi & contumaces , qui quantum in ipsis est , omnem disciplinam abjiciunt .

Quarto , denique certum est in regimine monarchico , quod habet admixtum Aristocraticum , ut in Imperio Romano , in quo Principes , quamvis Imperatori subordinati , proprio tamen nomine & jurisdictione ordinaria dominantur in sua ditione , leges juri-
bus & moribus hujusmodi populorum contrarias non obligare nisi ab ipsis acceptentur ; quia supremus Monarcha , nimirum Imperator non habet omnimodam auctoritatem , sed ad eos casus limitatam , in quibus agitur de totius Imperii unitate servanda , & pace vindicanda .

Controversia itaque solum esse potest , num ad legem humanam requiratur consensus sanioris partis
com-

communitatis, vel immediatæ subditæ, ut Diocesanos Episcopo, vel sub regimine pure monarchico constitutæ?

R. Verior videtur eorum Theologorum sententia, qui asserunt legem humanam habere vim obligandi independentem ab acceptatione.

Probatur; Quia ex dictis lex est præceptum: atqui nisi lex obligaret subditos ad sui acceptationem, jam non esset præceptum, sed consilium: Ergo. Deinde si leges humanæ vim & efficaciam acciperent a subditorum consensu, potestas legislativa minus esset penes superiorem, quam penes subditos. Iste enim subministraret dumtaxat materiam legis eo fere modo, quo Consilarii Regii suggerunt quæ expedire videntur ad regimen politicum; subditi vero sua approbatione votis superioris annuentes tribuerent vim & efficaciam obligandi, in qua consistit legis forma & essentia. Denique quia Alexander VII. & Clerus Gallicanus anno 1700. sequentem propositionem quorundam Modernorum damnarunt uti scandalosam, seditiosam, & Apostolicæ doctrinæ contrariam, *populus non peccat, etiamsi absque ulla causa non recipiat legem a Principe promulgatam.*

Dices 2. Cap. In istis, dist. 4. habetur, *leges instituuntur, cum promulantur & firmanur, cum mores utentium approbantur*: Ergo ad legem requiritur consensus communitatis.

Distinguo antec. Firmantur, id est, firmiter permanent, nec abeunt in desuetudinem, sicut contingit ubi subditi contradicunt, Concedo: Firmantur, id est, non habent vim obligandi, nisi recipiantur, Nego antec. Nam in prima canonis parte expresse dicitur leges promulgatione institui: lex autem non est instituta, nisi habeat vim obligandi, ut patet in ejus definitione.

Ergo peccant qui sine justa causa legi promulgatæ primi contradicunt, resistunt enim potestati obedientiam exigenti.

Dixi, qui primi contradicunt. Primo, quia licet cum debita reverentia Principi exponere, si quæ præ-

videantur ex lege incommoda secutura, & interim executionem differre. Secundo, quia cum Superior legi a se latæ non infistit propter subditorum resistantiam, præsumitur acquiescere, ut effectum careat; cum enim lex feratur in bonum publicum, optimi Principis est obligationem relaxare, cum videt legem a se latam pacem turbare, & vertere in boni publici detrimentum.

Dices 2. Qui præest communitati, auctoritatem suam habet a populo: ergo non potest illum obligare, nisi consentiat.

Respondeo 1. negando absolute antecedens. Namque 1. Prælati Ecclesiæ a Deo sunt iustituti, Ephes. 4. v. 11. *Ipse (Christus) dedit quosdam quidem Apostolos . . . alios autem Pastores & Doctores*; quibus dixit Matth. 18. vers. 18. *quæcumque alligaveritis super terram, erunt ligata & in celo*. Secundo Principibus quoque politicis dicitur, Sap. 6. vers. 4. *data est a Domino potestas vobis, & virtus ab Altissimo*. Enimvero electio Principis politici est quædam determinatio juris naturalis, quia, ut advertit S. Thomas 1. part. quæst. 97. art. 4. *Homo naturaliter est animal sociabile; sociabilis autem vita multorum esse non posset nisi aliquis præsideret, qui ad bonum commune intenderet; multi enim per se intendunt ad multa, unus vero ad unum*. Ergo populi ex Dei ordinatione præficiunt sibi Principes & Duces, juxta illud Roman. 13. *non est . . . potestas nisi a Deo*. Sed transeat antecedens.

Respondeo 2. negando consequentiam, quia et si quis ex libera electione addicat se famulatui alterius, ex illo tamen contractu tenetur præceptis ejus obtemperare: ergo & communitas, quæ elegit sibi Principem.

C A P U T IV.

De subiecto Legis.

Q. 1. **Q**uam legibus astringuntur?

R. Omnes & soli adulti, si subditi sint; astringuntur legibus quæ eos spectant. Quia illi legibus astringi possunt, qui præcepti, & obedientiæ sunt capaces: atqui omnes, & soli adulti sunt præcepti, & obedientiæ capaces: Ergo.

Dixi. 1. Si subditi sint; Quia ex definitione legis constat Superiorem non posse præcipere nisi subditis.

Dixi 2. Quæ eos spectant; Quia leges non semper diriguntur ad singula communitalis membra: aliæ enim spectant Clericos, aliæ Laicos, aliæ Nobiles, aliæ Milites, &c.

Dices: Parvuli tenentur lege Baptismi: ergo non soli adulti legibus astringuntur.

Distinguo anteced. Tenentur quatenus Baptismus spectatur ut medium, sine quo nec remissionem peccati originalis, nec beatitudinem consequi possunt, Concedo: Quatenus Baptismus est lege præceptus, Nego antecedens: Duplex itaque est Baptismi, sicut & ciborum corporalium necessitas, scilicet medii & præcepti. Necessitas medii æque ligat parvulos ac adultos; quia parvuli æque ac adulti nec vitam æternam sine Baptismo obtinere; nec vitam corporalem sine ciborum usu conservare possunt. Necessitas vero præcepti adultos duntaxat astringit, eosque solos constituit reos, si vel Baptismum negligant, vel omnem cibum respuant.

Ergo non peccant parentes, qui diebus jejunii carnes ministrant parvulis, qui nondum rationis sunt compotes.

Ergo omnes adulti etiam infideles non Baptizati; tenentur lege Baptismi, & aliis Evangelicis præceptis; quia subditi sunt Deo, qui omnibus divinam illam legem imposuit.

Ergo iidem infideles non ligantur Ecclesiæ legibus, quia Ecclesiæ non subjacent: *Quid enim mihi de iis,*

qui foris sunt, judicare? inquit Apostolus, 1. Cor. 5. vers. 12.

Ergo leges civiles obligant Clericos (salvo tamen illorum privilegio) quia subsunt Principi politico, ut partes communitatis, cui præest: *Omnis anima potestatis sublimioribus subdita sit*, Rom. 13. in quem locum Theodoretus sic scribit, & Sacerdos, & Antistes, & monasticam vitam professus, iis debent parere, quibus demandati sunt principatus.

Dices 1. Lex vetus, quamvis esset a Deo, Gentiles tamen non astringebat: ergo neque lex nova, seu Evangelica infideles non baptizatos.

Nego consequ. Quia lex vetus solis Judæis fuit imposita, Deut. 4. *Quæ est alia gens tam inclita; quæ habeat caeremonias ac justa judicia?* At lex nova pro omnibus lata est; Ecclesiæ enim Christianæ dicitur, Il. 60. v. 12. *gens & regnum quod non servierit sibi, peribit.*

Dices 2. Omnes infideles, etiam non baptizati, tenentur Ecclesiæ Christianæ subjici, ut patet ex laudato mox Isaïæ textu: ergo æque peccant, siue legem divinam, siue Ecclesiasticam non observent.

Nego consequent. Quia lex divina ad omnes gentes dirigitur, Ecclesiastica vero ad solos Christianos: neque enim Ecclesia intendit obligare infideles non baptizatos, dum aliquam legem, v. gr. jejunii instituit.

Dices 3. Per Evangelium fideles, maxime justii solvuntur ab omni lege: *Nolite iterum iugo servitutis contineri; vos enim in libertatem vocati estis, fratres*, ait Apostolus, Galat. 5. ergo Christiani, præsertim justii, non astringuntur legibus. Ita Lutherus, qui ut refert Bellarminus, libro 4. de justificat. cap. 21 sic concionans exhortabatur auditores: *Caveamus a peccatis, sed multo magis a legibus & bonis operibus, & tantum attendamus ad Dei promissionem & fidem.*

Distinguo anteced. Solvuntur a lege veteri, a lege carnis peccati, Concedo: A lege naturali, divina, & humana, in quibus præcipiuntur opera justitiæ, Nego anteced. Ait enim Apostolus, Rom. 6. *Liberati a peccato servi facti estis justitiæ.*

Iustitiam

Instabis: 1. ad Tim. dicitur, Lex iusto non est posita: ergo saltem iusti non astringuntur legibus, utpote, qui ducantur spiritu, & ad illos pertineat, quod scribit Apostolus, Gal. 5. quod si spiritu ducimini, non estis sub lege.

Distinguo anteced. Lex metu cogens & premens, Concedo: Lex quæ demonstrat honesta, ad ea amore dirigit, Nego anteced. Duo itaque in lege spectanda sunt. Primum est ordinatio rationis in bonum publicum. Secundum, est vis cogendi renitentes poenarum metu. Primum sine altero non constituit legem, ut jam monuimus, sed merum consilium, quod iustis sufficit; cum enim toto corde, quæ recta sunt, appetant, iustitiamque esuriant ac sitiant, frustra Legislator minis eos urgeret, sine quibus tamen impii & scelerati ad obtemperandum non adigerentur; ac proinde merito dicitur legem adæquate sumptam solis impiis esse impositam; quemadmodum dicimus patibula & furcas non erigi pro mansuetis & pacificis civibus, sed pro homicidis & seditiosis. Sensus enim non est quod cives mansueti & pacifici non teneantur legibus, quæ prohibent homicidia & seditiones; nec poenam mortis lege latam incurrant, si vim facientes ingenitæ suæ indoli sanguinem fundant innocentem, aut seditionem commoveant; sed hæc loquendi ratio innuit dumtaxat, cives sic affectos homicidia & seditiones fugere independentes a lege. Ita Sancti Patres & antiquiores Theologi explicuerunt laudatos Apostoli textus, ut S. Ambrosius l. 3. Offic. cap. 5. Lex, inquit, non iusto est posita, sed iniusto, quia iustus legem habet mentis suæ, æquitatis ac iustitiæ suæ normam: ideoque non timore poenæ revocatur a culpa, sed honestatis regula. Et S. Anselmus in 1. ad Cor. sic scribit, iusto non est lex posita; id est, imposita, ut supra illum sit; in illa enim est potius, quam sub illa, quia non sua vita vivit, cui cercendo lex imponitur: iniustus vero sub illa est, quia sua vita vivit, cui coercendæ lex imponitur. Denique S. Thomas in eundem locum, si omnes essent iusti, nulla necessitas esset dandi leges, quia omnes essent sibi lex.

Q. 2. *Peregrini tenentur-ne propriis suis patrie legibus?*

R. Non tenentur, nisi absint in fraudem, primo, si peregrini diverfentur extra legislatori territorium, v. g. extra diœcesim: quia legislatoris jurisdiclio extra proprium territorium non extenditur. Secundo, si leges sint mere locales; quale esse posset festum Patroni sub præcepto, & lex abstinendi a carnibus; quia intentio legislatoris limitata est ad illum locum. Unde Parochianus in alia Parochia ejusdem diœceseos bona fide existens, non tenetur observare festum & abstinentiam, si ibidem non sint in præcepto.

Ergo, inquit, Sacerdos, cui in sua diœcesi absolute & illimitate sub pœna suspensionis interdictus sacri ordinis usus, in alia diœcesi sacerdotalia munia obire poterit. Item Parochus & diœcesi absens, & civis regno, non tenentur parere sive Episcopo, sive Regi eos revocantibus.

Nego sequelam; Quia in primo exemplo Sacerdos jam erat præcepto ligatus, antequam egrederetur. In secundo vero exemplo Parochus & civis residere tenentur, ille in Parochia sua, iste in regno, peccaruntque eo ipso, quo contra Superioris voluntatem recedere præsumpserunt; ideoque cogi possunt ad redeundum. Adde hujusmodi peccare, vel contra jus naturale & divinum, quo Pastores suo gregi invigilare tenentur, vel contra jus gentium, juxta quod singuli obedientiam & reverentiam ubique debent Principi, quem origine sortiti sunt. Porro jus naturale & jus gentium ubique obligant.

Dixi: *Nisi in fraudem absint*. Quia lex est generalis ubique recepta & obligans, *fraus memini patriocinari debet*; alioquin ordo servari non posset, si cuique liceret fugere ad eludendas leges, quibus disciplina continetur. Ergo peccant qui eo sine alio transmigrant, ut servilibus operibus vacent, & carnibus vescantur ibidem licitis, sed in sua Parochia prohibitis.

Q. 3. *Advenæ subjiciuntur-ne legibus territorii, per quod transeunt?*

R. Subj.

R. Subjiciuntur; Quia cum eximantur a patriis legibus, par est, ut ligentur legibus locorum, per quæ transeunt.

Confirmatur ex capite, *In illa*, distinct. 11. quod sumptum est ex Epistola 54. alias 111. Sancti Augustini, ubi sic scribit S. Doctor, *nec disciplina ulla est in his melior gravi prudentique Christiano, quam ut eo modo agat, quo viderit Ecclesiam, ad quamcumque forte deveneris.* Refertque hoc fuisse responsum a Sancto Ambrosio datum matri suæ, ad quam forte Ecclesiam veneris, *eius mortem serva, si cuiquam non vis esse scandalum, nec quenquam tibi.* Et capite, quæ contra distinctione 8. quod excerptum est ex lib. 3. Confess. cap. 8. ejusdem Sancti Augustini, sic scribitur, *quæ contra mores hominum sunt flagitia, pro morum diversitate vitanda sunt, ut pactum inter se civitatis aut gentis consuetudine, vel lege firmatum, nulla civis aut peregrini libidine violetur. Turpis enim omnis pars est suo universo non congruens.*

Dices; grave est, & nimis onerosum iter facientibus, si propter festum locale sistere debeant ad audiendam Missam: Ergo.

Nego antecedens, Nam duplex potest esse præceptum locale, aliud negativum, quo prohibentur aliqui actus, v. g. usus carniû, opus servile, quod præceptum in transitu & absque mora servari potest & debet: aliud positivum, quo præcipitur actus, puta auditio Missæ; & ad illud præceptum implendum non tenetur peregrinus cessare ab itinere, nec ad Ecclesiam currere, si in loco quiescat ad cibum sumendum duntaxat, vel ad dormiendum summo mane profecturus. Nostra itaque responsio intelligenda est de peregrino, qui per aliquod tempus v. g. matutinis horis moratur in oppido, in quo est dies festus; hic enim tenetur sacrum audire, etiamsi statim a prandio sit discessurus.

Q. 4. Quid si incola propter urgentia negotia die festivo e Parochia summo mane discedit, Missam auditurus in itinere, ubi festum non est, satisfacitne præcepto?

R. Dissentiunt Theologi. Alii negant, quia per

actum non præceptum, non satisficit præcepto: atqui auditio Missæ non est præcepta in loco ubi auditur: ergo. Alii contra probabilius affirmant: quia peregrinus ille revera ponit actum sibi imperatum; nec dici potest Legislatorem non minus loco quam dici præceptum affixisse; alioquin, sicut qui sacrum prætermisit die festo, audire non tenetur altero die feriali, ita, qui in propria Parochia die festo non potuit interesse Missæ sacrificio, liber esset ab audienda Missa, quæ in altera ejusdem oppidi Parocchia superest celebranda, quia festum ad illam oppidi partem non extenditur: quod videtur absurdum. Nec refert quod locus ille Legislatoris jurisdictione non subjacet; quia Parochianus ad illum accedit jam ligatus præcepto audiendæ Missæ.

Q. 5. *Legislator subjiciturna suis legibus?*

Certum est Legislatorem peccare etiam mortaliter, si in re gravi palam & publice legem suam transgrediat, quia hujusmodi prævaricatio non est sine gravi communitatis offensione & scandalo, vergit in legem & boni publici contemptum, ordinem perturbat, & audaciores efficit subditos ad non parendum; exempla enim superioris plus movent, quam dicta.

Tota difficultas in eo versatur, an peccet legislator, qui legem a se latam privatim & sine scandalo transgreditur?

R. Communior est Theologorum sententia, illum peccare.

Probatur 1. auctoritate, Capite, *Justum* distinct. 9. dicitur, *Justum est, Principem legibus obtemperare subditis enim jura sua ab omnibus custodenda existimat, quando & ipse illis reverentiam præbet.* Et Capite: *Cum omnes, tit. de constit.* sic respondet Innocentius III. Episcopo Trecenti, *tamen igitur quod quisque juris in alterum statuit, ipse debeat uti eo, & sapientis (Catonis) dicat auctoritas: patere legem, quam in tuleris, mandamus, &c.* Sanctus quoque Ambrosius, lib. 2. Epistolarum Epistola 13. sic alloquitur Valentinianum Imperatorem, *quodcumque præscripsisti aliis, præscripsisti etiam tibi, Leges enim Imperator fert, quas primus ipse custodias.*

Prob.

Prob. 3. Ratione duplici. Prima, quia ex S. Aug. supra laudato turpis est pars suo universo non congruens: secunda, quia lex fertur in bonum publicum; atqui Legislator non minus, immo multo magis quam subditi, bonum publicum curare tenetur: Ergo.

Dices 1. Legislator non habet in seipsum jurisdictionem, cum non sit seipso inferior: ergo non subicitur suæ legi.

Dist. conf. Non subicitur quoad vim coactivam; Conc. Unde non incurrit pœnas transgressoribus impositas, puta suspensionem, excommunicationem, &c. non subicitur quoad vim directivam subdisting. non subicitur directe, quasi sibi ipsi imperet, Conc. Præceptum enim est superioris ad inferiorem: non subicitur indirecte, quatenus debet conformem se exhibere aliis communitatis partibus, & bonum publicum promovere, Nego conf. Hoc quippe æquitas & ius naturale exigunt.

Dices 2. Legislator quemlibet ex subditis a lege eximere potest: ergo & seipsum.

Resp. 1. Dist. ant. Eximere potest iusta de causa, & quatenus ad bonum publicum confert, Conc. Sine causa, & contra bonum publicum, Nego ant. Porro in prævum exemplum verteretur, si superior non servaret, quod ab aliis servandum præcipit.

Resp. 2. Neg. conf. Quia subditus obligatur legi ex voluntate legislatoris; legislator vero ex æquitate naturali, quæ non subjacet ejus arbitrio.

C A P U T V.

De Legis observatione.

Q. 1. **Q**uotuplici modo lex observari potest?

R. Duplici, scilicet, quoad substantiam, & quoad modum.

Lex servatur quoad substantiam, quando ponitur opus.

opus a lege præscriptum, v. gr. quando auditur sacrum, Eucharistia in Paschate recipitur. Tum vero servatur quoad modum, cum perficitur opus eo modo, & cum iis, quæ decent, circumstantiis.

Tria autem a subdito expetenda videntur, ut Legem debito modo observet. 1. Ut advertat ad legem, opereturque animo eam implendi. 2. Ut volens & minime invitus obtemperet. 3. Ut recta sit ejus intentio, & honestum finem sibi constituat. Porro circa substantiam operis, & ejus modum, nonnulla expendenda. Itaque

Q. 2. *Circa substantiam operis, utrum per unum & eundem actum pluribus præceptis satisfieri possit?*

R. Non potest, nisi aliunde colligatur superiorem contrarium intendere; quia superior videtur frustra imponere novam obligationem, si a subditis aliud non exigeret, quam quod jam debent vi præcedentis mandati.

Ergo, qui ex duplici justitiæ titulo, puta ex contractu mutui, & ex damno illato centum debet, creditori non facit satis, si centum duntaxat solvat; sed tenetur ducenta refundere, alioquin æqualitatem non reponeret.

Ergo Sacerdos, qui duo stipendia accepit, aut duas Capellanas possidet, quibus annexa est obligatio celebrandi, non satisfacit per unum sacrificium.

Ergo si Confessarius in satisfactionem jejunium imponat, pœnitens Confessarii præcepto non satisfaciet jejunio, quod vel ipse vovit, vel Ecclesia præcipit.

Dixi in responsione, nisi aliunde colligatur superiorem contrarium intendere. Namque Ecclesia concedit, ut Capellanus, qui pro unaquaque Capellania Horas Canonicas recitare tenetur, una recitatione satisfaciat.

Q. 3. *Unde colligitur superiorem concedere, ut duplici præcepto per unum & idem opus fiat satis?*

R. Colligitur vel ex ejus verbis expressis; aliquando enim Confessarius v. gr. pœnitenti declarat se in satisfactionem imponere jejunia quæ occurrunt ab Ecclesia præscripta, ea scil. mence, ut pœnitens sensum doloris ob peccata præterita conservet, & pro iis

Deo

Deo satisfacere curet: vel ex communi hominum usu & interpretatione, ut si Confessarius pœnitenti injungat audire sacrum singulis diebus per mensem, idem pœnitens non tenetur bis audire sacrum qualibet die Dominica occurrente: quia ex benigna interpretatione Confessarius præsumitur concedere, ut eodem actu duplici obligationi satisfaciat.

Q. 4. *Potestne quis eodem tempore satisfacere duplici præcepto per actus distinctos?*

R. Potest, si unus actus alterum non impediat. Hinc qui ex voto meditationi vacare tenetur, & votum & præceptum audiendi sacrum die festo simul implet; quia meditatio non impedit attentionem & devotionem, quæ debetur Missæ sacrificio.

Sed difficultas est, num recitatio Horarum Canonicarum, ad quam Beneficiarius tenetur, obsit attentioni ad Missæ sacrificium?

Graves Theologi, ut Sylvester, Angelus & Clavasio, & alii affirmant. Communior tamen sententia, quæ est Navarri, Soti, &c. quam plerique in praxi sequuntur, negat impedire, quia ad sacrificium Missæ, & ad recitationem horarum sufficit attentio generalis ad Deum, aliamque vix habere possunt idiotæ, quib; nihilominus præcepto Ecclesiæ satisfaciunt, quamvis distincte non cognoscant, quæ sit ratio sacrificii, & quâ mente celebrari debeat. Verum, etsi hujusmodi generalis attentio absolute sufficiat ad implendum utrumque præceptum, satendum tamen est perfectionem expotendam esse ab his qui interfunt Missæ sacrificio, ad quod fideles conveniunt, ut passionem Christi recolant, & unam cum ipso sese Deo offerant perfectam hostiam.

Q. 5. *Circa modum implendi præcepti satisfacit nequi de præcepto non cogitat, facit tamen quod præscriptum est? Aliquis, v. gr. audit sacrum, nesciens, aut non advertens esse diem festum. Item Clericus ignorans, nec advertens quosdam fructus Beneficii sui non fecisse suos, ideoque teneri restituere pauperibus vel Ecclesiæ, largas interim facit elemosynas.*

R. Vel opus est debitum ex justitia, vel non. Si

non est debitum ex justitia, satisfacit, juxta communem Theologorum sententiam, nec in allato exemplo tenetur quis aliud sacrum audire, postquam resciverit esse diem festum, quia revera exercuit actum religionis, quem Ecclesia diebus festis imperat. Si autem opus sit ex justitia debitum, communis est Theologorum sententia non satisfacere; quia in rei veritate non restituit, sed liberaliter donat, nec potest donationem jam factam revocare, ut restitutionis locum suppleat. Crederem tamen Clericum, qui in exemplo adductus est, excipiendum esse, si pauperibus multa largitus est ea mente, quod Beneficarii ex justitia teneantur dare superflua pauperibus; is enim vere restituit omne, quod debet in hypothese, quod plus erogandum non esset ratione fructuum male perceptorum.

Q. 6. *Implet ne præceptum, qui illius implendi non habet voluntatem? Aliquis v. g. sacrum audit die festo, vel Eucharistiam recipit tempore Paschali, ut privata suæ devotioni indulgeat, proponens aliud audire sacrum, vel iterum ad sacram mensam accedere, ut Ecclesie præcepto satisfaciat; sed talia impedimenta superveniunt, propter quæ non implet quod proposuerat, si jam præcepto fecisset satis?*

Resp. Theologorum major pars, præceptum in istis circumstantiis impleri propter rationem in priori præcedentis responsionis parte allatam. Sed illi longius progrediuntur, qui affirmant eum etiam præcepto satisfacere, qui voluntatem gerit absolute contrariam, positiveque statuit se nolle ex præcepto facere, quod exterius perficit, nam ex regula juris in 6. *Censetur agere contra legem, qui verba legis complexus contra voluntatem legis nititur.*

Dixi: *voluntatem absolute contrariam*. Qui enim involuntarius est secundum quid, & simpliciter voluntarius, ægre v. g. præcepto jejunii obtemperat, legi satisfacit, quamvis non sine aliquo defectu.

Q. 7. *Estne necessaria recta intentio ad legem humanam implendam; nam de naturali & divina nullum potest esse dubium?*

Negant multi ex modernis Theologis moralibus, apud

apud quos receptum est illud effatum; *modus præcepti non cadit sub præceptum*. Ex quo concludunt satisfieri præcepto annuæ Confessionis & Communionis per sacrilegam Confessionem & Communionem; quam doctrinam damnarunt Summi Pontifices Alexander VII. & Innocent. XI. Deinde Clerus Gallicanus anno 1700. cum quibus

R. Recta intentio tradit sub præceptum humanum.

Prob. 1. ex Scriptura, Eph. 6. *Servi obedite dñi. nis carnalibus cum timore & tremore, in simplicitate cordis vestri, sicut Christo: non ad oculum servientes, quasi hominibus placentes: sed ut servi Christi, facientes voluntatem Dei ex animo, cum bona voluntate servientes, sicut Domino, & non hominibus.*

Prob. 2. Ratione: quia vera lex non præcipit nisi actus bonos: atqui actus non potest esse bonus sine recta intentione: Ergo Minor est certa.

Maj. prob. ex S. Thom. quæst. 62. art. 1. Ubi expresse docet hunc esse proprium legis effectum, efficiere homines bonos, juxta illud Philosophi, 1. Ethic. cap. 14. *Voluntas cujuslibet legislatoris hæc est, ut faciat homines bonos.* Et hanc rationem affert Angelicus Doctor, quia omnis lex est ordinatio in bonum commune: *Impossibile autem est, inquit, quod bonum commune civitatis bene se habeat, nisi cives sint virtuosus, hoc est, bene subdantur ei, a quo gubernantur, sicut virtus irascibilis, & concupiscibilis in hoc consistit, quod sint bene obediētes rationi, & per hunc modum virtus cujuslibet subjecti est, ut bene subjiciatur principanti.*

Dices, ex S. Thoma quæst. 91. art. 4. *De his potest homo legem facere, de quibus potest judicare; atqui judicium hominis esse non potest de interioribus motibus qui latent, sed solum de exterioribus actibus quæ apparent.* Porro modus præcepti pertinet ad actus interiores: ergo modus præcepti non cadit sub præceptum humanum.

Confirmatur ex jure tum civili, tum canonico: ex civili quidem: nam lege cogitationis, digest. de pœnis, habetur, *cogitationis pœnam nemo patitur: em*
cano.

canonico vero cap. *Tua nos*, de simonia, nobis datam est tantum de manifestis judicare. Et cap. *Erubescant*: distinct. 32. de manifestis loquimur; secretorum autem & cognitor Deus & iudex est.

Dist. maj. De his dumtaxat potest homo legem facere secundum vim omnem coactivam, de quibus potest judicare, Conc. secundum vim directivam & coactivam ex parte, Nego maj. Enimvero jure canonico, cap. *Si quis* 8. dist. 30. excommunicatur qui ex interna superstitione jejunium Ecclesiasticum non servaverit. Clement. 1. de statu Monach. Monachus Benedictinus sine licentia se conferens ad curiam animo accusandi Prælatum, excommunicationem incurrit. Et Clement. 2. §. *Verum* de Hæreticis eadem poena ferriuntur Inquisitores, qui ex odio, & ex intentione turpis lucri contra justitiam & conscientiam omittunt procedere. Denique in Concil. Constantiens. sess. 45. Martinus V. suspectos de hæresi jubet interrogari ab Inquisitoribus, an Jo: Hus, & Hieronymum a Praga reputaverint Sanctos, an credant quod ab Ecclesia sint injuste condemnati. Atqui in his exemplis lex humana directe cadit in modum operis; illum enim præcise prohibet, punitque excommunicationis censura, in quo elucet aliqua vis coactiva, sed imperfecta & insufficiens, quia cum prohibiti illi affectus in corde lateant, legislator nec juridice declarare potest, quis ex harum legum transgressoribus incurrit excommunicationis poenam, nec proinde a societate fidelium removere. Unde concludit Angelicus Doctor præter legem humanam divinam esse necessariam, cujus forum occulti peccatores declinare nequeunt.

Ex hac solutione facile explicantur leges in contrarium allatæ, nempe Ecclesia non judicat de internis per sententiam declaratoriam, & judicio plene coactivo. Addo nec in eos animadvertit, nisi conjuncti fiat actibus externis.

Instabis: sola naturalis, & divina, quæ semper concurrit cum humana, modum operis præscribit: Ergo peccatum in modo operandi legem divinam dumtaxat impedit, non humanam.

Nego antecedit. Namque in laudatis Clementinis ipsa lex humana, non divina, modo operis excommunicatione ferit.

Confirmatur responsio: ideo lex humana non caderet in actus interiores, vel quia Deus hanc auctoritatem hominibus concedere non potest: vel quia, cum possit, concedere tamen noluit: Atqui neutrum dici potest. Non primum, ipsi enim Adversarii ultro fatentur Deum potuisse dare Ecclesiae potestatem directam in actus internos. Non secundum; quia Christi verba, *quaecunque ligaveritis super terram, erunt ligata in caelis*, nullam exceptionem admittunt, nec licet Adversariis illa ad actus externos restringere contra communem Ecclesiae sensum & usum, quae hactenus imperavit actus internos, ut patet ex laudatis canonibus.

At, inquires, potestas Apostolis a Christo concessa limitatur ex fine regiminis Ecclesiastici: atqui finis ille est bonum commune & publicum, ad quod actus interiores nihil conferunt; modo enim singula Ecclesiae membra bene se habent ad invicem, Ecclesia summa pace fruitur, ergo.

Concessa majore, Distinguo minorem: finis regiminis Ecclesiastici proximus est bonum commune publicum, Concedo; ultimus, nego minorem. Omne enim regimen sive Ecclesiasticum, sive politicum, sive economicum ordinatur ad Deum, qui omnia propter se operatus est, & infima per media, domesticos per patrem familias, fideles per Praelatum, cives per Principem, tanquam per suos ministros ad se adducit: actus autem a Legislatore imperati ad Deum non tendunt, nisi boni sint. Deinde tranquillitas publica stare nequit, nisi superior bene imperes, & subditi bene obtemperent, ut supra docebat Sanctus Thomas. Denique Religio, ex Sancto Augustino, tota est ad animam excolendam, communem ejus bonum est Dei cultus, quem si omnes pro virili exhibeant, exoptata pace & felicitate gaudent. Porro *spiritus est Deus, & eos qui adorant eum, in spiritu & veritate oportet adorare*, Joan. 4. Ergo ad regimen praesertim Ecclesiasticum maxime conferunt actus interni.

Q. 8. *Satisfacitne, qui sine recta intentione obtemperat, verbi gratia qui jejunit ex vana gloria, aut ex avaritia?*

Resp. 1. Si præceptum sit negativum, hoc est, prohibens actum puta homicidium, usum ciborum diebus jejunii, certum est ei satisfacere, nec esse reum homicidii, aut violati jejunii Ecclesiastici, nisi forte ex affectu. Difficultas solum est de præceptis affirmativis, quæ imperant actum. Quare.

Resp. 2. Non satisfacit præcepto affirmativo, qui ponit opus sine ea animi rectitudine, quæ vel est essentialis actui externo, ut attentio orationi vocali, contritio saltem imperfecta Sacramento Pœnitentiæ, vel per legislatorem præscribitur, ut perceptio Eucharistiæ in Paschate; Ecclesia enim præcipit communionem moralem simul & spirituales. Ergo qui sine pia attentione adfuit sacro, præces recitavit, vel sine sufficiente attritione confessus est, vel sacrilege Eucharistiam percepit, non satisfacit præcepto, quia non fecit quod revera præcipitur; non orat, non percipit Sacramentum Pœnitentiæ; nec spiritualiter Corpus Christi manducat. Idem dicendum videtur de eo, qui ex voto, vel ex Confessarii præcepto jejunit; neque enim satisfacit, qui ex præcedenti crapula per totam diem a cibis abstinet absque ullo pietatis sensu; quia vovens sibi, & Confessarius pœnitenti imponunt obligationem actus honesti.

Resp. 3. Quando honestas expresse non præcipitur, nec est conditio essentialis actui externo, sine ea adimpletur præceptum humanum. Filius verbi gratia honorat patrem, eique obtemperat, quamvis utrumque præstet ex vanitatis motivo, atque ideo peccet contra legem naturalem.

C A P U T VI.

De Legis divisione.

Q. 1. **Q**uotuplex est Lex?

R. Generatim dividitur in æternam, naturalem, & positivam.

Q. 2. Quid est Lex æterna?

R. Est summa ratio, secundum quam Deus cuncta regit & gubernat, diciturque a S. Bernardo Lex Dei.

Q. 3. Lex æterna estne quid idem cum ideis divinis, aut cum providentia?

R. Realiter est quid idem : quia omnia in Deo unum sunt : sed virtualiter & secundum nostrum concipiendi modum est diversa ; namque idea spectat rerum creationem, lex vero æternam earundem gubernationem, estque regula creaturarum dirigendarum, quam regulam sequitur providentia in actuali rerum gubernatione.

Explicatur responsio. Idea formaliter est exemplar, seu representatio rei faciendæ in mente agentis diacentici, ad cujus similitudinem conficit opus præconceptum. Architectus v. g. speciem domus, quam ædificare intendit, prius in mente sibi efformat. Diximus autem, ubi de Attributis ; idea divinas esse ipsammet essentiam divinam prout imitabilem & participabilem. Lex vero æterna formaliter concipitur in Deo, ut actus intellectus & voluntatis, præscribens quibus mediis, quoque ordine res creatæ ad suos fines dirigantur. Tum denique providentia regulam illam in tempore exequitur, & subministrat media per legem æternam præscripta, quibus unaquæque res congruenter ad finem suum perducatur ; ac proinde ideæ divinæ, lex æterna, & providentia inter se virtualiter distinguuntur.

Ergo quamvis creaturæ in tempore gubernentur, ratio tamen illas gubernandi est æterna.

Ergo cum nemini liceat ignorare existentiam Dei & providentiam, notum quodque omnibus esse debet legem æternam existere : evidens quippe est Deum utpote sapientissimum & optimum, ea regere, quæ ipse
con-

condidit. Nam, ut argumentatur S. Ambrosius lib. 1. de Offic. c. 13. *Quis operator negligat operis sui curam? quis.... destituat, quod ipse condendum putavit, cum aliquid non fecisse nulla injustitia sit, non curare quod fecerit, summa inclementia.*

Ergo omnes creaturæ subjacent legi æternæ, juxta illud Sap. 6. *magnum & pusillum ipse fecit, & ipsi cura est de omnibus.* Æterna tamen illa ratio in Deo non habet rationem legis proprie dictæ, nisi respectu creaturarum rationalium; quia irrationales capaces non sunt præcepti & obedientiæ, ut supra monuimus.

Dixi expresse, omnes creaturæ subjacent legi æternæ; quia nec natura, nec voluntas divina illi subjiciuntur, sed realiter sunt ipsa lex. Si enim justus, quamvis non sine lege, legi tamen non subjacet eo sensu, quo supra explicuimus, sed rectitudo voluntatis ejus ipsi lex est: quanto magis sentiendum est de Deo, cujus intellectus est ipsa veritas, & voluntas ipsa rectitudo? Deus itaque non est sine lege, & tamen nulli subjacet legi, sed ipse sibi lex est.

Ergo lex æterna una est, immutabilis, & indefectibilis, quia realiter est Deus ipse unus & immutabilis.

Ergo a lege æterna omnes leges derivantur; quia in regimine monarchico omnes Ministri ad mentem & voluntatem Principis attendere debent, a quibus si devient, iniqua illorum statuta censentur. Hinc Sanctus Augustinus lib. de vera Relig. cap. 32. sic scribit: *Conditor legum temporalium, si vir bonus est & sapiens, illam ipsam consulit æternam, de qua nulli anime judicare tutum est, ut secundum ejus incommutabiles regulas, quid sit pro tempore jubendum, vitandumque discernat.* Et quæst. 57. in Exod. *Lex Dei, inquit, sempiterna est, quam consulunt omnes pie mentes, ut quod in ea invenerint, vel faciant, vel jubeant, vel vetent, secundum quod illa incommutabili veritate perceperint.*

Dices: contrariæ leges ab eodem fonte dimanare nequeunt: atqui plures e legibus humanis sibi sunt contrariæ; in quibusdam enim regionibus præcipiuntur,

tur, quæ in aliis prohibentur: ergo non omnes leges ab æterna derivantur.

Nego majorem, namque ex S. Augustino lib. de vera Relig. cap. 17. sicut ars medica nonnunquam præscribit varia & contraria remedia pro varietate & contrarietate morborum: ita lex æterna exigit, ut variae & contrariæ leges condantur juxta diversas temporis circumstantias, & contrarios nationum mores. Verba S. Doctoris sunt: *Ut ars medicine, cum eadem maneat, neque ullo pacto ipsa mutetur, mutat tamen præcepta languentibus, quia mutabilis est nostra valetudo: ita divina Providentia, cum sit omnino immutabilis, mutabili tamen creaturæ varie subvenit, & pro diversitate morborum alia aliis jubet aut vetat, ut a vitio, unde mors incipit, & ab ipsa morte ad naturam suam & essentiam, ex qua deficient, id est, ad nihilum tendunt, reducat & firmet.*

Q. 4. *Quid est lex naturalis.*

Est legis æternæ radius, creaturæ rationali a Deo impressus, dictans & præscribens quid agere aut fugere debeat.

Dicitur 1. *legis æternæ radius*, seu fulgor & irradiatio, quo significatur legem naturalem non distinguere a lege æterna, nisi secundum modum habendi. In Deo quippe lex æterna, juxta S. Thomam q. 91. art. 2. est tanquam regulans & mensurans, in homine vero tanquam in regulato & mensurato; in Deo realiter est ipsamet natura divina, indefectibilis veritas & rectitudo: in homine vero distinguitur ab ejus natura defectibili, inestque per participationem.

Dicitur 2. *creaturæ rationali*; quia, ut advertit S. Thomas cit. art. etsi creaturæ irrationales participant aliquantulum legem æternam, quatenus ex ejus impressione inclinantur in proprios actus & fines; in iis tamen lex æterna non habet rationem legis, quia non participant illam intellectualiter & rationaliter.

Dicitur 3. *a Deo impressus*, quia ex S. Augustino lib. 14. de Trinitate c. 15. in cor hominis non mirando, sed tanquam imprimendo transfertur, sicut imago ex annulo in ceram transit, & annulum non reli-

linquit. His autem definitionis particulis duo declarantur. Primum, legem naturalem esse divinam, cum sit a Deo. Secundum differre a lege positiva, quæ mentibus nostris impressa non est, sed prorsus extrinseca, ut leges suscipiendi Baptismi, a carnibus abstinendi die Veneris, quarum nullum vestigium in natura humana reperitur.

Dicitur 4. *dictans & præscribens quid creatura rationalis agere, aut fugere debeat*. Quibus verbis duo denotantur, quæ ad rationem legis pertinent, nempe promulgatio, & vis obligandi; intimat enim hoc ipso quo dictat, & præscribendo obligat.

Q. 5. *Lex naturalis estne idem ac synderesis, aut conscientia?*

R. Minime; quia synderesis est habitus proprie dictus, quo intellectus dirigitur circa principia practica, quale est illud: bonum est prosequendum, & malum fugiendum: atqui habitus proprie dictus, non est lex, cum non sit præceptivus, sed est mera facilitas & inclinatio ad bene agendum, si bonus sit; & male agendum, si malus: atqui lex naturalis est præceptiva & obligans; ergo non est habitus proprie dictus. Non est etiam conscientia, quia conscientia potest esse erronea & mala, quod de lege naturali dici nequit.

Q. 6. *Quid igitur est præcise ille radius legis æternæ?*

Respondet S. Thomas cit. artic. 2. quæst. 91. esse ipsummet divinum lumen mentibus nostris impressum, juxta illud Psalm. 4. *Signatum est super nos lumen vultus tui, Domine*. Quod Sanctus Doctor sic interpretatur: quasi lumen rationis naturalis, quo discernimus quid sit bonum, & quid malum; quod pertinet ad naturalem legem, nihil aliud sit quam impressio divini luminis in nobis. Unde patet quod lex naturalis nihil aliud est, quam participatio legis æternæ in rationali creatura, quemadmodum illuminatio oculorum est ipsa lux Solis in oculos sese diffundens. Sed audiendus est Sanctus Augustinus in laudata Psalm. verba. *Hoc lumen, inquit, est totum hominis & verum bonum*.

num. Signatum autem dicit in nobis ; tanquam denarium signatur Regis imagine : homo enim factus est ad imaginem & similitudinem Dei . Et ad hoc credo pertinere illud , quod Dominus , viso Cæsaris nummo , ait , reddite Cæsaris , quod Cæsaris est , & Deo , quod Dei est . Tanquam si diceret : quemadmodum Cæsar a vobis exigit impressionem imaginis sue , sic & Deus . Ut quemadmodum illi redditur nummus , sic Deo anima lumine vultus ejus illustrata , atque signata . Non ergo foris querenda est lætitia , sed intus , ubi signatum est lumen vultus Dei . Sed homines temporalia sectantes , nihil aliud noverunt dicere , nisi : quis ostendit nobis bona ? cum vera & certa bona intra semetipsos videre non possint . Et lib. 14. de Trinitate cap. 15. docet illud nomen esse ipsam veritatem mentes humanas desuper illuminantem : *Etsiam impii* , inquit , multa recte reprehendunt , recteque laudant in hominum moribus . Quibus ea tandem regulis judicant ? nisi in quibus vident , quemadmodum quisque vivere debeat , etiamsi nec ipsi eodem modo vivant . Ubi eas vident ? neque enim in sua natura , cum procul dubio mente ista videntur , eorumque mentes constet esse mutabiles . has vero regulas immutabiles videat quisque in eis & hoc videre potuerit ; nec in habitu sue mentis , cum illæ regulæ sint justitiæ , mentes vero eorum constet esse injustas . Uhinam sunt istæ regulæ scriptæ . . nisi in libro lucis illius quæ veritas dicitur , unde omnis lex justa describitur ?

Q. 7. Potestne deleri lex naturalis ?

Respondeo Obumbrari quidem potest in conclusionibus , præsertim remotioribus , ut dictum est ubi de ignorantia , Tractatu de Actibus humanis : deleri omnino non potest , alioquin homo desineret esse rationalis & imago Dei . Ita Tertullianus lib. de anima cap. 41. ubi sic scribit : *Potest obumbrari ; quia non est Deus ; extinguere non potest quia a Deo est .* Itaque sicut lumen aliquo obstaculo impeditum manet , sed non comparet , si tanta densitas obstaculi fuerit : ita & bonum in anima a malo oppressum pro qualitate ejus , aut in totum vacat occulta salute , aut quæ datur , radiat , inventa libertate .

Ergo cum natura rationalis una sit ubique & in omnibus, lex quoque naturalis, si secundum se spectetur, ubique & in omnibus est una, quamvis in applicatione propter varias circumstantias sit diversa, ut docet S. Thomas q. 94. art. 4. Lex enim naturalis, quæ docet depositum esse reddendum, prohibet tum reddi furioso arma deposita, cum inde prævidetur damnum illaturus proximo.

Q. 8. *Quid est lex positiva?*

R. Est ea quæ legi naturali superaddita est ex libera Legislatoris voluntate.

Q. 9. *Quomodo dividitur lex positiva?*

R. Dividitur in divinam, quæ habet Deum auctorem; & humanam, quæ ab homine sancita est.

Q. 10. *Quotuplex est lex divina?*

R. Duplex, nempe vetus seu scripta, quam vocamus vetus Testamentum; & nova, seu gratiæ, quæ dicitur novum Testamentum.

Q. 11. *Quotuplex est lex humana?*

R. Duplex, alia est communis omnibus fere nationibus, diciturque jus gentium; alia, in qua non omnes conveniunt, & hæc, si a potestate Ecclesiastica procedat, dicitur lex Canonica, seu Ecclesiastica, si a potestate politica, dicitur lex civilis.

Q. 12. *Quid est jus gentium?*

R. Definitur ab Imperatore Justiniano, quod usu exigente & humanis necessitatibus gentes humanæ sibi constituerunt. Constituerunt, ait, ut distinguatur jus gentium a jure naturali, quod hominibus innatum est, nec ab ipsis constitutum: Ad jus gentium pertinent dominiorum distinctiones, agrorum divisiones, pacificæ Legatorum receptio, etiamsi ab hostibus mittantur.

Dices: S. Thomas q. 95. art. 4. docet ad jus gentium pertinere ea quæ derivantur ex lege naturæ, sicut conclusiones ex principiis: ergo jus gentium pertinet ad legem naturalem.

Dist. antec. Quæ derivantur secundum quid necessario, absolute vero libere, Conc. quæ derivantur absolute, & simpliciter necessario, Nego antec. Porro ut conclusio censeatur juris naturalis, debet necessaria-

cessario elici ex principiis naturalibus, adeo ut peccet contra legem naturalem, qui in praxi conclusionem non sequitur. Sic filius protervus, & usurarius in legem naturalem peccant, quia quod honorandi sint parentes, quodque lucrum ex mutuo non sit capendum, sunt conclusiones necessario deductæ ex principiis legis naturalis, nec homines constituerunt sibi has leges, sed a Deo sibi inditas acceperunt.

At vero, quod dividendi sint agri, inducendæ servitutes, manumissiones, & alia hujusmodi, quæ ad jus gentium pertinent, quamvis omnibus videantur media longe commodiora ad societatem humanam conciliandam, non sunt tamen absolute necessaria: ac proinde eorum institutio ex arbitrio hominum pendet, & ad legem humanam revocanda est.

C A P U T VII.

De differentia Legis naturalis & positivæ.

Q. 1. **Q**Uotuplex est discrimen inter legem naturalem & positivam, siue divinam, siue humanam?

R. Triplex. 1. Lex naturalis simul cum natura indita est, nihilque præscribit, quod quisque in corde suo (si attendere velit) cernere non valeat, v. g. Deum colendum, parentes honorandos, nemini nocendum; lex vero positiva extrinsecus supervenit, & ordinat, quæ alioquin ratio naturalis non dicitur observanda, v. g. Baptismus suscipiendum, abstinendum a carnibus sexta qualibet feria. 2. præcepta legis naturalis necessaria sunt, nec pendent a libera Dei, aut cujusvis Legislatoris voluntate: præcepta vero legis positivæ sunt mere arbitraria. Deus v. g. nec prohibere potest justitiam, religionem, pietatem erga parentes, nec imperare mendacium, fornicationem, odium proximi; hæc quippe repugnant tum infinitæ ejus bonitati & sapientiæ, tum naturæ rationali, quæ est ad ejus imaginem condita, sed

liberum illi fuit præcipere circumcissionem : esum Agni Paschalis , quæ sunt legis positivæ , & postea in lege nova prohibere . Hinc 3. quæ prohibentur lege naturali , sunt per se mala , & ideo prohibita , ut mendacium , injustitia : quæ vero vetantur lege positiva , per se sunt licita , plerumque etiam indifferentia , nec mala evadunt , nisi quia prohibita , ut apud Judæos esus carnis suillæ , & suffocatæ , & apud Christianos opera servilia , carnisque usus certis quibusdam diebus .

Ergo ex crassa ignorantia Clerici obmurmurarent contra Diœceseos sua statuta , quibus prohibentur venatio , ludus aleæ & chartarum , popinarum frequentatio , & alia similia , eo prætextu , quod hæc per se mala non sunt ; nulli enim Clericorum ignorare licet allatum discrimen inter legem naturalem & positivam , Prælatisque a Deo concessam potestatem statuendi & sancienti , quæ ad bonum publicum promovendum expedire judicaverint .

Ergo lex naturalis est immutabilis , nullam abrogationem , derogationem , dispensationem admittit , nec adversus illam usu contrario præscribi potest , quia nunquam licet facere quæ per se mala sunt , quæve repugnant naturæ seu divinæ , seu rationali . Lex vero positiva his modis mutari potest , quia præcepta ejus sunt arbitraria , pendentque a libera Legislatoris voluntate . Sed de mutatione legis positivæ postea .

Dices 1. Deus sæpius dispensavit in lege naturali ; namque permisit 1. fratres in matrimonium ducere sorores in prima generis humani generatione . 2. Judæos auferre Ægyptiorum vasa , & usuras ab alienis accipere . 3. plures simul habere uxores , & matrimonia dissolvere dato libello repudii . 4. Abrahamum immolare filium suum . 5. Prophetam Oseam filios fornicationum suscipere ex meretrice . 6. Potestatem concessit Ecclesiæ dispensandi in votis & juramentis , quæ omnia sunt juris naturalis . Ergo lex naturalis dispensatione mutari potest . Unde S. Bernardus lib. 1. de præcepto & dispensat. c. 3. sic scribit : *Quod inviolabile nominavi , illud intelligo , quod non ab homine*

mine traditum ; sed divinitus promulgatum , nisi a Deo , qui tradidit , mutari omnino non patitur , ut exempli causa : Non occides , non machaberis , non furtum facies , & reliqua illius tabule legiscita : quæ etsi nullam prorsus humanam dispensationem admittunt , nec quemquam hominum ex his aliquo modo solvere aut licet , aut licebit : Dominus tamen horum , quod voluit , & quando voluit , solvit .

Distinguo anteced. Dispensavit dispensatione improprie dicta , Concedo : proprie dicta , Nego antecedens .

Dispensatio impropria est , quando mutatur objectum & materia legis per circumstantias concurrentes . Res patefiet duobus exemplis . Promissarius , cum sponsori remittit , & condonat rem promissam , improprie dispensat a fide servanda , quod est juris naturalis , quia mutat objectum & materiam legis naturalis , quatenus per condonationem efficit , ut res promissa non sit amplius debita . Item , Pastor ex lege naturali tenetur proprio gregi invigilare ; sed siurgens Ecclesiæ necessitas alio eum vocet , jam residentia desinit esse objectum & materia legis naturalis .

Dispensatio proprie dicta , est relaxatio obligationis per legem inductæ facta alicui ex causa , quæ tamen sola non sufficeret obligationi tollendæ . Exemplum afferro : Titius vult ex causa nubere cum consanguinea : sed lex Ecclesiastica resistit , & stante illa causa , incestuosas declarat Titii nuptias , nisi Summus Pontifex illum a vinculo legis absolveret . En vera & proprie dicta dispensatio , quam diximus legem naturalem nunquam admittere .

Porro Deus in exemplis allatis hoc posteriori modo non dispensavit , sed prioridumtaxat , quatenus nempe in circumstantiis notatis actus in objectione recensiti desierunt esse objectum & materia legis naturalis .

Enimvero , cum Deus sic instituerit genus humanum , ut non nisi carnali generatione propagaretur , ratio naturalis dictavit , nedum prohibuerit , ut fratres in prima generatione sororibus copularentur ; quamquam non desint Theologi , ut Cajetanus , qui absolute

negant matrimonium inter fratrem & sororem jure naturali esse prohibitum.

Deinde polygamia & matrimonii dissolutio per libellum repudii, vel fuerunt a Deo dumtaxat tolerata, ut contendunt nonnulli Theologi, vel revera concessa, quod de polygamia verisimilius est, cum plures viri Sancti, ut Abraham & David, in ea usque ad mortem permanferint. Si primum, corruit obiectio. Si secundum, Deus, qui est naturæ auctor, & humanæ societatis supremus moderator, potuit quod non possunt homines, nempe justis de causis, uni & eidem viro tribuere jus in corpora plurium feminarum, & libello repudii revocare quod prius concesserat, nec in extraordinaria illa dispositione violavit jura societatis humanæ, quemadmodum cum operatur miracula, vim naturæ non infert, sed agit supra naturalem rerum ordinem, ut docent Theologi.

Denique Deus, cujus dominio subjacent omnium hominum fortunæ, corpora, & vita, dedit Abrahamo potestatem faciendi filii unigeniti; dedit Judæis bona Ægyptiorum, & aliarum gentium, a quibus usuras exigebant; nisi tamen hoc posterius potius toleraverit, quam concesserit: dedit & Osee dominium in corpus meretricis; ac etiam nunc ministerio Prælatorum condonat promissa, quibus Fideles per vota & juramenta sese illi obstrinxerunt. His autem Dei condonationibus præsuppositis, jure Abraham ad Dei præceptum accinxit se ad faciendum unigenitum; Judæi abstulerunt vasa Ægyptiorum & usuras ab alienigenis acceperunt: Prælati Ecclesiæ Fideles a votis & juramentis, si causa subsit, absolvunt, & Osee Propheta cum meretrice conjunctus est. Osee, inquit S. Thomas q. 100. arti. 8. *accedens ad uxorem fornicariam, vel mulierem adulteram, non est machatus, vel fornicatus, quia accessit ad eam, quæ sua erat secundum mandatum divinum, qui est auctor institutionis matrimonii.* Alio modo S. Augustinus lib. contra Secundianum cap. 21. factum Osee excusat, scribens Prophetam mulierem illam fornicariam in uxorem duxisse: *quid, inimicum fidei Christianæ, inquit, si meretricem, relicta fornicatione, in-*

castum conjugium commutetur? Hanc explicationem Theologi communiter amplectuntur. Nec refert quod filii ex illo connubio progenti, vocentur filii fornicationis; sic enim appellantur, quia nati sunt ex matre, quæ prius fuerat fornicaria.

Dices 2. Præceptum observandi Sabbati ad legem naturalem pertinet, cum in prima Decalogi tabula tertium locum obtineat: atqui præceptum illud, adveniente lege Evangelica, mutatum est: ergo lex naturalis non est immutabilis.

Distingo major. Ad legem naturalem pertinet sub aliquo respectu, Concedo: sub omni respectu, Nego maj. In præcepto itaque observandi Sabbati duo spectanda sunt, nempe res ipsa, quæ præcipitur, & tempus, quo executioni est demandanda. Præcipitur, ut homo aliquandiu vacet rebus divinis, & propriæ salutis prospiciat, deinde determinatur tempus, quod id præstare debeat, scilicet septima die cujusque hebdomadis. Primum est naturale: ratio quippe naturalis dicitur propriæ salutis consulendum, & media necessaria ad illam assequendam eligenda. Media autem illæ sunt meditatio rerum cælestium, & oratio quibus mens amore Dei & patris cælestis inardescit. Quod autem his spiritualibus exercitiis vacandum sit per diem integram, eamque septimam, & non per interpolatas hebdomadæ horas, præceptum est ærimoniale perti- nens ad legem positivam. Porro præceptum observandi Sabbati, promulgata lege nova, quoad prius stas immobile, mutatumque est dumtaxat quoad illud pos- terius, & ut loquitur S. Thomas qu. 100. art. 3. ad 2. quantum ad taxationem temporis.

Ergo Pastores verbi ministerium nunquam prætere- mittere debent diebus Dominicis & festis, ut rudiores & idiotæ in ventre memoriæ, quemadmodum scribit S. Gregorius, reconditum habeant quod identidem ad considerationem suaviter revocent, alioqui vacuos tra- ducturi sacros illos dies.

Ergo, qui in Republica terrenis occupationibus, his- ce diebus toti detinentur, ut Coqui, Laniones, &c. & spiritale damnum, quod inde incurrunt, aliis heb-

domadæ diebus refarcire negligent, legem naturalem transgredientes, propriæ salutis periculum subeunt. Quia de re graviter eos monere debent Confessarii; opus enim salutis perficitur, non corporis, sed animi viribus, quæ sicut uberiori Dei cognitione atque amore excitantur, ita ejusdem oblivione sensim evanescent.

Q. 2. *Omnia legis naturalis præcepta admittuntne indirectam & impropriam dispensationem mox explicatam?*

R. Minime, ut patet vel ex solo mendacio, quod nulla ratione potest fieri licitum.

Q. 3. *Quenam igitur præcepta legis naturalis omnem dispensationem respiciunt, quæve impropriam admittunt?*

R. Responunt, quæ versantur circa materiam ita intrinsece malam, ut ne divinitus quidem immutari possit, ut idololatria, falsæ Religionis professio, odium Dei, mendacium, blasphemia, perjurium. Contra vero admittuntur, quorum materia est sub dominio & dispositione sive Dei, sive hominis, & ideo mutari potest vel a Deo solo, vel etiam ab homine.

Ergo solus Deus indirecte dispensare potest circa homicidium, quia solus directum habet dominium in vitam innocentis.

Ergo Princeps improprie dispensat circa restituendum præceptum, quatenus per legem præscriptionis efficit, ut quod alienum est, fiat proprium ejus, qui bona fide & tempore competenti possedit, ut suo loco dicetur. Immo privatus sic dispensat, dum debitori aut promissori remittit debitum, aut fidem sibi datam. Ergo regula à S. Bernardo supra tradita, nempe Deum indirecte dispensare posse in præceptis secundæ tabulæ, non vero in præceptis primæ, aliquam patitur exceptionem; namque circa mendacium, quod pertinet ad secundam tabulam, Deus sic dispensare nequit: in voto autem & juramento promissorio, quæ sunt præcepta primæ tabulæ, hoc modo per præpositos Ecclesiæ dispensat.

Dices: Princeps ergo exigente bono publico, indirecte dispensare potest circa usuras, quia cum habeat domi-

dominium altum in bona subditorum, potest transferre in usurarium pecuniæ usurariæ dominium, quemadmodum per præscriptionem transfert dominium rei alienæ in possessorem bonæ fidei.

Nego sequelam; obstat enim lex divina, quam nulla potestas humana solvere potest: *mutuum date, nihil inde sperantes*, Luc. 6. quapropter Concilium Viennense excommunicatione ferit Principes, qui suæ auctoritate fovent usuras.

C A P U T VIII.

De Interpretatione Legis.

Q. 1. **Q**uotuplex est Legis interpretatio?

R. Duplex, alia minus propria, alia proprie dicta.

Minus propria, est applicatio legis, ubi sensus ejus manifestus non est vel propter verborum obscuritatem & ambiguitatem, vel propter circumstantias, quæ dubium generare possent, num ad illas lex extendatur, v. gr. an contractus sic initus sit injustus; an mendacium ad vitandam mortem necessarium, sit lege prohibitum.

Interpretatio proprie dicta, est legis correctio in his casibus, in quibus deficere judicatur. Et hæc interpretatio dicitur fieri per epichiam, seu æquitatem; sic v. g. lex, quæ prohibet ne Moniales extra septa Monasterii exeant, per epichiam corrigitur in hypothese, quod Monasterii ædes incendio conflarent.

Q. 2. *Lex adimittitne interpretationem?*

R. 1. Omnis lex, sive naturalis, sive positiva, admittit interpretationem improprie dictam, quia sæpius explicatione indiget, ut constat tum ex Christi exemplo, qui Matth. 5. legem naturalem explicuit; tum ex constanti Ecclesiæ Traditione, quæ ex potestate sibi divinitus concessa, Matth. 18. *quæcumque solaveritis super terram*, &c. hæcenus controversias circa

sensum legis naturalis & positivæ natus diremisse : v. gr. non liceret pejerare ad vitandam mortem, occidere ad conservandam famam, &c. tum ex judiciis forensibus, quibus leges civiles explicantur.

R. 2. Interpretatio proprie dicta, quæ sit per epichiam, non cadit in legem naturalem, quia interpretatio proprie dicta, est correctio legis : atqui lex naturalis, cum ex dictis sit ipsa veritas, ipsa recta ratio corrigi non potest ; alioquin veritas posset esse falsitas, & recta ratio error, quod est contradictorium : Ergo.

R. 3. Lex positiva patitur interpretationem proprie dictam, quia lex, quæ ita universaliter fertur, ut si applicetur singularibus quibusdam casibus, noxia evadat, per epichiam exponi debet : atqui talis est lex positiva, ut patet ex sequentibus exemplis, lib. 1. Machab. c. 2. Mathathias, & alii Judæi improbarunt consilium fratrum suorum, qui religionem ducti mactaverunt interfici ab impugnantibus hostibus diebus Sabbatorum, quibus prohibentur opera servilia, quam loca, in quibus delitescabant, obturare, & armis repugnare. Christus quoque Luc. c. 14. epichia usus est contra Phariseos, qui curare infirmos diebus Sabbatorum illicitum arbitrabantur. Denique Moniales in allata hypothesei conflagrationis interpretari debent humanum præceptum servandæ clausuræ deficere in illis circumstantiis.

Dices 1. contra secundam responsionis nostræ partem, Glossa in illud Eccli. 17. *addidit eis disciplinam & legem vitæ*, ait legem litteræ quantum ad correctionem legis naturalis scribi voluit.

Respondet S. Thomas q. 94. art. 5. ad primum, legem scriptam dici datam ad correctionem legis naturalis, vel quia per legem scriptam suppletum est quod legis natura deerat ; vel quia lex naturæ in aliquorum cordibus, quantum ad aliqua, corrupta erat, & talis corruptio correctione indigebat.

Instabis : non minus deficit lex naturalis in singularibus casibus, quam lex positiva : Ergo æque corrigi debet per epichiam.

Antecedens ostenditur exemplis. Lex naturalis reddenda

si depositi, servandi secreti, & juramenti implendi; deficit in his circumstantiis; nempe si dominus enssem depositum repetat ad configendum duello, vel occidendum innocentem: si fides secreti vergat in publicum damnum: si juramentum sit de re illicita.

Nego ant. Quia lex naturalis comprehendit omnes & singulas circumstantias, in quibus præcipit aut prohibet; est quippe recta ratio, quæ sane non jubet, quin potius prohibet reddi enssem in perniciem alterius, servari secretum in grave damnum tertii; & stare promisso injuste agendi, etiamsi juramento confirmatum sit. Contra vero lex positiva, sive divina, sive humana universaliter fertur, v. g. omnes Eucharistiam percipiant in Paschate, peccata sua integre confiteantur quolibet anno, Sacro intersint singulis diebus Festis, nec sigillatim explicare debet omnes circumstantias, in quibus Legislator obligare non intendit; sed explicandum relinquit rectæ rationi, & æquitati naturali.

Dices 2. nullus potest esse defectus in lege divina; Ergo lex divina corrigi nequit.

Distinguo anteced. Nullus potest esse defectus positivus, & quem Legislator vitare debeat, Concedo, nullus defectus negativus, quem Legislator permittere potest & debet. Nego anteced. Verum quidem est quod lex divina positiva careat illa perfectione, quæ competit legi naturali, ut se extendat ad omnes & singulas circumstantias, quæ occurrere possunt. Sed ex dictis illa perfectio non convenit legi positivæ; qualis enim esset lex his verbis concepta: Omnes peccata sua integre confiteantur, nisi ratio ipsis aliter suadeat.

Q. 3. Cujus est interpretari legem?

R. Vel evidens est legem non extendi ad has circumstantias, vel est dubium.

Si primum, cujusvis est legem interpretari ex S. Thomas q. 91. art. 1. quia cum manifesta sit Legislatoris intentio, frustra de ea inquireretur. Ratio autem evidenter demonstrat legem in iis casibus non esse servandam, in quibus vel est Reipublicæ noxia, vel pugnat cum lege superiori, ita ut sine peccato servari nequeat, ut enssem depositum reddere furioso, Sacrum

audire die sacro , cum caritas prohibet ne ægrotus derelinquatur . Utrum autem lex obliget cum gravi incommodo , expendemus capite sequenti .

Si secundum , nempe si dubium sit , num lex comprehendat has circumstantias , triplex potest esse interpretatio .

Alia dicitur usualis , quæ petitur ex communi usu : consuetudo enim est optima legum interpretres , ut habetur in regulis juris , & cap. *Cum dilectus* , citæ consuetudine .

Altera dicitur authentica , id est , cum auctoritate prolata ; quia fit per ipsum Legislatorem vel ejus successorem , vel superiorem , vel denique per Ministros ab ipso constitutos , habetque vim legis . Sic Ecclesia auctoritate Dei legem Evangelicam interpretatur , & Principes politici legem civilem .

Tertia dicitur doctrinalis ; quia habetur per Doctorem responsa , qui doctrinaliter definiunt quid sit juris in his aut illis circumstantiis . Quamvis autem hæc interpretatio non habet vim legis , temere tamen , & contra dictamen rationis rejiceretur , si Theologi & Jurisperiti in eam communiter consentiant . Quod si dissentiant , standum est his , quæ supra tradidimus de conscientia probabili .

Q. 4. Quod observandum Confessariis , & Parochis , cum Fideles dubia proponunt , & legis interpretationem ab ipsis requirunt ?

R. 1. Ante omnia habeant præ oculis illud Eccli. 5. vers. 13. *Si est tibi intellectus , responde proximo : sin autem , sit manus tua super os tuum , ne capiaris in verbo indisciplinato* ; hoc est , noverint quid ferat jus , quidve probati Auctores sentiant circa materiam , de qua queritur ; alioquin ipsimet consilium querant a sapientioribus , priusquam respondeant . Nimis quippe grave est , & prorsus intolerabile , quod plurimè Sacerdotes legum ignari , sola duce conscientia ad omnem questionem in quacunque materia , ex proprio cerebro intrepide respondeant , non puto , ita sentio , sic mihi videtur . Duces plane cæci , qui cum sequentibus se in fossam cadunt , Matth. 23. v. 14.

Enimr

Enimvero constat ex dictis, conscientiam esse non solum morum regulam, eumque peccare, qui propria conscientia ductus, contra legem agit, aut consulit, quia conscientia ad omnem favoris humani, & timoris mundani statum verti solet, nisi lege firmetur, & dirigatur.

Quamquam conscientia in iis, quæ sunt juris mere positivi, sine doctrina prorsus cæcutit. Parochus ergo, sive Confessarius nunquam respondeat juxta id quod sibi videtur, nisi sciat quid ferat jus, quidve periti sentiunt circa propositum dubium.

R. 2. Si non lateat quid statuerit lex, nodum difficultatis secundum regulas doctrinalis interpretationis caute dissolvant; respondeantque ad mentem Legislatoris; non ad suam. Hoc quippe interest authenticam inter & doctrinalem interpretationem, quod in illa Legislator aliquando legi suæ derogare possit, prout magis congruere videbitur: privatus vero Interpretæ voluntatem Legislatoris per omnia sequi teneatur, ut ducet S. August. lib. de vera Religione cap. 21. ubi sic scribit: *In temporalebus legibus quamvis homines judicent de his, cum eas instituunt, solum quando sunt institute & firmate, non licebit de ipsis judicare, sed secundum ipsas.* De legibus autem judicant, qui præ Legislatore sapere præsumentes, agunt & consulunt, prout magis expedire ipsis videtur, sprete lege, & Legislatoris voluntate. Sed detur illis, quod utilius foret aliter statuere, alios ritus v. gr. in sacris Mysterijs peragendis præscribere, & alia ordinare, propter quæ, si in consilium Legislatoris vocati fuissent, forte non ita sanxissent: attamen lege jam lata & firmata, quamvis minus utiliter, ut ipsis videtur, non licet de ea judicare: alioquin lex ipsa, de qua injuste judicant, ipsos uti transgressores juste judicabit, damnabitque.

Addit S. Thom. q. 97. art. 2. nequidem licere Legislatori mutare legem a se latam, quoties aliquid melius occurrit. Et in responsione ad primum docet in hoc differre artem a lege, quod ea quæ sunt artis, habent efficaciam ex sola ratione; & ideo, ubicunque

mellioratio occurrat, est mutandum quod prius tenebatur; sed leges habent maximam virtutem ex consuetudine, ut Philosophus dicit in 2. polit. & ideo non sunt de facili mutandæ. Ergo in doctrinali interpretatione non proprio sensui, sed legi adherere oportet.

R. 3. Noverint insuper, quod ad assequendam Legislatoris mentem non tam attendenda sit ejus ratio, quam verba; quia ubi de lege positiva agitur, ratio non est lex, nec legem facit, nisi ad eam accesserit Legislatoris voluntas, seu præceptum. Unde legis Interpretes non argumentabuntur ex paritate rationis, nisi forte in relativis; namque eadem ratio, qua v. gr. Parisiis pedissequi vetantur procedere ense accincti; militare videtur etiam contra Scholares, ad quos tamen lex non extenditur. Quid ita, eum videatur par ratio? quia legis verba eos non comprehendunt.

Dixi, *nisi in relativis*, quia lege finali eod. de indicta viduitate sic sancitur, *dispositum in uno correlativo, censetur esse dispositum in alio*, v. gr. si ob sponsæ absentiam sine licentia sponsæ dissolvuntur sponsalia, possunt & dissolvi ob absentiam sponsæ sine sponsæ licentia.

Verba autem legis juxta eorum proprietatem accipienda sunt, nisi sic accepta vel sensum absurdum reddant, vel legem inutilem efficiant. Si sint æquivoca, ex antecedentibus & consequentibus spectanda est verbi significatio, legis intentio & ratio, & servanda regula 68. de regulis juris, *quoties idem sermo duas sententias exprimit, ea potissimum accipietur, quæ rei gerendæ aptior est.*

Si secundum communem interpretum sententiam dubium sit, an verba legis humanæ hunc casum comprehendant, licet perinde agere, ac si casus ille legi non comprehenderetur; quia sicut in dubio num detineam rem alienam, non teneor me spoliare post adhibitam diligentiam, sic nec legi obedire, si revera dubium sit secundum legis Interpretes, num Legislator me obligare voluerit. Si verba legis sint universalia, non sunt limitanda, nisi pugnent contra aliam legem, aut aliter cunctorum de mente Legislatoris, alias pateret

via.

via innumeris Interpretationibus, quæ legem enervarent, & fere inutilem redderent. Exemplum affero. Si lex municipalis irritas reddit quascunque donationes conjugum factas causa mortis, non licet excipere casum, in quo uxor viro insignem exhibuisse operam.

Dixi. *Nisi verba universaliter sumpta pugnent contra aliam legem.* Quia Legislatores non censetur alteri legi derogare voluisse, nisi exprefferit. Hinc maritus in allato exemplo potest retinere quod sibi ab uxore donatum est causa mortis; si illud ex iustitia erat debitum. Similiter Episcopus, qui absque limitatione delegavit Sacerdotem ad excipiendas confessiones, non presumitur derogasse vel legi, qua sibi reservat quosdam casus, vel Canon: *Omnis utriusque sexus*, quem vult observari in sua Diocesi, nisi utrumque in suo Mandato exprefferit.

Juvant etiam ad legis interpretationem illa juris axiomata: *Consuetudo est legitima legis interpret.* Beneficium Principis est interpretandum largissime... odia restringi, favores convenit ampliari. Verum scite iis uti oportet; Namque 1. consuetudo est sæpe verus abusus, & intra leges prævaricatio, ut dicitur infra. 2. Quod pugnat contra leges & bonum commune, etsi faveat votis & cupiditati alicujus privati, favor dicendus non est, sed odium. Unde nec dispensatio est amplianda (sed stricte explicanda; quia per eam plaga infertur legibus) nec privilegium, quando onerosum est communis. In jure itaque beneficium favor est, quod ita uni prodest, ut alteri non noceat; odium vero, si, dum unum levat, alios gravet.

R. 4. Non innitantur prudentiæ suæ, nec pares se esse præsumant solvendis omnibus dubiis, quæ in Parochia, & tribunali pœnitentiæ occurrere possunt, sed consilium Prælati, ubi necesse est, requirant juxta illud Eccl. 6. *In multitudine Presbyterorum stas.* & sapientiæ illorum ex animo conjungere: namque ex S. Thoma 2. 2. q. 49. art. 3. ad 3. *Nullus in his, quæ subsunt prudentiæ, sibi quantum ad omnia sufficit.* Atque inde probas docilitatem a Philosophis recte com-

fitui partem prudentiæ. Namque prudentia, inquit, consistit circa particularia operabilia, in quibus cum sint quasi infinite diversitates, non possunt ab uno homine sufficienter omnia considerari. Unde in his, quæ ad prudentiam pertinent, maxime indiget homo ab alio erudiri ... hoc autem pertinet ad docilitatem, ut aliquis sit bene disciplinæ susceptivus: & ideo convenienter docilitas ponitur pars prudentiæ ... dum scilicet homo sollicitè, frequenter, & reverenter applicat animum suum documentis majorum, non negligens ea propter ignaviam, nec contemnens propter superbiam.

Confirmatur exemplo celeberrimorum Doctorum, qui, licet in interpretandis legibus versatissimi, hærent nonnumquam in casibus difficillioribus, & ad libros consiliumve aliorum sapientum recurrere opus habent. Ipsemet S. Aug. præcipuum Ecclesiæ lumen, fatetur lib. 21. de Civ. cap. 27. se aliquando judicare non posse inter peccata, quæ poenam æternam, & ea, quæ temporalem duntaxat merentur, additque periculosissimum esse in his præcipitem ferro sententiam. Denique totum fere corpus Juris Canonici nihil est aliud, quam collectio responsionum ad consulta, quibus Episcopi, & alii viri insignes ex variis orbis partibus, Sedem Apostolicam pulsare consueverant.

Nec dicas in pagis & villulis non ita difficiles casus occurrere; namque quotidiana experientia constat ex iisdem locis quæstiones valde intricatas proponi. Nec mirum; quia ubi ignorantia amplius viget, ibi homines frequentius in erroris laqueos se conjiciunt, ex quibus facile non sit eos expedire.

CAPUT IX.

*Utrum lex obliget cum gravi nocumto, atque etiam
cum vitæ periculo. 2*

HÆC quæstio ad legis interpretationem pertinet; estque solvenda ex præmissis principiis. Juxta quæ

R. 1. Præcepta Juris naturalis, quæ versantur circa materiam, quæ est vel intrinsece mala, ut prohibens mendacium, perjurium, blasphemiam, vel solius Dei dominio subjicitur, ut lex prohibens homicidium, polygamiam, obligant etiam cum vitæ periculo.

Prob. 1. Eccl. cap. 4. *Pro justitia agonizare usque ad mortem.* Matth. 10. *Nolite timere eos qui occidunt corpus.* Jo: 12. *Qui amat animam suam, perdet eam.*

Probat. 2. Traditione. Namque Ecclesia hæcenus damnavit tanquam graviores peccati reos qui tormentorum vi aut metu fidem abjurarunt. Clerus Gallicanus anno 1700. proscripsit doctrinam quorundam Modernorum, qua docebant licitum esse ad vitandam mortem jurare absque intentione jurandi, aut cum amphibologia, & cum restrictione mentali; occidere pro defensione famæ, & bonorum fortunæ, Susannam in extremis angustiis constitutam potuisse pati libidinem infandorum Seniorum passive se habendo. Præverant Innocentius XI. anno 1679. & Facultas Parisiensis anno 1665.

Prob. 3. ratione; Quia nisi præcepta illa obligarent cum vitæ periculo, sequeretur, vel quod intrinsece & essentialiter malum est, in extremis angustiis fieri bonum, aut saltem indifferens, vel honestum esse juxta legem æternam, & rectam rationem aliquando male agere; atqui utrumque est longe absurdissimum, & prorsus contradictorium: Ergo. Hinc non licet foetum in utero materno præfocare, quamvis non possit aliter consuli salutis matris, quia occidere innocentem est res per se mala.

R. 2. Præcepta legis naturalis, quæ ex contractu & hominum dispositione exurgunt, non obligant cum mortis periculo, & ex eis aliqua nequidem cum gravi nocumto. Responsio exemplis patebit quoad utramque partem.

Quoad primam, 1. præsupposita rerum divisione exurgit naturale præceptum, *non furtum facies*: sed homines illam divisionem facere nequiverunt in naturæ præjudicium, pro cuius conservatione Deus terram dedit filiis hominum: ergo res in extrema necessitate redeunt ad suum pristinum statum, suntque communes; ac proinde non tenetur quis fame perire, cum in promptu adest panis alterius; nec ejus segetibus parcere, si aliter gladium persequentis se fugere non possit. 2. Ex emptione mancipii, & ex contractu matrimonii nascitur in mancipio naturalis obligatio obediendi domino, & in conjugæ reddendi debitum conjugale; sed illa obligatio non extenditur ad eum casum, in quo ista præstari nequeunt sine vitæ discrimine, puta si dominus mancipium evidentis mortis periculo exponit, si alter conjugum sit lepra, & alio pestifero morbo infectus; si uxor Medicorum iudicio in partu mortem non sit evasura, quia contractus humani fieri intelliguntur, salvis naturæ juribus.

Quoad secundam etiam partem, suadetur responsio exemplo voti & restitutionis. Votum quippe, v. g. jejunandi, Horas Canonicas recitandi, jure naturali est observandum, non obligat tamen cum sanitatis discrimine, quia ex dicendis ubi de voto, intentio voventis præsumitur exclusisse tantum incommodum; alioquin fuisset temeraria. Item, debitor in gravi necessitate constitutus, licite differt restitutionem, quia si creditor pari necessitate non laboret, ex caritate vel misericordia tenetur hanc dilationem concedere.

R. 3. Præcepta legis positivæ, sive divinæ, sive humanæ, ordinariæ non obligant cum gravi nocumto.

Probatur 1. ex Scriptura. Christus Judicio suo comprobatur, Matth. 12. vers. 4. quod David in necessitate gravi comederit Panes propositionis, quos secundum legem

legem divinam edere non licebat, nisi solis Sacerdotibus; & Luc. 14. v. 5. quod Judæi Sabbato servilibus operibus vacarent ad extrahendum jumentum, si forte sacro ille die in puteum incidisset.

Probatur 2. ratione; Quia cum præcepta illa versentur circa materiam minime necessariam, & imposita sint in bonum publicum, interpretari licet eam esse Legislatoris mentem, ut non obligent cum gravi subditorum detrimento, tum maxime, cum bonum publicum id non postulat.

Dixi, *ordinarie*. Quia lex positiva sive divina, sive humana, obligare potest cum mortis periculo.

1. Quando præceptum omitti non potest vel sine gravi aliorum scandalo, vel sine contemptu Religionis, ut si hæreticus in odium præcepti Ecclesiastici cogeret ad manducandas carnes die Veneris; in his enim casibus imitandum est exemplum Eleazari, & fratrum Machabæorum, qui elegerunt magis mori, quam manducare carnem suillam in veteri lege prohibitam, 2. Mach. 7.

2. Quando commune Reipublicæ bonum exigit v. g. ut Cives cum vitæ discrimine pugnent, ut miles ex duce præcepto stationem non dimittat propter mortis periculum; rationi quippe consentaneum est, quod pars propter salutem totius periculo sese obiciat. Hinc laudabilis censetur lex Carthusianorum, juxta quam a carnibus abstinent, etiam cum Medici judicio necessariæ sunt ad sanitatem restaurandam; satius enim est unius privati vitam periclitari, quam januam in sancto illo Ordine aperire multis abusibus. Et ita sensisse fertur Patres Tridentinos, cum quæstio apud eosdem moveretur, num ille Carthusianorum rigor esset mitigandus.

Confirmatur. Si paterfamilias periculose decumbens, ne nimis familiam gravet, licite parit magnis impensis ad comparandum pretiosissimum remedium, & morbo depellendo aptissimum; quidni & Carthusianus, ne solvatur Ordinis sui observantia, laudabiliter abstinebit a carnibus, alioqui saluti corporis necessariis? iis tamen uti deberet, si nullus alius cibus

præsto esset, modo tamen id fieret citrà aliorum scandalum.

Dices 1. contra primam responsionem; Seipsum occidere, est quid intrinsece malum; atqui ille seipsum occidit, qui medium rejicit, puta mendacium vel cibum, sine quo vita conservari non potest: ergo vel lex naturalis non obligat in extremis angustiis, vel si obligat juxta responsionem, homo in iis constitutus erit perplexus, peccabitque quocumque se verterit; si enim mentiatur, peccabit juxta responsionem: si a mendacio abstineat, non minus erit sui homicida, quam si omnem cibum respueret.

Concessa majore, distinguo minor. Si usus medii sit honestus & ad ultimum finem ordinari possit, ut usus alimentorum, Concedo: Si sit inhonestus & malus, Nego minor. Nam ex S. Thoma, quod sine peccato fieri nequit, illud simpliciter impossibile est: quæ autem sunt impossibilia, non cadunt sub præceptum, ac proinde qui mortem sine mendacio effugere nequit, non minus caret medio ad vitam conservandam, quam cui nullum suppetit alimentum. Probrosam namque foret Christianum id non sentire, quod Poeta Juvenalis, licet Ethnicus, verissime cecinit:

Summum crede nefas animam præferre pudori,

Et propter vitam vivendi perdere causas.

Vivendi causas vocat honestatem & virtutis opera; quia sicut causa excolendæ arboris sunt fructus ex ea percipiendi, adeo ut omnium judicio succidi debeat arbor, quæ nullos aut malos fructus producit: sic causa finalis vitæ humanæ, sunt actus laudabiles, ac proinde nihil faciendum est, quando honeste & sine peccato conservari nequit; perabsurdum enim est fini præferre media, sanitati remedia, & virtuti vitam temporalem. Hæc solo lumine naturali vidit homo ethnicus in nocte infidelitatis constitutus, ad quæ nonnulli Christiani in meridiana Evangelii luce cæcunt.

Dices 2. Infans censetur pars matris, quamdiu in
ejus

ejus utero continetur : atqui licet amputate membrum, quando est toti corpori noxium : Ergo.

Distinguo majorem : est pars moraliter, & civiliter, Concedo : Physice, Nego major. Est enim persona realiter a matre distincta, in cujus vitam nec mater, nec Respublica habens dominium directum.

Instabis : Principes animadvertunt in eos, qui aliis sunt noxii ; non enim sine causa gladium portant, Rom. 13. Ergo, cum infans matrem in vitæ periculum conjiciat, licite interficitur.

Distinguo antecedens ; qui aliis sunt noxii injuste, Concedo : Inculpate, quemadmodum infans, Nego anteced.

Urgebis : furibundi & rabie perciti licite suffocantur, quamvis sine sua culpa aliis noceant : Ergo.

R. 1. Negari potest anteced. Recludi quippe debent hujusmodi homines, non occidi. Sed quidquid sit de antecedente,

R. 2. Negando conseq. Disparitas est quod rabiosi, quamvis non sint formaliter injusti ob defectum libertatis, injusta tamen faciunt, & cum obvios quosque directe & sæpe nimis aggrediuntur, vim vi licet repellere. At infans intra materna viscera nihil injustum contra eam molitur, nec mortis periculum, quod ipsa ejus occasione incurrit, ipsi imputari potest, etiam in hypothese quod esset mentis compos. Unde nec mater, nec quisvis alius plus juris habes illum occidendi, quam eques hostem insequentem fugiens prote-
rendi obvios, qui præter intentionem sunt fugæ ob-
staculum.

C A P U T X.

De dispensatione in Lege positiva.

Q. 1. Quid est dispensatio?

R. Est relaxatio juris communis cum cognitione causæ facta in quibusdam casibus ab eo, qui habet jurisdictionem.

Dici-

Dicitur 1. *Relaxatio juris communis*, ut distingua-
tur 1. ab interpretatione, quæ est mera legis explica-
tio, in qua superior simpliciter & juridice declarat
legem ad casum sibi propositum non extendi, v. g.
votum non obligare in iis circumstantiis. Vulgo ta-
men hæc interpretatio vocatur dispensatio, sed impro-
prie. 2. A permissione, quæ legem non relaxat, sed
conditionem apponit sub qua lex non obligat, ut
prohibitionem ingrediendi Monasteria Monialium sine
permissione Ordinarii. 3. A privilegio, quod plerum-
que non est contra, sed præter legem, ut privilegium
Clericale.

Dicitur 2. *Cum cognitione causæ*: Quia lex non est
relaxanda, nisi adhibita diligenti consideratione, ut
habetur capite, *necessaria*, causa 1. quæst. 7.

Dicitur 4. *Facta in quibusdam casibus*, in quo ite-
rum differt a Privilegio, quod conceditur in perpe-
tuum, & per modum legis.

Dicitur 4. *Ab eo qui habet jurisdictionem*; Quia ex
S. Thomas q. 97. art. 4. *Periculosum esset, ut hoc ju-
dicio cujuslibet committeretur, nisi forte propter evidens
& subitum periculum; & ideo ille, qui habet regere
multitudinem, habet potestatem dispensandi in lege hu-
mana, quæ sua auctoritate nititur, ut scilicet in perso-
nis, vel in casibus, in quibus lex deficit, licentiam tribu-
at, ut præceptum legis non servetur.*

Q. 2. *Lex positiva admittitne dispensationem pro-
prie dictam*:

R. Admittit, præfertim humana; quia ut ratioeina-
tur S. Thomas cit. q. 97. art. 4. *leges latæ sunt, ut
proficiant, non vero ut noceant*: atqui aliquando con-
tingit legem positivam, quæ lata est in bonum com-
mune, noxium esse in quibusdam circumstantiis, quas
legislator aut forte non prævidit; aut si præviderit,
exprimere non debuit. Nam ex dictis hæc discrimen
est inter legem naturalem & positivam, quod lex na-
turalis se extendat ad omnes & singulos casus, sola-
que explicatione, seu interpretatione indigeat: lex
vero positiva spectet dumtaxat, quæ communiter fie-
ri, aut vitari debent.

Ergo

Ergo fidelis dispensator & prudens, quem constituit Dominus super familiam suam, debet attendere, quod cuique utile sit, & severitatem legis relaxare, ubi aliquem e subditis nimis gravari contingerit; legi enim insistere, cum eas observantia infert præjudicium, crudelitatem sapit, ex Symmacho Papa Epistola ad Avitum.

Ergo dispensatio non est mera gratia, quam superior pro libito concedere, vel denegare possit; sed est necessarium levamen, quod ex officio & ex justitia distributiva impendere tenetur iis qui indigent, ut colligitur ex laudato capite, *necessaria*, ubi summus Pontifex sic loquitur; *Necessaria rerum dispensatione constringimur, Apostolicae Sedis moderamine convenimur, sic canonum paternorum decreta liberare ut quæ presentium necessitas temporum restaurandis Ecclesiis, relaxanda deposcit, adhibita diligentia consideratione (quantum potest fieri) temperemus.* Sic Apostolus 2. Corinth. 2. partem impositæ satisfactionis incesso remisit, ne abundantiori absorberetur tristitia. Sic S. Cyprianus poenitentiae tempora restrinxit propter imminentem persecutionem: ratus cum non esse idoneum ad martyrium, quem accepta Eucharistia armaret ad prælium.

Dixi in responsione, *praesertim lex humana*; Non enim defunt Theologi, qui docent legem divinam non admittere dispensationem proprie dictam, sed interpretationem dumtaxat, hoc est, superiorem non solvere vinculum legis divinae, sed juridice tantum declarare eam non extendi ad hunc aut illum casum. Verum S. Thomas cit. art. 4. agnoscit dispensationem in utramque legem cadere; sic enim habet in responsione ad tertium, *sicut in lege humana publica non potest dispensare, nisi ille a quo lex auctoritatem habet, vel is, qui ipse commiserit; ita in præceptis juris divini, quæ sunt a Deo, nullus potest dispensare nisi Deus, vel is, cui ipse specialiter committeret.*

Q. 3. *Quis potest dispensare in lege positiva?*

R. 1. Certum est ipsummet Legislatorem posse dispensare in lege a se lata, cum ex dictis tota ex
ejus

eius voluntate pendeat . Sed difficultas est utrum Inferior possit dispensare in lege Superioris .

R. 2. Inferior non potest dispensare in lege Superioris, nisi id ipsi sit concessum vel jure , vel consuetudine , vel delegatione . Ita habetur Clementina , Capite , *Romani* , de elect. *lex Superioris per Inferiorem tolli non potest* . Et ratio est , quia Inferior ipse lege Superioris constringitur , eique parere debet sicut ceteri .

Dixi , *Nisi id sit ipsi concessum* , &c. Ex usu enim Episcopi dispensant in Canonibus & præceptis universalis Ecclesiæ , nisi dispensatio sit specialiter reservata summo Pontifici , quin & hæc ipsis committitur , quando non patet recursus ad Sedem Apostolicam .

Q. 4. *Dispensatio sine causa estne licita ?*

R. Minime , colligiturque ex allata definitione dispensationis , in qua dicitur debere fieri cum cogitatione causæ .

Probatur autem 1. Ex Concilii Tridentini sess. 25. cap. 18. de reform. ubi sic habetur : *Quod siurgens iustaque ratio , & major quandoque utilitas postulaverint cum aliquibus dispensandum esse ; id causa cognita , ac summa maturitate , atque gratis ; a quibuscumque , ad quos dispensatio pertinebit , erit præstandum , aliterque facta dispensatio subreptitia censeatur* . Et sess. 24. cap. 5. de reform. in contrahendis matrimoniis , *vel nulla omnino detur dispensatio , vel raro , idque ex causa , & gratis concedatur* . In secundo gradu nunquam dispensetur , nisi inter magnos Principes , & ob publicam causam .

Probatur 2. Ex Patribus . Sanctus Bernardus . lib. 3. de considerat. cap. 4. sic alloquitur Eugenium Summum Pontificem . *Quid ergo prohibeo dispensare ? non sum tam rudis , ut ignorem positus vos dispensatores , sed in ædificationem ; non in destructionem . Denique queritur inter dispensatores , ut fidelis quis inveniat . Ubi necessitas urget , excusabilis dispensatio est ; ubi utilitas provocat , dispensatio laudabilis est . Utilitas , dico , communis , non propria ; nam cum nihil horum est , non plane fidelis dispensatio , sed crudelis dissipatio est .*

Et ad confirmandam suam sententiam profert Sanctorum Patrum testimonia lib. de præcept. & dispens. c. 2. Numquid autem dico, vel solus sentio, vel primus dico? Annon hoc ipsum & Papa Gelasius sentit? ait siquidem: ubi necessitas non est, inconvertibilia maneant Sanctorum Patrum Decreta. Leo quoque Papa, ubi, inquit, necessitas non est, nullo modo Sanctorum Patrum constituta violentur. Et cap. 4. de statutis Monachorum, sic habet: Neque enim Abbas supra regulam est; cui semel, & ipse spontanea se professione submisit, etsi (quod negandum non est) Dei regula caritas, regula S. Benedicti jure præponitur. Esto proinde ut interdum regulæ littera cedat pro tempore caritati, cum ratio necessitatis, vel caritatis exigerit: absit tamen ut hominis cuiuspiam subdatur voluntati. S. quoque Thomas, q. 197. art. 4. sic scribit: Si autem absque hac ratione pro sola voluntate licentiam tribuat, non erit fidelis in dispensatione, aut erit imprudens: infidelis quidem, si non habet intentionem ad bonum commune: imprudens autem, si rationem dispensandi ignoret.

Probatur 3. ratione triplici. Prima, quia Prælati ex officio tenentur invigilare legum observationi, defensores divinarum Canonum, & custodes sumus, non prævaricatores, inquit Martinus I. epist. 5. Ergo infidelis est erga Ecclesiam, si leges ejus impune transgredi patiatur, magis si ipse sit transgressionis auctor. Secunda, quia ex dictis legislator peccat, si sine causa non servet legem a se latam: ergo a fortiori, si eam concedat ab aliis negligi. Tertia tangitur a Patribus Tridentinis laudato cap. 18. sess. 25. his verbis: Frequentius, legem observare, exemploque potius, quam certo personarum verumque delectu, petentibus indulgere, nihil aliud est, quam unicuique ad leges transgrediendas aditum aperire. Enimvero subditi facile credunt idem sibi licere, quod aliis, tum maxime, cum nulla specialis causa, aut ratio existit, cur lex ab uno potius quam ab alio servari debeat, sicque infidelis dispensatio in malum exemplum trahitur, & est plurium transgressionum occasio. Itaque non minus caute dispensandum est, quam membrum corporis incidendum, hoc

est, quatenus necessarium, & expedie salutis totius : Nam dispensatio ad mentem S. Augustini est quædam disciplinæ plaga, *Fit quidem, inquit, aliquid tanquam in cortice arboris matris contra integritatem severitatis.*

Q. 5. *Quale est peccatum dispensare sine causa?*

R. Est ex natura sua mortale juxta communem Theologorum sententiam, quia hujusmodi dispensatio ex natura sua pugnat contra caritatem & bonum commune, multisque est peccandi occasio. Levitas tamen materiæ excusare potest a mortali, sicut in qualibet alia materia.

Q. 6. *Dispensatio sine causa estne valida?*

R. 1. Si facta sit ab ipso Legislatore vel ab ejus successore, valida est, quamvis illicita, quia ex dictis lex positiva non habet vim obligandi, nisi ex voluntate legislatoris; atqui legislator non vult subditum obligari in eo casu, in quo cum illo dispensat: Ergo.

R. 2. Si dispensatio procedat ab inferiori, irrita est & prorsus nulla, quia inferior non potest dispensare in lege superioris. Nec refert quod inferior habeat a superiore dispensandi facultatem; namque superior non præsumitur id concessisse, quod sine peccato concedere non potest; atqui superior non minus peccaret, si inferiori demandaret dispensare absque causa, quam si ipsemet sine ratione dispensaret: ergo recta ratio postulat, ut interpretemur ipsum concessisse inferiori facultatem dispensandi secundum regulas juris, & non alias, velleque legem suam ab omnibus observari, quantum fieri potest, absque eorum præjudicio, & boni communis dispendio.

Confirmatur. Prælati inferior non potest absque causa secum dispensare in lege superioris, Episcopus, v. g. in lege abstinendi a carnibus diebus Veneris, jejunandi per quadragesimam, recitandi horas canonicas, quia sunt præcepta universalis Ecclesiæ, quibus parere tenetur: ergo nec cum subditis in hujusmodi præceptis valide dispensare potest, si desit dispensandi causa.

Ergo

Ergo nulla est dispensatio sine causa a Summo Pontifice obtenta in voto, & juramento, quia lex voti & juramenti est juris divini, cui subest Summus Pontifex.

Ergo sine causa valide non dispensaret Episcopus in impedimentis matrimonii, quia hujusmodi impedimenta sunt leges universalis Ecclesiae, quae est supra Episcopum.

Q. 7. *Licetne petere dispensationem sine causa?*

R. Minime: Quia per hujusmodi supplicationem legislator inducitur ad peccandum: ergo si talis dispensatio sit grave peccatum in superiore, juxta praecedentem responsionem, erit & in supplicē, nisi excuset ignorantia & bona fides, quae rem totam committit judicio superioris.

Viderint ergo Parochi, qua conscientia, nedum Parochianos avertant ab hujusmodi illicitis supplicationibus, sicut tenentur ex officio, quin potius illas suadent, & pro iis intercedunt apud superiorem.

Q. 8. *Subditus potest uti dispensatione, quam sine causa obrinuit.*

R. 1. Si dispensatio est valida, valide ea utitur, quia per dispensationem illam solutus est a lege quoad hunc effectum. Usus tamen ille est illicitus, quia quamvis ablatum sit humanae legis vinculum, superest tamen obligatio legis naturalis, juxta quam pars non debet absque causa discrepare a suo toto, nec aliis praebere scandalum, sive malum exemplum.

R. 2. Si dispensatio est irrita & prorsus nulla, nullum parit effectum, & irritum est, quod inde consequitur; puta matrimonium.

Dices: In curia Romana plures dispensationes obtinentur sine causa: atqui hujusmodi dispensationes effectum sortiuntur, matrimonia, v. g. valide contrahuntur: Ergo.

Dist. maj. Obtinētur obreptitiae, aut subreptitiae, Concedo: Obtinētur absque ulla apparente causa, Nego maj. Namque Summus Pontifex in suis Bullis, sive Rescriptis testatur se motum fuisse ex rationalibus causis ad concedendam gratiam, remittitque

ad examen Ordinarii, num preces veritate nitantur. Si quæ sit ergo hic culpa, potius tribuenda est mandatario, quam mandanti.

Instabis: Expeditionarii, seu Bancarii distinguunt inter dispensationes in Curia Romana obtentas: alias vocant dispensationes cum causa, alias sine causa: ergo revera Summus Pontifex aliquando sine causa dispensat.

Nego conseq. Illæ enim dicuntur sine causa, pro quibus obtinendis solvitur Cameræ Apostolicæ notabilis pecuniæ summa, quæ, cum inserviat ad sustinenda gravia Summi Pontificis onera Reipublicæ Christianæ necessaria, censetur in eadem Curia rationabilis causa, ex qua dispensatur cum iis qui aliam dispensandi causam exponunt.

Q. 9. Quid est obreptio, & subreptio?

R. Obrepere dicitur, qui in sua supplicatione narrat falsa: subrepere vero, qui tacet, quæ exponi debent juxta legem, Cancellariæ regulas & Stylum.

Q. 10. Estne irrita dispensatio, quoties in narratione fuit obreptio, vel subreptio?

R. 1. Generatim. Rem dilucide explicat Innocentius III. Cap. *Super litteris*, de Rescriptis, ubi decernit num; qui mala fide falsum narrat, aut certum reticet, carere debeat impetratis. Si autem bona fide, & sine ipsiusmet impetrantis culpa obreptio vel subreptio contigerit, observandum docet, num summus Pontifex, cognita causa gratiam fuisset concessurus, aut negaturus? Si primum, valet dispensatio; si secundum, caret effectu: in dubio, ad delegati examen & judicium remittit. Quia celebre est illud Capitulum, & ad enodandas plures difficultates pernecessarium, non abs re erit illud majori ex parte exscribere. Nos igitur inter eos qui per fraudem vel malitiam, & illos qui per simplicitatem vel ignorantiam, litteras a nobis impetrant, hujusmodi credimus discretionem adhibendam, ut hi, qui priori modo falsitatem exprimunt, vel suppressunt veritatem, in suæ perversitatis penam, nullam ex illis litteris commodum consequantur. . . inter alios autem, qui posteriori modo litteras impetrant, duximus distin-

distinguendum, quæ falsitas suggesta fuerit, vel quæ veritas sit suppressa. Nam si talis expressa sit falsitas, vel veritas occultata, quæ quamvis fuisset tacita, vel expressa; nos nihilominus (saltem in forma communi) litteras dedissemus: Delegatus non sequens formam in litteris ipsis appositam, secundum ordinem juris in causa procedat. Si vero per hujusmodi falsitatis expressionem, vel suppressionem etiam veritatis litteræ fuerint impetratæ, quæ tacita vel expressa, nos nulla prorsus litteras dedissemus, a Delegato non est aliquatenus procedendum, nisi forsitan tatenus, ut partibus ad suam præsentiam convocatis, de precum qualitate cognoscat, ut sic in utroque casu eadem ratio, quæ delegantem moveret, moveat etiam Delegatum.

Ergo in hypothese quod in libello supplici ad obtinendam dispensationem in aliquo consanguinitatis gradu, ab Expeditionario inter graves dispensandi causas falso expositum sit Oratore ignorante, intercessisse copulam inter partes, vel contra suppressum præcessisse incestam copulam, quæ revera præcessit, sed Orator ignorabat crimen illud esse exprimendum; nec obreptitia, nec subreptitia est illa dispensatio; potestque a Judice, ad quem dirigetur Rescriptum Apostolicum, executioni demandari, quia in narratione nulla mala fides ex parte supplicis, & gratia nihilominus fuisset concessa, etiamsi falsum non esset expressum, nec verum suppressum.

Ergo obreptitia & irrita est dispensatio in forma pauperum obtenta a divite, quia falsitas est cum mala fide conjuncta. Quis autem censendus sit dives aut pauper, non una est omnium sententia. Is nobis videtur pauper, qui sine gravi rei familiaris incommodo expensas facere nequit, sive sit nobilis, sive ignobilis.

R. 2. Speciatim. Subreptio, quæ tacetur quod exprimendum est juxta consuetudinem Curie Romanæ; sed libertatibus Ecclesie Gallicanæ contrariam, dispensationem in Gallia non reddit irritam. Dispensatio, v. g. obtenta suppresso propinquiori consanguinitatis gradu, apud nos subreptitia non habetur; licet Pius V. Constitutione sua sanxerit, inæqualitatem graduum con-

consanguinitatis & affinitatis in supplicatione ad effectum matrimonii, esse exponendam, quia hæc Constitutio pugnat contra veterem Ecclesie Gallicanæ usum, & contra cap. *Vñ qui a spiritibus*, cui eadem Ecclesia adheret, ut constat ex Senatusconsulto anni 1672.

C A P U T XI.

*Expenduntur reliquæ difficultates circa dispensationes,
& alias gratias.*

CUM in praxi difficultates, & quidem graves circa dispensationes, indulta & alias gratias frequenter recurrant, præcipuas duximus expendendas sequentibus quæstionibus. Itaque,

Q. 1. *Utrum dispensatio super uno impedimento suppresso altero, sit subreptitia: v. g. impetrans erat affinitate & consanguinitate conjunctus cum ea, quam ducere optabat, & mentionem fecit solum consanguinitatis?*

R. Non una est Theologorum sententia. Navarrus & alii negant esse subreptitiam, contenduntque valere quantum ad unius impedimenti solutionem, sed communior sententia, cui subscribendum est, distinguit inter impedimenta. Alia sunt prorsus disparata, ut dux irregularitates, altera ex defectu natalium, altera ex bigamia. Alia sunt impedimenta sic inter se conjuncta per ordinem ad effectum dispensationis, ut nisi singula tollerentur, dispensatio redderetur omnino inutilis, v. g. frustra dispensaretur in tertio gradu consanguinitatis, vel in votum castitatis ad effectum matrimonii, si impetrans esset aliunde in quarto gradu consanguinitatis; vel præter votum castitatis emisisset votum ingrediendæ Religionis. Impedimenta prioris generis non debent necessario exponi ad effectum dispensationis, quia nullum jus id præscribit, nullave suadet ratio; dispensatio enim super irregularitate orta ex defectu natalium, suppressa bigamia, vel super voto religionis, nulla mentione facta alterius voti casti-

tatis,

tatis, potest esse utilis impetranti; ergo honeste & rationabiliter concedi.

Singula vero posterioris generis impedimenta exponi debent, quia alioquin inutilis ac proinde inhonesta esset dispensatio; nec præsumi debet Summum Pontificem sine ratione dispensare, ut revera sine ratione dispensaret, vel in voto castitatis, remanente voto Religionis, vel in impedimento tertii gradus consanguinitatis, adhuc stante impedimento quarti gradus. Quare merito in Curia Romana hujusmodi dispensatio censetur subreptitia & nulla.

Q. 2. *Sed quid si impetranti quartum gradum consanguinitatis reticuit bona fide, & ex mera ignorantia, estne recurrendum ad summum Pontificem?*

R. Ex cap. *Super litteris* supra laudato & explicato, pag. 375. dispensatio non est subreptitia; cum verisimile sit Summum Pontificem etiam concessurum fuisse gratiam cognita veritate. Sed impetrans alia dispensatione indiget, quam Episcopus concedere potest, si juxta Ecclesie sue usum in quinto gradu dispensare soleat.

Q. 3. *Utrum ad obtinendam dispensationem in Curia Romana circa impedimentum matrimonii impetranti exprimere debeat se rem turpem habuisse cum consanguinea, quam vult habere uxorem?*

R. Si incestus prævit, ut facilius esset dispensatio, utpote petita ob gravem causam, exprimenda sunt & crimen, & intentio, ex qua patratum est; quia impia illa intentio incestos gratia efficit prorsus indignos, ex Trident. sess. 25. cap. 5. de ref. matr. Sed seclusa ejusmodi intentione, negat Pontius incestum exprimendum, quin hæc expressio prodesset potius, quam obesset gratiæ obtinendæ.

Verum ex praxi Curie & declaratione Cardinalium; subreptitia foret dispensatio; Quia cap. *Si quis*, & cap. *Transmissæ*, tit. de eo qui cognovit, &c. incesti matrimonium contrahere non debent.

Q. 4. *Quid si impetrantes post dispensationem in idem vimen relabuntur?*

R. Novum non incurrunt impedimentum, propter quod

quod ad Sedem Apostolicam recurrere necesse sit. Nam relapsus contingit, vel post, vel ante latam Ordinarii sententiam: atqui in neutro casu parit impedimentum: non in priori, quia in omnium sententia impetrantes virtute dispensationis non sunt conjuncti in gradu prohibito, nec proinde per relapsum fiunt incesti. Non in posteriori, quia vel ipse Summus Pontifex actu & de facto dispensat, committitque duntaxat Ordinario examen, num preces veritate nitantur; ut nonnulli contendunt: vel mandat Ordinario, ut ipse dispense, cognita veritate, quemadmodum Galli communiter sentiunt: atqui in neutra sententia relapsus parit impedimentum, propter quod impetrantes indigeant nova Summi Pontificis dispensatione. Non in priori, quia, ut jam diximus, impetrantes post obtentam dispensationem non sunt conjuncti in gradu prohibito. Non in posteriori, tum quia in narratione apud Sedem Apostolicam necesse non est ut crimen exponatur quod numerum, sed sufficit quod exprimatur incestus species, quam supponimus impetrantes exposuisse: tum quia nullum jus, nullave ratio exigit, ut in Curia Episcopali, ubi concedenda est gratia, exponatur occultum crimen: Quod si opponas laudatum cap. *Siquis*, respondebitur ipsi derogatum contraria consuetudine: nam incestus hodie non computatur inter impedimenta matrimonii.

Ex hac responsione patet quid sit sentiendum in casu quod impetrans, post mandatum de dispensando super affinitate orta ex copula illicita cum consanguinea ejus, quam vult uxorem ducere, relapsus sit. Si enim relapsus contingit post judicium Mandatarii, novum proculdubio incurrit impedimentum. Idem dicendum in sententia eorum, qui volunt Mandatarium non esse judicem, sed executorem gratiae a Summo Pontifice concessae, qualis vulgo praesumitur prudens Confessarius. Sed si Mandatarius agat judicem ordinarium, ut creditur in Gallia, dispensat etiam super affinitate orta ante suam sententiam.

Q. 5. *Estne necesse, ut pro obtinenda nova gratia, fiat mentio prioris, vel concessae, vel denegatae?*

R. 1.

R. 1. Gratia jam concessa exprimi debet, quoties potest esse causa & ratio denegandi novam. Responsionis ratio patebit exemplis. Clericus obtinuit Beneficium, & postulat secundum; a sex mensibus non residet in Beneficio, & petit, ut sibi adhuc liceat abesse per alios sex menses: nisi faciat mentionem præcedentium gratiarum, subreptitie novam querit, utpote quæ non debeat concedi, nisi gravior supervenerit causa; causa enim conferendi Beneficium alicui, non sufficit ut eidem duo conferantur: nec ratio non residendi per sex menses, valet ad non residendum per annum integrum. De Beneficiis expresse habetur cap. *Ad aures*, &c. *Ad audientiam*, de Rescriptis, ubi vult Summus Pontifex fieri mentionem etiam pensionis Clericalis. Et C. *Si proponente*, de Rescriptis in 6. habens Beneficium exiguum, quod suppressit, subreptitie obtinet Rescriptum ad secundum.

R. 2. Si prior gratia sit omnino disparata, nec sit causa denegandæ posterioris, ut si quis olim a vinculo irregularitatis absolutus postulet Beneficium, necesse non est ut exprimatur, quia nulla lex nullave ratio boni communis id exigit.

R. 3. Absolute valet gratia, quamvis impetrans tauerit eam sibi olim denegatam, sive ab ipso met concedente, sive ab ejus Superiore, v. g. supplex repulsam passus est ab Episcopo, accedit forte (improbandum tamen) ad ejus Vicarium Generalem: qui annuit ejus postulatis, licet ita affectus ut non recederet a sententia Episcopi, si esset illi nota; quia, potestas Vicarii non est revocata, nec restricta per denegationem Episcopi: habitualis autem ejus intentio non reddit actum invalidum; alias improbatio ad excipiendas Confessiones, nulla censi debet ex eo quod non fuisset concessa, si noti fuissent nonnulli impetrantis defectus.

Q. 6. *Utrum cessante dispensationis causa cesset & ipsa dispensatio?*

R. Effatum est apud Canonistas, cessante causa totali, cessat effectus, nempe dispensatio. Dicitur, *causa totali*, quia si supersit causa partialis, propter quam

quam nibileminus Summus Pontifex gratiam concessisset, rata est dispensatio ex cap. laudato, *Super litteris* .

7. Quid si causa adfuit, dum litteræ in Curia expediebantur, & desistit priusquam ab Ordinario, vel a Confessario executioni mandarentur?

R. Extinguitur gratia, nec debet dispensatio executioni mandari; quia Litteræ Pontificiæ sub hac conditione ad Mandatarium diriguntur, nempe si preces veritate nitantur. Ergo si post expeditionem lis, propter quam dispensatio super gradu consanguinitatis concessa est, ante iudicium Ordinarii extinguatur; vel dos competens obveniat puellæ ex hæreditaria successionem, Mandatarius non potest exequi Mandatum Apostolicum.

Q. 8. Quid si post iudicium Mandatarii causa dispensationis desinit?

R. Oppositæ sunt Theologorum sententiæ, quæ nobis videntur sic conciliandæ; nempe si dispensatio sit in lege humana, permanet firma, nisi ex communi omnium sensu intelligatur alia mens Superioris: si in lege divina, dispensatio evadit nulla, nisi impetrantes bona fide amplexi sint statum, puta matrimonium, a quo recedere non liceat sine scandalo, aut graviore incommodo. Et ratio est, quod Summus Pontifex vera existente dispensandi causa, vinculum legis humanæ in perpetuum tollere possit, præsumaturque ita voluisse, ne impetrantes continuis conscientiæ scrupulis, & animi anxietatibus exponantur, num scilicet dispensationis causa perseveret: legem vero naturalem non solvit, sed interpretatur dumtaxat illam non obligare in quibusdam circumstantiis, quibus sublatis interpretatio locum non habet. Ergo facultas transeundi ad strictiorem rejici debet ab Ordinario, tanquam obreptitia, quando impetrans elegit benevolum receptorem, in cuius Monasterio nulla est disciplinæ regulæ observantia, nullus paupertatis & obedientiæ actus. Quod & confessarii advertebant, quando huiusmodi fraudulenti ad eos accedunt peccata deposituri.

Dixi: *Nisi ex communi omnium sensu intelligatur fuisse alia mens superioris*. Quis enim non intelligat in
dispen-

dispensatione ad usum carnum per Quadragesimam ; tacitam esse conditionem , si impetrantis infirmitas per totum illum tempus duraverit ?

Dices ex nostra responsione sequi absurda . 1. Eum , cum quo dispensatum fuit super irregularitate ad suscipiendos Ordines , manere irregulares , si Ordines non suscipiat . 2. Voto castitatis iterum astringi , qui causa matrimonii dispensationem in voto obtinuit , si hoc matrimonium inire noluit .

Nego sequeli . Namque actuali susceptio Ordinum , vel matrimonii celebratio ordinarie non sunt dispensationis causæ , nisi remotæ . Unde Mandatarius non tenetur inquirere an impetrans de facto Ordines suscepturus sit , aut matrimonium contracturus ; sed satis est si ipsi appareat , quod aliæ dispensationis causæ veritate nitantur ; propter quas ponatur in statu , in quo possit vel Ordines suscipere , vel matrimonium contrahere , si ipsi expediat .

Dixi , *ordinarie* : Nam *extraordinarie* matrimonium potest esse causa proxima & necessaria dispensationis circa Votum castitatis , ut si concessa esset cupienti ducere puellam , quæ licet jam provectæ ætatis , hæcenus nubere non potuit propter dotis defectum . In quo casu nulla esset dispensatio , si impetrans mutato consilio nollet eam ducere .

Q. 9. *Utrum liceat uti gratia , antequam litteris sit exarata ?*

R. Licet , modo constet esse concessam : tum quia scriptura requiritur dumtaxat in testimonium gratiæ concessæ ; tum quia nulla lex universaliter irritat gratias , quæ scripturis non fuerint traditæ .

Dixi : *Universaliter* ; Nam Extravag. cap. *Injunctæ* , titul. de Electionibus , & Julii II. & Bullæ , *Romani* , censetur intrusus , qui Beneficii a Sede Apostolica collati iniiit possessionem ante litterarum expeditionem . Concilium quidem Tridentinum præcipit facultatem tum ingrediendi septuagennialium , sess. 25. cap. 5. tum non residendi sess. 33. cap. 1. de Reform. scriptis esse tradendam , sed non declarat alias fore irritam . Unde excommunicationem citat. cap. 1. latam

non incurreret, qui cum consensu, sed sine litteris Episcopi, aut Superioris eadem septa ingrederetur. Sic multi Episcopi Statutis suis cavent ne approbatio ad excipiendas Confessiones detur sine scripto, sed eam sic datam non irritant.

Dices: ex regula 25. Cancellariæ, gratia censetur informis ad litterarum expeditionem.

R. 1. Regulam illam spectare dumtaxat gratias a Summo Pontifice concessas, nec extendendam ad alias.
2. Valere tantum pro foro externo.

Q. 10. *An gratia expiret morte concedentis.*

R. 1. Certum est quod si res non sit integra, hoc est, si Mandatarius ante mortem mandantis mandatum exequi coeperit, v. g. citaverit vel vocaverit partes ad veritatem cognoscendam, Confessarius penitentis confessionem exceperit ex parte, gratia non extinguitur. Ita Urbanus III. Cap. *Gratum*, de officio & potestate Judicis delegati, ubi sic habet: *Respondemus quod cum in casu prioris, citatione facta, negotium sit quasi captum, maxime si delegatus non sit servus de morte delegantis, potest ac debet in causa procedi.*

R. 2. In materia Justitiæ, & ad litem terminandam, gratia siue facta sit, siue facienda, definit morte concedentis, re adhuc integra ex cap. *Liet*, de officio delegati: quia mandatum re integra, morte mandatoris expiravit, ut ibi dicitur.

R. 3. In alia materia, quam justitiæ gratia jam facta, non expirat morte concedentis, etiamsi res sit adhuc integra, ex cap. *Si cui nulla*, de Præbendis in 6. & cap. *Si super gratiam*, de officio delegati in 6. Et ratio est, quia donatio non extinguitur morte donantis: atqui gratia jam facta est quædam donatio: ergo privilegium alicui concessum eligendi Confessarium, non perit morte concedentis, quamvis nondum electus sit Confessarius; quia gratia est jam facta. Propter eandem rationem mortuo Episcopo, valent litteræ dimissoriæ, quas ante mortem concesserat ad Ordines suscipiendos.

R. 4. Gratia facienda extinguitur morte concedentis.

tis; si res sit adhuc integra. Ita expresse habetur
cit. cap. Si cui nulla.

Q. 1. *Quomodo dijudicari potest, an gratia sit facta, vel facienda, maxime cum nondum sortita est suum effectum?*

R. Hæc a Theologis communiter statuitur regula. Si gratia sit in favorem ejus ad quem dirigitur, quamvis ulterius cedat in aliorum commodum, ut facultas excipiendi Confessiones indefinite, est gratia facta, quia in hac concessione Superior vult favere accipienti. Ergo Confessarius, cui Episcopus dederat facultatem absolvendi a casibus sibi reservatis, non hunc aut illum dereterminante, sed quoslibet e subditis, valide & licite utitur ea facultate post mortem Episcopi, quia est gratia jam facta. Contra vero si Superior spectet duntaxat commodum alicujus tertii, mandetque prudenti Confessario, ut a casibus reservatis, censuris & irregularitatibus absolvat determinatam personam, est gratia facienda illi personæ, ac proinde desinit morte concedentis.

Colligitur autem hæc regula ex laudato cap. Si cui nulla, ubi sic loquitur Summus Pontifex: *Si cui nulla personarum facta expressione, sit gratiose concessa facultas, ut auctoritate Apostolica possit aliquibus personis idoneis in certa Ecclesia providere, vel Beneficia conferre . . . hujusmodi concessa, (quam, cum specialem gratiam continet, deset esse mensuram) non expirat, etiam re integra, per obitum concedentis. Secus si super provisione certæ personæ factenda, sit data potestas eadem non ob suam, sed ejus, cui provideri mandatur, gratiam vel favorem, illa quidem expirat omnino, si concedens re integra moriatur.*

Sed contra hanc regulam objicitur 1. praxis contraria; namque in Gallia mortuo Summo Pontifice, executioni demandantur Rescripta, quæ vivens concesserat, quamvis contineant gratiam faciendam, Ordinarii Beneficium conferunt impetranti, dispensant super gradu consanguinitatis, & affinitatis, irrita declarant Religionis vota gravi metu emissa, Confessarius absolvit impetrantem a censuris & irregularitatibus. 2. hu-

jusmodi Rescripta non expirarent cum Summo Pontifice sine magno boni publici præjudicio, & evidenti animarum periculo.

Omissis variis rationibus, quas Theologi excogitarunt ad conciliandam praxim cum allata regula,

R. Duplicis generis esse Rescripta, alia emanant a Dataria, alia a Pœnitentiaria, & hæc valent duntaxat pro foro interno, unde prudenti Confessario committi solent, ut dictum est cap. præc. Illud autem est discrimen inter officium Pœnitentiariæ & Datarie, quod prius sit perpetuum; posterius vero expiret cum Summo Pontifice. Ex quo sequitur Rescripta Pœnitentiariæ, etsi contineant gratiam faciendam, non extinguī morte Pontificis; quia vivit & perseverat Officium, ex quo emanant.

Difficultas ergo solum superest circa Rescripta Datarie, cujus officium extinguitur morte Pontificis.

R. Sanchez lib. 8. de matrim. disp. 20. num. 42. eam solvit, & quidem ad mentem Ecclesiæ Gallicanæ, contendens hujusmodi Rescripta Ordinario demandata, non esse attributiva, sed excitativa tantum, hoc est, non tribuere potestatem Ordinario; sed excitare solum ordinariam ejus potestatem ad conferendam gratiam. Porro regula laudata non cadit in Rescripta excitativa, sed in attributiva duntaxat; quia per Rescripta excitativa, nova potestas non datur Ordinario: sed excitatur ea, quæ ipsi competit, & ex qua confert gratiam.

Rebuffus de mandatjs Apost. in concord. Sanbovius Tom. 2. cas. 113. & alii benemulti censent gratiam ipso Rescripto esse factam; quia impetrans acquirit jus ut Rescriptum executioni demandetur, si preces veritate nitantur: nec Officialis sine injustitia ministerium suum illi denegaret: ac proinde post obtentum Rescriptum res non est integra, cum questum sit jus ad rem, inquit Rebuffus, vel saltem jus impetrandi officium Judicis, vel executoris, tunc non expirat morte concedentis.

CAPUT XII.

De Consuetudine.

Q. 1. *Consuetudo, estne morum regula?*

R. Negari non potest, quin aliqua consuetudo sit morum regula; namque ex lege tum civili 57. Digest. de legibus; tum Ecclesiastica, c. Cum dilectus, tit. de Consuetudine, consuetudo est optima Legum interpret. Et cap. finali eodem titulo dicitur, quod longævæ consuetudinis non sit civilis auctoritas, & quod juri positivo derogat, si sit rationabilis & legitime præscripta. Si quoque Augustinus epist. 36. alias 86. de consuetudine sic scribit: *Mos populi Dei, & instituta Majorum. pro lege sunt tenenda; & sicut prævaricatores legum divinarum, ita & contemptores consuetudinum Ecclesiasticarum coercendi sunt.*

Ergo aliqua consuetudo agnoscenda est morum regula. Ut autem definiatur quæ tandem sit illa consuetudo, prius exponendæ sunt præcipuæ consuetudinum species. Itaque.

Q. 2. *Quomodo dividitur consuetudo?*

R. Generatim dividitur in eam, quæ est facti, & eam, quæ est juris.

Prior dici potest consuetudo popularis: posterior vero legalis.

Q. 3. *Quid est consuevendo facti?*

R. Est usus & frequentia actuum externorum exercitorum a majori, sed non a saniori parte communitatis perfectæ.

Dicitur 2. *Usus & frequentia*; quia unus actus bis aut ter repetitus non efficit consuetudinem.

Dicitur 1. *Actuum externorum*; quia ex actibus internis sæpius repetitis exurgit quidam habitus, qui nonnunquam dicitur consuetudo bone vel male agendi, de qua hic non est sermo. Agimus enim de consuetudine communitatis, quæ non exurgit nisi ex actibus externis.

Dicitur 3. *Exercitorum a majori parte*: frequentia enim.

enim paucorum actus dici nequeunt consuetudo communitatis.

Dicitur 4. *Non a saniori parte*; ut distinguatur consuetudo facti a consuetudine juris, quæ debet esse a saniori parte communitatis.

Dicitur 5. *Communitatis perfectæ*, ut excludatur consuetudo privatæ familiæ, sive sodalitiis, quæ si pugnet contra jus commune, secluse speciali privilegio, est mera corruptela.

Q. 4. *Quid est consuetudo juris, seu legalis?*

R. Definitur a S. Isidoro, & refertur dist. 1. cap. *Consuetudo*, jus quoddam moribus institutum, quod pro lege suscipitur, ubi deficit lex.

Dicitur 1. *Jus*, quia si legitimæ conditiones adsint, vim legis habet. Per hanc autem vocem consuetudo convenit cum lege scripta; utraque enim est jus, differtque a consuetudine facti, quæ jus non constituit.

Dicitur 2. *Moribus institutum*, ut distinguatur a lege scripta; hæc enim a Legislatore petitur; illa vero ab usu, quem populus invexit.

Dicitur 3. *Ubi lex ipsa deficit*: quia cum lex positiva nec se extendat ad omnes & singulos actus, nec semper sat clare loquatur, consuetudo utpote ejus supplementum ordinat quæ lex positiva non attingit & explicat quæ dubia relinquit. His præmissis.

Q. 5. *Utrum consuetudo facit supra descripta, sit regula morum?*

R. Minime, sed plerumque est morum corruptela.

Prob. 1. ex Scriptura. Christus Matth. 7. v. 13. asserit eum recta tendere ad perditionem qui multitudinem secutus, viam latam & spatiosam ingreditur. Unde S. Aug. lib. 1. Confess. cap. 16. consuetudinem illam vocat flumen tartareum, in quo navigantes rapido cursu ad tartara devolvuntur, & Cardinalis Bellarminus epist. ad nepotem recens Episcopum monet actum de ejus salute, si se aliorum moribus conformet contra Apostoli præceptum, Rom. 12. *Nolite conformari huic sæculo.*

Prob. 2. ex Sanctis Patribus relatis dist. 8. cit. cap. *Si solus*, ex S. Cypriano: *Neque hominis consuetudo*.

sudinem sequi oportet, sed Dei veritatem. Cap. Frustra, ex Sancto Augustino, Frustra quidam, qui ratione vincuntur, consuetudinem nobis obijciunt: quasi consuetudo major sit veritate; Et cap. Qui contempta, eodem in Evangelio Dominus ait: Ego sum veritas, & non dixit; Ego sum consuetudo. Itaque cedat consuetudo veritati.

Probatur 3. ratione. Cum actuum humanorum bonitas consistat in conformitate ad rectam rationem; necesse est ut eorum regula sit recta quædam ordinatio rationis in bonum: atqui consuetudo facti plerumque non est rationis, sed ignorantie & cupiditatis ordinatio; virtus enim sapientie & prudentie, cujus est ordinare, non est querenda apud promiscuum vulgus, nec in multitudine; quia existit in paucis. Hoc advertit Tertullianus scribens contra consuetudinem cap. 1. de velandis virginibus, ubi sic habet: *Ostendatur hoc exigere veritatem, cui nemo præscribere potest, non spatium temporum, non patrocinia personarum, non privilegia nationum. Ex his enim ferre consuetudo initium ab aliqua ignorantia vel simplicitate sortita in usum per successionem corroboratur, & ita adversus veritatem vindicatur. Sed Dominus noster Christus veritatem se, non consuetudinem cognominavit. Enimvero venit ipse veritas contra consuetudinem pugnaturus, & etiam nunc contra eam pugnat in fortissimis suis membris. Nihil quippe inimicius veritati, ait S. August. lib. 5. muscæ, nihil ad decipiendum potentius, nihil ad corrumpendos mores efficacius, ut habetur cap. Mala consuetudo: cit. dist. 8. Mala consuetudo; nisi citius radicitus evellatur, in privilegiorum jus ab improbis assumitur, & incipiunt prævaricationes, & variae præsumptiones celerrime non compressa pro legibus venerari, & privilegiorum more perpetuo celebrari.*

Ergo sola consuetudo juris est morum regula utpote quæ sola habeat testimonium a lege, & sapientibus.

Q. 6. Quotuplex est consuetudo juris.

R. Triplex; alia dicitur præter legem; quia nec
legis

lege prescribitur, nec legi adversatur; ut consuetudo jejunandi in pervigilio Pentecostes, quæ in quibusdam locis viget: aliæ quæ est contra legem (scilicet humanam) ut consuetudo vescendi carnibus in quibusdam Diocæsiibus singulis Sabbatis, a festo Nativitatis Domini, usque ad festum Purificationis inclusive: aliæ secundum legem; quia est legi conformis; ut consuetudo satisfaciendi præcepto Confessionis annuæ in festo Paschatis.

Harum consuetudinum prima novam legem constituit. Secunda veterem legem abrogat. Tertia legem authentice interpretatur; quælibet autem habet vim obligandi, modo concurrant conditiones requisitæ.

Q. 7. *Quot conditiones requiruntur, ut consuetudo habeat vim legis, & obliget in conscientia?*

R. Quinque.

Prima, debet consuetudo esse rationabilis, & utilis bono publico; omnis enim lex essentialiter est ordinatio ad bonum publicum. Ergo consuetudo prorsus inutilis, & ad bonum publicum nihil conferens, non habet rationem legis; potest tamen abrogare legem veterem, si aliæ conditiones adsint. Et in eo casu dicenda est potius derogatio vel abrogatio legis veteris, quam lex. Usus v. g. comedendi carnis diebus Sabbati post Nativitatem Domini, non est lex obligans, sed quædam juris communis derogatio.

Secunda, est tempus sufficiens ad inducendam consuetudinem. Sed quæritur quæle debeat esse illud tempus?

R. 1. Si consensus Legislatoris accedat, eo ipso consuetudo vim legis obtinet, & legem contrariam abrogat. Responsio per se patet.

R. 2. Si Legislator consuetudini nec consentit, nec contradicit, quia forte illam ignorat, vel ad illam non attendit; consuetudo nec rationem legis sortitur, nec antecedentem legem abrogat, nisi sit cum præscriptione longi temporis, ex jure, tum civili, codice, quæ sit longa consuetudo, lege secunda; tum Ecclesiastica, cap. finali de consuetudine. Præscriptio autem longi temporis est ad minimum decem annorum; ut diximus ubi de præscriptione tract. de Justitia & Jure.

Porro

Porro sicut litis contestatio impedit præscriptionem dominiorum: ita Legislatoris, vel Ministrorum ejus contradictio interrumpit præscriptionem consuetudinis, eosque constituit, qui consuetudine nondum præscripta contra legem operantur; ita ut in eos cadat Vincentii Lirinienſis ſententia *condemnantur magistri, absolvantur discipuli*; hoc est peccarunt priores, qui contradicente Legislatore, vel nondum elapſo tempore ad præscriptionem requisito, legem non observarunt; & non peccant posteriores, qui consuetudine legitime præscripta, legem contrariam non custodiunt, quia lex per præscriptionem evasit irrita.

Dixi, *ad minimum*; nam ex dictis ubi de præscriptione, non præscribitur contra Ecclesiam, nec proinde contra ejus leges, nisi spatio 40. annorum.

Dices. 1. *Communitas, quæ non est sui juris, sed sub Principe constituta, non habet potestatem legislativam, ergo consuetudo ejus nunquam vim legis obtinebit sine consensu Principis.*

Nego consequentiam. Nam ex dictis jus tum civile, tum Ecclesiasticum definiit consuetudinem legitime præscriptam esse observandam, inobedientesque puniendos, tanquam legum divinarum prævaricatores; ac proinde communitas, quamvis non sit sui juris, habet a jure communi, ut consuetudines ejus præscriptæ habeantur pro lege.

Ergo sicut peregrini tenentur observare leges locorum, ad quæ demigrant; ita & consuetudines ibidem legitime præscriptas.

Dices. 2. *nullus præscribit cum mala fide: atqui consuetudo contra legem, est cum mala fide; incipit enim ab inobedientia contra Superiorem, quæ sane peccatum est: ergo consuetudo contra legem nunquam præscribere potest.*

Distinguo maj. Nullus præscribit cum mala fide ad acquirendum dominium rei alienæ, Concedo: ad abrogandam legem humanam, cujus observationem Legislator a longo tempore non curat, Nego maj. Ratio autem disparitatis est: quod jus commune semper resistat possessori malæ fidei, definiatque cum rem alienam

nun-

numquam facere suam, si possessio ejus cum mala fide cœperit: faveat vero consuetudini, cui Legislator longo tempore non contradixit.

Tertia conditio necessaria ut consuetudo lex evadat, sunt actus externi, voluntarii & liberi. Quare si per vim & errorem inducatur populus ad agendum, consuetudo non habet vim legis; quia vera consuetudo essentialiter pendet a consensu populi, tanquam a causa; sicut lex scripta a voluntate superioris.

Quarta. Actus, ex quibus oritur consuetudo, debent exerceri cum animo inducendæ obligationis; quia sicut lex nulla est sine intentione obligandi, ita consuetudo vim legis non sortitur, si desit in populo, a cujus voluntate pendet, intentio se obligandi. Hinc licet Fideles consuetudine immemoriali cineres die prima Quadragesimæ accipiant, nulla tamen lege ad eos accipiendos astringuntur, quia sine animo se obligandi illam cæremoniam observant.

Colligitur autem inductam esse consuetudinem cum animo se obligandi, si viri timorati male sentiant de iis, qui illam non servant, si populus inde scandalizetur, si transgressores puniantur. In dubio num consuetudo cœperit cum animo se obligandi, judicandum est non cœpisse.

Quinta. Oportet consuetudo sit majoris & sanioris partis communitalis, quia mos unius aut alterius privati non facit nisi consuetudinem privatam: agitur autem hic de consuetudine communitalis perfectæ, quæ vim legis habere possit. Non est tamen necesse ut in consuetudinem consentiant singula communitalis membra; quia sicut lex dicitur a communitate acceptata, quando major & sanior pars illam acceptavit: ita consuetudo censetur universalis, si a majori & saniori parte inducatur; quamvis nonnulli resistent.

Dixi, a *saniori parte*; si enim a sapientibus & viris timoratis rejiciatur, non est nisi consuetudo facti inter regulas morum minime numeranda, licet pars numerosior ei adhæreat.

Q. 8. *Consuetudo potestne præscribere contra quamlibet legem?*

R. Non

R. Non potest nisi contra legem humanam, quia nulla alia lex pendet a voluntate hominum, ut pro eorum nutu, & contrariis moribus mutari possit. Non lex naturalis, quia est ipsamet veritas & recta ratio, contra quam agere est per se malum. Non lex Evangelica, quæ ex Dei institutione illibata permanebit usque ad consummationem sæculi, juxta illud Apostoli Gal. 1. *Licet nos aut Angelus de celo evangelizet vobis præterquam quod evangelizavimus vobis; anathema sit.*

Ergo consuetudo, quæ in aliquibus Provinciis obtinuit, lucrum percipiendi ex mutuata pecunia etiam pupillorum, mera corruptela est, quia adversatur legi naturali & divinæ, contra quam non præscribitur, cum tanto, de consuetudine: nemo sanæ mentis (inquit Summus Pontifex) intelligit naturali juri, cujus transgressio periculum salutis inducit, quacunque consuetudine, quæ dicenda est verius in hac parte corruptela, possit aliquatenus derogari.

Ergo posteriora Ecclesiæ sæcula non præscripserunt contra priora, nisi in iis, quæ sunt meræ disciplinæ, ut Canones Pœnitentiales, ritus absolvendi ante vel post peractam pœnitentiam, & aliæ ejusmodi leges Ecclesiasticæ. Nam præcepta Evangelica, v. g. de contemptu voluptatum, & rerum temporalium, de carnis mortificatione, & de pœnitentiæ fructibus, qui respondeant gravitati & multitudini peccatorum, nulla consuetudine quantumvis longæva & universali abrogantur; quia Deus ea in æternum mandavit, & in novissimo die ex iisdem judicabuntur homines, quia ut scribit Apostolus 2. Tim. 3. tunc communiter erunt seipsos amantes, cupidi, elati, voluptatum amantes magis quam Dei, habentes speciem pietatis, (nempe ex quadam observatione exterioris cultus) virtutem autem ejus abnegantes, id est, rem ipsam & naturam pietatis.

Q. 9. *Utrum consuetudo legitime præscripta, abrogari possit contraria lege.*

R. Vel consuetudo, quamvis non sit rei per se malæ, nec Evangelio prohibita, noxia tamen evadit, & viam aperit pluribus corruptelis, vel est admodum uti-

utilis, & idonea ad promovendum bonum publicum: vel est superflua aut minus utilis.

Si primum, consuetudo lege contraria abrogari potest & debet, sed circumspectione, & accurata consideratione opus est, ne Superior, dum colligit zizania, eradicet & triticum, mutationeque consuetudinis pacem perturbet.

Si secundum, lex consuetudinis admodum utilis abrogatoria non esset vera lex, utpote bono publico contraria; ac proinde non ferri, nec acceptari debet.

Si tertium, tolerandam esse consuetudinem, scribit Sanctus Augustinus epist. 54. alias 118. quia *ipsa mutatio consuetudinis, etiam quæ adjuvat utilitate, novitate perturbat*. Propterea ibidem censet quasdam ceremonias Religioni Christianæ minus consentaneas ferendas potius quam cum populorum offensione tollendas; Medicus enim dici non debet, sed homicida; qui lethale vulnus infligit, ut leve corporis vitium amputet. Talem merito dixeris Parochum, qui dominandi studio potius, quam boni publici zelo receptos Parochiæ usus subvertit majoris boni prætextu; quid enim Parochianorum odia inde in ipsum concepta, obloquutiones, detractiones, & alia scandala, nisi exitialis parochiæ morbus? Ergo si nequidem lex mutari debet quoties aliquid melius occurrit, ut supra docebat Sanctus Thomas, multo minus consuetudo, quæ noxia non est, cum lege sit firmior, longèque difficilius evellatur.

C A P U T XIII.

De Lege humana.

JAM diximus quid & quotuplex sit lex humana; quam obligationem inducat; quæ sit ejus causa efficiens: ad quos actus & ad quas personas se extendat; quam interpretationem, & dispensationem admittat. Supersunt dumtaxat nonnulla dubia sequentibus questionibus solvenda. Itaque

Q. 1. *Utrum præter legem naturalem & divinam ; necessaria sit humana ?*

R. Est necessaria ; quia si societas humana indiget artibus , ut provideantur corporis necessaria , puta victus , vestitus , habitatio ; a fortiori indiget disciplina legum ad excolendam animam , quia iudicium rationis in iis , quæ spectant mores , multo magis impeditur cupiditatibus & delectationibus , quam in iis , quæ pertinent ad artefacta . Unde 1. polit. c. 2. dicitur : *sicut homo , si sit perfectus virtute , est optimum animalium ; sic si sit separatus a lege & iustitia , est pessimum omnium .*

Dices 1. Lex Evangelica sufficit ad regendos hominum mores : ergo temere lex humana superadditur .

Nego anteced. Tum quia in societate humana inveniuntur protervi , & ad vitia proclives , qui ut scribit Sanctus Thomas quæst. 96. art. 1. *verbis de facili moveri non possunt* , (nempe ad legem divinam & naturalem observandam.) *Necessarium ergo fuit , quod per vim & metum cohiberentur a malo ut aliis quietam vitam redderent , & ipsi tandem per huiusmodi assuetudinem ad hoc perducerentur , quod voluntarie facerent , quæ pane metu implebant , & sic fierens virtuosum .* Tum quia in humana societate plura ordinanda occurrunt , puta circa cultum divinum , & contractus , quæ lex divina prætermisit , nec ex lege naturali necessario deducuntur .

Dices 2. in dubiis homines confugiunt ad sapientem , sicut ad iustitiam animatam , ut dicitur 5. Ethic. cap. 4. ergo lex humana necessaria non est .

Nego consequentiam . Namque , ut observat S. Th. qu. 95. art. 1. ad 2. iustitia animata præterquam quod invenitur in paucis , passionibus facile flexitur , ac perinde necesse fuit legibus determinare quid faciendum , quidve fugiendum , & paucissima hominum arbitrio committere , ut singularia , quæ lege comprehendi nequeunt . Unde melius est omnia ordinari lege , quam dimitti iudicium arbitrio , ut habetur 1. Rethoric. cap. 1.

Q. 2. *Utrum lex humana prohibere debeat omnia vitia ?*

R. Ne-

R. Negat S. Thomas q. 96. art. 2. & ratio est, quia quælibet lex essentialiter est ordinatio ad bonum commune: atqui lex humana omnia vitia prohibens est bono communi noxia. Ergo.

Minor probatur. Lex observatu difficilior, & moraliter impossibilis est bono communi noxia: posita enim hac lege multiplicantur transgressionem, & ita Cives evadunt peiores, cum tamen legis officium sit efficere bonos: atqui lex humana omnia vitia cohibens est difficilior, & observatu moraliter impossibilis: nam ut ratiocinatur Sanctus Thomas, in communitate plures reperiuntur infirmi, quam sani: hoc est, plures ad vitia proclives, quam ad virtutem propensi: quæ autem possibilia sunt sanis, infirmis sunt impossibilia. Porro lex humana spectat majorem partem; imponitur enim communitati, ac proinde nonnisi graviora prohibere debet, a quibus, inquit Angelicus Doctor, possibile est majorem partem multitudinis abstinere, & præcipue quæ sunt in nocuum aliorum, sine quorum prohibitionem societas humana conservari non posset. Alloquin imperfecti in deteriora prorumpunt, sicut dicitur Prov. 3. qui nimis emungit, elicit sanguinem: & Matth. 9. Quod si vinum novum (id est, præcepta perfecta vitæ) mittatur in utres veteres, (id est, in homines imperfectos) utres rumpantur, & vinum effunditur, id est, præcepta contemnantur, & homines ac contemptu ad pejora prorumpunt. Nempe ex consuetudine transgrediendi difficiliora præcepta, etiam ad faciliora, quamvis graviora, prosiliunt.

Tanta incommoda sollicite præcavent Religiosorum Ordinum Fundatores, qui licet non colligant nisi anhelantes ad perfectionem, nihilominus paucis præceptis regulam suam concludunt, ne legum multitudo laqueus sit pedibus alumnorum: reliqua vero ad perfectionem Monasticam pertinentia per modum directionis exequuntur, expresseque declarant se non obligare quenquam sub peccato etiam veniali, sed dumtaxat sub pœna regulari & œconomica. Si autem hæc cautio adhibenda est in Monasteriis, quanto magis in Politicis?

Q. 3. *Utrum dentur leges mere pœnales, quæ subditos ad pœnam obligent, & nullatenus ad peccatum?*

R. 1. Possunt dari, quia ex dictis lex vim habes ex voluntate Legislatoris: ergo si Legislator nolit obligare subditos nisi ad pœnam, subditi inobedientes non incurrerent nisi reatum pœnæ.

Dices 1. ex S. Augustino lib. 1. Retract. cap. 9. omnis pœna, si iusta est, peccati pœna est & supplicium nominatur: ergo lex non potest obligare ad pœnam, quin antecedenter obliget ad culpam.

Dist. ant. Omnis pœna proprie dicta, Concedo: improprie dicta, Nego antec. Satis enim est ad pœnam iustam, quod sine causa non infligatur, juxta juris regulam 23. in 6. quæ sic habet: *sine culpa, nisi subsit causa, non est aliquis puniendus*; causa autem est puniendi subditum quod non abstinerit ab actu prohibito, vel non præstiterit actum præceptum. Responsio elucidatur exemplo voti, quod dicitur a S. Thoma lex privata, quia privatus eam sibi imponit. Si enim quis voverit dare nummum pauperibus, si unquam luserit, contra votum non peccabit ludendo, modo nummum in elemosynam eroget.

Dices 2. Lex illa pure pœnalis, non est lex proprie dicta: Ergo.

Nego conseq. Satis enim est ad nostrum institutum, quod Superior possit obligare ad pœnam, & nullatenus ad culpam, sive lex ejus sit proprie, aut improprie dicta.

Potest etiam negari antec. Nam ad rationem legis sufficit quod habet vim obligandi in conscientia: atqui lex pure pœnalis obligat in conscientia ad pœnam; qui enim hujusmodi legem transgressus fuerit, tenetur in conscientia pœnam subire; & ita lex pœnalis remote saltem obligat ad culpam.

R. 2. Omnis lex pœnalis prius intelligitur obligare ad culpam, quam ad pœnam, nisi quibusdam signis constet aliam esse Legislatoris mentem.

De lege quæ imponit pœnam spiritalem, puta suspensionem, excommunicationem, nulla est difficultas; cum spirituales illæ pœnæ culpam necessario supponant.

Probatur de lege obligante ad pœnam temporalem, quis cum ipsum opus lege præceptum aut prohibitum magis conferat ad donum publicum, quam ipsa pœna inobedientibus imposita, Legislator censetur illud magis intendere, ac proinde subditi, qui vel ab opere prohibito non abstinere, vel opus præceptum non exequuntur, magis lædunt ejus voluntatem, quam si pœnam transgressoribus impositam non exolverent. Ergo peccati reos se constituunt; quid enim est peccatum, nisi dictum, vel factum contra Legem?

Dixi, nisi quibusdam signis constet aliam esse Legislatoris mentem, quia obligatio legis oritur ex intentione & voluntate Legislatoris.

Constare autem potest intentionem Legislatoris non esse obligare ad culpam, r. ex ipsa legis forma, nempe si disjunctive feratur, v. g. nullus frumentum efferat, vel solvat centum libellas; lege enim sic concepta, optio subditis datur aut frumentum non efferendi, vel centum libellas solvendi, si magis placuerit frumentum efferre. 2. ex communi sapientum interpretatione. 3. ex verbis Legislatoris, quibus declarat se nolle obligare ad culpam; quod satis communiter observant in suis constitutionibus Superiores Regulares.

Omittendum tamen non est quod tradit S. Thomas 2. 2. q. 186. art. 9. ad 1. nempe subditos Regulares in his posse venialiter, vel etiam mortaliter peccare ex negligentia vel libidine seu contemptu, non quidem vi hujusmodi constitutionum, quæ ut supponitur, ad culpam non obligant, sed vi legis naturalis, contra quam graviter peccaret, qui ex Constitutionum neglectu seu contemptu valde turbaret ordinem Monasterii. Enimvero si persona extranea omnium iudicio graviter peccaret, quæ suis consiliis & inordinata agendi ratione regularem Monasterii disciplinam everteret, quanto magis ipsa Monialis?

In dubio autem num lex sit pure pœnalis, quidam Theologi censent habendam pro mere pœnali, nisi pertineat ad bonos mores, & ad prohibenda vitia, quia, inquiunt, odia sunt restringenda. Verum quod lex

lex aliqua non obliget ad culpam, est quædam exceptio a generali regula, juxta quam omne factum vel dictum contra legem, est peccatum: exceptio autem non est amplianda, sed restringenda; adeo ut nisi de mente Legislatoris aliter constet, judicandum sit in favorem legis, nempe quod sub peccato obliget.

Dices: Leges tributorum ex natura sua sunt mere pœnales, tum quia non spectant bonos mores, tum quia tributa sunt onera, & veluti multa pecuniaria, quas Princeps directe & primario intendit: Ergo.

Nego antec. Pertinet enim ad bonos mores, & ad bonum publicum, ut jus suum cuique reddatur; atqui tributa sunt justa stipendia Principi pro Republica laboranti debita, juxta illud Rom. 13. *ideo enim & tributa præstatis; ministri enim Dei sunt, in hoc ipsum servant.*

Ergo tributa non sunt mere pœnz, sed debita ex justitia solvenda, etiamsi non petantur, nisi consuetudo præscripta Principis mentem aliter interpretetur: Ergo qui defraudat vectigalia & gabellas, tenentur ad restitutionem, quia contra justitiam peccant, ut innuunt hæc Apostoli verba, Rom. 13. *Reddite ergo omnibus debita; cui tributum tributum, cui vectigal, vectigal.*

Dixi, nisi consuetudo præscripta Principis mentem aliter interpretetur. Nam apud nos fert usus, ut tributa tum solvantur, cum petantur: nec ullus in lege peccare se credit, si tallias v. g. non deferat ad exactores. Unde colligere licet tributorum leges a subditis dumtaxat exigere, ut non resistent, nec fraudibus, minis, & aliis malis artibus solutionem eludant, sed bonæ fide parati sint petentibus satisfacere. Ita Sylvius in 1. 2. q. 484. ubi sic habet: *probabiliter opinio fert illa vectigalia, quæ ad portas civitatis solvi debent juxta quorundam locorum consuetudinem, non necessario solvenda, si non petantur, modo nihil fraude agatur, abscondendo merces, divertendo a viis publicis.*

Instabis: restitutio vel heres Principi, vel exactoribus: atqui non est facienda Principi; namque certo

pretio vendidit exactoribus quidquid in hac parte juris habeat; non etiam exactoribus, qui propter fraudes subditorum, nulla sollicitudine vitandas, viliori pretio jus Principis emerunt: ergo.

Nego min. Cum enim obiectio supponat Principem pati injuriam ab illis defraudatoribus, & propter eorum fraudes viliori pretio vendere, Principi restituere tenentur.

Q. 4. *Utrum pœna lege præscripta, sit exolvenda statim post transgressionem?*

R. Si pœna statuatur ferenda, transgressor non tenetur eam exolvere, donec Judex condemnaverit eum ad pœnam subeundam, quia lex de facto pœnam non imponit, sed imponendam minatur. Contra vero, si pœna sit lege lata, transgressor eam quandoque statim incurrit, quandoque vero non nisi post sententiam declaratoriam.

Q. 5. *Unde dignoscitur, an pœna sit ferenda, aut lata?*

R. Pœna est ferenda, quando lex concipitur his & similibus verbis, *sub pœna excommunicationis, privationis Beneficii. Excommunicabitur, excommunicatur. Non gaudet Beneficio, &c.* Pœna autem censetur lata, quando Legislator his utitur formulis, *ipso facto, ipso jure. Ex tunc, Illico, Excommunicamus. Excommunicatus est.*

Q. 6. *Quandonam pœna ipso jure lata subeunda est ante sententiam judicis, quando vero non nisi post sententiam?*

R. Huic quæstioni admodum intricatæ, & in Scholis multum agitatæ satisfieri non potest, nisi distinguendo variarum pœnarum genera, & expendendo verba legis.

Primo itaque sunt pœnæ passivæ, quæ nullam transgressoris actionem postulant, ut censura Ecclesiasticæ, irregularitas, privatio vocis tum passivæ, tum activæ. Constat autem ex communi Ecclesiæ usu hujusmodi pœnas latæ sententiæ incurri absque sententia declaratoria; cum plerumque sint occultæ, & Judicis examen effugiant, certumque sit apud omnes

occultos illos prævaricatores debere abstinere ab actibus per censuras lege latas prohibitis . Excipienda tamen est irregularitas , quæ oritur ex infamia : nullus enim censetur jure infamis , nisi post sententiam criminis declaratoriam .

Secundo . pœnæ , quæ executioni mandari non possunt sine transgressoris actione , triplicis sunt generis .

Nonnullæ irritant actum prohibitum , puta matrimonium clandestinum , & reum inhabilem reddunt , puta Simoniacum ad Beneficium acquirendum , Beneficiarium ad fructus suos faciendos , si Horas Canonicas non persolvat , &c. Hæ autem pœnæ effectum suum sortiuntur ante sententiam declaratoriam . Conjuncti clandestine debent statim separari , quia non sunt conjuges . Simoniacus quoque illico tenetur dimittere Beneficium simoniace acquisitum , & fructus inde perceptos restituere . Sic & Beneficiarius , qui Horas Canonicas non recitavit , quia jure naturali non licet rem alienam retinere : atqui in allatis exemplis & Simoniacus & Beneficiarius retinent rem alienam , cum lex juxta inhabiles eos reddat ad acquirendum .

Hinc merito hæc propositio damnata est ab Alexandro VII. & a Clero Gallicano : *Restitutio a Pio V. imposita Beneficiatis non recitantibus , non debetur in conscientia ante sententiam declaratoriam Judicis , eo quod sit pana.*

Aliæ sunt pœnæ legibus latæ , tanquam conditiones necessariae ad acquirendum . Nec istæ requirunt declarationem , quia conditione non impleta , gratia non est facta , juxta illud vulgare effatum , *conditio suspendit consensum* . Hinc qui sua culpa , & sine rationabili causa ad Sacerdotium intra annum non promovetur , Beneficio Parochiali ipso facto privatus , nulla præmissa monitione , ex cap. *Licet* , titul. de elect. in 6.

Denique sunt pœnæ latæ sententiæ , quæ privant jure jam acquisito , puta Beneficio legitime possessio ; sed executioni mandari non possunt sine prævaricatoris

actione. Actio autem illa vel est facilis, ut poenitentia, quas praescribunt Constitutiones Monasteriorum; vel sunt admodum difficiles, ut exilium, confiscatio omnium bonorum, privatio Beneficii, &c. Priores nullam Superioris declarationem requirunt: posteriores vero reus in conscientia subire non tenetur ante sententiam Judicis, cum quia lex alioquin esset in detrimentum boni publici: pauci enim hujusmodi poenas exequerentur, adeoque lex esset multitudini in scandalum: tum quia communis usus leges hujusmodi poenales sic interpretatur.

Ergo Pastor ipso jure privatus Beneficio, ante sententiam Judicis munia Pastoralia valide exercet, & fructus Beneficii juste percipit, quia habet titulum saltem coloratum.

Tertio, quando lex poenam ipso facto, decernit, nulla monitione, aut declaratione praemissa, poenae statim subeunda est, nec expectanda Judicis sententia, quia Legislator id potest quod Judex: ergo si reus poenam subire tenetur post declarationem Judicis, quidni & post Legislatoris declarationem?

Nec dicas cum nonnullis haec verba, *nulla declaratione praemissa*, addi a Legislatore majoris explanationis gratia; ut subditi plenius intelligant poenam esse latae sententiae; nam ex jure satis clare elicita verba illa habere sensum a nobis intentum; & plane diversum a sensu verborum quae in lege praecedunt.

Non negarim tamen, quod aliquando expertus sum, Judicem, qui minus vim illorum verborum percipit, ita pronuntiare majoris claritatis causa, nec aliud intendere per haec verba, *absque declaratione*, quam per ista, *ipso facto*. Sed factum unius aut alterius non debet trahi in exemplum, nec recedendum a communi regula, nisi aliter constet de mente Superioris.

Quarto, reus post sententiam Judicis nec tenetur, nec licite potest exequi poenam mutilationis aut mortis, v. g. venenum haurire, praecipitem se dare, suspendio se praefocare, quia haec crudelitatem sapiunt, & repugnant legi naturali; sed satis est quod executori non resistat. Immo Suarez lib. 5. cap. 10. num.

num. 10. probabiliorem existimat sententiam Covarruviz, & aliorum asserentium eum, cujus omnia bona fisco addicta sunt, non teneri exequi sententiam difficilem, sed facere satis, si patiatur bona sua a Ministro auferri, ne ea subtrahat; nec occultet.

Q. 7. *Utrum ignorantia pœnæ reum a pœna excuset?*

R. Ignorantia etiam invincibilis solius pœnæ non excusat per se a pœna, quæ non sit censura.

Probat: quia illud est discrimen inter culpam & pœnam, quod culpa necessario sit voluntaria, ac proinde cum aliqua cognitione & advertentia: pœna vero veniat ab extrinseco, & contra voluntatem pugnet. Ergo qui invincibiliter ignorat legem, non peccat, si eam non observet, quia ejus omissio non est voluntaria, nec pœnam meretur, cum pœna culpam præsupponat. Contra vero qui legem novit, eamque transgreditur, nesciens tamen pœnam in transgressores latam, pœnam meretur, & si sit lege lata, illam de facto incurrit.

Dixi 1. ignorantiam per se non excusare a pœna, quia per accidens excusare posset, saltem in foro conscientiæ, nimirum si ex eo quod ignoraret pœnam, bona fide crederet legem non obligare sub mortali: nam ex gravitate pœnæ colligitur legem obligare sub gravi peccato.

Dixi 2. *nisi pœna sit censura*; quia censura communiter non incurritur, nisi præcesserit aliqua monitio vel ab homine, vel a jure, seu lege comminante, aut etiam decernente, v. g. Excommunicationem: atqui non est monitus, qui nullatenus cognovit illam pœnam fuisse lege latam: ergo illam non incurrit saltem in foro conscientiæ; nam in foro exteriori non audiretur qui diceret se ignorasse hujusmodi pœnam in lege contineri.

Q. 8. *Lex pœnalis obligatur Superiorem ad pœnam imponendam?*

Huc revocanda sunt, quæ supra diximus de dispensatione; nam dispensatio pœnæ per legem latæ, est quedam legis dispensatio: Ergo sicut inferior non potest dispensare in lege Superioris, nisi necessitas, aut epichia

id postulent; ita nec relaxare pœnam a Superiore imposita. Ergo sicut Legislatoꝝ peccat sine causa dispensans, sic & pœnam relaxans.

Ad relaxandum autem pœnam, plures honestæ causæ movere possunt, supremum Principem, quæ in inferiori Judice locum non habent, puta benignitatis, & liberalitatis ostensio, primus in urbem ingressus, prolis nativitas, gratificatio obsequiorum delinquentis, vel ejus consanguineorum, &c.

Observandum tamen est in hujusmodi gratiis concedendis, quod ex S. Ambrosio refertur cap. Denique, 14. q. 5. ubi sic habetur: *Si non potest subveniri alteri, nisi alter ledatur, commodius est neutrum juvari, quam gravari alterum. Ideoque in causis pecuniariis intervenire non est Sacerdotis, in quibus non potest fieri, quin frequenter ledatur alter, qui vincitur, quoniam intercessoris beneficio se victum arbitratur. Sacerdotis est igitur nulli nocere, prodesse velle omnibus; posse autem, solius Dei est.*

C A P U T XIV.

De Lege divina veteri.

Q. 1. **Q**uotuplici modo lex vetus accipitur?

R. Duplici. 1. pressius pro lege, quam ipse Moyſes promulgavit, ut Luc. 24. v. 44. ubi Christus legem distinguit a libris Prophetarum, & a Psalmis; sic enim Apostolos alloquitur: *neceſſe est impleri omnia, quæ scripta sunt in lege Moyſi, & Prophetis, & Psalmis de me: ubi lex concluditur quinque libris a Moyſe scriptis, qui Pentateuchus solent appellari.* 2. Lex latius sumitur pro tota Scriptura veteris Testamenti. Et hoc posteriori modo legem veterem hic accipimus.

Q. 2. *Quotuplici nomine vocatur lex vetus?*

R. Quadruplici. Dicitur 1. simpliciter & absolute
lex,

Lex, ut in Epistola ad Romanos passim & capite 10.
Joan. Lex Moysen data est; gratia & veritas per Je-
sum Christum facta est. 2. Lex Mosaica; quia per
Moysen fuit promulgata. 3. Lex vetus, ut distingua-
tur a nova, seu Evangelica. 4. Vetus Testamentum,
seu pactum & fœdus, quia per eam Deus cum Judæis
pepigit ipsos fore sibi peculiarem populum, & ter-
ram promissam in hæreditatem possessuros, si legem
observarent.

Q. 3. Lex vetus fuitne bona & divina?

Utrumque negarunt Marcionitæ; deinde Manichæi
& Priscillianistæ, docentes duo esse prima rerum
principia, alterum malum, quod fuit auctor legis
veteris, & ideo malæ; alterum bonum, a quo lex
Evangelica prodiit. Contra priores in primis scriptis
Terrullianus, & contra posteriores S. Augustinus,
cum quibus

R. De fide est legem veterem fuisse bonam, & a
Deo conditam.

Prima pars responsionis probatur 1. ex Scriptura
Roman. 7. vers. 12. Itaque lex quidem sancta, &
mandatum sanctum, & justum, & bonum. Et 1.
Timoth. 1. vers. 8. Scimus autem quia bona est lex,
si quis ea legitime utatur. Luc. 2. Christus le-
gem circumcisionis, & Beata Virgo legem puri-
ficationis servarunt. Matth. 23. Christus cenam
legalem instituit pridie quam pateretur. Probatur 2.
ratione; quia illa lex est bona, quæ non præci-
pit nisi bonum, nec prohibet nisi malum; idque
in honestum & debitum finem; atque lex vetus
non nisi bonum præcipit, ut patet vel ex illo præ-
cepto, Deuter. 6. in quo cetera continentur: Di-
liges Dominum Deum tuum ex toto corde tuo, &c.
& omne malum prohibet, dum ait, non concupi-
sceris, idque in honestum & debitum finem: 2. remo-
tum quidem vitam æternam; proximum vero Chri-
stum, juxta illud Roman. 10. Finit enim legis Chri-
stus ad justitiam omni erudienti, Galat. 3. lex pedag-
gus noster fuit in Christo, ut ex fide justificemur. At
ubi venit fides, jam non sumus sub pedagogo, 2. Cor. 3.

omnia in figura contingebant illis. Unde non mirum si Ecclesia Christiana in suis Conventibus miracula & historias veteris Testamenti grata memoria quam sapientissime recolat; hæc enim omnia ad stabiliendam Religionem Christianam conferebant, & in gratiam corporis mystici, cujus Christus caput est, Deus operabatur. Ubi bella legit Judæus, mysteria intelligit Christianus.

Unde S. Augustinus lib. 6. contra Faustum, cap. 2. sic scribit: *Cam dicit (Apostolus) scripta sunt propter nos, prævidens demonstrat quanta nobis cura legenda & intelligenda, & in quanta auctoritate habenda sint, quia propter nos ubique scripta sunt.*

Secunda pars, nempe quod lex vetus fuerit a Deo, probatur: tum ex Scriptura Luc. 1. *Sicut locutus est Deus Israel) per os Sanctorum, qui a seculo sunt Prophetarum ejus.* Hebr. 1. *multifariam, multisque modis olim Deus loquens in Prophetis*: tum ex Traditione, nam in Symbolo Constantinopolitano de Spiritu Sancto habetur, *qui locutus est per Prophetas.* Et in Concilio Toletano 11. contra Priscillianistas, si quis dixerit esse alterum auctorem præse legis, alterum Evangeliorum, anathema sit.

Dices contra primam nostræ responsionis partem: Deus Ezech. 20. de lege veteri sic loquitur: *dedi eis præcepta non bona* & Hebr. 8. ait Apostolus *vetus Testamentum culpa non vacasse.* Ergo.

Distinguo antecedens. Non bona, id est, imperfecta, Concedo: mala, Nego ant. Nam in eodem loco habetur, *dedi eis præcepta mea . . . que faciens homo vivet in eis.* Et ita hunc locum interpretatur S. Gregorius lib. 28. Moral. cap. 7. ubi sic scribit: *hos pannos infantie, quos inchoantibus dedit, ipse per Prophetam Dominus reprehendit, dicens: Ego dedi eis præcepta non bona; mala enim quasi mala esse desunt comparatione peiorum, & bona quasi bona non sunt comparatione meliorum, & melioribus novi Testamenti præceptis subsequens, præcepta bona, que rudibus data sunt, non bona esse memorantur.* Et hanc imperfectionem Apostolus loco laudatq. vocat culpam.

patet, scilicet improprie dictam, ut patet ex ejus contextu.

Instabis 1. Dei perfecta sunt opera, Deut. 32. atqui ex concessis lex vetus est imperfecta; nec culpa seu defectu vacavit: ergo non est a Deo.

Distinguo major. Dei perfecta sunt opera, quoad modum operandi, hoc est, summa sapientia diriguntur ad finem; quem sibi Deus præsinit, Concedo, perfecta ex objecto circa quod versatur, Nego majorem. Deus enim non semper facit optima; alioquin mundum perfectiorem creare debuerat. Porro lex vetus, quamvis non fuerit perfecta ex objecto, nec Judæos ad illam sublimiorem vitam perducere potuerit, ad quam lex Evangelica Christianos evehit; perfecta tamen fuit, quatenus congruebat populo rudiori: quemadmodum Pædagogus, qui rudibus & quodammodo infantilibus præceptis puerum imbuit, sapienter illum erudit, quia tradit ea, quæ congruunt illi ætati, & disponunt ad majora percipienda, quando adoleverit.

Instabis 2. 1. Cor. 3. lex dicitur ministratio mortis.

Distinguo, occasionaliter & per accidens, Concedo: per se, Nego. Hanc solutionem ipsemet Apostolus nobis suggerit Rom. 7. ubi sic scribit, *occasione accepta peccatum per mandatum operatum est in me omnem concupiscentiam*: ardentius enim ea appetimus, quæ nobis prohibentur: juxta illud Poetæ, *nitimur in vetitum*.

Urgebis; atqui lex vetus per se fovebat cupiditatem, cum ejus promissa essent temporalia: ergo.

Nego subsumptum, cujus confirmationem distinguo: temporalia promittebat tamquam media apta ad pueros & carnales adducendos ad præceptorum observationem, Concedo: tanquam præmia & ultimum finem, Nego. Nam Psalmo 143. improbantur qui beatum dicunt populum, cui hæc sunt, & beatus dicitur populus, cujus Dominus Deus ejus. *Non irasque*, inquit Sanctus Augustinus libro quarto contra Faustum, *spes nostra in temporalium rerum promissione de-*

fixa est, quandoquidem nec ipsos illius temporis sanctos & spirituales viros, Patriarchas & Prophetas, his terrentis rebus fuisse deditos credimus.

Instabis 3. Illa lex non est bona, quæ salvare nequit, & est moraliter impossibilis: atqui lex vetus salvare non poterat, taleque jugum erat, quod neque Patres nostri, inquit Apostolorum Princeps, neque nos portare potuimus. Act. 15. Ergo.

R. 1. Retorquendo argumentum. Ipsa lex naturalis homines per se salvare nequit, & est jugum quod nullus sine gratia portare possit: ergo lex naturalis non est bona, quo nihil est absurdius.

R. Itaque 2. in forma, lex vetus salvare nequit, & est jugum intolerabile sine gratia, Concedo: Cum gratia, Nego minor. Nam plures in veteri lege salvati sunt, & iusti ante Deum extiterunt, incedentes in omnibus mandatis, & justificationibus Domini, ut de Zacharia & Elisabeth dicitur Luc. 1. iisque mandata Dei non exstere gravia, sed dulciora super mel & favum, ut de seipso testatur regius Psalter Psal. 17. Sed ista ascribenda erant fidei in Christum venturum; & gratiæ novi Testamenti, quæ ex S. Augustino in veteri Testamento occultabatur, sicut frumentum in palea. Unde lib. 3. ad Bonifacium cap. 3. scribit iustos, qui sub veteri lege vixerunt, licet non nomine, revera tamen fuisse Christianos, *Peteris quidem Testamenti*, inquit, *dispensatores & gestatores, sed novi demonstrantur heredes. Nondum nomine, sed re ipsa fuerunt Christiani.*

Porro S. Petrus loquitur de lege veteri secundum se spectata, quæ, ut sic innumera præceptorum multitudinem obruebat, eos præsertim, qui promulgatam Evangelio, legem necessariam esse contendebant: nam ex Apostolo Galat. 3. a gratia Christi exciderant: *Evacuati estis a Christo*, inquit, *qui in lege iustificati a gratia excidistis.*

Dices contra secundam responsionis partem: lex vetus, Galat. 3. est ordinata per Angelos in manu mediatoris, idest Moyse, qui de seipso sic ait, Deut. 5. *Ego sequester & medius fui inter Dominum, & vos.*

Hebra.

Hebr. 2. de lege sic loquitur Apostolus, *qui per Angelos dictus est sermo: Jo: 1. Lex per Moysen data est. Et Jo: 7. Nonne Moyses dedit vobis legem? Ergo lex vetus non est a Deo.*

Dist. ant. Per Angelos tanquam Dei ministros, & ejus nomine agentes & loquentes: per Moysen vero tanquam legis promulgatorem, Conc. Per Angelos & Moysen tanquam legis Auctores, Nego ant. Quia nonnulli e veteribus credidere ipsummet Verbum divinum in corpore ad tempus assumpto Moyssi apparuisse in Monte Sina, & cum eo fuisse locutum. Sed constat legem ministerio Angelorum fuisse ordinatam, tum ex laudatis in objectione textibus, tum ex cap. 7. Actuum v. 30. 31. 32. & 38. ubi S. Stephanus sic loquitur: *Apparuit illi (Moyssi) in deserto monte Sina Angelus in igne flammæ rubi facta est ad eum vox Domini dicens ... Ego sum Deus patrum tuorum. Hic est, qui fuit in Ecclesia in solitudine eum Angelo qui loquebatur ei in monte Sina. Quod autem Moyses legis promulgatorem ubique egerit, patet, ex 24. cap. Exodi, ubi sic habetur: Moyses ... narravit plebi omnia verba Domini atque judicia: responditque populus una voce: omnia verba Domini, quæ locutus est, faciemus. Adde quod ipsemet Moyses semper præmittat, hæc dicit Dominus, Locutusque est Dominus ad Moysen.*

Q. Quotuplicis generis præcepta numerantur in veteri lege?

R. Triplicis, nempe Moralia, cæremonialia, & judicialia; sic enim loquitur Moyses Deuter. cap. 6. v. 1. *Hæc sunt præcepta, cæremonia, & judicia, quæ mandavit Dominus Deus vester.*

Præcepta moralia quæ pertinent ad morum disciplinam, digito Dei descripta sunt in duabus tabulis, Exodi 20. solentque dici Decalogus, eo quod sint numero decem. In prima tabula scripta erant præcepta, quæ Deum respiciunt: & in secunda quæ proximum. Cæremonialia cultum Dei spectant, ut sacrificiorum & purificationum leges. Judicialia sunt leges, civiles.

viles & politice, juxta quas Judæorum societas regebatur.

Ergo, inquit, in veteri lege nulla erant præcepta fidei, spei, caritatis, & pœnitentiæ, nullave consilia.

Nego consi. Tum quia hæc & alia legis naturalis præcepta implicite continentur in Decalogo. In primo quidem præcepto, fides, spes, caritas, & pœnitentia, cum sine iis Deus veraciter coli non possit. Tum quia harum virtutum actus passim in lege præcipiuntur. Unde S. August. lib. de grat. & lib. arbit. cap. 18. sic scribit: *Hæc omnia præcepta dilectionis, idest, caritatis, per legem dantur & veterem & novam. Lex autem sine gratia est littera occidens, in gratia vero Spiritus vivificans.* Quod autem in lege veteri aliena fuerint consilia, patet ex variis sacrificiis & votis, quæ in lege non præcipiebantur, ut advertit S. Chrysostomus in illud Pl. 118. *Voluntaria oris mei beneplacita fac, Domine.*

Q. 5. Quare Deus legem naturalem in tabulis scribi voluit, cum ex dictis in cordibus hominum ita sit indita, ut omnino deleri non possit?

Respondet S. Aug. in enarrat. in Pl. 57. *Scriptum est in tabulis, quod in corde non legebant; non enim scriptum non habebant; sed legere volebant: oppositum est oculis eorum quod in conscientia legere cogerentur, & quasi furissecus admota voce Dei, ad interiora sua homo compulsus est.* Adde quod concupiscentia, passionēs inordinatæ, & habitus vitiosi, etsi legem naturalem omnino delere non possint, illam valde obscurant, rationemque ita perturbant, ut facile homo malum tanquam bonum apprehendat. Unde Apostolus Rom. 7. ait: *Peccatum non cognovi, nisi per legem: nam concupiscentiam nesciebam, nisi lex diceret, non concupiscis.*

Q. 6. Lex vetus obligatne omnes homines?

R. Solus Judæos obligabat quoad præcepta cæremonialia & judicialia; quia iis solis data fuit Deuter. 4. *Quæ est alia gens tam inclita, quæ habeat cæremonias & iusta judicia?* Rom. 3. *Quid ergo amplius Ju-*
deo

Deo est? multum per omnem modum. Primum quidem quia credita sunt illis eloquia Dei; Gentilibus tamen licebit amplecti legem, quamvis sine ea absolute potuissent salvari. Si quis peregrinorum; ait Deus Exodi 12.) in vestram voluerit transire coloniam, & facere Phasē Domini, circumcidetur prius omne masculinum ejus, & tunc rite celebrabis, eritque sicut indigena terra.

Dixi: Quoad præcepta ceremonialia & judicialia? Nam Gentiles præcepta moralia quæ pertinent ad legem naturalem, servare tenebantur, non tamen vi legis scriptæ: nec proinde subiciebantur pœnis temporalibus lege latis contra prævaricatores, puta idololatrias, blasphemos, adulteros.

Q. 7. Lex vetus fuitne mutabilis?

R. 1. Mutari potuit a Deo quoad præcepta ceremonialia, & judicialia; quia erat lex positiva, & minime necessaria, quemadmodum lex naturalis; sed prorsus dependens a libera Dei voluntate; ergo sicut Deus potuit eam ferre, potuit quoque eam revocare.

R. 2. Actu & de facto mutata est, & abrogata in adventu Christi. Est de fide contra Ebionem, Corinthum, & Nazaros, ex S. Epiphania hæresi 28.

Prob. Tum quia lex data est ad tempus, & donec veniret semens, cui promiserat, ait Apostolus Gal. 3. v. 19. Tum quia finis legit est Christus, Rom. 10. v. 4. Atqui obtempo sine cessat usus mediorum, quæ sunt ad finem: tum quia lex erat umbra futurorum, Hebr. 10. v. 4. figurabat Christum venturum omnia in figura contingebant illis. 1. Cor. 10. v. 11. At qui fulgente luce, evanescit umbra, & præsentē veritate, figura illam figuram prænuntians, evadit falsa: Ergo.

Dices: Habetur Baruch. 4. Hic liber mandatorum Dei, & lex, quæ est in æternum: Ergo.

Nego conf. Nam in Scripturis illud solet dici æternum, quod longissimo tempore durat, ut patet tum ex cap. 17. Gen. v. 8. ubi Abraham promittitur Chanaan in possessionem sempiternam, hoc est, quoad durabit Judæorum Respublica; tum ex cap. Deut. 35. 1. 17. ubi dicitur de servo, qui maluit servire, quam

manumitti septimo anno, sic statuitur: *Serviet illi in eternum*, id est, toto vitæ suæ tempore.

Instabis: Christus Matth. 5. testatur se non venisse legem solvere, sed adimplere: Ergo.

Dist. ant. Non solvere quoad præcepta moralia quæ sunt legis naturalis & necessaria, Conc. Quoad ceremonialia, & judicialia, Subdist. Venit adimplere, quatenus gratiam, quam significabant, exhibuit, Conc. Quatenus eorum vim obligandi confirmavit, Nego ant. Hoc enim sensu illa abrogavit.

Q. 8. *Lex estne mutata & abrogata statim ab adventu Domini, aut ab ejus Baptismo.*

R. Non fuit mutata, nisi in Christi morte; quia Christus verbo & exemplo docuit legem esse servandam: verbo quidem, Matthæi 23. vers. 2. *Super Cathedram Moysi sederunt Scribæ, & Pharisei. Omnia ergo quæcumque dixerint vobis, servate, & facite*: exemplo quoque; quia ipse legem servavit, circumcissus est, oblatiis in templo, Pascha comedit, & omnia Judæorum Festa celebravit.

Dices: Luc. 16. v. 16. sic legitur: *Lex & Prophetæ usque ad Joannem*: Ergo.

Dist. ant. Lex & Prophetæ, quatenus prænuntiabant Christum venturum, Conc. Quatenus alia facienda, alia vitanda præcipiebant: Nego ant. Itaque voces illæ Prophetarum, *veniens veniet, qui avertat iniquitatem a Jacob*, cessarunt prædicante Joanne: *Ecce Agnus Dei, ecce qui tollit peccata mundi.*

Instabis: Atqui prædicante Joanne, legis præcepta non obligarunt; nam ex dictis, præcepta veteris legis ad Christum ducebant tanquam media ad finem, erantque figuræ futuri ejus adventus: ergo statim atque Christus se præsentem exhibuit, præcepta veteris legis evaserunt inutilia, immo & signa falsa ac superstitiosa.

Nego subsumptum, & ejus confirmationis antecedens dist. legis præcepta ad Christum deducebant, tanquam ad finem, ipsumque futurum prænuntiabant,

tanquam redemptorem Jacob: novi fœderis, & legis gratiæ auctorem, Conc. Deducebant ad Christum, ipsumque futurum prænuntiabant præcise & simpliciter, Nego antec. Porro Christus ante mortem nec redimit Jacob, nec novum Testamentum condidit, nec novam gratiæ legem sanxit, ac proinde lex toto illo tempore, quod Christi mortem præcessit, futura vere prænuntiabat.

Instabis iterum: Baptismus ante mortem Christi fuit institutus: ergo circumcisio exinde evasit inutilis & consequenter lex ipsa; cum legitime observari non posset, nisi a circumcisis. Ita fere Scotus.

Distinguo anteced. Baptismus fuit institutus, & non præceptus, Concedo: Fuit præceptus, Nego anteced. Unde neganda est consequentia, nam quamvis circumcisio non esset tunc necessaria ad delendum peccatum originale (si tamen illud unquam deleverit; quod suo loco examinabitur) non fuit propterea inutilis, cum proprius ejus effectus esset consignare populum Dei, & idoneum illum reddere ad caeremonialia legis præcepta observanda.

Q. 9. *Quando itaque lex fuit abrogata?*

Præiusquam huic quæstioni fiat satis, quatuor circumstantiæ temporis diligenter sunt distinguendæ. Prima, in qua lex nova fuit constituta, & vetus abrogata, Secunda, cum hujusmodi mutatio fuit promulgata. Tertia, quando lex vetus evasit ~~propterea~~ inutilis & obligare desit; ita tamen, ut ejus observatio non fuerit per se illicita & noxia. Quarta, cum lex evasit mortifera, & usus ejus omnino illicitus ac superstitiosus. His prænotatis,

R. 1. Lex abrogata est in morte Christi.

2. Mutatio ejus promulgata est die Pentecostes, & exinde obligare desit, utpote jam inutilis. 3. Observatio legis aliquandiu post Pentecosten fuit per se licita. 4. Evasit tandem mortifera & superstitiosa, quando Templum fuit destructum sub Vespasiano & Tito, quadraginta annis post mortem Christi.

Prima pars responsionis, nempe quod lex vetus in morte Christi abrogata fuerit & mortua, probatur: quia

quia quidquid in lege fuerat præmissum & præfiguratum, & in morte Christi completum est. Hinc Christus Spiritum mox emissurus ait Jo: 19. *Consummatum est*. Ex quibus verbis sic concludit S. Th. quest. 103. art. 3. ad 2. *Et ideo tunc totaliter debuerunt cessare legalia, quasi jam veritate eorum consummata*. Atque in hujusce rei signum velum Templi scissum esse communiter docent SS. Patres, ut S. Ambrosius lib. 10. in Luc. cap. 23. ubi sic habet; *Velum scinditur, quo mysteriorum Synagoga profanatio declaretur*. S. Augustinus, vel quivis Auctor serm. 114. de tempore, nunc in Appendice 143. *Velum templi scinditur, quia Synagoga honore nudatur: observatio antiqua dissolvitur, Ecclesie unitas præmonstratur*. S. Leo serm. 17. de Passione: Adeo tunc a lege ad Evangelium, a Synagoga ad Ecclesiam, a multis sacrificiis ad unam hostiam, quæ Deus est, evidens est facta translatio, ut emittente Domino spiritum, velum vi subita scinderetur.

Enimvero tum vetus Testamentum est revocatum, cum novum conditum est; tum lex antiqua abrogata, cum Sacerdotium Aaronicum fuit translatum; nam ex Apostolo Hebr. 7. v. 12. *Translato Sacerdotio, necesse est ut & legis translatio fiat*. Atqui in morte Christi novum Testamentum conditum esse probat Apostolus Hebr. 9. v. 16. & 17. his verbis: *Ubi testamentum est, mors necesse est intercedat testatoris; testamentum enim in mortuis confirmatum est, & cap. 10. v. 9. aufert primum, ut sequens statuat*. Sacerdotium etiam Aaronicum sublatum est, cum Christus novus Sacerdos secundum ordinem Melchisedech seipsum in Cruce obtulit, tamquam victimam æterno Patri, suæque oblatione, consummavit in æternum sanctificatos; ut loquitur Apostolus Hebr. 10. v. 14. Ergo lex vetus in morte Christi abrogata est.

Dices: Lex, quæ adhuc obligat, abrogata non est: atqui lex vetus post Passionem Christi obligavit Judæos, donec Evangelium promulgaretur; alioquin Judæi sine lege remansissent, defuisseque parvulis remedium contra peccatum originale. Unde S. Bernardus epist.

epist. 77. seu tractat. ad Hugonem, sic scribit: *Sansito quippe novi mysterii decreto, sed adhuc secreto, quisnam, queso, morientibus interim ad regnum pates accessus, dum & vetus jam defieit, quoniam a novo excluditur; & novum tamen non subvenit, quoniam dum nescitur, non percipitur? O infelicissima illa tempora, quae sola a seculis omni penitus salutis remedium vacua transierunt! Ergo.*

Nego major. Nam in civilibus lex antiqua, licet sit abrogata in consilio Principis, vim tamen habet obligandi, eisdemque parit effectus, donec abrogatio fuerit promulgata, ac proinde viguit remedium contra peccatum originale, quandiu novum Testamentum promulgatum non est.

Secunda pars, scilicet, quod in Pentecoste lex Evangelica promulgata sit, & exinde lex Mosáica obligare desierit, & inutilis evaserit, probatur, quia eo ipso die, quo Judæi recolebant gratam memoriam olim traditæ legis in monte Sina inter tonitrua & fulgura, ut figuræ veritas responderet, Spiritus Sanctus cum ingenti sonitu, & in flamma ignis descendit in monte Sion, novam legem proprio digito scripsit, non in tabulis lapideis sicut prius, sed in cordibus Fidelium: Apostoli Evangelii præcones designati, qui a passione Christi hæcenus latuerant, & ejus jussu siluerant, jam Spiritu sancto repleti loquuntur variis linguis, Deo sermonem eorum confirmante stupendis signis: efficaciam simul & necessitatem Baptismi prædicant: *Pœnitentiam agite*, inquit Apostolorum Princeps Actuum 2. 2. 38. *& baptizetur unusquisque vestrum in nomine Jesu Christi, in remissionem peccatorum vestrorum, & accipientis donum Spiritus Sancti.* Porro eo ipso, quo aperitur posterius Testamentum, præcedens, & leges in eo contentæ revocari censentur.

Dices 1. Fides in Christum est novi Testamenti præceptum: atqui Fides ante Pentecosten obligavit; Judæi quippe Christi sermonibus credere tenebantur: ergo lex nova ante Passionem obligavit.

Distinguo major. Fides est novi Testamenti, & veteris simul præceptum, Concedo: Est novi Testamenti præ-

præceptum proprium; Nego majorem: Nam Patriarchæ & Prophetæ credebant ea omnia futura, quæ Christiani credunt impleta: mutata sunt tempora, non ipsa fides; quæ eadem semper fuit.

Instabis: præceptum Baptismi fuit promulgatum Joann. 3. his verbis: *Nisi quis renatus fuerit ex aqua & Spiritu sancto, non potest introire in regnum Dei*; & exinde Apostoli Baptismum publice administrarunt; atqui Baptismo initiati, omnibus legis Evangelicæ præceptis astringuntur: ergo lex evangelica ante Passionem Christi obligavit, & circumcisione, seu quodvis remedium prius contra peccatum originale institutum evacuavit.

Nego majorem. Nam, ut ait Sanctus Bernardus laudata epistola, Christus in privato & familiari colloquio Nicodemum docuit, non quod tunc exigere; sed quod suo tempore prædicandum erat super tecta, Sic præceptum illud: *Nisi manducaveritis carnem Filii hominis, & biberitis ejus sanguinem, non habebitis vitam in vobis*, Joann. 6. Non præiens tempus, sed futurum denotabat; cum Christus nondum carnem suam in Sacramento exhiberet, sed tantum promitteret. Baptismus quidem ab initio prædicationis Christi fuit institutus, illumque Apostoli contulerunt tanquam remedium efficax, sed nondum necessarium ad eluendum peccatum originale; quia aliud remedium tunc temporis suppetebat, nimirum circumcisio, vel confessio fidei in Christum.

Dices 2. Si statim post Pentecosten inutile fuit vetus remedium contra peccatum originale, Evangelium pluribus parvulis nocuit: quam prodesse poterit: quot enim parvuli toto orbe terrarum non baptizati, mortui sunt antequam prædicatio Apostolorum ad eorum parentes pervenire potuerit? Ita ne ergo, inquit Sanctus Bernardus in opere jam laudato, *verbum salutis, præceptum vite non prius vitam restituere valuit, quam mortem inflixerit?*

R. 1. Duo certa sunt. Primum, promulgata lege irritante, statim irritos reddi actus, quos prohibet, nisi expresse terminum præfigat ad hunc effectum, quæ-

quemadmodum Decretum Tridentini irritans matrimonia clandestina, concedit triginta dies numerandos a prima die publicationis, priusquam ejusmodi matrimonia censeantur irrita, sess. 24. cap. 1. de Reform.

Secundum, ad debitam legis promulgationem satis esse, quod fiat communitati, nec requiri, ut ejus notitia ad singulos perveniat; alioquin semper esset dubitandi locus, num lex fuerit sufficienter promulgata, cum vix fieri possit, quin aliquis eam ignoret. Unde qui ex ignorantia Decreti Concilii Tridentini hodie matrimonium contraheret sine præsentia Parochi, nihilominus irritum foret ejus matrimonium. Porro lex Evangelica die Pentecostes sollemniter fuit promulgata Synagogæ; hæc enim promulgatio publice & cum sonitu facta est in primaria Judæorum civitate, quæ erat Sedes Principum Synagogæ, & in qua conveniant populi ex omni natione, quæ sub cælo est, Act. 2. Ergo inutile reddidit remedium contra peccatum originale prius institutum.

Supereſt tamen gravis difficultas, utrum remedium illud ex illa die irritum fuerit, tum apud Judæos per orbem dispersos, ad quos Evangelii promulgatio statim pervenire non potuit; tum apud Gentiles, ad quos sollemnis illa promulgatio pertinere non videbatur, cum Discipuli communiter ausi non fuerint ipsi Evangelium prædicare, donec eorum vocatio revelata est Sancto Petro, Actuum 11. & 12. Quare.

R. 2. Sanctus Bernardus laudato opere c. 2. contendit remedium contra peccatum originale in iis circumstantiis per aliquod tempus efficax fuisse: Sane, inquit, parvulis, & nedum ratione utentibus, quia sola nocere creditur peccati contagio, non etiam mandati prævaricatio, tandiu credendum est antiqua valuisse Sacramenta, quandiu palam interdicta fuisse non constiterit. An vero ultra, penes Deum est, non meum definire.

Hugo Victorinus sancti Doctoris sententiam amplexus est lib. 2. de Sacramentis, nec desunt Theologi, qui illam quoad priorem partem etiam nunc docent. Et ratio eorum est, quia in propositis circumstantiis notitia legis Evangelicæ ubique haberi non

potuit, saltem humano modo; ac proinde Deus salutem illorum parvulorum sufficienter providisse non videretur.

Dixi quoad priorem partem; Nam quoad posteriorem, ubi Sanctus Bernardus dubitat num circumcisio, aut fidei professio etiam nunc valeat parvulis, quorum parentes nihil audierunt de Evangelio, nullum potest esse dubium, quin sit prorsus inutilis, quia remote saltem prædicatio Evangelii ad omnes orbis partes pervenire potuit: quod autem actu & de facto non pervenerit, per accidens est, & ex defectu causarum secundarum.

Dices 3. Lex illa inutilis censi non debet, quam Apostoli observarunt, quamque observandam præceperunt, saltem in quibusdam capitibus; nefas enim est credere tam sanctos viros quidquam frustra & inutiliter egisse, ac præcepisse: atqui Apostoli post promulgatum Evangelium, legem observarunt ex concessis; & observandam præceperunt, ex cap. 15. Act. Abstineatis vos, inquit, vers. 29. ab immolatis simulacrorum, & sanguine & suffocato, & fornicatione; Ergo.

Distinguo major. Inutilis censi non debet ex opere operantis, Conc. Ex opere operato, Nego majorem. Deinde concessa minore, distingo similiter consequens: Lex non fuit inutilis ex opere operantis; hoc est, Apostoli non inutiliter observarunt, & a fidelibus observandam præceperunt, Concedo: Id enim præstiterunt propter honestum finem, & rationes supra allatas; ex opere operato, quasi lex per se vim haberet producendæ alicujus sanctitatis saltem legalis, Nego consequ.

Ergo inquit, post promulgatum Evangelium lex obligavit.

Distinguo: lex Apostolica, seu Ecclesiastica, Concedo: Mosaica, Nego. Igitur non Moyse, sed Apostoli jusserunt novos Christianos abstinere. 1. Ab idolothytis, hoc est, a cibis, qui Idolis immolati sunt, & quidem ad vitandum Judæorum scandalum, quibus talis usus idololatria videbatur, 2. A sanguine, sive

liquido ac potabili, sive in carne suffocata a contem-
to, ut Judæi (qui ab hujusmodi esu utpote a tem-
pore diluvii prohibito, maxime abhorrebant) facilius
ad Gentilium conversationem, & familiarem usum pel-
licerentur. 3. A fornicatione, quam Gentiles crimen
non opinabantur, quamvis jure naturali sit prohibita.
Quod autem hæc Apostolica constitutio quoad duo
priora capita, sit lata duntaxat ad vitandum Judæorum
scandalum, patet tum ex cap. 14. ad Rom. tum ex
cap. 10. 1. ad Corinth. Ubi Apostolus hujusmodi ei-
bis uti permittit, quando id fieri potest sine aliorum
scandalo. Constat tamen ex Conciliis Gangrensi, Au-
relianensi, & Wormatiensi, legem suffocatorum diu
post Apostolos viguisse quibusdam in locis, qui etiam
nunc apud Græcos observatur.

Tertia responsionis pars, nempe observationem le-
gis veteris aliquandiu post Pentecostem fuisse per se
licitam, probatur ex praxi Apostolorum, qui data
occasione legalia observarunt, Act. 10. v. 14. cum
audisset S. Petrus vocem de cælo dicentem sibi: *Occi-
de, & manduca*, scilicet, quæ secundum legem erant
immunda, respondit, *absit, Domine, quia nunquam
manducaui omne commune, & immundum*: Ergo hæ-
tenus abstinuerat a cibis per legem prohibitis: Actuum
16. Sanctus Paulus circumcidit Timotheum, Actuum
18. vers. 18. observat ceremonias Nazæzorum ex
voto: ergo non ex simulatione. Et cap. 21. vers. 23.
suadente sancto Jacobo & Senioribus, purificat se cum
aliis quatuor, juxta legis præscriptum: Ergo obser-
vatio veteris legis, quandiu vixerunt Apostoli, fuit
per se licita.

Dices 1. S. Hieronymus epistola, quæ est 55. in-
ter epistolas Sancti Augustini, multis probat, legem
veterum statim post promulgatum Evangelium fuisse
mortiferam, Petrum & alios Apostolos ea usos simu-
latorie, hoc est, non in honorem ejusdem legis, nec
ad Dei cultum, quemadmodum si quis nunc a suffo-
cato abstineret, non religionis, sed solius sanitatis
caussa, idque colligit ex cap. 2. vers. 13. Epistolæ
ad Galat. ubi sic legitur, *& simulationi ejus*. (Petri)

conferunt ceteri *Judei* ita ut *Barnabas* duceretur ab eis in illam simulationem. Additque Sanctus Doctor hujusmodi simulationem non fuisse vere reprehensibilem, reprehensam tamen a Paulo Gal. 2. sed in speciem, & ex composito, ut per eam *Judei* legalibus nimis addicti, intelligerent ea non amplius esse servanda. Ergo lex vetus tempore Apostolorum revera fuit mortifera.

Nego consequ. Fateor quidem S. Hieronymum prius fuisse in illa sententia; sed S. Augustinus ep. 82. alias 19. ineluctabilibus argumentis illum refellit. 1. quia nunquam licet mentiri etiam ad honestum finem: atqui illa dissimulatio fuisset verum mendacium, & inera deceptio. 2. Quia assumere signum falsæ Religionis, v. g. coram idolo thus incendere etiam sine animo colendi idolum, est grave crimen contra Religionem: atqui in hypothese S. Hieronymi, quod lex fuisset superstitiosa & mortifera. Apostoli legalia cum *Judeis* observantes, tanti criminis reos se constituerent: Ergo. 3. Quia per se malum est aliis præbere scandalum, & suo exemplo illos inducere ad peccandum: atqui si Apostoli animo simulatorio legalia, alioquin in se mortifera, servassent, alios suo exemplo ad peccandum induxissent, quod nefas est de tantis viris dicere aut credere, qui in gratia erant confirmati. Simulatio ergo Petri non fuit formalis, sed materialis duntaxat, hoc est, Petrus non observavit legalia animo simulandi; quamvis ejus agendi ratio minus cauta & prudens Gentilibus suspicionem injiceret legalia esse ad salutem necessaria; & ideo vere fuit reprehensibilis, ac seria fuit Pauli reprehensio: quod tandem Sanctus Hieronymus agnoscens, in sententiam sancti Augustini, quæ est communis Catholicorum, descendit, ut patet ex c. 8. lib. 1. quem scripsit contra Pelagianos, ubi probat exemplo Sancti Petri, Sanctos in hac vita non esse a peccatis venialibus immunes. *Paulus*, inquit, dicat de Petro, quod non recto pede incesse-
rit in Evangelii veritate; & in tantum reprehensibilis fuerit: ut & *Barnabas* adductus fuerit in eandem simulationem. Quis indignabitur id sibi denegari,
quod

quod *Princeps Apostolorum non habuit?* Hanc S. Doctō-
ris mutationem laudat S. August. Epist. 130. alias 260.

Istabis pro sententiā S. Hieronymi. Lex post pro-
mulgatum Evangelium non minus fuit mortifera tem-
pore Apostolorum, quam nostro: atqui negari non
potest quin hodie sit mortifera: Ergo.

Major probatur, quia alia non potest afferri ra-
tio, cur observatio legis nunc sit mortifera, etiam
in hypothesi quod non credatur ad salutem necessa-
ria, quam quod tota sit ad præfiguranda futura. Un-
de qui illam nunc observaret, videretur sperare cum
Judæis Christum venturum, & ea impleturum, quæ
in lege promissa sunt, sicque falsum & superstitiosum
cultum exhiberet: atqui hæc omnia contra observa-
tionem legis militans, etiam respectu Apostolorum,
qui cernebant impleta quæcunque lex prænuntiabat
futura; ergo lex non minus erat mortifera tem-
pore Apostolorum, quam nostro.

Nego majorem utriusque argumenti. Namque le-
galia dupliciter assumi possunt. 1. Ad spem erigen-
dam quod Deus aliquando impleturus sit, quod in
lege futurum præfiguravit. Et hic legalium usus a
promulgato Evangelio, est plane Judaicus, supersti-
tiosus & prorsus alienus ab Apostolorum mente. 2.
Ad Christianorum consolationem, & gratulationem,
quod cernant consummata, quæ antiquis figuris &
prophetiis fuerant prænuntiata. Et hac mente Apo-
stoli legalia cum Evangelio conjungere: Ecclesia quo-
que etiam nunc in publicis conventibus scripta Pro-
phetarum legis, Psalmos decantat, ubi Christus præ-
dicitur venturus, ut appareant consonantia legis ve-
teris cum nova, intelligantque Christiani hanc in il-
la contineri sicut veritatem in figura.

Cur ergo non licet nunc Ecclesiæ quod licuit Apo-
stolis, circumcisionem addere Baptismo, & Sacrificia
Aaronica Missæ Sacrificio? ratio repetenda est ex vo-
luntate Dei, qui usum illum nascente Ecclesia con-
cessit ad tempus, & jam firmata ac roborata prohi-
bit, saltem in iis, quæ in lege erant graviora, qua-
da sunt Sacrificia, circumcisio & alia Sacramenta.

Habert, Tom. III.

R

Hæc

Hæc autem Dei dispositio & ordinatio certo colligitur ex Ecclesiæ Traditione; constans enim est SS. Patrum doctrina nefas esse legalia cum Evangelio miscere: Si quis, inquit S. Ignatius epist. ad Philip. cum Judæis celebrat Pascha, aut symbola festivitatis eorum recipit, particeps est eorum qui Dominum occiderunt & Apostolos ejus. Similia habet S. Hieronym. epist. 7. & S. August. epist. 82. alias 19.

Dixi: Saltem in iis, quæ in lege erant graviora. Nam Ecclesia leviora quædam admittere posset, ut abstinentiam a sanguine & suffocato, quam diximus diu post Apostolos fuisse observatam pluribus in locis.

Dices 2. ait Apostolus Gal. 5. vers. 2. Si circumcimini, Christus vobis nihil proderit. Vers. 4. Evacuati estis a Christo, quod in lege justificamini, a gratia excidisti. Vers. 9. modicum fermentum tota massa corrumpit; hoc est, minima legis observatio Evangelium Christi pervertit. Vers. 11. testatur se multas sustinuisse persecutiones, ex eo quod strenue se opposeret ejusmodi illicitæ mixtionis legis cum Evangelio: Si circumcisionem adhuc prædico, quid adhuc persecutionem patior? Et cap. 2. ejusdem epist. vers. 3. & 5. restitit subdolis fratribus, qui Titum circumcidere volebant: Sed neque, inquit, Titus qui mecum erat... compulsus est circumcidi... neque ad horam cessimus subjectione, ut veritas Evangelii permaneat apud vos. Ergo observatio legis tempore Apostolorum vere fuit illicita & mortifera.

R. 1. Apostolus secum conciliari debet; quis enim credat eum propterea evacuatum esse a Christo, & ab ejus gratia excidisse quod non semel, sed sæpissime legalia observaverit?

S. Hieronymus, cum serveret controversia inter ipsum & S. Augustinum, sic Apostolum conciliandum arbitrabatur; nempe, inquit ille, Apostolus legalia simulatorie ac in speciem observavit, serio vero rejicit ac reprobavit. Sed S. Augustinus laudata ep. 82. illum refellit argumento ad hominem: Decepit ergo Theopneustem, inquit, & fecit nihil ei prodesse Christum? nam quia hoc fallaciter factum est, ideo non obsuit?

R. 2.

R. 2. Cum eodem S. Augustino circumcisio & alia legalia erant licita, non ex necessitate salutis, sed ex consuetudine solemnitatis, idest, fas non erat legalia usurpare, vel tanquam necessaria ad salutem, veluti signa Christi venturi & expectandi, sed licite & gravibus ex causis Apostoli usurparunt legalia, tanquam ceremonias præcise a Deo institutas ad suum cultum. 1. Ut Judæos suis ritibus valde addictos facilius adducerent ad Evangelium. 2. Ut amputarens occasionem Hæreticis docendi legem veterem malam fuisse. 3. Ut honorifice sepeliretur Synagoga, nec videretur tanquam cadaver hominis damnati & ignominie præjicienda. Porro Apostolus locis in objectione citatis, insurgit adversus æmulos, qui plures seducebant, docentes neminem sine circumcisione, & aliis legis ceremoniis per Christum salvari posse, quod est falsissimum, & hæreticum.

Quarta pars responsionis, nimirum legem evasisse motuiferam a destructione Templi Jerosolymitani, probatur: tum quia Synagoga fuit tunc temporis sepulta, & omnino extincta; ex tunc enim cessarunt sacrificia Aaronica, & alia Judæorum sollemnia: tum quia Evangelium jam erat prædicatum in universa creatura, quæ sub cælo est, quemadmodum loquitur Apostolus in epist. ad Coloss. c. 1. v. 23.

Q. 10. *Peccavitne S. Petrus per illam simulationem, quam reprehendit S. Paulus? Gal. 2.*

R. Certum est eum lethalter non peccasse; erat enim confirmatus in gratia, sicut ceteri Apostoli, post descensum Spiritus Sancti. Peccatum ergo, si quod in illo fuit, veniale dumtaxat extitit, scilicet ex inadvertentia.

Dixi, si quod in illo fuit: Nam Baronius, & alii nonnulli opinantur S. Petrum nequidem venialiter peccasse, nisi materialiter, quia inadvertentia fuit in illo invincibilis, & nullatenus voluntaria. Sed sancti Hieronymus & Augustinus locis supra citatis illum non excusant a peccato veniali. Quidquid sit, & iusta fuit S. Paulo reprehendendi causa, ut jam ostendimus, & exemplum in S. Petro humilitatis exemplum, ut qui

passus sit publice in se corrigi ; quod minus rectum videbatur : *Rarius*, inquit S. August. laudata Epist. 82. & *sanctius exemplum* Petrus posteris præbuit, quo non dedignarentur a posterioribus corrigi, quam Paulus, quo confidenter auderent minores majoribus pro defendenda veritate, salva caritate, resistere.

Q. 11. Licebatne æque Gentilibus ad fidem conversis, ac Judæis usurpare legalia?

R. Absolute licebat. Ita S. Augustinus expositione in Epist. ad Gal. *Quamvis*, inquit, Titus Græcus esset, & nulla eum consuetudo, aut cognatio parentum circumcidi cogeret, sicut Timotheum; facile tamen & istum circumcidi permisisset Apostolus; non enim tali circumcissione dicebat salutem auferri. Sed si in ea constitueretur spes salutis, hoc esse contra salutem ostendebat: poterat ergo, ut superfluum æquo animo tolerare. Propter subintroductos autem falsos fratres (qui circumcisionem necessariam ad salutem prædicabant) non est compulsus Titus circumcidi, id est, non ei potuit extorqueri, ut circumcideretur; quia illi vehementer observabant, & cupiebant circumcidi Titum, ut jam circumcisionem, & ipsius Pauli attestatione & consensione tanquam saluti necessaria prædicarent.

Responsionis autem ratio est, quia ante promulgatum Evangelium, Gentilibus licuit amplecti legem veterem: ergo & post promulgatum id eis licitum fuit, donec evaderet mortifera; nulla enim extat prohibitio ipsis specialiter facta; immo Apostoli Act. 15. eo ipso, quo ex legalibus nonnulla, tanquam necessaria Gentilibus imponunt, videntur ei liberum relinquere cetera vel observare, vel prætermittere.

Dixi, *absolute licebat*: Quia per accidens minus licebat Gentilibus, quam Judæis legalia assumere; Judæi quippe facile præsumebantur ea frequentare ex consuetudine, non vero ex necessitate: sed non videbatur, cur Gentiles onus tam grave subire vellent, nisi illud ad salutem necessarium existimassent; ac proinde per accidens & ratione scandali, circumcisio, & aliæ legis cæremoniæ minus in Gentilibus, quam in Judæis erant tolerandæ.

C A P U T XV.

De Lege Evangelica.

Constat ex dictis capite præcedenti, 1. Legem Evangelicam esse divinam, haberetque Christum auctorem; nullatenus vero Joannem Baptistam, ut qui nullam legem tulerit, quæ Christianos obliget: Baptismus enim, quem instituit, non erat Sacramentum, sed dispositio ad Baptismum Christi, ubi dicitur, ubi de Baptismo. 2. Legem Evangelicam die Pentecostes fuisse promulgatam, saltem Judæis, conditam vero non uno & eodem tempore, sed successive; nam Baptismus institutus est initio prædicationis Christi, Eucharistia pridie quam pateretur, & plura alia, ut Sacramentum Pœnitentiæ, post Resurrectionem; adeout lex Evangelica non fuerit integre condita, nisi circa Christi Ascensionem. 3. Legem Evangelicam non obligasse ante diem Pentecostes, cum prius non fuerit promulgata; potuit tamen esse utilis, nam Baptismus & Eucharistia habuerunt vim sanctificandi statim atque instituta sunt.

Judæi quidem tenebantur credere Christo prædicanti, & per varia signa confessanti se a Patre missum, neminem salvatum iri, nisi renasceretur ex aqua & Spiritu Sancto, vitamque æternam habiturum, nisi manducaret carnem Filii hominis, & biberet ejus sanguinem, &c. quia ratio naturalis dicat credendum vera dicenti & probanti, nec ad id requiritur promulgatio, quemadmodum requiritur, ut præcepta positiva mores & cæremonias spectantia vim habeant obligandi. Unde Judæi ante passionem debuerunt credere necessitatem præcipiendi aliquando Baptismum & Eucharistiam; sed nulla necessitas, nullave obligatio fuit eis imposita, nisi post Pentecosten; suscipiendi illa Sacramenta. Sic absoluto Concilio Tridentino, sed nondum promulgato, qui noverat illud fuisse œcumenicum, tenditur credere, quæ in eo tanquam de fide erant definita, non vero servare, quæ circa mores noverat sancita.

His facilioribus jam elucidatis & stabilis, alia graviora occurrunt expendenda, ac 1. quidem quid sit proprie lex Evangelica & in quo præcipue consistat? 2. Utrum sit præceptiva? 3. Utrum sit aliâ a lege veteri? 4. An sit durior ac severior? 5. An sit aliquando mutanda?

§. I.

Quid sit lex Evangelica, & in quo consistat?

Advertes 1. legem Evangelicam ex S. Thoma hic quæst. 106. art. 1. dupliciter spectari posse, scilicet, vel in se præcise, vel in signo. Quemadmodum enim testamentum sumitur, vel pro ipsa dispositione & donatione Testatoris, vel pro scriptura, qua testator utitur tanquam signo & instrumento, ut notum faciat hanc ultimam fuisse suæ voluntatis dispositionem; ita lex Evangelica, quæ dicitur novum Dei Testamentum, dupliciter accipi potest. 1. Pro ipsamet Christi dispositione & ordinatione. 2. Pro doctrina, quæ nobis explicuit divitias suæ donationis.

Advertes 2. ex eodem S. Doctore loco citato, legem Evangelicam præcipue consistere in ipsa Christi dispositione, & charismatum largitione; doctrinam vero esse quid secundarium. Et, ut loquitur S. Doctor, quoddam dispositivum: verba illius sunt, *quod est potissimum in lege novi Testamenti, & in quo tota virtus ejus consistit, est gratia Spiritus Sancti, quæ datur per fidem Christi: & ideo principaliter lex nova est ipsa gratia Spiritus Sancti... habet tamen lex nova quædam sicut dispositiva ad gratiam Spiritus Sancti & ad usum hujus gratiæ pertinentia, quæ sunt quasi secundaria in lege nova, de quibus oportuit instrui fideles Christi & verbis scriptis, tam circa credenda quam circa agenda. Ex quibus concludit Angelicus Doctor, legem Evangelicam dicendam inditam, non vero traditam; & in eo distingui a veteri, quod ista simpliciter dicatur scripta, illa vero indita. Enimvero res quælibet denominanda est ab eâ, quod in illa excellit &*
homo.

homo v. gr. simpliciter dicitur rationalis, nec sine aliqua contumelia vocaretur absolute animal, quia ratio illum supra omnia sensitiva extollit: ergo cum gratia sit quid præcipuum in lege Evangelica, nec per litteram seu scripturam tradatur, sed per Spiritum sanctum infundatur, absolute dicendum est legem Evangelicam esse inditam.

Nec refert, quod lex Evangelica magna ex parte sit scriptis exarata; namque lex naturalis, quam constat naturæ rationali esse inditam, fuit postmodum scripta in tabulis lapideis: ut carnales, circa exteriora effusi, extrinsecus saltem audirent, quod intus in corde insculptum legere negligebant; ita consentaneum fuit, ut lex Evangelica, quæ cum non sit innata sicut naturalis, sed naturæ rationali superaddita, per peccatum deleri potest, & excidere, non solum ex hominum cordibus, sed etiam ex eorum memoria, scripto traderetur. Ergo cum illa Scriptura sit quid secundarium in lege Evangelica, illa lex æque dici debet indita, ac lex naturalis, maxime cum sine scriptis fuerit condita, promulgata, & fere ubique recepta. His prænotatis, ad propositam quæstionem

R. Lex Evangelica; describi potest, gratia per Spiritum sanctum cordibus indita, quæ creduntur & amantur quæ Christus verbo tradidit.

Dicitur 1. *gratia*; de ea enim sic cecinit Zacharias cap. 12. v. 10. *effundum super domum David, & super habitatores Jerusalem Spiritum gratie & precum*; quod impletum esse die Pentecostes, quo promulgata est lex Evangelica, docent S. Hieronymus, Theodoretus, & alii. Sic etiam Sanctus Joannes legem Evangelicam indigitavit s. 1. v. 17. *Lex per Moysen data est: gratia & veritas per Jesum Christum facta est*: hoc est, Moyses per legem præcepta dedit; Christus per Evangelium obedientiam contulit: Moyses cupiditatem prohibuit, quæ ipsa prohibitionis occasione amplius exarsit; Christus per Evangelium infundendo caritatem expulit cupiditatem. *Lex ergo Dei*, inquit Sanctus Augustinus lib. de spiritu & litera cap. 17. *est veritas . . . cum in tabulis scribuntur opera caritatis*:

conferunt ceteri Judæi ita ut Barnabas duceretur ab eis in illam simulationem. Additque Sanctus Doctor hujusmodi simulationem non fuisse vere reprehensibilem, reprehensam tamen a Paulo Gal. 2. sed in speciem, & ex composito, ut per eam Judæi legalibus nimis addicti, intelligerent ea non amplius esse servanda. Ergo lex vetus tempore Apostolorum revera fuit mortifera.

Nego consequi. Fateor quidem S. Hieronymum prius fuisse in illa sententia; sed S. Augustinus ep. 82. alias 19. ineluctabilibus argumentis illum refellit. 1. quia nunquam licet mentiri etiam ad honestum finem: atque illa dissimulatio fuisset verum mendacium, & mera deceptio. 2. Quia assumere signum falsæ Religionis, v. g. coram idolo thus incendere etiam sine animo colendi idolum, est grave crimen contra Religionem: atque in hypothese S. Hieronymi, quod lex fuisset superstitiosa & mortifera. Apostoli legalia cum Judæis observantes, tanti criminis reos se constituerent: Ergo. 3. Quia per se malum est aliis præbere scandalum, & suo exemplo illos inducere ad peccandum: atque si Apostoli animo simulatorio legalia, alioquin in se mortifera, servassent, alios suo exemplo ad peccandum induxissent, quod nefas est de tantis viris dicere aut credere, qui in gratia erant confirmati. Simulatio ergo Petri non fuit formalis, sed materialis duntaxat, hoc est, Petrus non observavit legalia animo simulandi; quamvis ejus agendi ratio minus cauta & prudens Gentilibus suspicionem injiceret legalia esse ad salutem necessaria; & ideo vere fuit reprehensibilis, ac seria fuit Pauli reprehensio: quod tandem Sanctus Hieronymus agnoscens, in sententiam sancti Augustini, quæ est communis Catholicorum, descendit, ut patet ex c. 8. lib. 1. quem scripsit contra Pelagianos, ubi probat exemplo Sancti Petri, Sanctos in hac vita non esse a peccatis venialibus immunes. *Paulus, inquit, dicat de Petro, quod non recto pede incesse- rit in Evangelii veritate; & in tantum reprehensibilis fuerit: ut & Barnabas adductus fuerit in eandem simulationem. Quis indignabitur id sibi denegari, quod*

quod *Principes Apostolorum non habuit?* Hanc S. Doctoris mutationem laudat S. August. Epist. 130. alias 260.

Instabis pro sententia S. Hieronymi. Lex post promulgatum Evangelium non minus fuit mortifera tempore Apostolorum, quam nostro: atqui negari non potest quin hodie sit mortifera: Ergo.

Major probatur, quia alia non potest afferri ratio, cur observatio legis nunc sit mortifera, etiam in hypothese quod non credatur ad salutem necessaria, quam quod tota sit ad præfiguranda futura. Unde qui illam nunc observaret, videretur sperare cum Judæis Christum venturum, & ea impleturum, quæ in lege promissa sunt, sicque falsum & superstitiosum cultum exhiberet: atqui hæc omnia contra observationem legis militant, etiam respectu Apostolorum, qui cernebant impleta quæcunque lex prænuntiabat futura; ergo lex non minus erat mortifera tempore Apostolorum, quam nostro.

Nego majorem utriusque argumenti. Namque legalia dupliciter assumi possunt. 1. Ad spem erigendam quod Deus aliquando impleturus sit, quod in lege futurum præfiguravit. Et hic legalium usus à promulgato Evangelio, est plane Judaicus, superstitiosus & prorsus alienus ab Apostolorum mente. 2. Ad Christianorum consolationem, & gratulationem, quod cernant consummata, quæ antiquis figuris & prophetiis fuerant prænunciata. Et hac mente Apostoli legalia cum Evangelio conjungere: Ecclesia quoque etiam nunc in publicis conventibus scripta Prophetarum legit, Psalmos decantat, ubi Christus prædicitur venturus, ut appareant consonantia legis veteris cum nova, intelligantque Christiani hanc in illa contineri sicut veritatem in figura.

Cur ergo non licet nunc Ecclesiæ quod licuit Apostolis, circumcisionem addere Baptismo, & Sacrificia Aaronica Missæ Sacrificio? ratio repetenda est ex voluntate Dei, qui usum illum nascente Ecclesia concessit ad tempus, & jam firmata ac roborata prohibuit, saltem in iis, quæ in lege erant graviora, quæ sunt Sacrificia, circumcisio & alia Sacramenta.

Habert, Tom. III.

R

Hæc

Hæc autem Dei dispositio & ordinatio certo colligitur ex Ecclesiæ Traditione; constans enim est SS. Patrum doctrina nefas esse legalia cum Evangelio miscere: Si quis, inquit S. Ignatius epist. ad Philip. cum Judæis celebrat Pascha, aut symbola festivitatis eorum recipit, particeps est eorum qui Dominum occiderunt & Apostolos ejus. Similia habet S. Hieronym. epist. 7. & S. August. epist. 82. alias 19.

Dixi: Saltem in iis, quæ in lege erant graviora: Nam Ecclesia leviora quædam admittere posset, ut abstinentiam a sanguine & suffocato, quam diximus diu post Apostolos fuisse observatam pluribus in locis.

Dicens 1. ait Apostolus Gal. 5. vers. 2. Si circumcimini, Christus vobis nihil proderit. Vers. 4. Evacuati estis a Christo, quod in lege justificamini, a gratia excidisti. Vers. 9. modicum fermentum tota massa corrumpit; hoc est, minima legis observatio Evangelium Christi pervertit. Vers. 11. testatur se multas sustinuisse persecutiones, ex eo quod strenue se opponeret ejusmodi illicitæ mixtionis legis cum Evangelio: Si circumcisionem adhuc prædico, quid adhuc persecutionem patier? Et cap. 2. ejusdem epist. vers. 3. & 5. restitit subdolis fratribus, qui Titum circumcidere volebant: Sed neque, inquit, Titus qui mecum erat... compulsus est circumcidi... neque ad horam cessimus subjectione, ut veritas Evangelii permaneat apud vos. Ergo observatio legis tempore Apostolorum vere fuit illicita & mortifera.

R. 1. Apostolus secum conciliari debet; quis enim credat eum propterea evacuatum esse a Christo, & ab ejus gratia excidisse quod non semel, sed sæpissime legalia observaverit?

S. Hieronymus, cum serveret controversia inter ipsum & S. Augustinum, sic Apostolum conciliandum arbitrabatur; nempe, inquiebat ille, Apostolus legalia simulacrorie ac in speciem observavit, serio vero rejicit ac reprobavit. Sed S. Augustinus laudata ep. 82. illum refellit argumento ad hominem: Decepit ergo Timotheum, inquit, & fecit nihil ei prodesse Christum? an quia hoc fallaciter factum est, ideo non obsuit?

R. 2.

R. 2. Cum eodem S. Augustino circumcisio & alia legalia erant licita, non ex necessitate salutis, sed ex consuetudine sollemnitatis, idest, fas non erat legalia usurpare, vel tanquam necessaria ad salutem, veluti signa Christi venturi & expectandi, sed licite & gravibus ex causis Apostoli usurparunt legalia, tanquam ceremonias precise a Deo institutas ad suum cultum. 1. Ut Judæos suis ritibus valde addictos facilius adducerent ad Evangelium. 2. Ut amputarent occasionem Hæreticis docendi legem veterem malam fuisse. 3. Ut honorifice sepeliretur Synagoga, nec videretur tanquam cadaver hominis damnati & inglorii projicienda. Porro Apostolus locis in objectione citatis, insurgit adversus æmulos, qui plures seducebant, docentes neminem sine circumcissione, & aliis legis ceremonialis per Christum salvari posse, quod est falsissimum, & hæreticum.

Quarta pars responsionis, nimirum legem evasisse mortiferam a destructione Templi Jerosolymitani, probatur: tum quia Synagoga fuit tunc temporis sepulta, & omnino extincta; ex tunc enim cessarunt sacrificia Aaronica, & alia Judæorum sollemnia: tum quia Evangelium jam erat prædicatum in universa creatura, quæ sub cælo est, quemadmodum loquitur Apostolus in epist. ad Coloss. c. i. v. 23.

Q. 10 Peccavitne S. Petrus per illam simulationem, quam reprehendit S. Paulus? Gal. 2.

R. Certum est eum lethaliter non peccasse; erat enim confirmatus in gratia, sicut ceteri Apostoli, post descensum Spiritus Sancti. Peccatum ergo, si quod in illo fuit, veniale dumtaxat extitit, scilicet ex inadvertentia.

Dixi, si quod in illo fuit: Nam Baronius, & alii nonnulli opinantur S. Petrum nequidem venialiter peccasse, nisi materialiter, quia inadvertentia fuit in illo invincibilis, & nullatenus voluntaria. Sed sancti Hieronymus & Augustinus locis supra citatis illum non excusant a peccato veniali. Quidquid sit, & iusta fuit S. Paulo reprehendendi causa, ut jam ostendimus, & exemplum in S. Petro humilitatis exemplum, ut qui

passus sit publice in se corrigi , quod minus rectum videbatur : *Rarius*, inquit S. August. laudata Epist. 82. & sanctius exemplum Petrus posteris præbuit , quo non dedignarentur a posterioribus corrigi , quam Paulus , quo confidenter auderent minores majoribus pro defendenda veritate , salva caritate , resistere .

Q. 11. Licebatne æque Gentilibus ad fidem conversis , ac Judæis usurpare legalia ?

R. Absolute licebat . Ita S. Augustinus expositione in Epist. ad Gal. Quamvis , inquit , Titus Græcus esset , & nulla eum consuetudo , aut cognatio parentum circumcidi cogeret , sicut Timotheum ; facile tamen & istum circumcidi permisisset Apostolus ; non enim tali circumcisione dicebat salutem auferri . Sed si in ea constitueretur spes salutis , hoc esse contra salutem ostendebat : poterat ergo , ut superfluum æquo animo tolerare . Propter subintroductos autem falsos fratres (qui circumcisionem necessariam ad salutem prædicabant) non est compulsus Titus circumcidi , id est , non ei potuit extorqueri , ut circumcideretur ; quia illi vehementer observabant , & cupiebant circumcidi Titum , ut jam circumcisionem , & ipsius Pauli attestatione & consensione tanquam salutis necessaria prædicarent .

Responsionis autem ratio est , quia ante promulgatum Evangelium , Gentilibus licuit amplecti legem veterem : ergo & post promulgatum id eis licitum fuit , donec evaderet mortifera ; nulla enim extat prohibitio ipsis specialiter facta ; immo Apostoli Act. 15. eo ipso , quo ex legalibus nonnulla , tanquam necessaria Gentilibus imponunt , videntur ei liberum relinquere cetera vel observare , vel prætermittere .

Dixi , absolute licebat : Quia per accidens minus licebat Gentilibus , quam Judæis legalia assumere ; Judæi quippe facile præsumebantur ea frequentare ex consuetudine , non vero ex necessitate : sed non videbatur , cur Gentiles onus tam grave subire vellent , nisi illud ad salutem necessarium existimassent ; ac proinde per accidens & ratione scandali , circumcisio , & aliæ legis ceremoniæ minus in Gentilibus , quam in Judæis erant tolerandæ .

C A P U T XV.

De Lege Evangelica.

Constat ex dictis capite præcedenti, 1. Legem Evangelicam esse divinam, haberetque Christum auctorem; nullatenus vero Joannem Baptistam, ut qui nullam legem tulerit, quæ Christianos obliget: Baptismus enim, quem instituit, non erat Sacramentum, sed dispositio ad Baptismum Christi, ubi dicitur, ubi de Baptismo. 2. Legem Evangelicam die Pentecostes fuisse promulgatam, saltem Judæis, conditam vero non uno & eodem tempore, sed successive; nam Baptismus institutus est initio prædicationis Christi, Eucharistia pridie quam pateretur, & plura alia, ut Sacramentum Pœnitentiæ, post Resurrectionem; adeout lex Evangelica non fuerit integre condita, nisi circa Christi Ascensionem. 3. Legem Evangelicam non obligasse ante diem Pentecostes, cum prius non fuerit promulgata; potuit tamen esse utilis, nam Baptismus & Eucharistia habuerunt vim sanctificandi statim atque instituta sunt.

Judæi quidem tenebantur credere Christo prædicanti, & per varia signa contestanti se a Patre missum, neminem salvatum iri, nisi renasceretur ex aqua & Spiritu Sancto, vitamque æternam habiturum, nisi manducaret carnem Filii hominis, & biberet ejus sanguinem, &c. quia ratio naturalis dicat credendum vera dicenti & probanti, nec ad id requiritur promulgatio, quemadmodum requiritur, ut præcepta positiva mores & cæremonias spectantia vim habeant obligandi. Unde Judæi ante passionem debuerunt credere necessitatem præcipiendi aliquando Baptismum & Eucharistiam; sed nulla necessitas, nullave obligatio fuit eis imposita, nisi post Pentecosten, suscipiendi illa Sacramenta. Sic absoluto Concilio Tridentino, sed nondum promulgato, qui noverat illud fuisse œcumenicum, tenditur credere, quæ in eo tanquam de fide erant definita, non vero servare, quæ circa mores noverat sancita.

His facilioribus jam elucidatis & stabilis, alia graviora occurrunt expendenda, ac 1. quidem quid sit proprie lex Evangelica & in quo præcipue consistat? 2. Utrum sit præceptiva? 3. Utrum sit aliâ a lege veteri? 4. An sit durior ac severior? 5. An sit aliquando mutanda?

§. I.

Quid sit lex Evangelica, & in quo consistat?

Advertes 1. legem Evangelicam ex S. Thoma hic quæst. 106. art. 1. dupliciter spectari posse, scilicet, vel in se præcise, vel in signo. Quemadmodum enim testamentum sumitur, vel pro ipsa dispositione & donatione Testatoris, vel pro scriptura, qua testator utitur tanquam signo & instrumento, ut notum faciat hanc ultimam fuisse suæ voluntatis dispositionem; ita lex Evangelica, quæ dicitur novum Dei Testamentum, dupliciter accipi potest. 1. Pro ipsamet Christi dispositione & ordinatione. 2. Pro doctrina, qua nobis explicuit divitias suæ donationis.

Advertes 2. ex eodem S. Doctore loco citato, legem Evangelicam præcipue consistere in ipsa Christi dispositione, & charismatum largitione; doctrinam vero esse quid secundarium. Et, ut loquitur S. Doctor, quoddam dispositivum: verba illius sunt, *quod est potissimum in lege novi Testamenti, & in quo tota virtus ejus consistit, est gratia Spiritus Sancti, quæ datur per fidem Christi: & ideo principaliter lex nova est ipsa gratia Spiritus Sancti... habet tamen lex nova quædam sicut dispositiva ad gratiam Spiritus Sancti & ad usum hujus gratiæ pertinentia, quæ sunt quasi secundaria in lege nova, de quibus oportuit instrui fideles Christi & verbis scriptis, tam circa credenda quam circa agenda*. Ex quibus concludit Angelicus Doctor, legem Evangelicam dicendam inditam, non vero traditam; & que in eo distingui a veteri, quod ista simpliciter dicatur scripta, illa vero indita. Enimvero res quælibet denominanda est ab eâ, quod in illa excellit: homo.

homo v. gr. simpliciter dicitur rationalis, nec sine aliqua contumelia vocaretur absolute animal, quia ratio illum supra omnia sensitiva extollit: ergo cum gratia sit quid præcipuum in lege Evangelica, nec per litteram seu scripturam tradatur, sed per Spiritum sanctum infundatur, absolute dicendum est legem Evangelicam esse inditam.

Nec refert, quod lex Evangelica magna ex parte sit scriptis exarata; namque lex naturalis, quam constat naturæ rationali esse inditam, fuit postmodum scripta in tabulis lapideis: ut carnales, circa exteriora effusi, extrinsecus saltem audirent, quod intus in corde insculptum legere negligebant; ita consentaneum fuit, ut lex Evangelica, quæ cum non sit innata sicut naturalis, sed naturæ rationali superaddita, per peccatum deleri potest, & excidere, non solum ex hominum cordibus, sed etiam ex eorum memoria, scripto traderetur. Ergo cum illa Scriptura sit quid secundarium in lege Evangelica, illa lex æque dici debet indita, ac lex naturalis, maxime cum sine scriptis fuerit condita, promulgata, & fere ubique recepta. His prænotatis, ad propositam quæstionem

R. Lex Evangelica, describi potest, gratia per Spiritum sanctum cordibus indita, quæ creduntur & amantur quæ Christus verbo tradidit.

Dicitur 1. gratia; de ea enim sic cecinit Zacharias cap. 12. v. 10. *effundum super domum David, & super habitatores Jerusalem Spiritum gratiæ & precum*; quod impletum esse die Pentecostes, quo promulgata est lex Evangelica, docent S. Hieronymus, Theodoretus, & alii. Sic etiam Sanctus Joannes legem Evangelicam indigitavit s. 1. v. 17. *Lex per Moysen data est: gratia & veritas per Jesum Christum facta est*: hoc est, Moyses per legem præcepta dedit; Christus per Evangelium obedientiam contulit: Moyses cupiditatem prohibuit, quæ ipsa prohibitionis occasione amplius exarsit; Christus per Evangelium infundendo caritatem expulit cupiditatem. Lex ergo Dei, inquit Sanctus Augustinus lib. de spiritu & litera cap. 17. *est veritas . . . cum in tabulis scribuntur opera caritatis*:

potuit, saltem humano modo; ac proinde Deus salutem illorum parvulorum sufficienter providisse non videretur.

Dixi quoad priorem partem; Nam quoad posteriorem, ubi Sanctus Bernardus dubitat num circumcisio, aut fidei professio etiam nunc valeat parvulis, quorum parentes nihil audierunt de Evangelio, nullum potest esse dubium, quin sit prorsus inutilis, quia remote saltem prædicatio Evangelii ad omnes orbis partes pervenire potuit: quod autem actu & de facto non pervenerit, per accidens est, & ex defectu causarum secundarum.

Dices 3. Lex illa inutilis censi non debet, quam Apostoli observarunt, quamque observandam præceperunt, saltem in quibusdam capitibus; nefas enim est credere tam sanctos viros quidquam frustra & inutiliter egisse, ac præcepisse: atqui Apostoli post promulgatum Evangelium, legem observarunt ex concessis; & observandam præceperunt, ex cap. 15. Act. *Abstineatis vos*, inquit, vers. 29. *ab immolatis simulacrorum, & sanguine & suffocato, & fornicatione*; Ergo.

Distinguo major. Inutilis censi non debet ex opere operantis, Conc. Ex opere operato, Nego majorem. Deinde concessa minore, distingo similiter consequens: Lex non fuit inutilis ex opere operantis; hoc est, Apostoli non inutiliter observarunt, & a fidelibus observandam præceperunt, Concedo: Id enim præstiterunt propter honestum finem, & rationes supra allatas; ex opere operato, quasi lex per se vim haberet producendæ alicujus sanctitatis saltem legalis, Nego consequ.

Ergo inquires, post promulgatum Evangelium lex obligavit.

Distinguo: lex Apostolica, seu Ecclesiastica, Concedo: Mosaica, Nego. Igitur non Moyses, sed Apostoli jusserunt novos Christianos abstinere. 1. Ab idolothytis, hoc est, a cibis, qui Idolis immolati sunt, & quidem ad vitandum Judæorum scandalum, quibus talis esus idololatria videbatur. 2. A sanguine, sive
li-

liquido ac potabili, sive in carne suffocata & contento, ut Judæi (qui ab hujusmodi esu utpote a tempore diluvii prohibito, maxime abhorrebant) facilius ad Gentilium conversationem, & familiarem usum pellicerantur. 3. A fornicatione, quam Gentiles crimen non opinabantur, quamvis jure naturali sit prohibita. Quod autem hæc Apostolica constitutio quoad duo priora capita, sit lata duntaxat ad vitandum Judæorum scandalum, patet tum ex cap. 14. ad Rom. tum ex cap. 10. 1. ad Corinth. Ubi Apostolus hujusmodi cibis uti permittit, quando id fieri potest sine aliorum scandalo. Constat tamen ex Conciliis Gangrensi, Aurelianensi, & Wormatiensi, legem suffocatorum diu post Apostolos viguisse quibusdam in locis, qui etiam nunc apud Græcos observatur.

Tertia responsionis pars, nempe observationem legis veteris aliquandiu post Pentecostem fuisse per se licitam, probatur ex praxi Apostolorum, qui data occasione legalia observarunt, Act. 10. v. 14. cum audisset S. Petrus vocem de cælo dicentem sibi: *Occide, & manduca*, scilicet, quæ secundum legem erant immunda, respondit, *absit, Domine, quia nunquam manducaui omne commune, & immundum*: Ergo hactenus abstinuerat a cibis per legem prohibitis: Actuum 16. Sanctus Paulus circumcidit Timotheum, Actuum 18. vers. 18. observat caeremonias Nazæzorū ex voto: ergo non ex simulatione. Et cap. 21. vers. 23. suadente sancto Jacobo & Senioribus, purificat se cum aliis quatuor, juxta legis præscriptum: Ergo observatio veteris legis, quandiu vixerunt Apostoli, fuit per se licita.

Dices 1. S. Hieronymus epistola, quæ est 55. inter epistolas Sancti Augustini, multis probat, legem veterum statim post promulgatum Evangelium fuisse mortiferam, Petrum & alios Apostolos ea usos simulatione, hoc est, non in honorem ejusdem legis, nec ad Dei cultum, quemadmodum si quis nunc a suffocato abstineret, non religionis, sed solius sanitatis causa, idque colligit ex cap. 2. vers. 13. Epistolæ ad Galat. ubi sic legitur, & *simulationi ejus* (Petri)

consenserunt ceteri *Judæi* ita ut *Barnabas* duceretur ab eis in illam simulationem. Additque Sanctus Doctor hujusmodi simulationem non fuisse vere reprehensibilem, reprehensam tamen a Paulo Gal. 2. sed in speciem, & ex composito, ut per eam *Judæi* legalibus nimis addicti, intelligerent ea non amplius esse servanda. Ergo lex vetus tempore Apostolorum revera fuit mortifera.

Nego consequi. Fateor quidem S. Hieronymum prius fuisse in illa sententia; sed S. Augustinus ep. 82. alias 19. ineluctabilibus argumentis illum refellit. 1. quia nunquam licet mentiri etiam ad honestum finem: atqui illa dissimulatio fuisse verum mendacium, & mera deceptio. 2. Quia assumere signum falsæ Religionis, v. g. coram idolo thus incendere etiam sine animo colendi idolum, est grave crimen contra Religionem: atqui in hypothese S. Hieronymi, quod lex fuisset superstitiosa & mortifera, Apostoli legalia cum *Judæis* observantes, tanti criminis reos se constituerent: Ergo. 3. Quia per se malum est aliis præbere scandalum, & suo exemplo illos inducere ad peccandum: atqui si Apostoli animo simulatorio legalia, alioquin in se mortifera, servassent, alios suo exemplo ad peccandum induxissent, quod nefas est de tantis viris dicere aut credere; qui in gratia erant confirmati. Simulatio ergo Petri non fuit formalis, sed materialis duntaxat, hoc est, Petrus non observavit legalia animo simulandi; quamvis ejus agendi ratio minus cauta & prudens Gentilibus suspicionem injiceret legalia esse ad salutem necessaria; & ideo vere fuit reprehensibilis, ac seria fuit Pauli reprehensio: quod tandem Sanctus Hieronymus agnoscens, in sententiam sancti Augustini, quæ est communis Catholicorum, descendit, ut patet ex c. 8. lib. 1. quem scripsit contra Pelagianos, ubi probat exemplo Sancti Petri, Sanctos in hac vita non esse a peccatis venialibus immunes. *Paulus*, inquit, dicat de Petro, quod non recto pede incesse- rit in Evangelii veritate; & in tantum reprehensibilis fuerit: ut & *Barnabas* adductus fuerit in eandem simulationem. Quis indignabitur id sibi denegari, quod

quod Princeps Apostolorum non habuit? Hanc S. Doctoris mutationem laudat S. August. Epist. 130. alias 260.

Iustificis pro sententia S. Hieronymi. Lex post promulgatum Evangelium non minus fuit mortifera tempore Apostolorum, quam nostro: atqui negari non potest quin hodie sit mortifera: Ergo.

Major probatur, quia alia non potest afferri ratio, cur observatio legis nunc sit mortifera, etiam in hypothesi quod non credatur ad salutem necessaria, quam quod tota sit ad præfiguranda futura. Unde qui illam nunc observaret, videretur sperare cum Judæis Christum venturum, & ea impleturum, quæ in lege promissa sunt, sicque falsum & superstitiosum cultum exhiberet: atqui hæc omnia contra observationem legis militans, etiam respectu Apostolorum, qui cernebant impleta quæcunque lex prænuntiabat futura; ergo lex non minus erat mortifera tempore Apostolorum, quam nostro.

Nego maiorem utriusque argumenti. Namque legalia dupliciter assumi possunt. 1. Ad spem erigendam quod Deus aliquando impleturus sit, quod in lege futurum præfiguravit. Et hic legalium usus à promulgato Evangelio, est plane Judaicus, superstitiosus & prorsus alienus ab Apostolorum mente. 2. Ad Christianorum consolationem, & gratulationem, quod cernant consummata, quæ antiquis figuris & prophetiis fuerant prænuntiata. Et hac mente Apostoli legalia cum Evangelio conjungere: Ecclesia quoque etiam nunc in publicis conventibus scripta Prophetarum legi, Psalmos decantat, ubi Christus prædicatur venturus, ut appareant consonantia legis veteris cum nova, intelligentque Christiani hanc in illa contineri sicut veritatem in figura.

Cur ergo non licet nunc Ecclesiæ quod licuit Apostolis, circumcisionem addere Baptismo, & Sacrificia Aaronica Missæ Sacrificio? ratio repetenda est ex voluntate Dei, qui usum illum nascente Ecclesiæ concessit ad tempus, & jam firmata ac roborata prohibuit, saltem in iis, quæ in lege erant graviora, qualia sunt Sacrificia, circumcisio & alia Sacramenta.

Habert, Tom. III.

R

Hæc

Hæc autem Dei dispositio & ordinatio certo colligitur ex Ecclesiæ Traditione; constans enim est SS. Patrum doctrina nefas esse legalia cum Evangelio miscere: Si quis, inquit S. Ignatius epist. ad Philip. cum Judæis celebrat Pascha, aut symbola festivitatis eorum recipit, particeps est eorum qui Dominum occiderunt & Apostolos ejus. Similia habet S. Hieronym. epist. 7. & S. August. epist. 82. alias 19.

Dixi: Saltem in iis, quæ in lege erant graviora: Nam Ecclesia leviora quædam admittere posset, ut abstinentiam a sanguine & suffocato, quam diximus diu post Apostolos fuisse observatam pluribus in locis.

Dices 2. ait Apostolus Gal. 5. vers. 2. Si circumdamini, Christus vobis nihil proderit. Vers. 4. Evacuati estis a Christo, quod in lege justificamini, a gratia excidisti. Vers. 9. modicum fermentum tota massa corrumpit; hoc est, minima legis observatio Evangelium Christi pervertit. Vers. 11. testatur se multas sustinuisse persecutiones, ex eo quod strenue se opponeret ejusmodi illicitæ mixtionis legis cum Evangelio: Si circumcisionem adhuc prædico, quid adhuc persecutionem patior? Et cap. 2. ejusdem epist. vers. 3. & 5. refutit subdolis fratribus, qui Titum circumcidere volebant: Sed neque, inquit, Titus qui mecum erat... compulsus est circumcidi... neque ad horam cessimus subiectione, ut veritas Evangelii permaneat apud vos. Ergo observatio legis tempore Apostolorum vere fuit illicita & mortifera.

R. 1. Apostolus secum conciliari debet; quis enim credat eum propterea evacuatum esse a Christo, & ab ejus gratia excidisse quod non semel, sed sæpissime legalia observaverit?

S. Hieronymus, cum ferveret controversia inter ipsum & S. Augustinum, sic Apostolum conciliandum arbitrabatur; nempe, inquebat ille, Apostolus legalia simulacrorie ac in speciem observavit, serio vero rejicit ac reprobavit. Sed S. Augustinus laudata ep. 82. illum refellit argumento ad hominem: Decepit ergo Timotheum, inquit, & fecit nihil ei prodesse Christum? nam quia hoc fallaciter factum est, ideo non obsuit?

R. 2.

R. 2. Cum eodem S. Augustino circumcisio & alia legalia erant licita, non ex necessitate salutis, sed ex consuetudine sollemnitatis, idest, fas non erat legalia usurpare, vel tanquam necessaria ad salutem, veluti signa Christi venturi & expectandi, sed licite & gravibus ex causis Apostoli usurparunt legalia, tanquam ceremonias præcise a Deo institutas ad suum cultum. 1. Ut Judæos suis ritibus valde addictos facilius adducerent ad Evangelium. 2. Ut amputarent occasionem Hæreticis docendi legem veterem malam fuisse. 3. Ut honorifice sepeliretur Synagoga, nec videretur tanquam cadaver hominis damnati & inglorii præjicienda. Porro Apostolus locis in objectione citatis, insurgit adversus æmulos, qui plures seducebant, docentes neminem sine circumcissione, & aliis legis ceremoniis per Christum salvari posse, quod est falsissimum, & hæreticum.

Quarta pars responsionis, nimirum legem evasisse mortiferam a destructione Templi Jerosolymitani, probatur: tum quia Synagoga fuit tunc temporis sepulta, & omnino extincta; ex tunc enim cessarunt sacrificia Aaronica, & alia Judæorum sollemnia: tum quia Evangelium jam erat prædicatum in universa creatura, quæ sub cælo est, quemadmodum loquitur Apostolus in epist. ad Coloss. c. 1. v. 23.

Q. 10. Peccavitne S. Petrus per illam simulationem, quam reprehendit S. Paulus? Gal. 2.

R. Certum est eum lethaliter non peccasse; erat enim confirmatus in gratia, sicut ceteri Apostoli, post descensum Spiritus Sancti. Peccatum ergo, si quod in illo fuit, veniale dumtaxat extitit, scilicet ex inadvertentia.

Dixi, si quod in illo fuit: Nam Baronius, & alii nonnulli opinantur S. Petrum nequidem venialiter peccasse, nisi materialiter, quia inadvertentia fuit in illo invincibilis, & nullatenus voluntaria. Sed sancti Hieronymus & Augustinus locis supra citatis illum non excusant a peccato veniali. Quidquid sit, & iusta fuit S. Paulo reprehendendi causa, ut jam ostendimus, & eximium in S. Petro humilitatis exemplum, ut qui

passus sit publice in se corrigi, quod minus rectum videbatur: *Rarius*, inquit S. August. laudata Epist. 81. & *sanctius exemplum* Petrus posteris præbuit, quo non dedignarentur a posterioribus corrigi, quam Paulus, quo confidenter auderent minores majoribus pro defendenda veritate, salva caritate, resistere.

Q. 11. Licebatne æque Gentilibus ad fidem conversis, ac Judæis usurpare legalia?

R. Absolute licebat. Ita S. Augustinus expositione in Epist. ad Gal. Quamvis, inquit, Titus Græcus esset, & nulla eum consuetudo, aut cognatio parentum circumcidi cogeret, sicut Timotheum; facile tamen & istum circumcidi permisisset Apostolus; non enim tali circumcisione dicebat salutem auferri. Sed s; in ea constitueretur spes salutis, hoc esse contra salutem ostendebat: poterat ergo, ut superfluum æquo animo tolerare. Propter subintroductos autem falsos fratres (qui circumcisionem necessariam ad salutem prædicabant) non est compulsus Titus circumcidi, id est, non ei potuit extorqueri, ut circumcideretur; quia illi vehementer observabant, & cupiebant circumcidi Titum, ut jam circumcisionem, & ipsius Pauli attestatione & consensu tanquam salutis necessaria prædicarent.

Responsionis autem ratio est, quia ante promulgatum Evangelium, Gentilibus licuit amplecti legem veterem: ergo & post promulgatum id eis licitum fuit, donec evaderet mortifera; nulla enim extat prohibitio ipsis specialiter facta; immo Apostoli Act. 15. eo ipso, quo ex legalibus nonnulla, tanquam necessaria Gentilibus imponunt, videntur ei liberum relinquere cetera vel observare, vel prætermittere.

Dixi, absolute licebat: Quia per accidens minus licebat Gentilibus, quam Judæis legalia assumere; Judæi quippe facile præsumebantur ea frequentare ex consuetudine, non vero ex necessitate: sed non videbatur, cur Gentiles onus tam grave subire vellent, nisi illud ad salutem necessarium existimassent; ac proinde per accidens & ratione scandali, circumcisio, & aliz legis ceremoniz minus in Gentilibus, quam in Judæis erant tolerandæ.

C A P U T XV.

De Lege Evangelica.

Constat ex dictis capite præcedenti, 1. Legem Evangelicam esse divinam, haberetque Christum auctorem; nullatenus vero Joannem Baptistam, ut qui nullam legem tulerit, quæ Christianos obliget: Baptismus enim, quem instituit, non erat Sacramentum, sed dispositio ad Baptismum Christi, ubi dicitur, ubi de Baptismo. 2. Legem Evangelicam die Pentecostes fuisse promulgatam, saltem Judæis, conditam vero non uno & eodem tempore, sed successive; nam Baptismus institutus est initio prædicationis Christi, Eucharistia pridie quam pateretur, & plura alia, ut Sacramentum Pœnitentiæ, post Resurrectionem; adeout lex Evangelica non fuerit integre condita, nisi circa Christi Ascensionem. 3. Legem Evangelicam non obligasse ante diem Pentecostes, cum prius non fuerit promulgata; potuit tamen esse utilis, nam Baptismus & Eucharistia habuerunt vim sanctificandi statim atque instituta sunt.

Judæi quidem tenebantur credere Christo prædicanti, & per varia signa contestanti se a Patre missum, neminem salvatum iri, nisi renasceretur ex aqua & Spiritu Sancto, vitamque æternam habiturum, nisi manducaret carnem Filii hominis, & biberet ejus sanguinem, &c. quia ratio naturalis dicit credendum vera dicenti & probanti, nec ad id requiritur promulgatio, quemadmodum requiritur, ut præcepta positiva mores & cæremonias spectantia vim habeant obligandi. Unde Judæi ante passionem debuerunt credere necessitatem præcipiendi aliquando Baptismum & Eucharistiam; sed nulla necessitas, nullave obligatio fuit eis imposita, nisi post Pentecosten, suscipiendi illa Sacramenta. Sic absoluto Concilio Tridentino, sed nondum promulgato, qui noverat illud fuisse œcumenicum, tenditur credere, quæ in eo tanquam de fide erant definita, non vero servare, quæ circa mores noverat sancita.

His facilioribus jam elucidatis & stabilis, alia graviora occurrunt expendenda, ac 1. quidem quid sit proprie lex Evangelica & in quo præcipue consistat? 2. Utrum sit præceptiva? 3. Utrum sit aliâ a lege veteri? 4. An sit durior ac severior? 5. An sit aliquando mutanda?

§. I.

Quid sit lex Evangelica, & in quo consistat?

Advertes 1. legem Evangelicam ex S. Thoma hic quæst. 106. art. 1. dupliciter spectari posse, scilicet, vel in se præcise, vel in signo. Quemadmodum enim testamentum sumitur, vel pro ipsa dispositione & donatione Testatoris, vel pro scriptura, qua testator utitur tanquam signo & instrumento, ut notum faciat hanc ultimam fuisse suæ voluntatis dispositionem; ita lex Evangelica, quæ dicitur novum Dei Testamentum, dupliciter accipi potest. 1. Pro ipsamet Christi dispositione & ordinatione. 2. Pro doctrina, qua nobis explicuit divitias suæ donationis.

Advertes 2. ex eodem S. Doctore loco citato, legem Evangelicam præcipue consistere in ipsa Christi dispositione, & charismatum largitione; doctrinam vero esse quid secundarium. Et, ut loquitur S. Doctor, quoddam dispositivum: verba illius sunt, *quod est potissimum in lege novi Testamenti, & in quo tota virtus ejus consistit; est gratia Spiritus Sancti, quæ datur per fidem Christi; & ideo principaliter lex nova est ipsa gratia Spiritus Sancti... habet tamen lex nova quædam sicut dispositiva ad gratiam Spiritus Sancti & ad usum hujus gratiæ pertinentia, quæ sunt quasi secundaria in lege nova, de quibus oportuit instrui fideles Christi & verbis scriptis, tam circa credenda quam circa agenda*. Ex quibus concludit Angelicus Doctor, legem Evangelicam dicendam inditam, non vero traditam; & que in eo distingui a veteri, quod ista simpliciter dicatur scripta, illa vero indita. Enimvero res quælibet denominanda est ab eo, quod in illa excellit & homo

homo v. gr. simpliciter dicitur rationalis, nec sine aliâ qua contumelia vocaretur absolute animal, quia ratio illum supra omnia sensitiva extollit: ergo cum gratia sic quid præcipuum in lege Evangelica, nec per litteram seu scripturam tradatur, sed per Spiritum sanctum infundatur, absolute dicendum est legem Evangelicam esse inditam.

Nec refert, quod lex Evangelica magna ex parte sit scriptis exarata; namque lex naturalis, quam constat naturæ rationali esse inditam, fuit postmodum scripta in tabulis lapideis: ut carnales, circa exteriora effusi, extrinsecus saltem audirent, quod intus in corde insculptum legere negligebant; ita consentaneum fuit, ut lex Evangelica, quæ cum non sit innata sicut naturalis, sed naturæ rationali superaddita, per peccatum deleri potest, & excidere, non solum ex hominum cordibus, sed etiam ex eorum memoria, scripto traderetur. Ergo cum illa Scriptura sit quid secundarium in lege Evangelica, illa lex æque dici debet indita, ac lex naturalis, maxime cum sine scriptis fuerit condita, promulgata, & fere ubique recepta. His prænotatis, ad propositam quæstionem

R. Lex Evangelica, describi potest, gratia per Spiritum sanctum cordibus indita, quæ creduntur & amantur quæ Christus verbo tradidit.

Dicitur 1. gratia; de ea enim sic cecinit Zacharias cap. 12. v. 10. *effundum super domum David, & super habitatores Jerusalem Spiritum gratiæ & precum*; quod impletum esse die Pentecostes, quo promulgata est lex Evangelica, docent S. Hieronymus, Theodoretus, & alii. Sic etiam Sanctus Joannes legem Evangelicam indigitavit e. 1. v. 17. *Lex per Moysen data est: gratia & veritas per Jesum Christum facta est*; hoc est, Moyses per legem præcepta dedit; Christus per Evangelium obedientiam contulit: Moyses cupiditatem prohibuit, quæ ipsa prohibitionis occasione amplius exarsit; Christus per Evangelium infundendo caritatem expulit cupiditatem. Lex ergo Dei, inquit Sanctus Augustinus lib. de spiritu & littera cap. 17. *est caritas.... cum in tabulis scribuntur opera caritatis*:

Lex est operum, & litera occidens praevaricatorem: cum autem ipsa caritas diffunditur in corde credentium, lex est fidei, & spiritus vivificans dilectorem.

Dicitur 2. cordibus indita; sic enim de ea habetur cap. 31. v. 31. & 33. Jeremiae quem Apostolus cap. 8. ad Hebraeos laudat in confirmationem nostrae definitionis: *Ecce, inquit, dies venient, dicit Dominus, & feriam domui Israel & domui Juda fadus novum.... dabo legem meam in visceribus eorum, & in corde eorum scribam eam.*

Unde Apostoli hujusce legis novae praecones non descenderunt de monte Sion, in quo illam acceperunt, sicut Moyses de monte Sion, in quo Deus veterem legem sanxerat; iste enim descendit ferens legem veterem in manibus, & in tabulis descriptam: illi vero sine scriptura descendunt legem Evangelicam in cordibus insculptam deferentes, & ex abundantia cordis linguis igneis loquentes magnalia Dei, sicut scriptura est, Act. 2. *repleti sunt omnes Spiritu Sancto & ceperunt loqui.*

Dicitur 3. per Spiritum Sanctum, ut lex Evangelica distinguatur etiam a lege naturali, quae ita est indita, ut sit innata, fluensque instar ejusdam radii a principiis naturae rationalis; quae cum sit per peccatum originale vitiata & debilitata, lex ab ipsa emanans infirma quoque sit necessum est. At lex Evangelica 1. est naturae rationali superaddita, & cordibus inscripta per Spiritum sanctum, ut habetur 2. Cor. 3. v. 3. *Epistola est Christi ministrata a nobis, & scripta non atramento, sed Spiritu Dei vivi: non in tabulis lapideis, sed in tabulis cordis carnalibus.* 2. obscuratam legem naturalem illustrat, & debilitatas naturae vires reparat, auget, ac perficit, juxta illud Rom. 1. v. 16. *Non erubescio Evangelium; virtus enim Dei est in salutem omni credenti.* Et 2. Tim. 1. vers. 7. *Non enim dedit nobis Deus spiritum timoris, sed virtutis & dilectionis, & sobrietatis.*

Dicitur 4. qua creduntur & amantur; quibus vq-
cibus significatur legem novam non solum ostendere
quae sint credenda, amanda, & fugienda; sed etiam
dare

clare ut illa credantur, amentur, & fugiantur. Hinc dicitur lex amoris, lex fidei quæ per dilectionem operatur, quia mentem sanctis cogitationibus illustrat, & voluntatem pie movet & accendit, proptereaque dicitur ab Apostolo, Rom. 8. v. 2. *Lex, Spiritus vitæ in Christo Jesu; lex vero scripta, ministratio mortis literis deformata in lapidibus.* 2. Cor. 3. v. 7.

Dicitur 5. quæ Christus verbo tradidit, ut ostendatur, materiam, circa quam versatur lex Evangelica, esse ea omnia, quæ Christus verbo docuit, & Apostoli postmodum magna ex parte scripto tradiderunt.

Ergo lex nova vere justificat, namque gratia, ex dictis Tractatu de gratia, est forma justificans, & formaliter expellens peccatum, quemadmodum lux tenebras, & calor frigus: atqui lex Evangelica est ipsa met gratia & caritas diffusa in cordibus nostris per Spiritum sanctum, qui datus est nobis: ergo lex Evangelica vere justificat.

Dices 1. Illud proprie non est lex, cui non convenit definitio legis: atqui gratiæ non convenit definitio legis; non enim est ordinatio rationis ad bonum commune, facta a superiore, habens vim obligandi; ergo gratia proprie non est lex, sed metaphorice duntaxat, quemadmodum dicitur lex carnis, lex peccati.

Nego minorem. Gratia quippe est ordinatio vel efficax, vel sufficiens, facta a Deo summa ratione ad finem ultimum supernaturalem, quo nihil est melius, & quisquis ab illo ordine deficit, prævaricationis reum se constituit. Ergo gratia proprie dicitur ab Apostolo lex Spiritus, concupiscentia vero metaphorice lex carnis, & peccati, quia ille carnis & peccati impulsus est contra rationem, & ad malum tendit, ad quod nemo obligari potest.

Dices 2. vera lex, consistit ad bonum commune, debet esse una: atqui gratia non est una: *divisiones gratiarum sunt*, inquit Apostolus 1. Cor. 12. & S. August. serm. 26. alias 21. de verbis Apostoli, *natura communis est, non gratia.*

Nego min. Nam ex Apostolo Ephes. 4. una fides,

unus spiritus, qui licet non æqualiter singulis communicetur, tamen *quantum est de se*, inquit S. Thomas quæst. 106. art. 2. ad secundum; *sufficiens auxilium dat ad non peccandum*. Sicut ergo lex naturalis una est in omnibus hominibus, quamvis in quibusdam amplius vigeat: ita & lex gratiæ & spiritus in omnibus Christianis, si obicem non ponant. Locus autem adductus ex epistola ad Corinthios, intelligendus est de gratis gratis datis, quæ non erant omnibus communes, nec rationem legis habere poterant. Quo verò sensu dictum sit, *natura communis est, non gratia*, exposuimus Tractatu de Gratia pag. 583. 1. edit.

Dixi, *nisi ponant obicem*, nam Christus loquens de Spiritu sancto Joann. 14. ait mundum non posse eum accipere: mundum autem dixit, interprete Sancto Augustino, dilectores mundi, qui secundum eundem Doctorem, non re sed nomine duntaxat sunt Christiani; scriptum est enim Rom. cap. 8. *Si quis Spiritum Christi non habet, hic non est ejus*.

Dices 3. illud non est differentia essentialiter legis Evangelicæ, quod est ipsi commune cum lege naturæ, & cum lege scripta, atqui gratia est communis legi naturæ, scriptæ, & Evangelicæ: sancti enim Patriarchæ, ut Noë, Abraham, Isaac, & Jacob, in lege naturæ; & Prophetæ, ut Moyses, & Samuel, David, & alii in lege scripta fuerunt sub gratia: ergo.

Distinguo min. cum Sancto Augustino lib. 3. contra duas epistolas Pelagianorum cap. 4. fuerunt sub gratia, quæ pertinebat ad legem Evangelicam, cum non fuerit ipsis collata, nisi per merita Christi & fidem in ipsum venturum, Concedo: quæ erat propriâ legis naturæ aut scriptæ, Nego minorem. *Eadem igitur fides est*, inquit Sanctus Augustinus, & in illis, qui nondum nati sunt, sed re ipsa fuerunt antea Christiani, & in istis, qui non solum sunt, verum etiam vocantur, & in utriusque eadem gratia per Spiritum Sanctum.

§. II.

Utrum Lex Evangelica sit præceptiva?

Negant Pseudo-Reformati, contenduntque legem Evangelicam, utpote legem libertatis, aliud non continere præceptum, quam fidem, seu certam fiduciam in divinis promissis, adeo ut stante ejusmodi fiducia nullum peccatum quantumcumque grave imputetur, tumque solummodo Christiani lethaliter peccent, cum a certa illa fiducia excidunt. Ita Lutherus in cap. 2. epist. ad Galatas, in quo sic habet: *cetera omnia liberrima, neque præcepta amplius, atque prohibita. Si conscientia dicat, peccasti; responde, peccavi. Ergo Deus puniet, & damnabit? non. At lex hoc dicit: sed nihil mihi cum lege. Quare? quia habeo libertatem.* Luthero concordat Calvinus lib. 3. Institut. cap. 19. Quam impietatem Concilium Tridentinum anathemate percussit sess. 6. can. 16. his verbis: *Si quis dixerit nihil præceptum esse in Evangelio; præter fidem cetera esse indifferentia, neque præcepta, neque prohibita, sed libera; aut decem præcepta nihil pertinere ad Christianos, anathema sit.* Similia habet can. 20. Et can. 21. *Si quis dixerit, Christum Jesum a Deo hominibus datum fuisse ut Redemptorem, cui fideant, non etiam ut Legislatorem, cui obediant, anathema sit.* Quare ad propositam quæstionem.

R. De fide est legem Evangelicam alia præcipere, quam fidem.

Probatur 1. ex Scriptura, Matth. 5. *non veni legem solvere, sed adimplere.* Nec dicant Adversarii, hæc intelligenda duntaxat de promissionibus in lege factis, quas Christus adimplevit; subdit enim: *Quis ergo solverit unum de mandatis istis minimis, & docuerit sic homines, minimus vocabitur in regno celorum. .. dico enim vobis, quia nisi abundaverit justitia vestra plusquam Scribarum & Phariseorum, non intrabitis in regnum celorum.* Quid vero addendum justitiæ Phariseorum exponit toto capite & duobus sequentibus: *audistis,*

R. 6

inquit,

inquit, quia dictum est antiquis, non occides . . . ego autem dico vobis quia omnis, qui irascitur fratri suo, reus erit iudicio. Matth. 19. Si vis ad vitam ingredi serva mandata . . . non homicidium facies, non adulterabis, &c. Et cap. 25. boni & mali judicantur ex operibus: tunc dicit Rex his, qui a dextris ejus erunt; venite benedicti Patris mei, possidete paratum vobis regnum, non quia credidistis, sed quia, esuriivi . . . & didistis mihi manducare . . . Et his, qui a sinistris erunt; discedite a me maledicti in ignem æternum . . . esuriivi enim, & non dedistis mihi manducare. Luc. 6. v. 46. Quid autem vocatis me Domine, Domine, & non facitis quæ dico? Joann. 14. Si diligitis me, mandata mea servate. Et c. 15. Hoc est præceptum meum: ut diligatis invicem, sicut dilexi vos. 1. Joann. 3. qui non diligit, manet in morte. Denique Sanctus Jacobus in sua epist. ex professo confutat eos, qui docebant solam fidem sufficere.

Probatur 2. ex Traditione. Sanctus Augustinus lib. 3. contra duas epistolas Pelagianorum c. 4. num. 10. sic scribit. „ Quis dicat non debere observare Christianos, ut uni Deo Religionis obsequio serviat, ut idolum non colatur, ut nomen Domini non accipiat in vanum, ut parentes honorentur, ne adulteria, furta, falsa testimonia perpetrentur, ne uxor, ne omnino res ulla concupiscatur aliena? Quis est tam impius, qui dicat ideo se ista legis non custodire præcepta, quia est ipse Christianus, nec sub lege, sed sub gratia constitutus? „

Dices 1. Apostolus Rom. 3. v. 27. in eo opponit legem veterem legi Evangelicæ, quod illa sit lex factorum, ista vero lex fidei, ubi est ergo, inquit, gloriatio tua? exclusa est. Per quam legem? Factorum, non, sed per legem fidei. Arbitramur enim justificari hominem per fidem sine operibus. Ergo lex Evangelica non præcipit opera. Hinc dicitur Evangelium, hoc est, bonus nuntius, seu lex fausta annuntians. Quænam autem sint illa, exponit Christus Matth. 11. v. 28. Venite ad me omnes, qui laboratis, & onerati estis (scilicet iugo legis) & ego reficiam vos.

Dist.

Dist. ant. lex fidei & gratiæ, quia dat fidem & gratiam, quibus implentur præcepta, Conc. fides enim Christianorum est fides, quæ per caritatem operatur, ut dicitur Gal. 5. lex fidei inertis, qua otiosi confidamus, & quiescamus in promissis divinis, Nego ant. Lex itaque vetus dicitur lex factorum, quia gratiam non conferebat: sed extrinsecus duntaxat opera præcipiebat: lex vero Evangelicæ vocatur lex fidei, quia hominem propriæ infirmitatis admonens, per fidem addicit Christo, a quo accipit gratiam implendi, quæ jubentur per legem. Ita S. Aug. lib. de spir. & litt. cap. 13. in quo sic scribit. „ Quid igitur interest? „ scilicet legem inter & Evangelium breviter dicam. „ Quod operum lex minando imperat, hoc fidei lex „ credendo impetrat. Illa dicit, non concupisces, „ ista dicit; cum scirem quia nemo potest esse continens; nisi Deus det ... adii Dominum, & deprecatus sum ideo enim jubet lex, ut admoneat „ quid faciat fides, id est, ut cui jubetur, si nondum potest, sciat quid petat; si autem continuo „ potest, & obedienter facit, debet etiam scire, quæ „ donante possit. „ Et c. 10. probat Decalogum æque pertinere ad Christianos, ac ad Judæos; sed eos, qui etiam nunc propriis viribus illum servare præsumunt, servire sub lege premente, & sub littera, quæ occidit: „ Quid horum, quisquam dixerit Christianum non „ debere servare? an forte non istam legem, quæ in „ illis duabus tabulis scripta est, litteram occidentem appellat Apostolus, sed illam circumcisionis, aliorumque veterum, jamque abolitorum Sacramentorum? „ sed quomodo putabimus, cum in ea sit, non concupisces, per quod mandatum, quamvis sanctum & justum, „ & bonum, fefellit me, inquit, peccatum, & per illud occidit? Quid enim aliud est, littera occidit, spiritus autem vivificat; quamvis evidentius eo ipso loco „ ad Corinthios ... non aliam velit intelligi litteram, „ quam ipsam Decalogum in illis duabus tabulis scriptum? Christus ergo bonum nobis attulit nuntium, quatenus annuntiavit, se præbere fidem & gratiam; quæ credantur & amentur quæ lex vetus in Decalogo præcipie-

cipiebat; ubi enim amor, labor non est, sed sapor & refectio, inquit Sanctus Bernardus.

Confirmatur, & explicatur responsio familiari exemplo. Cogitemus quempiam laborantem morbo, qui hacenus omnem Medicorum artem & industriam fefellit, proptereaque de salute omnino desperantem. Interim familiares ipsi renuntiant quendam Medicum desperatos quosque sanitati restituere. Credit æger: ad Medicum confugit: paret ejus præceptis, & convalescit. Annon vere dixeris Ille se sanatum per fidem in Medicum? Per quam autem fidem? an per fidem inertem & otiosam? Immo si Medici præcepta contempsisset, visus esset non habuisse in eum fidem. Ergo fides obtemperans & operans, illum a morbo liberavit.

Similiter humanum genus peccato primi parentis vulneratum, nec Moyses per multiplicia legis præcepta, nec ceteri Dei Prophetæ curare potuerunt. Prædicatus est Salvator mundi, & quotquot in illum credere, per fidem salvî facti sunt: per fidem, inquam, quæ per caritatem operatur. Quo autem sensu dicatur homo justificari sine operibus legis, vide in Tractatu de Gratia pag. 400. & seq.

Dices 2. Gal. 4. v. 4. *Misit Deus Filium suum ... ut eos qui sub lege erant, redimeret.* Et c. 5. v. 18. *Non estis sub lege.* Rom. 6. 14. *Non enim estis sub lege, sed sub gratia.* 1. Tim. 1. v. 9. *lex justo non est posita, sed injustis & non subditis.* Ergo Christiani non tenentur legibus.

Nego consequentiam; nam ex Sancto Augustino Tractatu tertio in Joannem; ille duntaxat est sub lege, cujus in malum propensi duritia retunditur lege minitante, quæ tanquam grave pondus cervicibus illius imponitur. Qui autem amore ducitur, & justitiam diligit, is in lege, non sub lege Domini est, juxta illud Psalm. 1. *in lege Domini voluntas ejus.* Verba sunt S. Doctoris, qui legem implet, non est sub lege, sed cum lege; qui autem sub lege, est non sublevatur, sed premitur lege. Omnes itaque homines sub lege constitutos reos facit lex & ad hoc illis super caput est, ut ostendat peccata, non tollat.

Enim

Enimvero in lege duo sunt spectanda. Primum, est ordinatio in bonum. Secundum, vis obligandi sub peccato & pœnam. Primum repugnat voluntati malæ, contemnereturque, nisi secundum occurreret veluti quidam obex, qui malum opus coerces. Sed, inquit S. Aug. libro de spiritu & litera c. 4. ubi sanctus non adjuvat Spiritus, inspirans pro concupiscentia mala concupiscentiam bonam, hoc est caritatem infundens in cordibus nostris, profecto illa lex, quamvis bona, auget desiderium malum. sicut aquæ impetus vehementior sit obice opposito, cujus molem cum evicerit, majore cumulo præcipitatus violentius per prona provolvitur: nescio quomodo hoc ipsum, quod concupiscitur, sit jucundius, dum vetatur. At justus, cujus voluntas est in lege Domini, hoc est, per gratiam in bonum ordinata, etiamsi lex vim habeat illum obligandi, non attendit tamen ad illam obligationem, nec discernit an bonum a Spiritu Sancto inspiratum, sit ex præcepto, vel ex consilio amplectendum, sicut nec esuriens, an cibus sit ex præcepto sumendus. Quid enim concupiscit justus, nisi justitiam? Utinam, inquit, dirigantur viæ meæ ad custodiendas justificationes tuas. . . . Concupivit anima mea desiderare justificationes tuas in omni tempore. Psal. 118. in eo quod dicit se concupiscere, confitetur se infirmum, quemadmodum pullus, qui volare appetit necdum potest. Quis autem dixerit naturam ei addere pondus, dum plumas tribuit? Revera plumæ in se spectatæ pondus sunt (plus enim ponderat avis mortua cum plumis, quam sine plumis) sed vivam leviores faciunt, ac sublevant. Ita carnales, utpote peccatis mortui, lege Christi premuntur, justî vero levantur. Unde Sanctus Augustinus in Psal. 59. ait: illa sarcina peccati pondus habet, Christi sarcina pennas habet. Nam & avi, si pennas detrahās, quasi onus tollis, & quo magis onus abluisi, eo magis in terra remanebit, quam exonerare voluisti, jacet, non volat, quia tulisti onus; redeat onus, & volat. Talis est Christi sarcina, portent illam homines, non sint pigri, non attendantur illi, quæ eam ferre nollat, ferant illam qui volunt, & invincunt.

nient quam sit levis, quam iuavis, quam iucunda;
quam rapiens in celum, & a terra eripiens.

Dices 3. scriptum est 2. Cor. 3. ubi Spiritus Domini, ibi libertas. Ergo.

Dist. antec. Libertas a timore servili, & a jure veteris legis, Concedo: ab omni præcepto, Nego antec. Apostolus enim Gal. 5. graviter monet, ne libertatem, quam habemus in Christo, demus in occasionem carnis. Et Rom. 6. Sicut, inquit, exhibuistis membra vestra servire immunditiæ, & iniquitati ad iniquitatem; ita nunc exhibete membra vestra servire justitiæ in sanctificationem.

Q. Quotuplicis generis sunt præcepta legis Evangelicæ?

R. Triplicis, alia sunt fidei, ut præceptum credendi mysterium Trinitatis, Incarnationis, &c. alia moralia, ut ea, quæ continentur in Decalogo, quæque Christus sua auctoritate confirmavit, & explicuit Matth. 5. alia cæremonialia, quæ spectant usum Sacrificii & Sacramentorum.

Dices: fuerunt præcepta judicialia in veteri lege, quibus politice administrabatur Judæorum societas: ergo similiter in lege Evangelica ejusmodi præcepta institui debuerunt.

Nego conseq. 1. quia cum Deus Judæorum Rempublicam prius ista instituisset, ut non haberent alium præter se Regem; ut constat ex libro 1. Regum cap. 8. v. 7. Moyse sigillatim præscripsit quidquid pertineret ad regimen civile & politicum. At Christus sibi temporale regnum non assumpsit, ait enim Joann. 10. regnum meum non est de hoc mundo. Quamobrem Principibus temporalibus liberum reliquit statuere ea, quæ viderentur aptiora ad publicam tranquillitatem, quæ est finis temporalis eorum regiminis, modo tamen ea non pugnaret contra leges fidei & morum, quas ipse sanxit. 2. quia lex vetus imposita est soli familiæ Jacob, quæ ut unius moris erat, & sat angustis terminis conclusa, eadem spiritali disciplina facile contineri potuit. Contra vero lex Evangelica sese extendit ad omnes nationes, quarum consuetudines, mores & ingenia plane sunt diversa, ut

de eas quoque diversis institutionibus regi oportuit .
Quare Christus pro sua infinita sapientia , non unum
Pastorem , sed plures , sub uno tamen supremo , scili-
cet Romano Pontifice , ut unitas servaretur , fide-
libus Christianis præfeci , quorum singuli Provinciam
sive Diœcesim sibi commissam spiritualiter administra-
rent , ordinarentque ad vitam æternam , prout mori-
bus & ingenio indigenarum congruere videretur .

§. III.

Utrum lex Evangelica sit aliena a veteri?

R. **N**ON est alia secundum substantiam ; sed dif-
fert in accidentalibus , tanquam perfectum ab
imperfecto , puer v. gr. a viro .

Ita S. Thomas quæst. 7. art. 1. & seq.

Prima pars probatur . 1. ex Scriptura , Matth. 5.
Non venit legem solvere , sed adimplere .

Prob. 2. ex Traditione . Eusebius lib. 1. Demon-
strationis Evangelicæ cap. 5. „ Ne Testamentum no-
„ vum aliud esse putemus , quam antiquissimam illam
„ Mosaicorum temporum religione conjunctam vilem
„ rationem , ut & vetus pariter , & idem novum pos-
„ simus dicere . S. Aug. ep. 187. alias 57. c. 11. n. 34.
„ Sacramentum porro regenerationis nostræ , inquit ,
„ manifestum esse voluit manifestatus Mediator . Erat
„ autem antiquis justis aliquod occultum , cum tamen
„ & illi eadem fide salvi fierent , quæ fuerat suo tem-
„ pore revelanda ; non enim audemus fideles temporis
„ nostri præferre amicis Dei , per quos nobis ista pro-
„ phetata sunt . . . „ Habentes autem , inquit Apo-
„ stolus , eundem spiritum fidei , propter quod scriptum
est : Credidi propter quod locutus sum , & nos credi-
mus , propter quod & loquimur . „ Non diceret , enim-
„ dem , nisi & illorum idem ipse esset spiritus fidei .
„ Sicut autem illi , quando idem Sacramentum occul-
„ tum erat , credebant Christi Incarnationem futuram ,
„ sic & nos credimus factam . Et a nobis autem , & ab
„ illis futurus expectatur ad judicium ejus adventus .

S. Leo serm. 4. in Nativ. Dom. sic etiam loquitur :

Gra.

His facilioribus jam elucidatis & stabilis, alia graviora occurrunt expendenda, ac 1. quidem quid sit proprie lex Evangelica & in quo præcipue consistat? 2. Utrum sit præceptiva? 3. Utrum sit aliâ a lege veteri? 4. An sit durior ac severior? 5. An sit aliquando mutanda?

§. I.

Quid sit lex Evangelica, & in quo consistat?

Advertes 1. legem Evangelicam ex S. Thoma hic quæst. 106. art. 1. dupliciter spectari posse, scilicet, vel in se præcise, vel in signo. Quemadmodum enim testamentum sumitur, vel pro ipsa dispositione & donatione Testatoris, vel pro scriptura, qua testator utitur tanquam signo & instrumento, ut notum faciat hanc ultimam fuisse suæ voluntatis dispositionem; ita lex Evangelica, quæ dicitur novum Dei Testamentum, dupliciter accipi potest. 1. Pro ipsamet Christi dispositione & ordinatione. 2. Pro doctrina, qua nobis explicuit divitias suæ donationis.

Advertes 2. ex eodem S. Doctore loco citato, legem Evangelicam præcipue consistere in ipsa Christi dispositione, & charismatum largitione; doctrinam vero esse quid secundarium. Et, ut loquitur S. Doctor, quoddam dispositivum: verba illius sunt, *quod est potissimum in lege novi Testamenti, & in quo tota virtus ejus consistit, est gratia Spiritus Sancti, quæ datur per fidem Christi; & ideo principaliter lex nova est ipsa gratia Spiritus Sancti... habet tamen lex nova quædam sicut dispositiva ad gratiam Spiritus Sancti & ad usum hujus gratiæ pertinentia, quæ sunt quasi secundaria in lege nova, de quibus oportuit instrui fideles Christi & verbis scriptis, tam circa credenda quam circa agenda. Ex quibus concludit Angelicus Doctor, legem Evangelicam dicendam inditam, non vero traditam; & que in eo distingui a veteri, quod ista simpliciter dicatur scripta, illa vero indita. Enimvero res quælibet denominanda est ab eo, quod in illa excellit & homo.*

homo v. gr. simpliciter dicitur rationalis, nec sine aliâ qua contumelia vocaretur absolute animal, quia ratio illum supra omnia sensitiva extollit: ergo cum gratia sit quid præcipuum in lege Evangelica, nec per litteram seu scripturam tradatur, sed per Spiritum sanctum infundatur, absolute dicendum est legem Evangelicam esse inditam.

Nec refert, quod lex Evangelica magna ex parte sit scriptis exarata; namque lex naturalis, quam constat naturæ rationali esse inditam, fuit postmodum scripta in tabulis lapideis: ut carnales, circa exteriora effusi, extrinsecus saltem audirent, quod intus in corde insculptum legere negligebant; ita consentaneum fuit, ut lex Evangelica, quæ cum non sit innata sicut naturalis, sed naturæ rationali superaddita, per peccatum deleri potest, & excidere, non solum ex hominum cordibus, sed etiam ex eorum memoria, scripto traderetur. Ergo cum illa Scriptura sit quid secundarium in lege Evangelica, illa lex æque dici debet indita, ac lex naturalis, maxime cum sine scriptis fuerit condita, promulgata, & fere ubique recepta. His prænotatis, ad propositam quæstionem

R. Lex Evangelica, describi potest, gratia per Spiritum sanctum cordibus indita, quæ creduntur & amantur quæ Christus verbo tradidit.

Dicitur 1. gratia; de ea enim sic cecinit Zacharias cap. 12. v. 10. *effundum super domum David, & super habitatores Jerusalem Spiritum gratiæ & precum*; quod impletum esse die Pentecostes, quo promulgata est lex Evangelica, docent S. Hieronymus, Theodoretus, & alii. Sic etiam Sanctus Joannes legem Evangelicam indigitavit 8. 1. v. 17. *Lex per Moysen data est: gratia & veritas per Jesum Christum facta est*: hoc est, Moyses per legem præcepta dedit; Christus per Evangelium obedientiam contulit: Moyses cupiditatem prohibuit, quæ ipsa prohibitionis occasione amplius exarsit; Christus per Evangelium infundendo caritatem expulit cupiditatem. Lex ergo Dei, inquit Sanctus Augustinus lib. de spiritu & littera cap. 17. *est caritas.... cum in tabulis scribuntur opera caritatis*:

lex est operum, & litera occidens prævaticatorem; cum autem ipsa caritas diffunditur in corde credentium, lex est fides, & spiritus vivificans dilectorem.

Dicitur 2. *cordibus indita*; sic enim de ea habetur cap. 31. v. 31. & 33. Jeremix quem Apostolus cap. 8. ad Hebræos laudat in confirmationem nostræ definitionis: *Ecce, inquit, dies venient, dicit Dominus, & feriam domui Israel & domui Juda fadus novum.... dabo legem meam in visceribus eorum, & in corde eorum scribam eam.*

Unde Apostoli hujusce legis novæ præcones non descenderunt de monte Sion, in quo illam acceperunt, sicut Moyses de monte Sion, in quo Deus veterem legem sanxerat; iste enim descendit ferens legem veterem in manibus, & in tabulis descriptam: illi vero sine scriptura descendunt legem Evangelicam in cordibus insculptam deferentes, & ex abundantia cordis linguis igneis loquentes magnalia Dei, sicut scriptum est, Act. 2. *repleti sunt omnes Spiritu Sancto & cæperunt loqui.*

Dicitur 3. *per Spiritum Sanctum*, ut lex Evangelica distinguatur etiam a lege naturali, quæ ita est indita, ut sit innata, fluensque instar cujusdam radii a principiis naturæ rationalis; quæ cum sit per peccatum originale vitata & debilitata, lex ab ipsa emanans infirma quoque sit necesse est. At lex Evangelica 1. est naturæ rationali superaddita, & cordibus inscripta per Spiritum sanctum, ut habetur 2. Cor. 3. v. 3. *Epistola est Christi ministrata a nobis, & scripta non atramento, sed Spiritu Dei vivi: non in tabulis lapideis, sed in tabulis cordis carnalibus.* 2. obscuratam legem naturalem illustrat, & debilitatas naturæ vires reparat, auget, ac perficit, juxta illud Rom. 1. v. 16. *Non erubescio Evangelium; virtus enim Dei est in salutem omni credenti.* Et 2. Tim. 1. vers. 7. *Non enim dedit nobis Deus spiritum timoris, sed virtutis & dilectionis, & sobrietatis.*

Dicitur 4. *qua creduntur & amantur*; quibus vq. cibis significatur legem novam non solum ostendere quæ sint credenda, amanda, & fugienda; sed etiam dare

dare ut illa credantur, amentur, & fugiantur. Hinc dicitur lex amoris, lex fidei quæ per dilectionem operatur, quia mentem sanctis cogitationibus illustrat, & voluntatem pie movet & accendit, proptereaque dicitur ab Apostolo, Rom. 8. v. 2. *Lex, Spiritus vitæ in Christo Jesu; lex vero scripta, ministratio mortis literis deformata in lapidibus.* 2. Cor. 3. v. 7.

Dicitur 5. quæ Christus verbo tradidit, ut ostendatur, materiam, circa quam versatur lex Evangelica, esse ea omnia, quæ Christus verbo docuit, & Apostoli postmodum magna ex parte scripto tradiderunt.

Ergo lex nova vere justificat, namque gratia, ex dictis Tractatu de gratia, est forma justificans, & formaliter expellens peccatum, quemadmodum lux tenebras, & calor frigus: atqui lex Evangelica est ipsa met gratia & caritas diffusa in cordibus nostris per Spiritum sanctum, qui datus est nobis: ergo lex Evangelica vere justificat.

Dices 1. Illud proprie non est lex, cui non convenit definitio legis: atqui gratiæ non convenit definitio legis; non enim est ordinatio rationis ad bonum commune; facta a superiore, habens vim obligandi; ergo gratia proprie non est lex, sed metaphorice duntaxat, quemadmodum dicitur lex carnis, lex peccati.

Nego minorem. Gratia quippe est ordinatio vel efficax, vel sufficiens, facta a Deo summa ratione ad finem ultimum supernaturalem, quò nihil est melius, & quisquis ab illo ordine deficit, prævaricationis reum se constituit. Ergo gratia proprie dicitur ab Apostolo lex Spiritus, concupiscentia vero metaphorice lex carnis, & peccati, quia ille carnis & peccati impulsus est contra rationem, & ad malum tendit, ad quod nemo obligari potest.

Dices 2. vera lex, cum sit ad bonum commune, debet esse una: atqui gratia non est una: *divisiones gratiarum sunt*, inquit Apostolus 1. Cor. 11. & S. August. serm. 26. alias 21. de verbis Apostoli, *natura communis est, non gratia.*

Nego min. Nam ex Apostolo Ephes. 4. una fides,

unus spiritus, qui licet non æqualiter singulis communicetur, tamen *quantum est de se*, inquit S. Thomas quæst. 106. art. 2. ad secundum; *sufficiens auxilium dat ad non peccandum*. Sicut ergo lex naturalis una est in omnibus hominibus, quamvis in quibusdam amplius vigeat: ita & lex gratiæ & spiritus in omnibus Christianis, si obicem non ponant. Locus autem adductus ex epistola ad Corinthios, intelligendus est de gratiis gratis datis, quæ non erant omnibus communes, nec rationem legis habere poterant. Quo verò sensu dictum sit, *natura communis est, non gratia*, exposuimus Tractatu de Gratia pag. 583. 1. edit.

Dixi, *nisi ponant obicem*, nam Christus loquens de Spiritu sancto Joann. 14. ait mundum non posse eum accipere: mundum autem dixit, interprete Sancto Augustino, dilectores mundi, qui secundum eandem Doctorem, non re sed nomine duntaxat sunt Christiani; scriptum est enim Rom. cap. 8. *Si quis Spiritum Christi non habet, hic non est ejus*.

Dices 3o. illud non est differentia essentialiter legis Evangelicæ, quod est ipsi commune cum lege naturæ, & cum lege scripta, atqui gratia est communis legi naturæ, scriptæ, & Evangelicæ: sancti enim Patriarchæ, ut Noë, Abraham, Isaac, & Jacob, in lege naturæ; & Prophetæ, ut Moyses, & Samuel, David, & alii in lege scripta fuerunt sub gratia: ergo.

Distinguo min. cum Sancto Augustino lib. 3. contra duas epistolas Pelagianorum cap. 4. fuerunt sub gratia, quæ pertinebat ad legem Evangelicam, cura non fuerit ipsis collata, nisi per merita Christi & fidem in ipsum venturum, Concedo: quæ erat propriâ legis naturæ aut scriptæ, Nego minorem. *Eadem igitur fides est*, inquit Sanctus Augustinus, & in illis, qui nondum nati sunt, sed reipsa fuerunt antea Christiani, & in istis, qui non solum sunt, verum etiam vocantur, & in utriusque eadem gratia per Spiritum Sanctum.

§. II.

Utrum Lex Evangelica sit præceptiva?

NEgant Pseudo-Reformari, contenduntque legem Evangelicam, utpote legem libertatis, aliud non continere præceptum, quam fidem, seu certam fiduciam in divinis promissis, adeo ut stante ejusmodi fiducia nullum peccatum quantumcumque grave imputetur, tumque solummodo Christiani lethali ter peccent, cum a certa illa fiducia excidunt. Ita Lutherus in cap. 2. epist. ad Galatas, in quo sic habet: *cetera omnia libera, neque præcepta amplius, atque prohibita. Si conscientia dicat, peccasti; responde, peccavi. Ergo Deus puniet, & damnabit? non. At lex hoc dicit: sed nihil mihi cum lege. Quare? quia habeo libertatem.* Luthero concordat Calvinus lib. 3. Institut. cap. 19. Quam impietatem Concilium Tridentinum anathemate percussit sess. 6. can. 16. his verbis: *Si quis dixerit nihil præceptum esse in Evangelio; præter fidem cetera esse indifferentia, neque præcepta, neque prohibita, sed libera; aut decem præcepta nihil pertinere ad Christianos, anathema sit.* Similia habet can. 20. Et can. 21. *Si quis dixerit, Christum Jesum a Deo hominibus datum fuisse ut Redemptorem, cui fideant, non etiam ut Legislatorem, cui obediant, anathema sit.* Quare ad propositam questionem.

R. De fide est legem Evangelicam alia præcipere; quam fidem.

Probatur 1. ex Scriptura, Matth. 5. *non veni legem solvere, sed adimplere.* Nec dicant Adversarii, hæc intelligenda duntaxat de promissionibus in lege factis, quas Christus adimplevit; subdit enim: *Quis ergo solverit unum de mandatis istis minimis, & docuerit sic homines, minimus vocabitur in regno celorum. .. dico enim vobis, quia nisi abundaverit justitia vestra plusquam Scribarum & Phariseorum, non intrabitis in regnum celorum.* Quid vero addendum justitiæ Phariseorum exponit toto capite & duobus sequentibus: *audistis,*

inquit, quia dictum est antiquis, non occides . . . ego autem dico vobis quia omnis, qui irascitur fratri suo, reus erit iudicio. Matth. 19. Si vis ad vitam ingredi serva mandata . . . non homicidium faciet, non adulterabis, &c. Et cap. 25. boni & mali iudicantur ex operibus: tunc dicit Rex his, qui a dextris ejus erunt; venite benedicti Patris mei, possidete paratum vobis regnum, non quia credidistis, sed quia, esuriivi . . . & didistis mihi manducare . . . Et his, qui a sinistris erunt; discedite a me maledicti in ignem æternum . . . esuriivi enim, & non dedistis mihi manducare. Luc. 6. v. 46. Quid autem vocatis me Domine, Domine, & non facitis quæ dico? Joann. 14. Si diligitis me, mandata mea servate. Et c. 15. Hoc est præceptum meum: ut diligatis invicem, sicut dilexi vos. 1. Joann. 3. qui non diligit, manet in morte. Denique Sanctus Jacobus in sua epist. ex professo confutat eos, qui docebant solam fidem sufficere.

Probatur 2. ex Traditione. Sanctus Augustinus lib. 3. contra duas epistolas Pelagianorum c. 4. num. 10. sic scribit. „ Quis dicat non debere observare Christianos, ut uni Deo Religionis obsequio serviat, ut idolum non colatur, ut nomen Domini non accipiat in vanum, ut parentes honorentur, ne adulteria, furta, falsa testimonia perpetrentur, ne uxor, ne omnino res ulla concupiscatur aliena? „ Quis est tam impius, qui dicat ideo se ista legis, non custodire præcepta, quia est ipse Christianus, nec sub lege, sed sub gratia constitutus? „

Dices 1. Apostolus Rom. 3. v. 27. in eo opponit legem veterem legi Evangelicæ, quod illa sit lex factorum, ista vero lex fidei, ubi est ergo, inquit, gloriatio tua? exclusa est. Per quam legem? Factorum, non, sed per legem fidei. Arbitramur enim justificari hominem per fidem sine operibus. Ergo lex Evangelica non præcipit opera. Hinc dicitur Evangelium, hoc est, bonus nuntius, seu lex fausta annuntians. Quam autem sint illa, exponit Christus Matth. 11. v. 28. Venite ad me omnes, qui laboratis, & onerati estis (scilicet iugo legis) & ego reficiam vos.

Dist.

Dist. ant. lex fidei & gratiæ, quia dat fidem & gratiam, quibus implentur præcepta, Conc. fides enim Christianorum est fides, quæ per caritatem operatur, ut dicitur Gal. 5. lex fidei inertis, qua otiosi consistamus, & quiescamus in promissis divinis, Nego ant. Lex itaque vetus dicitur lex factorum, quia gratiam non conferebat: sed extrinsecus duntaxat opera præcipiebat: lex vero Evangelica vocatur lex fidei, quia hominem propriæ infirmitatis admonens, per fidem addicit Christo, a quo accipit gratiam implendi, quæ jubentur per legem. Ita S. Aug. lib. de spir. & litt. cap. 13. in quo sic scribit. „ Quid igitur interest ? „ scilicet legem inter & Evangelium breviter dicam. „ Quod operum lex minando imperat, hoc fidei lex „ credendo impetrat. Illa dicit, non concupisces, „ ista dicit; cum scirem quia nemo potest esse continens, nisi Deus det ... adiu Domini, & deprecatus sum ideo enim jubet lex, ut admoneat „ quid faciat fides, id est, ut cui jubetur, si nondum potest, sciat quid petat; si autem continuo „ potest, & obedienter facit, debet etiam scire, quæ „ donante possit. „ Et c. 10. probat Decalogum æque pertinere ad Christianos, ac ad Judæos; sed eos, qui etiam nunc propriis viribus illum servare præsumunt, servire sub lege premente, & sub littera, quæ occidit: „ Quid horum, quisquam dixerit Christianum non „ debere servare? an forte non istam legem, quæ in „ illis duabus tabulis scripta est, litteram occidentem appellat Apostolus, sed illam circumcisionis, aliorumque veterum, jamque abolitorum Sacramentorum? „ sed quomodo putabimus, cum in ea sit, non concupisces, per quod mandatum, quamvis sanctum & justum, „ & bonum, sefellit me, inquit, peccatum, & per illud occidit? Quid enim aliud est, littera occidit, spiritus autem vivificat; quamvis evidentius eo ipso loco „ ad Corinthios ... non aliam vellet intelligi litteram, „ quam ipsam Decalogum in illis duabus tabulis scriptum? Christus ergo bonum nobis attulit nuntium, quatenus annuntiavit, se præbere fidem & gratiam, quæ credantur & amantur quæ lex vetus in Decalogo præcipie-

cipiebat; ubi enim amor, labor non est, sed sapor & refectio, inquit Sanctus Bernardus.

Confirmatur, & explicatur responsio familiari exemplo. Cogitemus quempiam laborantem morbo, qui hacienus omnem Medicorum artem & industriam fefellit, proptereaque de salute omnino desperantem. Inserim familiares ipsi renuntiant quendam Medicum desperatos quosque sanitati restituere. Credit æger: ad Medicum confugit: paret ejus præceptis, & convalescit. Annon vere dixerit ille se sanatum per fidem in Medicum? Per quam autem fidem? an per fidem incertam & otiosam? Immo si Medici præcepta contempsisset, visus esset non habuisse in eum fidem. Ergo fides obtemperans & operans, illum a morbo liberavit.

Similiter humanum genus peccato primi parentis vulneratum, nec Moyses per multiplicia legis præcepta, nec ceteri Dei Prophetæ curare potuerunt. Prædicatus est Salvator mundi, & quotquot in illum credere, per fidem salvi facti sunt: per fidem, inquam, quæ per caritatem operatur. Quo autem sensu dicatur homo justificari sine operibus legis, vide in Tractatu de Gratia pag. 400. & seq.

Dices 2. Gal. 4. v. 4. *Misit Deus Filium suum ... ut eos qui sub lege erant, redimeret.* Et c. 5. v. 18. *Non estis sub lege.* Rom. 6. 14. *Non enim estis sub lege, sed sub gratia.* 1. Tim. 1. v. 9. *lex justo non est posita, sed injustis & non subditis.* Ergo Christiani non tenentur legibus.

Nego consequentiam; nam ex Sancto Augustino Tractatu tertio in Joannem; ille duntaxat est sub lege, cujus in malum propensi duritia retunditur lege minitante, quæ tanquam grave pondus cervicibus illius imponitur. Qui autem amore ducitur, & justitiam diligit, is in lege, non sub lege Domini est, juxta illud Psalm. 1. *in lege Domini voluntas ejus.* Verba sunt S. Doctoris, qui legem implet, non est sub lege, sed cum lege; qui autem sub lege, est non sublevatur, sed premittitur lege. Omnes itaque homines sub lege constitutos reos facit lex & ad hoc illis super caput est, ut ostendat peccata, non tollat.

Enim

Enimvero in lege duo sunt spectanda. Primum, est ordinatio in bonum. Secundum, vis obligandi sub peccato & pœnam. Primum repugnat voluntati malæ, contemnereturque, nisi secundum occurreret veluti quidam obex, qui malum opus coerces. Sed, inquit S. Aug. libro de spiritu & litera c. 4. ubi sanctus non adjuvat Spiritus, inspirans pro concupiscentia mala concupiscentiam bonam, hoc est caritatem infundens in cordibus nostris, profecto illa lex, quamvis bona, auget desiderium malum. sicut aquæ impetus vehementior fit obice opposito, cujus molem cum evicerit, majore cumulo præcipitatus violentius per prona provolvitur: nescio quo animo modo hoc ipsum, quod concupiscitur, sit jucundius, dum vetatur. At justus, cujus voluntas est in lege Domini, hoc est, per gratiam in bonum ordinata, etiamsi lex vim habeat illum obligandi, non attendit tamen ad illam obligationem, nec discernit an bonum a Spiritu Sancto inspiratum, sit ex præcepto, vel ex consilio amplectendum, sicut nec esuriens, an cibus sit ex præcepto sumendus. Quid enim concupiscit justus, nisi justitiam? Utinam, inquit, dirigantur viæ meæ ad custodiendas justificationes tuas. . . . Concupivit anima mea desiderare justificationes tuas in omni tempore. Psal. 118. in eo quod dicit se concupiscere, confitetur se infirmum, quemadmodum pullus, qui volare appetit necdum potest. Quis autem dixit naturam ei addere pondus; dum plumas tribuit? Revera plumæ in se spectatæ pondus sunt (plus enim ponderat avis mortua cum plumis, quam sine plumis) sed vivam leviores faciunt, ac sublevant. Ita carnales, utpote peccatis mortui, lege Christi premuntur, justique vero levantur. Unde Sanctus Augustinus in Psal. 59. ait: illa sarcina peccati pondus habet, Christi sarcina pennas habet. Nam & avi, si penus detrahatur, quasi onus tollis, & quo magis onus ablueris, eo magis in terra remanebit, quam exonerare volueris, jacet, non volat, quia tulisti onus; redeat onus, & volat. Talis est Christi sarcina, portent illam homines, non sint pigri, non attendantur illi, qui eam ferre nolunt, ferant illam qui volunt, & inveni-

nient quam sit levis, quam suavis, quam jucunda; quam rapiens in celum, & a terra eripiens.

Dices 3. scriptum est 2. Cor. 3. ubi Spiritus Domini, ibi libertas. Ergo.

Dist. antec. Libertas a timore servili, & a jure veteris legis, Concedo: ab omni præcepto, Nego antec. Apostolus enim Gal. 5. graviter monet, ne libertatem, quam habemus in Christo, demus in occasionem carnis. Et Rom. 6. Sicut, inquit, exhibuistis membra vestra servire immunditiæ, & iniquitati ad iniquitatem; ita nunc exhibete membra vestra servire justitiæ in sanctificationem.

Q. Quotuplicis generis sunt præcepta legis Evangelicæ?

R. Triplicis, alia sunt fidei, ut præceptum credendi mysterium Trinitatis, Incarnationis, &c. alia moralia, ut ea, quæ continentur in Decalogo, quæque Christus sua auctoritate confirmavit, & explicuit Matth. 5. alia cæremonialia, quæ spectant usum Sacrificii & Sacramentorum.

Dices: fuerunt præcepta judicialia in veteri lege, quibus politice administrabatur Judæorum societas: ergo similiter in lege Evangelica ejusmodi præcepta institui debuerunt.

Nego conseq. 1. quia cum Deus Judæorum Republicam prius ista instituisset, ut non haberent alium præter se Regem, ut constat ex libro 1. Regum cap. 8. v. 7. Moyse sigillatim præscripsit quidquid pertineret ad regimen civile & politicum. At Christus sibi temporale regnum non assumpsit, ait enim Joann. 10. regnum meum non est de hoc mundo. Quamobrem Principibus temporalibus liberum reliquit statuere ea, quæ viderentur aptiora ad publicam tranquillitatem, quæ est finis temporalis eorum regiminis, modo tamen ea non pugnaret contra leges fidei & morum, quas ipse sanxit. 2. quia lex vetus imposita est soli familiæ Jacob, quæ ut unius moris erat, & sat angustis terminis conclusa, eadem spiritali disciplina facile contineri potuit. Contra vero lex Evangelica sese extendit ad omnes nationes, quarum consuetudines, mores & ingenia plane sunt diversa, unde

de eas quoque diversis institutionibus regi oportuit. Quare Christus pro sua infinita sapientia, non unum Pastorem, sed plures, sub uno tamen supremo, scilicet Romano Pontifice, ut unitas servaretur, fidelibus Christianis præfecit, quorum singuli Provinciam sive Diocesim sibi commissam spiritualiter administrarent, ordinarentque ad vitam æternam, prout moribus & ingenio indigenarum congruere videretur.

S. III.

Utrum lex Evangelica sit aliena a veteri?

R. **N**ON est alia secundum substantiam; sed differt in accidentalibus, tanquam perfectum ab imperfecto, puer v. gr. a viro.

Ita S. Thomas quæst. 7. art. 1. & seq.

Prima pars probatur. 1. ex Scriptura, Matth. 5. *Non veni legem solvere, sed adimplere.*

Prob. 2. ex Traditione. Eusebius lib. 1. Demonstrationis Evangelicæ cap. 5. „Ne Testamentum novum aliud esse putemus, quam antiquissimam illam Mosaicorum temporum religione conjunctam vilem rationem, ut & vetus pariter, & idem novum possumus dicere. S. Aug. ep. 187. alias 57. c. 11. n. 34. Sacramentum porro regenerationis nostræ, inquit, manifestum esse voluit manifestatus Mediator. Erat autem antiquis justis aliquod occultum, cum tamen & illi eadem fide salvi fierent, quæ fuerat suo tempore revelanda; non enim audemus fideles temporis nostri præferre amicis Dei, per quos nobis ista prophetata sunt ... Habentes autem, inquit Apostolus, eundem spiritum fidei, propter quod scriptum est: Credidi propter quod locutus sum, & nos credimus, propter quod & loquimur. „Non diceret, eandem, nisi & illorum idem ipse esset spiritus fidei. Sicut autem illi, quando idem Sacramentum occultum erat, credebant Christi Incarnationem futuram, sic & nos credimus factam. Et a nobis autem, & ab illis futurus expectatur ad judicium ejus adventus. S. Leo serm. 4. in Nativ. Dom. sic etiam loquitur:

Gra.

Gratia Dei, quæ semper est universitas Sanctorum justificata, aucta est Christo nascente, non capta, & hoc magnum pietatis Sacramentum tam potius etiam in suis significationibus fuit, ut non minus adepti sint, qui in illud crediderunt promissum, quam qui susceperunt donatum.

Prob. 3. ratione; quia illæ leges non sunt diversæ quantum ad essentiam & substantiam, quæ habent eundem Legislatorem, eundem finem, & eadem præcepta: atqui lex nova & vetus habent 1. eundem Legislatorem, Hebr. 1. *Multifariam multisque modis olim Deus loquens Patribus in Prophetis, novissime diebus istis locutus est nobis in Filio.* 2. eundem finem; tum proximum, nempe verum Dei cultum, mentis integritatem, & cordis puritatem: tum remotum, scilicet vitam æternam. 3. eadem præcepta, scilicet fidei & caritatis: namque Matth. 23. v. 4. *In his duobus mandatis universa lex pendet, & Propheta.*

Secunda pars probatur ex Scriptura, Gal. 3. *Præterea, quam venires fides, sub lege custodiebamur conclusi in eam fidem, quæ revelanda erat. Itaque lex pædagogus noster fuit in Christo.* Et cap. 4. *Cum essemus parvuli, sub elementis mundi eramus servientes.* Sensus est interprete S. Th. q. 107. arr. 1. & aliis, lex vetus erat veluti rudior disciplina, puerorum imbecillitati accommodata, qui cum non alliciantur virtutis honestate, neque intelligant nobiles fructus, qui ex illa percipiuntur, urgendi sunt poenarum timore, & infantilibus quibusdam promissis; lex quippe eadem mysteria, quæ nunc explicite credimus, obscure & sub figurarum velamine commendabat, & carnales Judæos tum poenarum temporalium metu, tum terrenæ felicitatis pollicitatione impellebat ad ea, quæ virtutis sunt: At ubi venit plenitudo temporis, & splendidior effulsit lux Evangelicæ prædicationis, jam non sumus sub pædago, ait Apostolus Gal. 3. *dispelluntur veteres umbræ, spernuntur mundi terricula & promissa, unus animorum ardor, rapere regnum cælorum: unus timor, a tanta spe excidere.*

Dices: illæ leges sunt plane diversæ, quæ se invicem excludunt: atqui ita se habent lex vetus, & lex

Evangelica, evacuati estis a Christo, qui in legi justificamini, inquit Apostolus Gal. 3. *translato enim Sacerdotio necesse est, ut & legis translatio fiat*, Heb. 7. Ergo lex vetus, & lex Evangelica sunt plane diversæ.

Distinguo majorem. Si se excludant quoad substantialia, Concedo: quoad accidentalia, Nego majorem.

Distinguo similiter min. Lex Evangelica excludit veterem quoad cæremonias, & observantias legales, Concedo: quoad præcepta fidei & morum, Nego min. Enimvero legalia illa præfigurabant, & promittebant quæ implenda erant in Christo: ergo debuerunt desinere eo ipso, quo promissum fuit adimpletum, quemadmodum, inquit S. Thomas q. 107. art. 2. ad 1. soluta pecunia deletur chirographum promissorium: sed sicut donum virtute continetur in promisso & arbor in semine; ita ex eodem Angelico Doctore ib. art. 2. lex Evang. continetur in veteri.

Instabis: atqui lex Evangelica excludit veterem, quoad essentialia: Ergo nulla solutio.

Probatur subsumptum. Essentiale est lege veteri præfigurare & promittere Christum, ac Religionis Christianæ mysteria: atqui lex Evangelica excludit illas figuras & promissiones Ergo.

Nego subsumptum, & ejus confirmationis distinguo maj. Est essentialiale legi veteri præfigurare, & promittere Christum, si lex spectetur ut vetus & præcedens adventum Christi, Concedo: si spectetur secundum se præcise, Nego majorem; quemadmodum enim duo in homine spectari possunt: prima, quod homo sit, secundum, quod sit puer aut adultus: primum ad ejus essentiam pertinet, secundum ad circumstantias temporis, quæ se invicem excludunt; ætas quippe adulta excludit ætatem puerilem, sed in utraque manet idem homo secundum essentiam & substantiam; similiter sunt duæ legis ætates, alia præcedit adventum Christi, alia subsequitur: in priori lex per legalia præfiguratur, & promittit Christum futurum: in posteriori vero prædicat Christum venisse. Porro ejusmodi circumstantiæ temporis futuri & præteriti se-

expellunt, falsumque nunc esset annuntiare Christum venturum, ac proinde illicitum usurpare cæremonias legis veteris, quæ sunt promissiones rei futuræ; sed ipsa lex secundum substantiam spectata manet eadem; fides in Christum est eadem; idem Deus colitur eadem fide, eadem spe, eadem caritate, iisdem virtutibus, eadem præceptorum moralium observatione.

Urgebis: atqui lex Evangelica sustulit, vel correxit moralia legis veteris præcepta, utpote verò Dei cultui contraria: Ergo.

Probatur antec. Christus 1. sustulit polygamiam, repudium uxoris, juramentum, usura, legem tallionis, quæ permittebat appetitum vindictæ: 2. correxit quod dictum fuerat antiquis, non occides: non mœchaberis, diliges proximum tuum, & odio habebis inimicum tuum, docuitque omnem hominem etiam insensissimum esse proximum nostrum, inordinatos iræ, concupiscentiæ, & odii motus esse coercendos, uti legitimo Dei cultui contrarios; Ergo.

Nego subsumptum, & ad ejus confirmationem

R. 1. Christus non ipsam legem, sed falsas Scribarum & Phariseorum interpretationes ac traditiones circa juramentum & dilectionem proximi sustulit. II. li interpretabantur tradebantque 1. tum solum assumi nomen Dei in vanum, cum pejeratur: Christus contra docet omnes juramentum esse vanum, nisi fuerit necessarium, quemadmodum probamus tractatu de Religione, ubi de Juramento. 2. inimicum non esse pro proximo habendum; ac proinde a benevolentia nostra excludendum, quod est contra expressum legis decretum, Lev. 19. v. 18. *Non queras ultionem, nec memor eris injuriæ civium tuorum.* Et Exodi 23. v. 4. *Si occurreris bovi inimici tui, aut asino erranti, reduc ad eum.* Quid vero de usuris lex statueris, expendimus Tractatu de Justitia & Jure, ubi de usura.

R. 2. Quid sentiendum sit de Polygamia & repudio uxoris, quæ apud Judæos erant in usu, an scilicet Deus ea toleraverit dumtaxat, an revera permiserit, supra solvimus ubi de dispensatione. Sed siue toleraverit, siue ex utili dispensatione indulserit, satis est

est ad præsentem difficultatem, si dicatur nonnulla tolerari in pueris, aut etiam permitti, quæ majoribus prohibentur; ex quo sequitur legem Evangelicam differre accidentaliter a veteri, sicut perfectum ab imperfecto: Judæis v. g. tanquam pueris præscripta est lex tallionis, *oculum pro oculo, dentem pro dente*, quæ est primus justitiæ gradus, & pacis inchoatio, scilicet ut injuriam acceptam vindicta non transeat; vix enim invenitur, qui ira turbatus ob acceptum pugnum, vel auditum verbum convicii, plures pugnos, aut graviora convicia rependere non appetat: immoderatum autem illum animi impetum lex ita refrænât, ut quod superest inordinatum in appetitu vindictæ, non approbet, sed illud Christo, ad quem deducit, eradicandum dimittat. Quare

R. Christus nulla legis veteris præcepta moralia abrogavit; quin illa auctoritate sua confirmavit, sed sustulit dumtaxat quæ lex illa vel tolerabat, vel ex prudenti dispensatione indulgebat; ut polygamiam, repudium. Responsio patet ex dictis.

Q. *Utrum Christus veteri legi nova præcepta addiderit?*

R. 1. Loco Legalium, quæ abrogavit tanquam umbras futurorum, instituit nova præcepta cæremonialia: præcepit enim novum offerri Sacrificium, & alia celebrari Sacramenta.

R. 2. Addidit nova fidei præcepta; namque explicita fides mysterii Trinitatis, quæ est in præcepto apud Christianos, Judæis præcepta non fuit: cum illud mysterium in lege veteri non fuerit nisi implicite revelatum.

R. 3. Christus nulla præcepta moralia addidit, sed ea accuratius, quam Moyses explicuit confirmavitque. Ita S. Thomas q. 108. art. 2. ad 1. in quo sic habet. *Ea, quæ sunt fidei, sunt supra rationem humanam: unde in ea non possumus pervenire nisi per gratiam, & ideo, abundantiori gratia superveniente, oportuit credenda explicari. Sed ad opera virtutum dirigimur per rationem naturalem, quæ est regula quædam operationis humanæ: & ideo in his non oportuit ali-*

Alqua præcepta dari ultra moralia legis præcepta, quæ sunt de dictamine rationis.

Dixi 1. Christum accuratius, quam Moysen, explicuisse moralia præcepta. Cum enim Judæi veluti pueri spiritualia non caperent, nec cordis intentiones discutere & explorare valerent, legem naturalem ipsi exposuit præsertim in ordine ad actus exteriores, ut qui sensibus percipiantur. At Christus, sicut per gratiam suam lumen naturale sordibus peccati obscuratum pristino splendori restituit; ita per cælestem suam doctrinam plene ac dilucide explanavit quidquid recta ratio præscripta, non solum circa opera exteriora, sed etiam circa cogitationes mentis, & affectiones cordis.

Dixi 2. Christum præcepta moralia sua auctoritate confirmasse; egit enim Doctorem simul & Legislatorem, ut supra diximus, & patet ex sermone quem habuit in monte, in quo sic loquitur: *qui solveris unum de mandatis istis minimis, & docueris sic homines, minimus vocabitur in regno celorum: dico enim vobis, quia nisi abundaverit justitia vestra plusquam Scribarum & Phariseorum, non intrabitis in regnum celorum.* Unde post absolutum sermonem cap. 7. subdit Evang. erat docens eos, sicut potestatem habens.

Ergo lex naturalis per Christum explicata & confirmata, vere divina & Evangelica. Hinc 1. Joan. 2. v. 7. & 8. dicitur mandatum vetus simul & novum, non mandatum novum scribo vobis, inquit, sed mandatum vetus, quod habuistis ab initio. . . . Iterum mandatum novum scribo vobis, quod verum est & in ipso & in vobis; quia tenebræ transferunt, & verum lumen jam lucet.

Ergo qui post promulgatum Evangelium in legem naturalem peccat, is non solvit tantum jura naturæ, sed etiam Christi & gratiæ ejus, ac proinde majora meretur supplicia, juxta illud Apostoli Hebr. 10. irrisam quis faciens legem Moysi, sine ulla miseratione duobus vel tribus testibus meretur: quanto magis putatis deteriora mereri supplicia qui Filium Dei conculcaverit. . . & Spiritui gratiæ contumeliam fecerit?

Ergo Ecclesia non minus est judex controversiarum, quæ

quæ spectant jus naturale, quam earum; quæ ad fidem pertinent, ipsiusque est definire quid fidei & logi naturali repugnet, aut consentaneum sit: quia utrumque nititur verbo Dei: atqui ad Ecclesiam pertinet explicare verbum Dei, statuere quis sit verus illius sensus, ut fuse demonstravimus in Prolegomenis.

Confirmatur ex Traditione & constanti Ecclesiæ praxi; hætenus enim controversia circa legem naturalem, puta, an simplex fornicatio sit contra jus naturale, aut positivum duntaxat, an usura sit licita, an matrimonium dissolvatur per adulterium, an secundæ & tertiæ nuptiæ sint prohibitæ, suo judicio terminavit.

Dixi, quæ spectant jus naturale, quæ enim sunt juris positivi civilis, cum verbo Dei non nitantur, sed sola voluntate Principis politici, ad eum, vel ad ejus Ministros recurrendum est, quando in ejusmodi oritur difficultas & controversia, ac eorum judicio prorsus standum.

Ergo hallucinantur nonnulli Moderni, qui solam rationem statuunt judicem controversiarum, an hæc aut illa verba Christi præceptum vel consilium duntaxat contineant, adeo ut in eorum sententia illud solum in Scripturis habeat vim præcepti, quod mens humana judicat repugnare naturæ rationali, si vel fiat, ut mendacium; vel omittatur, ut eleemosyna in gravi necessitate proximi; cetera vero etsi perfectiora, habenda sint, ut mera consilia. Sed non advertunt illi, quod omnes experiuntur, inordinatos concupiscentiæ motus objecta exhibere aliter quam sunt, timorem displicendi, aut studium placendi, ita pervertere judicium, ut quæ gravissima sunt in lege naturali & Evangelica, v. g. fugere concupiscentiam carnis, oculorum, & superbiam vitæ, quibus Fideles constituuntur inimici Dei, Jac. 4. videantur mera consilia. Quamobrem in iis, sicut in ceteris, consulenda est Ecclesiæ traditio & interpretanda Scriptura secundum Sanctorum Patrum sensum, an scilicet præcipiat vel consulat, alioquin Evangelium Dei facile evaderet Evangelium hominum, ut loquitur Sanctus Hieronymus alibi laudatus.

His ita explicatis, superest ut solvamus quæ opponuntur contra tertiam nostram responsionem, ex quæ præcedentes conclusiones elicitimus. Itaque

Dices 1. Christus ea dedit mandata, quæ si servaverimus, diligemur a Patre, & certo consequemur vitam æternam: atqui per solam observationem legis naturalis non meremur diligere a Patre, nec consequimur vitam æternam. Ergo Christus addidit legi naturali nova præcepta moralia.

Minor probatur. Naturalia sunt singula præcepta legis naturalis: atqui per præcepta naturalia non possumus assequi finem supernaturalem, nempe vitam æternam, quæ nobis promittitur; nulla enim habens cum illa proportionem. Ergo.

Distinguo min. Per solam observationem legis naturalis, quæ sit sine fide & gratia, Concedo; quæ sit ex fide & ex gratia. Nego minorem.

Distinguo similiter confirmationis minorem, per præcepta naturalia non possumus assequi finem supernaturalem, si ad ea moveamur lumine & motivo naturali, Concedo: si ad ea movemur lumine fidei & instinctu Spiritus Sancti, Nego minorem: namque Beati in celo fruuntur Deo per amorem, qui pertinet ad legem naturalem.

Dices 2. Christum in lege Evangelicæ plura præcepta moralia sanxit, quæ non pertinent ad legem naturalem: ergo præcepta moralia revera addidit legi naturali.

Antecedens probatur nonnullis exemplis, 1. lex naturalis non prohibet omnem iram: dicitur enim Psal. 4. *irascimini & nolite peccare*. Neque omnem litem; alioquin Judices in Republica non deberent constitui: neque curam & sollicitudinem rei familiaris: neque judicium ferre de iis, qui male agunt: neque laudem intendere, quæ debetur virtuti: neque fontes punire. Sed Christus illa omnia prohibet, ait enim Matth. 5. v. 22. *qui irascitur fratri suo, reus erit iudicio v. 40. & ei qui vult tecum iudicio contendere & tunicam tuam tollere, dimitte ei & pallium*. Matth. 6. v. 30. *nolite ergo solliciti esse dicentes, quid manducabimus?*

Mat.

Matth. 7. v. 1. nolite judicare, ut non judicemini :
 Matth. 6. v. 1. attendite, ne justitiam vestram facia-
 tis coram hominibus, ut videamini ab eis, alioquin
 mercedem non habebitis apud Patrem vestrum qui in
 caelis est. Luc. 7. v. 37. nolite condemnare, & non
 condemnabimini. 2. lex naturalis non præcipit mutuo
 dare: benedicere maledicentibus nobis: præbere ma-
 xillam alteram percutientibus dexteram: omnes nobis
 præferre & novissimum locum eligere: seipsum & pa-
 rentes odiisse. Christus vero ista omnia præcipit,
 vultque ut plura faciamus, quam Ethnici & Publica-
 ni, qui tamen omnibus legis naturæ præceptis obli-
 gantur: Ergo lex Evangelica plura præcepta moralia
 præscribit, quam lex naturalis.

Nego antec. & confirmationis ejus consequentiam,
 & dico Christum in allatis exemplis nihil de novo
 præscribere, sed accuratius dumtaxat exponere legem
 naturalem, quam Pharisei suis traditionibus, Ethnici
 & Publicani pravis institutionibus & consuetudinibus
 corrumpebant, eamque restituere pristinae suae inte-
 gritati, ut expendenti allatos textus patebit.

Ac 1. quidem irasci in fratrem repugnat legi na-
 turali: ira enim est appetitus vindictæ, seu voluntas
 lædendi eum, qui prior læsit, eique reddendi malum
 pro malo; male autem velle & male facere lex na-
 turalis ex æquo prohibet, *læsi vicem referre prohibe-
 mur*, inquit Tertullianus Apol. 7. *ne de facto pares si-
 mus*. Deinde quilibet sive fidelis, sive infidelis, lege
 naturali tenetur diligere proximum sicut seipsum: at-
 qui nemo, ut multum sui amans, sibi ipsi irascitur;
 furentis enim est ac rabidi, velle discerpere, & dila-
 niare proprium membrum, si quando molestum sit, &
 dolorem inurat, quia sensatus tenerius illud diligit,
 impensius fovet, iram vero totam & odium in ægri-
 tudinem convertit, ut illam expellat, dolorem extin-
 guat, & membrum sanum expeditumque possideat.

Similiter recta ratio, secundum S. Thomam, in ini-
 mico etiam insensissimo duo distinguit, scilicet natu-
 ram & malitiam: per naturam homo est & proximus
 noster, membrum nostræ societatis, & quod majus

est, membrum corporis Christi, in quò omnes unum sumus: per malitiam inimicus est molestus, ac noxius. Vide nunc quid lex naturalis præscribat. An non ut irascamur malitiæ, hominis vero tanto morbo laborantis misereamur, juxta illud, *irascimini, & nolite peccare*; hoc est, malitiam compescite monitis, exhortationibus, & si necesse est, persequimini, & perimite mordacibus remediis: hominem vero diligite sicut vosmetipsos, tamquam membrum ejusdem vobiscum corporis, salutaria adhibete remedia, quibus a lethali morbo, quo laborat, liberum reddidisse vobis gratulemini.

Atque ex hac explicatione facite intelligitur ad legem naturalem pertinere Evangelicum illud præceptum, *si quis te percusserit in dexteram maxillam tuam, præbe illi & alteram*: ordo enim caritatis postulat, ut salutem temporalem posthabeamus æternæ proximi saluti, si in extremo damnationis periculo versetur, & jam percussus a phrenetico, præbeamus nos ad plura perpetienda, si necesse sit, ne det se præcipitem.

Dico, *si necesse sit*: quia, ut notat S. August. lib. 1. de serm. Dom. in monte c. 36. præceptum illud, & alia similia magis ad præparationem cordis, quam ad ostensionem operis accipienda sunt, ita ut semper parati simus & dexteram præbere, & pallium dimittere, ubi necessitas caritatis exegerit; nam ipse Dominus, inquit S. Doctor, *qui utique præcepta quæ docuit, primus implevit*; percutienti se in maxillam ministro Sacerdoti non præbuit alteram... non tamen ideo paratus corde non fuit, non solum in alteram maxillam cædi pro salute hominum, sed etiam toto corpore crucifigi. Hanc animi præparationem erga proximum expressius commendat Joann. 15. *Hoc est præceptum meum, inquit, ut diligatis invicem, sicut dilexi vos*. Non ait, sicut Scribæ & Pharisei hætenus interpretati sunt, nec sicut homines carnales se diligunt, quia male se diligunt a summo bono aversi, sed, *sicut dilexi vos*, non tam novi mandati formam præscribens, quam vetus a natura inditum, & inordinatis affectibus obscuratum restituens.

2. Matth. 7. non omnis cura rei familiaris damnatus, sed anxia & superflua sollicitudo, præsertim ea, quæ ex cupiditate & ex fiducia in propriis viribus procedit, cum solus Deus des incrementum, 1. Cor. 3. & nisi ædificaverit domum, in vanum laborent qui ædificant eam. Psal. 126. Sed Christus non vult nos omnem curam ita in Deum projicere, ut desides & otiosi remaneamus, ait enim Apostolus 2. Thessal. 3. *Si quis non vult operari, nec manducet.*

3. Christus laudato cap. 7. Matth. non aliud præscribit, quam lex naturalis, scilicet neminem temere, & ex incerta vulgi fama esse judicandum aut condemnandum, nam verbis immediate sequentibus, ait, *nolite dare sanctum canibus*; hoc est, nolite res sacras impuris & manifeste flagitiosis hominibus communicare; quin illis irrumpentibus strenue ac fortiter obstitite, judicantes eos gratia indignos.

4. Matth. 5. lex Evangelica non absolute vetat provocare judicem, sed in iis dumtaxat casibus, in quibus lex naturalis idipsum prohibet. 1. quando nulla est provocandi necessitas, scilicet cum rejecta amica compositione, impotenti motu iræ & desiderio vexandi proximum, ad judicem provocatur veluti ad ministrum & instrumentum suæ iniquitatis. Lites enim non sunt per se repetendæ, nec juramentum, sed adhibendæ ut remedium aliquando necessarium contra injustitiam debitoris, aut iniqui aggressoris, quemadmodum Apostolus provocavis coactus ad tribunal Cæsaris, quamvis Ethnici, Act. 25. 2. Cum proximus est in ea necessitate constitutus, in qua vel gratis vel mutuo dare deberet, jure quippe naturali tenemur subsidia necessaria conferre proximo indigenti, etiam si inimicus sit, & diabolus, vel factis nos læserit. Quare contra legem naturalem & Evangelicam peccant, qui, cum possent, nedum fratri indigenti commodent quin commodatum prius. ob simultatem dein exortam, violenter repetunt, proptereaque audire merentur illud Matth. 18. *Serve nequam . . . nonne ergo oportuit & remisereri conservi tui?* 3. His per accidens iis est illicita, quibus existit occasio proxima scandali & ruinæ spiritualis, ut acci-

dit plerisque , qui ex impotentia & animi imbecillitate litigare nequeunt absque caritatis dispendio , adeo ut litigare sit illis idem ac inimicitias gerere , necesseque sit illos a Sacramentis remove , donec non solum controversia fuerit finita ; sed maxime donec prævaleat caritas supra cupiditatem , qua hæcenus commoda temporalia Deo prætulērunt , ad quod non satis attendunt animarum Medici . Quid enim prodest homini quod reconcilietur proximo , si corde permaneat aversus a Deo ? Tamdiu autem aversus est a Deo , quamdiu in rebus creatis finem ultimum ponit . Porro in iis ultimum finem ponit , qui paratus est eandem inimicitias repetere , si ipsum similiter vexari contingeret .

Cum ergo lege naturali teneamur Deum super omnia diligere , & rebus omnibus , etiam vita privari , potius quam ab ipso per peccatum separari , Christus in hoc præcepto , *qui vult tecum iudicio contendere , & tunicam tuam tollere , dimitte ei , & pallium , & his similibus ; quicumque te arguerit mille passus , vade cum illo alia duo . Qui non odit patrem suum , & matrem , & uxorem . . . adhuc autem & animam suam , non potest meus esse discipulus .* Luc. 14. non aliud quam recta ratio a nobis exigit , nempe ut parati simus tum omnia dimittere , cum ea sine peccato servare non possumus .

Nec indignari debent parentes , quod filii eos odisse jubentur , cum filii simili odio in seipsos flagrare debeant , *qui non odit patrem suum , & matrem , inquit , adhuc autem & animam suam ;* est enim perversus amor , quem lex Evangelica corrigit , & rectum odium , quod ipsa commendat . Oderis sive in te , sive in parentibus concupiscentiam carnis , concupiscentiam oculorum , & superbiam vitæ , & rectum erit odium tuum , quia te & parentes in vitam æternam diliges . Cum autem diligis iniquitatem sive in te , sive in parentibus , & sæcularibus desideriis obsecundas , tum perversus & noxius est ille amor , quia avertit a Deo , & sic diligentes in æternum perdet .

5. Honestum quidem est operari quæ sunt laude digna ,

gna, ut opera virtutis; sed in operibus virtutis intendere hominum gloriam & laudes, turpe esse docent non solum Theologi, ut Sanctus Thomas 2. 2. quæst. 132. sed etiam Philosophi Gentiles: *Magnanimo*, inquit Aristoteles, 4. Ethic. cap. 3. *cura non est, ut laudentur, magis curat veritatem, quam opinionem*. Quin ipse Tullius, quamvis inanis gloriæ vitio laborasse videatur, sic tamen scribit lib. 1. de Offic. *Cavenda est gloriæ cupiditas*. Denique inanis gloria quodam naturali veluti instinctu est omnibus exosa.

6. Peccat in legem naturalem, qui proximum quæ in re opus ei fuerit, non adjuvat, cum possit, sive manum & operam præbendo, sive commodando, & mutuam pecuniam credendo, sive benigne erogando; si ille non habeat unde reddat; hæc est enim lex, quam nemo ignorare sinitur, *quæcumque vultis, ut faciant vobis homines, & vos eadem facite illis*.

7. Benedicere, aut maledicere maledicentibus nobis; idem est ex S. Thoma in cap. 5. Matth. ac bona, vel mala optare: atqui lex naturalis primum jubet, alterum vetat; quia ex dictis debemus esse benevoli erga omnes. Multa quidem reperiuntur in veteri & novo Testamento, quæ videntur contraria huic præcepto, ut Psal. 68. *Fiat mensa eorum in laqueum*. Et Luc. 10. *Væ tibi Capharnaum. Sed hæc facile solvuntur*, inquit S. Augustinus, lib. 1. de serm. Dom. in monte cap. 42. *quia, & Propheta per imprecationem quod esset futurum, cecinit, non optantis voto, sed spiritu prævidentis; ita & Dominus, ita & Apostolus*.

8. Ex communi hominum sensu & lege naturaliter indita Christus dixit Luc. 14. *Recumbe in novissimo loco*, Et Apostolus Philip. 2. *in humilitate superiores invicem arbitrantes*. Quotquot enim calant civilem hominum agendi rationem, quam modeste de se loquuntur, verbis & factis testantur se alios sibi antepone, iisque honoris causa primum locum deferunt, alioquin inurbani, agrestes & ridiculi haberentur. Quin ipsi met subditi vitio vertunt quod domini plus de se quam de aliis existiment. Verum quam exterius præferunt modestiam amatores mundi, eam viri probi intus in

corde gerunt, eisdemque (servata dignitate & gradu honoris, quem in Republica obtinent) sibi sineesse anteponunt, quia ut ex professo docet S. Thomas 2. 2. quest. 161. art. 3. recta ratio postulat, ut imaginem Dei in quolibet homine, etiam subdito & inimico, revereamur. Hæc autem reverentia, seu obsequantia, non est sine aliqua animi inclinatione ac demissione.

Dixi, *servata dignitate & gradu*: Cavendum quippe est Præposito, ut monet S. Augustinus in regula num. 16. *Ne apud eos, quos oportet esse subditos, dum nimium servatur humilitas, regendi frangatur auctoritas*. Quare num. 11. subdit idem S. Doctor, *honore coram vobis præbatus sit vobis, timore coram Deo substratus sit pedibus vestris*.

Ergo Christus nihil circa mores ordinavit, quod non præscribat ratio, quam si infideles ipsi consulere velint, prævia omni opinione seposita, mirabuntur quantum luminis Evangelium attulerit ad perfectam legis naturalis intelligentiam, cogenturque fateri eum, qui vitam suam ad normam legis Evangelicæ exegerit, verum fote sapientissimum, & cumulate perfectum.

§ IV.

Utrum lex Evangelica sit veteri gravior?

Priusquam huic questioni fiat satis,

Nota 1. legem Evangelicam ex dictis dupliciter esse spectandam. 1. Secundum quod in ea præcipuum est, scilicet, secundum gratiam & spiritum, quem confert, & a quo dicitur Rom. 8. *lex spiritus vivit*. 2. Juxta quod in ea est secundarium, nempe doctrinam & litteram.

Nota 2. in doctrina & littera præcipi, vel prohiberi non solum actus exteriores, puta eleemosynam, debiti solutionem, homicidium, &c. sed præcipue actus interiores, v. g. dilectionem proximi etiam inimici; iræ, & cujuslibet inordinati affectus conceptionem. His prænotatis, ad questionem

R. 1.

R. 1. Si ratio præcise habeatur actuum exteriorum, certum est legem veterem longe esse graviolem lege Evangelica; de ea quippe sic loquitur Princeps Apostolorum Act. 15. v. 10. *Nunc ergo quid tentatis Deum, imponere jugam super cervices discipulorum, quod neque patres nostri, neque nos portare potuimus?* Et ratio est quia, inquit S. Th. qu. 170. art. 4. *ad plures actus exteriores obligabat lex vetus in multiplicibus caeremoniis, quam lex nova, quæ præter præcepta legis naturæ paucissima superaddidit, . . . licet aliqua sint postmodum superaddita ex institutione sanctorum Patrum, in quibus etiam Augustinus dicit (nempe epist. 55. alias 119. cap. 18.) esse moderationem attendendam dicit enim de quibusdam, quod ipsam religionem nostram, quam in manifestissimis, & paucissimis celebrationum Sacramentis Dei voluit misericordia esse liberam, servilibus premunt oneribus, adeo ut tolerabilior sit conditio Judeorum, qui legalibus Sacramentis, non humanis præsumptionibus subjiciuntur.*

Dices: Præceptum Confessionis Sacramentalis, & prohibitio polygamie, ac libelli repudii in lege Evangelica sunt onera adeo gravia, ut propterea multi infideles a nostra religione deterreantur, quin & Apostoli perculsi ætissimo matrimonii vinculo per Christum invecio, dixerint, *si ita est causa hominis cum uxore, non expedit nubere.* Ergo lex Evangelica respectu exteriorum operum est gravior veteri.

Distinguo consequens, Est gravior secundum quid; Transeat: est absolute & simpliciter gravior. Nego consequens; Pondus enim legis non expenditur ex uno aut altero præcepto, sed ex tota præceptorum collectione. Porro sicut ingens palearum acervus plus habet ponderis, quam parum ferri, licet ferrum ex natura sua sit palea gravius; ita lex vetus ob sexcenta fere præcepta, quæ in ea numerantur, simpliciter est gravior lege Evangelica, quæ paucissima continet præcepta, etsi unum aut alterum ex iis forte sit ponderosius. Deinde Confessio Sacramentalis pœnitentibus magnæ levationis est, nedum oneris, cum ex ea solatium, consilium, & remedium capiant, nec sensus

pudoris, qui eam comitatur, comparandus est dolori, quem inurebat circumcisio. Polygamia vero & libellus repudii erat indulgentia ad tempus infirmis concessa, ut supra diximus.

R. 2. Doctrina & littera legis Evangelicæ, quatenus se extendit ad actus interiores & exteriores, longe est gravior lege veteri. Ita S. Th. art. 4. mox laudato: *Alia autem, inquit, difficultas est circa opera virtutum in interioribus actibus. . . & quantum ad hoc præcepta novæ legis sunt graviora præceptis veteris legis; quia in lege nova prohibentur interiores motus animi, qui expresse in veteri lege non prohibebantur in omnibus, etsi in aliquibus prohiberentur, in quibus tamen prohibendis pena non apponebatur. Hoc autem est difficillimum non habenti virtutem. Enimvero abnegare seipsum, Deum diligere usque ad contemptum sui, uti hoc mundo tanquam non utamur, motus iræ, superbiæ, voluptatis nos continuo lucentes compescere, quemadmodum littera docet, non solum difficile est sine Spiritu vivificante, sed etiam impossibile. Unde Apostolus, 2. Cor. 3. scribere non dubitavit, littera occidit; quia multitudine præceptorum carnis carnalibus occasio peccati, & mortis æternæ.*

R. 3. Lex Evangelica si spectetur, ut spectari debet, secundum quod in ea est præcipuum & essentialle, hoc est, quatenus est lex spiritus & gratiæ, non est onus premens portantem se, quemadmodum lex vetus; sed levans, reficiens ac delectans.

Probatur 1. ex Scriptura, Matth. 11. *Fugum meum suave est, & onus meum leve*, 1. Joan. 5. *mandata ejus graviora non sunt.*

Probatur 2. ex Patribus. Sanctus Augustinus serm. 64. alias 22. de verbis Apostoli. *Hæc sarcina, inquit, non est pondus onerati, sed alæ voluntatis; habent enim & aves pennarum suarum sarcinas, portant illas in terra, portantur ab illis in cælo. Et Sanctus Bernardus epist. 341. sic scribit: Leve Salvatoris onus, quo crescit amplius, eo portabilius est. Nonne & aviculas levat, non onerat pennarum numerositas ipsa. Tolle eas, & reliquum corpus fertur ad ima.* Sic dicitur

seiplina Christi, sic suave jugum, sic onus leve, quod quo magis deponimus, eo deprimimur ipsi, quia portat potius, quam portatur.

Probatur 3. ratione; Quia lex Evangelica est ipsa bona voluntas, & justitiæ dilectio: atqui suave est & perjucundum iis incumbere, in quæ propendet animus; pœna vero inde avocari renitente voluntate: *Nullo modo onerosi sunt labores amantium, inquit S. Augustinus lib. de bono viduitatis cap. xi. sed etiam ipsi delectant, sicut venantium, negotiantium, ludo aliquo sese oblectantium; nam in eo quod amatur, aut non laboratur, aut si laboretur, labor amatur. Et capite 69. lib. de natura & gratia expendens illud Joannis: mandata ejus gravia non sunt, ait, quomodo enim est grave, cum sit mandatum dilectionis? aut enim quisquis non diligit, & ideo grave est: aut diligit, & grave esse non potest.*

Dixi; Mens illa est admodum paucorum, lex autem Evangelica data est omnibus, saltem fidelibus: Ergo lex Evangelica non est reponenda in justitiæ dilectione.

Distinguo maj. Est paucorum comparate ad carnales, qui sunt in majori numero, Conc. Est paucorum, si absolute spectentur, Nego maj. Sic dicimur pauca esse grana cum palea in area permixta, quæ tamen multa sunt in horreo collecta; ut advertit Sanctus Augustinus.

Distinguo etiam minor. Lex Evangelica data est omnibus, idest lata pro omnibus, & promulgata singulis fidelibus; Conc. Recepta est ab omnibus, Nego min. Scriptum quippe est de Spiritu sancto, per quem caritas diffunditur in cordibus nostris, *quem mundus non potest accipere, Jo. 14.* Nomine autem mundi, significat mundi dilectores, concupiscentiis carnis & oculorum servientes, ut docet S. Augustinus, tract. 74. in Joann. Porro: *Si quis Spiritum Christi non habet, hic non est ejus. Rom. 8.* Ergo sicut erant in lege veteri qui pertinerent ad Evangelium, ut sancti Patriarchæ & Prophetæ, qui Deo serviebant in novitate spiritus, & non in vetustate litteræ: ita in

lege Evangelica, plures non re, sed nomine denantur Christiani, ut supra dicebat S. Augustinus, pertinent ad legem veterem, utpote qui non receperint nisi litteram legis Evangelicæ, quæ est ipsis gravissimum jugum.

Instabis, atqui plures ex iis, qui iustitiam diligunt, graves patiuntur difficultates contra legis Evangelicæ præcepta: ergo sub nullo respectu lex Evangelica dici potest jugum suave & leve.

Distinguo anteced. Qui iustitiam diligunt, sed nondum plene & perfecte, patiuntur graves difficultates ex infirmitate carnis, quemadmodum palato male affecto cibus delicatior sit pœna, Concedo: Qui iustitiam plene diligunt, patiuntur graves difficultates, quæ oriuntur ex ipsa divina lege, quæ est verus animæ cibus & refectio. Nego anteced. Nam ex Sancto Bernardo mox laudato, quo amplius crescit jugum Christi, copiosius est. Et sanctus Augustinus Deum alloquens, lib. 10. Confess. cap. 28. ait: *Cum inbasero tibi ex animi me, nusquam eris mihi dolor & labor...* unde autem, quoniam quem tu implet, sublevas eum, quoniam, qui plenus non sum, aperi mihi sub...

Itaque lex Evangelica est quidem verissima iustitiæ dilectio, lex vitæ, vivificans & spiritum conferens; sed non in una & eadem semper mensura recipitur. Aliis tribuit ut bonum promptè & delectabiliter operentur: aliis ut, ubi difficultatem sentiunt, fidelissimis & perseverantissimis precibus, ut loquitur S. Augustinus, facilitatem a Domino impetrent, juxta illud Zach. 12. *Effundam super domum David, & super habitatores Jerusalem Spiritum gratiæ & precum, & aspicient ad me, quem confixerant.* Spiritum precum in lege Evangelica futurum prædicit, ut si desit illa gratiæ copiam, quæ primis Ecclesiæ sæculis abundabat, & etiam nunc in quibusdam exuberat, saltem præstio sit orationi Spiritus, qui adjuvet infirmitatem nostram, ut impleamus, quod jubetur.

Porro, qui ab infirmitate liberari postulat, ut quod jubetur, impleat, proculdubio præcepta legis amat; nisi enim multum amaret, gratiam pro iis implendis

tam perseveranter non peteret, ut videre est in carnalibus, qui aliud a Deo non petunt, quam ut eos incolumes in hac vita conservet, & inita consilia exsententia succedant, quia hoc unum desiderant. Jam vero quis non intelligat, eum, qui exauditus optatis potitur, quippe contra carnis & mundi illicibras fortiter pugnat, etsi ejusmodi tentationes non amet, delectari tamen quod ab iis vinci non possit?

§. V.

Utrum in Lege Evangelica dentur consilia?

R. **D**antur, ut patet ex variis Scripturæ locis, Isaïæ 9. Christus prædicitur futurus Consiliarius, Matth. 19. 21. *Si vis perfectus esse, vade, vende quæ habes, & da pauperibus.* Unde Christus necessitatem præcepti non imponit, sed liberæ electioni permittit quod perfectius est, 1. Cor. 7. *De virginibus . . . præceptum Domini non habeo: consilium autem do, tanquam misericordiam consecutus a Domino, ut sim fidelis;* hoc est, ut pro munere Apostoli, quod misericorditer consecutus sum, fideliter exponam mentem Dei, & saluti omnium optime consulam.

Q. 2. *In quo differt consilium a præcepto?*

Respondet S. Thomas qu. 108. art. 4. illud esse discriminis inter præceptum & consilium, quod præceptum necessitatem imponat, consilium vero det optionem; Oportet igitur, inquit, quod præcepta novæ legis intelligantur esse data de his, quæ sunt necessaria ad consequendum finem æternæ beatitudinis, in quem lex nova immediate introducit. Consilia vero oportet esse de illis, per quæ melius & expeditius potest homo consequi finem prædictum; Consilium quippe est de meliori bono.

Q. 2. *Consilia congruuntne potius legi Evangelicæ, quam veteri?*

Affirmat sanctus Thomas laudato mox articulo, quia lex Evangelica est lex libertatis, vetus vero lex servitutis; nam ex Philosopho, quam laudat qu. 108.

art. 1. ad 2. liber est, qui sui causa est, idest, qui ex se ipso agit, nec urgetur ab extrinseco: servus vero, qui minis & metu poenarum ad agendum impellitur: atqui homo in lege Evangelica amoris pondere, & interiori instinctu gratiae, ut loquitur sanctus Doctor, fertur ad ea, quae honesta sunt: in lege autem veteri agebatur timore poene extrinsecus immisso: ergo lex Evangelica est lex perfecta libertatis, ut dicitur Jac. 1. vers. 25. *vetus vero servitutis, & in servitutem generans.* Galat. 4. vers. 24.

Ut autem perspicuum fiat consilium congruere liberis & amicis, praeceptum vero servis, duo in praecepto sunt distinguenda. Primum est ordinatio rationis ad bonum. Secundum est vis obligandi sub poena. In primo conveniunt praeceptum & consilium; Consiliarius enim aequè ac praeciens ad bonum movere intendit, nonnumquam tamen cum aliquo discrimine; dominus quippe in suum potius quam in fervorum commodum praecepta dare solet; consiliarius vero, nisi velit decipere, unice consulit utilitati alterius.

Sed quoad secundum, nempe vim obligandi sub poena, praeceptum & consilium discrepant; namque consiliarius per consilium suum necessitatem non imponit: sed ita proponit quod utilius & magis expedit, ut optionem permittat, atque in eo se benevolum & amicum exhibet. At dominus ulterius progreditur, potestate sua utitur in subditos rerum utilium fastidiosos, iisque servire per minas eos compellit.

Ex hac explicatione tria manifeste sequuntur.

Primum, consilia non esse onera amanti, sed auxilia opportuna, quibus salutis suae securius consulat, & mandata facilius expeditiusque impleat; *Praeceptum in subditos fertur,* inquit S. Ambrosius lib. de viduis, *consilium amicis datur. Ubi praeceptum est, ibi lex est: ubi consilium, ibi gratia.* Dominus cum auctoritate servis imperat: pater filiis benevole consulit: ait Dominus, sic volo, sic jubeo; amicus vero, tibi idem consilium do, quod mihi metipsi. Amplectamur ergo Dei consilia non solum, ut genuinos aeternae sapientiae foetus, sed maxime ut divinae illius erga nos bene-

benevolentiae signa; qui enim illa spernit, a Deo dissentit, & adversus ejus beneficia ingratum se demonstrat.

Secundum, consilia apprimè convenire statui legis Evangelicæ, minas vero imperfectioni legis veteris; cum illa spiritum dilectionis infundat, & filios in bono sapientes pariat; ista vero servos erga virtutem male affectos, timore contineat. Nam de sapiente scriptum est, Prov. 9. v. 9. *Da sapienti occasionem, & addetur ei sapientia; doce justum, & festinabit accipere.* Quasi quis diceret, da potum sitienti, & sumet cum aviditate; quid enim justus æque sitit ad justitiam ad quam divina consilia viam sternunt? Contra vero de servo legitur. Prov. 26. v. 19. *Servus verbis non potest erudiri; quia quod dicis, intelligit & respondere contemnit;* hoc est, frustra documenta & consilia dantur animo servili, ut qui agnitæ veritati, quam fastidit, non acquiescat; sed urgendus est auctoritate.

Tertium, inordinato affectu eum teneri, qui se intra præcepti terminos ita concludit, ut non curet an deceat, an expediat, modo per legem sibi licere audiat; is enim voluntatis inclinatione in bonum non propendet, sed ad illud timore pænæ cogitur: atqui illud animi fastidium nascitur ex terrenorum cupiditate, sicut stomachi nausea ex noxiorum humorum redundantia; *præoccupatum nempe secularibus desideriis animum delectatio sancta declinat,* inquit S. Bernardus lib. 5. de Ascensione.

Q. 4. *Peccatne, qui divinis consiliis non acquiescit?*

R. In eo præcise non peccat; Quia ex Apostolo Rom. 4. v. 15. *Ubi non est lex, nec prævaricatio;* atqui consilium non est lex, nec agendi necessitatem imponit, sed optionem permittit: Ergo.

Dixi, *Præcise;* Quia qui consilium prætermittit, ut cupiditatibus suis indulgeat, carnis desideriis serviat, proculdubio peccat; transgreditur enim legem, quæ dicit Exodi 20. v. 17. *Non concupisces;* & Ecclesi. 28. v. 30. *post concupiscentias tuas non eas,* quod singuli, maxime vero qui in monasteriis sanctiorem vitam professi sunt, observare debent; quamvis enim eorum

ita

statuta, nequidem sub peccato veniali per se obligent; peccant tamen contra legem naturalem & divinam, aliquando etiam cum discrimine salutis æternæ, cum ea contemnunt, aut negligunt, ut inordinatis animi affectibus serviant. Adde quod vix ista contingant sine aliorum offensione, & disciplinæ regularis imminutione.

Dices: Ergo peccat quisquis consilia legis Evangelicæ non sequitur; cum sine aliquo inordinato affectu prætermitti nequeant.

Nego sequelam, & ejus confirmationem, quem enim Christus non admisit, ut sequeretur se, Marci 3. v. 19. is absque peccato ad suos reddit annunciaturus quanta Deus ipse fecisset: contra vero excusandus non videtur, qui Christo vocanti non respondit, divitiarum amore præpeditus, Matthi. 19. Unde S. Th. q. 108. art. 4. distinguit inter consilia legis Evangelicæ: alia quippe sunt generalia, & simpliciter dicta: *Quæ, quantum est de se, sunt omnibus expedientia*, sed non singulis: alia specialia & secundum quid, quæ omnibus & singulis conveniunt. Generalia vocat professionem perfectæ paupertatis, castitatis, & obedientiæ, quibus amputatur, quantum fieri potest, omnis mundi concupiscentia, scil. divitiarum, & carnis, ac superbiæ vitæ, ut animus omni cura solutus, libere Deo vacet. Sed ista consilia ita dantur toti corpori Ecclesiæ, ut ad singula ejus membra non dirigantur; nam, ut ait Apostol. si totum corpus oculus, ubi auditus? hoc est, si omnes homines monasticam vitam profiteantur, quomodo stabit humana societas?

Vera quidem Ecclesia præ Hæreticorum sectis, in hac parte enitet, cum in ejus corpore nunquam defuerint, sicut apud Pseudo Reformatos, qui perfectionem illam Evangelicam fuerint amplexi: *Sed unusquisque proprium donum habet ex Deo, alius quidem sic, alius vero sic*, inquit Apostolus, 1. Cor. 7. Hæc unum quisque caveat solum, ne gratiæ Dei desit; permagui quippe interest Deum interius vocantem audire: quia non sine salutis periculo viam quis ingrederetur, in qua Deus se ducem non præberet. Sed

præter ejusmodi consilia universim proposita, alia quæ vocantur a S. Th. consilia secundum quid, singulis speciatim dantur in lege Evangelica, nimirum abstinere nonnunquam a licitis, & ultra præceptum, v. g. misericordiæ, patientiæ, temperantiæ, progredi, quando expedit: vel ad vincendas tentationes, v. g. iræ, vindictæ, libidinis: vel ad liberius vacandum orationi: vel ad exulceratum animum proximi demulcendum, & ad spargendum bonum Christi odorem. Porro qui spernit ejusmodi consilia: ut cupiditati & inordinato affectui indulgeat, proculdubio peccat, non præcise propter consilium prætermissum, quod, ut jam diximus, per se non obligat; sed propter transgressionem legis dicentis, *non concupisces*.

Q. 5. In quo consistit vitæ Christianæ perfectio, an in observatione consiliorum Evangelicorum potius quam mandatorum?

R. Consistit in observatione mandatorum. Probatur ex Scriptura, Matth. 6. vers. ultimo, Christus perfectionem ponit in præcepto dilectionis proximi: *Estote ergo vos perfecti, sicut & Pater vester celestis perfectus est*. In dilectione autem proximi includitur dilectio Dei, utpote quæ sit ratio illius & motivum.

Probatur 2. Ex S. Augustino, libro de natura & gratia, cap. 70. in quo sic habet: *Charitas ergo inchoata, inchoata justitia est; caritas provelta, provelta justitia est; caritas magna, magna justitia est; caritas perfecta, perfecta justitia est . . . quæ summo maxima est in hac vita, quando pro illa ipsa contemnitur vita*. Unde concludit sanctus Doctor, virginem non debere se extollere supra conjugatam; quia licet virginitas sit donum excellentius castitate conjugali; mulier tamen nupta potest esse paratior quam virgo ad fundendum sanguinem pro Christo, & ita esse perfectior in statu conjugii minus perfecto.

Probatur 3. ratione duplici. Prima, ultimus finis est ultima cujusque rei perfectio, atqui caritas est finis legis, teste Apostolo, 1. Timoth. 1. Ergo in caritate reponenda est legis perfectio, ac proinde homi-

nis; scopus enim legis est perficere subditos. Altera ratio; quia ut habetur in collationibus Patrum, consilia perfectæ paupertatis, castitatis, & obedientiæ spectari debent veluti instrumenta, quibus perficitur caritas: „ Jejunia, inquit Abbas Moyses coll. 1. c. 7. „ vigiliæ, labores, corporis nuditatem, lectionem, „ ceterasque virtutes debere nos suscipere noverimus, „ ut scilicet per illas ab universis passionibus noxiis „ illæsum parare cor nostrum, & conservare possimus, „ & ad perfectionem caritatis istis gradibus innitendo „ conscendere... Ob hoc enim quis ferramenta cu- „ juslibet artis instituere sibi met, ac præparare festi- „ nat, non ut ea possideat otiosa, nec ut emolumen- „ ti illius fructum, qui speratur ex ipsis, in nudæ „ instrumentorum possessione constituat; sed ut eorum „ ministerio peritiam finemque illius disciplinæ, cujus „ hæc adjumenta sunt, efficaciter apprehendat. “ In eadem sententia S. Paulinus vir Consularis, & ex opulentissimo pauperrimus propter Christum factus, cum inde celebris ubique haberetur, sic scribit epistola secunda ad Sulpitium Severum: „ Quæ nobis gratia, si „ in alieno tantum fideles fuerimus, nisi de propriis „ serviamus, idest, de libero voluntatis arbitrio, ex „ toto corde nostro diligentes Deum. Quamobrem „ temporalium bonorum relictio sive distractio, non „ decursus fladæ, sed ingressus, nec ut meta, sed ut „ janua est. Non enim tuum vincit, cum exiit A- „ thleta, qui ideo nudatur, ut incipiat dimicare... „ Et natator amnem interpositum superaturus exui- „ tur; nec tamen transnabit, nisi totius corporis „ nisu torrentis impetum scindat, & laborem natatio- „ nis exhauriat. “ Igitur qui in monasterio pauper- „ tatis, & castitatis scopum, scilicet, amorem Dei non „ contendit, continuo exhauriens sentinam amoris pro- „ prii, ex quo crescunt elatio, ira, rixæ, suspiciones „ malæ, & alii caritati contrarii affectus, eum similem „ dixeris artifici, qui exquisitissima quæque artis suæ in- „ strumenta comparat, eaque nitida, polita, & recte or- „ dinata in officina diligenter servat, ita tamen ut nul- „ lum inde opus conficiat.

§. VI.

Utrum Lex Evangelica sit aliquando mutanda?

Certum est præcepta moralia nunquam esse mutanda, cum pertineant ad legem naturalem, quæ ex dictis est immutabilis. Quæstio itaque esse potest duntaxat de aliis præceptis.

R. Lex Evangelica mutanda non est, nisi in fine sæculi.

Prob. 1. Ex Scriptura, Matth. 24. *Prædicabitur hoc Evangelium regni in universo orbe in testimonium omnibus gentibus, & tunc veniet consummatio.* De præceptis fidei & spei speciatim habetur, 1. Cor. 13. v. 10. & 11. quod evacuabuntur, cum venerit quod perfectum est, scil. visio intuitiva; interim vero manent fides, spes, & caritas. De præceptis etiam caeremonialibus idipsum constat ex cap. 7. ad Hebr. ubi Christus dicitur habere sempiternum Sacerdotium; atqui tandiu duratura sunt præcepta caeremonialia legis Evangelicæ, quandiu duraturum est ejus Sacerdotium, quod essentialiter ordinatur ad Sacrificium offerendum, & Sacramenta conficienda: Ergo.

Prob. 2. ratione, quam urget S. Th. q. 106. art. 4. Quia sicut lex vetus se habuit ad legem Evangelicam, ita se habet lex Evangelica ad beatitudinem, & visionem Dei intuitivam: atqui lex Evangelica proxime & immediate debuit succedere legi veteri, tanquam ejus complementum & perfectio: ergo legi Evangelicæ immediate succedet beatitudo, & visio Dei intuitiva, ac proinde durabis usque ad consummationem sæculi. Minor est evidens.

Major probatur; Finis legis erat Christus, quem venturum prædicebat, cujus passionem figurabat in Sacrificiis, cujus immensa dona & beneficia adumbrabat in Sacramentis & ceteris legalibus caeremoniis: Ergo jam præsentem Christo, hoc est, veritate, & collatis donis, necesse fuit, ut umbræ, figuræ, & promissæ evanescerent. Atqui similiter lex Evangelica prædicat,

ac promittit Christum rursus venturum cum gloria ; & legis suæ cultores secus assumpturum : hac fide , hac spe nos interius per gratiam , exterius per doctrinam , nutrit ac roborat ; atque ad tantam felicitatem promerendam & capiendam idoneos reddit , adeo ut, inquit S. Thomas , nihil possit esse in statu vite perfectius , nec ultimo fini propinquius , quam lex Evangelica , ac proinde immediate illi succedet visio beatifica .



TRACTATUS DE FIDE, SPE, ET CARITATE.

TRES illæ virtutes vocantur Theologicæ ; quia virtus Theologica dicitur ea , quæ Deum habet pro objecto materiali , saltem primario , & divinam ejus perfectionem pro formali : atqui sic se habent tres illæ virtutes ; nam Fides respicit Deum ut primam veritatem ; Spes ut nostram beatitudinem ; Caritas ut summam bonitatem : Ergo vide quæ de virtutibus Theologicis in genere , & de earum differentia a moralibus dicta sunt , Tract. de Gratia pag. 258. & seq. in subdita 1. editione .

Dixi, *saltem primario* ; Quia præter Deum alia secundario per fidem credimus , ut immortalitatem animæ rationalis , Sacramenta ; per spem speramus gratiæ auxilia : per caritatem diligimus proximum .

Juxta morem in Scholis receptum , distribuimus hunc Tractatum in tres partes , in quarum prima agemus de fide ; in secunda de spe ; in tertia de caritate .

PRIMA PARS.

De Fide.

E Raviora fidem spectantia jam expendimus tum in Prolegomenis, tum Tract. de Gratia, ubi de Justificatione. Quamobrem hic nonnulla dumtaxat veluti spicas post messes derelictas legemus, ac primo quidem accuratius investigabimus naturam & definitionem fidei. Deinde quæremus qui sint illius scetus, & quæ eorum necessitas. Tertiò dicemus de peccatis fidei oppositis.

CAPUT PRIMUM.

De definitione Fidei.

DUplex in Scholis profertur fidei definitio. Alia petitur ex Apostolo Hebr. 11. quæ, cum sit a Spiritu sancto inspirata ac dictata, diligentius a nobis est exponenda. Sed quia constat terminis, metaphoricis & obscurioribus, Theologi aliam confecerunt juxta Dialecticorum regulas.

§. I.

Exponitur definitio fidei ab Apostolo tradita.

Q. 1. **Q**uomodo fides ab Apostolo definitur;
R. Definitur Hebr. 11. vers. 1. *Sperandarum substantia rerum, argumentum non apparentium.*

Q. 2. *Quid hic substantia significat?*

R. Tria. 1. Significat inchoationem, quo sensu principia dicuntur scientiæ substantia; quia virtute continent omnes conclusiones, & ab incipit omnis disci.

disciplinæ profectus : atqui similiter, inquit S. Thomas, quæst. 4. art. 1. *Prima inchoatio rerum sperandarum in nobis est per assensum fidei, quæ virtute continet omnes res sperandas* ; eo enim ipso, quo firmiter credimus vera, & per Christum acquisitu possibilia, quæ dicuntur de felicitate æterna, disponimur ad illa speranda. 2. Nomine substantiæ intelligi potest fundamentum ; quia sicut substantia sustentat accidentia ; ita fides sustentat spem nostram : *Domus Dei*, inquit S. Augustin. lib. 2. de Trinit. cap. 7. *credendo fundatur, sperando erigitur, amando perficitur*. 3. substantia hic Græce dicitur hypostasis, idest, subsistentia ; quia fides tanta certitudine bona speranda nobis repræsentat ac si jam subsisterent. Hoc sensu Apostolus, Hebr. 11. vers. 27. laudans fidem Moyſis, ait, *invisibilem tanquam videns sustinuit*.

Q. 3. *Cur fides ab Apostolo vocatur argumentum ; cum ipsa non sit discursus ?* Fides, inquit S. Joannes Damascenus lib. 4. cap. 12. non est inquisitivus assensus.

Respondet S. Thomas laudato art. 4. metaphoricam esse hujusmodi locutionem, in qua sumitur causa pro effectu ; nempe argumentatio, quæ quærit veritatem, ac tandem parit-certitudinem, efficitque ut intellectus firmiter adhæreat conclusioni demonstratz : Unde, inquit S. Doctor, *ipsa firma adhesio intellectus ad veritatem fidei non apparentem, vocatur hic argumentum*. Unde alia littera (quam sequitur S. Augustinus, lib. 13. de Trin. cap. 1.) *habet convictio* ; quia scilicet, per auctoritatem divinam intellectus credentis convincitur ad assentiendum iis quæ non videt ; quasi evidentissima argumentatione, & veluti digito demonstrarentur. Hinc S. Chrysostomus in hunc locum sic exclamat : *Papæ, quale illud est, quod talem facit evidentiam (nimirum credibilitatis) qualis est, dum res ipse palam proponuntur ?*

Q. 4. *Estne apta & conveniens ejusmodi definitio ?*

R. Est aptissima & convenientissima, quia virtus recte definitur per ordinem ad suum actum ; Caritas

v. g. dicitur virtus inclinans ad diligendum Deum super omnia , & proximum sicut seipsum : temperantia quoque definitur virtus refrænans concupiscentias , & modum imponens delectationibus corporis : atqui in laudata definitione fides describitur per ordinem ad suum actum proprium , quo scilicet inchoatur vita æterna in nobis & firmiter assentimur rebus sperandis non apparentibus .

Q. 5. *Cur Apostolus fidem describit per ordinem ad res sperandas , cum pertineant ad voluntatem , fides autem sit virtus intellectus ?*

R. Quia Apostolus describit fidem Christianam : atqui fides Christiana proprie & stricte sumpta , non est firmus assensus quibuslibet rebus a Deo revelatis ; v. g. quod canis secutus sit Tobiam peregrinantem , & domum reversus blandimento suæ caudæ lætitiæ præfeturit. Tob. 11. quamvis enim illud & similia fide divina credi debeant , utpote quæ sint a Deo revelata ; fides tamen illa proprie & stricte loquendo non est Christiana , quia res sic creditæ nec sunt sperandæ , nec diligendæ . Cur autem Apostolus res sperandas potius expresseis quam res diligendas , hanc rationem affert Angelicus Doctor , quod amor æque sit præsentium & visorum , ac futurorum & non apparentium . Beati v. g. Deum visum & præsentem diligunt , sperare vero non possunt : ac proinde fides cum sit non apparentium , debuit explicari per res sperandas , quæ nec præsentis , nec visæ esse possunt ; nam ex eodem Apostolo , Rom. 8. v. 24. *Spes quæ videtur , non est spes , nam quod videt quis , quid sperat ?*

Quamvis autem fides subjective sit in intellectu , describi debuit per ordinem ad actus voluntatis , ad quam sperare pertinet , quia eorum est directrix : quemadmodum enim prudentia , licet spem habeat in intellectu , definitur tamen per ordinem ad actiones voluntatis : nempe habitus recta cum ratione activus , hoc est , directivus actionum voluntatis juxta rectam rationem , adeo ut nulla sit actio bona & honesta , nisi prudenter fiat . Similiter fides Christiana residet quidem in intellectu , cum pro objecto habeat veritatem a Deo reve-

revelatam; sed tota est practica non secta ac prudentia. Unde ab Apostolo fides Christiana describitur, Gal. 5. *Fides quæ per caritatem operatur*; ita ut illius officium sit dirigere actiones voluntatis ad vitam æternam, non quidem secundum dictamen rectæ rationis; illud enim ad prudentiam pertinet; sed juxta verbum Dei, & regulas ab ipso revelatas. Quare fides idem præstat Christianis ad patriam ælestem pergentibus, quod columna nubis Judæis ad terram promissam tendentibus: sicut enim columna per diem erat nubes protegens, per noctem vero ignis lucens, & in utraque specie viam demonstrabat in horrenda solitudine, quam pes hominis non calcaverat: sicque ubi illa stetisset, Judæi castra metabantur; statim autem ut eam recedere adverterent, castra movebant; *Per verbum Domini figebant tentoria, & per verbum illius proficiscebantur*; erantque in *encubitis Domini juxta imperium ejus per manum Moysi*, Num. 9. Ita veri Christiani per fidem ambulant, quæ pro ipsis nubes est respectu eorum quæ videntur, ne in iis mentis oculos defigant, & demonstratio est rerum sperandarum non apparentium, ut ad illas nigrantur, juxta illud Apostoli. 2. Corinth. 4. *Non contemplantibus nobis quæ videntur, sed quæ non videntur: quæ enim videntur, temporalia sunt; quæ autem non videntur, æterna sunt.* Ergo, qui aliter res intuetur, quam ad lumen fidei, illas in fallaci lumine intuetur, & falso de iis judicat.

Hinc Guillelmus Parisiensis in encomio fidei Tract. de moribus cap. 1. fidem sic inducit laudes suas prosequentem: *Ego sum prima vita mentis humanæ, dicente Habacuc: Justus ex fide vivit: Ego sum prima virtus quæ mentem humanam mortifico, & Deo subjicio: Ego sum columna lucis, ex Ægypto erroris eruens intellectum, & protegens contra tela Hæreticorum & Philosophorum.* Adde, & contra fallacias sensuum. Porro ex his patet quam convenienter, & quam divine fidem definierit Apostolus.

§. II.

*Quomodo fides definiiri possit juxta Dialecticorum
Leges.*

R. **D**efinitur, virtus Theologica divinitus infusa, qua firmiter assentimur propter divinam veritatem, omnibus quæ Deus revelavit, & nobis per Ecclesiam credenda proposuit.

Priores illæ definitionis voces, *virtus Theologica divinitus infusa*, exprimunt genus proximum, in quod fides convenit cum spe & caritate; quilibet enim est virtus Theologica divinitus infusa. Adduntur vero reliquæ voces tanquam differentia, qua fides essentialiter differt a quacunque alia virtute etiam Theologica.

Cum autem per hanc definitionem satisfieri possit variis quæstionibus, quas Theologi prolixè agitant circa naturam & proprietates fidei, operæ pretium est singulas definitionis particulas diligentius expendere. Itaque

Dicitur 1. *Virtus*; quia virtus est habitus, qui facit bonum habentem se, & opus ejus bonum: atqui ejusmodi est fides; bonum enim est ac honestum credere Deo dicenti, utpote qui sit summa veritas, & laudabilis est, qui fidem illi præbet.

Dices 1. veræ virtutes sunt inter se connexæ: atqui fides manet in peccatoribus sine aliis virtutibus, ut constat ex dictis ubi de justificatione: ergo fides non est vera virtus.

Dist. maj. Sunt connexæ in perfecto gradu, Conc. In gradu imperfecto, Nego maj. Nam potest quis servare justitiam erga proximum, & nihilominus esse intemperans. Quare ex hoc argumento evincitur duntaxat peccatores non habere fidem in gradu perfecto, quod ultro concedimus.

Dices 2. Philosophi solum agnoscunt quinque virtutes intellectus, scilicet, intelligentiam, sapientiam, scientiam, prudentiam, & artem: ergo fides non est virtus intellectus.

Distin-

Distinguo conseq. Fides humana & naturalis, Concedo : Fides divina & supernaturalis, Nego conseq. Itaque fides humana non numeratur inter virtutes intellectuales, quia nititur motivo fallibili, scilicet, auctoritate hominis, qui cum sit mendax, falli & fallere potest, ac proinde fides, quæ ipsi habetur, non est certa, sed ad summum probabilis. Cum autem Philosophi non tractent de virtutibus supernaturalibus, sed de naturalibus duntaxat; mirum non est, quod non meminerint fidei Theologicæ, nec locum dederint fidei humanæ, & naturali inter mentis virtutes.

Instabis, atqui fidei divinæ potest subesse falsum: Ergo.

Probatur subsumptum. 1. Judæi, qui nihil audierant de Christo nato in urbe Bethleem, credebant fide divina illum esse nasciturum, quod tamen erat falsum. 2. Divina fide credimus consecratam esse hostiam, quam Sacerdos elevat: atqui hostia illa potest non esse consecrata. 3. Tenetur rusticus credere suo Pastori, licet aliquando contingat illum proponere falsa. 4. Deus prædixit in Scripturis quæ non evenerunt, ut subversionem Ninives, Jonæ 3. quin Job 12. dicitur immutare cor Principum, ut decipiat eos: Ergo fidei potest subesse falsum.

Nego conseq. Et ad singula subsumpti momenti respondeo.

Ad primum S. Thomas q. 1. art. 3. ad 3. respondet ante prædicationem Evangelii duo distinguenda in Judæo: alterum est fides divinis oraculis de messia venturo, & huic fidei non poterat subesse falsum. Alterum sunt conjecturæ humanæ, ex quibus falso colligebat divina oracula non cadere in Christum Dominum, aliumque expectandum, brevi tamen venturum, cum cerneret instare tempus a Prophetis præfixum; sed error ille non ex fide divina, sed ex humana conjectura nascebatur, *hoc ad fidem credentis pertinebat, post nativitatem Christi, inquit Angelicus Doctor, quod crederet eum quandoque nasci; sed illa determinatio temporis, in qua decipiebatur, non erat ex fide, sed ex conjectura humana.*

Ad secundum similiter respondendum, quod fide divina teneamur credere hostiam consecratam realiter continere Christum, ideoque esse adorandam; non vero quod hæc hostia, quæ elevatur a Sacerdote, sit consecrata, quia Deus id non revelavit. Unde semper adoratur sub aliqua conditione saltem tacita, ac proinde nulla in credente & adorante falsitas.

Ad tertium: tenetur quidem rusticus credere Pastori, quem putat vera enuntiare, cum tamen illud falsum sit; alias nimia inveheretur perturbatio, si cuique liceret dissentire, eo prætextu, quod Pastor fallere possit, sicut enim prudentia exigit, ut credamus eum esse revera pauperem, qui signa paupertatis præfert, eique opem feramus, si facultas adsit, quamvis forte se pauperem mentiatur: similiter possulat, ut rustici assentiantur Pastori, quem norunt cum aliis communione esse conjunctum. Sed in hypothese quod alicubi falsum doceat, fides illorum in hac parte non erit divina, sed humana dumtaxat, quia non nitetur veracitate divina.

Nec dicas verum esse actum misericordiæ in eo, qui elemosynam confert ficto pauperi: ergo & in nostra hypothese verum actum fidei divinæ; disparitas enim est inter virtutes morales & intellectuales, quod illæ conformitatem postulent dumtaxat cum recta ratione, istæ vero cum objecto. Unde etiamsi falsum sit hunc mendicum inopia laborare; ut præ se fert, recta ratio dicat ut eum pro facultate juvemus, & opus misericordiæ exercebimus prædicere verum, quia erit rectæ rationi consentaneum; speculative vero falsum, quia erit objecto dissentaneum. At virtus intellectualis ita essentialiter consistit in conformitate cum objecto, ut jam sit error & vitium, si objectio sit difformis; conclusio v. g. quæ elicitur ex præmissis falsis, scientia non est, quantumcunque illæ præmissæ videantur certæ & indubitæ.

Ad quartum; multa Deus prædicat futura, sed sub conditione, v. g. si Ninivæ non resipuerint: conditione autem non posita, effectus non sequitur; quia prædictus aut promissus non est, nisi sub illa condi-

tione. Quis enim falsitatis aut infidelitatis arguet Patremfamilias, qui mercenariis promisit denarium diurnum, si laboraverint in sua vinea, quem tamen sero denegat iis, qui per totam diem otio torpuere? quod autem non decipiat, nisi permissive & occasionaliter evincimus, contra Pseudo-Reformatos, Tractat. d. Attributis, ubi de reprobatione positiva.

Dices 3. Fides ex S. Thoma q. 4. art. 5. non est vera virtus: Ergo.

Dist. antec. Fides caritate formata, non est virtus; Nego antec. Contrarium enim luculenter probat Angelicus Doctor laudato art. fides informis, & caritate destituta, ut in peccatoribus, subdistinguo: non est virtus perfecta & simpliciter dicta, Concedo: non est virtus secundum quid, hoc est, non est virtus intellectus, Nego antec. Namque ex dictis inclinatur semper ad verum. Unde si scientia & ars sunt virtutes intellectuales, a fortiori fides divina, quæ supernaturalis est, quæque disponit ad justificationem, & impetrat ultiores gratias.

Instabis: atqui fides non potest esse sine caritate; nam ex S. Thoma citata quæst. art. 3. caritas est forma fidei; atqui res esse nequit sine sua forma, sine anima rationali v. g. non existit homo: Ergo nec sine caritate existit fides, juxta illud Jacobi 2. *Sicut enim corpus sine spiritu mortuum est, ita & fides sine operibus mortua est.*

Nego subsumptum, cujus confirmationis distinguo maj. Caritas est forma fidei extrinseca, & accidentalis, Concedo: intrinseca & essentialis, Nego maj. Namque fides informis & formata est unus & idem habitus, qui si sit in persona caritate & gratia sanctificante instructa, dicitur fides formata: si vero in peccatore caritate spoliato, dicitur fides informis. Unde patet quod esse informe nihil sit aliud hic, quam denominatio petita a privatione caritatis; esse vero formatum, denominatio petita a caritate inexistente, quæ ideo dicitur forma a vita omnium virtutum, quia ordinat earum actus ad ultimum finem, illasque reddit meritorios vite æternæ; vivens enim dicitur, qui

qui seipsum movet, & principium internum illius motus, vita. Cum ergo homo per caritatem seipsum moveat in ultimum finem, merito iustus dicitur vivere, & caritas, qua ornatur, vita ipsius; peccatorem vero dicimus mortuum, & fidem ejus mortuam, sicut cetera ejus bona opera, quia nec seipsum movet in Deum, a quo aversus est, nec ad eum ita tendunt actus fidei informis, & alia bona opera, ut illum promerentur. Atque hoc sensu metaphorico aquae quiescentes dicuntur mortuae, fluentes vero vivae.

Dist. similiter min. res esse nequit sine sua forma essentiali, ut homo sine anima rationali, Concedo: sine forma extrinseca & accidentali, Nego min. Porro S. Jacobus non comparat fidem sine operibus cum homine sine spiritu, adeo ut quemadmodum homo mortuus & sine spiritu, non est homo; ita nec fides mortua & sine bonis operibus, sit vera fides: sed comparat eam cum corpore, quod sine spiritu adhuc existit, quamvis mortuum, quia spiritus non est quid corpori intrinsicum, sicut homini.

Dicitur 2. *Theologica*, quia illa virtus est Theologica, quae habet Deum pro objecto materiali saltem primario, & aliquod ejus attributum pro objecto formali & motivo; atqui fides habet Deum pro objecto materiali saltem primario: Pater enim, & Filius, & Spiritus Sanctus sunt res sperandae tanquam nostra beatitudo: & divinam veritatem pro objecto formali & motivo; ideo quippe credimus Deo dicenti, quia est verax, & ipsamet veritas: Ergo.

Dices 1. Fides ex Apostolo est non apparentium; atqui lumine naturali apparet Deum existere, *invisibilia enim ipsius a creatura mundi per ea quae facta sunt, intellecta conspiciuntur*, Rom. 1. Ergo fides non habet Deum pro objecto materiali, ac proinde non est virtus Theologica.

R. 1. Saltem lumine naturali non apparet Deum esse trinum in personis, secundam personam esse Filium a Patre genitum, & Spiritum Sanctum ab utroque procedere: Ergo ex hac parte saltem fides est virtus Theologica. Sed omittis variis Philosophorum opinionibus

circa quæstionem, quæ in eorum Scholis agitur, utrum scientia, fides & opinio possit simul consistere.

R. 2. Res non apparentes in mente Apostoli, esse res intuitive non visas, etiamsi abstractive cognoscantur. Ille enim ipse, qui dicit Rom. 1. divinitatem, & ejus attributa per ea quæ facta sunt, intellecta conspici, ea nihilominus invisibilia vocat. Et Heb. 11. v. 27. scribit Moysen, qui proculdubio Deum ex creaturis abstractive noverat, illum invisibilem sustinuisse tanquam visibilem, nempe per fidem: definitque universaliter v. 6. *Credere oportet accedentem ad Deum, quia est*, sive qui accedit, sit idiota, sive sit Theologus. Et ratio est, quia demonstratio existentie Dei ex creaturis non semper habetur ad manum, ad eam opus est conatu animi, industria & labore; difficultatibus identidem obnubilatur, propter quas ad fidem recurrere necesse est. Unde S. Thomas q. 2. art. 4. sic docet: „Necessarium est homini accipere „per modum fidei, non solum ea quæ sunt supra „rationem, sed etiam ea, quæ per rationem cognoscisci possint. Et hoc propter tria. 1. quidem ut citius homo ad veritatis divinæ cognitionem perveniat ... 2. ut cognitio Dei sit communior ... propter certitudinem. Ratio enim humana in rebus divinis est multum deficiens. „Quare in forma

Dist. antec. Fides est non apparentium, id est, eorum, quæ intuitive non videntur, Concedo: non apparentium per rationis discursum, subdistinguo: ut plurimum, Concedo: dicitur enim Eccli. 3. *plurima super sensum hominis ostensa sunt tibi*: semper, Nego antec. quia credere oportet Deum existere, quod naturale lumen non fugit.

Itaque illud est discriminis inter rem præsentem intuitive visam, & rem absentem abstractive cognitam, quod res præsens intuitive visa, certius & perfectius cognosci non possit, nec proinde credi. Annon rideret amicus, quem præsentem video, loquentem audio, & cum quo confabulor, si diceret, ut crederem sibi affirmanti se esse præsentem. Visio enim intuitiva excludit omnem fidem, & obscuritatem. S. quidem Tho-

mas

mas Christum præsentem credidit, Joann. 20. sed aliud vidit, aliud credidit: vidit hominem, non credidit; non vidit Deum, sed credidit. At rei absentis abstractiva cognitio præterquamquod difficilius habetur, non est æque certa & constans ac lumen fidei, ejus evidentia difficultatibus obscurari potest, nec eas cito vincit, quemadmodum fides. Eslo, actus scientiæ per suam evidentiam excludat actum fidei, quod S. Thomas videtur asserere q. 1. art. 5. & q. 2. art. 4. ad 2. tamen habitus scientiæ & fidei possunt in eodem Subjecto simul consistere & actus proprios secundum varias Subjecti circumstantias & affectiones elicere.

Dices 2. fides præter Deum, plura habet objecta; fide enim credimus Angelos, animam rationalem, septem Sacramenta & cetera gratiæ mysteria; ergo fides non est virtus Theologica.

Dist. antec. Credimus tanquam objecta secundaria; propter divinam revelationem, Concedo: tanquam objecta primaria, & independenter a divina revelatione, Nego antec. & conseq. Namque ad rationem virtutis Theologicæ; satis est quod objectum ejus primum sit Deus, ad quem cetera referuntur; sic caritas est virtus Theologica, licet pro objecto habeat Deum & proximum; Deum quidem tanquam primum objectum; proximum vero tanquam secundarium objectum, sed propter divinam bonitatem diligendum.

Dicitur 3. *divinitus infusa*, fides enim est donum Dei. Probaturque 1. ex Apostolo Philip. 1. vers. 29. *Vobis donatum est pro Christo non solum ut in eum credatis, sed ut etiam pro illo patiamini* 2. Ex Traditione, quam asserit S. Augustinus contra errorem Semipelagianorum, qui docebant initium fidei esse a nobis. Consule in eam rem Tractatum de gratia pag. 387. & 388. 3. ratione Theologica; fides non est sine cogitatione; atqui ex Apostolo 2. Cor. 3. vers. 5. non sumus sufficientes cogitare aliquid a nobis, quasi ex nobis: Ergo nec credere.

Dices: Illa virtus non est supernaturalis, quæ nititur motivo naturali: atqui fides nititur motivo naturali. Ergo non est supernaturalis.

Minor probatur. Ideo absque erroris formidine assentimur Deo dicenti, quia verax est: atqui lumine naturali novimus Deum esse veracem, omnipotentem, & perfectum in omni genere perfectionis: Ergo.

Nego min. Ad cujus confirmationem nonnulli respondent, nobis non esse evidens Deum aliquid dixisse aut revelasse, ac proinde opus esse lumine supernaturali, ut credatur.

Sed hæc responsio non satisfacit; namque primus Seraphinorum adhuc viator, cum non posset illuminari, nisi a Deo, evidenter cognovit sibi a Deo revelata mysteria, quæ credere tenebatur: nec dubitandum est quin divina revelatio aliquando clare innotuerit sanctis Patriarchis, ut Adamo, Abramo, quibusdam Prophetis, ac præsertim Apostolis. Quare rejecta illa responsione,

R. Quamvis nobis evidens sit Deum esse veracem; ea tamen quæ dixit, non sunt evidentia; unde etiam si intellectus ex evidenti revelatione necessario judicet credibilia esse quæ dicuntur, non tamen determinatur ad actu credendum, nisi ex imperio voluntatis, *intrare quis in Ecclesiam potest nolens*, inquit S. Augustinus Tract. 36. in Joann. *sed credere non potest nisi volens*. Et S. Bernardus lib. 5. de consid. cap. 6. *Fides est voluntaria anima quadam, & certa prælibatio nondum manifestata veritatis*. Itaque evidens revelatio spectari debet quemadmodum motiva credibilitatis, quæ diximus in Prolegomenis, & in Tractatu de Incarnat. esse evidenter credibilia; & efficere res fidei evidenter credibiles: atqui resurrectio Lazari v. g. & illuminatio cæci nati licet evidenter probent Christum esse Filium Dei ab eo missum, quia sunt indubitati effectus omnipotentis; quos Deus utpote summa veritas & bonitas adhibere non potest ad confirmandum mendacium; divinam tamen Christi personam & missionem non exhibent evidentem, sicut principium illud, *solum est majus sua parte*, evidenter demonstrat corpus esse majus brachio. Et ratio est, quia miracula, & alia Dei testimonia sunt quid mere extrinsecum rei credendæ, puta divinæ Christi personæ, nullumque

que ordinem ad illam habent, nisi ex Dei voluntate; contra vero laudatum principium virtualiter continet conclusionem, quæ ex eo deducitur. Porro divina revelatio quantumcunque clara & evidens, æque est extrinseca rebus revelatis, ac motiva credibilitatis. Ergo nullam eis tribuit evidentiam, nec proinde movet ad assensum.

Inflabis: tam naturale est credere Deo evidenter loquenti, quam homini, quem novimus esse veracem. Ergo.

Q. 2. Argumentum illud nimis probat; æque enim concluderetur amorem Dei, & ceteros actus virtutum moralium esse naturales; quia tam naturale est colere & amare Deum, quam colere & amare parentes, & viros sapientes; & ita vincerent Pelagiani & alii gratiæ Christi hostes.

R. Itaque 2. Distinguo ant. Tam naturale est credere Deo evidenter loquenti, persuasione humana & motivo naturali, Concedo: persuasione divinâ, & motivo supernaturali, Nego antec. Sic naturale est patri amare filium motivo naturali, nequaquam autem motivo supernaturali.

Dicitur 3. *qua firmiter assentimur propter divinam veritatem*. Quibus vocibus notatur objectum formale fidei; illud enim est objectum formale virtutis, quod est motivum & ratio, sub qua virtus versatur circa suum objectum materiale; objectum formale Ethicæ v. g. est dirigibilitas actionum humanorum ad honestatem, quia Ethica versatur circa actiones humanas, quatenus dirigibiles ad honestatem: atqui fides versatur circa suum objectum materiale, Deum nempe, & ea omnia, quæ nobis revelavit, quatenus sunt ab ipso revelata, eaque credit propter summam ejus veritatem: Ergo.

Hic in Schola movetur quæstio magis subtilis quam utilis, utrum ipsa revelatio ingrediatur rationem objecti formalis, & cum divina veritate moveat ad assensum; an vero sit duntaxat conditio, sine qua veritas divina non moveret, quemadmodum applicatio ignis ad lignum non est causa inflammationis, sed conditio, sine qua ignis non combureret lignum. Alii primum as-

firmant; quia verbum Dei est motivum, & ratio, propter quam credimus, quærenti enim cur credamus mysterium Trinitatis, una est responsio, quia Deus dixit: atqui in hac responsione includitur verbum Dei, seu revelatio simul cum veritate divina: Ergo.

Alii contra contendunt, & ut videtur probabilius, revelationem esse conditionem duntaxat, sine qua non consideremus, sic enim Christo docenti credimus, quomodo discipuli Magistro: atqui verba Magistri non sunt causa assentiendi conclusioni propositæ & explicatæ, sed solæ præmissæ, ex quibus conclusio eruitur: ergo. Sed ista sunt levioris momenti, ut diutius eis immoremur, satisque nobis est nosse quod apud omnes constet, aliud non esse formale fidei objectum, quam primam veritatem nobis revelatam.

Dicitur 5. *omnibus quæ Deus revelavit*; quibus verbis denotatur adæquatum fidei materiale objectum; illud quippe est objectum adæquatum virtutis, circa quod virtus ita versatur, ut ad aliud se non extendat: atqui fides ita versatur circa res omnes a Deo revelatas, ut se non extendat ad alia, quantumcunque veras. Ergo objectum materiale fidei totale & adæquatum, quod communiter vocant, sunt res omnes a Deo revelatæ: formale vero summa Dei veritas revelans.

Est autem aliquis ordo inter res revelatas, ut docet S. Thomas quæst. 1. artic. 1. quæ enim speranda sunt, nempe Deus & ejus possessio, primario spectantur a fide, ceteræ vero secundo & quatenus ordinantur ad beatitudinem, quam speramus, ut Incarnatio, septem Sacramenta, &c. Ergo Deus est primum & attributionis fidei objectum, ceteræ vero res revelatæ secundarium: *nihil cadit sub fide*, inquit Angelicus Doctor, *nisi in ordine ad Deum*; sicut etiam objectum medicinæ est sanitas, quia nihil medicina considerat, nisi in ordine ad sanitatem.

Dicitur 6. *et nobis per Ecclesiam credenda proposuit*; quæ voces amplam præbent differendi materiam.

Ac primo quidem iis innuitur ad fidem non semper requiri, ut Deus per se cuilibet immediate revelet, quemadmodum contendunt Pseudo-Reformati

quo.

quorum errorem longe absurdissimum (docentium neminem teneri credere voci Pastoris, nisi Spiritus Sanctus ipsi intus revelet vera esse quæ audit) fute confutavimus in Prolegomenis pag. 94. & sequentibus.

Dixi, *ad finem non semper requiri*, &c. ut innuerem immediatam revelationem aliquando esse necessariam; ut in primo Angelo, a quo inferiores credenda didicerunt, in Moyse, qui legem Israelitis docuit, & in Apostolis, per quos Evangelium in universo orbe disseminatum est.

Cum igitur Religione jam stabilita, Deus per se ipsum credenda singulis immediate non revelet, sequitur nos ad finem concipiendam aliquo medio debere certiores fieri rem fuisse a Deo revelatam, ac proinde in hoc statu præter revelationem requiri fidei propositionem.

Est autem duplex fidei propositio, alia privata, quæ solet fieri a parentibus in familia, a ludimagistro in Schola, a Parocho in Parochia, ab Episcopo in Diœcesi; alia publica, quæ fit a communi fidei Magistro, & supremo controversiarum Judice.

Ambæ illæ propositiones in quibusdam conveniunt, & in aliis discrepant. In eo conveniunt, quod utraque debeat ita auditoribus apparere credibilis, ut judicent oppositum esse incredibile & falsum: puta contrariam Pseudo-Reformatorum doctrinam. Alioquin si existimarent se habere fundamentum dubitandi, non possent firmum dare assensum: vel si doctrina Calvinistarum credibilis videretur, liceret ipsis elicere actum fidei contrarium, quod repugnat. Et hæc dicta sint propter nonnullos, qui Ecclesiæ Romanæ ita adherent, quia in ea potest haberi salus etiã securius, ut doctrinam Pseudo-Reformatorum nolint condemnare. Hæc autem condemnatio debet esse explicita in iis, qui ab hæresi redeunt; in fidelibus vero sufficit implicita.

Discrepant autem duæ illæ propositiones, 1. privata propositio quantumcumque videatur credibilis, absolute tamen potest esse falsa, cum fiat a privata persona, quæ falli potest & fallere; publica vero propositio est infallibilis auctoritatis. 2. Illa non

habet, saltem universaliter, vim cogendi contumaces, sicut ista.

Hinc nascitur gravis controversia, ad quem pertineat publica propositio. Pseudo-Reformati docent pertinere ad Scripturam sacram, in qua, inquiunt, clare continentur quaecumque Deus revelavit: Magister enim per scripta, quæ dictat discipulis, proponit quidquid vult, ut ab ipso discant: atqui unus est Magister noster Christus: ergo Christus per Scripturam sacram, quæ est verbum ipsius, nobis proponit quidquid vult credi a nobis.

Contra 1. Deus plura revelavit a nobis credenda, quæ non sunt scripta; ut docuimus in Prolegomenis, ubi de Traditione. 2. Scriptura ex magna sui parte obscura est, & explicatione indiget: ubi autem clara fuit, falsis Hereticorum interpretationibus detorquetur. Quare sicut in politicis opus est Judice, qui genuinum legis sensum contra protervos vindicet, ita & in Religione Christiana necesse est, ut quis cum auctoritate Scripturam sacram certo interpretetur, asseratque contra Hæreticos & peccatores & verbum Dei adulterantes, & errori suo ac cupiditati accommodantes; neque enim *nata sunt hæreses*, inquit S. August. tract. 10. in Joannem, *nisi dum Scripturæ bonæ intelliguntur non bene; & quod in eis non bene intelligitur, etiam temere & audacter asseritur*. 3. Nobis non constat Scripturam esse verbum Dei, nisi aliqua infallibilis auctoritas ipsi testimonium reddat: quot enim libros sacros Hæretici expunxerunt e Canone, & alios spurios obtulerunt? Annon Manichæi integrum vetus Testamentum, & plures partes novi Testamenti rejecere? Quid Lutherani & Calvinistæ etiam nunc inter se dissentiunt circa Epistolam S. Jacobi? Lutherus vimineam illam vocat, Calvinus vero illam veneratur uti verbum Dei. Denique qua via Christiani Ethnicæ, qui fabulas suas, & Mahumetani, qui Alcoranum anteponunt Libris sacris, suadebunt illos Libros esse vere divinos, nisi ex Testimonio indubitatae auctoritatis? ubi autem illa auctoritas, nisi in Ecclesia?

2. Itaque in definitione fidei ultimo adduntur hæ voces;

veritas, quæ Deus nobis per Ecclesiam credenda proposuit ut significetur revelationem divinam nobis non innotescere nisi per propositionem Ecclesiæ, juxta verbum illud Sancti Augustini effatum lib. contra Epistolam Fundamenti c. 4. Evangelio non crederem, nisi me Ecclesiæ Catholice commoveret auctoritas.

Sed merito quaeritur, quibus signis evidens fiat sive infidelibus, sive fidelibus tam insigne donum collatum esse Ecclesiæ, ut nec falli, nec fallere possit, auctoritatemque habeat compellendi contumaces ad parendum suis definitionibus? quod enim Catholici docent de Ecclesiâ, id ipsum dicere potest quivis infidelis de sua secta. Mahumetanus v. g. dicet se ideo credere Alcorano, quia societas, in qua natus est, librum illum uti sacrum & divinum proponit. Unde plurimè refert, ut Christianus certis & indubitatis argumentis demonstret Ecclesiæ Christianæ eas dotes competere, quas nulla alia secta probabiliter sibi tribuere possit.

R. Vera Christi Ecclesiâ per motiva, quæ credibilitatis vocant, puta per prophetias & miracula, evidenter demonstrat se esse a Deo institutam ac plane divinam, proindeque veracem, & infallibilis auctoritatis. Illa enim societas nonnisi vera docet, cujus doctrinæ Deus evidens testimonium perhibet: atque Deus per motiva credibilitatis evidens testimonium perhibet Ecclesiæ: Ergo. Consule quæ in hanc rem late profecti sumus Tract. de Incarn. 2. pag. 48. ad 66.

Nec dicas, motiva illa militare potius pro Scripturis sacris quam pro Ecclesiâ; namque Ecclesiâ coruscabat miraculis, & doctrina ejus credebatur in mundo, priusquam scripsissent Apostoli. Quin S. Irenæus testatur sua ætate, nempe tertio ineunte sæculo, quasdam nationes ad illud usque tempus fidem servasse sine Scripturis: ac proinde miracula, & alia credibilitatis motiva litteris Apostolorum non favent, nisi mediante Ecclesiâ; hoc est, quatenus Ecclesiâ jam in culmine auctoritatis posita, ut loquitur S. Augustinus, proponit libros sacros uti continentes eam ipsam doctrinam, quam ubique sparserat, priusquam adornarentur.

Dixi, *litteris Apostolorum*; certum est enim oracula Prophetarum evincere libros illorum esse divinos.

Ergo Ecclesia sine scripto docebat, & credebatur propter motiva credibilitatis, se esse columnam & firmamentum veritatis, se accepisse claves regni caelorum, ut quaecunque solveret, aut ligaret super terram, rata haberentur in caelis; qui illam audiret, Christum audire, & qui sperneret, Christum quoque spernere, atque adeo habendum ut Ethnicum & Publicanum.

Ergo Ecclesia testimonium antegcedenter non accipit a Scripturis, sed consequenter duntaxat & ex hypothesi, quod admittantur ab iis, quos docet, respectu quorum utitur argumento ad hominem, ut vocant, nempe ex concessis Scriptura sacra est verbum Dei; atqui scriptura sacra tribuit Ecclesiae infallibilem auctoritatem, visibiles notas praebet, quibus certo secernitur vera Christi Ecclesia a sectis Haereticorum & Schismaticorum, quae se falso Christianas vocant. Sed si quis fidem denegaverit Scripturis sacris, nihilominus Ecclesia auctoritatem suam, & cetera insignia tuebitur ex motivis credibilitatis; & ex constanti Traditione demonstrabit nihil quidquam nunc se docere, quod non docuerint, & miraculis confirmaverint Apostoli, & primi ejus Pastores: ac proinde non est vitiosus circulus, quo Scriptura probatur per Ecclesiam, & Ecclesia per Scripturam, ut demonstravimus in Prolegomenis pag. 159. Porro quae hic summam colligimus, pluribus capitibus, sed distinctis Paragraphis probata sunt in iisdem Prolegomenis, ad quae Lectorem remittimus.

Dices: mens necessario assentitur propositioni evidenter verae, atqui plures Judaei, ac Gentiles non assentiebantur signis & virtutibus, quae per Apostolos & eorum successores videbant fieri; ergo signa illa non erant evidenter vera, nec sufficienter reddebant credibilia, quae docebantur.

Distinguo majorem: Mens necessario assentitur propositioni evidenter verae, si attendat, ut par est & eam percipiat, Concedo: si negligat, & ex pravo voluntatis affectu alio avocetur, Nego majorem: qui
enim

enim præmissas demonstrationis non perpendit, nec ponderat, facile negat consequentiam, quæ ex iis evidenter elicitur. Porro Judæi & Gentiles increduli, illi nuntis addicti legalibus, istis suis superstitionibus, satis non attendebant ad ea, quæ fiebant & dicebantur ab Apostolis.

Instabis: atqui Scribæ & Pontifices Judæorum prævio diligenti examine comprobarunt cæcum a natiuitate, fuisse a Christo illuminatum, Jo: 9. adeo persuasi fuerunt veram fuisse Lazari resurrectionem, & minime ficticiam, ut cogitaverint ipsum interficere, Jo: 12. & de claudio, quem sanaverat S. Petrus Act. 4. sic pronuntiarunt: *Notum signum factum est per eos ... manifestum est, & non possumus negare, neque propterea crediderunt.* Ergo.

Dist. ant. Non crediderunt, & in eo peccarunt contra prudentiam & rectam rationem, Conc. non crediderunt defectu motivi sufficienter demonstrantis doctrinam Christi esse omnino credibilem. Nego ant. Ex hoc enim argumento solum concludi potest, satis non esse ad credendum, quod objectum evidenter credibile proponatur; sed insuper requiri, ut voluntas pie afficiatur ad credibilia, determinetque intellectum ad assensum; nam ex dictis, nemo credit nisi volens, actus fidei est liber, & minime necessarius: Atqui sola gratia voluntatem disponit, frangit ejus duriciem, & aperit corda audientium, ut intendant iis, quæ extrinsecus proponuntur juxta illud Act. 16. vers. 14. *cujus (Lydiæ) Dominus aperuit cor intendere iis; quæ dicebantur a Paulo.* Et cap. 13. vers. 18. *Crediderunt quosquot erant præordinati ad vitam æternam.*

Q. 2. *Estne necesse fieri Ecclesiæ novam revelationem, ut dogmata fidei definiat, infallibiliterque proponat ut veritates a Deo revelatas?*

R. Minime; quia Christus omnia, quæ ad Religionem Christianam pertinent, Apostolis immediate revelavit, Jo: 15. v. 15. *Omnia quaecunque audivi a Patre meo, nota feci vobis.* Cap. 16. v. 13. *Cum autem venerit ille Spiritus veritatis, docebit non omnia*

verit-

veritatem. Et cap. 14. v. 26. *Ille vos docebit omnia, & suggeret vobis omnia, quaecunque dixerit vobis.* Act. 15. Apostoli congregati ad finiendam controversiam circa legalia natam, non novam revelationem a Deo expectant, sed ex Scriptura, & ex iis quæ contigerant, ex quo Evangelium fuerat promulgatum, iudicium ferunt, conveneruntque Apostoli & Seniores videre de verbo hoc. Cum autem magna conquisitio fieret, surgens Petrus, dixit, &c. Quibus notatur studium & diligentia Apostolorum ad explicandum quod jam revelatum fuerat: & hunc morem hætenus Ecclesia observavit in Conciliis Generalibus, in quibus Patres Scripturam & Traditionem consulunt, priusquam aliquid statuant circa motas controversias.

Q. 3. *Quomodo ergo Ecclesia infallibiliter proponit, cum nova ei non fiat revelatio?*

R. Auxilio Spiritus sancti, quem Christus promisit nunquam ei defuturum, Matth. 28. v. ult. *Ecce ego vobiscum sum omnibus diebus usque ad consummationem sæculi.* Quæ verba non solum Apostolos, sed & eorum successores evidenter spectant; cum Apostoli non essent victuri usque ad consummationem sæculi, nisi in suis successoribus. Plura vide in Prolegomenis cap. 9. §. 1. de infallibilitate Ecclesiæ.

§. III.

Confessoria quædam colliguntur ex definitione Fidei.

EX definitione fidei superioribus Paragraphis elucidata, plura veluti necessaria conclusiones deducuntur.

1. Quod fides sit una specie, juxta illud Eph. 2. *Unus Dominus, una Fides, unum Baptisma.* Quia omnis habitus vel actus speciem desumit ab objecto formali, adeo ut si unicum habeat objectum formale, sit unus specie habitus vel actus; caritas v. g. si extendat in Deum, si in proximum, una est specie virtus, quia unicum ejus objectum formale est bonitas divina: atqui fides unicum habet objectum formale, sci-

scilicet primam veritatem: Ergo fides sive sit infor-
mis, sive formata, viva, aut mortua, implicita, aut
explicita, specie & essentialiter una est, aliquando
quidem imperfecta, aliquando vero perfecta, quem-
admodum homo idem est essentialiter: sive sit puer,
sive adolescens, sive juvenis.

2. Fides Theologica non reperitur in Hæreticis,
neque in Beatis, neque in damnatis.

Non in Hereticis, quamvis plura mysteria credere
videantur, quia carent motivo formali fidei, quod est
prima veritas per Ecclesiam credenda proponens. Un-
de sicut cognitio eclipsis Lunæ non est scientia in ru-
stico, quia ignorat causam hujusce effectus: ita fi-
des, qua Hæreticus credit v. g. mysteria Trinitatis &
Incarnationis, non est fides Theologica & supernatu-
ralis; quia ad credenda illa mysteria non movetur
veritate divina, sed persuasione humana: Sic qui vel
unum hominem non diligit, neque Deum, neque alios
homines caritate diligit, sed dilectione mere huma-
na, juxta illud 1. Jo: 4. v. 20. *Si quis dixerit quoniam
diligit Deum, & fratrem suum oderit, mendax est.*

Non in Beatis: tum quia visio Dei intuitiva om-
nem excludit obscuritatem: tum quia fides est rerum
sperandarum; atqui Beatis nulla est res speranda,
cum possideant quod in via speraverant. Et hæc ra-
tio efficaciter concludit pro damnatis, etiam iis, qui
fidem ad extremum vitæ servarunt, quia in illis om-
nibus nulla superest spes, sed mera desperatio.

In animabus vero, quæ in Purgatorio detinentur,
fides agnoscenda est, utpote quæ adhuc beatitudinem
sperent, & eam obscure cognoscant.

Dices 1. Idem judicium ferri debet de Hæreticis,
qui unum aut alterum dumtaxat fidei articulum non
credunt, ac de Theologo, qui cum in aliqua parte
erret, in ceteris tamen recte sentit; & de quolibet
fidei, qui semel aut bis peccavit contra aliquam vir-
tutem, puta sobrietatem: atqui nec Theologus, nec
fidelis amittunt habitum, quo instructi erant, ille
Theologiæ, iste sobrietatis: Ergo nec Hæreticus habi-
tum fidei Theologiæ respectu eorum, quibus assentitur.

Ne-

Nego maj. Disparitas est: 1. quoad Theologiam; quia in Theologia diversa sunt media, quibus applicantur propositiones fidei singulis ejus conclusionibus: sæpius autem contingit tyronem Theologum defectu medii, non videre connexionem quarundam conclusionum cum principiis fidei; & ideo eas negare, cum tamen aliis firmiter adhæreat, quia suppetunt ei rationes, per quas certo eas deducit ex propositionibus revelatis. At in materia fidei auctoritas Ecclesiæ est unicum medium, quo nobis constare possit aliquid esse a Deo revelatum, ac proinde Hæreticus, qui existimat Ecclesiam falli circa fidei articulum, quem non vult credere, nullum habet medium infallibile ad assentiendum aliis articulis, & ita eos credit ex proprio judicio & naturali persuasione, nullatenus vero ex fide Theologica.

Quoad vero morales virtutes, vel sunt infusæ & supernaturales: vel sunt acquisitæ & naturales. Si primum, pereunt per quemlibet actum lethalter malum: quia actus ille, utpote actualis aversio a Deo, destruit unionem cum Deo, scilicet gratiam sanctificantem, seu caritatem, in qua omnes virtutes morales infusæ radicanter. Si secundum, distinguendum est cum S. Th. q. 5. art. 3. ad tertium, duplex motivum in virtutibus moralibus acquisitis: aliud est generale, & omnibus virtutibus commune, nempe obedire Deo præcipienti, a qua generali obedientia qui per contemptum recedit, omnem veram virtutem amittit, quia virtus nec esse, nec concipi potest sine communi & transcendentali illa obedientia: aliud vero est motivum proximum, cuilibet virtuti acquisitæ proprium, scilicet specialis honestas, quæ in quolibet actu virtutis refulget: ejusmodi autem honestas, cum sit intrinseca actui, tam multiplex est, quam ipse actus, ac proinde fieri potest, ut quis hanc sobrietatis honestatem non intendat, absque eo quod censetur abjicere omnem sobrietatem, quemadmodum si quis odit vel unum hominem, caritatem prorsus amittit, quia recedit a bonitate divina quæ est unicum caritatis motivum extrinsecum singulis caritatis actibus, nec
pro-

proinde in illis dividitur, sicut honestas moralis in actibus virtutum moralium.

Dices 2. Beati credunt futuram corporum resurrectionem, & nonnulla identidem Deus ipsis revelat; ergo in Beatis est fides Theologica.

Nego consequentiam; Quia sublato primario objecto virtutis, tollitur ipsa virtus: atqui res sperandæ sunt primum objectum fidei Theologicæ. Ergo. Beati itaque, cum intuitive videant primam veritatem, necessario & absque speciali virtute assentiuntur iis, quæ ipsis evidenter revelat.

3. Fides a tempore Apostolorum non crevit quoad substantiam, quia fides non potest crescere quoad substantiam, nisi fiat Ecclesiæ nova revelatio, cum motivum fidei sit divina revelatio: atqui ex dictis §. præcedenti, a tempore Apostolorum non sit Ecclesiæ nova revelatio: Ergo.

Dixi 1. a tempore Apostolorum; namque certum est ad Adamo usque ad Christi tempus, quod dicitur Gal. 4. plenitudo temporis, quia fidei mysteria tum plenius fuerunt revelata; Deum plura revelasse, novos identidem exaratos fuisse libros, quos fide divina credimus esse sacros. Cum autem Apostoli post ascensionem Christi plura scripserint afflatu Spiritus sancti, vel hoc uno argumento adducimur ad credendum ipsos revelationem accepisse, non solum ex ore Christi Domini, sed etiam interiori inspiratione Spiritus sancti, juxta illud Joann. 16. v. 23. *Cum autem venerit ille Spiritus veritatis, docebit vos omnem veritatem.*

Quin S. Thomas q. 1. art. 7. vult aliquo sensu dici posse articulos fidei a tempore Adami non crevisse quoad substantiam, quatenus nempe omnia, quæ successu temporis revelata sunt, implicite continebantur in iis, quæ credidit Adamus, quemadmodum omnes conclusiones continentur in primis principiis.

Ad prima autem fidei principia pertinet quod credatur, Deum existere, & providere hominum saluti, ut habetur Hebr. 11. *Credere...* oportet accedentem ad Deum quia est, & inquirentibus se remunerator sit. Quem textum expendens Angelicus Doctor, sic scribit:

bit: *In esse divino includuntur omnia, quæ credimus in Deo æternaliter existere, in quibus nostra beatitudo consistit. In fide autem providentiæ includuntur omnia, quæ temporaliter a Deo dispensantur ad hominum salutem, quæ sunt via in beatitudinem.*

Dixi 2. Quoad substantiam; certum enim est Ecclesiam, ea quæ ab Apostolis fuerunt obscurius tradita, in dies magis explicare & contranascentes hæreses clarius proponere; sic definiit ratum esse Baptismum ab Hæreticis collatum, cum S. Cyprianus, & plures alii de eo ambigerent. Sic in variis Conciliis accuratius & distinctius exposuit quæ revelata sunt, atque adeo credenda circa mysteria Trinitatis, Incarnationis & Gratiæ: Ad quæ respiciens Vincentius Lirinensis commonitorio 3. cap. 27. scribit, „ quod est, „ *depositum custodi*, 1. Tim. 6. id est, quod tibi creditum est, non quod a te inventum: quod accepisti, non quod excogitasti: rem non ingenii sed doctrinæ: non usurpationis privatæ, sed publicæ Traditionis, rem ad te perductam, non a te prolatam: in qua non auctor debes esse, sed custos; non institutor, sed sectator, non ducens, sed sequens. De „ *positum*, inquit, *custodi*, Catholicæ fidei talentum „ *inviolatum, allibatum conserva*. Quod tibi creditum „ est, hoc penes te maneat, hoc a te tradatur. Aurum accepisti, aurum redde: nolo mihi pro aliis „ alia subicias, nolo pro auro impudenter plumbum, „ aut fraudulenter æramenta supponas; nolo auri speciem, sed naturam plane ... doctrina esto spiritalis tabernaculi Esseleel, pretiosa divini dogmatis „ gemmas exculpe, fideliter coapta, adorna sapienter, „ adjice splendorem, gratiam, venustatem. Intelligatur „ te exponente, illustrius, quod antea obscurius credebatur. Per te posteritas intellectum: gratuletur, „ quod ante vetustas non intellectum venerabatur, eadem tamen quæ didicisti, doce, ut cum dicas „ *vo*, non dicas *nova*, „: Cap. 3. in exemplum semel adducit, quod idem manens germinat, crescit, folia explicat, tandemque in messem maturescit: unde sic concludit: „ quodcumque igitur in hac Ecce-

„ *fixæ*

22. sive Dei agricultura fide patrum factum est, hoc
 23. idem filiorum industria doceat, excolatur & observe-
 24. tur, hoc idem floreat & maturescat, hoc idem pro-
 25. ficiat & perficiatur. Fas est enim ut prisca illa ex-
 26. lestis Philosophiæ dogmata processu temporis limen-
 27. tur, poliantur; sed nefas est ut amittantur, nefas
 28. ut detruncantur, ut mutilentur. Accipiant licet evi-
 29. dentiam, lucem, distinctionem; sed retineant neces-
 30. se est plenitudinem, integritatem, proprietatem.
 31. Et c. 32. Christi vero Ecclesia sedula & cauta de-
 32. positorum apud se dogmatum custos, nihil in his
 33. unquam permutat, nihil minuit, nihil addit, non
 34. amputat necessaria, non apponit superflua; non
 35. amittit sua, non usurpat aliena; sed omni industria
 36. hoc unum studet, ut vetera fideliter sapienterque re-
 37. tractando, si qua illa sunt antiquitus informata &
 38. inchoata, acuat & poliat: si qua jam expressa &
 39. enucleata, consolidet, firmet: si qua jam confirma-
 40. ta & definita, custodiat.

Dices: ex S. Gregorio hom. 16. in Ezech. quanto
 mundus ad extremum ducitur, tanto nobis æternæ scien-
 tiæ aditus largius aperitur: ergo doctrina Religionis
 Christianæ aliunde est petenda, quam a veteribus.

Distinguo ant. Quanto mundus ad extremum duci-
 tur, hoc est, ad extremam ætatem, quæ cœpit in
 Christo, juxta illud Apostoli 1. Corinth. 10. in quo
 fines sæculorum deveniunt, Concedo: quanto ad ex-
 tremum, scilicet ultimæ ætatis mundi, quam imme-
 diate sequetur omnium resurrectio, & judicium uni-
 versale, subdistinguo: aditus scientiæ largius aperitur
 respectu multitudinis, quia plura in dies ab Ecclesia
 definiuntur, & explicitè credenda proponuntur, Con-
 cedo: respectu omnium Pastorum, & maxime Apo-
 stolorum, quasi non cognoverint explicitè quidquid in
 Scripturis & Traditione continetur, Nego ant. Itaque
 distinguendum est inter capita seu duces multitudinis,
 & ipsam multitudinem. Generatim loquendo; Princi-
 pes & optimates in quolibet statu naturæ corruptæ
 quo fuerunt Christo propinquiore, eo plura cognove-
 runt, & explicitè crediderunt, ut Apostoli in nova
 lege,

lege, Joannes Baptista limes veteris legis; & veluti lucifer Solem justitiæ immediate præcedens, plusquam Propheta fuit, Matth. cap. 11. David Spiritu sancto afflatus scribit Psalm. 118. supra senes & omnes docentes se intellexisse; Abraham anterioribus Patriarchis plenius percepit mysteria fidei. Ita S. Thomas q. 1. art. 7. ad quartum. *Ultima consummatio gratiæ, inquit, facta est per Christum, unde & tempus ejus dicitur tempus plenitudinis, Gal. 4. & ideo illi, qui fuerunt propinquiore Christo, vel ante, sicut Joannes Baptista, vel post, sicut Apostoli, plenius mysteria fidei cognoverunt. Et in argumento sed contra, confirmat suam sententiam auctoritate S. Gregorii citata homil. 16. in Ezech. cujus hæc verba refert: secundum incrementa temporum crevit scientia sanctorum Patrum; & quanto viciniore adventui Salvatoris fuerunt, tanto sacramenta salutis plenius perceperunt.*

Quod vero spectat multitudinem, quæ communiter scientiam salutis non accipit, nisi sollicitudine & industria Pastorum, dubium non est quin plura discat, quo remotior est a Christo, cum successu temporis magis ac magis elucidentur, quæ obscurius revelata sunt in Scripturis & Traditione: & sicut novæ in dies oriuntur difficultates & controversiæ, ita multiplicentur Ecclesiæ definitiones.

Dixi, *generatim loquendo*; extraordinarie enim fieri potest, ut nonnulli remotiores plura cognoverint: tum ex speciali Dei privilegio, quod præsumere licet fuisse concessum Moyfi & Isaïæ: tum ex aliorum incuria ac negligentia, qui veluti in meridiana luce oculos claudunt, & obdormiunt.

Ergo merito proscripta est ab Academia Parisiensi anno 1665. & postmodum a Clero Gallicano an. 1700. sequens quorundam Modernorum propositio: *Puto omnia esse hodie melius examinata; hanc ob rem in omni materia, & præcipue in morali libentius juniores, quam antiquiores lego, & sequor. . . doctrina fidei a veteribus, doctrina morum magis a junioribus petenda.* Contra quam propositionem sic insurgunt sacri Antiquitæ. *Hæc propositio est temeraria, scandalosa, perniciofa.*

cōsa, erronea, sanctis Patribus, & antiquis Doctoribus contumeliosa; spreta in moribus Christianorum componendis, necessaria Scripturarum ac Traditionum auctoritate & interpretatione, moralem Theologiam arbitrariam facit, viamque parat ad humanas traditiones & doctrinas, Christo prohibente, stabiliendas.

Ergo novitas doctrinæ in iis, quæ spectant fidem & mores, præferret speciem falsitatis; & ideo vitanda juxta illud mandatum Apostoli 1. Tim. 6. v. 20. *Timotheo, depositum custodi, devota profanas nocum novitates.* Ex quibus verbis sic infert Vincentius Lirinensis 1. commonitorii c. 26. *si profana est novitas, sacrata est vetustas.* Et cap. 9. id enim est proprium Christianæ modestiæ & gravitatis, non sua posteris traducere, sed a majoribus accepta servare.

C A P U T II.

De interno actu Fidei.

Circa internum fidei actum, duo a nobis sunt expendenda. Primum, quæ sit ejus natura & proprietates. Alterum, quæ & quanta ejus necessitas.

§. I.

De definitione, & proprietatibus interni actus Fidei.

Q. 1. **Q**uid est internus Fidei actus?

R. Est firmus mentis assensus rei revelatæ ab Ecclesia propositæ, propter primam veritatem. Responsio constat ex dictis, §. 2. de definitione fidei.

Q. 2. Quot requiruntur ad illum assensum?

R. Quinque vulgo numerantur actus necessario prærequisiti, ut mens firmum præbeat assensum rei revelatæ. Primus est perceptio eorum, quæ prædicantur: nam ex Apostolo, Rom. 10. vers. 17. *Fides ex auditu, auditus autem per verbum Christi.* Secundo est

men-

mentis inquisitio & examen, utrum qui verba facit; fidem mereatur? nam *Qui credit cito, levis corde est.* Eccli. 19. vers. 4. assensus fidei, utpote actus virtutis, debet esse prudens. Tertius est iudicium, quo mens, ponderatis motivis credibilitatis, v.g. prophetiis, miraculis, certo iudicat omnino credibilia esse, quæ dicuntur. Quartus est alterum iudicium, quæ mens non solum iudicat rem esse credibilem, sed discernit hic & nunc esse credendam, quemadmodum ad eliciendos actus aliarum virtutum, puta misericordiar, satis non est quod mens iudicet laudabile esse opem ferre proximo indigenti; sed insuper requiritur ut discernat hic & nunc ei opitulandum. Quintus est actus voluntatis, qui dicitur pia affectio & credulitatis affectus, quo voluntas imperat intellectui, ut firmum veritati revelatæ & sufficienter propositæ assensum præbeat, nam ex sancto Augustino, lib. de prædestinat. Sanctor. cap. 5. *Credere, vel non credere est in arbitrio voluntatis humanæ.* Et ratio est, quam capite præcedenti §. 2. attulimus, scilicet, quod veritas proposita, quantumcunque credibilis appareat, maneat semper obscura & inevidens, nec proinde necessario mentem determinet ad credendum, quemadmodum conclusio, quæ evidenter deducitur ex principio per se noto, per sui evidentiam intellectum cogit ad assensum.

Q. 3. *Estne necesse ad eliciendum actum fidei, ut præcedat iudicium certum de credibilitate rei credendæ?*

R. Constans est Catholicorum doctrina agnoscendum esse ejusmodi iudicium tanquam necessarium: tum quia ex Apostolo, Hebr. 11. fides est argumentum, seu convictio rerum sperandarum; tum quia assensus fidei debet esse prudens: ad prudentiam autem requiritur certitudo saltem moralis, alias non esset virtus mentis, sed opinio dumtaxat. Unde merito Innocentius XI. anno 1679. damnavit hanc propositionem: *Assensus fidei supernaturalis, & utilis ad salutem, stat cum noticia solam probabilis revelationis, immo cum formidine, qua quis formidet ne non sit locutus Deus.* Definitioni Summi Pontificis subscripsit Clerus Gallicanus anno 1700. his verbis: *Hæc propositio scandalosa est,*
per.

perniciosa, & Apostolicam fidei definitionem evertit. Sed de evidentia motivorum credibilitatis ex professo egimus, Tract. de Incarn. pag. 47. & seq.

Q. 4. Omnes illi actus ad assensum fidei prærequisiti, suntne supernaturales?

R. 1. Tres primi actus possunt naturaliter elici, cum objecta eorum sint naturalis ordinis, & solo lumine naturali percipi possint; quivis infidelis, v. g. naturaliter audit & percipit, quæ ab Evangelii præcone dicuntur; utrum autem hæc ita se habeant, naturaliter potest perpendere miracula ac prophetias, quæ in confirmationem proferuntur, & ex iis judicare quod Evangelium sit credibile; hæc enim duo lumine naturali nota sunt, scil. vera miracula, verasque prophetias esse a Deo, & Deum optimum maximum iis mendacium confirmare non posse. Non est tamen negandum quin Deus gratia sua aliquando inclinet corda hominum ad audiendum Concionatores, & ad perpendenda quæ in doctrinæ confirmationem proferuntur, ut Act. 16. v. 14. habetur de Lydia: *Cujus Dominus aperuit cor intendere his, quæ dicebantur a Paulo.*

R. 2. Quartus actus, quo mens judicat hic & nunc esse credendum, censeri debet supernaturalis, cum inde exurgat pia voluntatis motio, & credulitatis affectus, qui ex mox dicendis est supernaturalis, favetque Conc. Arausic. II. can. 7. in quo sic habet: *Si quis per naturæ vigorem bonum aliquod, quod ad salutem vitæ æternæ pertinet, cogitare ut expedit, vel eligere posse confirmat absque illuminatione & inspiratione Spiritus sancti, hæretico fallitur spiritu.*

Confirmatur responsio ex constanti Theologorum doctrina, quæ docent virtutibus moralibus infusis respondere in intellectu prudentiam infusam, quæ dirigantur in suis actibus supernaturalibus, ad quos non pertingit prudentia naturalis & acquisita.

R. 3. Pia voluntatis affectio, seu credulitatis affectus, est supernaturale Dei donum. Responsio est de fide. Probaturque 1. ex Scriptura Joan. 6. *Nemo potest venire ad me, nisi Pater ... traxerit eum*, Rom. 9. *Non volentis, neque currentis, sed est miserantis est Dei.*

2. Ex can. 7. mox laudato Concilii Arauscani II. quo damnantur Semipelagiani, asserentes initium fidei esse a nobis, quatenus voluntas nostra debet esse parata ad assentiendum divinæ revelationi. 3. Ex sanctis Patribus: *Credere*, inquit sanctus Augustinus, lib. de prædest. Sanctorum cap. 5. *vel non credere est in arbitrio voluntatis humane, sed præparatur voluntas a Domino*. Et enchiridion, cap. 1. expendens verba Apostoli, *non volentis . . . est*, sic scribit; *restat ut propterea dictum intelligatur, non est volentis, &c. ut retum Deo detur, qui hominibus voluntatem præparat adjuvando, & adjuvat præparatam*. Et S. Fulgentius, lib. de Incarnat. & Gratia cap. 18. *ut velimus credere*, inquit, *misericordiæ prævenientis illuminamur dono*.

Q. 3. *Firmus ille fidei assensus estne simplex, seu complexa mentis operatio, an iudicium, an discursus?*

R. 1. Non est mera apprehensio; quia apprehensio siue simplex, siue complexa, est prima mentis operatio, neque affirmans, neque negans, ut si quis apprehendat illos terminos, *Deus justus, Deus injustus*, nihil affirmando aut negando: atqui per assensum fidei affirmamus quid sit Dei proprium v. g. quod sit justus & negamus quid sit ab eo alienum; puta quod sit injustus: ergo assensus fidei non est mera apprehensio: Difficultas solum est, utrum sit discursivus, pertineatque ad tertiam mentis operationem.

R. 2. Assensus fidei non est discursivus, nisi virtualiter.

Probatur; Assensus discursivus elicitur ex alio præcedenti assensu dato præmissis, v. g. ex præmissa fidei propositione, *Christus est homo*, cui assentior utpote quæ sit expresse revelata, elicio contra Apollinarem hunc assensum; ergo Filius Dei assumpsit animam rationalem; quia homo essentialiter est animal rationale; prior assensus est iudicium, & posterior est discursus Theologicus: atqui assensus fidei non elicitur ex alio præcedenti assensu dato præmissis; sed mens apprehensis hisce terminis: *Deus in dicendo vera dixit*, statim absque illatione & discursu assentitur propositioni.

positioni a Deo revelatæ : Ergo assensus fidei non est discursus, sed iudicium.

Confirmatur. Deus cum homini loquitur, non rationes, sed instar Judicum solam opponit auctoritatem, cui mens humana omne debet obsequium : *Nec dicebat aliter*, inquit Lactantius, lib. 3. Instit. cap. 12. *ut cum Deus ad hominem loqueretur, argumentis affereret suas voces, tanquam ei fides non haberetur; sed ut oportuit, est locutus quasi rerum omnium maximus Judex, cujus non est argumentari, sed pronuntiare verum.*

Dices: Sicut mens non assentiretur huic propositioni, Christus est risivus, nisi prius cognosceret Christum esse hominem; ita nec judicaret Christum esse hominem, nisi perspicuum ipsi esset, Deum illud dixisse, & in dictis esse veracem: atqui prior assensus est illativus, ac discursivus: ergo & posterior.

Nego maj. & paritatem: Nam motivum proximum & immediatum hujus assensus: ergo Christus est risivus, non est divina revelatio, sed connexio hujusce propositionis cum alia immediate revelata, nempe Christus est homo; ac proinde prius cognoscatur & credatur necesse est Christum esse hominem, quam ex ea eliciatur Christum esse risivum. Contra vero motivum proximum & immediatum assensus fidei, est prima veritas, seu revelatio, per quam immediate res proposita est credibilis & actu creditur; & sicut facultas visiva uno actu fertur in colores & lucem, per quam sunt visibiles; ita mens unico assensu adheret huic propositioni revelatæ, Deus est prima veritas, quæ proculdubio non elicitur ex nulla præmissa prius cognita.

Instabis: Atqui ex ista propositione eliciuntur ceteri assensus fidei, quemadmodum prima principia in scientia cognoscuntur absque discursu, sed ex iis eliciuntur omnes conclusiones; ideo enim fide divina creduntur quæ Deus dixit, quia Deus est prima veritas, & in dicendo infallibilis auctoritatis.

Nego subsumptum. Non enim credimus Deo dicenti, Christus est Deus, quia Deus dixit se esse pri-

nam veritatem, ita ut prior propositio non sit credibilis, nisi propter connexionem, quam habet cum posteriore; sed immediate eam credimus propter primam veritatem in illa relucentem; sicut facultas visiva per unam & eandem visionem percipit colores & lucem, per quam colores sunt visibiles.

Dixi: *Assensum fidei non est discursivum nisi virtualiter*: Quia sicut scientia Angelorum, licet non sit formaliter discursiva; cum uno & eodem actu percipiat conclusiones in principiis, & principia in conclusionibus: æquivalet tamen discursui, & absque imperfectione se extendit ad ea omnia, quæ mente non possumus assequi, nisi successive procedendo a noto ad ignotum. Similiter assensus fidei, quamvis simul terminetur ad rem revelatam, tanquam ad objectum materiale, & ad primam veritatem revelantem, tanquam ad objectum formale; virtualiter tamen continet hunc discursum: illud est vero & omnino credendum, quod est a prima veritate revelatum: atqui primâ veritas revelavit Christum esse Deum: Ergo.

Q. 6. *Assensus fidei estne certior scientia, & qualibet alia virtute intellectuali?*

Nota triplicem esse certitudinem, scilicet objectivam, formalem, & subjectivam. Certitudo objectiva, est firma & constans veritas objecti, quod cognoscitur. Formalis est firma veritas mediæ seu rationis, per quam objectum cognoscitur, sicut existentia creaturarum est certum medium & firma ratio, per quam cognoscimus Deum existere. Certitudo subjectiva est firma mentis adhæsiō objecto suo.

Certum est assensum fidei non esse certitudine objectiva certiozem scientia, v. g. Theologica, metaphysica, aliisque virtutibus intellectualibus; quia Deus æque est primarium objectum Theologiæ & metaphysicæ, ac fidei: atqui Deo nulla esse potest veritas firmior ac constantior: Ergo difficultas solum superesse potest de certitudine formali, seu mediæ & subjectivæ.

R. 1. Assensus fidei est certior certitudine formali, seu mediæ assensu cujuslibet scientiæ, quia nititur medio,

dio, seu motivo certiore, & magis infallibili, nempe prima veritate.

Dices 1. Lumen naturale quod nituntur omnes scientiæ, est æque certum ac lumen fidei, cum utrumque sit a Deo: Ergo.

Nego antec. Quia sicut principia, ex quibus eliciuntur conclusiones, sunt certiora ipsis conclusionibus; ita prima veritas, cujus lumen rationis est impressio quædam & participatio, infinite certior est lumine rationis. Adde nonnulla quandoque rationi apparere certa & evidentia, quæ tamen vera non sunt. Unde S. Thomas q. 4. art. 8. ad secundum scribit, quod etsi visio ceteris paribus sit certior auditu, nihilominus, *Si ille, inquit, a quo auditur, multum excedit visum videntis, sic certior est auditus, quam visus. Sicut aliquis parvæ scientiæ magis certificatur de eo, quod audit ab aliquo scientifico, quam de eo, quod sibi secundum suam rationem videtur. Et multo magis homo certior est de eo, quod audit a Deo, qui falli non potest, quam de eo, quod videt propria ratione, quæ falli potest.*

Dices 3. Illa cognitio est certior, quæ dubitationem non admittit: atqui scientia non admittit dubitationem, assensus vero fidei admittit saltem involuntariam: Ergo scientia est fides certior.

Dist. min. assensus fidei dubitationem admittit ex parte subjecti propter rei revelatæ inevidentiam, Conc. ex parte motivi, Nego min. Unde

R. 2. Assensus fidei secundum quid est minus certus ex parte subjecti assensu dato conclusioni demonstrativæ: absolute tamen & simpliciter est certior quolibet alio assensu. Ita S. Thomas, cit. art. 8.

Prima pars probatur, quia ex mox concessis assensus fidei admittit dubitationem saltem involuntariam in credente, quam evidentia scientiæ absolute excludit, Ideo autem fidelis nonnunquam pulsatur timore, ne fallat eum fides sua, vel quia non semper advertit, ut par est, ad motivum, quo innititur fides Christiana, quemadmodum rusticus nunc assensum negat conclusioni, quem prius dederat, cum urgeretur eviden-

tibus rationibus, quæ jam ex ejus mente exciderunt; vel quia myſteria noſtram naturam ſuperant, nec ea mens humana per ſe ipſam attingit, niſi fallaci lumine. Unde ſicut ſenſuum fallaciis obſiſtat necesse eſt, cum verſatur circa ſpiritualia naturalis ordinis; ſic ſecum eam pugnare oportet, cum ad ſupernaturalia aſſurgit verbo Dei innixa.

Secunda pars probatur: Quia illud absolute & ſimpliciter certius eſt certitudine ſubjecti, cui ſubjectum ita adhæret, ut paratum ſit renuntiare cuilibet evidentiæ, quæ videri poſſet oppoſita aſſenſui jam dato; atqui fidelis ita firmiter adhæret rebus revelatis propter primam veritatem infinite credibilem, ut paratus ſit renuntiare cuilibet in contrarium rationis judicio, quia in ipſis terminis repugnat primam veritatem eſſe falſitatem. Unde S. Auguſtinus lib. 7. Confess. cap. 10. *Facilius*, inquit, *dubitarem vivere me, quam non eſſe veritatem, quæ per ea, quæ facta ſunt, intellecta conſpicitur.*

Ergo fides omnino perit in eo, qui cum advertentia contumaciter dubitat vel de una propoſitione, quam Eccleſia definiit eſſe a Deo revelatam, probaturque iſdem argumentis, quibus ſupra negavimus ullam remanere fidem Chriſtianam in Hæreticis.

Q. 7. *Aſſenſus fidei eſtne ita bonus, ut fieri non poſſit malus ex prava intentione, puta inanis gloriæ?*

R. Affirmative: Quia aſſenſus fidei non poteſt eſſe niſi a gratia & ex impulſu Spiritus Sancti; fides enim donum Dei eſt, Ephes. 2. atqui repugnat Spiritum Sanctum impellere ad malum culpæ: ergo qui ex inani gloria, aut quolibet alio pravo motivo vellet credere, non eliceret niſi actum fidei humanæ, ut ſupra diximus de fide Hæreticorum.

Q. 9. *Aſſenſus fidei eſtne meritorius?*

R. Si aſſenſus ſit fidei vivæ, quæ per caritatem operatur, eſt meritorius de condigno: ſi vero ſit fidei mortuæ & informis, eſt meritorius dumtaxat de congruo.

Prima pars probatur ex Scriptura, Hebr. 11. Sancti per

per fidem ulcerant regna , operati sunt iustitiam , adepti sunt repromissiones , Gal. 3. v. 6. in Christo Jesu neque circumcisio aliquid valet , neque praeputium , sed fides , quae per caritatem operatur . 2. Timoth. 4. v. 7. & 8. fidem servavi , in reliquo reposita est mihi corona iustitiae . 2. Ratione , quia omnes conditiones ad meritum de condigno requisitae , quas supra numeravimus , pag. 121. conveniunt assensus fidei vivae ; est enim actus bonus , supernaturalis , ab homine iusto viatore , libere elicitus , adjunctam habens Dei promissionem , qui ... credis in me , non morietur in aeternum , Joann. 12. v. 26.

Secunda pars probatur 1. ex Scripturis , Rom. 3. v. 28. *Arbitramur enim justificari hominem per fidem .* Et cap. 5. v. 1. *Iustificati ergo ex fide .* 2. Ex Concilio Tridentino sess. 6. c. 6. ubi statuit fidem primo loco disponere ad justificationem . 3. Ex S. Augustino , qui epistola 186. alias 106. ad Paulinum sic habet : *Si quis dixerit quod gratiam bene operandi fides mereatur , negare non possumus , immo vero gravissime confitemur .* Et ante eum scripserat S. Ambrosius lib. 2. de Poenit. cap. 8. *Fides impetrat veniam tanquam ex singrapha .* Cum autem fides mortua , & informis sit sine gratia justificante & caritate , meritum ejus non est de condigno , sed de congruo tantum , quia ut diximus cit. loco de merito , status gratiae sanctificantis requiritur ad meritum de condigno , juxta illud 1. Cor. 13. *Si ... caritatem autem non habuero , nihil sum ... nihil mihi prodest .*

Q. 9. *Rationes quae movent ad credendum minuunt , ne fidei meritum ?*

R. 1. Si movent , ut prudenter credatur , quemadmodum motiva credibilitatis , nullatenus minuunt fidei meritum , quia quod efficit , ut assensus fidei sit prudens , proculdubio non minuit ejus meritum : atqui ita se habent motiva credibilitatis : Ergo .

R. 2. Si rationes illae sunt causa assensus , adeo ut sine iis voluntas non esset parata ad imperandum assensum , meritum minuunt , juxta vulgatum illud S. Gregorii effatum , homil. 28. in Evangel. *Fides non ha-*

des meritum, cui humana ratio præbet experimentum.
 Quia, ut ratiocinatur S. Thomas q. 2. art. 10. *Sicut homo actus virtutum moralium debet exercere propter iudicium rationis, non propter passionem: ita credere debet homo ea, quæ sunt fidei, non propter rationem humanam, sed propter auctoritatem divinam: Ergo quemadmodum non exercet actum virtutis moralis, qui facit ea, quæ virtutis sunt, sed ex passione, v. g. delinquentem corripit ex præcipiti iræ impetu, opem fert indigenti ex inanis gloriæ appetitu: similiter actum fidei non elicit, nec proinde meretur, qui ad assentiendum non inducitur auctoritate divina, sed evidenti ratiocinio.*

R. 3. Rationes, quæ se habent consequenter ad assensum fidei, ut si quis firmus in fide, & ex desiderio illius fovendæ tum in se, tum in aliis, excogitet rationes, quibus res sperandæ amplius credibiles appareant, sitque paratus ad satisfactionem omni poscenti rationem de ea, quæ in ipso est, fide, & spe, ut optat S. Petrus 1. epist. cap. 3. nedum minuunt fidei meritum, quin illud augent: denotant enim propensio-rem voluntatem in ea, quæ sunt fidei. Sed si in fide hæsitans quærit rationes, quibus in ea firmetur, amittit meritum fidei, quia ex Tertullian. lib. de præscript. cap. 11. *Nemo querit, nisi aut: quid non habuit, aut perdidit, nempe fidem.*

R. 4. Rationes, quæ rem revelatam demonstrant, v. g. Dei existentiam, non minuunt meritum, si idem in voluntate maneat credulitatis affectus: Quia, inquit S. Thomas cit. art. 10. ad 2. *non diminunt rationem caritatis, per quam voluntas est prompta ad ea credendum, etiamsi non apparerent, alioquin Theologia esset saluti exitiosa.* Sic virtutis opus, etsi privato amoris arideat, utpote honorificum & quæ-ruosum, non erit propterea minus laudabile & præmio dignum, si voluntas, spretis ejusmodi illecebris, recta ad Deum tendat.

Q. 10. *Credere Deo, credere Deum, & credere in Deum, suntne actus essentialiter diversi?*

R. Minime, quia habent idem motivum, seu ob-
 jectum

Sum formale, scilicet, primam veritatem, quin & idem objectum materiale primum, nempe Deum, ad quem omnia credenda referuntur: *Per illa tria*, inquit S. Thomas q. 2. art. 2. ad 1. *designatur unus & idem actus habens diversam rationem ad fidei objectum*. Responsio patebit ex ipsa terminorum expositione. Itaque

Credere Deo, est credere vera esse quæ Deus dixit propter infinitam ejus in dicendo veracitatem. Credere Deum, est credere Deum esse, ex eodem motivo divinæ in dicendo veracitatis. Credere in Deum, est credere Deum, non simpliciter, sed ex affectu caritatis tendentis in Deum, tanquam in ultimum finem. Credere primo & secundo modo, est commune omnibus fidelibus justis & peccatoribus: credere autem tertio modo, est proprium justorum. Credere primo & secundo modo duntaxat, est actus fidei informis, imperfectæ & mortuæ: credere tertio modo, est actus fidei formatæ, perfectæ & vivæ, de qua Apostolus, Hebr. 10. v. 22. *Accedamus cum vero corde; in plenitudine fidei*; fides enim plena ex mente & corde, ex cognitione & amore simul proficiscitur. Hanc fidem Scripturæ exigunt, Joann. 6. *Hoc est opus Dei, ut credatis in eum, quem misit ille*. Non ait, ut credatis ei, vel eum, sed in eum quem ille misit. Cap. 11. *Qui credit in me, etiamsi mortuus fuerit, vivet*, cap. 14. *creditis in Deum, & in me credite*. Hanc fidem profiteamur in utroque Symbolo, Apostolorum nempe & Constantinopolitano: *Credo in Deum Patrem omnipotentem... & in Jesum Christum Filium ejus unicum... & in Spiritum sanctum*. Justorum est illa professio, non peccatorum, utpote, qui in Deum non tendant, tanquam in suum ultimum finem; cum solus Deus sit finis noster ultimus & beatitudo, in illum solum credere licet. Credimus homini probo, & hominem probum. Credimus Ecclesiæ & Ecclesiam, sed neque in hominem probum, neque in Ecclesiam, neque in illam creaturam credere fas est; quia nulla creatura potest esse finis noster ultimus. Ita fere S. Augustinus Tract. 29. in Joann. ubi expendens illa Christi verba, *huc est opus*

Dei, ut credatis in eum, quem misit ille, sic scribite, ut credatis in eum, non, ut credatis ei. Sed si creditis ei: non autem continuo, qui credit ei, credit in eum. Nam & daemones credebant ei, & non credebant in eum. Rursus etiam de Apostulis ipsis possumus dicere: Credimus Paulo, sed non credimus in Paulum: credimus Petro, sed non credimus in Petrum: Credenti enim in eum, qui iustificat impium, deputatur fides eius ad iustitiam: Quid est ergo credere in eum? Credendo amare, credendo diligere, credendo in eum ire & ejus membris incorporari. Ipsa est ergo fides, quam de nobis exigit Deus, & non invenit quod exigit, nisi novaverit quod inveniat. Similia habet Sanctus Doctor serm. 144. alias 61. de verbis Domini.

Q. 11. *Estne proprium fidei purificare corda hominum?*

R. Affirmat S. Petrus, Act. 15. *Fide*, inquit, *purificans corda eorum*. Et ratio est, quia res tum dicitur pura, cum non est permixta alteri, utique viliori, nam si melior admisceatur, purior evadit: argentum, v. g. sine admixtione stanni, aut alicujus vilioris metalli purum est, purius autem cum auro mixtum: atqui fides corda hominum separat a rebus infimis, & transfert ad ea quæ sunt meliora & speranda: informis quidem imperfecte, formata vero perfecte: Ergo.

Minor ostenditur. Ac 1. quidem fides mentem ab errore expurgat, hinc vanas ac fallaces mundi inanitates detegit, horrendaque supplicia impœnitentibus ineluctabilia revelat: inde tanquam præsentem exhibet veram felicitatem virtutis cultoribus præparatam. 2. Si sit adhuc informis, corda, quæ in ipsius lumine scelerum conscia deprehendunt, timore pœnæ concutit, ac veluti ferramento Medici, ut loquitur sanctus Augustinus, Tract. 9. in primam Joann. utiliter vulnerat ad pœnitentiam, qua tollitur putredo, & introducit caritas, vera cordis munditia.

§. II.

De necessitate interioris actus Fidei.

DE parvulis nulla potest esse questio, cum nullius actus sint capaces, & certum sit eos salvari, si percepto Baptismo, & vita excedant. Agitur hic de solis adultis.

Monuimus vero, Tract. de Incarn. pag. 32. 33. duplicem distingui necessitatem, alteram medii, alteram præcepti, & utriusque differentiam ibidem exposuimus. Quibus præsuppositis,

Q. 1. *Estne aliqua necessitas, & quæ, eliciendi interiores actus fidei?*

R. Necesse est necessitate tum medii, tum præcepti elicere interiores actus fidei.

Probatur 1. ex Scriptura, Rom. 10. corde... creditur ad justitiam, scil. accipiendam, Hebr. 11. sine fide... impossibile est placere Deo: credere enim oportet occidentem ad Deum, quia est, & inquirentibus se, remunerator sit. 2. Ex Conc. Trid. sess. 6. c. 8. Fides est humanæ salutis initium, fundamentum, & radix omnis justificationis; sine qua impossibile est placere Deo, & ad filiorum ejus consortium pervenire. 3. Ex S. Aug. serm. 27. alias 20. de Verbis Apostoli, domus Dei credendo fundatur, sperando erigitur, diligendo perficitur. Et lib. de prædestinatione Sanctorum, cap. 7. Ipsa (fides) prima datur, ex qua impetrentur cetera. Denique opera supernaturaliter bona sunt adultis necessaria necessitate medii & præcepti ad remissionem peccatorum obtinendam, & gloriam consequendam: atqui fides est principium, & necessaria radix omnium bonorum operum supernaturalium, nihil sine ea sanctum, nihil vivum, inquit sanctus Leo, serm. 4. de Nativit. Ergo.

Confirmatur ex censura Alexandri VII. & Cleri Gallicani anno 1700. qui hanc propositionem proscripserunt: homo nullo unquam vite sue tempore tenetur elicere actum fidei, spem, & caritatis ex vi præceptorum divinarum ad eas virtutes pertinentium.

Momenta ; quæ nostræ responsioni opponuntur ex Rom. c. 2. & Act. 10. solvimus , Tract. de Gratia, cap. 5. §. 1.

Q. 2. *Quoties tenetur adultus elicere actus fidei?*

Fuit quorundam Modernorum hæc propositio , sed damnata a Summo Pontifice Innocentio XI. anno 1679. & a Clero Gallicano anno 1700. *Satis est actum fidei semel in vita elicere .* Quare rejecta illa sententia.

R. 1. Quærere quoties Christianus teneatur ex fide agere , idem fere videtur , ac si interrogares , quoties Philosophus prudenter operari debeat ; quemadmodum enim Philosophus in omnibus rectam rationem tenetur consulere , & ad prudentiæ leges cunctos actus suos componere , ita Christianus studeat , necesse est omnes gressus suos ad lumen fidei dirigere ; *Nam : iustus ex fide vivit* , ait Apostolus , Galat. 3. & Hebr. 10. ipsa est lucerna lucens , cui attendendum est in caliginoso sæculi loco , in quo degimus : ipsa est columna lucis , viam rationi ignotam ostendens , qua ad terram promissam tendere nos oporteat .

R. 2. Est peculiaris obligatio eliciendi actus fidei . 1. In articulo mortis , ut constat ex præxi Ecclesiæ , juxta quam Pastores tum maxime solent exigere actus fidei , spei , & caritatis . 2. Initio usus rationis ; quia non habemus accessum ad Deum , nisi per fidem : at qui non sine gravi Dei contemptu , quis sufficienter monitus diutius moraretur sese ad Deum convertere : Ergo . Sed in eo magis peccant parentes & Pastores , qui liberis ac subditis hæc necessaria salutis monita dare negligunt . 3. Cum pulsatur gravis contra fidem tentatio ; contraria enim contrariis repelluntur , odium per dilectionem , motus libidinis & impudiciæ per actus caritatis ; 4. Quando urget præceptum , quod impleri non potest sine actibus fidei , verbi gratia , eum sumenda est Eucharistia , audiendum Sacrum , preces fundendæ : tunc enim per accidens obligatur præceptum fidei .

Quæstio 3. *Qualis debet esse ille actus fidei , an explicitus , an implicitus , quo quis credet quæcumque docet .*

docet Ecclesia, cum interim prorsus nesciat quanam illa sint?

R. Quædam explicite credi necesse est: tum quia Apostolus citato cap. 11. ad Hebr. docet accedentem ad Deum debere explicite credere quia est, & inquirentibus se remunerator est: tum quia fides implicita est involuta tenebris ignorantie, & veluti lumen absconditum sub modio, quod mentem collustrare nequit; nec proinde dirigere mores.

Q. 4. *Quanam credenda sunt explicite?*

R. Alia sunt explicite credenda necessitate medii, alia necessitate præcepti.

Quæst. 5. *Quid necessitate medii credendum est explicite?*

R. 1. In omni statu etiam naturæ necessarium est necessitate medii explicite credere Deum esse, remunerare servientes sibi, & animam esse immortalem: est communis Theologorum sententia. Immo contraria opinio damnata est ab Innoc. XI. tanquam scandalosa, & a Clero Gallicano, tanquam hæretica, ut retulimus Tract. de Incarn. pag. 34. Idipsum enim Apostolus expresse docet laudato sæpius cap. 21. ad Hebr. *Sine fide, inquit, impossibile est placere Deo*; quæ verba necessitatem medii perspicue denotant. Quæ autem sit illa fides, explicat his sequentibus verbis: *Credere enim oportet accedentem ad Deum, quia est, & inquirentibus se remunerator sit*.

Porro loquitur 1. de fide Patriarcharum, qui sanctitate floruerunt in lege tum naturæ, ut Abel, Noe, Abraham: tum scripta, ut Moyses, Samuel, David. 2. De remuneratione speranda, non in hac vita, sed in futura: quod necessario supponit animam non interire cum corpore.

R. 2. In lege Evangelica necesse est præterea explicite credere mysteria Sanctissimæ Trinitatis & Incarnationis. Responsio quoad utramque partem fusc probata est. Prima, Tract. de Trinitate, Tom. 1. p. 546. Secunda, Tract. de Incarnatione, pag. 32. & sequentibus. Ubi plura diximus notatu digna & scitu necessaria, præsertim Pastoribus.

Q. 6. *Quanam sunt explicite credenda necessitate præcepti in lege nova?*

R. 1. Non eadem notitia ab omnibus exigitur, sed alii plura aliis scire debent, unusquisque pro ratione sui officii & conditionis. Nam Clerici, qui rudiores docere tenentur, satis non est nosse utcumque Religionis mysteria, media ad salutem necessaria, puta Sacramenta, & præcepta moralia, quibus Christiani mores informantur, sed; insuper requiritur, ut ea omnia noverint explanare, difficultates solvere, & in captivitatem redigere omnem intellectum adversus scientiam Dei sese extollentem, in obsequium Christi, ut loquitur Apostolus, 2. Cor. cap. 10. v. 5. Similiter Patres Familias (quos S. August. ideo, vocat familiarum Episcopos, quia domesticos præceptis fidei & morum imbueri debent), magis explicite credere convenit.

R. 2. Una est Theologorum sententia, omnes & singulos scire teneri articulos Symboli Apostolorum; probaturque ex praxi universalis Ecclesiæ, quæ a primis sæculis hanc salutis scientiam hætenus a fidelibus exegit, ut patet tum ex cap. *Baptizandos*, de consecratione dist. 4. ubi habetur; *baptizandos oportet fidei Symbolum discere*; tum ex Rituali Parochorum, ex cuius præscripto monendi sunt patrini sui officii esse, ut curent infantes, quos de sacro fonte levant, discere Symbolum, cum adoleverint; tum ex Catechismo Romano, qui sic habet; *Quæ primum homines tenere debent, illa sunt, quæ S. Apostoli divino Spiritu afflati, duodecim Symboli articulis distinxerunt.*

Seq. duplici modo Symbolum sciri potest: 1. Memoriter: 2. Quoad substantiam duntaxat, scil. cum quis, etsi Symbolum ex ordine recitare non valeat, interroganti tamen respondere potest ad singulos articulos. Queritur autem an posterior ille modus sufficiat?

R. 3. Omnes adulti Symbolum Apostolorum memoriter tenere debent.

Probat. 1. Ex Canonibus Ecclesiæ, cap. *Nos*, §. *Ante omnia*, de consecratione dist. 4. habetur, ex S.

Aug.

Augustino, ante omnia Symbolum & Orationem Dominicam, & vos ipsi tenete; & illis, quos suscepistis de sacro fonte, ostendite, Cap. 7. Synodi Quinisextæ, nisi qui has duas sententias, (scilicet Symbolum & Orationem Dominicam,) & memoriter tinnerit, & ex toto corde crediderit, & in oratione frequentissime frequentaverit, Catholicus esse non poterit. Ex S. August. lib. 8. Confess. cap. 2. & ex aliis constat Catechumenos, priusquam sacrum fontem ingrederentur, ex lege Ecclesiastica distincte & publice recitare illam fidei formulam, quin etiam nunc patrini jubentur illam cum Oratione Dominica, pronuntiare pro parvulis, quos ad Baptisma offerunt. Merito autem Ecclesia orationem, quam docuit Magister noster, Symbolo adjungi voluit; quia fides, sicut nonnisi ipso donante, accipitur, ita nec conservatur, nec fructificat, nisi per ejus auxilium, quod assiduis orationibus implorare necesse est.

Prob. 2. ratione. Fides ex Apostolo, Eph. 6. v. 13. & 16. nobis data est veluti spiritualis armatura, quam nobis non licet unquam deponere, cum adversum nos continuo instet bellum: Propterea, inquit, induite armaturam Dei: . . . in omnibus sumentes scutum fidei, in quo possitis omnia tela nequissimi ignea extinguere: Atqui fidem ad manum non habebimus: nisi probe & memoriter Symbolum teneamus: Ergo.

Confirm. ex S. Aug. serm. 58. alias homil. 42. de Symbolo cap. 11. ubi sic habet: Quotidie dicite quando surgitis, quando vos ad somnum collocatis. Ne dicatis, dixi veri, dixi hodie . . . commemora fidem tuam, inspicere te. Sit tanquam speculum tibi Symbolum tuum, ibi te vide. . . & gaude quotidie in fide tua: Sicut divitiæ tuæ, sint quotidiana ista quodammodo indumenta mentis tuæ. Numquid non quando surgis, vestis te? sic & commemorando Symbolum tuum vesti animam tuam, ne forte eam nudes oblivio, & remaneas nudus, & fiat quod ait Apostolus, quod absit a. c. Si tamen vestiti non nudi inveniamus. 2. Cor. 5. v. 3. Vestiti enim erimus fide nostra. Ipsa fides

& tue

Et tunica est Et lorica; tunica contra confusionem: lorica contra adversitatem.

Enimvero quivis experiri potest quod alii non pauci experti sunt, nempe nihil esse efficacius ad excutiendam somnolentiam in operibus, & tepescentem intentionem erigendam, quam si ex affectu identidem pronuntietur: Credo in Jesum Christum Dominum nostrum, qui venturus est judicare vivos, & mortuos, nihil promptius ad repellendas mundi & carnis illecebras, quam si opponatur hæc fidei professio: Credo carnis resurrectionem, vitam eternam, & sicut in Symbolo Constantinopolitano canitur: Expecto resurrectionem mortuorum, & vitam venturi sæculi. Unde S. August. Tract. 46. in Jo: expendens illud Apostoli, Christum habitare per fidem in cordibus vestris, ait: Fides tua de Christo, Christus est in corde tuo. Hinc est illud, quod dormiebat in navi, & cum periclitarentur discipuli, excitaverunt eum... & facta est tranquillitas magna... sic & tu. Intran ventis cor tuum (scilicet tentationes): audisti convicium, trasceris: convicium ventus est, iracundia fluctus est, periclitaris, disponis respondere, disponis maledictum pro maledicto reddere, jam navis propinquat naufragio. Excita Christum dormientem; ideo enim fluctuat, & mala pro malis reddere præparat, quia Christus dormit in navi; in corde enim tuo somnus Christi, oblitio fidei. Nam si excites Christum, idest, si recolas fidem... quasi imperatur ventis, & fluctibus, & fit tranquillitas magna.

Satis ergo non videbitur Confessario, quod pœnitens sciat Symbolum quoad substantiam, nisi & memoriter teneat, præsertim lingua vernacula, si Latinam non calleat. Et quamvis negligentia in eo non censeatur peccatum lethale, juxta Navarr. cap. 1 r. Manuel. num. 22. & alios benemultos; est tamen ratio sufficiens differendi absolutionem, quando pœnitens jam monitus discere neglexit, nec aliter a somnolentia excitari potest. Vix ingenii tarditas eum excusabit, cum stupidissimi quique facile cantilenas ediscant.

Singulis quoque necessaria est notitia, 1. ex S. Tho. q. 2. art. 7. Myſteriorum, quæ ſollemniter celebrantur, cum ſine ea non poſſet recoſi grata memoria, propter quam ab Eccleſia proponuntur. 2. Sacramentorum ſuſcipiendorum, ac præſertim Eucharistiæ, & Sacrificii Miſſæ, cui ex præcepto diebus feſtivis intereſſe debent, alioquin ea ſancte, ut par eſt, tractare non poſſent. Præceptorum Decalogi & Eccleſiæ, in quibus continentur quæ facere & quæ vitare tenentur.

§. III.

*Satis ſit nonnullis difficultatibus circa Symbolum
Apoſtolorum.*

Q. 1. Quid eſt Symbolum?

R. Secundum vim nominis Græci, eſt collectio ſeu collatio miltorum ad aliquod opus, quo ſenſu, Prov. 23. v. 21. qui partes ſuas ad convivium afferunt, dicuntur dare ſymbola. Sumitur etiam nomen illud pro ſigno vel teſſera militari, quæ veri milites ab aliis diſcernuntur.

Apud Scriptores Eccleſiaſticos Symbolum in utraque ſignificatione accipitur, nempe pro ordinata collectione articulorum fidei; & ſigno, quo fideles tanquam veri milites Chriſti exterius ſe produnt, & ab aliis diſtinguuntur.

Q. 2. Propoſitio fidei eſtne idem quod articulus fidei?

R. Minime, licet enim articulus fidei ſit propoſitio fidei; non omnis tamen propoſitio eſt articulus.

Q. 3. In quo ergo differant articulus, & propoſitio?

R. In eo potiffimum quod propoſitio ſit cujuſlibet rei immediate a Deo revelatæ; articulus vero ſit præcipuarum rerum ad æternam ſalutem pertinentium. Hinc quod Saul fuerit primus Rex Iſrael, & quod Jeſſe genuerit Davidem, ſunt propoſitiones fidei, utpote quæ fuerint immediate a Deo revelatæ; ſed non ſunt arti-

articuli fidei, sicut ista: *Iesus Christus est unicus Dei Filius Patri consubstantialis*; quia illæ non sunt rerum sperandarum, quemadmodum ista.

Q. 4. *Unde primariæ illæ propositiones dicuntur fidei articuli?*

R. Ita dicuntur per analogiam ad membra corporis humani, quæ suis articulis constant; est enim articulus quoddam diminutivum artus, quasi particula membri, & quasi junctura, quæ artus seu membra coaptantur & copulantur; sed vulgo articulus sumitur pro ipso membro. Est autem membrum pars corporis insignior, constans ex partibus minoribus, & habens specialem usum & functionem, ut brachium compositum ex ossibus, nervis, musculis, &c. quæ membra dici nequeunt, cum singulis non competat specialis & distincta functio.

Articulis igitur fidei sunt veluti membra, in quæ dividitur fides tanquam corpus integrum. Unde definiiri potest articulus fidei:

Primaria fidei propositio omnibus ab initio ad credendum explicitè proposita & peculiarem difficultatem continens.

Dicitur 1. *Primaria*; idest, rerum sperandarum, quæ ad vitam æternam pertinent, vel tanquam ejus objectum, ut Deus unus in tribus Personis subsistens, vel tanquam medium necessarium, ut Verbi divini incarnatio, Christi passio, resurrectio, &c.

Dicitur 2. *Omnibus ab initio ad credendum explicitè proposita*, ut distinguatur ab eis propositionibus, quæ successu temporis ab Ecclesia fuerunt definitæ, v. g. quod liceat pingere imagines, quod duo libri Machabæorum sint canonici, &c.

Dicitur 3. *Peculiarem difficultatem continens*; Quia sicut membrum corporis ex multis partibus minoribus constat, quæ separatim non habent specialem functionem, ut mox diximus; ita articulus fidei aliquando ex pluribus propositionibus exurgit, quæ singulæ non habent peculiarem difficultatem, v. gr. tertius Symboli articulus, qui conceptus est de Spiritu Sancto, natus ex Maria Virgine, tres fidei propositiones includit: primam

nam, quod Christus sit conceptus de Spiritu Sancto; secundam quod natus sit ex Maria; tertiam, quod Maria sit Virgo, quarum propositionum prima peculiarem difficultatem sola continet; posito enim quod Christus conceptus sit de Spiritu sancto, posteriores propositiones necessario sequuntur; nempe quod natus sit, & quod Maria sit Virgo. Quod autem Christus passus sit, alia occurrit difficultas a precedente distincta. Unde his verbis, *passus sub Pontio Pilato mortuus & sepultus*, novus constituitur articulus, constans ex tribus propositionibus ita coaptatis, ut si assensus primæ præbeatur, nimirum quod Christus sit passus, facile credetur mortuus & sepultus.

Q. 4. Quot sunt Symbola?

R. Quatuor, tertium tamen cum secundo vulgo confunditur ex eo quod illud integre contineat cum nova aliqua additione; unde tria duntaxat Symbola nonnunquam numerantur.

Primum est Apostolorum, qui ad instructionem fidelium collegerunt brevem summam fidei capitum, ad quæ cetera facile reduci possunt, ut sicut omnium credentium est cor unum, esset quoque os unum, & una confessio, ex S. Irenæo, lib. 2. contra hæreses, cap. 3.

Secundum, Nicænum dicitur, quia editum est in Concilio Nicæno ad convellendam Arii Presbyteri Alexandrini impietatem, qua negabat Filium Patri consubstantialem.

Tertium est Constantinopolitanum, in quo propter Macedonium Constantinopolitanum Episcopum, abjudicantem Spiritui sancto divinitatem, & Manichæos asserentes Deum non esse conditorem rerum corporatarum, nonnulla addita sunt a Patribus Symbolo Nic.

Quartum est S. Athanasii, non quod S. Athanasius sit illius auctor; non enim prodixit nisi post ejus mortem; sed quod contineat doctrinam, quam S. Doctor mira eruditione, & pluribus laboribus & periculis asseruit adversus Arianos. Unde Symbolum illud non est aliud quam major explicatio Symboli Nicæni & Constantinopolitani.

Q. 5.

Q. 3. Unde opus illud, quod circumfertur sub nomine S. Athanasii habet auctoritatem Symboli?

R. Ab Ecclesia; cum enim Symbolum sit regula fidei omnibus fidelibus proposita, non est cujusvis Pastoris eam constituere. Porro Symbolum S. Athanasii nuncupatum, erat in auctoritate septimo sæculo; illius quippe meminit Concilium Augustodunense anno 670.

Q. 6. Apostoli suntne revera auctores Symboli, quod eorum nomine insignitur?

Visum est Moderno cuidam eatenus duntaxat illud Symbolum dici Apostolorum, quatenus eorum doctrinam continet, quemadmodum circumferuntur Canones, qui dicuntur Apostolorum, quos constat ab Apostolis non fuisse conditos. Sed hæc opinio adversatur Ecclesie traditioni. Quare

R. Apostoli revera sunt Auctores Symboli eorum nomine nuncupati.

Probatur ex constanti Ecclesie traditione.

Tertullianus lib. de præscript. cap. 37. Superest igitur, inquit, ut demonstramus an hæc nostra doctrina & ejus regulam supra edidimus, de Apostolorum traditione censeatur.

S. Ambrosius epist. ad Syricium Summum Pontificem, sic scribit: Credatur Symbolo Apostolorum, quod Ecclesia Rom. semper intemeratum custodit & servat. Et serm. ultimo de jejuniis Eliæ: ait: duodecim enim Apostolorum Symbolo fides sancta concepta est, qui veluti periti artifices in unum convenientes clavum suo Symbolo conflaverunt. Clavum enim quandam ipsum Symbolum dixerim, per quam referantur tenebræ, & lux Christi advenit.

Rufinus quarto sæculo illud Symbolum, tanquam opus Apostolorum, usque ad suam ætatem credidit exposuisse: id ipsum libro uno præstitit S. Augustinus quinto sæculo.

Cassianus lib. 6. de Incarn. cap. 3. collata, inquit, ab Apostolis Domini totius Catholice legis fide, quidquid per diversum divinarum voluminum corpus immensa funditur copia, totum in Symboli colligitur.

brev.

brevitate perfecta . Mitto alios , ut S. Hieronymum , Leonem , &c.

Cum autem illud Symbolum duobus modis edi potuerit : 1. ut unus Apostolus integrum opus confecerit , & ceteri illud approbaverint : 2. ut omnes in unum convenerint , & singuli manum operi adhibuerint : posterior hic modus communiter admittitur ; ipsa *Catholici Symboli brevis & perfecta confessio* , inquit S. Leo epist. 13. ad Pulcheriam , *duodecim Apostolorum est insignita sententiis* . Quin auctor serm. 115. inter sermones Sancti Augustini de tempore , assignat singulis Apostolis suum articulum . S. Petro primum , & sic deinceps . Sed id dicitur gratis & sine fundamento .

Q. 7. *Symbolum Apostolorum estne inter Scripturas sacras numerandum.*

R. Minime ; quia Apostoli non illud condiderunt ; tanquam Dei amanuenses & ejus nomine , sed tanquam Ecclesiæ Pastores , eo modo quo eorum successores in Conciliis œcumenicis Canones exararunt , qui licet contineant verbum Dei , conflati tamen non sunt dictante Spiritu sancto , sed assistente dumtaxat .

Probatur responsio . 1. quia Ecclesia , quæ identidem texuit catalogum Librorum sacrorum , ut in Concilio Laodicensi cap. 60. Carthaginensi III. cap. 43. Tridentino , sessione 4. Symbolum Apostolorum non recensuit . 2. quia mutationes aliquando factæ sunt in Symbolo Apostolorum ; nam Rufinus testatur hanc sententiam , *descendit ad inferos* , omissam fuisse in Ecclesia Romana . Sanctus etiam Augustinus eam omittit lib. 1. de Symbolo cap. 3. sicut & particulam , *Catholicam* , cap. 6. ejusdem Libri : atqui non liceat quidquam mutare circa textum Scripturæ sacræ : Ergo Symbolum Apostolorum non est Scriptura Sacra .

CAPUT III.

De externo actu Fidei.

Q. 1. **E**xstatne præceptum exterius profitendi fidem ?
 R. Extat Rom. 10. v. 9. & 10. Si confitearis in ore tuo Dominum Jesum, & in corde tuo credideris . . . salvus eris ; corde enim creditur ad justitiam ; ore autem confessio fit ad salutem. Quibus verbis Apostolus docet actum internum fidei sufficere ad remissionem peccatorum, & justificationem impetrandam, corde enim creditur ad justitiam ; ad salutem vero æternam consequendam insuper requiri externam fidei professionem, ore autem confessio fit ad salutem.

Unde S. Augustinus lib. de fide & Symbolo cap. 1. fides, inquit, a nobis duplex officium exigit, cordis & lingue. Et ratio est, quia nulla est vera virtus, quæ per actus internos non tendat ad actus exteriores, ut religio ad cultum exteriorem Deo exhibendum, misericordia ad sublevandum pauperem, cujus interius miseretur, fortitudo ad subeunda mortis pericula, ubi recta ratio illud exigit, nec crederetur religiosus, misericors, fortis, qui nollet data occasione, exterius Deum colere, misero opem ferre, mortis periculum subire. Ergo a pari, qui habet in corde effectum credulitatis, non quiescit in assensu interno rebus revelatis ; sed prorumpit in actus exteriores, qui respondeant interno illi affectui : Credidi, inquit regius Psalter Psal. 115. propter quod locutus sum. Similiter Apostolus 2. Cor. 4. habentes autem eundem Spiritum fidei . . . & nos credimus, propter quod & loquimur. Et Glossa in illud 2. Thessal. 1. impleat . . . opus fidei in vivente, ut clarificetur nomen Domini, dicit opus fidei esse confessionem. Denique Sanctus Augustinus vult fidem ita appellari, quia per eam fit quod dicitur, quis est, inquit serm. 148. alias hom. 17. qui non credit quod Jesus sit Christus? qui non sic vivit, quomodo præcepit Christus. Multi enim dicunt ; Credo. Sed fides sine operibus non salvat. Opus autem fidei ipsa dilectio est, dicens

dicente Paulo Apostolo , & fides quæ per dilectionem operatur . . . Cum dilectione fides Christiani : sine dilectione fides damonis . Non itaque sola oris confessio , sed quæcumque alia exterior actio relata ad finem fidei , est opus fidei , non quidem elicitedum , sed imperatum .

Q. 2. Confessio fidei estne ad salutem necessaria necessitate medii , sicut interior mentis assensus ?

R. Per se non est necessaria , nisi necessitate præcepti ; quia infidelis justificatus per actum perfectæ contritionis , hoc est , per fidem , quæ per caritatem operatur , salvari poterit , si decedat priusquam occasio profitendi fidei sese obtulerit : Ergo confessio fidei necessaria non est necessitate medii ; sed præcepti tantum .

Dixi , per se ; nam per accidens potest esse necessaria necessitate medii , puta ratione Baptismi , in quo fit professio fidei .

Q. 3. Quasplex est præceptum confessionis fidei ?

R. Duplex , affirmativum nempe , quo fide confessio imperatur , & negativum , quo prohibetur fidei negatio , sive verbis , sive factis ; habitus enim est contrariorum , inquiunt Philosophi , hoc est , eadem virtus , quæ inclinatur ad actum honestum , avertit ab actu contrarie opposito : eodem præcepto , quo jubemur proximum diligere , parentes colere ; prohibemur proximum odire , & parentes contumelia afficere : Ergo eodem fidei præcepto tenemur , & fidem non negare , & fidem aliquando profiteri .

Q. 4. Quandoenam obligat præceptum affirmativum profitendi fidem ?

R. Cum S. Thoma q. 3. art. 2. duobus in casibus obligare , nimirum cum per omissionem confessionis subtraheretur honor debitus Deo , aut etiam utilitas proximis impendenda , puta , si aliquis interrogatus de fide , taceret , & ex hoc crederetur , vel quod non haberet fidem , vel quod fides non esset vera , vel alii per ejus taciturnitatem averterentur a fide . In hujusmodi enim casibus confessio fidei est de necessitate salutis .

Confirmatur auctoritate Innocentii XI. qui ann. 1679. hanc

hanc propositionem quorundam Modernorum proscriptit; si a potestate publica quis interrogetur, fidem ingenue confiteri, ut Deo & fidei gloriosum consulo: tacere ut peccaminosum per se, non damno.

Duo sibi objicit Angelicus Doctor. Primum proprius finis fidei est conjungere mentem humanam veritati divinæ: atqui id fieri potest absque exteriori confessione: ergo. Secundum, tradere aliis doctrinam fidei, non est cujuslibet fidelis: atqui exterior fidei confessio est quædam fidei doctrina: ergo non exigitur a quolibet fidei.

Respondet ad primum, finem fidei, sicut & aliarum virtutum debere referri ad finem caritatis. Et ideo quando honor Dei, vel utilitas proximi hoc exposcit, non debet esse contentus homo, ut per fidem suam ipsi veritati divinæ conjungatur, sed debet fidem exterius confiteri. Ad secundum autem, in casu, inquit, necessitatis, ubi fides periclitatur, quilibet tenetur fidem suam aliis propalare, vel ad instructionem aliorum fidelium, sive confirmationem, vel ad reprimendum infidelium insultationem. Multo magis sapientum mundi, a quibus puritatis virtus, ut loquitur Sanctus Gregorius lib. 10. Moral. cap. 1. fatuitas creditur, & quod in opere fidei veritas approbat, illud vituperant, & in derisum vertunt, quæ quidem derisio, ex Sancto Thoma 2. 2. quæst. 75. art. 2. valde nociva est, quia per hoc homines a bene agendo impediuntur, secundum illud Gregoris, qui in aliorum actibus exoriri boni respiciunt, mox ea manu pestifera exprobrationis evolvunt. Quare qui tacet, aut dissimulat in ejusmodi circumstantiis, fidem videtur deserere, nec illud Christi Luc. 9. vers. 26. effugiet, qui me tradideris & meos sermones, hunc Filius hominis erubescet, cum venerit in majestate sua.

Quod spectat negativum fidei præceptum, certum est illud obligare semper & pro semper, quis nunquam licet male agere: atqui fidem negare sive ex animo, sive ex simulatione tantum est actio per se mala: ergo.

Dices 1. Jehu lib. 4. Regum cap. 10. simulavit se

Te velle sacrificare idolo Baal, ac propterea laudatur vers. 30. ergo licet aliquando simulare falsam religionem.

Nego consequens; laudatur quidem Jelu, quod cultum Baal destruxerit; sed simulatio ejus vocatur a Sancto Augustino lib. de mendacio cap. 2. impium mendacium.

Dices 2. Elísus 4. Regum 5. v. 19. permisit Naaman Syro adorare in templo Remmon: ergo.

Distinguo antecedens, Permisit adorare, id est, incurvare se, dum Rex, qui solēbat illi inniti, ad adorandum procumberet, concedo: permisit adorare idolum sive ex animo, sive per simulationem, Nego antecedens.

Q. 5. *Peccaretne contra præceptum negativum fidei, qui negaret se Sacerdotem, aut Missæ Sacrificio interfuisse?*

R. Minime, quia mendacium illud est non fidei negatio, sed conditionis aut actionis cujusdam, sine qua potest quis esse Christianus & Catholicus.

Q. 6. *Licetne Christiano ad declinandam persecutionem gestare vestes infidelium?*

R. Non licet, si vestes illæ sint signa determinata falsæ religionis; secus si distinguant dumtaxat nationem a natione, Turcam v. g. ab Hispano.

Ex quo sequitur eum peccare contra fidem.

1. Qui cœnam manducaret cum Hæreticis, ne v. g. offensam patris incurreret, & ab ipso forte exhæredaretur; quia actio illa est signum falsæ religionis.

2. Qui tempore persecutionis libellum acciperet ab infideli Magistratu sibi familiari, quo significaretur, quamvis falso, ipsum satisfecisse impio edicto, quia simularet falsam religionem. Hinc graves expositulationes S. Cypriani serm. de lapsis, & Cleri Romani epistola, quæ est 31. inter Epistolas S. Cypriani, adversus Libellaticos, quos in numero Apostatarum a fide reponunt, eo quod ejusmodi libellis pretio comparatis, viderentur sacrificasse idolis.

3. Qui manducaret carnes præcepto Ecclesiastico certis diebus, puta Quadragesimæ vetitas, in hypothefi quod Princeps hæreticus, in odium Religionis Catho-

licæ

hic, omnibus subditis præcepisset ejusmodi carnibus vesci; in hac quippe hypothefi esus ille esset signum falsæ religionis; & ideo Eleazarus maluit mori, quam carnes suillas legi veteri prohibitas comedere, 2. Machab. 6. Extra vero hunc casum, liceret ad vitandam persecutionem, manducare carnes lege Ecclesiastica prohibitas, quia lex humana non obligat cum tam gravi detrimento, ut diximus Tract. de Legibus.

4. Contra fidem peccaret, qui interesset conventibus & concionibus Hæreticorum, si extaret edictum obligans ad ejusmodi conventus & conciones in signum falsæ religionis. Secus si nullum tale esset edictum, nec periculum propriæ salutis, nec scandalum. Sed de iis plura ubi de scandalo.

Q. 8. *Qui simulate thus coram idolo incenderet animum ad Christum dirigens, amitteretne fidem?*

R. Graviter quidem peccaret contra negativum fidei præceptum, sed fidem non amitteret utpote qui mente firmiter adhæret revelationi divinæ per Ecclesiam propositæ.

Q. 8. *Qui fugit tempore persecutionis, peccatne contra præceptum positivum confitendæ fidei?*

R. Non peccat, si ex ejus fuga nullum oriatur fidei scandalum, juxta ea, quæ diximus ad quartum quæsitum. Probatur autem responsio, 1. ex Scriptura Matth. 10. *Cum persequentur vos in civitate ista, fugite in aliam.* 2. exemplo Apostolorum, S. Athanasii, & aliorum SS. qui fugerunt. 3. judicio Ecclesiæ, quæ Tertullianum nimis severitatis & erroris arguit, quod quemlibet fugientem damnaret. 4. quia qui fugit, fidem profitetur, nedum neget; non enim fugeret, si fidem abjurare vellet. 5. quia qui maneret absque necessitate aut utilitate, culpandus esset; quia ex S. Th. 2. 2. q. 124. art. 1. ad 3. *Non debet homo occasionem dare alteri injuste agendi.*

Dices: Christus Jb: 10. reprehendit mercenarium; qui videt lupum venientem, & fugit: Ergo fugere est contra confessionem fidei.

Nego consequens; Si ut jam diximus, fuga illa non conjiciat proximum in periculum amittendæ fidei,
alio;

Alioquin Pastor fugiens tempore persecutionis, non magis contra fidem peccaret, quam si fugeret tempore pestis. Ad summum deesset pastoralis officio, bonus enim Pastor dat animam suam pro ovibus suis. Joann. 10. scilicet cum id necessitas aut evidens utilitas postulat; nam in quibusdam circumstantiis prudentia exigit, ut vitam pro grege & communi Ecclesiæ utilitate conservet. Consule in hanc rem egregiam S. Augustini epistolam 228. alias 180.

C A P U T IV.

De peccatis fidei oppositis.

Q. 1. Quid sunt peccata fidei opposita?

R. Tria vulgo numerantur, scilicet infidelitas, hæresis, & apostasia. Qui enim non assentitur rebus a Deo revelatis, vel fidem seu Baptismum nunquam suscepit, ut Pagani, qui colunt idola, Mahumetani & Judæi, privatio sive carentia fidei in eo dicitur infidelitas, quæ dividitur in Paganismum, Mahumetismum, & Judaismum: vel ex parte recedit a fide, quam amplexus fuerat in catechumenato, aut in Baptismo, & privatio fidei in illo dicitur hæresis a verbo Græco *αἵρεσις* quod significat, eligo, quia Hæreticus non omnibus, quæ docet Ecclesia, mentem suam subicit; sed ex illis eligit, quæ videntur verosimiliora: contra illud Tertulliani lib. de præscript. c. 6. *nihil ex nostro arbitrio inducere licet, sed nec eligere, quod aliquis de arbitrio suo induxerit*; vel denique catechumenus, aut baptizatus totaliter fidem & auctorem ejus Christum abjicit, transitque sive ad Paganismum, aut Mahumetismum, sive Judaismum, & illa fidei abdicatio dicitur apostasia. Addi posset quarta peccati species contra fidem, nempe atheismus, quo quis nullum agnoscit Deum, nequidem falsum, quemadmodum Paganus.

Q. 2. *Illa peccatorum divisio fitne per differentias essentielles ; quæ constituent diversas physice peccati species ?*

R. Minime, quia omnia illa peccata pugnant contra unam specie virtutem fidei, & contra unicum ejus objectum formale, nimirum revelationem divinam ab Ecclesia propositam.

Differunt ergo solum accidentaliter, quatenus unum, v. g. apostasia ad plura se extendit, quam hæresis, & reperitur in alio subjecto, quam infidelitas. Baptizatus tamen teneretur exprimere in Confessione Sacramentali, an a fide recessisset per apostasiam, vel per atheismum, vel per hæresim duntaxat, quia duo priora peccata longe sunt graviora. Adde quod apostasia vulgo sit transitus ad professionem falsæ Religionis, puta ad Paganismum, Judaismum, vel Mahumetismum. Porro superstitioni illi cultus sunt peccata specie distincta.

Q. 3. *Quæplex est infidelitas ?*

R. Duplex, nempe negativa, & positiva. Negativa est defectus, seu, ut ajunt, carentia fidei in eo, qui nihil unquam audivit, nec audire potuit de Evangelio. Positiva est privatio fidei in eo, qui Evangelium audivit, & ei contradicit, vel saltem credere contemnit.

Q. 4. *Infidelitas estne peccatum ?*

R. Negativa peccatum non est, sed pœna peccati; positiva vero est peccatum formaliter, utpote quæ sit voluntaria. Ita S. Thomas quæst. 10. art. 1. *Infidelitas*, inquit, *dupliciter accipi potest, uno modo secundum puram negationem: ut dicatur infidelis ex hoc solo quod non habet fidem. Alio modo potest intelligi secundum contrarietatem ad fidem: qua scilicet aliquis repugnat auditui fidei, vel etiam contemnit ipsam. Et in hoc proprie perficitur ratio infidelitatis, & secundum infidelitatem est peccatum. Si autem accipiatur secundum negationem puram, sicut in illis, qui nihil audierunt de fide, non habet rationem peccati, sed magis pœna; quia talis ignorantia de vinorum ex peccato primi parentis consecuta est. Qui autem sic sunt infideles, damnantur*

quidem propter alia peccata, quæ sine fide remitti non possunt; non autem damnantur propter infidelitatis peccatum. Unde Dominus dicit Joann. 15. Si non vissem, & locutus eis non fuisset, peccatum non haberent. Sed de eis plura Tract. de Gratia passim, Tract. de Actibus humanis, ubi de ignorantia.

Q. 5. *Debentne tolerari infidelium ritus?*

R. Vel infideles sunt politice subditi: vel non sunt subditi. Si primum, possunt impediiri eorum ritus, quia Princeps jus habet impediendi in suo regno ea, quæ pugnant, sive adversus legem naturæ, ut idololatria, sive adversus veram Religionem, ut hæresis: sermo enim infidelium ut cancer serpit, & facile pacem Reipublicæ perturbat. Hinc Leges tum Constantini de claudendis Paganorum templis, & sacrificiis abolendis: tum aliorum Imperatorum de Hæreticis puniendis. Si secundum, tolerari debent, nec licet eis bellum inferre præcise ob injuriam illatam Deo per idololatriam, incestus, adulteria, &c. quia ad horum vindictam sumendam requiritur jurisdictio, qua carens Principes Christiani in non subditos.

Dixi, præcise: nam si illa Dei injuria in subditos Regis redundaret, v. g. contumeliis fidem illorum profcinderent, filias aut uxores eorum pollicerent, bona invaderent, Principes Christiani illos licite ac juste punirent.

Q. 6. *Princeps Christiani potestne tolerare ritus infidelium subditorum?*

Respondet S. Thomas q. 10. art. 11. posse justa de causa, quia humanum regimen, inquit, derivatur a diviso regimine, & ipsum debet imitari. Deus autem, quamvis sit omnipotens & summe bonus, permittit tamen aliqua mala fieri in universo, quæ prohibere posset, ne eis sublati, majora bona tollerentur, vel etiam pejora mala sequerentur. Si ergo in regimine humano, illi qui præsumunt, recte aliqua mala tolerant, ne aliqua bona impediuntur, vel etiam ne aliqua mala pejora incurrantur; sicut Augustinus dicit in libro de Ordine, aufer meretrices de rebus humanis, turbaveris omnia libidinibus.

Q. 7. *Licetne communicare cum infidelibus?*

R. Licet in civilibus, modo absit scandalum vel periculum subversionis; id enim permittit Apostolus 1. Cor. 10. v. 27. *Si quis vocat vos infidelium, & vultis ire, omne quod vobis apponitur, manducate.* Et Tertullianus lib. de Idololatria cap. 14. *Licet, inquit, convivamus cum Ethnicis; commori non licet: convivamus cum omnibus, collaetemur ex communione naturæ, non superstitionis: pares anima sumus, non disciplina, compossessores mundi, non erroris.*

Cum autem Judæi præ ceteris infidelibus infesti sine Religioni Christianæ, & soliti eam blasphemis proscindere, jure canonico, Cap. *Omnes*, cap. *Nullus*, 28. q. 1. & cap. *Judæi*, extra, tit. de Judæis, prohibentur Christiani cum eis habitare, comedere, in balneo lavari, ab eis medicinam accipere, & in ipsorum servitio commorari.

R. 2. Nefas est directe & proxime communicare cum infidelibus in eorum superstitionis ritibus, puta Sacrificiis, lustrationibus, festis, &c. quia illa sunt per se mala, & ab Apostolo expresse prohibita, 2. Cor. 6. *Nolite ducere jugum cum infidelibus.... quæ autem conventio Christi cum Belial, aut quæ pars fidei cum infidele?*

R. 3. Licet indirecte & remote communicare cum infidelibus in iis quæ cum per se sint indifferentia, æque in bonum utum ac in supersticiosum converti possunt, v. g. vendere agnos, boves, pannos, flores, &c. quibus forte infidelis emptor uteretur ad Sacrificia & cultum idolorum, quia cum abusus ille sequatur per accidens respectu vendentis, non potest illi imputari.

Dixi, *remote*; graviter enim peccaret, qui proxime cooperaretur sacrilegiis infidelium, v. g. qui vestes conficeret in ornatum idoli, agnum venderet Judæo, sciens non enim, nisi ad immolandum, statuum Apollinis exsculperet in idolum erigendam, quia etsi res illæ per se indifferentes sint, in iis tamen circumstantiis determinatæ sunt tanquam media ad finem per se malum.

Confirmatur, quævis venenum & arma per se vendere

dere licitum sit, quia Reipublicæ æquæ utilia ac noxia esse possunt; in omnium tamen sententia reus est homicidii, qui vendit vel toxicum noto venefico, vel enses mox duello conflicturis: Ergo a pari particeps est idololatriæ, qui effingit statuam in idolum convertendam. Tu colis, inquit Tertullianus lib. de idol. c. 6. *qui facis ut coli possint. Colis autem non spiritu vilissimi nidoris alicujus, sed tuo proprio, neque anima pecudis impensa, sed anima tua. Illis ingenium tuum immolas, illis sudorem tuum libas, illis prudentiam tuam accendis.* Et cap. 8. dicit eandem esse rationem templi, aræ, ædiculæ, & domus in honorem idolorum. Cap. autem 4. & 5. ostendit quam merito sua ætate disciplina Ecclesiæ non reciperet picturæ & sculpturæ artes, utpote quæ (idololatria tum ubique diffusa) magis ad cultum idolorum, quam ad alios licitos usus deservire viderentur, tandemque excusationes ejusmodi artificum refellit, jam, inquit, illa *objici solita vox: non habeo aliud quo vivam, distribuius percuti potest, vivere ergo habes? Quid tibi cum Deo est, si tuis legibus? ... Pateat ergo Ecclesia omnibus (etiam falsariis, furibus) qui manibus & suo opere tolerantur, si nulla est exceptio artium, quas Dei disciplina non recipit.*

Dices: in casu necessitatis licet petere juramentum ab Ethnico, quamvis per falsos Deos prævideatur juraturus, Sacramenta a peccatore, & mutuam pecuniam ab usurario: Ergo licitum est communicare indirecte etiam proxime peccato alterius.

R. 1. Si exemplis agatur, quæ in moralibus sæpius fallunt, oppono censuram, qua Innocentius XI. & Clerus Gallicanus hanc propositionem perstrinxerunt. *Famulus qui submissis humeris scienter adjuvat herum suum ascendere per fenestras ad stuprandam virginem, & multoties ei subservit deferendo scalam, apèriendo januam, aut quid simile cooperando, non peccat mortaliter, si id faciat metu notabilis detrimenti, puta ne a domino male tractetur, ne torvis oculis aspiciatur, ne domo expellatur.*

Censura autem Cleri Gallicani sic se habet. *Hec*

propositio scandalosa est, perniciofa, verbis Dominicis, & Apostolicis aperte contraria, & hæretica: quam enim dabit homo commutationem pro anima sua? Matth. 16. v. 26. Rom. 1. vers. 32. Et digni sunt morte non solum qui ea faciunt, sed etiam qui consentiunt facientibus. Ex quo exemplo concluderet aliquis contra argumentum, quod nobis obicitur: Ergo nunquam licet indirecte communicare peccatis alienis. Quare ad elucidandam utcumque rem in moralibus & praxi omnium difficillimam.

R. a. neg. conseq. Neque enim invocatio falsi numinis in juramento, neque sacrilegium in administratione Sacramenti, neque usura in mutuo, proxime sequuntur ex actione seu postulatione alterius, utpote qui non petat ab Ethnico, a Sacerdote impio, & ab usurario nisi opus honestum, quod honeste & pie prestare possent ac debent: abusus autem juramenti, Sacramenti, & mutui, per accidens est respectu peccantis, ac proinde non est ipsi tribuendus, cum ad illum non tendat ejus Petitio, sed malæ voluntati dumtaxat Ethnici, Sacerdotis, & usurarii adscribendus. Sic caupo apponit vinum hospitibus, famulus domino suo, quo contingit eos inebriari, sed præter intentionem ministrantium ministerium quippe eorum non erat actio determinate tendens ad ebrietatem, sed ad honestam corporis refectioem. At famulari Ethnico ad idolum effingendum, adultero ad adulterium, furi ad fursum, homicidæ ad homicidium, ebrioso ad ebrietatem, nempe fundendo vinum, dum pene temulentus est, sunt actiones per se malæ, cum determinate tendant ad opus per se illicitum, nec proinde faciendæ ullo timore pœnæ etiam gravissimæ.

Confirmatur. Magistratus capite damnat & quidem juste eum, qui metu gravioris pœnæ cooperatus est hero ad furandum, vel ad interficiendum adversarium, deferendo scalam, aperiendo januam, aut quid simile præstando. Quid ita, nisi quia est causa voluntaria damni proximi allati? Ergo qui sciens & volens cooperatur ad idololatriam fabricando idolum, ad stuprum aperiendo januam, deferendo litteras amatorias

ad

ad ebrietatem infundendo pocula vino jam semigravi,
est causa moralis ejusmodi criminum. Sed de his ite-
rum, ubi agemus de scandalo.

Aliæ moventur quæstiones circa infidelitatem, 1. an infideles sint capaces dominii. 2. an licite possint cogi ad finem. 3. an, ipsis invitis, liceat baptizare eorum infantes. Sed ista alibi expendimus. Primum quidem, Tract. de Justitia & Jure cap. 16. Secundum & tertium, Tract. de Baptismo cap. 8.

Q. 8. *Quid est hæresis.*

R. Est hominis Christianismus proficentis error pertinax contra veritatem immediate a Deo revelatam, & ab Ecclesia propositam.

Dicitur 1. *hominis Christianismus proficentis*; quia ex dictis, hæresis est fidei jam susceptæ ejuratio.

Dicitur 2. *error pertinax*, namque ex Sancto Augustino epist. 43. alias 162. relata cap. Dixit Dominus 24. quæst. 3. *qui sententiam suam, quamvis falsam atque perversam, nulla pertinaci animositate defendunt... unigi parati, cum invenerint, nequaquam sunt inter Hæreticos deputandi.*

Ergo qui ex ignorantia etiam crassa aut affectata contrarium aliquid fidei credit, quamvis ob negligentiam culpandus sit, hæreticus tamen non est; quia error illius est sine pertinacia, *errare potero*, inquit S. Augustinus, *sed hæreticus non ero*; nimirum quia se sentiebat paratum deferre judicio Ecclesiæ.

Dicitur 3. *contra veritatem immediate revelatam*, quia si quis affirmet aut negat contra conclusionem Theologicam, quæ mediate tantum revelata est, propositio ejus dicitur erronea, non vero hæretica: si contra communem Theologorum sententiam, propositio est temeraria: si verba tendat ad solvendam Ecclesiæ unitatem, turbasque excitandas, propositio est schismatica: si in peccatum inducant, & ab officiis pietatis avertant, propositio est scandalosa.

Q. 9. *Licetne legere libros Hæreticorum?*

R. 1. Jure naturali iis interdicitur librorum Hæreticorum lectio, quibus est occasio peccati & ruinæ. Responsio per se patet. Sed difficultas est, utrum

aliqua lege positiva omnibus prohibeatur ejusmodi lectio?

R. 2. Nulla est lex positiva in Galliis recepta, quæ absolute & generaliter prohibeat lectionem quorumlibet librorum Hæreticorum, sive jam editi, sive in posterum edendi fuerint; sed satis fuit Ecclesiæ Pastoribus, & Christianis Principibus interdicere eorum Hæreticorum libros, quorum errores compescere ac extinguere studuerant. Sic Leo X. & Paulus III. Lutheranorum libros prohibuerunt, Concilium Constantiense Wiclefii Nicænus II. Iconoclastarum, Chalcedonense Eutychetis, Ephesinum Nestorii. Nicænum I. Arii, ut refert Nicephorus lib. 8. dist. cap. 18. Imperatores quoque suam auctoritatem interposuere, ut ejusmodi ex hominum memoria prorsus deleantur.

Constantius apud Socratem lib. 1. dist. c. 6. Arii scripta cremari jussit; vetuitque sub pœna capitis ne retinerentur, aut legerentur. Idipsum præstiterit Theodosius & Valentinianus lege 3. de sancta Trinitate.

Ex his intelliges, quam periculosa, quamque noxia semper visa fuerit Patribus lectio librorum Hæreticorum, præsertim indoctis & semidoctis hominibus, sive Laicis, sive Clericis. Enim vero si quis litigans per scriptum, in quo momenta suæ causæ exponit, & argumenta partis adversæ explodere nititur, lectorem in suam sententiam facile trahit, aut saltem inclinat; qui non commovebitur semidoctus ex captiosis & fallacibus argumentis vassorum Hæreticorum? namque ex Apostolo 2. Tim. 2. 17. *sermo eorum ut cancer serpit*. Hinc pastoralis sollicitudo hætenus cavet, ne ejusmodi libri manibus tenerentur, nisi eorum, quorum officium est sanam Doctrinam tueri, & contradicentes refellere. Et hæc de libris Hæreticorum.

Sed non minus, immo multo magis periculosa sunt scripta fucatis quibusdam luminibus respersa pseudopoliticorum, & impiorum hominum, quos Libertinos vocant, ut qui fidem sibi facere præsumant, & ab Ecclesia accipere dedignentur, homines mente corrupti, modicæ, & ut verius dicatur, nullius Religionis, Religio quippe ita vocatur, quia mentes auctoritati divinæ sub-

subjicit, & ligat Ecclesiæ, per quam divina oracula nobis panduntur. Illi autem, spreto credibilitatis motivis, quibus tanquam validissimis vinculis æterna sapientia prudentes quosque doctrinæ Catholicæ astrictos tenet, saniora, ut illis videntur, quam scripserint Apostoli, meditantur, alteram Religionem, eamque præstantiorem excogitare ac delineare non verentur, & fallaci ingenii acumine, ac fucata scribendi facundia ita legentium oculos perstringunt, ut difficile reperitur, qui ex eorum consuetudine, vel ex frequenti scriptorum lectione non fluctuet circa fidem, qui jam judicata non retractet, atque ex proprio sensu temere definiat. Quamobrem nihil in Religione, ac moribus magis pestiferum infestumque, quam ejusmodi libri. Sub gravibus quidem pœnis prohibentur, sicut & omnium hæreticorum libri in Bulla, quæ dicitur *in Cana Domini*; & in indice; sed ejusmodi leges non vigent in Gallia, ut jam monuimus.

Q. 10. *Cur Pius IV. in indice ipsius auctoritate edito, prohibet Bibliorum sacrorum in vulgarem linguam conversorum lectionem?*

R. Rationem affert ibidem hisce verbis: Cum experimento manifestum sit; si sacra Biblia passim sine discrimine permittantur, plus ob hominum temeritatem detrimenti, quam utilitatis oriri, hac in parte judicio Episcopi aut Inquisitoris stetur, ut cum consilio Parochi vel Confessarii a Catholicis auctoribus versorum lectionem in vulgari lingua eis concedere possint, quos intellexerint ex ejusmodi lectione non damnum, sed fidei ac pietatis augmentum capere posse. Circa quam regulam nonnulla notanda sunt.

Primo: lectio sacræ Scripturæ hac sanctione ne ipsis quidem mulierculis ac rudioribus absolute interdicatur: sed iis duntaxat, qui ex ea plus detrimenti, quam utilitatis acciperent, ut legenti perspicuum fiet.

Secundo, constat experientia lectionem sacræ Scripturæ quibusdam esse noxiam, ac primo quidem Hæreticis, & aliis nimium de se præsumentibus: nam ex Sancto Augustino Tract. 10. in Joann. neque nata sunt hæreses, nisi dum Scripturæ bonæ intelliguntur non bene,

hic, omnibus subditis præcepisset ejusmodi carnibus vesci; in hac quippe hypothese esus ille esset signum falsæ religionis; & ideo Eleazarus maluit mori, quam carnes suillas legi veteri prohibitas comedere, 2. Machab. 6. Extra vero hunc casum, liceret ad vitandam persecutionem, manducare carnes lege Ecclesiastica prohibitas, quia lex humana non obligat cum tam gravi detrimento, ut diximus Tract. de Legibus.

4. Contra fidem peccaret, qui interesset conventibus & concionibus Hæreticorum, si extaret edictum obligans ad ejusmodi conventus & conciones in signum falsæ religionis. Secus si nullum tale esset edictum, nec periculum propriæ salutis, nec scandalum. Sed de iis plura ubi de scandalo.

Q. 8. *Qui simulate thus coram idolo incenderet animum ad Christum dirigens, amitteretne fidem?*

R. Graviter quidem peccaret contra negativum fidei præceptum, sed fidem non amitteret utpote qui mente firmiter adhæret revelationi divinæ per Ecclesiam propositæ.

Q. 8. *Qui fugit tempore persecutionis, peccatne contra præceptum positivum confitendæ fidei?*

R. Non peccat, si ex ejus fuga nullum oriatur fidei scandalum, juxta ea, quæ diximus ad quartum quæsitum. Probatur autem responsio, 1. ex Scriptura Matth. 10. *Cum persequantur vos in civitate ista, fugite in aliam.* 2. exemplo Apostolorum, S. Athanasii, & aliorum SS. qui fugerunt. 3. judicio Ecclesiæ, quæ Tertullianum nimis severitatis & erroris arguit, quod quemlibet fugientem damnaret. 4. quia qui fugit, fidem profitemur, nedum neget; non enim fugeret, si fidem abjurare vellet. 5. quia qui maneret absque necessitate aut utilitate, culpandus esset; quia ex S. Th. 2. 2. q. 124. art. 1. ad 3. *Non debet homo occasionem dare alteri injuste agendi.*

Dices: Christus Jo: 10. reprehendit mercenarium, qui videt lupum venientem, & fugit: Ergo fugere est contra confessionem fidei.

Nego consequens; Si ut jam diximus, fuga illa non conjiciat proximum in periculum amittendæ fidei, alio-

alioquin Pastor fugiens tempore persecutionis, non magis contra fidem peccaret, quam si fugeret tempore pestis. Ad summum deesset pastorali officio, bonus enim Pastor dat animam suam pro ovibus suis. Joann. 10. scilicet cum id necessitas aut evidens utilitas pestulat; nam in quibusdam circumstantiis prudentia exigit, ut vitam pro grege & communi Ecclesie utilitate conservet. Consule in hanc rem egregiam S. Augustini epistolam 228. alias 180.

C A P U T IV.

De peccatis fidei oppositis.

Q. 1. Quid sunt peccata fidei opposita?

R. Tria vulgo numerantur, scilicet infidelitas, hæresis, & apostasia. Qui enim non assentitur rebus a Deo revelatis, vel fidem seu Baptismum nunquam suscepit, ut Pagani, qui colunt idola, Mahumetani & Judæi, privatio sive carentia fidei in eo dicitur infidelitas, quæ dividitur in Paganismum, Mahumetismum, & Judaismum: vel ex parte recedit a fide, quam amplexus fuerat in catechumenato, aut in Baptismo, & privatio fidei in illo dicitur hæresis a verbo Græco *αἵρεσις* quod significat, *eligo*, quia Hæreticus non omnibus, quæ docet Ecclesia, mentem suam subjicit; sed ex illis eligit, quæ videntur verosimiliora: contra illud Tertulliani lib. de præscript. c. 6. *nihil ex nostro arbitrio inducere licet, sed nec eligere, quod aliquis de arbitrio suo induxerit*; vel denique catechumenus, aut baptizatus totaliter fidem & auctorem ejus Christum abjicit, transitque sive ad Paganismum, aut Mahumetismum, sive Judaismum, & illa fidei abdicatio dicitur apostasia. Addi posset quarta peccati species contra fidem, nempe atheismus, quo quis nullum agnoscit Deum, nequidem falsum, quemadmodum Paganus.

Habert, Tom. III.

X

Q. 2.

Q. 2. *Illa peccatorum divisio sine per differentias essentielles, quæ constituent diversas physice peccati species?*

R. Minime, quia omnia illa peccata pugnant contra unam specie virtutem fidei, & contra unicum ejus objectum formale, nimirum revelationem divinam ab Ecclesia propositam.

Differunt ergo solum accidentaliter, quatenus unum, v. g. apostasia ad plura se extendit, quam hæresis, & reperitur in alio subjecto, quam infidelitas. Baptizatus tamen teneretur exprimere in Confessione Sacramentali, an a fide recessisset per apostasiam, vel per atheismum, vel per hæresim duntaxat, quia duo priora peccata longe sunt graviora. Adde quod apostasia vulgo sit transitus ad professionem falsæ Religionis, puta ad Paganismum, Judaismum, vel Mahumetismum. Porro superstitioni illi cultus sunt peccata specie distincta.

Q. 3. *Quæplex est infidelitas?*

R. Duplex, nempe negativa, & positiva. Negativa est defectus, seu, ut ajunt, carentia fidei in eo, qui nihil unquam audivit, nec audire potuit de Evangelio. Positiva est privatio fidei in eo, qui Evangelium audivit, & ei contradicit, vel saltem credere contemnit.

Q. 4. *Infidelitas estne peccatum?*

R. Negativa peccatum non est, sed pœna peccati; positiva vero est peccatum formaliter, utpote quæ sit voluntaria. Ita S. Thomas quæst. 10. art. 1. *Infidelitas*, inquit, *dupliciter accipi potest, uno modo secundum puram negationem: ut dicatur infidelis ex hoc solo quod non habet fidem. Alio modo potest intelligi secundum contrarietatem ad fidem: qua scilicet aliquis repugnat auditui fidei, vel etiam contemnit ipsam. Et in hoc proprie perficitur ratio infidelitatis, & secundum infidelitatem est peccatum. Si autem accipiatur secundum negationem puram, sicut in illis, qui nihil audierunt de fide, non habet rationem peccati, sed magis pœnæ; quia talis ignorantia ætvinorum ex peccato primi parentis consecuta est. Qui autem sic sunt infideles, damnantur*

ne quidem propter alia peccata, quæ sine fide remitti non possunt; non autem damnantur propter infidelitatis peccatum. Unde Dominus dicit Joann. 15. Si non venissem, & locutus eis non fuisset, peccatum non haberent. Sed de eis plura Tract. de Gratia passim, & Tract. de Actibus humanis, ubi de ignorantia.

Q. 5. *Debentne tolerari infidelium ritus?*

R. Vel infideles sunt politice subditi: vel non sunt subditi. Si primum, possunt impediri eorum ritus, quia Princeps jus habet impediendi in suo regno ea, quæ pugnant sive adversus legem naturæ, ut idololatria, sive adversus veram Religionem, ut hæresis: sermo enim infidelium ut cancer serpit, & facile pacem Reipublicæ perturbat. Hinc Leges tum Constantini de claudendis Paganorum templis, & sacrificiis abolendis: tum aliorum Imperatorum de Hæresicis puniendis. Si secundum, tolerari debent, nec licet eis bellum inferre præcise ob injuriam illatam Deo per idololatriam, incestus, adulteria, &c. quia ad horum vindictam sumendam requiritur jurisdictio, qua carens Principes Christiani in non subditos.

Dixi, præcise: nam si illa Dei injuria in subditos Regis redundaret, v. g. contumeliis fidem illorum proscinderent, filias aut uxores eorum pollicerent, bona invaderent, Principes Christiani illos licite ac juste punirent.

Q. 6. *Princeps Christiani potestne tolerare ritus infidelium subditorum?*

Respondet S. Thomas q. 10. art. 11. posse justa de causa, quia humanum regimen, inquit, derivatur a divino regimine, & ipsum debet imitari. Deus autem, quatenus sit omnipotens & summe bonus, permittit tamen aliqua mala fieri in universo, quæ prohibere posset, ne eis sublati, majora bona tollerentur, vel etiam pejora mala sequerentur. Si ergo in regimine humano, illi qui præsumt, recte aliqua mala tolerant, ne aliqua bona impediuntur, vel etiam ne aliqua mala pejora incurrantur; sicut Augustinus dicit in libro de Ordine, aufer meretrices de rebus humanis, turbaveris omnia libidinibus.

Q. 7. *Licetne communicare cum infidelibus?*

R. Licet in civilibus, modo absit scandalum vel periculum subversionis; id enim permittit Apostolus 1. Cor. 10. v. 27. *Si quis vocat vos infidelium, & vultis ire, omne quod vobis apponitur, manducate.* Et Tertullianus lib. de Idololatria cap. 14. *Licet, inquit, convivamus cum Ethnicis; commori non licet: convivamus cum omnibus, collatemur ex communione naturæ, non superstitionis: pares animasumus, non disciplina, composseffores mundi; non erroris.*

Cum autem Judæi præ ceteris infidelibus infestissimi Religioni Christianæ, & soliti eam blasphemis proscindere, jure canonico, Cap. Omnes, cap. Nullus, 28. q. 1. & cap. Judæus, extra, tit. de Judæis, prohibentur Christiani cum eis habitare, comedere, in balneo lavari, ab eis medicinam accipere, & in ipsorum servitio commorari.

R. 2. Nefas est directe & proxime communicare cum infidelibus in eorum superstitionis ritibus, puta Sacrificiis, lustrationibus, festis, &c. quia illa sunt per se mala, & ab Apostolo expresse prohibita, 2. Cor. 6. *Nolite ducere jugum cum infidelibus.... quæ autem conventio Christi cum Belial, aut quæ pars fidei cum infideli?*

R. 3. Licet indirecte & remote communicare cum infidelibus in iis quæ cum per se sint indifferentia, æque in bonum usum ac in superstitiosum converti possunt, v. g. vendere agnos, boves, pannos, flores, &c. quibus forte infidelis emptor uteretur ad Sacrificia & cultum idolorum, quia cum abusus ille sequatur per accidens respectu vendentis, non potest illi imputari.

Dixi, remote; graviter enim peccaret, qui proxime cooperaretur sacrilegiis infidelium, v. g. qui vestes conficeret in ornatum idoli, agnum venderet Judæo, sciens non enim, nisi ad immolandum, statuum Apollinis exsculperet in idolum erigendam, quia etsi res illæ per se indifferentes sint, in iis tamen circumstantiis determinatæ sunt tanquam media ad finem per se malum.

Confirmatur, quævis venenum & arma per se vendere

dere licitum sit, quia Reipublicæ æquæ utilia ac noxia esse possunt; in omnium tamen sententia reus est homicidii, qui vendit vel toxicum noto venefico, vel enses mox duello conflicturis: Ergo a pari particeps est idololatriæ, qui effingit statuam in idolum convertendam. *Tu colis*, inquit Tertullianus lib. de idol. c. 6. *qui facis ut coli possint*. Colis autem non spiritu vilissimi nidoris alicujus, sed tuo proprio, nec anima pecudis impensa, sed anima tua. Illis ingenium tuum immolas, illis sudorem tuum libas, illis prudentiam tuam accendis. Et cap. 8. dicit eandem esse rationem templi, aræ, ædiculæ, & domus in honorem idolorum. Cap. autem 4. & 5. ostendit quam merito sua ætate disciplina Ecclesiæ non reciperet picturæ & sculpturæ artes, utpote quæ (idololatria tum ubique diffusa) magis ad cultum idolorum, quam ad alios licitos usus deservire viderentur, tandemque excusationes ejusmodi artificum refellit, jam, inquit, illa obijci solita vox: non habeo aliud quo vivam, distribuius reperi potest, vivere ergo habes? Quid tibi cum Deo est, si tuis legibus? ... Pateat ergo Ecclesia omnibus (etiam falsariis, furibus) qui manibus & suo opere tolerantur, si nulla est exceptio artium, quas Dei disciplina non recipit.

Dices: in casu necessitatis licet petere juramentum ab Ethnico, quamvis per falsos Deos prævideatur juraturus, Sacramenta a peccatore, & mutuam pecuniam ab usurario: Ergo licitum est communicare indirecte etiam proxime peccato alterius.

R. 1. Si exemplis agatur, quæ in moralibus sæpius fallunt, oppono censuram, qua Innocentius XI. & Clerus Gallicanus hanc propositionem perstrinxerunt. *Famulus qui submissis humeris scienter adjuvat herum suum ascendere per fenestras ad stuprandam virginem, & multoties ei subservit deferendo scalam, apertiendo januam, aut quid simile cooperando, non peccat mortaliter, si id faciat metu notabilis detrimenti, puta ne a domino male tractetur, ne torvis oculis aspiciatur, ne domo expellatur.*

Censura autem Cleri Gallicani sic se habet. *Hæc*

propositio scandalosa est, perniciofa, verbis Dominicis, & Apostolicis aperte contraria, & hæretica: quam enim dabit homo commutationem pro anima sua? Matth. 16. v. 26. Rom. 1. vers. 32. Et digni sunt morte non solum qui ea faciunt, sed etiam qui consentiunt facientibus. Ex quo exemplo concluderet aliquis contra argumentum, quod nobis objicitur: Ergo nunquam licet indirecte communicare peccatis alienis. Quare ad elucidandam utunque rem in moralibus & praxi omnium difficillimam.

R. a. neg. conseq. Neque enim invocatio falsi numinis in juramento, neque sacrilegium in administratione Sacramenti, neque usura in mutuo, proxime sequuntur ex actione seu postulatione alterius, utpote qui non petat ab Ethnico, a Sacerdote impio, & ab usurario nisi opus honestum, quod honeste & pie præstare possent ac debent: abusus autem juramenti, Sacramenti, & mutui, per accidens est respectu peccantis, ac proinde non est ipsi tribuendus, cum ad illum non tendat ejus Petitio, sed malæ voluntati dumtaxat Ethnicæ, Sacerdotis, & usurarii adscribendus. Sic caupo apponit vinum hospitibus, famulus domino suo, quo contingit eos inebriari, sed præter intentionem ministrantium ministerium quippe eorum non erat actio determinate tendens ad ebrietatem, sed ad honestam corporis refectionem. At famulari Ethnico ad idolum effingendum, adultero ad adulterium, furi ad furtum, homicidæ ad homicidium, ebrioso ad ebrietatem, nempe fundendo vinum, dum pene temulentus est, sunt actiones per se malæ, cum determinate tendant ad opus per se illicitum, nec proinde faciendæ ullo timore pœnæ etiam gravissimæ.

Confirmatur. Magistratus capite damnat & quidem iuste eum, qui metu gravioris pœnæ cooperatus est hero ad furandum, vel ad interficiendum adversarium, deferendo scalam, aperiendo januam, aut quid simile præstando. Quid ita, nisi quia est causa voluntaria damni proximi allati? Ergo qui sciens & volens cooperatur ad idololatriam fabricando idolum, ad stuprum aperiendo januam, deferendo litteras amatorias,

ad

ad ebrietatem infundendo pocula vino jam semigravi;
est causa moralis ejusmodi criminum. Sed de his ite-
rum, ubi agemus de scandalo.

Aliæ moventur quæstiones circa infidelitatem, 1. an infideles sint capaces domini. 2. an licite possint cogi ad finem. 3. an, ipsis invitis, liceat baptizare eorum infantes. Sed ista alibi expendimus. Primum quidem, Tract. de Justitia & Jure cap. 16. Secundum & tertium, Tract. de Baptismo cap. 8.

Q. 8. *Quid est hæresis.*

R. Est hominis Christianismum profitentis error pertinax contra veritatem immediate a Deo revelatam, & ab Ecclesia propositam.

Dicitur 1. *hominis Christianismum profitentis*; quia ex dictis, hæresis est fidei jam susceptæ ejuratio.

Dicitur 2. *error pertinax*, namque ex Sancto Augustino epist. 43. alias 162. relata cap. *Dixit Dominus* 14. quæst. 3. *qui sententiam suam, quamvis falsam atque perversam, nulla pertinaci animositate defendunt... corrigi parati, cum invenerint, nequaquam sunt inter Hereticos deputandi.*

Ergo qui ex ignorantia etiam crassa aut affectata contrarium aliquid fidei credit, quamvis ob negligentiam culpandus sit, hæreticus tamen non est; quia error illius est sine pertinacia, *errare potero*, inquit S. Augustinus, *sed hæreticus non ero*; nimirum quia se sentiebat paratum deferre judicio Ecclesiæ.

Dicitur 3. *contra veritatem immediate revelatam*, quia si quis affirmet aut negat contra conclusionem Theologicam, quæ mediate tantum revelata est, propositio ejus dicitur erronea, non vero hæretica: si contra communem Theologorum sententiam, propositio est temeraria: si verba tendat ad solvendam Ecclesiæ unitatem, turbasque excitandas, propositio est schismatica: si in peccatum inducant, & ab officiis pietatis avertant, propositio est scandalosa.

Q. 9. *Licetne legere libros Hæreticorum?*

R. 1. Jure naturali iis interdicitur librorum Hæreticorum lectio, quibus est occasio peccati & ruinæ. Responsio per se patet. Sed difficultas est, utrum

aliqua lege positiva omnibus prohibeatur ejusmodi lectio?

R. 2. Nulla est lex positiva in Galliis recepta, quæ absolute & generaliter prohibeat lectionem quorumlibet librorum Hæreticorum, sive jam editi, sive in posterum edendi fuerint; sed satis fuit Ecclesiæ Pastoribus, & Christianis Principibus interdicere eorum Hæreticorum libros, quorum errores compescere ac extinguere studuerant. Sic Leo X. & Paulus III. Lutheranorum libros prohibuerunt, Concilium Constantiense Wiclefii Nicænus II. Iconoclastarum, Chalcedonense Eutychetis, Ephesinum Nestorii. Nicænum I. Arii, ut refert Nicephorus lib. 8. dist. cap. 18. Imperatores quoque suam auctoritatem interposuere, ut ejusmodi ex hominum memoria prorsus deleberentur.

Constantius apud Socratem lib. 1. dist. c. 6. Arii scripta cremari jussit; vetuitque sub pœna capitis ne retinerentur, aut legerentur. Idipsum præstiterit Theodosius & Valentinianus lege 3. de sancta Trinitate.

Ex his intelliges, quam periculosa, quamque noxia semper visa fuerit Patribus lectio librorum Hæreticorum, præsertim indoctis & semidoctis hominibus, sive Laicis, sive Clericis. Enim vero si quis litigans per scriptum, in quo momenta suæ causæ exponit, & argumenta partis adversæ explodere nititur, lectorem in suam sententiam facile trahit, aut saltem inclinat; qui non commovebitur semidoctus ex captiosis & fallacibus argumentis vafro- rum Hæreticorum? namque ex Apostolo 2. Tim. 2. 17. *sermo eorum ut can- cer serpit*. Hinc pastoralis sollicitudo hætenus cavit, ne ejusmodi libri manibus tenerentur, nisi eorum, quorum officium est sanam Doctrinam tueri, & contradicentes refellere. Et hæc de libris Hæreticorum.

Sed non minus, immo multo magis periculosa sunt scripta fucatis quibusdam luminibus respersa pseudo- politicorum, & impiorum hominum, quos Libertinos vocant, ut qui fidem sibi facere præsumant, & ab Ecclesia accipere dedignentur, homines mente corrupti, modicæ, & ut verius dicatur, nullius Religionis, Religio quippe ita vocatur, quia mentes auctoritati divinæ sub-

sub

subjicit, & ligat Ecclesiæ, per quam divina oracula nobis panduntur. Illi autem, spretis credibilitatis motivis, quibus tanquam validissimis vinculis æterna sapientia prudentes quosque doctrinæ Catholicæ astrictos tenet, saniora, ut illis videntur, quam scripserint Apostoli, meditantur, alteram Religionem, eamque præstantiorem excogitare ac delineare non verentur, & fallaci ingenii acumine, ac fucata scribendi facundia ita legentium oculos perstringunt, ut difficile reperiantur, qui ex eorum consuetudine, vel ex frequenti scriptorum lectione non fluctuet circa fidem, qui jam judicata non retractet, atque ex proprio sensu temere definiat. Quamobrem nihil in Religione, ac moribus magis pestiferum infestumque, quam ejusmodi libri. Sub gravibus quidem pœnis prohibentur, sicut & omnium hæreticorum libri in Bulla, quæ dicitur *in Cans Domini*; & in indice; sed ejusmodi leges non vigent in Gallia, ut jam monuimus.

Q. 10. *Cur Pius IV. in indice ipsius auctoritate edito, prohibet Bibliorum sacrorum in vulgarem linguam converforum lectionem?*

R. Rationem affert ibidem hisce verbis: Cum experimento manifestum sit; si sacra Biblia passim sine discrimine permittantur, plus ob hominum temeritatem detrimenti, quam utilitatis oriri, hac in parte judicio Episcopi aut Inquisitoris stetur, ut cum consilio Parochi vel Confessarii a Catholicis auctoribus versorum lectionem in vulgari lingua eis concedere possint, quos intellexerint ex ejusmodi lectione non damnum, sed fidei ac pietatis augmentum capere posse. Circa quam regulam nonnulla notanda sunt.

Primo: lectio sacræ Scripturæ hac sanctione ne ipsis quidem mulierculis ac rudioribus absolute interdicatur: sed iis duntaxat, qui ex ea plus detrimenti, quam utilitatis acciperent, ut legenti perspicuum fiet.

Secundo, constat experientia lectionem sacræ Scripturæ quibusdam esse noxiam, ac primo quidem Hæreticis, & aliis nimium de se præsumentibus: nam ex Sancto Augustino Tract. 10. in Joann. neque nata sunt hæreses, nisi dum Scripturæ bene intelliguntur non bene,

Quod in eis non bene intelligitur, etiam temere & audacter assertitur. 2. Nonnullis etiam Catholicis, quos comperimus vel lapsos, vel gravibus tentationibus agitados ex lectione quorundam capitum Geneseos & Ezechielis; quæ apud Judæos juvenibus non licebat legere, sicut nec Canticum Canticorum. Denique, annuncum evidenti salutis periculo, legerent epistolam ad Romanos, qui jam præcipites ruunt in desperationem, quique vix divelli queunt a præconcepta opinione, quod conditi sint ad pœnas æternas, nec sit eis liberum declinare a malo, & facere bonum?

Tertio detrimenta illa spiritualia non nascuntur ex sacris Scripturis, quemadmodum ex Hæreticorum, & aliorum impiorum hominum libris; sed ex temeritate, & male affecti voluntate legentium; nam ex Apostolo 2. Tim. 3. v. 16. & 17. *Omnis Scriptura divinitus inspirata, utilis est ad docendum, ad arguendum, ad corripiendum, ad erudiendum in justitia, ut perfectus sit homo Dei, ad omne opus bonum instructus.* Absit ut credetur verba a Spiritu Sancto dictata posse ad aliud incitare, quam ad amorem Dei, & fugam peccati. Sed quemadmodum Sacramenta per se efficacia ad sanctificandos fideles obviunt tamen male dispositis: ita & lectio sacrarum Litterarum. Quæ autem animi præparatio sit ad eas afferenda, late exposuimus in Proleg. pag. 39. & sequentibus.

Quarto, spectandum est, quæ occasione fuerit præscripta ejusmodi regula, nempe cum Novatores palam & ubique deblaterarent quemlibet privatum, præsertim si firmiter credat, se prædestinatum, interius edoceri a Spiritu sancto quis sit Scripturæ sensus, adeo ut Cerdones & Sartores eam non lætarent modo, sed etiam enucleare, & ex ea disputare præsumerent, non sine magna Ecclesiæ perturbatione, & evidenti infirmorum periculo. Quid vero in ejusmodi angustiis consultius facere poterit vigilantia pastoralis, quam confirmare primum Canones, quibus prohibetur Laicis sub pœna excommunicationis ferendæ disputare de rebus fidei, ut Cap. *Quæcunque S. inhibemus?* tit. de Hæreticis in 6. deinde e manibus indoctorum auferre sacra Biblia vulgari

vulgari lingua edita? Sed absurdissimo errore cum suis auctoribus nunc anathemate perculso, & procul ejectione, amotum est periculum, quod Ecclesiæ filiis imminebat, Pastoresque liberius repetunt pristinum morem, quo subditos urgebant, maxime eos, qui secularibus negotiis distendebantur, ut sacras Literas frequentius legerent, meditarenturque: *tuum est magis, qui negotiis vacas*, inquit S. Chrysostomus hom. 3. de Lazaro, *perpetuo stas in acie, frequentes accipis plagas. Non potest fieri, non potest, inquam, ut quisquam salutem assequatur, ni perpetuo versetur in lectione spiritali*. Tum prævertens excusationem eorum, qui paupertatem causari solent, quominus emanat sacros libros: sic pergit: „Sunt instrumenta nostræ artis, „quibus animam nostram fabricamus. Nunquam artifex in quacunque necessitate fuerit, vendet instrumenta suæ artis. Hoc instrumento vas ligneum poteris reddere aureum in honorem sanctificatum. „Quemadmodum arma regalia reposita iis qui habitant, magnam præbent custodiam... sic ubicunque fuerint libri spirituales, illinc expellitur omnis vis „diabolica, multaque inhabitantibus accedit consolatio, quandoquidem ipse etiam Librorum aspectus poterit reddere segniore ad peccatum. „Sed plura de fructibus, qui ex lectione Scripturæ sacræ percipi possunt, & de animi præparatione ad eam afferenda diximus Prolegomenis toto capite tertio jam citato, & consulendo.

5. Cum laudata Regula ad consilium Confessarii referat, qui ex lectione sacrorum Librorum non damnum, sed fidei ac pietatis augmentum capere possint, satis intelligitur ipsius officii esse, ut exploret, num penitentes sacræ Scripturæ vacent, vel non. Si lectissent, inquirerent, quo fine, an gloriæ & honorum cupiditate aut curiositate, ut plerumque accidit Scholaribus, qui Libros sacros evolvunt ea fere mente, qua Philosophi Scholæ suæ Principes consulunt, nempe ut litteram duntaxat, quæ occidit, assequantur, nullatenus solliciti promereri Spiritum, qui solus vivificat. Si negligunt: sicut ad frequentem Sacramentorum usum,

sic ad sacram lectionem hortabitur, maxime Clericos; ideo quippe Scriptura sancta dicitur a Patribus Liber Sacerdotalis, seu Manuale, quia nunquam excidere debes ex eorum manibus; quin ejus lectionem, si necesse sit, imponet veluti in pensum quotidianum, indoctisque indicabit quas Bibliorum partes majori cum fructu legere debeant. Sed quia Sancta sancte tractanda sunt: in primis suas curas conferet, ut singuli ea, qua par est, reverentia, pietate ac studio sacra illi lectioni incumbant.

Q. 11. *Quenam sunt hereticorum pane?*

R. In Jure Canonico plures numerantur extra ista de Hæreticis, & in 6. eodem titulo, ut excommunicatio, irregularitas, tum eorum, qui hæresim professi sunt, tum filiorum. Sed in Gallia nec filii nec patres ad Ecclesiam reversi censentur irregulares.

Q. 12. *Quotuplex est apostasia?*

R. Quadruplex vulgo recensetur, nempe apostasia a fide, ab obedientia, a Religione, & ab Ordine. Sed prima dumtaxat pertinet ad materiam, quam hic tractamus.

Apostasia a fide est infidelitas, qua Christus & fides Christiana jam suscepta penitus deseritur. Supra autem diximus, apostasiam a fide non differre ab hæresi, nisi accidentaliter secundum magis & minus; apostasia quippe est totalis desertio fidei & auctoris ejus; hæresis vero est desertio dumtaxat quorundam dogmatum. Unde Calvinistæ non sunt Apostatæ, si stricte loquamur, sed Hæretici; utpote qui Christo adhæreant, & plura fidei dogmata retineant.

Apostasia ab obedientia est ea, qua quis præcepta Prælati non solum negligit, quod est inobedientia, sed insuper iis formaliter se opponit, eaque contumax abjicit.

Apostasia a Religione, est criminosa recessio a quolibet Ordinis Religiosi instituto, cum proposito non revertendi, siue retineatur habitus, siue abjiciatur.

Dicitur 1. *criminosa recessio*: quia qui licite recedit, ut electus ad dignitatem Episcopalem, non est apostata.

Dicitur 2. *a quolibet Ordinis Religiosi instituto*; si quis enim sine dispensatione recedit ad laxiorem quam

quamvis graviter peccet, immo excommunicationem incurrat, si sit ex Ordine Mendicantium, ex extrav. 1. de Regularibus, non est tamen Apostata.

Dicitur 3. *Cum proposito non revertendi*: qui enim habet animum redeundi aut permanendi in statu Religioso, vagus est, non apostata, etiamsi habitum dimiserit ad tempus. Sed Religiosus professus habitum temere dimittens, incurrit excommunicationem, cap. *Ut periculosa*, tit. *Ne Clerici, vel Monachi, in 6.* Censetur autem habitum dimittere, qui omnino abscondit, ita ut nullum signum præferat, quo Religiosus deprehendi possit.

Apostasia ab Ordine est ea, qua quis a sacris Ordinibus dimisso habitu, transit ad statum laicæ conversationis, puta conjugii.

SECUNDA PARS.

De Spe.

SPEI nomen aliquando usurpatur metaphorice; 1. pro ipsa re speranda, ut Tit. 2. *Expetamus beatam spem*. 2. pro causa efficiente, sive principe, sive instrumentali spei nostræ; quo sensu dicitur amico præpotenti, quod sit unica spes nostra, hoc est, quod per ipsum solum speremus consequi finem optatum. Sic compellamus Deum Ps. 90. *Tu es, Domine, spes mea*, id est, tua gratia tuoque auxilio nititur spes mea, & Beatam Virginem tanquam causam instrumentalem spei nostræ, *vita dulcedo; & spes nostra, salve*. Sed proprie sumitur pro sperandi vel actu, vel habitu, ut 1. Cor. 13. Nunc autem manent tria hæc, fides, spes, & caritas. Hic agitur de spe posteriori modo sumpta, circa quam quæremus 1. quid sit. 2. quodnam ejus objectum. 3. utrum & quomodo differat a fide & caritate. 4. quæ ejus necessitas. 5. quæ

certitudo. 6. quæ peccata ipsi opposita. 7. quæ ejus
causæ. 8. qui effectus.

CAPUT PRIMUM.

De Spei definitione, objecto, & divisione.

Spes proprie dicta spectari potest genericæ & specificæ; alia enim est appetitus sensitivi, quæ dicitur passio, quamque S. Th. 1. 2. quæst. 40. art. 3. agnoscit in belluis: alia est appetitus rationalis seu voluntatis, & hæc totuplex est, quoduplex est bonum, quod speratur. Unde alia est spes militum, qui sibi proponunt victoriam: alia mercatorum, qui lucrum appetunt: alia Christianorum, qui ad beatitudinem cælestem anhelant; & spes ista est vere Theologica, utpote quæ versetur circa Deum, qui solus est beatitudo nostra.

Quamvis nostra disputatio sit duntaxat de spe Theologica, operæ tamen pretium est accuratius exponere genericam spei definitionem, circa quam omnes conveniunt tum Philosophi, tum Theologi, ut ex ea colligamus, quæ debeat esse spei Theologicæ definitio, circa quam dissentiant Theologi; effatum enim est in Scholis receptum, scilicet ea quæ conveniunt generi, necessario convenire & speciei, v. gr. quod est essentiale animali & virtuti, genericæ spectatis, illud quoque essentiale est cuilibet speciei animalis, & virtutis. Quamobrem,

Q. 1. Quid est spes genericæ spectata?

R. Definitur communi Philosophorum & Theologorum suffragio, motus appetitus efficaciter tendentis in bonum absens, arduum, apprehensum ut possibile.

Dicitur 1. *Motus appetitus*, sive sensitivi, si spes sit passio & actus necessarius; sive rationalis, si sit actus liber tendens in bonum mente apprehensum. His autem vocibus significatur spem non pertinere ad intel-

intellectum; sed ad appetitum seu voluntatem; quia spes fertur in bonum, quod non est objectum intellectus, sed appetitus.

Dicitur 2. *Efficaciter tendentis in bonum*, ut distinguatur a simplici complacentia & volitione inefficaci, quale potest esse desiderium inefficax victoriæ in imbelli; spes enim est desiderium efficax obtinendi bonum concupisum.

Dicitur 3. *In bonum absens*, quo spes differt, tum ab amore, qui æque est boni præsentis ac absentis: amamus enim bonum sive sit præsens, sive sit absens: tum a gaudio, quod est fructio boni præsentis & possessi. Spes autem, licet ex amore procedat, non potest esse, nisi boni futuri & absentis: ex Apostolo enim Rom. 8. v. 24. *Spes quæ videtur, non est spes; nam quod videt quis, quid sperat?*

Dicitur 4. *Arduum*, hoc est, obtentu difficile, ut distinguatur spes a desiderio, quod est etiam boni absentis, sed apprehensi ut obtentu facilis: dives esuriens v. gr. non sperat, sed desiderat alimenta: pauper vero desiderat simul & sperat: ille quia alimenta ipsi apponentur statim ut iusserit: iste, quia ipsi comparanda sunt vel labore & industria, vel multis precibus idoneis ad flectendam divitum misericordiam. Hinc Philosophi desiderium reponunt in appetitu concupiscibili, qui, nullo obistente, fertur in bonum, & averfatur malum: spem vero in irascibili, quem ita appellant; quia quodammodo irritatus difficultatibus; quibus septum proponitur bonum, stimulatur & accenditur ad illas superandas.

Dicitur 5. *Apprehensum ut possibile*, quia ex S. Th. 1. 2. quæst. 40. art. 1. ad tertium: *Nullus movetur ad id, quod æstimat impossibile adipisci*; canis, inquit, non insequitur leporem, quem nimis remotum concipit, quia ejusmodi prædam apprehendit ut impossibilem.

Ergo objectum spei generice spectatæ, materiale quidem est res bona; formale vero ejus bonitas absens, ardua, & possibilis; illud enim est objectum materiale actus aut habitus, circa quod actus vel habitus versatur.

satur; formale vero, quod est est-ratio, sed quæ actus vel habitus versatur circa objectum materiale: atqui spes versatur circa rem bonam, quatenus bona est; absens, ardua, & possibilis: Ergo.

His præmissis de spe in genere.

Q. 2. *Quid est spes Theologica?*

R. Est virtus supernaturalis Theologica, perquam certa cum fiducia futuram beatitudinem, & media illius assequendæ expectamus per Dei auxilium.

Dicitur 1. *Virtus*; Quia virtus facit bonum habentem se, opus ejus bonum, atqui spes Theologica facit bonum habentem se, juxta illud PL 33. *Beatus vir, qui sperat in eo*, & opus ejus bonum; quia, ut argumentatur S. Th. quæst. 17. art. 1. opus bonum dicitur quod propriam regulam attingit; sicut, inquit, dicimus vestem esse bonam, quæ nec excedit, nec deficit a debita mensura: humanorum autem actuum duplex est regula, altera proxima, scil. ratio; altera remota & suprema, nempe Deus: atqui actus spei utramque regulam attingit, 1. rationem, quæ dictat tendendum in ultimum nostrum finem, & beatitudinem, 2. Deum, cujus auxilio innititur.

Dicitur: Spes est in peccatoribus: ergo non facit bonum habentem se.

R. 1. Argumentum illud nimis probat: inde enim concluderetur præter caritatem, quæ sola excludit peccatum, nullam esse virtutem.

R. 2. Distinguendo consequens, Spes non satis bonum simpliciter & absolute: Conc. Quia a sperante non excludit omne peccatum lethale: non facit bonum secundum quid. Nego consequ. Peccator enim quatenus sperans in Deo, ut decet, bonus est & laudabilis, licet aliunde sit vituperandus. Quemadmodum igitur quodlibet sidus aerem collustrat, sed modo dispari, quia non eadem uniuscujusque claritas; sol omnino fugat tenebras. Luna & Stellæ ex parte duntaxat magis aut minus pro cujusque claritate; sic cogitat animam illustrari virtutibus, caritas ad instar Solis suo præcellenti fulgore omni peccati, saltem lethalis, tenebras expellit, ceteræ tanquam

luminaria minora eas duntaxat, quæ propius & immediatius ipsis opponuntur; ut religio impietatem, fortitudo ignaviam, fides infidelitatem, spes desperationem & præsumptionem, sicut enim stella a stella differt in claritate, ita virtus a virtute in perfectione, nulla in suo genere imperfecta, nisi comparate ad aliam perfectiorem.

Dicitur 2. *Supernaturalis*; ac proinde a Deo infusa, juxta illud Rom. 15. *Deus . . . spei repleat vos omni gaudio & pace in credendo, ut abundetis in spe, & virtute Spiritus sancti.* Et ratio est, quia spes tendit in Deum supernaturaliter possidendum.

Dicitur 3. *Theologica*; quia habet Deum pro objecto primario.

Dicitur 4. *Ter quam certa cum fiducia futuram beatitudinem expectamus*; quia spes veluti anchora, animam tentationibus & procellis hujus vitæ agitatum, firmat in promissis Dei, juxta illud Apostoli, Heb. 6. v. 19. 20. *Confugimus ad tenendam propositam spem; quam sicut anchoram habemus animæ tutam, ac firmam.* Sed de certitudine spei postea.

Dicitur 5. *Et media illius assequenda*, quibus denotatur secundarium spei objectum, nempe gratia & bona opera, sine quibus vana esset spes nostra, & mera præsumptio, quæ est peccatum spei Theologicæ oppositum, ut infra dicetur.

Dicitur 6. *Expectamus per Dei auxilium*; quia beatitudo naturæ viribus non est possibilis: *infinita virtutis est*, inquit S. Thomas quæst. 17. art. 2. *ad infinitum bonum perducere*; ideoque magis proprie vitam æternam expectare dicimur, quam sperare; nam ex eodem Angelico Doctore, 1. 2. quæst. 40. art. 2. ad primum: *Quod aliquis sperat per propriam virtutem adipisci, non dicitur expectare, sed sperare tantum: sed proprie dicitur expectare quid sperat ex auxilio virtutis alienæ.*

Ergo primum spei objectum materiale est Deus possidendus: *Non enim minus aliquid ab eo sperandum est, quam sit ipse*, ait S. Thomas cit. quæst. 17. art. 2. secundarium vero sunt ea etiam temporalia, per
quæ

quæ Deus decrevis nos ad seipsum adducere. Consequentia sequitur ex allata definitione: objectum enim materiale cujuslibet virtutis est res, circa quam adæquate versatur: atqui spes adæquate versatur primario circa futuram beatitudinem, quæ non est aliud, quam Deus possidendus; secundo vero circa media, quibus obtineri potest: *Sicut & fides*, inquit S. Thomas q. 17. art. 2. ad secundum, *principaliter quidem respicit Deum & secundaria respicit ea, quæ ad Deum ordinantur*, nec quidquam aliud attendit, namque *hominis qui anhelat ad aliquid magnum*, ait idem S. Doctor eodem articulo ad tertium, *parvum videtur omne aliud, quod est eo minus*.

Dixi: *Per quæ Deus decrevit*, &c. Temporalia enim secundum se spectata, æque possunt esse impedimenta salutis ac adjumenta, nec illius consequendæ evadunt media, nisi ad eam fuerint ordinata & quidem a Deo; nam sine ejus monitione a nobis ordinari nequeunt; ac proinde non ex affectu ad illa, sed ex affectu ad vitam æternam illa querere, & petere debemus; alioquin illa non ex gratia & virtute, sed ex cupiditate expeteremus. Sed de iis plura ubi de Oratione, Tom. 4. Tractatu de Religione, cap. 4. §. 4.

Q. 3. *Quid est objectum formale spei?*

R. Hic in varias sententias abeunt Theologi. Alii statuunt omnipotentiam divinam & misericordiam, seu Deum, ut omnipotentem & misericordem, nitunturque auctoritate S. Thomæ, qui qu. 28. art. 4. ad secundum, ex eo distinguit spem ab aliis virtutibus, quod addat ex parte objecti quandam specialem rationem, scilicet *arduum & possibile adipisci*. Et qu. 17. art. 5. in corpore: *Spes*, inquit, *facit Deo adherere, prout est in nobis principium perfectæ bonitatis, in quantum scilicet per spem divino auxilio innititur ad beatitudinem obtinendam*. Atqui quod est ratio tendendi in objectum materiale, & distinguendi virtutem ab aliis, proculdubio est formale virtutis objectum; justitia v. g. & liberalitas, licet versentur circa idem objectum materiale, nimirum circa pecuniarum numerandam, sunt tamen duæ virtutes distinctæ; quia sub

di-

diversa ratione pecuniam respiciunt, justitia quidem ut debitam, liberalitas vero ut gratuitam largitionem: Ergo.

Alii contra asserunt bonitatem divinam relative ad nos, seu Deum ut nobis bonum esse objectum formale spei; quia, inquit, sicut desiderium nascitur ex amore, nemo quippe id desiderat, circa quod indifferens est; ita spes nascitur ex amore concupiscentiæ; atqui idem est objectum formale amoris & desiderii, scilicet, bonitas objecti diversimode apprehensa in amore simpliciter & absque circumstantia præsentis, aut absentis; in desiderio determinate ut absens & futura: Ergo a pari idem est objectum formale spei Theologicæ, & amoris concupiscentiæ, quo expectamus possidere Deum, ut summum bonum nostrum.

Sed utraque scientia facile conciliari posse videtur: & si supersit difficultas, erit pure metaphysica, a Philosophis potius quam a Theologis excutienda.

Atque ut mentem aperiã, præmittendum est, quod apud omnes constat, nimirum voluntatem non ferri in objectum nisi sub ratione boni, aut mali, boni quidem prosequendi, mali vero fugiendi; ac proinde sicut verum saltem apparens est objectum formale mentis assensus: ita bonum est necessario objectum formale conatus voluntatis in rem amatam, nihil intelligibile, nisi sub ratione veri: nihil appetibile, nisi sub ratione boni. Atqui nec possibilitas, nec omnipotentia, ex qua possibilitas repetitur, alliciunt voluntatem ratione sui præcise; sed ratione bonitatis, cum qua apprehenduntur conjunctæ; namque omnipotentia, qua pœnam æternam concipimus possibilem, spem non injicit, sed timorem propter malum pœnæ, quam peccantibus inferre concipitur. Ergo sicut malum pœnæ per omnipotentiam possibile & impendens est objectum formale, seu motivum timoris; ita Deus ut nobis bonus & possidendus per omnipotentiam divinam & misericordiam, est formale spei objectum, ac proinde objectum formale spei non est simplex, sed complexum ex bonitate divina relative ad nos, & ex omnipotentia & misericordia, quibus possessio Dei sit possibilis.

Ergo

Ergo beatitudinis possibilitas per omnipotentiam & misericordiam divinam minus est formale objectum spei, quam circumstantia, conditio, & modificatio ejus objecti formalis, nempe beatitudinis per auxilium Dei consequendæ. Nec aliud vult S. Thomas locis laudatis, ut colligitur ex q. 17. art. 2. in quo ex professio probat beatitudinem æternam esse proprium spei objectum. Et art. 4. sic habet: *Spes duo respicit, scilicet bonum, quod obtinere intendit, & auxilium, per quod illud bonum obtinetur. Bonum autem, quod aliquis sperat obtinendum, habet rationem causæ finalis: auxilium autem, per quod aliquis sperat obtinere illud bonum, habet rationem causæ efficientis.* Ex quibus verbis sic argumentari licet, causa finalis est primum movens ad opus: atqui ex S. Thoma, bonum, quod spes obtinere intendit, nempe beatitudo æterna, habet rationem causæ finalis; Ergo beatitudo æterna est spei objectum motivum, seu formale.

Dices 1. In eo qui sperat Deum ut suam beatitudinem, duo sunt distinguendi actus, alter desiderii, quo tantum bonum absens & futurum desiderat, & hic actus pertinet ad caritatem, cujus objectum est bonitas divina: alter spei, quo conatur ad illud bonum, nixus omnipotentia & misericordia divina, quas respicit tanquam proprium objectum formale; inde enim movetur ad conandum: Ergo.

R. 1. Utrum in eo, qui sperat, concurrant duo actus distincti, alter desiderii, alter spei, questio est plane Philosophica: nobis satis est, quod sperans fertur in Deum ut suum bonum, arduum quidem, sed obtentu possibile per divinum auxilium. Videtur tamen unicum elicere actum, qui virtualiter duplex est. Quemadmodum enim qui desiderat bonum absens, non elicit duos actus, alterum amoris, alterum desiderii; sed unico actu, nempe desiderii, fertur in suum objectum; quid est enim desiderium, nisi amor boni absentis? Similiter qui sperat, unico actu movetur efficaciter in bonum suum absens, arduum, & possibile, ita ut ratio absentis, ardui, & possibilis sit circumstantia, conditio & modificatio unius & ejusdem ob-
jecti.

fecti, nimirum beatitudinis objectivæ, quæ est causa finalis & motiva unius realiter actus, scil. spei, virtualiter autem duplicis: in spe enim intelligitur amor & desiderium; nisi enim quis amaret & desideraret bonum, non niteretur illud assequi. Sed utut sit,

R. 2. Negando desiderium illud semper esse actum caritatis; peccator enim desiderat, ac sperat veniam & vitam æternam, non per caritatem, qua caret, sed per spem Theologicam.

Dixi desiderium vitæ æternæ non semper esse actum caritatis, ut innuerem illud aliquando a caritate, aliquando vero a virtute spei proficisci. In quo autem differant duo illa desideria, dicetur capite proxime sequenti.

Dices 2. Appetere Deum ut bonum nostrum, est referre Deum ad nos tanquam ad finem, & amare illum amore concupiscentiæ; atqui inordinatus est ille amor; rectus enim ordo postulat, ut omnia ad Deum tanquam ad ultimum finem referantur: Ergo.

Distinguo major. Est referre Deum ad nos tanquam ad finem, cui optamus tantum bonum; Conc. Tanquam ad finem, cujus gratia cetera assumuntur tanquam media, Nego major.

Distinguo similiter minorem, inordinatus est amor, quo Deum ad nos referimus tanquam ad finem, cujus gratia, Conc. Tanquam ad finem cui, Nego minor.

Finis cui, est persona, cui optamus bonum, quod aliquando tanti æstimamus, ut ipsum sit nobis quoque finis, cujus gratia multa facimus; sic sapientia v. g. quatenus propter illam acquirendam oramus, vigilamus, laboramus, est finis cujus gratia: quatenus autem illam nobis optamus, sumus ejus finis cui. Contra vero sumus finis cujus gratia pecuniæ, alimentorum & necessariæ suppellectilis, quæ nobis comparamus; quia non spectantur illa tanquam bona propter se expetibilia, quemadmodum sapientia, sed propter nos dumtaxat tanquam media necessaria, & ad usus nostros accommodata.

Porro turpe est & flagitiosum, Deum ad se referre tanquam ad finem cujus gratia, hoc enim est Deum mi-

minoris facere quam nos ipsos, & perverso ordine uti ultimo fine veluti medio: *Omnis humana perversio est*, inquit Sanctus Augustinus lib. 83. quest. 30. (*quod etiam vitium vocatur*) *fruentis uti velle, atque utendis frui. Et rursus omnis ordinatio (quæ virtus etiam nominatur) fruentis frui, & utendis uti. Fruendum est autem honestis, & utendum utilibus.* Et lib. 85. de Civ. Dei cap. 7. *boni utuntur mundo, ut fruantur Deo: mali autem e contra ut fruantur mundo, uti volunt Deo.*

Sed honeste & pie Deum ad nos referimus tanquam ad finem cui; in eo quippe testamur summam ejus bonitatem & omnimodam perfectionem; sic refertur causa ad effectum, fons ad rivulum, plenitudo ad vacuum, misericordia ad miserum, perfectum ad perfectibile. Sic subditus Principem suum honorat, dum benevolentiam ejus sibi conciliare satagit, & gratiam seu favorem ejus amicitie cujuslibet aulici præponit.

Instabis 1. Atqui per amorem spei, qui est amor concupiscentie, Deum non appetimus propter se, sed propter nos dumtaxat: ergo inordinatus est ille amor.

R. 1. Argumentum illud nimis probare, cum ex eo æque concludi possit nullam agnoscendam esse virtutem præter caritatem, quæ solum Deum propter se diligit: immo nos inordinate a Deo auxilium petere in adversis; ejusmodi enim preces sunt finis cui, cum tamen ipse testetur Ps. 49. *se eas ducere honori & gloriæ: Invoca me, inquit, in die tribulationis: eruiam te, & honorificabis me:* est enim solemnis confessio omnipotentis bonitatis divinæ. Inde ergo sequitur dumtaxat amorem spei non esse æque perfectum ac amorem caritatis, quod ultro fatemur, nam ex S. Th. q. 17. art. 8. *Perfectus amor est, quo aliquis secundum se amatur, utpote cui aliquis vult bonum, sicut homo amat amicum. Imperfectus amor est, quo quis amat aliquid non secundum ipsum, sed ut illud bonum sibi ipsi proveniat, sicut homo amat rem, quam concupiscit.* Primus autem amor pertinet ad caritatem quæ inheret Deo secundum seipsum. Sed spes pertinet ad secundum amorem, quia ille qui sperat, aliquid sibi obtinere intendit.

R. 2.

R. 2. Distinguo subsumptum; Atqui per amorem spei Deum non appetimus propter se, sed propter nos, ita ut apprehendamus illum ut summum bonum appetibile propter se, nec per imperfectum spei amorem excludamus perfectiorem motum caritatis; Concedo: Non appetimus propter se, sed propter nos, ita ut Deus nobis videatur ut medium nobis utile & necessarium, nec aliter amabile, quam in ordine ad nos, Nego subsumptum; Amor enim spei sub illo respectu esset inordinatus & turpis, excluderetque caritatem, quemadmodum cupiditas prædominans. Sed absit a spe Theologica tanta perversitas, quin ipsa disponit ad amandum Deum propter se: *Spes*, inquit S. Th. cit. art. 8. *introducitur ad caritatem, in quantum aliquis sperans remunerari a Deo, accenditur ad amandum Deum, & servandum præcepta ejus.* Et S. Bernardus Tract. de diligendo Deo cap. 9. *Si frequens ingruerit tribulatio, ob quam & frequens ad Deum conversio fiat, & a Deo frequens liberatio consequatur, nonne etsi fuerit ferreum pectus, vel cor lapideum toties liberati, emolliiri necesse est ad gratiam liberantis, quatenus Deum homo diligit non propter se tantum, sed & propter ipsam?*

Instabis 2. Amor mercenarius est vituperandus, atqui amor spei est mercenarius, ex sancto Bernardo cit. Tract. de diligendo Deo c. 12. *Est qui confitetur Domino, quoniam potens est; & est qui confitetur, quoniam sibi bonus est, & item, qui confitetur, quoniam simpliciter bonus est. Primus servus est, & timet sibi. Secundus mercenarius, & cupit sibi. Tertius filius, & desert patri. Itaque & qui timet, & qui cupit, utrique pro se agunt: Ergo.*

Distinguo major. Amor mercenarius stricte sumptus, qui pro mercede temporalia expectat, quo sensu Joann. 10. reprobatur Pastor mercenarius, Conc. Mercenarius in lata significatione, qui aliam mercedem præter Deum non intendit, Nego majorem: Nam Christus, Matth. 5. v. 12. spe hujusce mercedis nos nutrit & roborat: *Gaudete, inquit, & exultate, quoniam merces vestra copiosa est in cælis.* Et Hebr. 11. v. 26. laudatur Moyses, quod aspexerit in hujusmodi remunerationem.

For-

Porro S. Bernardus loquitur de eo , qui facit opus Dei intuitu honorum temporalium : *facis & mercenarius* , inquit , cit. cap. 12. *sed quia non gratis , propria trahi cupiditate convulsus* .

Q. 4. *Potestne quis sperare alteri beatitudinem eternam ?*

Respondet S. Thomas q. 17. art. 3. cum hac distinctione : vel proximus spectatur ut alter a nobis , vel ut unitus , ac veluti unum quid nobiscum per amorem , consanguinitatem , & alium simile vinculum : Si primo modo spectetur , non possumus illi sperare beatitudinem spe Theologica , juxta illud S. Augustini , *Enchir. c. 8. Fides & suarum rerum est & alienarum spes autem nonnisi bonarum rerum est , nec nisi futurarum , & ad eum pertinentium , quæ earum spem agere perhibetur* . Et ratio est , quia spei Theologicæ objectum formale & motivum , est bonum divinum ; motivum autem desiderii , quo optamus alteri beatitudinem , si amore non sit nobis unitus , non potest esse nisi bonitas , quæ in ipso est , ac proinde desiderium illud non erit actus spei Theologicæ .

Sed si proximus secundo modo spectetur , scilicet ut aliquo vinculo nobis unitus , illi tamquam nobis ipsis beatitudinem speramus spe Theologica ; quia motivum hujusce desiderii non est aliud , quam bonitas divina possidenda , nec incitatur ad ejus possessionem appetendam ex aliqua bonitate , quæ sit in nobis , cum naturalis impetus nos impellat in nostri amorem & prosecutionem nostri boni , etiam si nullam in nobis apprehendamus perfectionem .

Q. 5. *Quotuplex est Spes Theologica ?*

R. Una est specie , quia unicum est ejus objectum formale & motivum ; accidentario tamen , & ex quibusdam adjunctis dividitur sicut fides , in spem informem ; & spem formatam .

Spes informis est spes sine caritate , ut in peccatoribus ; spes formata est spes conjuncta cum caritate , ut in justis . Spes informis dicitur mortua ; quia separata a caritate , vel est sine motu & actu sicut corpus ab anima separatum , vel si operetur , opera ejus ;
est

et si supernaturaliter bona, disponantque ad justificationem; viva tamen non sunt, nec meritoria vite eternæ, ut diximus ubi de conditionibus necessariis ad meritum de condigno. Plerumque autem spes informis otiosa est, 1. Propter malam conscientiam: *Ille sperat*, inquit S. August. in Psalm. 31. *qui bonam conscientiam gerit; quem vero pungit mala conscientia, retrahit se a spe*, nimirum timor, qui ex mala conscientia nascitur, diffidentiam injicit. 2. Propter frigus cupiditatis, qua peccatoris animus astringitur, & quodammodo agglutinatur rebus terrenis & cælestium obliviscitur: nullus autem sperat bona spiritualia, nisi ea vehementer desideret; quomodo vero desideraverit, qui non amat? Spes ergo jacet in corde frigido peccatoris velut radix sterilis, & si quando sperare videtur, plerumque vana confidentia est & præsumptio, ut infra dicitur.

Spes vero formata dicitur viva, quia caritas est veluti spiritus vitalis vivificans, & ponens in actu virtutes, quas informat. 1. Quia triuit bonam voluntatem, inspirat desiderium cælestium bonorum, ex quo facile sequitur conatus ad superanda ardua quæque. 2. Quia operit multitudinem peccatorum, & conscientiam mundat: atqui mens bene conscia fiduciam, hoc est, firmam spem sumit, ut habetur 1. Joann. 3. v. 21. *Si cor nostrum non reprehenderit nos, fiduciam habemus ad Deum*. 3. Quia constituit nos Dei amicos: vera autem amicitia excludit omnem diffidentiam. Unde S. Ambrosius laudatus a S. Thoma quæst. 17. art. 8. scribit in Lucæ c. 17. *ex fide est caritas, ex caritate spes*, non quidem informis; hæc quippe caritatem præcedit, sed formata & perfectior, ut interpretatur Angelicus Doctor, his verbis: *Secundum ordinem perfectionis caritas prior est naturaliter. Et ideo adveniente caritate, spes perfectior redditur, quia de amicis maxime speratur*. Porro spes viva, sicut & fides viva, est propria Christianorum, juxta illud primæ Petri cap. 1. v. 3. *Benedictus Deus, & Pater Domini nostri Jesu Christi, qui secundum misericordiam suam magnam regeneravit nos in spem vivam*.

Q. 6. *Licetna sperare in homine?*

R. Licet tanquam in causa instrumentali, quando Deus ea utitur ad nostram salutem: non licet autem sperare in homine tanquam in causa principali; scriptum est enim Jerem. 17. *Malédiſtus homo, qui confidit in homine*, probatque Sanctus Thomas quaest. 17. art. 7. hac ratione: „Sicut, inquit, non licet spe-
 „rare aliquod bonum praeter beatitudinem sicut ulti-
 „mum bonum, sed solum sicut id, quod est ad
 „finem beatitudinis ordinatum: ita non licet spera-
 „re de aliquo homine, vel de aliqua creatura, si-
 „cut de prima causa movente in beatitudinem. Li-
 „cet autem sperare de aliquo homine, vel de ali-
 „qua creatura, sicut de agente secundario & instru-
 „mentali, per quod aliquis adjuvatur, ad quaecum-
 „que bona consequenda in beatitudinem ordinata.“

Dices: Spes utpote Theologica, non nititur, nisi omnipotentia & misericordia divina: Ergo nul-
 latenus ponenda est in homine, etiam ut causa
 instrumentali, sed solum in auxilio divino; alias
 niteretur potestate creata, & sub illo respectu non
 esset Theologica.

Nego consequ. Quia instrumentum non agit, nisi
 virtute causae principalis. Unde sicut qui tegitur gla-
 dio custodientis se, non confidit proprie in gladio,
 sed in persona gladio instructa; similiter qui, ut
 securius saluti suae consulat, ad sapientem confugit,
 & consiliis ejus se regendum praebet, ea mente &
 persuatione, quod Deus eo tanquam ministro utatur,
 non in alio, quam in Deo spem suam collocat; se-
 cus si praecipue ob naturales ejus dotes, & naturali
 quadam animi propensione se illi adjungeret; tunc
 enim spem suam poneret in homine, & non in Deo,
 quod maxime cavendum.

C A P U T II.

De differentia spei a fide & caritate.

Q. 1. *Spes estne virtus a fide distincta?*

S Negant Pseudo-Reformati, contenduntque veram fidem nihil aliud esse, quam certam fiduciam in promissis Dei, quam hæresim confutavimus, Tract. de Gratia, ubi de justificatione c. 4. & §. 8. Quare cum omnibus Catholicis.

R. Spes est virtus a fide distincta, probaturque r. ex Scriptura, 1. Corinth. 13. vers. 13. *Nunc autem manent fides, spes, & caritas: tria hæc*; ubi Apostolus manifeste spem a fide distinguit: 2. ratione, quia illæ virtutes essentialiter distinguuntur, quæ habent diversum non solum subjectum, sed etiam objectum formale; omnis quippe habitus & actus suam essentiam desumit ab objecto formali: atqui sic se habent fides & spes; fides est virtus intellectualis intellectum informans; spes vero residet in voluntate, tanquam in proprio subjecto: fides tendit in objectum quatenus verum, in Deum nempe, ut est prima veritas; spes autem respicit Deum, ut est summum bonum, & supernaturalis nostra beatitudo objectiva: Ergo fides & spes sunt duæ virtutes essentialiter distinctæ.

Q. 2. *Spes distinguitur a caritate?*

R. Apostolus citato loco non solum eam distinguit, sed insuper opponit tanquam relatum correlato; postquam enim dixit, *nunc autem manent fides, spes, caritas, tria hæc*; subdit statim, *major autem horum est caritas*. Porro nihil est majus respectu sui ipsius, sed respectu alterius correlativi: Ergo.

Dices: Illæ virtutes non distinguuntur, quæ habent idem objectum formale: atqui spes & caritas idem habent objectum formale: Ergo.

Minor probatur. Objectum spei ex dictis capite præcedenti, est supernaturalis beatitudo objectiva,

seu Deus possidendus, ut summum nostrum bonum : atqui idem est caritatis objectum ; nam caritatis consummatæ in Beatis est frui Deo , gaudere de Deo præsentem , & in illo quiescere tanquam in summo bono : caritatis vero proficientis in viatoribus , est desiderare ejus conspectum & possessionem , ægreque ferre ejus absentiam : ergo idem est utriusque virtutis objectum formale , ac proinde spes & caritas sunt una & eadem virtus .

R. 1. Negari non posse, quin caritas in viatoribus tendat in Deum, tanquam in ultimum nostrum finem, desideriumque fruendi tanto bono, sit proprius illius actus, quemadmodum Eminentissimus Cardinalis *De Noailles* efficaciter & multa cum eruditione demonstrat in sua Institutione Pastoralis, adversus spurios Mysticos. Enim vero nihil amanti optatius, quam frui amati præsentia; nihil molestius, quam ab illo divelli, aut separari. Annon sponsa, per quam exprimitur juxta SS. Patres quilibet justus in amore Dei perfectus, ex purissimo caritatis affectu per vicos & plateas quærebat dilectum? Cant. 3. Annon Apostolus ex ardentissimo Christi amore dicebat Philipp. 3. *Coartor ... & duobus, desiderium habens dissolvi, & esse cum Christo, multo magis melius: permanere autem in carne, necessarium propter vos.* Sed hæc responsio nedum solvat difficultatem, illam potius anget, nec parum torquet Theologos, ubi statuendum est discrimen spei inter & caritatem.

Alii ita admittunt Deum ut beatitudinem nostram objectivam, esse objectivum formale caritatis, ut definiant, objectum spei esse præcise omnipotentiam & misericordiam divinam, quibus objectum caritatis possibile redditur, ut quemadmodum in politicis virtus fortitudinis inservit justitiæ legali ad tuendum ordinem, & conservandam pacem, quibus consistit regni felicitas; ita spes caritati inserviat ad superandum arduum, quod in ejus objecto apprehenditur.

Refelluntur 1. Ex dictis capite præcedenti. 2. Ex Patribus, qui asserunt possessionem Dei ut ultimum nostrum finem per spem & caritatem expeti; sed ratio-

ne plane diversa, ideoque duas illas virtutes esse omnino distinctas; nam virtutes & ceteri habitus magis distinguuntur ex objecto formali, quam ex objecto materiali, ut sæpe diximus. S. Gregorius Nyssenus hom. 1. in Cantica, spem a caritate in eo distinguit, quod illa mercedem, ista solam operis honestatem respiciat: *Nonnulli, inquit, fit etiam salus per timorem, quando int mentes ad minas supplicii gehennæ separantur a malo: sunt etiam aliqui, qui propter spem mercedis repositam iis, qui pie vixerint, se recte & ex virtute gerunt, non caritate bonum possidentes ... sed qui animo currit ad perfectionem, expellit quidem timorem: est enim ejusmodi servilis affectio ... despicit ipsas quoque mercedes, ne videatur mercedis plaris facere, quam eum qui donat lucernam.* Ubi S. Doctor tres gradus distinguit in accensu ad Deum. In primo eos collocat, qui timore impelluntur. In secundo, qui alliciuntur spe mercedis, quæ non potest esse nisi Deus, alioquin aberrarent. In tertio, qui solo caritatis amore ducuntur. S. Basilus in præmio regularum fusius disputatarum, & S. Gregorius Nazianz. Orat. 49. eandem distinctionem secuti, primos vocant servos, secundos mercenarios, tertios filios. Ergo in mente illorum Patrum, spes in eo distinguitur a caritate, quod spectet, non quidem omnipotentiam & misericordiam, sed mercedem, quam per divina illa attributa obtinere nititur: merces autem illa non potest esse aliud, quam Deus ipse, quatenus est summum nostrum bonum. S. Chrysostomus pluribus in locis, ut hom. 17. in epist. ad Hebræos, docet servanda esse præcepta non solum spe mercedis, sed etiam amore illius qui legem tulit: *Etiam si, inquit, merces non esset proposita, oporteret esse bonum, sed tamen cum mercede sumus boni.* Et hom. 5. in epist. ad Rom. *Nec propter minas supplicii, nec propter promissionem regni, sed propter eum, qui legem tulit.* Similia habet S. August. lib. 21. de Civ. Dei cap. 15. *Sed si (quod absit) illius tanti boni spes nulla esset, mallemus in hujus constitutionis molestia remanere, quam vitis in nos dominationem non eis resistendo permittere.* Cassianus collatione 11. cap. 6. hæc verba refert Abba-

tis Chereemonis : *Tria sunt , quæ faciunt homines a virili temperare , idest , aut metus gehennæ . . . aut spes . & desiderium regni celorum , aut affectus boni ipsius , amorque virtutum .* Ec cap. 8. sic concludit : *Quamobrem nobis studendum est de hoc timore ad spem , & de spe ad caritatem Dei , vel ipsarum virtutum amorem .* perfecto mentis conscendamus amore . De triplici etiam gradu nempe servorum , mercenariorum , & filiorum simili modo loquuntur S. Climacus gradu primo , & Venerabilis Beda in cap. 15. Lucæ : *Fideseft , inquit , quæ futuri iudicii ac suppliciorum metu vitiorum facit contagia declinare : spes , quæ mentem nostram de presentibus avocans , universas corporis voluptates celestium præmiorum expectatione contempsit : caritas , quæ nos ad amorem Christi , & spiritalium virtutum fructum , mentis ardore succendens , quidquid illis contrarium toto facit odio detestari .* S. Bernardum , & S. Thomam in eandem rem laudavimus cap. præced. Ergo constat ex communi SS. Patrum doctrina . 1. Spem . 2. caritate distingui . 3. Utramque virtutem tendere ad Deum possidendum , sed sub diversa ratione formali : spem quidem ut mercedem & bonum nobis , caritatem vero sine intuitu mercedis , sed sublimiori motivo , sequenti responsione elucidando . Itaque .

R. 2. Negando minorem , & argumenti in ejus confirmatione adducti , Distinguo minor. Idem est objectum spei & caritatis materiale , Concedo : Idem est objectum formale , Nego minorem : Spes enim , ut sapius diximus , fertur in Deum ut bonum sibi ; *Es qui timet , inquit S. Bernardus cit. cap. 12. lib. de diligendo Deo , & qui cupit , utrique pro se agunt .* Caritas vero tendit ad Deum ut bonum in se , refertque ad eum & ipsum amantem , & ejus beatitudinem & cetera omnia , quæ per spem concupiscuntur : *caritatem voco , inquit S. August. lib. 7. de Doctrina Christi . cap. 10. motum animi , ad fruendum Deo propter ipsum , & se atque proximo propter Deum .* Et lib. 10. Conf. cap. 22. ipsa est . Deum alloquitur , *beata vita gaudere ad te , de te ipsa est , & non est altera .* S. quoque Bernardus cit. c. 12. post laudata

verba, „ & qui timet, & qui cupit, utrique pro se
 „ agunt, *subdit*, sola, quæ in filio est, caritas non
 „ querit quæ sua sunt. *Ex cap. 14.* Denique, *inquit*,
 „ cupiditas tunc recte a superveniente caritate ordinā-
 „ tur, cum mala eisdem penitus respuuntur, bonis
 „ vero meliora præferuntur, nec bona nisi propter
 „ meliora appetuntur. Quod cum plene per Dei grā-
 „ tiam assecutum fuerit, diligitur corpus propter ani-
 „ mam; animus propter Deum; Deus autem propter
 „ seipsum. „ Sed ponderanda imprimis quæ scribit c.
 „ 15. ubi de eo, qui spe impellitur, sic scribit. „ Di-
 „ liget itaque in secundo gradu Deum, sed propter
 „ se, non propter ipsum. At vero cum ipsum cœpe-
 „ rit occasione propria necessitatis colere & frequentā-
 „ re cogitando, legendo, orando, obediendo, quadam
 „ huiusmodi familiaritate paulatim sensimque Deus
 „ innotescit, consequenter & dulcescit, & sic gustato
 „ quam inavis est Dominus, transit ad tertium gradum,
 „ ut diligit Deum, non jam propter se, sed propter
 „ ipsum. Sane in hoc gradu diu statur: & nescio si
 „ a quoquam hominum quartus in hac vita perfecte ap-
 „ prehenditur, ut se scilicet diligit homo tantum pro-
 „ pter Deum. Afferant hoc si qui experti sunt: mihi
 „ fateor, impossibile videtur. Erit autem proculdubio
 „ cum introductus fuerit servus bonus & fidelis in gati-
 „ dium Domini sui, & inebriatus ab ubertate domus
 „ Dei. Quasi enim miro quodam modo oblitus sui, &
 „ a se penitus velut deficiens totus pergit in Deum, &
 „ deinceps adhærens ei, unus cum eo spiritus erit. „
 Quibus verbis S. Doctor, 1. Perstringit errorem suæ æta-
 te nondum natum, & nostra damnatum in novis My-
 sticis, qui præsumunt suos discipulos perducere via
 breviori ad eum statum perfectionis, in quo anima
 sui oblita tam perfecte Deo adhæret propter ipsum
 solum, at nec pulsetur beatitudinis desiderio, nec af-
 ficiatur proficiendi studio; nec sit illi curæ compr-
 mēre inordinatos concupiscentiæ motus. 2. Ita distin-
 guit spem inter & caritatem, ut nihilominus utrique
 virtuti assignet idem objectum materiale, nempe Deum
 possidendum. 3. Differentiam essentialem utriusque virtutis

is repetit (& quidem juxta antiquiores Patres, quorum verba laudavimus) ex earum objecto formali, seu ex diversa ratione & motivo, quo spes & caritas tendunt in Deum possidendum; spes quippe tendit in Deum, ut bonum nobis; caritas vero, ut bonum simpliciter & absolute, ad quod & beatitudinem nostram & nos ipsos & cetera refert.

Ergo in mente sancti Bernardi & aliorum Patrum in prima nostra responsione laudatorum divina misericordia & omnipotentia statui nequeunt pro formali spei objecto. Latum est autem discrimen spem inter & fortitudinem, quæ in exemplum allata est; namque fortitudinis officium & actus est amovere malum, moderari timorem, qui illud refugit, & regere impetum audaciæ in illud insurgentis. At spes, sive spectetur, ut virtus, sive ut passio, fertur in bonum, tamquam in proprium objectum, illudque prosequitur, quamvis arduum, innixa sive propriis viribus, si sit passio, sive alienis, puta omnipotentia & misericordia divina, si sit virtus Theologica. Bonum autem, quod est objectum spei in peccatore ad justificationem per gratiam sese disponente, non sunt bona temporalia, cum eorum cupiditatem conetur abjicere: non est etiam Deus ut in se bonus, cum illum caritate nondum diligit, & per spem disponatur ad purissimo illo modo diligendum ut supra dicebat Sanctus Bernardus: restat ergo ut dicamus bonum, quod spes Theologica prosequitur, esse Deum, ut nobis bonum.

Instabis 1. Amor concupiscentiæ non est actus virtutis, sed vitii: atqui actus, quo quis sibi bonum concupiscit, est concupiscentiæ. Sic enim S. Bernardus cit. c. 12. scribit: „Facit & mercenarius (*opus Dei*) „sed quia non gratis, propria trahi cupiditate concupiscitur. Porro ubi proprietas, ibi singularitas. Ubi „autem singularitas, ibi angulus. Ubi vero angulus, „ibi sine dubio sordes, seu rubigo: „Ergo.

Distinguo maj. Amor concupiscentiæ rerum temporalium, qui ex S. August. proprie dicitur cupiditas, est actus vitii, Conc. Amor concupiscentiæ beatitudinis, sapientiæ, & aliorum bonorum spiritualium est actus virtutis,

vitii ; Nego major. Quin laudatur & commendatur in Scripturis, *Cogitatum habet in præceptis Altissimi...* & concupiscentia sapientiæ dabitur tibi, Eccli. 6. v. 37. concupiscite ergo sermones meos, diligite illos, Sap. 6. vers. 12. & infra v. 14. *præoccupat* (sapientia) *quæ se concupiscunt*, ut illis prior se ostendat. Et v. 21. concupiscentia itaque sapientiæ deducit ad regnum perpetuum. Itaque sunt obscenæ concupiscentiæ, sunt & sanctæ concupiscentiæ, ex Origene hom. 7. in Levit. secundum versionem Rufini. Unde S. Thomas 2. 2. quæst. 26. art. 3. ad tertium, non dubitat spem vocare amorem concupiscentiæ, quod aliquis, inquit, *velis frui Deo, pertinet ad amorem, quo Deus amatur amore concupiscentiæ*. Usus tamen obtinuit, ex S. Augustino, lib. 14. de Civit. Dei cap. 7. *Ut si cupiditas, vel concupiscentia dicatur, nec addatur cujus vel sit, nonnisi in malo possit intelligi.*

Instabis 2. Atqui nihil possumus amare, nisi illud sit vobis bonum; Ergo ficticius est ille amor caritatis, a spurciis Mysticis excogitatus, quo Deus dicitur amari, ut est bonus in se, & sine relatione ad nos.

Antecedens probatur; Quia ut aiquid actu ametur aut appetatur, satis non est quod sit simpliciter & absolute bonum; sed insuper requiritur ut amanti sit bonum vel utile, vel jucundum, vel honestum & conveniens; alioquin, cum omne ens secundum se spectatum, sit simpliciter bonum, esset etiam cuilibet amabile & appetibile, quod longe absurdissimum est; quam multa enim in se bona valde, sunt aliis noxia, & ideo fugienda? aqua v. g. expellit calorem, quamvis in se bonum, utpote ipsi infestum; optimas carnes bos fastidit, quas leo concupiscit. Quis hominum nesciat Deum esse summe bonum? Illud tamen peccator non amat; quia illum non apprehendit ut sibi bonum, nec utquam amare poterit, nisi voluntas ejus misericorditer præparetur, experiaturque per gratiam, quam suavis sit Dominus, & quam bonum sit ipsi diligere suum Creatorem. Hinc vulgare apud Philosophos effatum, *amicabilia quæ sunt ad alterum, veniunt ex amicabilibus, quæ sunt ad se ipsum*, Ethic. 9. Ergo amor nostri

nostri est veluti prima radix, ex qua oriuntur & crescunt ceteri amores; ac proinde una est ratio amandi Deum, scilicet, bonitas ejus relative ad nos spectata, fictitiumque ac prorsus impossibile amare Deum, quatenus præcise bonus est in se.

Distinguo, anteced. Non possumus amare supernaturaliter, Nego: Naturaliter subdistinguo, in statu naturæ corruptæ, Conc. In statu naturæ integræ, Nego, antec. & conseq., Primum dilige Deum, inquit S. August. serm. 368. alias 37. lib. 50. hom. deinde teipsum: post hæc dilige proximum sicut teipsum. Prius tamen discere amare teipsum: sic dilige proximum sicut teipsum; Nam si teipsum non nosti amare, quomodo proximum poteris in veritate diligere? ... qui diligit iniquitatem, odit animam suam: Si ergo amando iniquitatem, teipsum non solum non diligis, sed etiam odio habes, quomodo aut Deum, aut proximum diligere poteris?

Enimvero amor sui, qui supponitur præcedere tanquam radix amoris Dei, & cujuslibet creaturæ, vel est inordinatus & malus, vel ordinatus & bonus: atqui neutrum dici potest. Non primum, alias natura humana, utpote necessaria radix fructus mali, esset substantia mala, & a malo principio; bona quippe artior non potest malos fructus facere, Matth. 7. Non secundum, 1. quia is amor non est ordinatus & bonus, qui caret suo debito fine; atqui ejusmodi esset proprius ille amor, utpote qui terminaretur ad ipsum amantem, ut supponitur, nec tenderet ad Deum, qui est ultimus rerum omnium finis. 2. Quia Deus non solum est rerum omnium finis, sed etiam principium: atqui evidens esset inordinatio in operibus Dei, si (quod absit) voluntates humanas formaret, inclinaretque ad aliud, quam ad se ipsum, & independentem a libera earum electione ante omnia converteret ad privatum bonum. Ergo prima Dei impressio & motio in natura creata adhuc integra est ad illum propter se amandum super omnia.

Confirmatur: Omnis pars primario tendit in bonum, potius; illudque naturaliter præfert propriæ salutis, magis.

manus v. g. absque mora & cunctatione imminenti periculo se exponit ad tuendum caput, ex quo penderet salus totius corporis: atqui Deus habet rationem totius respectu cuiuslibet creature: ergo naturale est homini in statu nature integræ plus diligere Deum, quam seipsum. Ita S. Thomas 1. part. q. 60. art. 5.

„Videmus *inquit*, quo naturaliter pars se exponit
 „ad conservationem totius corporis: sicut manus ex-
 „ponitur ictui absque deliberatione ad conserva-
 „tionem totius corporis. Et quia ratio imitatur natu-
 „ram, huiusmodi imitationem invenimus in virtu-
 „tibus politicis; est enim virtuosus civis, ut se ex-
 „ponat mortis periculo pro totius Reipublicæ con-
 „servatione; & si homo esset naturalis pars huius-
 „civitatis, hæc inclinatio esset ei naturalis. Quia
 „igitur bonum universale est ipse Deus, & sub hoc
 „bono continetur etiam Angelus & homo, & omnis
 „creatura, quia omnis creatura naturaliter secundum
 „id quod est, Dei est, sequitur quod naturali di-
 „lectione etiam Angelus & homo plus & principa-
 „lius diligat Deum, quam se ipsum; alioquin si
 „naturaliter plus seipsum diligeret, quam Deum,
 „sequeretur, quod naturalis dilectio esset perversa,
 „& quod non perficeretur per caritatem, sed de-
 „strueretur..

Ad confirmationem respondeo ambigue opposit, ut res ametur, satis non esse quod sit bona in se, sed insuper requiri, ut sit amanti conveniens; si enim per hanc vocem, *conveniens*, intelligatur quod amans debeat esse ordinatus ad illam rem, vera est propositio; convenit enim unicuique servare debitum ordinem: si vero sensus sit rem illam, ut ametur, semper debere referri ad ipsum amantem tanquam ad finem, falsitas propositionis perspicua est vel solo membrorum exemplo: unicuique enim convenit, ut sese periculo obiciat pro salute totius corporis; minime vero ut commune bonum corporis ad propriam incolumitatem referat.

Urgebis: Sequeretur caritatem precedere omnes virtutes, & motus spei in peccatore esse inordinatum.

tum, utpote qui sit amor sui: absurdum consequens: ergo & antecedens.

Distinguo sequelam majoris ut supra; Caritatem precedere omnes virtutes in statu naturæ integræ, Conc. In statu naturæ corruptæ, in quo gratia naturam paulatim sanat, & liberat a servitute cupiditatis, Nego sequelam. Nam ex Patribus supra laudatis, maxime ex S. Bernardo, peccator, cujus voluntatem gratiæ prævenit, a timore incipit, tum in spem erigitur, ac tandem „transit ad tertium gradum, ut diligat Deum „non jam propter se, sed propter ipsum. Sane in hoc „gradu diu statur; & nescio si a quoquam hominum „quartus in hac vita perfecte apprehenditur, ut se „scil. diligat homo tantum propter Deum. Afferant „hoc, si qui experti sunt: mihi, fateor, impossibile „videtur. „Absit autem ut inordinatus dicatur spei motus, quod introducitur caritas, cum ille motus sit a Spiritu sancto, disponatque ad diligendum Deum super omnia: *Quod enim Dei est, immundum esse non potest*, inquit Sanctus Bernardus cit. cap. 12.

Porro recentiores Mystici, quos Quietistas vocant, damnati sunt, quod non solum cum S. Bernardo & omnibus Catholicis assererent hominem in hac vita diu stare posse in eo gradu, in quo diligat Deum non jam propter se, sed propter ipsum; sed ulterius progressi hanc propositionem evulgarent, quæ est prima ex viginti tribus, quas Innocentius XII. confixit anno 1699. *Datur habitualis status amoris Dei, qui est caritas pura, & sine ulla admixtione motivi proprii interesse. . . . Neque timor poenarum, neque desiderium remunerationum habent amplius in eo partem. Non amatur amplius Deus propter meritum, neque propter perfectionem, neque propter felicitatem in eo amando inveniendam. Ut autem intelligatur quam merito damnata sit ejusmodi propositio, expendendum est ex professo quæ sit spei necessitas, quandiu hanc vitam mortalem vivimus. Sic itaque.*

§. III.

De Spei necessitate.

Q. 1. **A**ctus spei suntne adultis necessarii ad salutem?

R. Sunt necessarii tum necessitate medii, tum necessitate præcepti naturalis & divini.

Prima pars, quæ est de necessitate medii, probatur 1. iisdem momentis, quibus supra demonstravimus fidei necessitatem: Nempe, ait S. Bernardus serm. 10. in Pl. 9. „Germana fidei speique cognatio est, ut „quod illa futurum credit, hæc sibi incipiat sperare „futurum... Dicit fides, parata sunt magna & in- „excogitabilia bona a Deo fidelibus suis: Dicit spes, „illa mihi servantur. „Hinc est quod in Scripturis fides & spes soleant simul conjungi, quasi essent una & eadem virtus, cum tamen sint essentialiter distinctæ, Rom. 4. v. 3. de fide dicitur: *Credidit Abraham Deo, & reputatum est illi ad iustitiam*: de spe vero v. 23. *Qui in spem contra spem credidit*. Et v. 10. *In repromissione etiam Dei non hæsitavit diffidentiam*. Hebr. 11. v. 9. *Fide demoratus est (Abraham) in terra repromissionis tanquam in aliena*. Hæc quoad fidem: quoad spem autem v. 10. *Expectabat enim fundamenta habentem civitatem*. Quin spes Hebr. 11. indirecte ponitur in definitione fidei, est autem fides, inquit Apostolus: *Sperandum substantia rerum*, & increduli vocantur sibi diffidentæ, Eph. cap. 2. v. 2. & cap. 5. v. 6. Infirmus enim frustra credit se posse sanari a Medico, nisi & speret se sanandum, immo ejus diffidentia signum foret ipsum non credere. Sicut ergo accedentem ad Deum credere oportet quia est; quia penitentibus peccata dimittit, deprecantes exaudit, inquirentibus se remunerator est, similiter eadem spes necesse est, alioquin fides ejus inanis foret; spes enim est dispositio necessaria tum ad veniam peccatorum obtinendam, ex Concilio Tridentino sess. 6. cap. 6. juxta illud Prov. 28. c. 25. *Qui sperat in Domino* sa-

sanabitur, & Matth. 9. Confide, fili, dimittuntur tibi peccata tua: tum ad ceteras gratias impetrandas, Jac. 1. v. 7. Non ergo aestimet homo ille (qui hæsitat diffidentia) quod accipiat aliquid a Domino.

Prob. 2. Ex SS. PP. S. Clemens Alexandrinus lib. 1. Stromatum, sic scribit: *Fides est ad salutem: inclinatio, postquam timor, spes, & penitentia*. S. Ambr. lib. 1. de penitentia cap. 1. Nemo, inquit, potest bene agere penitentiam, nisi speraverit indulgentiam. S. Aug. serm. 352. alias 27. inter 30. homil. cap. 3. docet spem non minus esse necessariam ad conservandam vitam spiritalem, quam respirationem ad vitam animalem. „Judam traditorem, inquit, non tam scelus, quod commisit, quam indulgentiæ desperatio fecit. penitus interire quod fecit in corpore suo, hoc factum est in anima ipsius Quomodo ergo qui sibi collum ligant, inde se occidunt, quia non ad eos intrat spiritus aeris hujus: sic illi qui desperant de indulgentia Dei, ipsa desperatione intus se suffocant, ut eos Spiritus sanctus visitare non possit.

Ex his autem sic conficitur argumentum: illud est necessarium necessitate medi, sine quo nec remissio peccatorum, nec æterna salus obtineri possunt; atqui ex dictis sine spe adulti nec remissionem peccatorum, nec salutem æternam obtinere possunt: Ergo spes necessaria est necessitate medi.

Secunda pars, quæ est de necessitate præcepti tam naturalis, quam divini, probatur 1. quoad præceptum naturale; quia recta ratio exigat, ut media ad salutem necessaria assumamus: atqui spes ex dictis est medium necessarium ad salutem æternam: Ergo.

Prob. 2. Quoad præceptum divinum, Pf. 65. *Sperate in eo omnis congregatio populi*. Eccli. 11. *Dirigam viam tuam, & spera in illum*, Osee 12. *Spera in Deo tuo semper*. 2. Petr. cap. 1. *Sperate in eam, quæ vobis offertur gratiam*.

Confirm. auctoritate Alexandri VII. & Cleri Gallicani, qui proscripserunt hanc propositionem: *Homo nulla unquam vita sua tempore tenetur eliceret assumet, si det,*

fidei, & Caritatis, ex vi præceptorum divinorum ad eas virtutes pertinentium. Quam propositionem Clerus Gallicanus anno 1700. declarat scandalosam, in praxi perniciosam, erroneam, inducentem fidei & Evangelii oblivionem.

Q. 2. *Quandonam tenemur elicere affectus spei?*

R. 1. Generatim quoties tenemur operari propter vitam æternam; non enim ad eam nitimur propriis viribus, sed omnipotentis Dei auxilio, quod misericorditer promisit sperantibus in se. Vide ergo an sit aliquod tempus, quo non teneamur tendere ad vitam æternam, quæ est ultimus noster finis, & intelliges utrum spes in nobis aliquando debeat manere otiosa. Enimvero sicut spes victoriæ conficit exercitum, spes lucri in unum corpus eligi mercatores; ita spes adipiscendæ vitæ æternæ congregavit Ecclesiam. Quid enim pollicitus est imperator noster, cum primos Evangelii sui præcones misit ad conscribendos militiæ suæ milites, & conducendos qui ejus nomine negotiarentur donec veniat? *Euntes, inquit, Matth. 10. prædicate dicentes, quia appropinquavit regnum celorum.* His promissis illecti innumeri nomen suum dederunt militiæ Christianæ, & collecta est Ecclesia. Exinde regnum celorum vim patitur, unus veri Christiani ardor illud rapere, unum studium augere lucra Domini sui; qui enim de futuro sæculo non cogitat, inquit S. Aug. serm. 9. alias 96. de tempore, nec propterea Christianus est, ut id quod Deus in fine promittit, accipiat, nondum Christianus est, aut saltem abortivus censendus; quotquot enim sumus Christiani, in Christo renascimur in spem vivam, juxta illud 1. Petri cap. 1. v. 3. *Regeneravit nos in spem vivam per resurrectionem Jesu Christi ex mortuis in hereditatem incorruptibilem, & incontaminatam, & immarcescibilem, conservatam in celis.* Qua autem virtute & industria arduum illud opus aggredimur? an propria? Sed male dictus, qui confidit in homine. Jer. 55. Ergo & in seipso, quia & ipse homo est.

Restat igitur, ut quemadmodum monet Apostolus

1. Thes.

1. Theſſal. 5. ſemper ſumus induiti loricaſ fidei & caritatis, & galeam ſpei ſalutis; hoc eſt, nihil præſumamus de nobis, ſed ſicut nobis eſt continua pugna, ita continuo ſpem noſtram in Dei miſericordiæ & omnipotentia figamus.

R. 2. Communis eſt Catholicorum ſententia, præceptum ſpei præſertim obligare in hiſce caſibus, 1. inſiſſio uſus rationis; ſicut enim tunc tenetur homo ad Deum ſe convertere per fidem, ut ſupra diximus; ita & per ſpem & caritatem. 2. in articulo mortis, & ita fert diſciplina & praxis Eccleſiæ, juxta quam Paſtores in ejusmodi circumſtantiis exigunt a quolibet fideli, ut non ſolum credat, ſed etiam ſperet carnis reſurrectionem & vitam æternam, ad quam jamjam migraturus eſt. 3. quando graves tentationes contra ſpem ingruunt, & animus concutitur motibus deſperationis, quia ſicut infidelitati opponenda eſt fides, odio dilectio, ſuperbiæ humilitas; ita ſpes diſperationi. Nec audiendi ſunt pseudo-Myſtici, dum dicunt Fideles caritate perfectos gratum Deo ſacrificium oblatoſ, ſi, ubi æterna ſalus ipsis deſperata apparet, omnes ejus ſpem abjiciant ex motivo puriſſimi amoris: proſcripta quippe eſt illa doctrina ab Innocentio XII. cujus Conſtitutionem unanimi conſenſu amplexi ſunt Antiſtites Gallicani, & promulgarunt unusquiſque in ſua Diœceſi anno 1699. 4. Cum urget pœnitentiæ præceptum; nam ex S. Ambroſio ſupra laudato, *nemo poteſt bene agere pœnitentiam niſi ſperaverit indulgentiam*. 5. Denique quando inſtat orationis neceſſitas, poſtulandum quippe eſt in fide & cum fiducia, ut late proſequimus Tract. de Religione, ubi de conditionibus Orationis. Cum autem oratio debeat eſſe continua, ſaltem moraliter, ut ibidem demonſtramus; vel inde colligitur quam frequentes & continui actus ſpei eſſe debeant.

Q. 2. *Exiſtine in hac vita is perfectionis ſtatus, in quo nec timor poenarum, nec deſiderium remunerationis æternæ ullam partem habeant?*

Aſſerunt novi Myſtici, ut patet ex eorum propoſitione

positione allata ad calcem præcedentis capitis, sed cum fuerit a Sede Apostolica rejecta & damnata, ac deinceps ab universo Clero Gallicano,

R. Non existit.

Probatur 1. ex Scriptura Rom. 8. v. 23. & seq. *Nos ipsi primitias Spiritus habentes, & ipsi intra nos geminus adoptionem filiorum Dei expectantes redemptionem corporis nostri. Spe enim salvi facti sumus. Si autem quod non videmus, speramus, per patientiam expectamus. Hæc dicuntur de perfectissimis Christianis, etiam de ipso Apostolo, qui raptus est usque ad tertium cælum, cuique nemo se adæquare præsumet, nedum antepone. Et Philip. 3. v. 12. & seq. non quod jam acceperim, aut jam perfectus sim. . . fratres, ego me non arbitror comprehendisse. Unum autem; quæ quidem retro sunt, obliuiscens, ad ea vero quæ sunt priora extendens meipsum, ad destinatum persequor. . . quicumque ergo perfecti sumus, hos sentiamus.*

Probatur 2. ex Sanctis Patribus. S. August. In Psal. 122. initio sic scribit; „ Non præter spem esse debemus, immo cum magna fiducia præsumere, quia „ si per caritatem ipse nobiscum in terra est, per eandem caritatem & nos cum eo in cælo sumus... „ Ille deorsum est compassione caritatis, nos sursum sumus spe caritatis; „ spe enim salvi facti sumus, Rom. 8. S. Bernardus supra laudato capite 15. de diligendo Deo: „ Nescio, inquit, si a quoquam hominum quartus (gradus) in hac vita perfecte apprehenditur, ut se scilicet diligat homo tantum propter Deum. Afferant hoc, si qui experti sunt: „ mihi, fateor, impossibile videtur. Erit autem proculdubio, cum introductus fuerit servus bonus & fidelis in gaudium Domini sui. „ Ubi S. Doctor non negat dari aliquos actus in hac vita, quibus homo diligat Deum non propter se, sed propter ipsum; id enim agnovit in iis, qui tertium gradum attigerunt. Sed contendit nullum esse statum vitæ hujus, in quo amor sui partem non habeat, nec ulla spe mercedis æternæ moveatur.

Probatur 3. ratione, quia quandiu hic degimus, nun;

nunquam defuit tentationes, corpus quod corrumpitur, aggravat animam identidem erigendam oratione, quæ sola Dei misericordia & omnipotentia nititur: caro concupiscit adversus spiritum, adversarius noster diabolus semper circuit querens quem devoret: Ergo ex Apostoli præcepto, Eph. 6. in omnibus assumendum est scutum fidei, & galea spei salutis, hoc est, fiducia in Deum, in qua sunt vires nostræ, ex adjutorio enim ejus vincimus, non ex presumptione nostra. S. August. conc. 2. in Psal. 90.

C A P U T IV.

De Spei certitudine.

Q. 1. *Spes Theologica estne certa?*

R. Certa est ratione sui: incerta respectu nostri: simpliciter tamen & absolute certa dici debet. Tres sunt responsionis partes.

Prima pars, quæ est de certitudine spei ratione sui, probatur 1. ex Scriptura, Psal. 23. *qui sustinent te, non confundentur.* Eccli. 2. v. 11. *Respice, fili, nationes hominum, & scitote quia nullus speravit in Domino, & confusus est.* Rom. 8. *spes non confundit.* 2. Tim. 1. *scio cui credidi, & certus sum, quia potens est depositum meum servare.*

Probatur 2. ratione. Illa virtus est certa ratione sui, quæ nititur medio certo & infallibili: scientia v. g. est cognitio certa quia habetur per medium certum & necessarium: contra vero opinio non est certa, quia medium ejus est incertum: atqui spes Theologica nititur medio certo & infallibili, nempe omnipotentia & misericordia divina, adde & veracitate, seu fidelitate in promissis, ait enim Psal. 36. *adjuvabit eos Dominus, & liberabit eos, & eruet eos a peccatoribus, & salvabit eos, quia speraverant in eo.* Quæ postrema verba expendens S. Bern. 9. in Psal. 9. sic habet. „dulcis causa: attamen efficax, attamen
„ irre-

12. irrefragabilis. Si hæc sapimus, ne quid cunctamur...
 13. huius uni tam solidæ, tam perfectæ, tam beatæ
 14. spei, tota devotione animi, toto fervore spiritus in-
 15. hære? Si quid illi impossibile, si quid vel diffi-
 16. cile est, quære aliud, in quo speres, sed verbo om-
 17. nia potest, quid facilius dictu? ... an vero de fa-
 18. cilitate jam non dubitas, sed ipsa tibi est suspecta
 19. voluntas? plane & voluntatis testimonia credibilia
 20. facta sunt nimis. . . . Denique quando in se spe-
 21. rantis desit illa majestas quæ tam studiose monet in
 22. se sperari? „ De quacunque tribulatione, inquit,
 23. clamaverint ad me, exaudiam eos. „ Ecce numera
 24. tribulationes. . . . dummodo ad alium non con-
 25. vertaris, dummodo clames ad eum, dummodo spe-
 26. res in eum, nec humile aliquid vel terrenum, sed
 27. altissimum ponas refugium tuum. Quis speravit in
 28. eo, & confusus est? facilius est cælum & terram
 29. transire, quam verbum ejus evacuari. „

Secunda pars, quæ est de incertitudine spei respectu
 nostri, est contra Pseudo-reformatos, qui definiunt fi-
 dem esse certam fiduciam, qua quisque firmiter credat
 se esse prædestinatum, & sibi indubitanter applicet
 promissiones generatim factas. Probatur autem Catholi-
 ca responsio ex Scriptura, Eccli. 9. *nescit homo, utrum*
amore, an odio, dignus sit, sed omnia in futurum ser-
vantur incerta. 1. Cor. 10. v. 12. *qui se existimat*
stare, vident ne cadat. Philip. 2. v. 2. *cum metu &*
timore vestram salutem operamini. Vide quæ in han-
 rem diximus Tract. de Grat. c. 4. §. 8.

Tertia pars, nempe quod spes simpliciter & abso-
 lute certa dici debeat, probatur; quia res quælibet
 affirmari & denominari debet ex iis, quæ ipsi per ac-
 cidentia adveniunt; ars, v. g. & prudentia sunt virtu-
 tes certæ & infallibiles, licet dubium esse possit, an
 aliquis ad illarum virtutum regulas opus suum exege-
 rit: atqui spes Theologica ex dictis prima nostra
 responsione, est certa ratione sui, ntpote quæ nitatur
 promissis Dei veracis & omnipotentis, de quibus ne-
 fas est dubitare & diffidere: quidquid sperans patitur
 incerti & fluctationis, nascitur ex defectu liberi arbi-

trii, & gravitate cordis humani, ejus consilia & intentiones penetrari nequeunt. Ita S. Thomas q. 18. art. 4. ad 3. „ Quod aliqui, inquit, habentes spem „ deficiant a consecutione beatitudinis, contingit ex „ defectu liberi arbitrii ponentis obstaculum peccati, „ non autem ex defectu divinæ potentie vel miseri- „ cordiæ, cui spes innitur. Unde hoc non præjudi- „ cat certitudini spei. „ Et in responsione ad 2. „ spes non innitur principaliter gratiæ jam habitæ, „ sed divinæ omnipotentie & misericordiæ; per quam „ etiam qui gratiam non habet, eam consequi potest, „ ut sic ad vitam æternam perveniat; de omnipoten- „ tia autem Dei & misericordia ejus certus est, qui- „ cunque fidem habet. „

Dices: illa virtus non est certa ratione sui, quæ est causa timoris: atqui spes Theologica est causa timoris; efficax enim desiderium possidendi bonum absens & arduum, naturaliter producit timorem illius amittendi, & quidem eo majorem, quo bonum illud pluris æstimamus, & obtentu difficilior apparet: ergo spes Theologica non est certa ratione sui.

Confirmatur. Ideo opinio non est cognitio certa, quia conjuncta est cum erroris periculo, & injicit timorem falsi: ergo nec spes Theologica, utpote quæ timore amittendæ beatitudinis, & excidendi a gratia sperantes percellat; qui enim tantum malum non metuit, aut ab omni spe dejectus est, aut certe nimium de se præsumit & in spem Theologicam peccat, ut dicetur infra.

Distinguo maj. Si per se & ratione sui timorem injiciat, quemadmodum opinor, Concedo: si per accidens & rationem alterius, nempe subjecti, quod deficere potest, Nego maj. Nempe prudentia & ars sunt cognitiones certæ, quia nituntur regulis infallibilibus; quanta tamen anxietas in artifice, præsertim cum tractat materiam pretiosam, quantus timor in viro prudente, cum de re magni momenti consulitur? uterque tamen certas habet regulas suæ disciplinæ; sed metuit ne ab iis recedat, deficiatque.

Distinguo similiter min. Spes Theologica est causa timor-

timoris per accidens & ratione subjecti, nempe sperantis, qui deficere potest; hoc est, minus quam par sit adhærere Dei promissis, & confortari in potentia virtutis ejus, ut loquitur Apostolus, Concedo: est causa timoris per se & ratione sui, Nego min. de infinita enim Dei misericordia & omnipotentia nullus dubitaverit, nisi infidelis & insipiens.

Ex timore igitur id unum colligere licet: nempe spem non esse certam respectu nostri, quia periculum est ne quis desit gratiæ Dei propter praviratem cordis sui, & innatam voluntatis levitatem ac inconstantiam. Sed timor ille nedum remittat spem nostram, quasi sit incerta, quin illam acuit, & ad Deum confugere vehementius impellit, juxta illud Psalm. 13. *qui timent Dominum, speraverunt in Domino*. Paradoxum & contra communem hominum sensum prima fronte videtur, quod timor sit causa sperandi: timor quippe perspicit malum imminens, & vitatu difficile; spes vero bonum absens & arduum. Sed distinguendum inter timorem hominis, & timorem Dei: hominem tum timemus, cum nobis male vult, & ideo manus ejus fugimus, certi quod non parceret, si in ejus potestatem nos venire contingeret. Deum vero timemus ne deserat, ne propter peccata a se projiciat; atque ejusmodi timore impellimur confugere ad illum, cujus natura est bonitas omnipotens, & opus misericordia, *qui timent Dominum, speraverunt in Domino*. Nec frustra; subditur enim *adjutor eorum, & protectio eorum est*. Adjutor, inquit S. Bernardus, ut liberentur a malis: protector, ne jam liberati iterum labantur. Quare? Quibus meritis? quia speraverunt in eo, *quoniam in me speravit*, inquit, *liberabo eum*, Psalm. 90. *hoc enim totum hominis meritum, si totam spem suam ponat in eo, qui totum hominem salvum facit*; spes nostra seu desiderium est veluti hydria in mentem S. Augustini, pro cujus amplitudine haurimus ex fonte divinæ bonitatis. Et S. Bernardus ad sensum tropologicum pro more transferens quod legitur Deuter. 33. *omnis locus, quem caleaverit pes vester, vester erit.... nullus stabis contra vos*, sic scribit: *pes vester utique spes*

*Spes vestra est. Et quantumcumque illa processerit, ob-
tinebit, si tamen in Deum tota figatur, ut firma sit,
& non titubet.*

Spem certam ac firmam exigit S. Doctor, utpote
quæ debeat omnipotentiae & misericordiae divinae,
quibus nostra beatusdo sit acquisitu possibilis; sicut
enim Deus meretur in dictis infinitam fidem, quia est
prima & infinita veritas: ita & in promissis infinitam
spem, quia est infinita & omnipotens bonitas. Cum
autem operari sequatur esse, ac proinde creatura fini-
ta non possit nisi finito modo agere, restat ut con-
tendamus semper crescere in fide, spe, & caritate
orantes cum Ecclesia, *da nobis, Domine, fidei, spei,
& caritatis augmentum.*

Ergo per excessum non peccatur contra spem; ne-
que contra duas alias virtutes Theologicas, fidem sci-
licet & caritatem, sed per defectum dumtaxat, si ra-
tio habeatur earum objecti; in eoque differunt a vir-
tutibus moralibus. Adversus istas quippe æque pecca-
tur per excessum, (sola iustitia excepta) ac per de-
fectum; quia objecto earum, utpote bono creato &
finito, voluntas adhærere potest plusquam oporteat &
deceat; bona enim creata sunt moderate amanda, &
propter majora dimittenda. Sed bonum in quod ten-
dunt fides, spes, caritas, est increatum & infinitum,
ac proinde in illud voluntas magis ac magis sese ex-
tendere debet. Porro qui ita sunt affecti, recte dicun-
tur ex toto corde credere, sperare, ac diligere.

Dixi, *si ratio habeatur earum objecti*, quia ratione
subjecti potest quis excedere circa virtutes Theologi-
cas; nimia quippe & imprudens contentio circa hu-
jusmodi virtutes, quæ noceret sanctitati, improbanda
esset tanquam excessus, quemadmodum inordinatus ze-
lus, nimia sui fiducia, &c. Sed qui censetur excessus
per ordinem ad subjectum, defectus est per ordinem
ad objectum, quod meretur infinite credi, concupisci,
& diligere.

Ergo qui sperat in Domino, quomodo præscribit
fides Catholica, & nos jam exposuimus, vere exuit
infirmiorem humanam, & induit fortitudinem Dei, ut
di-

dicat cum Apostolo, cum infirmus; tunc potens sum & omnia possum in eo, qui me confortat: quid enim non possit, qui innititur omnipotentia & misericordia divinæ, quam fides docet non defuturam, modo ipse non desit? Hinc S. Bern. confidenter scribit serm. 9. in Psalm. 90. „ Quidquid agendum sit, quidquid de-
 „ clinandum, quidquid tolerandum, quidquid optan-
 „ dum, tu es, Domine, spes mea . . . sperent in
 „ aliis alii, forte hic in scientia literarum; hic in
 „ astutia sæculi: ille in nobilitate, ille in dignitate,
 „ ille in alia qualibet vanitate confidat, propter te
 „ omnia detrimentum feci, & ut fletura arbitror,
 „ quoniam tu es, Domine, spes mea: Speret qui vult
 „ in incerto divitiarum: ego vero ne ipsa quidem
 „ nisi abs te victui necessaria spero . . . Si mihi
 „ præmia promittuntur, per te obtinenda sperabo. Si
 „ insurgant adversum me prælia, si læviatur mundus,
 „ si fremit malignus, si ipsa caro adversus spiritum con-
 „ cupiscat, in te ego sperabo. Fratres, hoc sperare,
 „ ex fide vivere est, nec alius ex sententia dicere po-
 „ test: „ quoniam tu es, Domine, spes mea.

Ergo præcipua cura sit Confessariis & Pastoribus, ut eos, quorum saluti deserviunt, bona spe in Deum compleant, meticulosos confirmet. doceantque timorem, quem Ecclesia donum Dei agnoscit pedum animum deicere, & a Deo repellere, quin ad ipsum impellet quasi ventum secundum flantem a tergo, ut relinquentes pristinam agendi consuetudinem, velocius ad æternæ salutis portum feramur; contra vero timorem, quem peccatores sibi fingunt tanquam murum oppositum, quo ipsis ad Deum intercluditur accessus, injici a spiritu maligno, ut spem adimat, aut saltem minuat, quo nihil perniciosius; qui enim hæsit, inquit S. Jac. cap. 1. *similis est fluctus maris, qui a vento movetur & circumfertur; non ergo astimet homo ille, quod aliquid accipiat a Domino; nec justificabitur peccator, nisi timor Dei illum in spem erigat; nec justus in virtute proficiet, nec perseverabit, nisi ita de se diffidat, ut firmam spem in Deo ponat.* Vir duplex animo, addit autem Apostolus citato loco, *inconstans est in omnibus suis* suis,

his, hoc est *vīr*; cujus animus veluti in duos dissectus, spe scilicet & metu, fiducia & diffidentia, audacia & desperatione, multa in sua anxietate tentat & movet, sed nihil promovet; si ex una parte exurgit, ex altera misere cadit. Quare Confessarius oleum operamque perdet, nisi pœnitentem eo adduxerit, ut de se prorsus diffidat, & certam spem in Deo collocet, quod magis perspicuum fiet ex dicendis capite sequenti.

C A P U T V.

De peccatis oppositis Spei Theologicæ.

Q. 1. **Q**uotuplex peccatum est spei oppositum?

R. Duplex, scilicet desperatio & præsumptio.

Q. 2. *Quid est desperatio?*

R. Est diffidentia assequendi beatitudinem, & obtinendi media ad illam necessaria. Itaque sicut Spei Theologicæ duplex est objectum obtentu possibile, primum, nempe beatitudo, seu possessio Dei; & secundarium, scilicet auxilia gratiæ, & bona opera, quibus tanquam mediis ad beatitudinem pervenitur; ita desperationis duplex assignatur objectum obtentu impossibile sive absolute, sive moraliter, hoc est, nimis difficile; nimirum beatitudo & media ad illam necessaria, puta pœnitentia, & alia bona opera. Porro bonum apprehensum ut possibile proponitur voluntati desperanti, ut incommodum disconveniens, & malum quoddam abjiciendum, seu fugiendum: apprehensum vero ut possibile, speranti exhibetur, ut conveniens & appetibile: & ideo desperatio est quidam voluntatis recessus a beatitudine, & mediis ad illam ordinatis: spes contra se habet ut accessus & conatus ad beatitudinem, & ad media, scilicet bona opera, quibus obtineri potest beatitudo.

Q. 3. *Quid est præsumptio?*

R. Est

R. Est temeraria expectatio beatitudinis, & mediorum illius assequendæ.

Dicitur temeraria, id est, vana, inutilis, & carens omni fundamento. Ejusmodi autem expectatio potest esse dupliciter temeraria, 1. quidem, quia non innitur divinæ misericordiæ, & omnipotentiz, sed viribus humanis sive propriis, sive alienis. 2. quia inordinate confidit in divina misericordia & omnipotentia, expectando scilicet quæ Deus nedum promiserit, immo se negaturum minatus est. Vana illa expectatione deluduntur, qui sibi meritum per bona opera in Deo facta comparare negligunt, & pœnitentiam ad mortem differunt, interim cupiditatibus suis laxantes habenas, quia ita audiunt quod scriptum est Ezech. 33. v. 12. *impietas non nocebit ei (impio) in quacunque die conversus fuerit ab impietate sua*, ut aures suas obturent ad ea, quæ alibi dicuntur: *Dies Domini sicut fur in nocte*, 1. Thess. 5. v. 2. *Qua hora non putatis, Filius hominis veniet*, Luc. 12. v. 39. *Ne tardes converti ad Dominum, neque differas de die in diem, subito enim veniet ira illius*. Eccli. 5. v. 8. *Iniqui regnum Dei non possidebunt: nolite errare*. 1. Cor. 6. v. 9. Unde S. August. serm. 21. novæ editionis scribit: „ Si mihi legis de Libro sancto, sicut indulgentiam tibi promissam esse converso, sic tibi promissum crastinum diem, differ ad crastinum. Proorsus quando te converteris, dabit: sed ipsum quando, quando est? „ Nusquam promittitur, ac proinde vana est illius expectatio.

Ergo desperatio contra spem pugnat per defectum: præsumptio vero per excessum, scilicet ex parte subjecti sperantis quod Deus non promissit: nam ex parte objecti excessus esse nequit, sed solummodo defectus, ut capite præcedenti probavimus.

Q. 4. *Desperatio & præsumptio suntne cum infidelitate conjunctæ?*

R. 1. Sunt aliquando, cum scilicet oriuntur ex judicio speculative falso, ut si quis desperaret se veniam consecuturum, aut pœnam æternam evasurum, credens cum Novatianis Ecclesiæ non esse concessam potestatem

remittendi graviora peccata post Baptismum commissa, vel cum Pseudo-Reformatis : Deum aliquos antecedenter prædestinasse ad malum culpæ, & ad supplicia æterna; ejus desperatio conjuncta esset cum hæresi. Cum autem illa circumstantia addat desperationi novam peccati speciem, in Confessione Sacramentali est explicanda; ideoque inquirendum a pœnitentibus, quam ob causam desperaverint. Idem dicendum est de præsumptione : potest enim oriri ex falsa & hæretica opinione vel Pelagianorum, quod solis liberi arbitrii viribus vitam æternam promereri possimus, vel Novatorum, quod fide sola sine nostris operibus justificemur & salvemur.

R. 2. Desperatio & præsumptio plerumque in Catholicis sunt sine infidelitate : attamen semper denotant fidem modicam & imperfectam.

Prima pars probatur, quia desperatio & præsumptio sunt defectus voluntatis, non adherentis iis, quæ intellectus lumine fidei illustratus judicat esse absolute & universaliter veræ; atqui necesse non est ad peccatum, ut peccans apprehendat generalem fidei regulam morum ut falsam, judicetque legem prohibentem, aut præcipientem esse iniquam; sed satis est quod ad eam non attendat, & voluntas ejus alio inclinet; sicut ille qui fornicatur, inquit S. Thomas q. 20. art. 29. eligendo fornicationem ut bonum sibi ut nunc habet corruptam æstimationem in particulari, cum tamen retineat universalem æstimationem veram secundum fidem, scilicet quod fornicatio sit mortale peccatum; judicium enim practice falsum circa objectum singulare potest consistere cum judicio, speculative vero circa idem objectum; Christianus fornicator v. g. speculative judicat fornicationem in genere esse quid malum & illicitum, alioquin esset hæreticus; & simul practice judicat sibi bonum esse fornicari in his singularibus circumstantiis. Similiter qui spem salutis abjicit, ita generatim credit Deum velle omnes homines salvos fieri, impossibilia non præcipere, dedisse Ecclesiæ potestatem quælibet peccata dimittendi, ut spectata gravitate peccatorum, & continua tentationum molestia spe decidat minus ex incredulitate quam ex ignavia. Idem di-

cendum de eo ; qui contra spem peccat præsumptione ; cernere enim est illum contra laxiores opiniones acriter propugnare necessitatem pœnitentiæ , & aliorum bonorum operum ; contra Semipelagianos constanter asserere non in nobis gloriandum , sed in Deo solo , a quo est omne posse , velle , & operari ; cum interim soli industriæ & labori innitatur , pensum orationis perfunctorie solvat , ipsique in litteris occupato hora precandi intempestive adveniat : quibus perspicuum sit Christianum posse speculative dogmata fidei credere , & simul practice pelagianice vivere , confiteri se nosse Deum , factis autem negare , ut loquitur Apostolus , Tit. i. v. 16.

Secunda pars nempe desperationem & præsumptionem denotare fidem modicam & imperfectam , probatur , quia fides viva fugat mentis tenebras , quas obducit dæmon ; ne & desperans perpendat Dei caritatem , qua sic dilexit mundum , ut Filium suum unigenitum daret , Joann. 3. & præsumens non advertat propriam infirmitatem , bonorumque temporalium vanitatem . Cum autem illa eadem sit perspecta ei , qui ex fide vivit , & veluti in clara luce ; nunc contra desperationem se firmat hisce verbis Apostoli Rom. 8. *qui etiam proprio Filio non pepercit . . . quomodo non etiam cum illo omnia nobis donavit ? . . . Quis ergo nos separabit a caritate Christi ? . . . Certus sum enim quia neque mors , neque vita . . . neque creatura alia poterit nos separare a caritate Dei , qua est in Christo Jesu .* Nunc contra præsumptionem , propriæ infirmitatis , & rerum temporalium vanitatis bene conscius opponit , *sufficiencia nostra ex Deo est , 2. Cor. 3. Existimo omnia detrimentum esse propter eminentem scientiam Jesu Christi Domini mei . . . & arbitror ut stercorea , ut Christum lucrifaciam . Philipp. 3.*

Q. 5. *Desperatio & præsumptio suntne peccata lethalia ?*

R. Sunt ex genere suo lethalia , si adfuerit sufficiens consensus .

Probatur , quia peccata virtutibus Theologicis opposita sunt ex suo genere aliis graviora . Cum enim ,

inquit S. Thomas q. 20. art. 3. „ virtutes Theologicæ habent Deum pro objecto, peccata eis opposita important directe & principaliter aversionem a Deo: In quolibet autem peccato mortali, principalis ratio mali & gravitas est ex hoc quod avertit a Deo. Si enim posset esse conversio ad bonum commutabile sine aversione a Deo, quamvis esset inordinata, non esset peccatum mortale. Et in eo illud quod primo & per se habet aversionem a Deo, est gravissimum inter peccata mortalia. „ Atqui desperatio & præsumptio, utpote peccata spei Theologicæ opposita, directe avertunt a Deo: Ergo ex suo genere sunt peccata mortalia, eaque gravissima.

Minor probatur, simulque elucidatur in hunc modum. Fides docet, & ratio naturalis demonstrat Deum esse ultimum finem, ad quem tendere oportet, & primum rerum principium, a quo omnia bona expectanda sunt. Illinc voluntas spe erigitur; Deum concupiscit, & nihil præterea, nisi propter ipsum: hinc bona expectat non ab ulla creatura, sed a Deo solo, cujus omnipotenti misericordia & bonitate innititur. Hic est supremus cultus, quem Deus primo loco a creatura rationali exigit, *invoca me in die tribulationis*, inquit Psalm. 49. *etiam te & honorificabis me*. Divinum illum honorem Deo denegare, summa injuria est: ad creaturam transferre, species est idololatricæ. Nihilominus tantæ impietatis reos se quodammodo constituunt, & qui desperat, & qui præsumit: ille quidem, quia ut patet, directe, & ut loquitur S. Thom. principaliter avertit se a Deo ultimo omnium fine. Sed quo perrecturos? Audi Apostolum de ejusmodi perditis, Ephes. 4. *Qui desperantes semetipsos tradiderunt impudicitie, in operationem immunditiæ omnis*. Præsumens quoque, utpote qui pelagianice gloriatur sive in se, sive in eo, in quo confidit, & cujus se creaturam quandoque nuncupare non pudet, ut significet se illi devinctum tanquam auctori bonorum suorum, honorem ad creaturam inique transfere, quem Deus, (a quo bona cuncta fluunt sive immediate, sive ministerio hominis, quem implet

veluti

veluti carnalem) sibi reservat , & ut debitum exigit in omnibus fere Scripturæ paginis : *gloriam meam alteri non dabo*, inquit Is. 42. & Jer. 17. *maledictus homo qui confidit in homine , & ponit carnem brachium suum , & a Domino recedit cor ejus . . . non videbit cum venerit bonum , sed habitabit in siccitate .* Ex gravitate autem pœnæ colligitur culpæ atrocitas .

Nec minus Deo exosa est altera præsumptionis species , qua quis , ut supra dicebamus , pœnitentiam differt spe misericordiæ consequendæ . Illud quippe nequidem ab iniquissimo Principe expectaretur , ut flagitiosum civem securum faceret veniæ obtinendæ , postquam cædibus & rapinis civitatem repleverit : ejusmodi gratia nec petitur , ne speratur etiam ab indulgentissimo , nisi pro delictis præteritis , nec conceditur nisi pollicenti vitæ emendationem : alioquin spem veniæ injicere pro flagitiis in futurum committendis , quid aliud est quam furem armare in suos concives ? Illud tamen ipsum præsumens sperat a Deo optimo maximo , quod a nequissimo Judice expectare non auderet : sperat in morte veniam peccatorum ; cur Deo figit illum terminum ? Quia in omni genere libidinum vitam terere proposuit , & juxta Lutheranorum impietatem , (quam tamen speculative detestatur utpote Catholicus) confidit se sine bonis operibus , & mandatorum observatione vitam æternam consecuturum . Absit a Christiano ut tam indigna de Deo sentiat . Scriptura reclamante , & contra execrandam hujusmodi præsumptionem fulminante , *nemini dedit spatium peccandi*, Eccli. 15. v. 21. *Ignoravi quoniam benignitas Dei ad pœnitentiam te adducit : secundum autem duritiam tuam , & impœnitens cor , thesaurizat tibi iram (non misericordiam) in die ire , & revelationis justi judicii Dei , qui reddet unicuique secundum opera ejus*, Rom. 2.

Dixi in responsione 1. *si adfuerit sufficiens consensus* ; quia in turbulentissimis desperationis tentationibus plerumque nullus aut saltem imperfectus adest consensus , tametsi pœnitentes conscientie nimium timide hujusce criminis se insimulent . Sed Confessarius verita-

sem explorabit si inquirat, num ex illo affectu consueta pietatis opera intermiserint: si enim pro more in iis perseveraverint, colliget eos non consensisse, nisi imperfecte: secus, si neglexerint, præsertim cum iungeret præceptum.

Dices 2. desperationem & præsumptionem esse peccata ex genere suo mortalia, ut innuerem posse aliquando esse venialia propter levitatem materiæ.

Dices: quilibet dissensus propositioni revelatæ etiam in materia levi, destruit fidem, & est peccatum mortale: Ergo.

Nego consequ. & paritatem. Disparitas est quod dissensus ille semper sit conjunctus cum contumacia, & cum contemptu divinæ auctoritatis revelantis, & Ecclesiæ proponentis, alias non esset infidelitas, sed error dumtaxat, ut supra diximus, contumacia autem & contemptus semper est damnabilis. At levis præsumptio vel dissidentia circa aliquod medium ad salutem omnino necessarium, potest esse sine contemptu, sed ex mera infirmitate, ac proinde non perimet habitum spei, sicut nec levis offensa contra caritatem proximo debitam destruit habitum caritatis.

Q. 6. *Quare desperatio & præsumptio dicuntur peccata in Spiritum Sanctum?*

R. Quia ex dictis pag. 159. peccata in Spiritum Sanctum sunt ea, quæ specialiter pugnant contra Dei bonitatem & ejus dona, quibus declinamus a malo: atqui sic se habent desperatio & præsumptio. Desperatio quidem, utpote quæ sit contemptus bonitatis, qua Deus seipsum offert in præmium & beatitudinem nostram. Præsumptio etiam, idque dupliciter, 1. quatenus est vana expectatio beatitudinis sine poenitentia & bonis operibus, in qua expectatione necessario intelligitur contemptus donorum, quibus incitatur ad bene operandum. 2. quatenus est fiducia in viribus humanis, neglecto Dei adiutorio, sine quo nec peccatum vitari, nec salus obtineri potest. Quomodo autem peccata in Spiritum Sanctum, ac proinde desperatio & præsumptio dicantur irremissibilia, exposuimus pag. 159. & 160.

Q. 7. *Desperatio & præsumptio suntne peccata omnium gravissima?*

R. Sunt quidem omnium perniciosissima; non tamen gravissima. Ita S. Thomas q. 24. art. 3.

Prima pars probatur; quia qui nec timore coerceatur, nec spe incitatur, tanquam effrænis omni intemperantiæ se ipsum addicit, non eum movet virtutis honestas; non frangit legum auctoritas: nam ex S. Thoma q. 22. art. 1. *lex sine fide, & spe locum habere non potest*. Unde S. August. serm. 87. illa duo, inquit, *occidunt animas, aut desperatio, aut perversa spes*, id est præsumptio. Et serm. 20. *Si desperes, peris: si speres, peris. Ubi tibi tutus locus erit, ut ab utraque fovea te eripias? male desperabas, audisti, in quacunque die conversus fuerit iniquus, omnes iniquitates ejus obliviscar. Male sperare cuperas, audisti, ne tardes converti ad Dominum; neque differas de die in diem. Undique te circumdedit Providentia Dei misericorditer*. Et serm. 352. *ne desperando augeamus peccata, propositus est penitentiae portus; rursus ne sperando augeamus, datus est dies mortis incertus*.

Secunda pars probatur: quia peccatum eo gravius est, quo pugnat contra præstantiorem virtutem, quemadmodum in Physicis mors censetur majus malum quam cæcitas, quia destruit majus bonum, scilicet vitam: atqui odium Dei directe pugnat contra præstantiorem virtutem, nempe caritatem: ergo odium Dei est gravius peccatum, quam desperatio & præsumptio, quæ inferiori virtuti, nimirum spei, formaliter opponuntur.

Ergo desperatio & præsumptio sunt ex suo genere peccata graviora peccatis, quæ pugnant contra virtutes morales, ut avaritia, injustitia; quia destruunt majus bonum, scilicet spem Theologicam, quæ præstat virtutibus moralibus.

Utrum autem sint infidelitate graviora, ambigitur. Negat S. Thom. cit. art. 3. Nonnulli distinguunt. Si desperatio immediate oriatur ex fastidio summi boni, quasi displiceat Dei possessio, est infidelitate peior; majorem enim præfert Dei contemptum. Si autem

nascatur ex quodam tædio & ignavia, secundum quam beatitudo judicatur acquisitu difficilior, infidelitas gravius est peccatum, quia directe pugnat contra Dei veritatem, desperatio vero sic spectata indirecte solum contra Dei misericordiam & omnipotentiam. Atque hoc sensu Doctorem Angelicum intelligendum censent illi Theologi.

Ceterum, parum est malum desperationis & presumptionis detexisse, nisi sit & illius curandi studium, quod efficax non fuerit, si ignoretur ejus causa. Quamobrem

8. *Quanam sunt cause desperationis & presumptionis?*

Respondet S. Thomas acediam, hoc est, fastidium boni spiritualis, præsertim divini esse causam desperationis; superbiam vero & inanem gloriam presumptionis.

Ad curandum ergo desperationis morbum expellenda est illa animi tristitia, quam S. Thomas post S. Gregorium vocat acediam: hoc est, fastidium bonorum spiritualium. Qui vero? Nempe sicut satietas nauseam parit, nec fastidians stomachus levatur nisi maiorum humorum egestu; ita fastidium rerum cælestium ingerunt terrenæ cupiditates & mala conscientia, ut Deus palato animæ sapere non possit, nos proinde concupisci, nisi detractis pravis affectibus; timida quippe est nequitia, & semper . . . præsumit se va, perturbata conscientia, Sapientiz 17. Unde S. August. conc. 2. in Psalm. 31. vult spem & bonam conscientiam esse nomina synonyma etiam in mente Apostoli, pro spe, inquit, bonam conscientiam posuit (Apostolus); ille enim sperat, qui bonam conscientiam gerit: quam vero pungit mala conscientia, retrahit se a spe, & non sibi sperat nisi damnationem. Ut ergo speret regnum, habeat bonam conscientiam.

Sed plurimis refert exponere, quid nomine malæ conscientiz intelligendum sit, ne S. Doctor peccatoribus spem salutis adimere, eosque in desperationem adducere videatur.

Mala igitur conscientia ex dictis est iudicium erroneum

neum lumini fidei & rationis practice repugnans, & connotans malam voluntatem, a qua imperatur. Unde vulgo mala conscientia accipitur pro mala voluntate, quamvis sit practicum mentis iudicium, recte rationi oppositum; quia mala voluntas mentem impellit, cogitque ad erroneum ejusmodi iudicium ferendum. Quamobrem qui male affectus est, non immerito dicitur homo malæ fidei, & malæ conscientiæ, nec sperare sibi potest nisi damnationem: Sed si impius præveniente Deo & adjuvante, mutet affectum & consilium, ac de præteritis erubescat, doleatque, incipit gerere bonam conscientiam: iudicium quippe ejus est practice rectum, jam cum lege divina concordat, laudat & amplectitur quod illa præcipit, damnat & rejicit quod illa prohibet. Speret ergo in eum, qui justificat impium, non propter præcedentia merita, cum nulla sint, nisi mala; sed per fidem non quam fingunt hæretici, sed quam exponit Apostolus, quæ per dilectionem operatur: *spem enim*, inquit S. August. *ibid. genuit bona conscientia: quomodo mala conscientia tota in desperatione est, sic bona tota in spe*. Spei conatum non remoretur dissidentia, quam importune ingerit memoria præteritorum criminum, non concidat propter conscientiae morsus ob male ante actam vitam; ejusmodi enim vermibus paullatim consumitur peccatorum putredo, quæ consumpta & ipsi moriuntur, tuncque paratum & confirmatum erit cor ejus sperare in Domino sine ea difficultate, quam initio expertus est.

Quod autem superbia sit causa præsumptionis probatur. Duplex enim est præsumptio: altera, qua quis viribus humanis expectat salutem & ea quæ ad illam conducunt, & is manifeste sibi & proprio labore tribuit, quod a solo Deo per continuas orationes expectandum est. Altera, qua ex Dei misericordia quis sperat se consecuturum salutem sine bonis operibus, & veniam sine poenitentia: *talis præsumptio*, inquit S. Thomas quæst. 21. art. 4. *videtur vtri directe ex superbia, ac si ipse tanti se existimet, quod etiam cum peccantem Deus non puniat, vel a gloria excludat*. Enim vero intoleranda est superbia, quod filius iræ,

alios gehennæ nedum coram Deo se deſiciat, illum-
que precibus & aliis bonis operibus propitium ſibi
reddere curet, quin de illius miſericordia diſponere
præſumat, tanquam dominus, qui famulo diceret,
*Recede, nunc tua opera uti non mihi vacat, venies
cum te vocavero*, qui enim recte vivendi horam pro-
vogat, & oblatam gratiam ad morbum ſervandam de-
ſinit, nonne legem Deo imponit, præſcribitque tem-
pus, quo opitulari debeat, adeo ut jam non ſit miſe-
rentis Dei, quemadmodum loquitur Apoſtolus, ſed
volentis hominis? Deus quippe nunc vocando vult
miſereri, ſed non ſit, quia non vult peccator; mali-
tia enim & duritia voluntatis in cauſſa eſt, cur non
ſiat. Sed ait præſumens; tum voluntas mihi erit,
cum mortis imminet periculum. Ergo innititur ba-
culo arundineo, nempe voluntati infirmæ & inconstantî,
quam impræſentiarum ſentit in malo ita obduratam,
ut gratiæ quæ ipſi offertur, non obtemperet, damna-
biliter quidem, quia cum poſſit, libere non vult, ſed
nec ea voluntate in poſterum volet, niſi Deus dederit
plenam, expeditam, & efficacem voluntatem: nam ex
Apoſtolo Philip. 2. *Deus eſt qui operatur & vult &
perficere pro bona voluntate*. Ex quibus peſpicuum eſt
cujuslibet præſumptionis cauſſam eſſe ſuperbiam, qua
quis ſe pluris exiſtimat, quam debeat.

Ergo præſumptio humilitate expugnanda eſt; ac
proinde qui vult conſidere in Domino, ſe & cetera
pro nihilo putet, dicatque cum regio Propheta Pf. 128.
Deſecit in ſalutare tuum anima mea. Bonus defectus,
inquit S. Aug. quia ubi deficit humanum, totum eſt
divinum, tum præſertim Apoſtolus potentem ſe cre-
didit, cum maxime ſe ſenſit infirmum, 2. Cor. 12. v. 10.
quia Deus non derelinquit, qui de ipſo præſumunt;
præſumentes vero de ſe, & de virtute ſua gloriantes
humiliat, ut dicitur Judith. 6. v. 15. *Beatus igitur,
cujus nomen Domini ſpes ejus*; ſed quis ille? qui non
reſpexit in vanitates & inſanias falſas. Pfal. 39. ſed
deficit in ſalutare Dei. Omnes quidem illud concu-
piſcunt: quam vero pauci a ſeipſis & ceteris rebus de-
ſiciant, ut ſola omnipotentis Dei bonitate, & miſeri-
cordia.

cordia nitantur, probat adversitas, quæ plerisque ita dejicit, ut eo se miseros inclinare solent, quod nulla eis spes supersit, nisi in Domino, hoc est, spes otiosa, quæ eos sustentare nequeat. In rebus ergo prosperis stabant solis suffulsi prædiis humanis, veluti ædes ruinosa tignis & arrectariis & aliis ejusmodi adminiculis innixæ, quæ si subduxerit, statim corruunt, utpote quæ iis, non parietibus inclinatis, niterentur. Qui autem spe Theologica confidit in Domino, sicut mons Sion non commovebitur, etiamsi cetera defint, quin gloriatur in tribulationibus: *Gloriamur in spe gloriæ filiorum Dei*, inquit Apostol. Rom. 5. *non solum autem, sed gloriamur in tribulationibus, scientes quod tribulatio patientiam operatur, patientia autem probationem, probatio vero spem: spes autem non confundit.*

Ex his colliges, quam continua nobis debeat esse pugna contra præsumptionem & superbiam, utpote vitia spei Theologicæ maxime noxia: quamvis enim habitum ejus non semper destruant, actum tamen ejus impediunt, efficiuntque ut nostra agendi ratio, & tota vitæ series viribus humanis, non Dei auxilio innitatur.

C A P U T VI.

De causis spei Theologicæ.

Q. 1. *Quæ sunt causæ spei Theologicæ.*

R. Ex quatuor causis, quæ vulgo recensentur, scilicet finalis, efficiens, formalis, & materialis, nulla potest esse quæstio, nisi circa materialem. Certum quippe est Deum esse causam finalem & efficientem spei Theologicæ; finalem quidem, quatenus est nobis bonus; efficientem vero, quatenus eam infundit in cordibus nostris: spes enim Theologica est virtus supernaturalis, quæ non potest haberi, nisi per infusionem a Deo. Causa autem formalis spei nulla est, utpote quæ ipsa sit forma informans animam.

vel per modum habitus, si spectetur ut habitualis; quemadmodum in infantibus & dormientibus: vel per modum actus, si sermo sit de spe actuali.

Cum autem duplex sit causa materialis: alia ex qua totum componitur, ut homo ex corpore: alia, in qua forma accidentalis, ut habitus & actus, residet tanquam in subiecto: certum est spei nullam esse causam materiale ex qua: cum enim spes sit forma spiritualis, non componitur ex materia, quemadmodum substantiæ corporeæ completæ. Tota igitur difficultas est circa causam materiale in qua, seu subiectum spei Theologicæ. Itaque

Q. 2. *Quodnam est subiectum spei Theologicæ.*

R. Nulla est spes Theologica, nisi in habentibus fidem; quia fides ex Apostolo est substantia, seu fundamentum rerum sperandarum: *Domus Dei*, inquit supra S. Augustinus, *credendo fundatur, sperando erigitur, diligendo perficitur*: atqui sublato fundamento, quod superstruitur, corruat necesse est: ergo sublata fide, pereunt spes & caritas. Sed sicut paries potest esse sine tecto, & fundamentum sine parietibus; ita spes sine caritate, ut in peccatoribus, & fides sine spe, in iis qui desperant.

Ergo spes Theologicæ non est in damnatis, Hæreticis & Beatis, cum nulla in iis sit fides.

Confirmatur speciatim de damnatis contra Origenem & alios, quos Misericordes vocant, quia ex quodam commiserationis affectu docebant pœnas damnatorum aliquando finiendas, & ita spem eis superasse contra expressissima Scripturæ verba, Prov. 17. *montuo homine impio, nullu erit ultra spes*, Matth. 25. v. 40. *ibunt hi in supplicium æternum*: Quibus verbis percluditur evasio Misericordium, qui ita concedebant ignem Inferni fore æternum, ut negarent pœnas reprobatorum similiter æternas. Unde merito S. Augustinus lib. 21. de Civ. Dei cap. 27. scribit Ecclesiam ferre nequivilisse ejusmodi hominum disputationem. Et cap. 15. eos tanto errasse deformius, & contra recta Dei verba perversius, quanto sibi videbantur sentire clementius.

Ergo spes remanet in animabus detentis in Purgatorio;

torio: tum quia fides in eis remanet, ut supra diximus: tum quia possessio Dei, quam diximus primum spei objectum, est ipsis bonum absens & arduum, cum illud non sint consecuturæ nisi per acerbos cruciatus.

C A P U T VII.

De effectibus Spei Theologicæ.

Q. 1. **Q**ui sunt spei Theologicæ effectus?

R. Spes Theologica, nisi sit mortua, hæc quatuor potissimum præstat. 1. Sperantem reddit bonis operibus intentum & solertem. 2. Firmat in adversis. 3. Fugat timorem mundanum. 4. Injicit timorem Dei.

Ac primo quidem generatim spes etiam spectata ut passio, animos accendit, sperantem attentum reddit ad opus, solertiam acuit, quæ obstacula vel superet, vel declinet, & ea quæ videretur superflua, in proprios usus convertat: *Gemma gratissima*, inquit Sapiens, Prov. 17. *Expectatio præstolantis, quocunque pergit, prudenter intelligit*: hoc est, qui rem gratissimam exoptat, ac consequi desiderat, in omnibus prudenter se gerit, caute & circumspecte agit, ne quid utilium ad finem præconceptum excidat. Illud cernere est etiam in belluis: canis v. gr. quandiu non odoratur feram, vagatur huc illucque lente discurrens. At ubi odorem prædæ perceperit, spemque illius consequendæ conceperit, statim incitatur, & rapido cursu ad eam recte tendit per tribulos ac spinarum aculeos, non deficiens neque a dextris, neque a sinistris, donec vel consecutus sit, vel spem consequendi amiserit. Sic spes lucri meretores & artifices agit, inde nascitur improbus eorum labor, & singularis illa sagacitas, qua cuncta in res suas vertunt, illque tum maxime prospiciunt, cum alienis consulere videntur.

Porro si spei generatim spectatæ ea sit vis & actio, quid

quid non efficiet spes viva Christianorum, in qua regenerati sunt? nam ex S. Aug. in Pl. 103. conc. 4. sub finem: *Vita nostra modo spes est, vita nostra postea aternitas erit; vita nostra mortalis, spes est vita immortalis.* Ad hanc felicitatem fertur omnis Christianorum cogitatio, dicente Apostolo Phil. 3. *Nostre conversatio in calis est,* Et 2. Cor. 4. *Non contemplantibus nobis quae videntur, sed quae non videntur:* Propter illam assequendam vigilat eorum sollicitudo, prudentia & circumspectio, ne quid utilium ad tantum bonum promerendum illos effugiat. Quid vero ad illud conducere non possit, cum ex Apostolo 1. ad Cor. cap. 6. spes Theologica aequae per adversa ac per prospera, per gloriam & ignobilitatem, per infamiam & bonam famam illuc perducatur?

Secundo, spes Theologica firmat in adversis, juxta illud Apostoli Hebr. 6. v. 18. 19. *Confugimus (in adversis) ad tenendam propositam spem, quam sicut anchoram habemus: anima tutam ac firmam.* Hæc scribit Apostolus similitudine ducta a nautis, qui ingruente tempestate, ne navis per abrupta feratur ad anchoras confugiunt, & ubi eas in terra defixerint, frustra minatur tempestas, navis est in tuto, fluctuat quidem, agitur maris fluctibus; sed non abducitur. Sic Christianus persecutionum procellis impetitur, & tentationum ventis vexatus, ad spem confugiat, ac in Deo eam defigat, & adversariorum minas ridebit securus: » Quemadmodum ergo, inquit S. Aug. in Pl. 64. de » navi, quæ in anchoris est, recte dicitur quod jam » in terra sit; adhuc tamen fluctuat, sed in terra » quodammodo educta est contra ventos & tempestates; sic contra tentationes hujus peregrinationis » nostræ spes nostra fundata in illa civitate Jerusalema facit nos non abripi in saxa.

Tertio, spes Theologica, si sit viva, fugat timorem mundanum, utpote ipsi oppositum; timor quippe mundanus is dicitur, quo quis bonis temporalibus nimis addictus, ea amittere ita timet, ut pro eorum conservatione legem eludere falsis interpretationibus, vel etiam aperte transgredi paratus sit: atqui ejusmo-

si timor manifeste pugnat contra spem Theologicam : Ergo .

Min. prob. In spe Theologica tria intelliguntur :
 1. Desiderium beatitudinis & conatus ad illam . 2. Timor illius amittendæ , qui dicitur timor Dei : tum quia est donum Dei : tum quia est timor illius offensæ , per quam solam potest amitti beatitudo . 3. Fiducia in Dei bonitate & omnipotentia : atqui timor mundanus tria illa impugnat : qui enim ejusmodi timore percellitur . 1. Inordinate concupiscit bona temporalia , ad ea per cupiditatem convertitur , & conatur ; sicque ex hoc capite pugnat contra spem , quam diximus esse conatum ad cælestia . 2. Ex ejusmodi cupiditate , tanquam ex mala radice nascitur timor temporalia amittendi , quod aliquando fieri nequit sine peccato , puta perjurio , injustitia , simonia , &c. & ita timor mundanus expellit timorem Dei , quemadmodum dicitur Eccli. 23. v. 27. *Expellit a se timorem Dei hujusmodi hominis timor* , estque lethalis ex suo genere , cum avertat a Deo , impellatque ad gravissima quæque peccata . Hinc frequentes in Scripturis commonitiones , ut caveamus a timore mundano tanquam ab efficaciori Satanæ dolo , qui , aucupis instar , quos illecebris allicere non potuit , hos vanis terroribus in laqueos propellit : *Timorem eorum ne timueritis* , 1. Petri. 3. *Quis tu , ut timeres ab homine mortali , & a filio hominis , qui quasi fanum ita arefuit ?* Isaïæ 51. v. 12. *Nolite timere opprobrium hominum* . Ibid. v. 7. *Nolite timere eos , qui occidunt corpus* . Matthæi 10. Christianus ergo homini minanti respondeat , unus est mihi metus , scilicet ne te timeam , & ad Deum deprecatio mea , ut spernam minas tuas , juxta præceptum ejus . 3. Timor mundanus sola nititur prudentia carnis , & sapientia sæculi , ac proinde advertatur fiducia , qua spes Theologica Christianos defixos & firmos tenet in omnipotentia Dei & misericordia , juxta illud Ps. 26. *Dominus protector vite mee* , a quo trepidabo ? In quem locum sic scribit S. Augustinus : „ protegitur Imperator scutatis , & non timet : protegitur a mortalibus

20 mortalis, & securus est; protegitur mortalis ab
 21 immortalis, & timebit, & trepidabit? ... quid mi-
 22 hi facit bellum? potest mihi auferre spem meam?
 23 potest mihi auferre quod dat Omnipotens? sicut non
 24 vincitur qui dat, sic non auferitur quod dat; si au-
 25 ferri potest datum, vincitur dator ... Ergo quia
 26 nemo nobis potest auferre quod Deus dat, non ti-
 27 meamus nisi Deum. *Et in Ps. 32. conc. 2.* Fera se-
 28 vit, Deum time; serpens insidiatur, Deum time;
 29 homo te odit, Deum time; Diabolus te impugnat,
 30 Deum time. Tota enim creatura sub illo est,
 31 quem iuberis timere. Porro quod doctrina hic
 auribus extrinsecus intonat, illud ipsum spes Theo-
 logica, si viva sit, interius operatur. Dico, si viva
 sit: uti debet esse spes Christianorum, ut qui sine
 regenerati in spem vivam, nam si sit mortua & in-
 formis, ut in carnalibus, superbis, ac de se prae-
 sumptibus, manet iners & sine fructu.

Dices: Rom. 13. Commendatur timor humanus, si-
 ve mundanus: *Si malum feceris, time (Principem)*
non enim sine causa gladium portat: Et Luc. 18. vi-
 superatur Judex, qui nec Deum timebat, nec homi-
 nem reverebatur: Ergo timor mundanus non est
 malus.

Nego ant. Quia ex S. Th. q. 19. art. 3. timor quo
 timeatur Princeps vel Judex, quatenus in eo reluceat
 aliquid divinum, scilicet potestas ipsi a Deo concessa,
 qua utitur tanquam Dei minister ad impediendum,
 vel puniendum malum, proprie est timor Dei, non
 hominis. Solus igitur timor, quo quis inducitur ad
 peccandum, dicendus est humanus, vel mundanus.

Instabis; Quod nobis inest a natura, non est ma-
 lum, cum illud sit a Deo: atqui inest nobis a natura
 timere mortem, & alia vitæ incommoda? Ergo.

Dist. min. Cum S. Th. cit. art. ad 3. timere se-
 cundum rectam rationem, Conc. Timere contra ra-
 tionem, Nego min. *Quod autem homo, inquit S. Do-*
ctor: Propter ista recedat a iustitia, est contra ratio-
nem naturalem. Unde Philosophus dicit in 3. Ethic.
quod quedam sunt, scilicet peccatorum opera ad qua-
nula

nullo timore aliquis debet cogi, quia pejus est hujusmodi peccata committere, quam penas quasvisque pati.

Quarto spes Theologica injicit timorem Dei, quia ex S. Th. q. 19. art. 3. *Timor ex amore nascitur; illud enim timet homo amittere quod amat*: Atqui spes Theologica est amor & desiderium possidendi Deum: ergo ex illa nascitur timor tanti boni amittendi, qui, ut diximus, proprie est timor Dei.

Q. 2. *Quotuplex est timor Dei?*

R. Triplex, nempe servilis, quo timet quis puniri a Deo: filialis, quo timetur offensa Dei: & initialis quo timetur simul pœna & culpa.

Timor servilis ita vocatur, quia servi vulgo non continentur in officio, nisi metu pœnarum. Ideo autem servi urgendi sunt minis, quia ut plurimum student propriis commodis, nec ad eos, utpote mercenarios, pertinet res domestica.

Hinc timor Dei in peccatoribus dicitur servilis, serviunt enim suis cupiditatibus, & mala sua voluntate averſi sunt a Deo, nec curant ejus honorem & gloriam, unde pœnarum metu a malo deterreantur, necesse est.

Ergo in timore servili duo sunt distinguenda. Alterum quod est ipsi intrinsicum & essenziale, nempe fuga pœnæ. Alterum quod est ipsi extrinsecum & accidentale, nimirum ipsa servilitas, seu repugnantia, cum qua peccator gehennæ metu abſtinet ab iis, quæ male concupiscit. Primum est a Deo: secundum a cupiditate & mala voluntate. Et sicut fides informis, vel spes informis eadem manens potest fieri formata; quia, ut diximus, esse informe est quid accidentarium fidei & spei; similiter timor servilis potest esse sine servilitate, & evadere filialis vel initialis, hoc est, conjungi cum bona voluntate & caritate.

Timor itaque filialis sic nuncupatur, quia est proprius filiorum, qui animo volenti & liberis affectibus jussa parentum implent, nec aliud timent, quam ipsis displicere. Hic timor dicitur etiam castus, quia casta conjux non minus agitur sicut adultera, sed amore dun-

taxat, ex quo id unum times, scil. ne sponso vel minimam afferat molestiam. Ergo timor ille non ex spe, sed ex caritate oritur, quia peccatum spectat ut malum amici, spes vero ut malum sperantis, quatenus nempe est impedimentum beatitudinis.

Timor initialis ita dicitur, quia est initium & inchoatio timoris filialis, nec differt ab eo, nisi ut perfectum ab imperfecto, sicut puer a viro, calor remissus a calori intensiori; qui enim agit ex timore initiali, declinat a peccato partim ex amore iustitiæ, quatenus peccatum est offensa Dei: partim ex timore pœnæ æternæ, quia cum amor sit in eo admodum remissus, indiget timore servili, quo veluti calcaribus incitetur. Unde juxta S. Augustinum ubi minor est caritas, major est pœnæ timor, & ubi caritas major, ibi minor est timor: perfecta autem & consummata caritas ut in Beatis omnem pœnæ timorem expellit, quemadmodum summus calor, qualis est in igne, nihil frigoris secum admittit, calor vero remissus plus minus frigoris patitur in eodem subjecto, prout magis vel minus remissus.

Q. 3. *Triplex ille Dei timor estne bonus.*

R. 1. Certum est timorem filialem & castum esse optimum, cum sit effectus caritatis: *Timor filialis*, inquit S. Thomas, q. 19. art. 10. *neceffe est quod crescat, crescente caritate, sicut effectus crescit crescente causa; quando enim aliquis magis diligit aliquem, tanto magis timet eum offendere, & ab eo separari.*

Ergo timor filialis remanet in patria, juxta illud Psalm. 18. *Timor Domini sanctus, permanens in seculum seculi*: quia ibi perfecta est caritas.

Ergo timor summus filialis fuit in Christo Domino, teste Propheta Isaia, cap. 11. ubi sic habet: *Replebit eum Spiritus timoris Domini*; quia sicut Deum summe diligebat, ita summe reverebatur.

Advertit tamen sanctus Thomas cit. q. 19. art. 11. timorem filialem non esse in Beatis, nec proinde in Christo Domino, tamquam fugam mali possibili, sed per modum aversionis ac detestationis, scilicet peccati, & perfectæ reverentiæ erga Deum, ex qua tremunt Po-

testa-

testates; quia non apprehendunt peccatum ut malum possibile, quod fugere debeant, cum revera sit ipsis impossibile.

Ergo timor initialis quatenus oritur ex nascente caritate & amore justitiæ, bonus est, ut patet ex mox dictis. Difficultas est dumtaxat circa timorem servilem, quem adjunctum habet timor initialis.

R. 2. Extra controversiam quoque est servilitatem ipsam, quam diximus, esse extraneam & accidentalem timori poenæ esse malam, tum quia oritur ex mala voluntate: tum quia est formale odium justitiæ, & legis eam præcipientis; De ejusmodi servilitate intelligendus est S. Augustinus epist. 145. alias 144. ad Anastasium, in qua sic scribit: *Inaniter putat visitorem se esse peccati, qui poenæ timore non peccat; quia etsi non impletur foris negotium malæ cupiditatis, ipsa tamen mala cupiditas intus est hostis. Et quis coram Deo innocens invenitur, qui vult fieri quod vetatur, si subtrahas quod timeatur? At per hoc in ipsa voluntate reus est, qui vult facere quod non licet fieri, sed ideo non facit, quia impune non potest fieri. Nam quantum in ipso est, mallet non esse justitiam peccata prohibentem atque punientem. Et utique si mallet non esse justitiam, quis dubitaveris quod si posset, auferret? ac per hoc quomodo justus est justitiæ talis inimicus? Et in Pl. 32. conc. 1. qui timendo non facit male, male faceret, si liceret: itaque etsi facultas non datur, rea voluntas tenetur. Eadem repetit in Psalm. 118. serm. 25.*

Tota igitur controversia est circa timorem servilem, quatenus præcise est fuga poenæ, utrum scilicet bonus sit, an malus.

Pseudo-Reformati non distinguentes inter servilitatem timori adjunctam, & ipsum gehennæ timorem essentialiter spectatum, absolute definierunt gehennæ metum esse peccatum, contra quam impietatem extat can. 8. sess. 6. Conc. Tridentini. Si quis dixerit, inquiunt Patres, gehennæ metum, per quem ad misericordiam Dei de peccatis dolendo confugimus, vel a peccando abstinemus, peccatum esse, vel peccatores peiores facere; anathema sit. Quare

R. 3. De fide est timorem servilem secundum essentiam spectatum, esse bonum; patet ex canone mox laudato.

Probatur 1. ex Scriptura, Luc. 12. vers. 5. *Time-
te eum, qui postquam occiderit, habet potestatem mitte-
re in gehennam: ita dico vobis, hunc time-
te*. Innu-
mera proferri possunt testimonia ex lege, Psalmis, &
Prophetis, quibus Deus peccatores ad meliorem fru-
gem se recipere compellit: atqui perabsurdum est;
quin & blasphemum, asserere Deum uti malis artibus
propter bonum finem.

Probatur 2. ex Patribus. Sanctus Augustinus in Ps.
127. de timore servili, sic habet: „ Bonus est & il-
„ le timor utilis est: sed nondum est ille castus per-
„ manens in sæculum sæculi. „ Et ser. 157. alias 13.
de verbis Apostoli c. 13. „ Qui, *inquit*, adhuc be-
„ ne agit, quia pœnam timet, Deum non amat,
„ nondum est inter filios: utinam tamen vel pœnam
„ timeat. Timor servus est, caritas libera est, &
„ ut sic dicamus, timor est servus caritatis. Ne pos-
„ sideas diabolus cor tuum, procedat servus in corde
„ tuo, & servet dominæ venturæ locum. Fac, fac,
„ vel timore pœnæ, si nondum potes amore justi-
„ tiæ. Veniet domina, & servus abscedet „ S. Tho-
ma illud ipsum ex professo docet q. 19. art. 4. „ Si
„ servilitas, *inquit*, esset de ratione timoris servilis,
„ oporteret quod timor servilis simpliciter esset ma-
„ lus. Sicut adulterium simpliciter est malum, quia
„ id, ex quo contrariatur caritati, pertinet ad adul-
„ terii speciem. Sed prædicta servilitas non pertinet
„ ad speciem timoris servilis, sicut nec infirmitas
„ ad speciem fidei informis. . . Et ideo timor ser-
„ vilis secundum suam substantiam bonus est: sed ser-
„ vilitas ejus est mala.

Superfluum est appellare alios Patres, qui vel te-
stantur se timore judiciorum Dei percelli, ut S.
Ephrem, S. Bernardus, vel in sermonibus ad popu-
lum inde corda auditorum concutere nituntur.

Probatur 3. ratione; Quia bonus est ille timor, quo
constringitur mala voluntas, ne in exteriora peccata pro-

prorumpat; continentur homines sub disciplina, peccatores disponuntur ad iustitiam, iusti incitantur ad perseverantiam: atqui huiusmodi est timor servilis; sine eo quasi aggere rupto vitia Rempublicam invaderent, leges proculcarentur, jaceret Superiorum auctoritas, pueri voluntati suæ dimissi evaderent præcipites, ut dicitur Eccli. 30. Juvenes vix ad virtutem possent institui, nulla esset ratio coercendi protervos, nullus ordo, nulla pax & tranquillitas in societate humana. Primo itaque loco continendi sunt homines metu pœnarum: *Cum enim per timorem continent se a peccato* inquit S. Augustinus in Pl. 127. *fit consuetudo iustitiæ, & incipit quod durum erat amari, & dulcescit Deus, & jam incipit homo propterea iuste vivere, non quia timet pœnas, sed quia amat æternitatem.* Quin jam iustificatus adhuc indiget isto timore; nam ex eodem sancto Augustino lib. Annotationum in Job cap. 40. *Nisi gaudium spei nostræ cum timore damnationis esset, in nobis negligens esset ipsa securitas & superba præsumptio: neque in Psalmo nobis diceretur; Exultate ei cum tremore.*

Apage ergo spurios Mysticos, qui docent in statu perfectionis nullum timoris gehennæ sensum admittendum, & ejus aculeos, quantum fieri potest, evellendos, contra expressum Domini præceptum ipsis Apostolis quantumcumque perfectis impositum citat. c. 12. *Luc. Timete eum, qui habet potestatem mittere in gehennam. Ita dico vobis, hunc timete.* Enimvero quamdiu in terris agimus, caro concupiscit adversus spiritum, corpus quod corrumpitur, aggravat animam, facileque torporeni inducit, nisi metus iudiciorum Dei identidem somnolentiam pungendo excitet. Porro quis malum dixerit timorem tam utilem, tamque necessarium?

Dices: Bonus dici nequit ille timor, qui peccata multiplicat, & hominem pejorem reddit: atqui ejusmodi est timor pœnæ; mala quippe voluntas, quæ nullo terrente, instar canis dormientis sopita quiescebat, præceptorum minis lacerata exardescit in omne genus pravi affectus, iræ, odii, illiciti de-

fide.

siderii, quæ eo magis exuberant, quo peccator arctius timore constringitur; adeo ut peccatum, quod prius erat mortuum, per timorem fiat supra modum peccans, ut loquitur Apostolus, Rom. 7. Ergo timor pœnæ revera malus est.

Distinguo maj. Qui peccata multiplicat per se; Conc. Per accidens, Nego maj. namque sicut ex Apostolo, Rom. 7. Lex per se sancta est, & mandatum sanctum, justum & bonum, licet peccatum per mandatum operatum sit omnem concupiscentiam; ita metus gehennæ per se sanctus est, justus & bonus, quamvis illius occasione mala voluntas, quasi per anticipistam amplius inflammetur grasseturque, quia inordinati illi motus oriuntur ex mala voluntate, nullatenus vero ex lege, vel ex timore servili, qui per se ligat manum, tollitque saltem opus malum, si non possit cohibere ejus affectum.

Instabis 1. Imprudentis est Medici adhibere remedium ita efficax ad curandum leviores morbum, ut alium graviorem & periculosiorem conciliet: atqui ex concessis sic se habet timor pœnæ: Ergo.

R. 1. Si valet illud argumentum, vincerent Manichæi, asserentes legem veterem fuisse malam & a malo principio, quia ejus occasione peccatum, quod erat mortuum, revixit & operatum est omnem concupiscentiam, ut dicitur, Rom. 7.

R. 2. Negando minor. Quia juxta sanctum Augustinum, qui habet quod male concupiscit, infelicius est quam si non haberet; malo quippe usu roborantur habitus vitiosi, ac tandem naturæ vim obtinent. Quare ut homo nequam ad meliorem frugem reducat, ante omnia libidinum materia ipsi etiam invito subtrahenda est, excandescat licet aut tumultuetur, nam desuetudine cupiditates restringuntur, & per timorem pœnæ bonum operanti justitia tandem dulcescit; quemadmodum docet sanctus Augustinus, Tract. 9. in 1. Joann. Si propter pœna, inquit, Deum times, non amas: non bona desideras, sed mala caves; sed ex eo quod mala caves, corrigis te, & incipis bona desiderare, re,

„ re, & cum cupis bona desiderare, est in te timor
 „ castus, ne amittas ipsa bona.

Instabis 2. Ille timor est per se malus, qui adversatur caritati: atqui timor servilis adversatur caritati; nam timor non est in caritate, sed *perfecta caritas foras mittit timorem*, inquit S. Jo: 1. epist. cap. 4. & S. Augustinus supra laudatus, *veniet dominus, inquit, & servus abscedet*: timor quippe caritatem introducit, juxta sanctum Doctorem, sicut acus filum, quod pannum non ingreditur, nisi acus prius exierit: Ergo.

Distinguo minor. Adversatur ratione servilitatis, quæ ipsi accidentaliter adjuncta est, Concedo: Namque servilitas est odium justitiæ & mala voluntas; caritas vero est ipsa justitiæ dilectio & bona voluntas, quæ duo inter se pugnant, ut patet: adversatur ratione sui, & quatenus præcise est timor pœnæ, Nego minorem, Et quidem ad mentem sancti Evangelistæ, ait enim, *timor pœnam habet*: atqui timor non potest esse pœna, nisi sit voluntati contrarius; quod enim est secundum voluntatem, placet, nec pœna esse potest.

Porro timor pœnæ non est contrarius nisi malæ voluntati, quæ cum feratur in malum; ipsi obstitit timor pœnæ, tanquam agger oppositus, & ita displicet, & est voluntati quoddam pœnale malum. Sed tantum abest, ut diligenti justitiam timor pœnæ sese opponat, quin illi favet non secus ac naviganti ventus secundus, quemadmodum enim ventus flans a tergo navem impellit ad portum; quem navigans quantocius appellere desiderat, adeo ut remigio opus non sit, nisi admodum levi, cum contra magno remigum conatu opus sit, quando navis agitur vento a fronte flante, qui ideo dicitur adversus, quia repugnat nautæ voluntati. Similiter timor gehennæ quantum adversatur & pœnalis est voluntati in malum propensæ, tantum juvat voluntatem ad Deum anhelantem tanquam ventus secundus, & eo auxilio plus vel minus indiget, prout caritas est minus, vel magis intensa. Hoc salutifero timore jam incitatus regius

Psal-

Plates , qui Deum tam ardentem siciebat , illum in se perfici rogabat, Psalm. 118. *Confige timore tuo carnes meas , a iudiciis enim tuis timui* . In quem locum Sanctus Augustinus scribit: „ Si jam timuerat , „ vel timebat , cur adhuc ut timore suo Deus configeret carnes ejus , orabat ? an addi sibi volebat „ timorem , ut tantum timeret , quantum sufficeret crucifigendis suis carnibus , idest , concupiscen- „ tiis affectibusque carnalibus , tanquam dicens : Per- „ fice in me timorem tuum , timui enim a iudiciis „ tuis ? „

TERTIA PARS.

De Caritate .

Ostrema ista pars , quam aggredimur , non solum huicce tractatui , sed & aliis qui hoc volumine continentur , veluti fastigium ac coronidem imponet . Caritas quippe est culmen domus Dei , quæ ut supra docebat S. Augustinus , *fide fundatur , spe erigitur , caritate perficitur* . Domus autem sine suo culmine & tecto , non est Dei habitatio , sed draconum , struthionum , & aliarum hujusmodi bestiarum , ut habetur ; Isa. 13. *Sic familia-ri est Deo caritas , ut ipse habere mansionem nolit ubi caritas non fuerit* , lib. de Spiritu & anima cap. 16. inter opera S. Augustini ; scriptum est enim Jo: 14. *Si quis diligit me ... ad eum veniemus , & mansionem apud eum faciemus* .

Differuimus primo loco de Actibus humanis ad honestatem dirigendis , quæ potissimum repetitur ex ultimo fine , nempe Deo , ad quem homo in omnibus suis actibus tendere debet , sed frustra Deum intendit sine caritate , utpote quæ sola Deum apprehendat : *In hac vita* , inquit S. Augustinus epist. 155. alias 12. „ virtus non est nisi diligere quod diligendum „ est : id eligere , prudentia est : nullis inde averti

„ mo-

„ molestiis, fortitudo est; nullis illecebris, tempe-
 „ rantia est, nulla superbia, justitia est. Quid autem
 „ eligamus, quod præcipue diligamus, nisi quo ni-
 „ hil melius invenimus? Hoc Deus est... Imus au-
 „ tem non ambulando, sed amando. Quem tanto
 „ habebimus præsentio-rem, quanto eundem amorem,
 „ quo in eum tendimus, potuerimus habere purio-
 „ rem. „ Et in Psalm. 98. „ Qui plenus est carita-
 „ te, plenus est Deo, quia aperte scriptum est, „
 Deus caritas est, 1. Joann. 4.

Tractatu de peccatis, inquisivimus causas ejusmo-
 di morborum animæ, & remedia quibus sanentur.
 Sed illa absque caritate prodesse nequeunt: *Ita ut*
ipsam fidem non faciat utilem nisi caritas: sine caritate
quippe fides potest quidem esse, sed non prodesse, inquit
 Sanctus Augustinus lib. 15. de Trinit. cap. 18. *tunc*
plena sanitas, quando perfecta caritas, idem lib. de
 perfect. Just. cap. 3. ipsa sola operit multitudinem
 peccatorum, 1. Petr. 4.

Rectam conscientiam & legem tanquam certas regu-
 las, quibus diriguntur mores, tradidimus; sed qui
 Deum non diligit, opera sua ad ejusmodi regulas non
 exigit: *Quod ita fit vel timore panæ, vel aliqua*
intentione carnali, ut non referatur ad illam caritatem,
quam diffudit Spiritus Sanctus in cordibus nostris; non-
dum fit quemadmodum fieri oportet, quamvis fieri vi-
deatur, Sanctus Augustinus, Enchir. cap. 121. Deiq-
 ue rectam non gerit conscientiam qui male affectus
 est; unusquisque enim judicat prout affectus; male
 autem affectus est, qui Deum non diligit, ex Sancto
 Augustino, Tract. 113. in Joann. *Nescio,* inquit,
 „ quo inexplicabili modo, quisquis seipsum, non
 „ Deum amat, non se amat: & quisquis Deum, non
 „ seipsum amat, ipse se amat. Qui enim non po-
 „ test vivere de se, moritur utique amando se: non
 „ ergo se amat, qui, ne vivat, se amat. Cum vero
 „ ille diligitur, de quo vivitur, non se diligendo
 „ magis diligit, qui ideo non se diligit, ut eum
 „ diligat, de quo vivit. „ Ergo cum ea dicatur recta
 conscientia, qua quis salutaria eligit, noxia repro-

bet, manifestum est rectam illius non esse conscientiam, qui male se amat, hoc est, qui seipsum, non Deum amat, nec posse bona conscientia consulere propinquis & amicis, *nemo enim potest veraciter amicus esse hominis, nisi fuerit ipse primitas veritatis*, inquit S. Augustinus, citata epist. 155. naturale quippe est diligere proximum sicut seipsum; ac proinde qui male, hoc est, falso se amat & male odit, male quoque & falso proximum diligit; nihil autem in moribus perniciosius perversa illa propinquorum & aliorum amicitia, ut quæ venenum cupiditatis sub specie benevolentiae animis instillet.

Quid refricem illud Apostoli, *finis . . . præcepti est caritas*, 3. Tim. 1. & Rom. 13 *plenitudo ergo legis est dilectio*: vana essent Medici præcepta, nisi ad sanitatem perducant, & inutilia legis mandata, nisi caritatem, quæ sola est animæ sanitas, operentur? Sed illud attendendum est magis, quod lex Evangelica, sub cujus littera premuntur mali Christiani, & in qua vivunt boni, primario & essentialiter consistant in caritate, per quam parit filios adoptionis, aufert spiritum servitutis, & Deus mittit Spiritum Filii sui in corda nostra clamantem, *Abba Pater*, Gal. 4. v. 6. Unde S. August. lib. 15. de Trin. c. 18. sic habet: „Caritas est donum Dei, quo nullum excellit: solum est quod dividit inter filios regni æterni, & filios perditionis æternæ. Dantur, & alia per Spiritum Sanctum mûnera, sed sine caritate nihil prosunt. Nisi ergo tantum cuique impartiat Spiritus Sancti, ut eum Dei & proximi faciat amatorem, a sinistra non transfertur ad dexteram, nec Spiritus proprie dicitur donum, nisi propter dilectionem. „ Et Tract. 7. in 1. Joann. „Omnes qui non diligunt, alieni a Deo sunt: & „quàmvis intrent basilicas, non possunt tamen numerari inter filios Dei. „Quomodo alieni, qui Christum credunt, & confitentur? Quia Evangelium ejus non receperunt, nisi secundum corticem & litteram. Dæmon credidit, & confessus est, Luc. 4. v. 34. *Scio te, inquit, quis sis, sanctus Dei*. Sed frustra,

stra, quia non credidit ea fide, quæ per dilectionem operatur, & in qua diximus præcedenti Tractatu, repositam esse legem Evangelicam, in qua manent veri Christiani, juxta illud Christi Domini Joann. 15. v. 9. *manete in dilectione mea.*

Ergo 8. August. conclusio in Ps. 103. sit & nostra: „ Quidquid dicimus, quidquid diximus, & quidquid dicere poterimus, vel nos, vel qui post nos, vel „ quæ ante nos, non habet finem nisi caritatem: „ Cum sine ea nec actus humani ad debitum finem dirigantur, nec morbi animæ, idest, peccata curentur, nec recta conscientia haberi, nec lex Dei universim sumpta adimpleri possit.

Sed, inquit S. Greg. hom. 30. in Evang. *Si unusquisque requiratur an diligat Deum? tota fiducia & secure mente respondet, diligo:* Quia dæmon falsa caritatis specie homines quam sæpissime deludit instar monetæ adulteratorum, qui, ut advertit Guillelmus Parisiensis, non vilem, sed pretiosorem nummum adulterare solent. Idcirco quæremus, 1. Quid sit caritas. 2. Quodnam ejus objectum. 3. Quis sit statuendus ordo in iis, quæ sunt caritate diligenda. 4. Quæ caritatis effectus. 5. Quæ peccata ipsi opposita.

CAPUT PRIMUM.

De nomine, & definitione Caritatis.

Q. 1. **Q**uotuplici modo sumitur nomen caritatis?

R. Triplici. 1. Pro quolibet amore naturali etiam civili, ut Prov. 15. *Melius est vocari ad olera cum caritate, quam ad vitulum saginatum cum odio.* 2. Pro divina natura, quæ tota bonitas est, ut 1. Joann. 4. *Deus caritas est.* 3. Pro amore benevolentis, quod Deum supra omnia diligimus, ut 1. Cor. 13. *Si caritatem autem non habuerit, nihil sum.*

Dixi, Pro amore benevolentis. Quia amor concupiscentiæ seu spei, quo Deum diligimus, ut nobis donum, non dicitur caritas.

Porro agimus hic de caritate tertio modo sumpta; quæ est species amoris benevolentia. Cum autem notitia speciei haberi non possit, quin probe cognoscatur illius genus, nemo v. g. intelliget quid sit homo, nisi prius noverit quid sit animal.

Q. 2. *Quid est amor benevolentia?*

R. Generativus est amor, quo quis alteri bene vult & facit, quantum in ipso est, non sui, sed illius gratia.

Dicitur 1. *Amor*: Quæ particula designat genus, in quo amor concupiscentia & benevolentia conveniunt; uterque enim est amor.

Dicitur 2. *Quo quis alteri bene vult*; Amare enim est bene velle.

Dicitur 3. *Et bene facit, quantum in se est*, ut significetur amorem benevolentia non esse meram complacentiam in bono alterius, aut inertem commiserationem ob malum illius: neque enim dives avarus censetur benevolus erga pauperem, cui bene precatur nihil illi erogans, non diligamus verbo, neque lingua, inquit S. Jo: 1. epist. c. 3. sed opere & veritate. Addit, & veritate, ut intelligamus verum non fore amorem benevolentia, si data occasione, ad opus non tendat: *Amor*, inquit S. Gregorius, magna operatur si est, aut si operari renuit, amor non est. Et S. Augustinus in Psal. 31. *Dilectio vacare non potest*, quid enim de quoquam homine malo operatur, nisi amor? Da mihi vacantem amorem, & nihil operantem. Ergo Deum non diligit amore benevolentia, nisi verbo tenus, qui ita in orationibus ingeminat, sanctificetur nomen tuum, ut non tangatur cum læditur ejus honor, indifferenterque, ne dicam delectabiliter, audiat linguam detrahentem, impudicam, &c.

Dicitur 4. *Non sui, sed illius gratia*; quibus exprimitur differentia amorem benevolentia inter & amorem concupiscentia: ille omnia vult & facit in gratiam amici, hic in gratiam amantis, ut fuse probavimus pag. 529. Pater v. g. alimenta filio suppeditat amore benevolentia, & pabulum jumento amore concupiscentia, quia primum facit in gratiam filii, secundum

cundum verò in gratiam sui, & proprium commodum; illie est benevolus, hic cupidus & sui amans.

Q. 3. *Differuntne amor benevolentiae & amicitiae?*

R. Non differunt nisi extrinsece & connotative; nempe amor benevolentiae est & amicitiae, si connotet amicum redamantem: secus si non connotet, amor quippe amicitiae est reciprocus.

Porro totuplicis generis est amor benevolentiae & amicitiae, quotuplex est communicatio bonorum in qua fundatur. Quare alia est amicitia consanguineorum, alia iustorum, alia qua vinciuntur inter se usurarii, fures & latrones; sed hæc posterior amicitia mala est & perversa, quia ejusmodi homines male se amant, utpote qui non bonum, sed malum sibi reciprocè velint.

His ita elucidatis circa amorem benevolentiae in genere, jam descendendum est ad caritatem, quæ, ut supra diximus, est nobilissima species amoris benevolentiae. Itaque

Q. 4. *Quid est Caritas?*

R. Definitur, virtus infusa Theologica, qua Deum super omnia diligimus, & cetera propter ipsum.

Dicitur 1. *Virtus*, quia habentem se facit simpliciter bonum, cum aliæ virtutes bonum faciant dumtaxat ex parte. Christianus v. g. temperans, sed avarus, bonus quidem est quatenus credit Deo, & moderator voluptatis, sed malus est quatenus pecuniæ nimium cupidus; & ideo non est bonus absolute & simpliciter, sed malus, quia deficit ab ultimo fine, qui est regula actuum humanorum. Caritas vero facit simpliciter bonum, utpote quæ excludat omne peccatum saltem grave, hominem Deo conjungat, & ad illum omnes virtutes moveat agatque tanquam earum forma & vita, sine qua dicuntur informes, imperfectæ, ac mortuæ: *Habere nomen Christi*, inquit S. August. Tract. 7. in 1. Joann. & *malus esse potest; habere autem caritatem, & malus esse non potest*: Ergo nullus habitus æque meretur nomen virtutis ac caritatis.

Dicitur 2. *Infusa*, iuxta illud Rom. 5. *Caritas Dei diffusa est in cordibus nostris per Spiritum Sanctum, qui datus est nobis*. Et Concilii Tridentini sess. 6. c. 7.

hec omnia simul infusa accipit homo (in justificatione) per Jesum Christum, cui (inserit) fidem, spem, & caritatem. Sed illud fufius probavimus, Tom. 2. Tract. de Gratia, ubi de Virtutibus infusis, pag. 332. & de necessitate gratiæ ad initium bonæ voluntatis, cap. 5. §. 1.

Ergo caritas non est Spiritus Sanctus, sed quid ab ipso distinctum, est enim oppositio relativa inter causam & effectum, infundentem & infusum.

Dices : 1. Joannis 4. habetur, *Deus caritas est* : Ergo.

Dist. antec. Deus caritas est objective & principative sumpta, Concedo : Caritas est, qua formaliter diligimus. Nego antec. Itaque sicut Deus est sapientia, justitia; ita est ipsa bonitas infinite sui communicativa, & ut sic est objectum & principium, seu causa efficiens nostræ dilectionis & caritatis, qua formaliter illum diligimus.

Instabis : Atqui Deus non solum est objectum & causa efficiens caritatis, quæ in nobis est, sed etiam ipsamet caritas : ergo nulla solutio.

Probatur subsumptum, 1. ex Magistro Sententiarum, qui lib. 1. dist. 17. ita distinguit inter habitum caritatis, & ejus actum seu amorem actuale, ut concedat ipsum actum infundi quidem a Spiritu Sancto, ac proinde ab ipso distingui tanquam effectum a causa, sed contendat habitum esse ipsummet Spiritum Sanctum, 2. ex S. Augustino lib. 8. de Trinitate c. 8. ubi sic scribit : *Fraterna dilectio, qua diligimus invicem, non solum ex Deo est, sed etiam Deum esse*, Scriptura declarat, idque S. Doctor probat toto illo capite : Ergo.

Nego subsumptum, & ad ejus confirmationem.

R. 1. Opinionem Magistri Sententiarum rejiciat S. Th. 2. 2. art. 2. & a ceteris Theologis, a quibusdam saltem ut temerariam, ab aliis ut erroneam, cum pugnet contra conclusionem, quæ satis evidenter elicitur ex propositione fidei, De fide enim est in justificatione infundi gratiam & caritatem, quæ cordibus inhaeret, ex Concilio Tridentino sess. 5. can. 21. & parvulus

per

per Baptismum induere novum hominem, fieri innocentes, immaculatos & hæredes Dei, cohæredes autem Christi, sess. 6. can. 5. atqui ista non possunt intelligi in parvulis de actu caritatis, cum in illis nullus sit actus: neque de Spiritu sancto præfise, cum inhærere nequeat: Ergo intelligantur necesse est de habitu caritatis. Sed de his plura, vide Tom. 2. Tract. de Gratia pag. 311. 312. & pag. 322. & seq.

R. 2. Locum S. August. revera esse difficile, dedisseque nonnullis errandi occasionem, ex S. Th. cit. art. 2. ad 1. Sed opponuntur alii textus, in quibus S. Doctor perspicue distinguit caritatem, qua Deum diligimus, a caritate, quæ Deus est, ut Tract. 25. in Jo. *Justitia Dei*, inquit, *hic dicitur, non qua justus est Deus, sed quam dat homini Deus, ut justus sit per Deum.* Quod autem hominis justitia sit ipsa caritas, docet tum verbis sequentibus, tum lib. de natura & grat. c. ult. ubi sic habet: *Caritas ergo inchoata, inchoata justitia est; caritas perfecta, perfecta justitia est; caritas magna, magna justitia est; caritas perfecta, perfecta justitia est.* Caritas hic & justitia incrementum suscipiunt; atqui Deus nullam mutationem admittit: ergo Deus non est ea caritas, qua illum diligimus. Et Tract. 6. in 1. Joann. *Quid est*, inquit, *ipse Spiritus interpellat pro Sanctis, nisi ipsa caritas, quæ te per Spiritum facta est?* Quibus verbis adeo perspicuis explicare cogimur, quæ sanctus Doctor alibi obscurius dixit. Quare

Distinguo oppositum S. Aug. locum. Dilectio, qua fratres diligimus, non solum ex Deo est, sed Deus ipse participative, Concedo: Est Deus ipse substantialiter, Nego: *Quomodo*, inquit S. Th. cit. art. 2. ad primum, „ dicimur boni bonitate, quæ est Deus, & „ sapientes sapientia, quæ est Deus; quia bonitas qua „ formaliter boni sumus, est participatio quædam divi- „ næ bonitatis: & sapientia qua formaliter sapientes su- „ mus, est participatio quædam divinæ sapientiæ: ita „ etiam caritas qua formaliter diligimus proximum, est „ quædam participatio divinæ caritatis. Hic enim mo- „ dus loquendi consuetus est apud Platonicos, quorum

„ doctrinis imbutus fuit Aug. „ Et in responsione ad secundum exponens illud , quod frequentissimum est in scriptis S. Augustini , nempe sicut anima est vita corporis , ita Deus est vita animæ , „ & quomodo „ corpus tuum sine spiritu , quod est anima tua , si „ fuerit , mortuum est ; sic anima tua sine Spiritu „ sancto, idest, sine caritate si fuerit, mortua deputabitur. „ Tractatu 9. in Joannem , docet Deum per caritatem non esse formaliter , sed effective vitam animæ .

Iustus tamen dicitur vivere vita Dei , sed participative , quatenus amor caritatis , qui est summæ benevolentiae , transformat amantem in Deum amatum per archissimam unionem , qua unum alteri ita astringit , ut non tam similis illi , quam unus idemque cum eo spiritus , una voluntas , & una quasi anima efficiatur , verò quidem , sed tam ineffabili modo , ut novæ excogitandæ sint voces ad explicandam illam communionem , qua quis per caritatem manet in Deo , & Deus in ipso ; Deus enim sic amantem non solum assimilât sibi in moribus & virtutibus divinis ; sed etiam facit consortem naturæ divinæ , ejusdem secum animi , desiderii , & affectus ; omnes ejus potentias ; sensus , appetitus , amores , operationes , cogitationes , intentiones cordis trahit ad se , adeo ut fiat quædam moralis communicatio idiomatum , dicaturque Spiritus sanctus postulare , gemere , contristari , gaudere , dum ista operatur in anima : hinc nascuntur actuum humanorum merita vitæ æternæ condigna . Hinc S. Th. cit. art. 2. ad 3. concludit quod etsi caritas non sit formaliter infinita , habeat tamen effectum infinitum , dum , inquit , conjungit animam Deo . Et S. August. tract. in 1. Joann. totum simul habet , qui habet caritatem . In Psal. quoque 149. quisquis habet caritatem , ut quid illum mittimus longe , ut videat Deum ? Conscientiam suam attendat , & ibi videt Deum si caritas ibi habitat , Deus ibi habitat . Vult illum forte videre sedentem in calo ? habeat caritatem , & in illo habitat sicut in calo .

Dicitur 3. Theologica ; nulla enim virtus æque , ac
 castig

caritas occupatur circa Deum. Fides pro objecto aliquid quod habet attributum divinum, sc. veritatem Dei in verbis & promissis : spes bonitatem divinam non absolute & simpliciter, sed quatenus nos efficere beatos. Caritas vero in totum Deum fertur, ad omnes infinitas ejus perfectiones sese extendit. *Totus desiderabilis est...* inquit Sponsa Cant. 5. vers. 13. *dilectus meus*, in amico impense dilecto omnia placent; ejus ingenium, forma corporis, sermo, modus agendi amantem mirifice recreant. Sic diligenti Deum ex caritate, placent ejus sapientia, justitia, verba, mandata, judicia, decreta, providentia, sive in prosperis, sive in adversis, totus est desiderabilis.

Porro discipulus, qui ipsam personam Magistri diligit propter singularem ejus virtutem, longe perfectius ei adhæret, quam alter, qui se ei tantum adjungit ob necessariam doctrinam, qua illum imbuat.

Dicitur 4. *qua Deum diligimus super omnia*, quibus caritas essentialiter differt a spe, & a quacunque alia virtute; sola quippe caritas nos & nostra ad Deum refert. Spes quidem Deum concupiscit, ut suum bonum, & tantum bonum, ut sperant illud præferat omnibus suis commodis, v. g. sanitati, quam nollet recipere per magicas artes; divitiis, quam viis illicitis non compararet, sicque dici potest Deum amare super omnia secundum quid, & in aliquo genere, sc. eorum bonorum, quæ sibi appetit. Sed per spem sine caritate Deum sibi ipsi non præfert, nec proinde illum super omnia simpliciter & absolute diligit, cum illum non plusquam seipsum diligit, hæreatque in amore sui, non quidem positive, quasi seipsum constituat ultimum finem, & Deum habeat veluti medium suæ felicitatis, quod est immane crimen eorum, qui se plusquam Deum diligunt; sed negative duntaxat, spes enim illius sicut & ceteræ virtutes locum parant, nedum excludant caritatem, quæ superveniens, sperantem efficit ejusdem cum Deo spiritus & voluntatis, ut jam non suum, sed objecti amati commodum expectet; & sicut Deus omnia propter semetipsum operatus est, hominemque ad beatitudinem supernaturalem ordinavit in glo-

riam suam; sic Christianus eodem affectu per caritatem occupatus, ipsum totum, beatitudinemque suam & cetera ex animo refert ad Dei gloriam. Et hic solus amor est simpliciter & absolute super omnia, Deo non denegandus, nec ulli creaturæ exhibendus absque ingenti crimine.

Dicitur 5. *Et cetera propter ipsum*: res enim amici sunt ejus in usum & commodum convertendæ: atqui omnia sive parentes, sive domestici, sive prospera, sive adversa sunt æque ac nos res Dei summe dilecti: ergo per caritatem ea omnia propter Deum diligimus, & in ejus bonum, hoc est, gloriam & honorem convertimus. Sed de his plura inferius.

Q. 5. *Quotuplici modo Deus super omnia diligitur?*

R. Duplici, scilicet intensive & appretiative.

Deus diligitur intensive super omnia, cum voluntas in eum fertur maximo conatu, & intensissimo seu ardentissimo amoris actu, qualis est amor beatificus: appretiative vero super omnia diligitur, cum voluntas tam forti amoris vinculo stricta est Deo, ut nulla res eam inde avellere queat. Hoc amore appretiative summo dicebat Apostolus Rom. 8. *Certus sum enim, quia neque mors, neque vita . . . neque creatura alia poterit nos separare a caritate Dei.*

Q. 6. *Potestne dari amor Dei, qui sit super omnia appretiative tantum?*

R. Non solum potest dari, sed actu & de facto datur, ut patet exemplo Justii, qui intensiori & vehementiori dolore afficitur ob mortem patris, quem impense diligebat, quam ob præterita peccata, quamvis appretiative plus doleat se in Deum peccasse, quam patrem amisisse; paratusque fuerit ejusmodi orbitatem sustinere potius, quam Deum offendere, & ejus amicitia privari.

Dices: Deus est summe diligendus tum appretiative, tum intensive: Ergo peccat qui illum summe non amat etiam intensive.

Distinguo ant. Est summe diligendus etiam intensive, id est, meretur sic diligi, & ad hunc amorem conitendum est, Concedo: sic diligendus est ex neces-

sita.

sitate præcepti, Nego antec. Præcepta enim sunt de rebus possibilibus: atqui nobis impossibile est, quando hanc vitam mortalem vivimus, Deum diligere ea intensiōe, qua diligitur a Beatis.

Confirmatur responsio; Deus meretur amorem beatifico intensiorem & perfectiorem; est enim omni modo infinite amabilis, utpote infinite bonus: atqui nemo inde colliget in Beatis non esse veram caritatem, ut qui Deum non ament quantum meretur; hoc est, amore infinito tum appetitiue, tum intensive, cujus capax non est ulla creatura, nec ipsa Christi Domini humanitas, soliusque Dei est se diligere quantum meretur.

Instabis: saltem Deus ea intensiōe debes diligere quæ est possibilis in hocce naturæ corruptæ statu.

Distinguo: quæ est possibilis in hocce statu, & in circumstantiis, in quibus fidelis reperitur, Concedo: quæ est possibilis in hocce statu, & impossibilis in quibusdam circumstantiis: Nego. Porro concurrunt aliquando circumstantiæ, in quibus huiusmodi intensio & fervor impossibilis est etiam iustis provectæ caritatis, ut loquitur S. Augustinus. Et ratio est, quia ut quis ardeat amore vel odio, satis non est objectum apprehendi ut bonum vel malum, nisi sit præsentissimum: viscera matris v. g. magis fervent erga parvulum, quem quotidie gerit in ulvis suis, quam erga natum majorem, quem tamen magis amat appetitiue; similiter tempus lenit dolorem viduæ conjugem defunctum plorantis, quamvis augeat, nedum minuat incommoda, quæ viduam vulgo circumveniunt. Quid ita? Nempe objecta remotiora sensus non afficiunt, appetitum non commovent ad voluntatis nutum, & rationis imperium, quin quam sæpiissime alio impellunt, mentem avocant aut interturbant, præsertim vis imaginandi. Hinc devotio nonnumquam remissa, & oratio tepida in viris etiam virtute præditis: quia Deus etsi super omnia appetitiue dilectus, remotior est a sensibus, a quibus tamen mentis operationes pendent, nisi Deus suæ efficaci gratia interius corda moveat accendatque. Sed illi defectus non imputantur in peccatum, nisi ex incuria & negligentia procedant; quia in huiusmodi

infirmirate, in qua non deest labor nec pugna, caritas perficitur, meritum augetur.

Q. 7. *In quo præcise consistit amor, qui appretiatiue tantum est super omnia?*

R. Consistit in voluntatis adhæssione ad Deum plena & tam firma, ut nihil æque timeat, ac illi displicere, & ab eo separari.

Dixi 1. *voluntatis*; appretiatio enim, de qua agitur, non est mentis æstimatio, qua certo iudicat Deum esse tantum bonum, ut nihil ei debeat æquari, nedum præferri; quia amor non est actus intellectus, sed voluntatis. Illud quidem mentis iudicium præsupponitur amor, vi tanquam necessaria ejus regula & mensura, quia voluntas non fertur in incognitum, nec Deum super omnia diligeret, nisi intellectus certiozem eam fieret Deum esse super omnia amabilem. Sed illa mentis æstimatio seu appretiatio super omnia non est caritas, cum quisvis etiam nequissimus tam certo æstimet Deum esse quid optimum, ut non possit non adhærere huicce veritati, utpote evidenter notæ.

Præterea certi sumus nos de Deo ita sentire, cum tamen nemini absque speciali revelatione constet se Deum appretiatiue super omnia diligere. Ergo appretiatio, de qua hic sermo, non est præcise adhæssio mentis, sed voluntatis.

Quid autem sit illa voluntatis ad Deum adhæssio, intelligitur exemplo corporum gravium, quæ pondere suo eo firmitus centro adhærent, quo graviora; ita ut aliquando tantum eorum sit pondus, ut nulla vi inde avelli aut dimoveri queant. Namque amor fortis nomine ponderis solet exprimi, juxta illud tritum Si Aug. effatum, *pondus meum amor meus; illi feror, quocunque feror*. Sicut ergo immane saxum centro adhærens, non admittit eorum impetum, qui illud dimovere conantur; sic voluntas caritate instructa tanto amoris pondere Deo adhæret, ut nulla vis tentationum inde eam avellere queat, nisi ipsamet libere se subducatur. Sed illa in Deum propensio debet esse plena, juxta primum legis præceptum: *diliges Dominum Deum tuum ex tota corde*; alioquin si sit ex parte tantum, qua-

qualem S. August. ante conversionem experiebatur ; levis est , & ad omnem tentationis ventum facile circumfertur : nec proinde caritas est , quia non est super omnia .

Dixi 2. *ut nihil aequè timeas , ac illi displicere* , ut distinguatur amor caritatis ab amore concupiscentiæ , seu speli ; namque spes informis unum super omnia timet , nempe beatitudinis iacturam , & (quod idem est) impœnitentiam finalem ; qui enim Deum sperat , necdum caritate diligit , non multum cavet leviora peccata , nec valde torquetur ubi eorum se conscium agnoscit , utpote quæ a règno celorum non excludant ; quin gravi tentatione pulsus , facile se in peccatum lethale trahi finit , ex fiducia veniæ petendæ & obtinendæ .

Contra vero qui Deum ex caritate diligit , vel levissimam ejus offensam tanquam summum malum formidat , ac vitare studet , quamvis ex infirmitate humana identidem labatur ; sed non sine acutissimo animi dolore , quem spes veniæ non lenit ; immo bonitas elementissimi patris illum pudore suffundit , & ad amplius dolendum incitat .

Ergo suspecta est admodum , & vana sæpissime eorum conversio , qui post perceptum pœnitentiæ Sacramentum , cum jam caritas in cordibus eorum infusa esse debeat , ad primam quæ se offert tentationem , ad primum alienæ mulieris aspectum , &c. graviter labuntur , voluntas enim tanto amoris pondere Deo inhærens , non ita facile sejungi potest , cum nequidem a temporalibus , quæ longe minus diligit , adeo leviter avocaretur . Frustra objicitur infirmitas carnis ; quia si in regeneratis per gratiam caro concupiscit adversus spiritum ; spiritus quoque , qui supponitur vivere sacramenti virtute , concupiscit adversus carnem , unde in justificatis oritur pugna , ex qua spiritus caritate unctus & roboratus victor deberet existere , *quia fortis est ut mors dilectio* . Cantic. 8. Et Apostolus ait justificatis Rom. 6. *peccatum vobis non dominabitur , non enim sub lege estis , sed sub gratia* . Ergo spiritualiter non vivunt , qui lascenti peccato non repugnat , nec voluntas.

luntas eorum præoccupata conferri debet amore Dei super omnia, quæ absque renixu consentit ejus offensa.

Q. 8. *Caritas estne vera amicitia Deum inter & hominem?*

R. Communis est Theologorum sententia post S. Th. q. 23. art. 1.

Prob. 1. ex Scriptura, Sap. 7. v. 14. dicitur de Sapientia, quæ non est sine caritate, *Infinitus enim thesaurus est hominibus, quæ qui usi sunt, participes facti sunt amicitia Dei*, & v. 27. *Amicos Dei & Prophetas constituit*. Jo: 15. v. 14. & 15. *Vos amici mei estis, si feceritis quæ ego præcipio vobis*. Jam non dicam vos servos . . . vos autem dixi amicos.

Prob. 2. Ratione, quia ad veram amicitiam quatuor requiruntur. 1. ut amor sit benevolentia erga amicum; *Ridiculum enim est dicere*, inquit S. Thom. cit. art. 1. *quod aliquis habeat amicitiam ad vinum, vel ad equum, quos propter se amat*. 2. ut amor sit mutuus. 3. notus utrique amanti; nam inter amicos debet esse specialis communio; nec amici dici possunt duo Justii, qui nunquam se noverunt, licet in utroque sit caritatis amor generatim erga omnes homines. 4. ut sit fundatus in bonorum communione. Atqui quatuor illæ conditiones apprime converiunt caritati etiam respectu Dei (nam respectu hominum res est evidens.) 1. caritas ex dictis est amor benevolentia. 2. est mutuus, Jo: 14. v. 21. *Qui . . . diligit me, diligitur a Patre meo, & ego diligam eum, & manifestabo ei meipsum*. 3. est manifestus tum Deo, ut patet, cum ipse amorem illum infundat cordibus nostris: tum nobis, si non certitudine metaphysica & physica, vel fidei, ut docuimus Tract. de Gratia, saltem morali: *Ipse enim Spiritus*, ait Apostolus Rom. 8. *Testimonium reddit spiritui nostro, quod sumus filii Dei*. Et 1. Cor. 2. *Nam autem hunc spiritum hujusmodi accepimus, sed Spiritum qui ex Deo est, ut sciamus quæ a Deo donata sunt nobis*. 4. fundantur in communione bonorum 1. Cor. 1. *Fidelis Deus per quem vocati estis in societatem Filii ejus*. Eph. 1. *Benedixit nos in*

omni

omni benedictione spirituali in celestibus in Christo. Homines quoque in Deum refundunt, quæ ab illo acceperunt, juxta illud 1. Paralip. cap. 29. Tua sunt omnia, & quæ de manu tua accepimus, dedimus tibi.

Denique, licet ad veram amicitiam necesse non sit, ut amici simul vivant, cum multi a se invicem diffusi amicitiam colant; nihilominus illa conditio non deest caritatis namque 1. Jo: 4. *Qui manet in caritate, in Deo manet, & Deus in eo.* Et Phil. 3. *nostra autem conversatio in celis est.*

Dices 1. Ex concessis, qui amat in proprium bonum, non amat amore amicitiae: atqui Deus omnia operatur in gloriam suam, nos quoque proximum ex caritate diligimus propter Deum; Ergo caritas non est amor benevolentiae, nec proinde amicitiae.

Dist. min. Deus omnia operatur in suam gloriam, nos quoque ad eam referimus quæ proximo volumus bona, ita tamen ut hæc nobis & proximo utilia sint, ac accommoda, atque eo intuitu Deus ea nobis velit, & nos proximo, Conc. & Deus in iis nobis non prospicit; nec nos proximo, Nego min. & consequ. namque licet foveamus membra nostra propter bonum totius, vere tamen ipsis bonum volumus; quia ipsis bene non erit, nisi totum bene se habeat. Porro bonum nobis esse non potest, nisi in Dei gloriam tendamus, tumque maxime nos & proximum diligimus, cum nos & illum ad Deum puro corde referimus: *Neque enim beatum fecit hominem, nisi qui fecit hominem*, inquit S. Aug. epist. 155. alias 52. & qui vult vivere de se, odit animam suam, & miser efficitur.

Dices 2. Amicitia non est nisi inter æquales,

Ethic. cap. 8. & 9. hinc inurbane quis eum vocet Principis amicum, qui apud illum in magna est gratia: ergo caritas non constituit Dei amicos, nec proinde dici potest amicitia respectu Dei.

Nego ant. Namque Philosophus cap. 10. distinguit duplex amicitiae genus, alteram quam vocat æqualitatis; alteram excellentiae seu supereminentiae, quæ est inter personas in diverso dignitatis gradu constitutas, quin Principes aliquando non dedignantur

scri-

scribere amicos, illos ex subditis, qui sunt illis gratiosi, quamvis isti ab illo nomine abstineant urbanitatis causa, ne videatur laedi reverentia Principi debita, quod in caritate non est timendum, cum crescente caritate, simul crescat in Deum reverentia.

C A P U T II.

De objecto materiali & formali Caritatis.

Q. 1. **Q**uodnam est objectum materiale Caritatis?
 R. Objectum materiale per se est Deus & quidem primum & attributionis: secundarium vero nos ipsi & proximi: indirecte autem & reductivae sunt res omnes naturales, sive supernaturales, quatenus cedere possunt in Dei gloriam, & nostrum & proximi commodum. Tres responsionis sunt partes.

Prima pars prob. Illud est objectum per se primum, & attributionis, cuiusque habitus ac virtutis, circa quod habitus ac virtus primum per se versatur, & ad quod cetera refert: atqui caritas per se primum versatur circa Deum, & ad illum cetera refert, ut ex dictis satis intelligitur: Ergo.

Secunda pars probatur simili argumento; namque caritas per se versatur secundario circa illas personas, quibus Deus & nos amore benevolentiae volumus summum bonum, & cetera, quae ad illud conducunt, & quidem in Dei gloriam: atqui Deus, qui est caritas, si nobis & proximo bene vult, & nos nobis & proximo: Ergo.

Tertia pars prob. Quia caritas rerum amici curam gerit, non propter ipsas praecise, non enim possunt esse objectum benevolentiae, sed propter amicum, cui prodesse possunt; atqui omnes creaturae sunt res Dei, in gloriam ejus productae & conservatae, & diligentibus Deum convertuntur in bonum: Ergo reductivae sunt objectum caritatis.

Dices: ex S. Gregorio homil. 17. in Ev. Caritas nonnisi inter duos haberi potest: Ergo Homo caritate seipsum diligere nequit.

Confirm. caritas ex dictis est amicitia: atqui amicitia non est ejusdem ad seipsum, cum ad amicitiam requiratur redamatio & mutuus amor: Ergo.

Dist. ant. cum S. Th. q. 25. art. 4. caritas sumpta pro amicitia actuali & formali, nonnisi inter duos esse potest, Conc. sumpta pro amicitia fundamentalis; Nego ant. itaque caritas secundum se spectata, est principium & fundamentum amicitiae; sed nisi correspondeat alter redamans, non est actu & formaliter amicitia; quæ solet describi amor seu unio duos copulans; ad se autem ipsum non est unio, sed unitas: *quæ*, inquit Angelicus Doctor: „est potior „unione ad alium: unde sicut unitas est principium „unionis, ita amor, quo quis diligit seipsum, est „forma & radix amicitiae; in hoc enim amicitiam „habemus ad alios, quod ad eos nos habemus si- „cut ad nos ipsos. “ Atque ex iis patet responsio ad confirmationem.

Q. 2. *Quis hic censendus est proximus?*

R. Omnis creatura capax beatitudinis supernaturalis, sive sit Angelus, sive homo, justus aut peccator, fidelis, aut infidelis, Hereticus, excommunicatus, Paganus, amicus, aut inimicus; quia hi omnes non solum sunt res Dei, quas propter ipsum, utpote summe dilectum amare debemus, ut supra diximus; sed insuper amore benevolentiae vocantur a Deo, sicut & nos in societatem Filii ejus Jesu Christi Domini nostri, ut loquitur Apostolus 1. Cor. 1. v. 9. Ergo spectandi sunt ut nobis proximi, communionem non solum ejusdem naturæ, sed præsertim ejusdem hereditatis æternæ, ac proinde diligendi amore benevolentiae tendentis ad illam unionem, quæ esse debet inter socios, fratres, cohæredes, & membra ejusdem corporis, cujus caput est Christus. Hic autem amor est caritas, ut patet ex dictis.

Dixi, *creatura capax beatitudinis supernaturalis*; ut exciperem demones & homines damnatos; hos enim

caritate diligere non licet, nec proinde inter proximos reputare, quia caritas est amor amicitiae, quo volumus proximo vitam aeternam, & cetera, quae ad eam conducere possunt: atqui non licet velle damnatis vitam aeternam; ejusmodi quippe amor repugnaret caritati erga Deum, qua approbamus ejus justitiam. Ita S. Thomas q. 25. art. 11.

Dices 1. Angeli non sunt ejusdem nobiscum naturae: Ergo non possunt haberi tanquam nostri proximi caritate diligendi.

Nego consequ. Quia amor amicitiae non transfundatur in communione naturae, quam bonorum spiritualium, alioquin nec Deum caritate diligeremus.

Dices 2. Peccatores sunt Dei inimici, & ei invisi, juxta illud Sap. 14. v. 9. *odio sunt Deo impius & impietas ejus*; Ergo cum caritas nos efficiat unius spiritus & voluntatis cum Deo, peccatores ut inimicos odisse debemus exemplo Davidis, qui Psalm. 118. ita cecinit, *iniquus odio habui*, & Psalm. 138. *perfecto odio oderam illos, & inimici facti sunt mihi*. Quin Psalm. 9. extrema ipsis imprecans ait, *convertantur peccatores in infernum*.

Distinguo ant. Peccatores sunt Dei inimici, & ei invisi quatenus peccatores & ratione malitiae, Conced. impius v. g. fabricator idoli, & idolum ab ipso fabricatum Deo sunt odio, de iis enim agitur cit. c. 14. Sapientiae: sunt Dei inimici, & ei invisi secundum naturam, Nego ant. Dilexisti enim nos cum adhuc peccatores essemus, nunquid voluntatis mea est mors impij, dicit Dominus Deus, & non ut convertatur a viis suis & vivat? Ezech. 18. v. 23.

Distinguo similiter consequ. Odisse debemus peccatoris iniquitatem & malam voluntatem, Conced. Personam, Nego consequ. *Iniquus homo*, inquit S. August. lib. 19. contra Faustum cap. 14. *in quantum iniquus est, odio habendus est: in quantum autem homo est, diligendus est, ut illud quod recte odimus, arguamus, id est, vitium, quo possit illud quod ideo recte diligimus, id est, humana ipsa natura, emendata vitio liberari. Eadem docet S. Thomas q. 25. art. 6. his verbis:*

Secun-

Secundum naturam suam sunt ex caritate diligendi (peccatores) secundum culpam, qua Deo adversantur, sunt odiendi quicumque peccatores, etiam pater & mater & propinqui, ut habetur Luc. 14. . . . & hoc est vere ex caritate diligere propter Deum. Addit in responsione ad 2. hanc fuisse doctrinam Philosophorum Gentilium, amicis peccantibus, sicut Philosophus dicit in 9. Ethicor. non sunt subtrahenda amicitiae beneficia, quousque habeatur spes sanationis eorum, sed magis est auxilium dandum (scilicet fraterna correptione) ad recuperationem virtutis, quam ad recuperationem pecunie, si eam amisissent: quanto magis virtus est magis amicitiae affinis, quam pecunia? In responsione autem ad tertium, scribit illud Psalm. 9. Convertantur peccatores in infernum, intelligendum vel per modum praedictionis rei futurae: vel si per modum imprecationis, eam referendam ad remotionem, quippe non ad ipsam penam, ut scilicet peccata destruantur, & homines remaneant, vel a vivis auferantur, si emendari nequeant, & in infernum, hoc est juxta multos Interpretes, in sepulchrum detrudantur.

Dices 3. excommunicati abscissi sunt a Corpore Christi, a communione Fidelium separati, pro eis orare non licet, nec Ave eis dicere, epist. 2. Joann. vers. 10. Ergo inter proximos non sunt numerandi, nec caritate diligendi.

Nego conseq. Quia excommunicatio est poena medicinalis ordinata ad salutem excommunicati, ut patet ex Apostolo 1. Cor. 5. ubi scribit se incestum tradidisse Satanæ in interitum carnis, ut spiritus salvus sit in die Domini nostri Jesu Christi. Et Thessal. 3. postquam praecepit Fidelibus, ut se subtrahant ab omni Fratre ambulante inordinate, statim subdit v. 15. *Et nolite quasi inimicum existimare; sed corripite, ut fratrem.* Sed caritas Apostoli in incestum a se excommunicatum, & postea poenitentem maxime elucet 2. Cor. cap. 2. ubi pro illo intercedit apud Cor. ut suo exemplo confirmet in illum caritatem, ne forte, inquit, abundantiori tristitia absorbeatur. Quin ipsemet Dominus, interrogatus Luc. 10. quis sit noster proximus?

Sama-

Samaritanum Judæis invisum : & a Synagoga excommunicatum appellavit, ut innueret omnem omnino hominem habendum, ut proximum. Et S. August. epist. 155. alias 52. ad Macedonium, referens illud Comici Ethnici (Terentii) *homo sum, humani nihil à me alienum puto*, scribit huic sententiæ theatra tota, plena stultis indoctisque applausisse. Ita, inquit, omnium affectum naturaliter attingit societas humanorum animorum, ut nullus ibi hominum nisi cujuscumque hominis proximum se esse sentiret. Ecclesia quidem prohibet ne nomina excommunicatorum in publicis precibus recitentur, eosque removel a Fidelium societate, tam in civilibus, quam in spiritualibus, sed ut utiliter confundantur, tandemque contumacia deposita, humiles resipiscant per gratiam Dei, quam Fideles ipsis privatim precari non cessant. Sed de excommunicatione alibi.

Dices 4. *dæmones & alii damnati, sunt res Dei : Ergo debemus illos caritate diligere.*

Distinguo conseq. cum S. Thoma cit. art. 11. debemus diligere eos amore, quo concupiscimus amico amplam messem, animalium domesticorum incolumitatem, concedo: amore benevolentiae & amicitiae, Nego conf. quia ejusmodi amore adversaremur Deo; naturam *dæmonum*, inquit S. Doctor, *etiam ex caritate diligere possumus, in quantum scilicet volumus illos spiritus in suis naturalibus conservari ad gloriam Dei.*

Quæ cum ita sint, manifestum est nullius virtutis obiectum materiale tam late patere, quam obiectum caritatis. Omnes quippe aliæ virtutes & artes versantur circa determinatam materiam, misericordia circa sublevandam pauperis miseriam, Theologia circa conclusiones ex propositionibus revelatis deducibiles, ars fabrilis circa lignum, aut ferrum; quæ materia cum desit aliquando, ejusmodi virtutes ferriari necesse est. Sed non sic caritas; quia præsto est illi semper materia, in qua exercetur omnia quippe, solo peccato excepto, in Dei gloriam tanquam in bonum dilecti referri possunt ac debent. Hanc divinam artem noverrat, qui ad Philip. cap. 4. scripsit, *scio & humilia-*

liari, scio & abundare (ubique & in omnibus insti-
tutus sum) & satiari & esurire.

Dixi, solo peccato excepto, quia cum peccatum sit malum Dei, caritas illud summe refugit, nedum co- utatur ad opera sua, v. g. mendacio ad vitandas ri- xas, motivo superbiæ aut cupiditatis ad acuendos ignavos animos, &c.

Q. 3. *Quodnam est objectum formale caritatis?*

R. Est Deus quatenus infinite bonus, seu est infi- nita Dei bonitas, qua redditur infinite amabilis. No- mine autem bonitatis intelliguntur infinitæ Dei per- fectiones, ut supra monuimus; quia bonum & per- fectum sunt unum & idem: res eo est bona, quo in se perfecta, & eo est melior aut optima, quo est perfectior aut perfectissima.

Probatur autem responsio; quia objectum formale virtutis est motivum, seu ratio formalis sub qua virtus tendit in suum objectum materiale: objectum formale fidei v. g. est divina revelatio per Ecclesiam proposita; quia ratio, propter quam fide credimus Religionis Christianæ dogmata, est divina revelatio: atqui tota ratio cur caritate diligimus Deum, nos ipsos, proxim- um, & res ceteras, est infinita Dei perfectio & bo- nitas: Ergo infinita Dei bonitas & perfectio in se spe- ctata, est adæquatum objectum formale caritatis.

Minor elucidatur experientia eorum, quæ in civili- bus contingunt, atque in exemplum profero patrem- familias ab altero impense dilectum absque ulla spe commodi temporalis, cum supponatur amans cumulat- us honoribus & bonis fortunæ, sed præcise ob mores ejus candidos, affabilitatem, sapientiam, & ceteras animi do- tes præclarissimas. Quæro autem quodnam sit motivum arctissimæ illius amicitiae, quæve diligendi ratio, nisi singularis illa perfectio & bonitas patris familias se- cundum se spectata? Annon propter eam charum est etiam quidquid ad patrem familias pertinet, diliguntur liberi & domestici? aliquis eorum iter habeat per ur- bem, in qua degit amicus, ubi resciverit ille, statim eum accersit, cogitque diversari in propria domo, quin si sit male moratus filius aut domesticus, & inho- nestus

neſſe ſe geſſerit erga amicum, inde dolet amicus, illum ſalutaribus monitis emendare ſatagit, ſed non ulciſcitur propter patrem familias: quod ſi ſanis conſiliis non acquieſcat, rem totam ad prudentiam patris familias refert, qui ſi e familia rejiciat domesticum, illius jam ejeſti nullam rationem habebit amicus. In hoc exemplo cogita caritatem, qua primario diligimus Deum, ſecundario nos ipſos, proximum, & res omnes ad Deum pertinentes, utpote creata in ejus gloriam, & intelliges quomodo infinita Dei perfectio & bonitas ſit tota ratio illum & nos & proximum amandi amore amicitiae: illum quidem, quia eſt ipſamet originalis bonitas: nos vero & proximum, quia illa divina bonitas per communionem aut preparationem bonorum ſupernaturalium in nobis & proximo reluces tanquam in filiis Dei, & domesticis. Unde ſi quis ſit a Deo totaliter & abſque ulla ſpe rejectus, ut damnati, nullam habemus ad eum amicitiam, quia in illo non amplius relucet Dei bonitas, quae eſt tota amandi ratio.

Nec dicas bonitatem Dei eſſe quid extrinſecum nobis ac proximo, proindeque non poſſe eſſe rationem nos & illum amandi, cum nihil ſit amabile, niſi propter bonitatem, quae in ipſo eſt. Namque neceſſe non eſt, ut objectum formale ſit intrinſecum objecto materiali, ſed ſatis eſt, ut ad illud habeat moralem habitudinem, quod multis patet exemplis; prima veritas revelans v. g. eſt intrinſeca rebus reſeſatis, & nihilominus eſt motivum formale, propter quod illas credimus; æger ſanitatís amore diligit acerba remedia: imagines coluntur propter excellentiam archetypi, ad quod referuntur tanquam ad aliquid ipſis extrinſecum. Similiter proximus diligitur propter bonitatem Dei in eo relucentem.

At, inquit, quomodo poteſt diligere homo nequiſſimus, crudelis inimicus, qui quovis modo nos perdere nititur? cum voluntas amore non feratur niſi in objectum apprehenſum ut bonum?

R. Dici poteſt quomodo diligimus membrum vitiatum, quod acutiſſimis doloribus diu noctuque nos cruciat. Nempe diſtinguimus ſubſtantiam inter & vitium
dolo-

doloris causſam: ſubſtantia eſt nobis cara & pretioſa utpote pars noſtri, quam ſanam peroptamus, ideoque contra vitium eam infeſtans pugnamus, illudque qua vi, qua induſtria propellere nitimur. Sic Chriſtus caput omnium hominum, cum adhuc peccatores eſſemus, propter nimiam ſuam caritatem dilexit nos tanquam propria membra, ſed agra & peſſime affecta; pretioſiſſimo Sanguinis ſui balſamo morbum, hoc eſt peccatum, extinxit; ſanitati, ac juſtitiae nos reſtituit, & ex inimicis amicos accipit, quod longe glorioſius eſt: nam ex S. Auguſtino, multo eſt optabilius inimicum non habere, quam ulciſcendo vincere. Ita & nos, ſi caritas & Spiritus Chriſti habitet in nobis, diligemus fratres, bonos quidem, quia ſani ſunt, malos autem, ut a vitiis ſanentur & boni evadant. Sed utriſque volumus, ut Deus in ipsis ſit, & ipſi in Deo.

Ergo mens lumine fidei illuſtrata, & igne caritatis ſuccenſa, magnum bonum in nequiſſimo ac inimiciſſimo homine apprehendit, unde cum diligere poſſit ac debeat, nempe ordinem quem habeat ad vitam æternam, & bonitatem divinam in eo relucentem & agentem, ut illum ad pœnitentiam adducat, ſitque illi ſicut & nobis ſocietas cum Patre, & cum Filio ejus Jeſu Chriſto, ut dicitur 1. Joann. cap. 1. Sed maximum illud caritatis incitamentum fugit odio ſagranter, qui ut animo ſuo indulgeant, mente non revoltunt, niſi incredibilem inimicorum malitiam, proptereaque impoſſibilis ipsis videtur eorum dilectio, nec mirum quia penes hos non eſt malum diligere. Unde ſibi contradicunt, qui de eo qui diſplicuit, dicere ſolent in ejus contemptum, Chriſtiano more illum amo, ſed nihili illum facio. Namque aut nullatenus amant, ſi prorsus contemnunt, quia illud amabile non eſt, in quo nulla deprehenditur bonitas, quam æſtimemus: aut tanti æſtimant quantum amant. Porro caritas Chriſtiana eſt amor longe præſtantiſſimus, ut colligitur ex ejus obſectio formali, & nos fuſe expoſuimus in praxi Sacramenti pœnitentiae Gallice edita ad 5. præceptum Decalogi: ergo qui Chriſtiana caritate diligit, magni faciat dilectum, necesse eſt.

Ergo

Ergo caritas Theologica est virtus specie una & a ceteris distincta: illa enim virtus est specie una, & a ceteris distincta, quæ unum habet formale objectum nulli virtuti commune: atqui caritas Theologica unum habet formale objectum, nempe bonitatem divinam in se spectatam, nec objectum illud est illi commune cum altera virtute: ergo.

Nec dicas caritatem vocari a Sanctis Patribus, præsertim a S. Augustino, omnem virtutem, adeo ut fortitudo nihil sit aliud, quam amor fortis, temperantia amor purus, &c. ita enim vocatur, quia nunquam existit sine comitatu omnium virtutum, iis imperat, tribuitque formam & ultimam perfectionem. Denique est omnis virtus imperative, non elicitivæ, hoc est imperat omnium virtutum actus, sed non elicit.

Ergo sicut nulla fides Theologica remanet in eo, qui contumaciter dissentit vel uni articulo; ita nec caritas Theologica in eo, qui vel unum proximum, puta inimicum, totaliter excludit a sua benevolentia; quia objectum formale utriusque virtutis est unum, simplex ac invisibile: & tam dissentiens uni articulo, quam malevolus erga inimicum, sese avertunt a Deo; ille, ut Deus prima veritas est, iste, quatenus Deus est summa bonitas relucens etiam in inimico.

Q. 4. *Amare Deum ob beneficia accepta esse actus caritatis Theologicæ?*

R. Minime, sed est actus gratitudinis, nisi illa beneficia spectentur, ut communicationes bonitatis divinæ, quomodo solet apprehendi Incarnatio, Redemptio, visio beatifica, &c. ut dicitur sequenti responsione; quia caritas, utpote virtus Theologica, habet Deum ut in se bonum pro objecto formali: gratus autem animus ipsum beneficium, ac proinde numeratur inter virtutes morales. In Justis tamen caritas solet imperare ejusmodi gratitudinis actus, & ita sunt in illis actus caritatis imperati, sed a gratitudine elicti.

Q. 5. *Diligere proximum propter supernaturalia dona, quibus exornatur, vel propter dotes naturales, & temporales necessitudines, v. g. cognationem, affinitatem, &c. esse actus caritatis Theologicæ?*

R. 1.

R. 1. Dona supernaturalia dupliciter spectari possunt
 1. præcise ut habitus vel actus virtutum a caritate
 distinctarum, 2. ut participationes divinæ bonitatis.
 Si amentur primo modo, amor ille non est actus ca-
 ritatis Theologicæ, sed illius virtutis, puta fortitudi-
 nis, castitatis, quæ placet in proximo, quia ratio
 seu motivum hujusce amoris non est divina bonitas,
 sed honestas virtutis, puta fortitudinis, castitatis,
 quæ delectat in proximo. Sed si amentur secundo mo-
 do, quatenus sunt participationes divinæ bonitatis,
 amor ille est actus caritatis Theologicæ, cum obje-
 ctum formale & motivum cur proximus ametur, sit
 divina bonitas tam copiose se ei communicans.

R. 2. Dotes naturales, & omnes conjunctiones tem-
 porales dupliciter etiam spectari possunt, 1. in ordi-
 ne supernaturali, & quatenus subserviunt prædestina-
 tioni, ut diximus Tractatu de Attributis, ubi de di-
 vina prædestinatione. 2. in ordine naturali, quate-
 nus præclaræ dotes & conjunctiones licitæ conferunt
 ad bonum publicum & felicitatem terrenam. Priori
 modo sunt objectum caritatis Theologicæ, in iis quip-
 pe relucet infinita Dei perfectio, sapientia, omni-
 potentia, misericordia, iustitia, & quidquid nomine bo-
 nitatis intelligitur. Unde sicut amatur optimus pa-
 terfamilias in sapienti administratione rei familiaris,
 in ordine domesticorum & distributione officiorum,
 ita Deus se præbet amandum ac laudandum in admi-
 rabili dispositione universi, in quo, ut cuncta suavius
 fortiusque ad se ultimum finem adduceret, constituit
 gradus diversos, sed sic inter se connexos, ut sine
 se invicem stare nequeant, varias distinxit necessitu-
 dines per communionem vel ejusdem sanguinis, vel
 eorundem operum, per quæ homines tam arte con-
 juncti se mutuo juvant, & quidem (si caritas Theo-
 logica sit diffusa in cordibus eorum) ut per hujus-
 modi ministeria temporalia tam ipsi, quam parentes,
 & socii Deum promereantur. *Quæcirca*, inquit S. Au-
 gust. lib. 19. de Civit. Dei c. 16. „ etiamsi habuerunt
 „ servos iusti patres nostri, sic quidem administra-
 „ bant domesticam pacem, ut secundum hæc temporalia

„ bona , filiorum sortem a servorum conditione di-
 „ stinguere , ad Deum autem colendum , in quo
 „ æterna bona speranda sunt , omnibus domus suæ
 „ membris pari dilectione consulere . *Et infra* . Qui
 „ veri patresfamilias sunt , omnibus in familia sua
 „ tanquam filiis ad colendum & promerendum Deum
 „ consulunt , desiderantes atque optantes venire ad
 „ cælestem domum , ubi necessarium non sit officium
 „ imperandi mortalibus , quia necessarium non erit
 „ officium consulendi jam in illa immortalitate felici-
 „ bus ; quo donec veniatur , magis debent patres quod
 „ dominantur , quam servi tolerare quod serviunt .

Posteriori modo spectata dona naturalia & tempo-
 rales conjunctiones , nempe quatenus conferunt ad fe-
 licitatem terrenam , non sunt objectum caritatis Theo-
 logicæ , nec ullius veræ virtutis , quemadmodum S.
 August. scribit ep. 155. alias 52. ad Macedonium vi-
 rum potentem , & in Republica strenue agentem . „ Si
 „ omnis prudentia tua , *inquit* , qua consulere cona-
 „ ris rebus humanis , si omnis fortitudo , qua nullius
 „ iniquitate adversante terreris , si omnis temperan-
 „ tia , qua in tanta labè nequissimæ consuetudinis ho-
 „ minum te a corruptionibus abstines , si omnis ju-
 „ stitia qua recte judicando sua cuique distribuis , id
 „ laboras , id mititur , ut hi , quibus vis , ut bene
 „ sit , salvi sint corpore . . . ita non erunt veræ vir-
 „ tutes tuæ , sicut nec istorum beatitudo .

C A P U T III.

De necessitate Caritatis .

Certum est 1. caritatem habitualesse necessa-
 riam necessitate mediæ ; illud enim est necessa-
 rium necessitate mediæ , sine quo salus obtineri ne-
 quit ; atqui sine caritate habituali salus obtineri ne-
 quit , cum sine ejus infusione non remittatur peccatum .

Certum est 2. caritatem actualem non esse necessariam
 in parvulis , qui licet non sint capaces ullius actus ,
 per

per Baptismum tamen fiunt immaculati, Deo dilecti, ita ut nihil eos ab ingressu cæli remoretur, ut docet Concilium Tridentinum sess. 5. can. 5.

Quæstio esse potest dumtaxat de adultis, an scilicet caritas actualis sit ipsis necessaria, necessitate medii. In hypothese quod adultus justificari possit per Sacramentum Baptismi vel Pœnitentiæ absque prævio motu caritatis: caritas actualis non erit necessaria necessitate medii absolute loquendo, sed ad summum necessitate præcepti; nam contingere potest, ut attritus necdum incipiens Deum diligere, baptizetur aut absolvatur in extremis; cum jam compos non est rationis, & statim decedat, sicque in illa hypothese salutem consequatur sine prævio motu caritatis. Sed illa difficultas commodius discutietur, ubi de Sacramento Pœnitentiæ. Quare expendemus hic dumtaxat, an caritas actualis sit adultis necessaria necessitate præcepti.

Cum autem caritas, ex dictis versetur circa Deum & Proximum, agendum est distinctis Paragraphis de præcepto amoris Dei, & de præcepto amoris proximi.

§. I.

De præcepto amoris Dei.

Q. 1. **E**xistatne præceptum divinum amoris Dei?

R. Affirmative.

Probatur 1. ex Scriptura Deut. 6. v. 5. & 6. *Diliges Dominum Deum tuum ex toto corde tuo, & ex tota anima tua, & ex tota fortitudine tua; eruntque verba hæc, quæ ego præcipio tibi hodie, in corde tuo.* Matth. 22. v. 38. Christus laudans illud præceptum, ait: *Hoc est maximum & primum mandatum.*

Probatur 2. ex Traditione, quam Sancti Patres una voce testantur. S. August. lib. 1. Conf. c. 5. Deum sic alloquitur: „ Quid tibi sum ipse, ut amari te ju-
„ beas a me, & nisi faciam, irascaris mihi, & mine-
„ ris ingentes misérias? Parvane res ipsa est, si non amem
„ te? „ Ecclesia in administratione Baptismi hætenus il-
lud præceptum tanquam vitæ Christianæ summam pro-

posuit, si vis ad vitam ingredi, serva mandata: Diliges Dominum Deum tuum ex toto corde tuo. Unde merito Alex. VII. anno 1690. & Clerus Gallicanus anno 1700. tanquam hæreticam proscripserunt hanc propositionem: Sufficit ut actus moralis tendat in finem ultimum interpretative: hinc homo non tenetur amare, neque in principio, neque in decursu vitæ moralis.

Probatur 3. ratione, quam urget S. Thomas q. 44. art. 1. „ Per se quidem, inquit, debitum est in unoquoque negotio id quod est finis, quia habet rationem per se boni. Propter aliud autem est debitum id quod ordinatur ad finem: sicut Medico, per se debitum est, ut sanes, propter aliud autem, ut medicinam det ad sanandum. Finis autem spiritualis vitæ est, ut homo uniatur Deo, quod fit per caritatem, & ad hoc ordinantur sicut ad finem, quæ pertinent ad spiritualem vitam (*puta alia præcepta*).... in quolibet autem genere id quod est per se, potius est eo, quod est propter aliud, & ideo maximum præceptum est de caritate.

Q. 2. *Quandonam obligat præceptum amoris Dei?*

Nonnulli Theologi Moderni in hac materia abjērunt in absurdas & scandalosas sententias. *Prima* eorum propositio fuit, „ præceptum amoris Dei per se tantum obligat in articulo mortis. *Secunda*, probabile est ne singulis quidem rigoroſe quinquennis per se obligare præceptum caritatis erga Deum. *Tertia*, an peccet mortaliter, qui actum dilectionis Dei semel tantum in vita eliceret, condemnare non audemus. *Quarta*, tunc solum obligat, quando tenemur justificari, & non habemus aliam viam, qua justificari possumus. „ Via autem, qua justificari possumus sine dilectione Dei in opinione illorum Theologorum, est Sacramentum Pœnitentiæ, cujus auxilio immunes nos putant a præcepto caritatis. Sed ejusmodi propositiones jam proscriptas partim ab Academia Parisiensi anno 1663. partim a Summo Pontifice Innocentio XI. anno 1676. Clerus Gallicanus declaravit anno 1700. scandalosas, perniciosas, piarum aurium offensivas, impias, primum & summum mandatum irritum facientes, atque Evangelicæ

legis spiritum extinguentes. Quare ad propositam questionem.

R. 1. Præceptum amoris Dei quam sæpissime obligat, atque semper enitendum est ad ejus observationem.

Probatur 1. ex Scriptura Deut. 6. *Diliges Dominum Deum tuum, &c.* eruntque verba hæc, quæ ego præcipio tibi hodie in corde tuo: & narrabis ea filiis tuis (notent parentes) & meditaberis in eis sedens in domo tua & ambulans in itinere, dormiens, atque consurgens. Et ligabis ea quasi signum in manu tua, eruntque & movebuntur inter oculos tuos, scribesque ea in limine & ostiis domus tue.

Probatur 2. ex S. Augustino præfatione in Psal. 31.
 „ Dilectio, inquit, vacare non potest. Et in Ps. 121.
 „ habet omnis amor viam suam, nec potest vacare
 „ amor in anima amantis: necesse est ut ducat. „ Illud
 „ in se sentit & experitur omnis amans: „ Sed vis nos-
 „ se qualis amor sit? vide quod ducat. Non ergo mone-
 „ mus ut nihil ametis (quod est impossibile) sed ne
 „ mundum ametis. Obligata enim anima amore ter-
 „ reno, quasi viscum habet in pennis, volare non
 „ potest: Mundata vero ab affectibus sordidissimi sæ-
 „ culi, tanquam extensis pennis, & duabus alis reso-
 „ lutis ab omni impedimento, id est, duobus præce-
 „ ptis dilectionis Dei, & proximi volat. Quo, nisi
 „ ad Deum ascendens volando, qui ascendit amando. „
 Hinc Apostolus 1. Tim. 2. veram caritatem dicit ex
 corde puro, conscientia bona, & fide non ficta, quia
 interprete S. Thoma q. 44. art. 1. „ Cor impurum
 „ abstrahitur a Dei dilectione, propter passionem
 „ inclinantem ad terrena. Conscientia vero mala fa-
 „ cit horrere divinam justitiam propter timorem pœ-
 „ næ: fides autem ficta trahit affectum in id, quod
 „ de Deo fingitur, separans a Dei veritate.

Probatur 3. his omnibus momentis. quibus probavi-
 mus Tract. de Actibus humanis, pag. 81. 8. hominem te-
 neri omnes actiones suas ad ultimum finem referre,
 saltem intentione virtuali. Quid sit autem illa inten-
 tio virtualis, & quomodo in nobis continuo manere ac

operari possit, late exposuimus eodem Tract. de Actibus humanis pag. 42. & seq.

Confirmatur; quandiu moralem hanc vitam vivimus, viatores sumus tendentes ad patriam cælestem: ergo semper progredi necesse est: *Ibunt*, inquit regius Psalter Psal. 83. *de virtute in virtutem*: qui enim in via subsistit, nec ultra vult progredi, viator esse desinit, & perseverantiam ipsi convenientem amittit. Quiet in termino est perseverantia comprehensoris, & quandiu inde non recedit, perseverare dicitur; contra vero perseverantia viatoris est continuus progressus, adeo ut si amplius ambulare nolit, quamvis non deserat viam, pro viatore tamen non sit habendus, nec patriam defectu perseverantiæ consecuturus. Unde illud effatum apud sanctos Patres, in via Domini nolle progredi, deficere est: *Minime pro certo est bonus*, inquit S. Bernardus epist. 91. „ qui melior esse non vult; & ubi „ incipit nolle fieri melior, ibi etiam desinit esse bonus. Atqui imus ad Deum, inquebat supra S. Augustinus, non ambulando, sed amando. Et qui plus diligit velocius currit, & citius apprehendit: Ergo.

R. 2. Theologi definiunt certa tempora, quibus præsertim eliciendi sunt actus amoris Dei.

Primo, initio usus rationis, cum jam homini liberum est vel ad Deum, vel ad creaturam se convertere: „ Creaturæ quippe rationali, inquit S. Fulgentius lib. 1. „ de fide cap. 17. alia beatitudo non potuit, nec potest esse, nec poterit, nisi ut agnoscens a quo non solum facta, sed etiam a quo rationalis facta est, majorem dilectionem exhibeat bono Creatori, quam sibi. Neque enim ei inesse posset ullatenus ratio, nisi ei posset Creatoris inesse dilectio, quia nec est alia, quæ vera sit sapientia, vel intelligentia creaturæ rationalis, nisi dilectio Creatoris. „ Et S. Thomas 1. 2. q. 89. art. 9. ad 3. sic habet: „ Ab aliis peccatis mortalibus potest puer incipiens habere usum rationis, per aliquod tempus abstinere; sed a peccato omissionis prædictæ (amoris Dei) non liberatur, nisi quam cito potest, se convertat ad Deum. „ Primum enim quod occurrat homini discretionem „ ha-

„ habenti, est quod de ipso cogitet, ad quem alia
 „ ordinet sicut ad finem; finis enim est prior in in-
 „ tentione, & ideo hoc est tempus pro quo obliga-
 „ tur ex Dei præcepto affirmativo, quo Dominus di-
 „ cit: „ Convertimini ad me, & ego convertar ad
 vos, Zach. 17. v. 1. Plures tamen Theologi putant
 ignorantiam in illo crepusculo luminis naturalis posse
 pueros aliquandiu excusare.

Secundo, præceptum amoris Dei maxime obligat in
 vitæ exitu; veniente enim sponso, virgo prudens lam-
 padem suam accendere debet, & ei obviam exire ar-
 dentissimo quo possit amore, cupiens esse cum Chri-
 sto, & vitam suam ei sincero offerens in sacrificium.
 Hinc est, quod Pastores juxta Ecclesiæ disciplinam,
 actus fidei, spei, & caritatis a decumbentibus exigere
 soleant.

Tertio, eliciendi sunt actus amoris Dei cum tenta-
 tionibus pullamur, advertimusque caritatem in nobis
 repelcere, & animam nostram amore sui, vel rerum
 terrenarum prægravatam excidere a sua rectitudine; tum
 enim maxime desiderio spirituali erigenda est exemplo
 illius, qui in similis periculo dicebat: *Ad te Domine
 levavi animam meam*, Ps. 25. Ne scilicet carnalibus
 desideriis conculcetur.

Quarto, si eam orandi formulam, quam dictavit ac
 præcepit Magister noster, tenemus, toties actus amo-
 ris Dei elicere debemus, quoties Orationem Domini-
 cam, ad quam ceteræ reduci debent, ex S. August.
 lingua proferimus: nisi enim interni affectus animi ver-
 bis nostris respondeant, vere illud Matth. 15. in nos
 contorquebitur: *Populus hic labiis me honorat, cor au-
 tem eorum longe a me est sine causa autem colunt me.*
 Quid enim lingua nostra exprimit dicendo: *sanctifica-
 tur nomen tuum*, nisi nos ante omnia expetere Dei glo-
 riam? Id petimus, inquit Tertull. lib. de Oratione
 cap. 3. *ut sanctificetur in nobis in illo simul: simul &
 in ceteris, quæ adhuc gratia Dei expectat.* Quid so-
 nant illa verba, *fiat voluntas tua sicut in celo & in
 terra?* Audi S. Cyprianum de Oratione Dominica;
 „ Voluntas Dei est, inquit, quam Christus & docuit

„ & fecit . . . Deum toto corde diligere , ama-
 „ re in illo quod Pater est , timere quod Deus est.
 „ Christo nihil omnino præponere ; quia nec nobis ille
 „ quicquam præposuit , caritati ejus inseparabiliter ad-
 „ hære , cruci ejus fortiter ac fidenter assistere , quan-
 „ do de ejus nomine & honore certamen est . „ Quid
 „ exterius profiteamur , cum dicimus : *Credo in Deum Pa-
 „ trem omnipotentem , & in Jesum Christum Filium ejus
 „ unicum Dominum nostrum* ? Respondet Sanctus Augusti-
 „ nus Tract. 29. in Joannem , „ credendo amare , cre-
 „ dendo diligere , credendo in Deum ire . „ Ne ergo
 „ simus ex illis , de quibus scriptum est Psalm. 80. *in-
 „ misi Domini mentiti sunt ei* , necesse est , ut is affectus
 „ sit in nobis , quem exterius lingua nostra exprimit .

Q. 3. *Modus diligendi Deum , scil. ex toto corde ,
 ex tota mente , &c. cadit ne sub præceptum ?*

R. Cadit , quia cum cadit modus sub præceptum ,
 cum actus præceptus poni nequit sine illo modo ; sic
 attentio & devotio v. g. quæ sunt modi orationis ,
 simul præcipiuntur cum ipsa oratione ; quia verba pro-
 lata absque ulla attentione & pietatis affectu non sunt
 oratio : atqui amor , quo aliquis Deum non plus dili-
 geret , quam seipsum aut aliam creaturam , non esset
 amor Dei : quia amor Dei essentialiter est unio & ad-
 hæsiō ad Deum tanquam ad ultimum finem , ad quem
 omnia referuntur : qui autem seipsi , aut aliam
 creaturam plusquam Deum diligit , se ipsum aut illam
 creaturam constituit pro ultimo fine : si autem suppo-
 natur quod æqualiter tantum se aut illam creaturam di-
 ligat , vel supponitur eum sibi constituere duos fines
 ultimos , quod repugnat secundum omnes Philosophos ;
 vel saltem Deum non habebit pro ultimo fine , cum no-
 lit seipsum ad aliud referre , ac proinde non adhærebit
 illi tanquam suo ultimo fini , quemadmodum in poli-
 ticiis , qui Imperatori alterum vel præponeret , vel
 æquaret , Dominum suum honore debito fraudaret , ac
 læsæ Majestatis reum se constitueret . Ergo amor Dei
 essentialiter debet esse ex toto corde , ex tota mente ,
 &c. ac proinde ille diligendi modus cadit sub primum
 legis præceptum . Effatum itaque Theologorum , *modus*

pra-

præcepti non cadit sub præceptum, non extenditur ex
8. Th. 2. 2. quæst. 44. art. 1. ad 1. nisi ad præce-
pra de virtutibus a caritate distinctis: „ Puta, inquit,
„ sub hoc præcepto, honora patrem tuum & matrem
„ tuam, non cadit quod hoc ex caritate fiat.

Q. 4. Quid est diligere Deum ex toto corde, ex tota
mente, ex tota anima, & ex tota fortitudine, seu ex
totis viribus?

R. Alii aliter hujusce præcepti terminos interpre-
tantur.

Apud S. Thom. q. 44. art. 1. cor est voluntas ;
 quia sicut cor est principium vitæ naturalis ; ita volun-
 tas actuum humanarum, & totius vitæ moralis : mens
 est intellectus : anima pars inferior, quæ complectitur
 sensus tum exteriores, tum interiores, & appetitum
 sensitivum cum omnibus ejus passionibus, quia spiritus
 rationalis dicitur anima ab animando, & quatenus est
 forma corporis organicæ, efficitque vitam animale, &
 spiritus vero per ordinem ad Deum & objecta spiritua-
 lia ; fortitudo denique est facultas motrix, seu ut lo-
 quitur S. Thomas, facultas executiva operum exterior-
 um, quæ imperat voluntas. Igitur juxta Angelicum
 Doctorem, Deum diligimus 1. ex toto corde, quan-
 do tota nostra intentio fertur in Deum, 2. ex tota men-
 te, quando in omnibus rationes æternas consulimus, &
 ad lumen fidei cuncta expendimus, ita ut simus cum
 Deo unius sententiæ sicut & unius voluntatis, quemad-
 modum contingit in amicis arctissimo amicitie vinculo
 conjunctis. 3. Ex tota anima, cum sensuum motus &
 passionibus appetitus juxta Dei beneplacitum dirigimus,
 vigilamus, ne ferantur ad illicita & vana, & ubi
 inordinate rationem præveniunt, resistimus. 4. Ex to-
 ta fortitudine, seu tota virtute, & totis viribus, quæ
 sunt termini synonymi, cum ob Dei amorem nec la-
 bor, nec difficultas nos deterrent ab externis operibus.

S. Bernardus serm. 20. in Cant. sic exponit illud
 præceptum, ut velit mentem & animam unum & idem
 significare. „ Mihi videtur, inquit, amor quidem cor-
 „ dis ad zelum quandam pertinere affectionis ; animæ
 „ vero amor ad industriam seu judicium rationis, vie-

„ tutis autem dilectio ad animi posse referri constan-
 „ tiam, vel vigorem. Dilige ergo Dominum Deum
 „ tuum toto & pleno cordis affectu: dilige tota ratio-
 „ nis vigilantia & circumspectione; dilige & tota vir-
 „ tute, ut nec mori pro ejus amore pertimescas. Sia
 „ suavis & duleis affectui tuo Dominus Jesus, contra
 „ male utique dulces vitæ carnalis illecebras, & vin-
 „ cat dulcedo dulcedinem, quemadmodum clavum cla-
 „ vus expellit. Sed sit nihilominus intellectus prævia
 „ lux & dux rationi, non solum ob cavendas hæreti-
 „ cæ fraudis decipulas, & fidei puritatem ab eorum
 „ versutiis custodiendam, verum ut cautus quoque sis
 „ nimiam & indiscretam vehementiam in tua conver-
 „ satione vitare. Sit etiam fortis & constans amor tuus,
 „ nec cedens terroribus, nec succumbens laboribus. „
 Tres illos divini præcepti gradus exhibet in Apostolis.
 Primum quidem cum contristarentur ob imminentem Ma-
 gistri discessum: *Diligebant dulciter, sed minus pruden-
 ter: diligebant carnaliter, sed non rationabiliter.* Se-
 cundum, cum Petrus jam correctus, audito verbo, non
 sapis quæ Dei sunt, Matth. 18. promisit se cum Ma-
 gistro moriturum, erat tota anima doctus diligere, sed
 adhuc infirmus; bene instructus, sed parum adjutus: non
 ignarus mysterii, sed martyrii pavidus. Necdum ergo
 ad tertium pervenerat gradum, in quo virtute tota
 diligitur. Tum demum tertio illo modo dilexit, cum
 indutus virtute ex alto vitam suam exposuit: Ergo non
 abduci blanditis, nec seduci fallaciis, nec injuriis fran-
 gi; tota corde, tota anima, tota virtute diligere est.
 Quamobrem discas amare dulciter, amare prudenter,
 amare fortiter.

S. Augustinus lib. 1. de doctrina Christiana cap. 22.
 paullo aliter accipit ejusdem præcepti vocabula nimi-
 rum totius cordis nomine intelligit omnes cogitatio-
 nes, juxta illud Marci 7. v. 21. *De corde hominum ma-
 la cogitationes procedunt;* & nomine totius animæ om-
 nem vitam; *Diliges*, inquit, *Deum ex toto corde, &
 ex tota anima, & ex tota mente, ut omnes cogitationes
 tuas, & omnem vitam, & omnem intellectum in illum
 conferas, a quo habes ea ipsa quæ confers.*

Sed quantumlibet varia sit acceptio horum vocabulorum, una est omnium sententia hocce divino præcepto ab homine exigi, ut ex toto corde Deum diligat: „ Cum autem ait. toto corde, tota anima, tota mente, nullam vitæ nostræ partem relinquit, quæ vacare debeat, & quasi locum dare, ut alia re velit frui: „ sed quidquid aliud diligendum venerit in animum, „ illuc rapiatur, quo totius dilectionis impetus currit... quæ nullum a se rivulum duci extra patitur, „ tur, cujus derivatione minuatur. „ S. August. cit. cap. 21. lib. de Doct. Christ.

Dices: Deus impossibilia non jubet: atqui impossibile est Deum sic diligere: Ergo admitti non debet allata expositio.

Concessa majore, distingo minorem: impossibile est Deum sic diligere perfecte, Conc. Sic diligere imperfecte & quantum fert hujusce status conditio, Nego minor. Qui enim dicit, *diliges ex totis viribus*, nihil exigit ultra vires.

Instabis: atqui ea est voluntas cujuslibet Legislatoris, ut lex illius perfecte impleatur; longe enim absurdissimum est dicere, vel etiam cogitare non esse ex mente Legislatoris, ut leges ab eo sancitæ serventur accurate: Ergo Deus, utpote Legislator sapientissimus, nullam ferre potest legem, quæ perfecte & accurate servari nequeat. Ex concessis autem præceptum, de quo est sermo, perfecte impleri non potest eo quo expositum est modo: Ergo hujusmodi expositio non est genuina, nec ad sensum litteræ.

Distinguo subsumptum; ut lex ejus perfecte impleatur quantum subditorum facultas patitur, Conc. Ultra quam patitur, Nego subsumptum; Omnis quippe vera lex tendit in bonum commune subditorum; vergeret autem in evidentem eorum perniciem, si esset ipsis jugum intolerabile.

Distinguo similiter consequens; Deum nullam ferre potest legem, quæ perfecte servari nequeat perfectione propria hujusce status naturæ corruptæ, Conc. Perfectione, quæ speratur in patria cælesti, Nego consequentiam.

Duplex itaque est caritatis perfectio, altera patriæ; altera viz. Illa est in omnimoda plenitudine; quia nulla ibi pugna, quæ dividat animam a seipsa, nulla lex in membris repugnans legi mentis, sed prorsus toto corde, tota anima, tota mente Beati adhærebunt Deo. Ista vero in progressu & conflictatione, similis est perfectioni sive viatoris, qui celeri & recto cursu ad patriam properat; sive militis, qui anhelans ad victoriam Arenæ dimicat; nam ex S. August. libro de perfectione Just. cap. 8. *Cum est adhuc aliquid carnis concupiscentiæ, quod vel continendo frænctur, non omni modo ex tota anima diligitur Deus: non enim caro sine anima concupiscit, quamvis caro concupiscere dicatur, quia anima carnaliter concupiscit; sicque divisa, totaliter in Deum ferri non potest.*

Prima perfectio proponitur, ut finis & merces, ad quam tendere nos oportet; secunda præcipitur ut opus, quo promereamur tantum præmium. Finis autem præcise sumptus, inquit S. Th. q. 44. art. 6. præcipi non solet, sed proponi. Imperator exercitus v. g. militibus proprie non imperat ut victoriam reportant, sed ut fortiter & legitime pugnent, quo victores evadant; nec Magister Scholæ præcipit discipulis, ut scientia excellent, sed ut diligenter studiis incumbant. Unde nec miles, nec discipulus tenentur culpa; ille si victor non extiterit; iste, si scientia ceteros non superet. modo uterque partes suas impleverit, ille acriter pugnando, iste ad scientiam omnem operam suam conferendo.

Igitur perfectio viæ, quæ præcipitur, & ad quam assequendam Deus misericorditer nos adjuvat, in eo consistit, ut concupiscentiæ, quæ habitat in membris nostris, & reluctatur menti nostræ, ad nullum opus malum vel facti, vel dicti, vel cogitati, ut loquitur Sanctus Augustinus, consentiamus, corpus castigando in servitutem redigamus, membra nostra exhibeamus servare justitiæ; ad anteriora extendentes nosmetipsos: qui enim sic sapiunt, hos Apostolus perfectos pronunciare non dubitat, Philip. 3. ver. 13. *Quicumque, inquit, perfecti sumus, hoc sentiamus.* Sed observat San-

ctus.

Quis Augustinus, quod idem ipse Apostolus, qui se perfectis hic annumerat, paullo ante dixerit v. 12. *Non quod jam acceperim, aut jam perfectus sim*, quæ contradictoria viderentur, nisi intelligeretur Apostolus hic loqui de perfectione patriæ, ad quam seipsum extendebat, quia ibi ipsa dilectio, inquit S. August. lib. de spiritu & litt. cap. 36. *Non solum supra quam hic habemus, sed longe supra quam petimus, & supra quam intelligimus, erit, nec ideo tamen plus esse poteris, quam ex toto corde, ex tota anima, ex tota mente; neque enim restat in nobis aliquid, quod addere possis ad totum.* Ad hanc autem perfectionem & felicitatem anhelans Apostolus, priori loco dicebat, *sequor autem, si quomodo comprehendam*, quod pertinet ad perfectionem viæ: quicunque enim tam strenue currunt, hos Apostolus posteriori loco dicit perfectos; ut qui Deum diligant ex toto corde, ex tota anima; & ex tota mente, quatenus scilicet nullam sequuntur cupiditatem, sed contendunt in dies ad maiorem caritatem: *Ac per hoc*, inquit S. Augustinus cit. loco, *quantum mihi videtur, in ea, qua perficienda est, iustitia multum in hac vita profecit, quæ quam longe sit in perfectione iustitiæ proficiendo cognovit.*

Porro ista, quæ nobis præcipitur, dilectionis perfectio impossibilis non est; quia etsi omnia peccata venialia collective sumpta declinare nequeamus; singula tamen distributive vitare possumus ac debemus, ut diximus Tract. de Gratia cap. 5. §. 3. „ Sic ergo curramus, ut comprehendamus, omnes enim qui recte
„ currunt, comprehendunt; non sic in agone theatro,
„ omnes quidem currunt, sed unus accipit palmam.
„ Curramus credendo, sperando, desiderando, curramus corpus castigando, & eleemosynas in nobis
„ dandis malisque ignoscendis hilariter & ex corde
„ faciendo, & currentium vires, ut adjuventur orando;
„ & sic obediamus præcepto perfectionis, ne cur-
„ rere negligamus ad plenitudinem caritatis, S. Augustinus lib. de perf. Just. cap. 8.

§. II.

De præcepto amore proximi.

Q. 1. **E**stne præceptum divinum eliciendi actus amoris proximi?

Negarunt quidem Recentiores hisce propositionibus. Prima, non tenemur proximum diligere actu interno & formali. Secunda, præcepto proximum diligendi satisfacere possumus per solos actus externos. Tertia, præceptum affirmativum amoris Dei & proximi non est speciale, sed generale, cui per aliorum præceptorum adimplerionem satisficit.

Verum duæ priores propositiones damnatae sunt ab Innocentio XI. anno 1679. & tertia ab Academia Parisiensi anno 1665. ac demum a Clero Gallicano anno 1700. ut falsa, erronea, impia. Quare,

R. Præcepto divino tenemur diligere proximum interno amore amicitiae.

Prob. ex Scriptura, Matth. 22. *Diliges proximum tuum sicut teipsum*. Quæro autem ab Adversariis quomodo seipsos diligant? An externo duntaxat amore? Jo: 15. *Hoc est præceptum meum, ut diligatis invicem, sicut dilexi vos*. Quis autem nesciat Christum nos dilexisse interno amore amicitiae? Propterea Jo: 17. v. 21. vult ut omnes, sive dominus, sive famulus & mancipium, sive bello victor, sive captivus, unum sint ad invicem. Et cap. 13. v. 35. dicit hanc fore notam, qua veri Christiani scernantur a Philosophis ethnicis, qui virtutem colere profitebantur, *in hoc cognoscent omnes, quia discipuli mei estis, si dilectionem habueritis ad invicem*. Quemadmodum, inquit S. Chrysost. Rex sola purpura distinguitur inter aulicos, qui nunquam preciosioribus vestibus induuntur. 1. Cor. cap. 13. Apostolus ex professo docet externos caritatis actus sine internis non sufficere ad salutem: *Si distribuero, inquit, in cibos pauperum omnes facultates*

meas ... caritatem autem non habuero, nihil mihi prodest. Notent, qui ita subveniunt necessitatibus famulorum suorum, & aliorum infimæ plebis, ut indignum te judicent iis intimo caritatis affectu conjungi, & esse cum illis cor unum & animam unam, ut legitur Act. 4.

Dices: nullum extat præceptum diligendi seipsum: Ergo non debuit dari præceptum diligendi proximum.

Nego conf. Disparitas est, quia homo naturaliter diligit seipsum etiam infimum, etiam pessimum, nec in potestate ejus est, ut nolis esse beatus; quin aliquando ideo malus est, quia vult esse beatus, beatitudinem suam constituens in voluptatibus, & rerum tetrenarum abundantia. Quamobrem frustra daretur illi præceptum diligendi seipsum; sed in primis eget & doctrina, ut discat in solo Deo sitam esse hominis felicitatem, & præcepto simul ac gratia, quibus suaviter impellatur devium amorem sui ab illicitis revocare (qui enim diligit iniquitatem, odit animam suam,) & totum in Deo colligere: „ Quia igitur, „ *inquit S. Aug. 11. epist. 133.* nemo nisi Deum diligendo, diligit seipsum; non opus erat, ut dato „ de Dei dilectione præcepto, etiam seipsum homo „ diligere juberetur, cum in eo diligit seipsum, „ quod diligit Deum. Sed amor noster non simili impetu in proximum currit; multa in illo, etiam in sanguine conjunctissimis, displicent; suntque nobis onera, quæ impatienter ferremus, nisi lex diceret, *diliges proximum tuum sicut teipsum.* Item, *alter alterius onera portat.* De quo præcepto sic scribit S. August. lib. 83. qq. q. 71. „ Onera invicem nostra portemus, ut ad eam vitam, quæ caret omni onere, „ pervenire possimus ... v. g. iram fratris tui nunc „ portas, cum adversus eum non irascaris; ut rursus „ eo tempore, quod in te ira præoccupaverit, ille „ te leniat & tranquillitate sua supportet. Loquacitatem tuam ille portat; tu illius pertinaciam caritate portare debes, donec illud in te, & illud in illo vitium sanetur, &c.

Q. 2. Quid est diligere proximum sicut seipsum?

Respondet S. Th. q. 44. art. 7. pronomem *sicut*, non

non denotare æqualitatem dilectionis, sed similitudinem; debemus enim nos plus diligere quam proximum, nec licet nobis peccare etiam venialiter, cum illud necessarium videtur ad impediendum lethale alterius peccatum: prudentes virgines oleum suum cum fatuis partiri noluerunt, sed totum sibi servarunt, ne omnibus non sufficeret, Matth. 25. *Concha imitetur fontem*, inquit S. Bernardus, serm. 13. in Cant. *Non manat ille in rivum, nec in lacum extenditur, donec suis satiatur aquis.*

Præcipitur itaque secundo legis præcepto, ut caritas, qua nos ipsos diligimus, sit instar exemplaris, ad cuius similitudinem procedat dirigaturque dilectio nostra erga proximum, quo sensu accipiendum est illud Christi, Matth. 5. *Estote perfecti, sicut Pater vester celestis perfectus est.* Et illud Gen. 1. *Creavit Deus hominem ad imaginem & similitudinem suam.*

Q. 3. Unde repetitur ejusmodi dilectionis similitudo?

R. Ex triplici cap. juxta S. Th. cit. art. 7. 1. ex fine & motivo, ut sit sancta, 2. ex objecto materiali, seu materia circa quam, hoc est ex iis, quæ volumus proximo, ut sit iusta. 3. ex principio, seu ex ipso animo benevole, ut sit vera.

Primo igitur, ut proximum diligamus sancta & simili dilectione, qua nos ipsos diligimus, idem sit utriusque dilectionis motivum & finis. necesse est. Cum autem nemo nisi diligendo Deum, ex toto corde, seipsum diligit: *Quod agis tecum*, inquit S. Aug. lib. de moribus Ecclesiæ cap. 26. id agendum cum proximo est, hoc est, ut ipse etiam perfecto amore diligat Deum. Non enim eum diligis tanquam teipsum, si non ad id bonum, ad quod ipse tendis, adducere satagis. Et serm. 335. alias 256. de tempore; ille veraciter amat amicum, qui Deum amat in amico, aut quia est in illo, aut ut sit in illo. Quin ipsemet Dominus noster vetus illud mandatum in cordibus nostris insculptum: *Diliges proximum tuum sicut teipsum*, nova sua interpretatione illustravit, exposuitque quo motivo, quove fine proximum jubemur diligere: *Hoc est præceptum meum*, inquit Jo: 13. ut diligatis invicem.

cern.

cem sicut dilexi vos. Quod mandatum expendens S. Aug. Tract. 65. in Jo: sic scribit: *Ipsa est dilectio ab omni mundana dilectione discreta, quam distinguendo addidit Dominus, sicut dilexi vos. Quid enim nisi Deum dilexistis in nobis, non quod habebamus, sed ut haberemus? ut perducatur nos, ubi Deus sit omnia in omnibus.... In hoc cognoscent omnes, quia Discipuli mei estis: tanquam diceret, alia munera mea habent vobiscum etiam non mei, non solum naturam, vitam, sensum, rationem.... Verum etiam linguas, sacramenta.... fidem, distributionem rerum suarum pauperibus; sed quoniam caritatem non habent, ut cymbala concrepant, nihil sunt, nihil illis prodest.*

Ergo dilectio proximi, quam Christus præcipit, ex motivo suo sancta est & plane divina, essentialiterque distinguitur ab omni amore temporali, cujus species S. Aug. enumerat serm. 395. alias 38. inter 50. homil. ubi rejecta nefaria amicitia, quam facie mala conscientia ebriosorum, rapacium, &c. recenset licitos amores, sed temporales, quos Christianus ex præcepto caritatis transcendere debet. Incipit licitus amor a conjugio, inquit S. Doctor, sed adhuc carnalis est, ut qui sit communis cum pecoribus; passeres, quippe simul ova confovent, simul pullos nutriunt. Secundus amor filiorum est, sed & ipse carnalis; nam leones & serpentes amant filios suos, ac proinde non laudandus qui amat filios suos, sed detestandus qui non amat; *Pro magno enim laudaturus sum in homine, quod video in tigride si non amaveris, a serpentibus vinceris.* Tertius amor est propinquorum, qui si ultra non extenditur, etiam carnalis est, qui enim propinquos amat, adhuc sanguinem suum amat. Quartus est consuetudinis cohabitandi, colloquendi, simul conversandi, ut contristetur homo, quando deseritur ab amico, cum quo solet colloqui. Et ista amicitia, honesta quidem, sed consuetudinis est, non rationis; habent enim illam & pecora: duo equi v. g. manducant simul, desiderant se: „ Surgamus adhuc ab ista, inquit S. Doctor: est alia superior amicitia, non

„ consuetudinis , sed rationis , qua diligimus hominem
 „ propter fidem & mutuam benevolentiam in hac vita
 „ mortali. Hac superius quicquid invenerimus , divi-
 „ num est. „ Quid autem sit superius , statim aperit.
Incipias homo amare Deum , & non amabit in homine ,
nisi Deum. Hæc est Christiana proximi dilectio , *hoc*
est præceptum meum , ait Christus , *ut diligatis invicem ;*
sicut dilexi vos. Quid autem nisi Deum dilexit in no-
 bis ? non ergo diligendus est proximus , inquit S. Aug.
 libro de vera Relig. cap. 46. ut diligunt carnales fra-
 tres , vel filii , vel conjuges , vel quique cognati ,
 vel affines , aut cives : nam & dilectio ista temporalis
 est : „ Itaque ad pristinam perfectamque naturam nos
 „ ipsa veritas vocans , præcipit ut carnali consuetudi-
 „ ni resistamus , docens (Luc. 14. v. 28.) neminem
 „ aptum esse regno Dei , qui non istas carnales ne-
 „ cessitudines oderit . Neque hoc cuiquam inhumanum
 „ videri debet ; magis enim est inhumanum non amare
 „ in homine quod homo est , sed amare quod vilius
 „ est , hoc est enim non in eo amare illud quod ad
 „ eum pertinet , sed amare illud quod ad se pertinet .
 „ Quid ergo mirum , si ad regnum non pervenit , qui
 „ non communem , sed privatam rem diligit ... Nemo
 „ potest perfecte diligere quo vocamur , nisi oderit un-
 „ de revocamur ... Quare oderimus oportet , unde ut
 „ liberemur , optamus . Oderimus ergo temporales ne-
 „ cessitudines , si æternitatis caritate flagramus . Dili-
 „ gat homo proximum tanquam seipsum ; certe enim
 „ sibi ipsi nemo est pater aut filius aut affinis , aut
 „ aliquid huiusmodi , sed tantum homo . Qui ergo
 „ diligit aliquem tanquam seipsum , hoc in eo debet
 „ diligere quod sibi est . „ Eadem repetit S. Doctor
 lib. 1. de serm. Domini in monte cap. 26. Quæ non
 sic intelligenda sunt , quasi caritas nullam rationem
 habeat ejusmodi necessitudinum , nam illas ordinat ad
 Deum , ut dicetur capite sequ. sed ostendit duntaxat
 quo motivo & quo fine nos & propinquos , & cete-
 ros homines diligere debeamus .

Secundo , tum proximum simili amore quo nos ipsos
 prosequimur , cum illi eadem quæ nobis volumus ,
 nem-

nempe ut Deus in illo sit omnia sicut in nobis: atque ad hunc finem, quantum in nobis est, illum data occasione juvamus, utilia suggerendo, & subministrando: noxia vero amovendo. Quilibet enim amans optat dilectum fieri sibi similem, ipse sibi est amandi regulas: amat divitias, mundi honores, voluptates; vult similiter filios, propinquos, & amicos fieri divites, gloria celebres, & facillime se agere. Tu vero amas justitiam, vis proximum esse justum, amas sub Deo esse, vis & illum esse sub Deo, odisti animam tuam in hoc mundo ut eam custodias in vitam æternam, illum in eundem affectum adducere niteris: „ Quomodo ergo inquit, S. Au-
 „ gustinus cit. serm. 335. amicus hujus sæculi secundum
 „ sæculum amans animam suam, febrem vult pellere de
 „ amico suo, quem similiter amat ut se propter præsen-
 „ tem salutem; sic tu quemcunque diligis, propter vi-
 „ tam æternam dilige. Cum inveneris iram, indigna-
 „ tionem, odium, iniquitatem, sic coneris exponere
 „ morbum animi, quomodo amicus sæculi morbum cor-
 „ poris. Ad hoc enim ama ut facias quod tu es, &
 „ erit in te perfecta caritas. „ Tam enim repugnat cari-
 „ tatem servire aliorum cupiditatibus, quam veritatem co-
 „ rum mendacis, & castitatem libidinibus. Scriptum qui-
 „ dem est Luc. 6. *omni petenti te tribue*; sed, ut, advertit
 S. Augustinus lib. 1. de serm. Domini in monte c. 40.
 non ait omnia petenti te tribue; „ ut id des quod dare
 „ honeste & juste potes.... Id profecto dandum est,
 „ quod nec tibi, nec alteri noceat, quantum sciri, aut
 „ credi ab homine potest: & cui juste negaveris quod
 „ petit, indicanda est ipsa injustitia, ut non eum ina-
 „ nem dimittas. Ita enim petenti te dabis quamvis
 „ non semper id quod petit, dabis, sed aliquando
 „ melius aliquid dabis, cum petentem injuste corre-
 „ xeris; „ Quod si non acquiescat, sed inhumanum
 te pronunciet, forte etiam tanquam ingrato collata
 beneficia exprobet, iram ejus veluti phrenesim susti-
 ne, febrienti compatere, nec desieris in illo odisse,
 quod secundum caritatem in te ipso odisti, & proxi-
 mum sicut te ipsum diligis.

Tertio, ut dilectio erga proximum sit ad similitu-
 dinem

dinem dilectionis, qua nos ipsos diligimus, procedat oportet ex animo erga eum benevolo; quia ex S. Thoma cit. art. 7., Cum quis diligit proximum propter suam utilitatem, vel delectationem, non vere diligit proximum, sed seipsum. *Et sanctus Augustinus libro de vera Religione c. 46.* Si, inquit, vel ipsum hominem homo dilexerit, non tanquam seipsum, sed tanquam jumentum, aut habitum, aut aviculam piscinam, vel garrulam, idest, ut ex eo aliquid temporalis voluptatis, aut commodi capiat, serviat, necesse est, non homini, sed quod est turpius, tam foedo & detestabili vitio, quo non amat hominem sicut amandus est. Quo vitio dominante usque ad extremam vitam, vel potius mortem perducitur.

Atque ex hac explicatione colliges ratam admodum esse eam benevolentiae & caritatis dilectionem, quae nobis praecipitur tum lege naturali: *Diliges proximum tuum sicut teipsum*, tum lege Evangelica, *hoc est praeceptum meum*, (non ait consilium meum) *ut diligatis invicem, sicut dilexi vos*. Namque voluptuosi animo suo obsequuntur, dum amant; aleatores v. g. compotatores, & mulierum amore insanientes non aliter amicis blandiuntur quam domino suo catulus, qui benevolentiae capax non est. Bonorum temporalium cupidi in rem suam magnates & beneficos suos colunt. Carnales cognati, quod ad se pertinet, in propinquis scilicet suum sanguinem diligunt, ut supra dicebat S. Augustinus. Qui aliorum consuetudine delectantur praecise, vel propter morum similitudinem, vel propter lucre temporalia, familiaribus suis potius utuntur, quam eos diligunt. Denique omnes peccatores, ut male se diligunt, ita & proximum; quia Deum in se & in aliis non diligunt. Quin Apostolus graviter monet beneficos erga pauperes, erogationes eorum non prodesse, nisi ex caritate procedant, ut innuat illud misericordiae opus posse fieri absque proximi dilectione, quam praescribit lex Evangelica, ut scilicet diligamus invicem, sicut Christus dilexit nos. Unde S. Augustinus lib. de morib. Ecclesiae c. 26., Qui ergo diligit proximum, inquit, agit quantum potest, ut salvus

cor.

„ corpore , saluusque animo sit , sed cura corporis ad salutatem animi referenda est . Agit ergo his gradibus , quod ad animum pertinet , ut primo timeat , deinde , de diligit Deum . , Hæc est illa eleemosyna , quæ resistit peccato : sicut aqua extinguit ignem ardentem , Eccl. 3. v. 33. liberat a morte , Tob. 11. vers. 4. & promeretur regnum cælorum , Matth. 25. vers. 34.

Q. 4. *Quandonam obligat præceptum dilectionis proximi?*

Nota duplicem vulgo a Theologis distingui amorem , affectivum , scilicet , & effectivum . Amor affectivus est ipsemet gratuitus voluntatis affectus erga proximum ; effectivus vero est effectus huiusce gratuiti affectus ; ut eleemosyna . His præmissis ,

R. 1. Toties tenemur proximum diligere amore effectivo , & suppetias illi afferre , quoties nobis facultas non deest , & ipse indiget . Responsionis ratio patebit ex dicendis de præcepto eleemosynæ , & correctionis fraternæ .

R. 2. Amoris affectivi duplex est præceptum : alterum negativum , quo prohibetur omnis mala affectio erga proximum : alterum affirmativum , quo præcipitur erga eum benevolus animus .

Præceptum negativum obligat semper & pro semper ; quia quod est per se malum , semper est prohibitum , nec umquam licet illud velle , aut facere : atqui esse erga proximum animo vel per odium averso , vel indifferenti , ita ut nec in odium , nec in amorem velit moveri , est res per se mala , utpote contraria huic præcepto legis naturalis , *diliges proximum tuum* ; nam ex S. Thoma præcepta affirmativa eo ipso , quo actus virtutis imperant , actus oppositos prohibent ; filius v. g. qui patrem contemneret , aut indifferenter erga eum ageret , proculdubio peccaret contra illud præceptum , *honora patrem tuum* ; ejusque contemptus , aut animus indifferens esset per se malus . Ergo & qui odio in proximum flagrat , & qui est animo erga eum indifferenti , nec vult eum diligere , manent in morte , ut dicitur 1. Joan. 3. v. 14. nec sunt absolutionis capaces . Unde Apostolus Rom. 13. v. 8. *Nemini* , inquit , *quidquam debeatis , nisi ut invicem diligatis* ; hoc est , omnibus debitis vos liberate , vectigalia solvite ,
ob

ob mutuum acceptum refundite, &c. nemini manete debitores, solo debito fraternæ caritatis excepto, quod omnino exsolvere non potestis; quia proximus etiam inimicus semper est diligendus, si non actu, saltem in præparatione cordis, & animi propensione: Ita sanctus Thomas quest. 25. art. 8.

Præceptum affirmativum amoris effectivi erga proximum non obligat pro semper: sicut nec præceptum amoris Dei; cum sit impossibile in hac mortali vita, ut semper actu ardeamus amore Dei & proximi. Quando autem & quoties obliget illud præceptum, omnino definiri nequit. Omisissis variis opinionibus, utpote quæ fundamento satis firmo careant, pro certo statui debet illud sæpius obligare, efficaciterque probatur ex oratione, quam Christus & frequentem, & pro omnibus, nemine excepto, fundendam præcepto firmavit: „ Quando oramus, *inquit* S. Cyprianus serm. de Oratione Dominica, „ non pro uno, sed pro populo toto oramus, quia totus „ populus unum sumus. Deus pacis, & concordie Magister, qui docuit unitatem, sic orate unum pro omnibus voluit, quomodo in uno omnes ipse portavit... „ Deus qui unanimes facit habitare in domo, non admittit in divinam & æternam domum, nisi apud quos „ est unanimes oratio. *Et* S. Thomas q. 25. art. 9. „ Sunt, *inquit*, quædam signa vel beneficia dilectionis, „ quæ exhibentur proximis in communi, puta, cum „ aliquis orat pro omnibus Fidelibus, vel pro toto populo; aut cum aliquod beneficium impendit aliquis „ toti communitati. Et talia beneficia vel dilectione signa inimicis exhibere est de necessitate præcepti. Si „ enim non exhiberemus inimicis, hoc pertineret ad livorem vindictæ. „ Quibus verbis S. Doctor explicat quod art. 8. scripserat, & a nonnullis sensu ab ejus mente alieno accipitur, „ ut scil. aliquis in speciali moveretur motu dilectionis ad inimicum, non est de necessitate caritatis absolute; quia nec etiam moveri motu dilectionis in speciali ad quoslibet homines singulariter, est de necessitate caritatis, quia hoc esset impossibile. Est tamen de necessitate caritatis secundum præparationem animi, ut scil. homo habeat animum „ para-

paratum ad hoc quod in singulari inimicum dilige-
ret, si necessitas occurreret. „ Hic S. Thomas loqui-
tur de inimico absolute spectato, art. autem 9. de ini-
mico in hypothefi quod pro omnibus oremus, ut in
Oratione Dominica, vel adsit in cœtu, quem ingredi-
mur, cuique benevolentiz signa exhibemus, & desinit
ad livorem vindictæ pertinere, si eum excludamus vel
ab oratione nostra, vel ab honorifica salutatione, quam
aliis impertimur, si oculos ab illo avertamus, si ver-
ba ad nos dirigenti respondere detrectemus. Idem dicen-
dum, si sit propinquus, vicinus, si antea nobis fami-
liaris fuerit, in iis quippe circumstantiis ea amoris signa
illi debentur, quæ communiter dantur propinquis, &
vicinis. Esto familiariter eo non utamur sicut prius,
modo id fiat ex prudentia, non autem ex appetitu
vindictæ, & ex animo eum contemnendi aut contri-
standi, tenemur tamen necessariis benevolentiz signis
ab illo amovere omnem odii suspensionem, alioquin illi
essemus malo exemplo & offensionis: *Ne autem homi-
ni per quem scandalum venit*, Matth. 18.

Sunt aliæ occasiones, in quibus tenemur elicere actus
caritatis fraternæ.

1. Cum quis acerbo dolore pungitur ob injuriam ac-
ceptam, periculumque est ne, inimico vel malum exo-
ptet, vel malis ejus insultet, vel rebus latis invidet,
contraria enim contrariis expelluntur, fide infidelitas,
spe desperatio, & amore odium. Tum igitur maxime
urget Evangelicum præceptum, *orate pro persequentibus* ... *vos*, Matth. 5. *Ille sedit, tu precare, ille*
odit, tu misere, S. Aug. Tract. 8. in Jo: Nihil effi-
cacius ad sedandum animum, nihil salubrius Confes-
sarii imponere possunt pœnitentibus, quam crebras
orationes pro iis qui illos infestant, ut scilicet, Deus
eos convertat, & ex inimicis fiant amici.

2. Cum prævidemus inimicum inimicitias depositu-
rum, nec aliter, si eum specialibus benevolentiz of-
ficiis præveniamus: *Unicuique enim mandavit Deus de*
proximo suo, Eccli. 17. & si asinum, vel bovem inimi-
ci errantem ad ipsum reducere tenemur, multo magis
ipsum errantem reducere debemus ad Deum Dominum
ipsius,

ipſius, & noſtrum. Scio juſtitiae legem juxta quam qui non laſus eſt, ſed qui laſit, prior obſequiis occupare tenetur, ſed ſuperior eſt lex caritatis, a qua nullus immunis fieri poteſt, ut quiſquis proximum diligat, ideſt, bene illi velit & faciat, ubi ope noſtra indiget. Illud autem caritatis officium maxime ſpectat Paſtores, quorum munus eſt ovem errantem requirere, diſſidia ſubditorum extinguerere, exaſperatos animos blanditiis delinire, & ad pacem revocare. Atqui nullus ſollicitudine ejus paſtorali tam indiget, quam qui odium capitale adverſus illum gerit; ſit injuſtus, ſit impius, de ejus tamen ſalute deſperare non licet; forte enim praedestinatus eſt ſicut plures, quos Eccleſia experta eſt, crudeliſſimos perſecutores. Malitia ejus febris eſt. Quanta medici plerumque patiuntur a phreneticis? Quales verborum contumelias? plerumque & percutiuntur, & nihilominus curant hominem a quo percutiuntur, oderunt morbum, febrem perſequuntur; denique illud tollunt, quod illis adverſatur, ut remaneat illud unde grauiantur. Ita fere S. Aug. tr. 8. in 1. Jo: Si autem Paſtor adjiciat curam huiusmodi phrenetici; ſi litibus morbum ejus exaggeret, & ſub praetextu juſ ſuum tuendi, illum in extremam perniciem impellat, quis dubitet quin Deus ſanguinem animae illius de manibus ejus requirat? maxime cum experientia conſtet huiusmodi flagitioſos vinci inexpectata Paſtoris humanitate, nec poſſe reſiſtere ei, qui cum poſſet, ulciſci graves injurias ſibi irrogatas, amore tamen paterno eos complectitur.

3. Inimico veniam petenti, non ſolum offeſam remittere, ſed etiam benevolentiae & reconciliationis ſigna exhibere tenemur, ſaltem ut plurimum, ſic enim praecipit Dominus, Luc. 17. verſ. 3, & 4. *Si peccaverit in te frater tuus, increpa illum ... & ſi ... ſepties in die converſus fuerit ad te dicens, paenitet me, dimitte illi.* Unde S. Aug. ſerm. 52. „ Quando, inquit, inimicus veniam „ petit, concinuo dimittatis ... Tunc ſi non ignove- „ ris: non dico, deleſ orationem de corde tuo: ſed „ deleberis de libro Dei ... ſed forte dicis, mentitur, „ fingit. O Judex cordis alieni! Rogat, veniam petit: „ dimitte, prorſus dimitte. Si non dimiſeris, non illi „ nocet, ſed tibi, Nam ille ſcit quid ſis factururus ... Ibiſ

„ ad

ad Dominum vestrum.... Nunquid non licet Domino debita relaxare servi sui? Ille accepta venia a Domino, recedit absolutus, tu remanes obligatus.

Dixi, ut plurimum: Nam pater, & quivis Superior justæ correctionis causa, ab amoris indiciis excludere possunt filium & subditum, reconciliationemque differre, modo intus in corde dimittant, & caritatem servant. Sic David Absaloni veniam petenti ita indulgit, ut eum ad tempus videre noluisset, 2. Reg. cap. 14. Sic & Deus, inquit S. August. *serm. 5.* nunquid non diligit? non ad hoc nos hortatur ut diligamus inimicos nostros, ut quomodo possumus, similes illi simus. Quanta dilectio est in Domino, quando pro peccatoribus & impiis Christum crucifigendum misit? ... Ecce quomodo diligit homines. Attendamus, fratres, nunquid non illos flagellat? nunquid non illos corripit? Si non illos corripit, unde fames, unde ægritudines, unde pestilentie & morbi? Omnes enim istæ correctiones Dei sunt. Sicut ergo ille diligit, & tamen corripit: sic & tu si habes aliquem in potestate, quamvis ferves affectum dilectionis, noli tamen negare flagellum correctionis, quia si negaveris, non tenebis dilectionem, quia ille moritur in peccatis, qui forte correptus ea relinqueret, & tibi imputatur verum odium. Est igitur caritas pie sæviens, & odium perverse blandiens.

Sed patres & Superiores in primis præcavere debent exemplo Apostoli 2. Cor. 2. ne circumveniantur a Satana, hoc est, ne abundantiori tristitia absorbeantur; quos exercent ad emendationem; suspendant verbera; aperiantque caritatis viscera, ubi salus pœnitentium postulaverit.

Q. 5. Veniam petenti estne etiam remittenda ex præcepto actio injuriarum & satisfactio?

R. Minime, quia non odio justitiæ, sed solus appetitus vindictæ repugnat caritati. Ita S. Thomas 2. 2. q. 108. art. 1. ubi sic habet. „Est in vindicatione, ne considerandus vindicantis animus; si enim ejus intentio feratur principaliter in malum illius, de quo vindictam sumit, & ibi quiescat, est omnino

Habert, Tom. III.

C c

„ illi

„ illicitum , quia delectari in malo alterius pertinet
 „ ad odium : Nec aliquis excusatur si malum inten-
 „ dat illius , qui sibi iniuste intulit malum , sicut
 „ non excusatur aliquis per hoc quod odit se odien-
 „ tem ; non enim debet homo in alium peccare ,
 „ propter hoc quod ille prius peccavit in ipsum ,
 „ hoc est vinci a malo . Si vero intentio vindican-
 „ tis principaliter feratur in bonum , puta ad emen-
 „ dationem peccantis , vel saltem ad cohibitionem
 „ ejus , & quietem aliorum , & ad justitiæ conserva-
 „ tionem & ad Dei gloriam , potest esse vindictio
 „ licita . „ Et illud probat in responsione ad quar-
 „ tum exemplo tum Eliæ , qui obtinuit ut ignis de-
 „ scendent de celo devoraret quinquaginta viros ad vin-
 „ dicandam injuriam sibi illatam , 4. Reg. 1. tum Eli-
 „ sæi , qui maledixit pueris cum irridentibus , 4. Re-
 „ gum 11. quia Dei honos læsus erat in persona utri-
 „ usque Prophetæ .

At valde perniciosum est ne in ejusmodi actionibus injuriarum appetitus propriæ vindictæ subrepat , neve per speciem tuendæ justitiæ revera privatio dolori indulgeamus , quæ cum nobis satis explorata esse ne- queant , (*pravum enim est cor hominis , & inscrutabile* , Jer. 17.) illud fuit semper consilium viris sanctis , Dei honorem , & proximi injurias acriter vindicare , proprias vero patienter sustinere , nec existimant se ultra mandatum progredi , sed proximam illius transgrediendi occasionem vitare .

Q. 6. Si inimicus plenam satisfactionem offerat , pars læsi teneturne eam acceptare ?

R. Ordinarie tenetur , saltem ex præcepto caritatis , quia nulla honesta ratio interpellandi Judicem , nulla causa proximum obruendi sumptibus , nisi ultionis libido ; quid enim amplius læsus expectare potest , quam ut plene sibi satisfiat ? atqui id ultro ipsi offertur : Ergo .

Dixi 1. saltem ex præcepto caritatis , ut innuerem ad id non teneri ex virtute justitiæ , ut probavimus Tom. 2. Tract. de Incarnatione , ubi de differentia restitutionem inter & satisfactionem pag. 156. & seq.

Dixi

Dixi 2. *ordinarie* ; quia aliquando expedit , vel etiam necesse est satisfactionem injuriæ petere coram Judice . 1. Si reus sit Republicæ noxius , & concives injuria afficere solitus . 2. Si gravis esset offensa , nec privata satisfactio deleteret infamiam , quæ in totam familiam cecidit .

C A P U T IV.

De ordine Caritatis .

Q. 1. **E**stne servandus ordo in Caritate ?

R. Servandus est. Probatur 1. ex Scriptura 2. Cant. v. 4. *ordinavit in me caritatem* . Quem locum expendens S. Bernardus serm. 49. in Cant. sic habet : *Omnia necessario importabilis siquidem absque scientia est zelus . Ubi ergo vehemens est æmulatio , ibi maxime discretio est necessaria , quia est ordinatio caritatis .*

• Probatur 2. ratione , quia ibi est ordo , ubi unum principium & causa ceterorum ; atqui in caritate amor Dei est principium , & causa amoris rerum ceterarum : Ergo .

Objicit sibi S. Thomas q. 26. art. 1. in aliis virtutibus non invenitur ordo : ergo neque in caritate .

Respondet negando consequ. quia caritas tendit in ultimum finem sub ratione finis ultimi ; quod non convenit alicui ulii virtuti ; finis autem habet rationem primi principii in appetibilibus , & in agendis . Et ideo caritas maxime importat comparisonem (ordinationem) ad primum principium .

Q. 2. Quomodo ordinanda est Caritas ?

R. Amore affectivo meliora sunt magis diligenda ; amore autem effectivo seu opere , quæ nobis sunt conjunctiora : in pari tamen necessitate , & in eodem bonorum genere .

Primæ pars probatur , quia ubi major est ratio diligendi , magis diligere oportet : atqui bonum est ratio diligendi : ergo quod est majus bonum , illud magis

est diligendum: Hinc bona spiritualia, utpote meliora, plus amare oportet, quam temporalia, si tamen ista sint amanda; nam, ut sæpius diximus, non sunt bona nostra, sed necessaria, quibus utendum ad aliud, non quibus frui liceat amore iis inhærendo.

Secunda pars probatur 1. ex S. Augustino lib. de doctrin. Christ. cap. 28. ubi sic scribit: *Omnes . . . homines æque diligendi sunt* (hoc est idem bonum hominibus expetendum, quamvis non eodem affectu.) Sed cum omnibus prodesse non possit, his potissimum consulendum est, qui pro locorum & temporum vel qualibet rerum opportunitate constrictius tibi quasi quadam sorte junguntur. 2. ratione, quia omnis causa prius & fortius agit in ea quæ sunt viciniore, quam in remotiora.

Confirmatur utraque pars responsionis, ex S. Bernardo cit. serm. 29. in Cant. n. 6. Nam semper, inquit, quod prius curandum, id etiam amplius diligendum erit, cum sæpe quod prius est ad sollicitudinem, minus sit ad utilitatem, ac per hoc minus esse oporteat & in affectu . . . Nonne v. g. injuncta incumbit nobis cura omnium vestrum? (alloquitur Monachos sibi subditos.) Jam quidquid huic forte prætulero operi, quod minus ipsi invigilem digne & utiliter pro viribus exequendo; & si ex caritate fortassis id facere videar, ordinis tamen ratio non consentit. Quod si ante omnia quidem (ut debeo) huic intendo curæ, non antea magis ad majora gaudeo Dei lucra, quæ per alterum forte fieri comperero, putet me ordinem caritatis ex parte tenere, ex parte nequaquam. Si vero me & ad id amplius, quod specialius incumbit, sollicitum & nihilominus ad illud quod majus est, magis affectum exhibeam, utrobique profecto invenior caritatis ordinem affectus, & non est cur dicere non possim etiam ipse, quia ordinavit in me caritatem. Notent Pastores & quilibet Præpositi, qui prætextu amplioris messis alio excurrunt, proprium vero agrum pro virili non excolunt.

Ergo Deum nobis & ceteris omnibus debemus antepone-re amore tum affectivo, tum effectivo, quia præterquamquod est summum bonum & ultimus finis, ad quem

quem omnia sunt referenda , nobis quoque est conjunctissimus , & intimior nostro intimo : habet quippe rationem totius , nos vero partis : pars autem minus est sui , quam totius . Unde S. August. lib. de doctr. Christ. cap. 22. *Si teipsum , inquit , non propter te debes diligere , non succenseat alius homo (etiamsi pater sit) si & ipsum propter Deum diligas .*

Dices : tenemur ex dictis nos magis diligere quam ceteros homines , inter quos sunt nobis meliores ac sanctiores : ergo caritatis ordo non postulat ut præferamus meliora .

Dist. conseq. Ut præferamus amore effectivo , & desiderio efficaci , Concedo : amore complacenzæ , Nego conseq. Itaque debemus efficacius nostrum quam aliorum in virtute profectum , ac beatitudinem desiderare , & in iis attentius versari , quod est simpliciter seipsum magis diligere ; sed recta ratio postulat ut magis complaceamus in majori aliorum sanctitate & beatitudine . Si autem dicat , inquit S. Bern. serm. cit. num. 7. *difficile quemquam plus alieno gaudere magno bono , quam proprio parvo , adverteres vero vel ex hoc excellentiam gratiæ apud sponsam , & quoniam non cui-libet animæ dicere sit , quia ordinavit in me caritatem nimirum inietientes nos ipsos nobis , sentimus aliqui nostrum pro nostræ imperfectionis experientia , quam rara virtus sit alienæ non invidere virtuti , necdum gaudere ad illam , necdum etiam tanto plus , quam ad propriam quemque gratulari ; quanto se perpenderis in virtute superari .* Cumque S. Doctor adverteres Discipulorum suspiria quibus testabantur nondum se illam perfectionem affectos , eorum dolorem lenis pergens : *Si doles quod invides : sentis , sed non consentis , Passio est , quandoque sananda , actio non condemnanda . Absit enim , ut inveniatur expers salutis , qui magis confunditur sic se esse male affectum , qui inditum ex longo vitium , confitendo , flendo , orando conatur expellere : & cum non prævalet , mitior inde ad omnes , atque apud se humilior invenitur . Quis sane sapiens hominem damnet , qui a Domino didicit mitis esse & humilis corde ?*

Dixi in responsione ; *in part tamen necessitate*. 1. quia præceptum caritatis non obligat aliis benefacere , nisi adsit aliqua opitulandi necessitas , neque enim temerur utilia quæque aliis asserre . 2. quia extraneus in extrema aut gravi necessitate constitutus , præferendus est propinquo non ita indigenti .

Triplex autem distingui solet necessitas , nempe communis , gravis , & extrema . Communis est ea , in qua non habentur , nec labore comparari possunt necessaria quæque ad victum & vestitum : talis est mendicantium necessitas . Gravis , quæ hominem e statu suo dejiceret , nisi suppetiæ ei afferrentur . Extrema , in qua homo , v. g. ægrotus derelictus , mortem effugere nequit , nisi ei subveniatur .

Ordo autem caritatis exigit , ut proximus in communi necessitate constitutus , adjuvetur ex bonis superfluis ; in gravi ex bonis statui nostro partim necessariis : in extrema , etiam ex bonis (si necesse sit) sine quibus status noster stare non potest .

Dixi 2. *in eodem bonorum genere* ; in diverso enim servandus est diversus operis seu amoris effectivi ordo . Alia autem sunt bona , quæ dicuntur fortunæ , alia naturæ , ut vita corporis : alia spiritualia , & quæ spectant æternam animæ salutem . Porro responsionem nostram limitavimus ad bona ejusdem generis in pari necessitate conferenda .

Atquæ juxta regulam a nobis traditam & stabilitam , ubi agitur de bonis fortunæ , in pari necessitate prius consulere debemus nobis , deinde propinquis juxta gradum propinquitatis , & postmodum ceteris secundum varias necessitudines amicitiae , societatis , ac demum extraneis . Si ergo parentes , amici , & extranei , nobiscum versentur in gravi necessitate , hoc est , in proximo periculo cadendi a proprio statu , legitime acquisito , nobis prius providere debemus , secundo loco parentibus , ac deinceps aliis . Eadem regula servanda est , si omnes pariter premantur extrema necessitate , quæ tum dumtaxat censetur , cum imminet mortis periculum . Quapropter in ea necessitate agitur de bonis naturæ , nempe de vita , quam quisque debet prius sibi

servare; quam parentibus, & his prius quam reliquis; quia iis conjunctior est in ordine naturæ, qui firmior est ac præsuppositus omnibus necessitudinibus, quas dinceps superstruimus, nec proinde earum gratia subvertendus. Non igitur audiendi sunt filii inhumani; dum exaggerant mala, quæ a parentibus perpetrata sunt, ut inde concludant sibi licitum esse non habere eos ut parentes; vita enim quamdiu filio superest, tantum est beneficium a parentibus acceptum, ut pro eo semper sit illis debitor, nec par reddere possit, ex ipsismet Philosophis ethnicis.

Ergo a fortiori is caritatis ordo in extrema necessitate servandus est erga patriam; quæcum habeat rationem totius, præferenda est parentibus, qui & ipsi utpote ejus partes propriam vitam pro illius salute exponere tenentur, ex S. Th. q. 26. ars. 4. ad tertium. „Caritas, *inquit*, communia propriis antepo-
nit, semper autem commune bonum est magis amabile unicuique, quam proprium, sicut etiam ipsi
parti est magis amabile bonum totius, quam bonum partiale sui ipsius. „

Q. 3. Cum sint diversi gradus consanguinitatis, quomodo in iis servandus est ordo caritatis?

R. 1. Parentes præferendi sunt 1. filiis; quia præter communionem sanguinis, rationem habent principii, adeoque eminentioris boni. 2. uxori propter eam rationem; quamvis enim maritus & uxor sint una caro, ob vinculum conjugale, in patre tamen est eminentior bonitas, quam in uxore, scilicet ratio principii. 2. Pater est præferendus matri, utpote qui nobiliori modo principii rationem obtineat. 3. præferenda est uxor filiis; quia est una caro cum marito, filii vero sunt partes ex patre decise, 4. filii sunt præferendi patribus, & hi cognatis; quia major est sanguinis conjunctio cum prioribus. Quamobrem si omnes, quos hic recensuimus, naufragium aut simile mortis periculum patiuntur, filius præ uxore & propriis liberis, patrem eripere tenetur.

Q. 4. Cur non æque in gravi necessitate ac in extre-

ma filius anteponeere debet parentes uxori, ac liberis, & excidere a proprio statu, si necesse sit, ut labentem patris statum fulciat?

R. 1. Quia illud repugnat Scripturæ sacræ, Gen. 2. *relinquet homo patrem & matrem, & adhaerebit uxori suæ.* 2. Cor. cap. 12. *nec enim debent filii parentibus thesaurizare, sed parentes filiis.* 2. quia si filii exhaurerentur ad sustentandam domum paternam, magna sequeretur perturbatio in familiis, & in tota Republica; uxor divortium faceret cum marito, re familiari dilapidata filii convenienter non instituerentur, nec decenter collocarentur, qui in Republica aliorum curam gerunt, ut Magistratus, Pastores, officio suo, ut par est, defungi non possent; utpote minus liberales, & munifici, sed contra undique corradentes, quæ subditorum animos a Præposito prorsus avertunt. Unde Trid. Patres sess. 25. cap. 1. de reformatione, Beneficiarios, ac præsertim Pastores gravissimis hisce verbis compellant, *quam maxime potest, eos sancta Synodus monet, ut omnem humanum hunc erga fratres, nepotes, propinquosque carnis affectum, unde multorum malorum in Ecclesia seminarium extat, penitus depellant.*

Parochi igitur, ut præscriptum caritatis ordinem feryent attentius, statumque suum parentum statui accuratius anteponant, meminerint in primis Verborum Apostoli, *nec enim debent parentibus thesaurizare filii, sed parentes filiis*, quæ ad litteram prolata sunt de Ecclesiæ Ministris, ut legenti patebit. Et quamvis juxta corticem litteræ, quæ leguntur. Gen. 2. *relinquet homo patrem & matrem, & adhaerebit uxori suæ*, intelligantur de conjunctione viri & feminae; idem tamen Apostolus Eph. 5. docet ea etiam accipienda in sensu spirituali a Spiritu sancto intento, de summo Pastore Christo Ministrorum suorum exemplari, qui reliquit patrem ut adhereret Ecclesiæ, pro qua seipsum tradidit, ut eam sanctificaret, gloriosamque sponsam exhiberet. Similiter ejus Ministri Ecclesiæ sibi creditæ adhæreant, se & suam in ejus sanctificationem impendant.

dent, Parochiani, tanquam filiis, quos per Evangelium genuerunt in Christo, spiritualia thesaurizent, quod præstare nequeunt, nisi pro facultate largi & effusi fuerint erga indigentes: alliciendi enim ac devinciendi sunt eorum animi, aperienda corda, ut verba vitæ suscipiant; correctiones nonnumquam adhibendæ, quæ non proficiunt, nisi libentius admittantur. Quis autem Pastor, subditos sic erga se affectos habebit & beneficiis & parentibus profusæ suæ caritatis testimoniationibus, sicut scriptum est Prov. 22. v. 9. *victoriam & honorem acquires qui dat munera, animam autem auferens accipientium*, id est, accipientes sibi devinctis, ac reddit obnoxios.

Q. 5. Quis caritatis ordo servari debet, ubi agitur de bonis spiritualibus proximi comparatis cum nostris temporalibus?

R. 1. In extrema necessitate, in qua positus proximus non potest vitam æternam consequi sine alterius auxilio, v. g. parvulus qui nondum initiatus, mortem exhalaturus est; tenemur pro illius salute vitam nostram evidenti mortis periculo exponere, v. g. parvulum illum baptizare, etiamsi constet nos ob illud caritatis opus mortem a parentibus infidelibus intentatam non fore evasuros, ita S. Thomas quæst. 26. art. 5.

Probat 2. ex Scriptura, 1. Joann. 3. *Et nos debemus pro fratribus nostris animas ponere*, quæ divina lex, si in extrema necessitate non obliget, nusquam obligabit. 2. ex S. August. lib. de mendacio cap. 6. *temporalem vitam suam, inquit, pro æterna vita proximi non dubitabit Christianus amittere*. 3. ratione, quia licet corpus sit pars nostri, magis tamen spectari debet ut quid ad nos pertinet quam nos ipsi; nam ex Philosopho, quem laudat S. Thomas citato art. 5. ad primum, unumquodque videtur esse id quod est præcipuum in ipso: atqui proximum magis diligere tenemur, quam ea quæ ad nos pertinent, alias illum non diligeremus sicut nos ipsos; ita quippe nos diligimus, ut parati simus corpus temporaliter amittere pro salute æternæ animæ nostræ; Ergo ut amor pro

mihi sit ad similitudinem amoris, quo nos ipsos prosequimur, necesse est, ut quemadmodum in extrema ejus necessitate bona nostra, quæ dicuntur fortunæ, largimur pro corporali ejus salute; ita sanguinem nostrum effundamus pro æterna animæ beatitudine.

Dices: ex concessis magis diligere debemus amore effectivo, quæ sunt nobis conjunctiora: atqui proprium corpus nobis est conjunctius anima proximi: ergo illud magis diligere debemus saltem amore effectivo.

Distinguo maj. Debemus magis diligere quæ nobis sunt conjunctiora in eodem genere bonorum: v. g. corpus proprium tenemur magis diligere, quam corpus proximi, Concedo: in diverso genere bonorum, Nego major. Nam capilli, vel quælibet minima pars corporis est nobis magis conjuncta, quam proximus: quis autem dixerit illam anteponendam saluti æternæ proximi?

Instabis: naturale est corpus suum diligere, *nemo unquam carnem suam odia habuit*, inquit Apostolus Ephes. cap. 5. *sed nutrit & fovet eam*: atqui caritas non destruit naturam, sed eam perficit: Ergo.

Distinguo maj. Naturale est corpus suum diligere secundum rectam rationem, Concedo: homo quippe rationabili modo semper agere debet: naturale est corpus suum diligere contra rationem, Nego maj. Atqui recta ratio admodum probat quod data occasione, pro fide & caritate vitam profundamus, quod desideria carnis refrenemus, & reluctantem castigemus vexemusque pœnitentiæ exercitationibus, & ad id caritas mentem roborat & accendit, ac proinde naturam nedum destruat, quin illam perficit.

R. 2. In gravi necessitate, in qua proximus absolute, sed non sine magna difficultate sibi providere potest necessaria ad salutem, qui tenentur ex justitia, ut Pastores salutis aliorum curam gerere, cum discrimine propriæ vitæ, proximo sic indigenti subvenire debent. Exemplum esto Parochiani, qui tempore pestis Sacramento Pœnitentiæ indiget, ille quidem saluti suæ absolute providere potest per actus perfectæ contritio-

nis:

nis: sed quia difficilis est ejusmodi actus, necessitas Parochiani censetur gravis, quamvis non sit extrema, ut in parvulo nondum baptizato, & ideo Parochus, si non adsit alius Sacerdos qui suppleat, tenetur vitam suam exponere pro salute Parochiani, juxta illud Joann. 10. *bonus Pastor animam suam dat pro ovibus suis*. Quin alibi probamus ipsum etiam aliquando cum vitæ periculo teneri ministrare Sacramenta Eucharistiæ & extremæ unctionis; quia ejusmodi Sacramenta, licet necessitate mediis absolute necessaria non sint, homini tamen in extremis posito, in quo solet impeti gravibus tentationibus, quodammodo necessaria sunt tamquam arma spiritualia, quæ Pastor pro officio supeditare tenetur.

Dixi, qui ex justitia seu ex officio tenentur: nam ceteris laudabile quidem est, si in gravi necessitate proximi propriam vitam periculo exponant, sed præcepti obligatio non incumbit; alias discrimen non esset Pastorem inter & alios: quod repugnat communi hominum sensui.

R. 3. In necessitate communi, in qua quis propriæ salutis facile consulere potest, nedum propriam vitam, quin nec bonæ temporalia pro bono spirituali proximi perdere tenemur, quia necessitas illa plane voluntaria est in proximo, cum ex ea facile se expedire possit, ut supponitur. Hinc viator non tenetur se tradere potestati prædonis, cum possit se defendere servato moderamine inculpatae tutelæ, ne forte in periculoso conflictu ille cadat, & moriatur in peccato mortali; quia sola malitia prædonem constituit in ejusmodi necessitate. Idem dicendum de debitoribus, qui si urgeantur ad solvenda debita, efferri soleant iracundia & odio: & de Usurariis, qui sine usura mutuo dare nolunt graviter indigentibus.

C A P U T V.

De effectibus Caritatis.

Effectus caritatis alii sunt interni, alii externi. Interni sunt amor, gaudium, pax, tristitia, propter Dei offensam.

Externi sunt beneficentia, qua alteri ex affectu caritatis confertur beneficium; eleemosyna, & correctio fraterna: illa temporalem proximi miseriam ex commiseratione expellere nititur, ista spiritualem: De internis stricim dicemus; de externis vero paulo accupatius.

§. I.

De internis effectibus Caritatis.

Q. 1. **A** Mor estne quid idem ac benevolentia?

R. Negat S. Th. qu. 27. art. 2. „quia
 „amor importat quandam unionem secundum effectum
 „amantis ad amatum, in quantum scilicet amans
 „æstimat amatum quodammodo ut unum sibi vel ad
 „se pertinens, & sic movetur ad ipsum. Sed bene-
 „volentia est simplex actus voluntatis, quo volumus
 „alicui bonum, etiam non præsupposita prædicta
 „unione affectus ad ipsum... sic ergo in dilectione
 „secundum quod est actus caritatis, includitur quædam
 „benevolentia; sed dilectio sive amor addit unionem
 „affectus. Et propter hoc Philosophus dicit (*lib. 9.
 „Eth. cap. 5.*) quod benevolentia est principium ami-
 „citæ. Itaque amor caritatis, cum essentialiter sit
 „amicitiæ, tendit ad unionem cum dilecto; ac proinde
 „qui in sublimitate constituti ita infimis bene volunt
 „ut indignum se putent eis affectu conjungi, non
 „amant amore caritatis, sed simplici benevolentia, sicut
 „accidit in nobis de pugilibus, inquit Sanctus Doctor
 „quorum alterum vellemus vincere.

Q. 2. Deus potestne totaliter diligi?

Respondet S. Th. qu. 17. art. 5. Deum non posse
 totaliter

totaliter diligi ex parte modi diligendi, ita ut modus diligendi adæquet modum rei dilectæ; quia quam bonum est objectum, tam est diligibile: atqui Deus est infinite bonus; ergo & infinite diligibilis; Nulla autem creatura potest Deum infinite diligere, cum omnis virtus creata sive naturalis, sive infusa, sit finita: Ergo. Ex parte vero objecti, & ex parte diligentis Deus est totaliter diligendus: ex parte quidem objecti; quia quidquid est in Deo, sive misericordia, sive iustitia; sive omnipotentia; &c. diligi debet. Ex parte etiam diligentis: quia ex toto posse suo homo debet diligere Deum; & quidquid habet, ad Dei amorem ordinare, secundum illud Deut. 6. Diliges Dominum Deum tuum ex toto corde tuo.

Q. 3. Estne modus habendus in Dei amore?

R. Negat S. Th. cit. q. 27. art. 6. probatque r. auctoritate S. Bernardi lib. de diligendo Deo cap. 1. in quo sic habet: *Causa diligendi Deum, Deus est: modus est absque fine & termino: eorum autem quæ sunt ad finem, est aliquis terminus. Non enim Medicus imponit aliquem terminum sanitati, sed facit eam perfectam quantumcunque potest: sed medicinæ imponit terminum. Non enim dat tantum de medicina quantum potest; sed secundum proportionem ad sanitatem.* finis autem omnium actionum humanarum & affectionum est dilectio Dei, per quam maxime attingimus ultimum finem . . . Et ideo quanto Deus plus diligitur, tanto est dilectio melior. Et in responsione ad tertium distinguit inter exteriores actus caritatis, & interiorem dilectionem, docetque exterioribus competere modum, juxta illud Apostoli Roman. 12. *rationabile obsequium vestrum*, quia se habent ut medium ad finem: interiorem vero dilectionem esse sine modo; quia habet rationem finis: quatenus non conjungit Deo, qui est nostrum summum bonum.

Q. 4. Estne quid perfectius & magis meritorium diligere inimicum, quam amicum?

R. Distinguit S. Th. art. 7. ejusdem q. nempe si spectetur dilectio amici per se & secundum bonitatem,

tem, quam defumit ex parte objecti, est perfectior; & magis meritoria: tum quia objectum illius est melius: amicus enim hominis iusti est bonus, inimicus vero malus: tum quia amicus est diligenti magis conjunctus: agens autem intensius agit in subjecta propiora, quam in remotiora: tum quia pejus est odisse amicum quam inimicum: ergo e contrario melius est illum diligere. Sed per accidens dilectio inimici est perfectior & magis meritoria. 1. quia est difficilior. 2. quia bonitas divina est sola ratio illum diligendi, usque qui malus sit. At alie sunt rationes diligendi amicum, quae nisi caveamus, solae movent ad illum diligendum, & ejusmodi dilectio mercedem non habet apud Deum, ut dicitur Matth. 5. v. 46.

Q. 5. *Estne magis meritorium diligere Deum, quam proximum?*

Resp. S. Th. art. 8. si seorsim spectentur ambae illae dilectiones, non est dubium quin dilectio Dei sit magis meritoria; quia propter quod unumquodque, illud magis: atqui dilectio proximi non est meritoria, nisi quia diligitur propter Deum, qui est fons bonitatis, quae derivatur ad proximum, & propter quam ipse diligitur. Sed si includatur amor Dei in amore proximi, ita ut tota ratio diligendi proximum sit Dei dilectio, sub illo respectu magis meritorium est diligere proximum, quam Deum sine proximo; quia per ejusmodi dilectionem complexam adaequate impletur mandatum, quod habemus a Deo: *Ut qui diligit Deum, diligat & fratrem suum*, 1. Jo: 4. v. 21.

Q. 6. *Cur gaudium tribuitur caritati tanquam proprius ejus effectus?*

R. 2. Quia delectatio ex dictis pag. 67. est fructus operationis perfectae: atqui caritatis amor est actus omnium perfectissimus: ergo fructus ejus est gaudium & delectatio, *fructus autem spiritus*, inquit Apostolus Gal. 5. v. 22. *est caritas, gaudium*. 2. quia omnis motus tendit ad quietem: corpora graviora v. g. moventur donec attigerint centrum veluti ultimum finem, in quo quiescant: atqui ex omnibus motibus animi solus caritatis amor attingit ultimum finem, solus

animam Deo summo bono & omnium desideriorum fini conjungit, *qui non diligit, manet in morte*, 1. Jo: contra vero, *qui manet in caritate, in Deo manet, & Deus in eo*. 1. Jo: cap. 4. Caritas enim essentialiter est unio animæ cum Deo, & Dei cum anima: Ergo fruitio, gaudium, quies animi est proprius effectus caritatis. Vide plura in hanc rem Tract. de Actibus humanis pag. 73. & 166. & seq.

Dices, una & eadem virtus non potest esse principium gaudii & tristitiæ: atqui caritas est principium tristitiæ; ait enim Apostolus Rom. 8. v. 23. *Nos nisi primitias Spiritus habentes, & ipsi intra nos gemimus, adoptionem Filiorum Dei expectantes*. Et v. 26. *Ipse Spiritus postulat pro nobis gemitibus inenarrabilibus*: Ergo gaudium non potest esse effectus caritatis.

Dist. maj. Eadem virtus non potest esse principium gaudii & tristitiæ sub eodem respectu, Conc. sub diverso respectu, Nego maj. Nonne amor matrem perfundit gaudio & simul elicit ejus lacrymas, indubitata tristitiæ signa, dum recipit filium, qui diu fuerat absens?

Q. 7. *Sub qua respectu Caritas est causa tristitiæ?*

R. Respectu eorum, quæ impediunt ejus motum, & perfectam unionem cum Deo summe dilectio; qui enim amicum impense diligit, doleat necesse est, si quid amicitiam inturbet, vel amico adversetur. Quamdiu autem mortalem hanc vitam vivimus, duo impediunt caritatis motum.

Primum est absentia dilecti: *quantum dum sumus in corpore, peregrinamur a Domino; per fidem enim ambulamus; & non per speciem*. 2. Cor. 5. Tanto autem quis molestius fert absentiam amici, quanto ardentius illum diligit, nec ullus crederet sponsam diligere, quæ non angitur: sive præsens, sive absens sit sponsus. Per caritatem quidem hic manemus in Deo, gustamusque quam suavis sit Dominus, & sub eo respectu caritas non potest esse sine eo gaudio, quod avellit a terrenis cupiditatibus, inchoatque beatitudinem, quam expectamus; ut fuse demonstravimus tr. de Actibus humanis pag. 99. & seq. Attamen gaudium

dium illud, quantum sit, plenum hic esse nequit; quia nec Deus plene possideri potest, sed est dumtaxat prælibatio quædam & irritamentum, quo accendimur ad quærendam faciem Domini semper; sicque caritas non est sine tristitia & gemitu, donec ruamus in amplexus sponsi super omnia dilecti; fuerunt mihi, ait Psalter regius Ps. 45. *lacrymæ meæ panes die ac nocte, dum dicitur mihi quotidie: Ubi est Deus tuus?*

Alterum caritatis impedimentum, ex quo diligentibus Deum nascitur tristitia & continuus dolor, sunt nostra & proximi peccata, utpote Dei offensæ. Primum quippe amici officium est a dilecto malum avertere, prius v. g. febrem ab illo expellere satagit, quam de opibus vel honoribus ei acquirendis cogitet. Quod si morbus sit sanabilis, doleat necesse est, & eo amplius, quo impensius diligit. Atqui peccata sunt malum Dei, polluunt nomen ejus, ut dicitur Lev. 18. & 19. lædunt honorem & gloriam, propter quam omnia operatus est, ideoque summe ipsi displicent, si gravia, ipsum inter & animam dividunt: si levia, remouent a familiarissimis ejus amplexibus. Hinc caritatis pugna adversus peccatum uti malum Dei super omnia dilecti: hinc continua Justî pœnitentia & animi dejectio pro quotidianis peccatis, quæ etsi minuerre conetur, omnia tamen cavere non prævalet: hinc denique pia commiseratio erga proximum delinquentem, servens studium illius emendationis, & ubi videt crescere scandala, ex intimo cordis dolore dicit cum Propheta Ps. 118. *Vidi prævaricantes, & tabescebam, & Ps. 138. perfecto odio oderam illos, & inimici facti sunt mihi.* S. quoque August. præf. in Ps. 69. de ejusmodi scandalis, ait: *Inter hæc gemimus, & hæc persecutio nostra est, si in nobis caritas,* quin addit fortasse sæviorem ea, quam passi sunt martyres. Ne ergo sibi blandiantur, quasi Deum diligant, qui ad animi oblectationem familiariter convivunt cum voluptuosis & rerum fluxarum cupidis; quæ enim societas lucis ad tenebras, caritatis ad cupiditatem? An ignorant scriptum Jac. 4. *quia amicitia hujus mundi inimica*

mica est Deo? quicumque ergo voluerit amicus esse hujus seculi, inimicus Dei constituitur.

Q. 8. *Pax estne proprius effectus caritatis?*

R. Ita est proprius, ut sine ea haberi non possit; quia pax ex ordine efflorescit, definiturque a S. Aug. lib. 19. de Civ. Dei c. 23. *tranquillitas ordinis*; pax corporis, ut ibidem advertit S. Doctor, est ordinata temperatura partium: pax domus aut civitatis, ordinata imperandi atque obediendi concordia cohabitantium. Subvertatur autem ordo, mox sequitur discordia & tumultuatio in familia & in civitate, vel os unum moveatur a sede sua, nulla corporis requies; atqui ex omnibus virtutibus sola caritas ubique ponit ordinem; namque 1. hominem Deo subjicit, singulos ejus affectus in illum colligit & refert, ut homo sit unius cum Deo voluntatis, & ita pacem ad Deum habeat, ut dicitur Rom. 5. v. 1. 2. homo per caritatem jam subditus Deo secundum mentem, per eandem virtutem habet, ut moderetur animo suo, cohibeatque reluctantes cupidines suas, quia sicut justitiae fuit, ut qui peccando obtemperare noluit Superiori, Deo scilicet, inferiorem suum, nempe carnem, inobedientem pateretur: *neque enim imperare inferioribus potest, nisi superiori se subjiciat*; inquit S. Aug. lib. 1. serm. Dom. in monte cap. 2. ita consequens videbatur, ut pacifici cum Deo, in nobis ipsis pacem haberemus: *nam si te regit superior, non te cruciat & affligit inferior: & si cum Deo conjunctus eris, diabolum non timebis; quia sub tali Rege militas, ut de victoria dubitare non possis*. 3. Nihil desiderari potest ordini, quem caritas servat erga proximum, quem ea benevolentia, qua nos ipsos diligimus, parati & quae nostra sunt, amittere, ubi necessum fuerit, pro corporis ejus salute, & nostrum etiam sanguinem fundere pro aeterna illius beatitudine, ut latius exposuimus capite precedenti. Quid autem ulterius expeti potest, ut homo caritate instructus cum proximo tranquillam vitam agat, & cum omnibus (quantum in ipso est) pacem habeat? Ex quibus S. Th. q. 29. art. 4. in haec verba concludit, *non est alia virtus, cujus pax sit effectus proprius, nisi caritas*.

Dixi.

Dixi, quantum in ipso est: quia pax non est impiis, neque ab impiis, qui, ut omnem perverterunt ordinem, nec quiescere possunt, nec alios lacerare desinunt, sed dum foris justos exagitant, hi pacem intus servant, & sibi adversantes quovis modo conciliare satagunt, juxta illud Psal. 119. cum his, qui oderunt pacem, etiam pacificus, caritas quippe patiens est, benigna est, non irritatur, omnia suffert, omnia sperat, scilicet meliora etiam de nequissimis.

Dices: Christus, qui vult ignem caritatis vehementer ardere, Luc. 12. nihilominus ait Matth. 10. non veni pacem mittere, sed gladium. Ergo pax non est effectus caritatis.

Distinguo antec. Christus venit mittere gladium in vitia, Medicorum more, qui morbo non parcent, ut corpus doloribus vexatum pristinae sanitati, & tranquillitati restituant, Concedo: in ipsas peccantium personas, Nego ant. Venit enim Filius hominis querere & salvum facere quod perierat. Luc. 19. v. 10. Itaque plurimum interest inter cupiditatem & caritatem. Illa non distinguit inter amicum & ejus vitia, nec inter inimicum & ejus virtutes. Amici hujus sæculi vulgo excusant, amant, laudant amicorum vitia, contra vero sugillant inimicorum virtutes, ut dum peccator laudatur in desideriis animæ suæ, quietam vitam agat, eo sane miserior, quo non dolet amissam justitiam, namque ex S. Aug. lib. 9. de Civ. Dei c. 13. qui peccat, peior est, si latatur in damno æquitatis. Quamobrem caritas, cujus ignem vult Christus vehementer accendi, perniciosam illam pacem veluti lethiferum letargici somnum amovere nititur, ut ipsum hominem salvet. Cogita quid agat filiorum pietas erga carissimum patrem letargico somno oppressum, quomodo illum vexent, pungant, vellicent; irascitur ille, inhumanos & crudeles inclamat, quos valetudine confirmata, pios ac beneficos laudabit. Ita se habet caritas Pastoris, qui vocatur ad regendam plebem, apud quam contractus usurarii, injusti, & alia hujusmodi illicita obtinuerunt, tanquam licita ex diuturno & communi omnium usu exitialem plebis pacem per-
tur-

corbas, gladium spiritus (quod est verbum Dei; Eph. 6.) assumit adversus depravatos illos mores. Conqueruntur incolæ, Pastorem infamant tanquam publicæ pacis perturbatorem: & ita oportet fieri (modo prudenter) donec rebus in debitum ordinem adductis, pax vera, quæ est genuinus iustitiæ fructus, stabiliatur.

§. II.

De Eleemosyna.

Q. 1. **E**xtat ne præceptum Eleemosynæ faciendæ?

R. Extat tum naturale, tum divinum positivum.

Prima pars, quæ est de præcepto naturali, sequitur ex dictis c. 3. de necessitate caritatis; ex iis enim constat nos teneri lege naturali amare amore benevolentiae & amicitiae omnes homines, etiam inimicos: atqui amare amore amicitiae est bene velle, & facere, quantum in nobis est: Ergo lege naturali tenemur non solum optare, ut proximus non indigeat, sed etiam ipsi indigenti opem ferre, si facultas adsit.

Secunda pars probatur 1. ex Scriptura, Jo. 3. v. 18. *Non diligamus verba, neque lingua, sed opere & veritate. In hoc cognoscimus quoniam ex veritate sumus;* Jac. 2. v. 13. *Judicium... sine misericordia illi, qui non fecit misericordiam.* Quæ sane verba non consilium, sed præceptum indicant, Luc. 6. v. 37. & 38. *Dimittite, & dimittimini, date & dabitur vobis... eadem quippe mensura, qua mensi fueritis, remetietur vobis.* In quem locum S. Aug. ser. 42. & alias hom. 29. sic loquitur: *Sacrificium Christiani est eleemosyna in pauperem; hinc enim fit Deus peccatis propitius; nisi autem peccatis propitius fiat Deus, quis remanet nisi reus? Ab eis & peccatis & delictis, sine quibus vita illa non ducitur, mundantur homines per eleemosynas, quæ sunt duarum generum eroganda & remittenda; eroganda quod habet bonum, & remittenda quod pateris malum... remittite, & remittetur vobis, pertinet ad ignoscendum: date, & dabitur vobis, pertinet ad erogandum.* Denique supremus ipse
Judex

Judeæ nos præmonuit Matth. 25. quam judicii formam instituturus sit, cum venerit judicare vivos & mortuos, nempe separabit electos a reprobis, tanquam oves ab hœdis: illos constituet a dextris, istos a sinistris; dicetque iis qui a sinistris erunt. *Discedite a me maledicti in ignem æternum*, moxque causam subjungit, *esurivi enim, & non dedistis mihi manducare*. Non exprobrat furta, rapinas, adulteria, homicidia, quia etsi ab iis se continuerint, satis est ad æternum supplicium quod misericordiam pauperibus non exhibuerint; quemadmodum nec eorum, qui a dextris erunt, laudabit fidem, æquitatem, religionem, castitatem, & alia ejusmodi præmijs digna: sed caritatem in pauperes, ut intelligamus sine oleo misericordie nemini, etiam aliis virtutibus prædito, patere januam regni cælestis: Ex quibus perspicuum est illud præceptum obligare sub mortali; nullus enim excludetur a regno cælorum ob peccata venialia.

Probatur 2. ex sanctis Patribus. S. Basiliius ser. ad divites avaros; *est panis famelici, inquit, quem tu tenes; nudi tunica, quam in conclavi conservas, dicatitati calcens, qui penes te marcescit; indigentis argentum; quod possides inbumatum*. Quocirca tot pauperibus injuriam facis, quot dare valens es. S. Hieronymus epist. ad Hebidiam, *si plus habes quam ad victum vestitumque necesse est, illud eroga, & in illo debitorem esse te novisti*.

Q. 2. Quando & quanta ob præceptum eroganda est elemosina?

R. Quando & quantum proximus indiget, nosque possumus ei suppetias ferre juxta ordinem caritatis & nobis descriptum capite præcedenti, nimirum in extrema ejus necessitate ei succurrendum ex bonis nostris propriæ vitæ superfluis: in gravi necessitate ex bonis statui nostro absolute non necessariis, quamvis commodis, v. g. detrahendo aliquid de suppellectili, de ornatu vestium, de lautioribus cibis, &c. In communi denique necessitate ex bonis statui nostro superfluis, quæ alioquin vel frustra coacervaremus, vel expensas inutiles consumeremus.

Probatur responsio capite præcedenti.

Confirmatur 1. ex censura primum lata ab Academia Lovaniensi anno 1657. deinde ab Innocentio XI. anno 1679. ac demum a Clero Gallicano anno 1700. in hancce quorundam Modernorum propositionem in Ecclesia hæcenus inauditam, *vix in sæcularibus invenies, etiam in Regibus superfluum statui: & ita vix aliquis tenetur ad elemosynam, quando tenetur tantum ex superfluo statui*. Hæc propositio unum supponit tantum verissimum, & ab omnibus receptum, scilicet proximo in gravi necessitate constituto opitulandum, etiam ex iis, quæ statui nostro sunt commoda, & aliquatenus necessaria, ac proinde reos esse gravioris peccati qui tempore publicæ famis nihil de suo statu minuunt de alendos pauperes.

Duo autem negat: primum, vix in sæcularibus etiam in primariis inveniri superfluum, adeo ut quilibet sumptus ad luxum & delicias sine illis concedendi: alterum ejusmodi homines ordinarie non teneri ad elemosynam, quando necessitas proximi est dumtaxat communis. Utrumque autem laudata censura perstringitur. *Hæc propositio, inquit Antistites Gallicani, est temeraria, scandalosa, perniciosa, erronea, Evangelicum de elemosyna præceptum pessundat.*

Confirmatur 2. necessitas ea dicitur communis, in qua proximus tenuiter vivit, non guidem ex propriis facultatibus, ut qui nullas habet, neque ex labore, cum fractus sit viribus; sed aliorum ope & subsidio. Et hæc est sors mendicorum, & aliorum benemulcorum, qui mendicare erubescunt; Atqui nisi succurratur saltem ex bonis statui superfluis ejusmodi egenis, qui in Republica sunt in magno numero, eorum necessitas, divitum ope dumtaxat communis, manifeste evadet ex ærema, & omnes fame & miseria peribunt: Ergo omnes & singuli sub gravi peccato tenentur ex bonis superfluis antevertere extremam egenorum necessitatem, alioquin ineluctabilem: ac proinde graviter peccant, qui obtentu honesti & elegantis status, vel fallaci futuræ necessitatis umbra, superflua sua vanitati ac luxuriz impendunt, aut avaritiæ accumulunt.

Ea-

Eadem ratio urgetur amplius, vel enim nullus, vel omnes & singuli ex superfluo tenentur juvare proximum in communi necessitate constitutum; primum nemo concesserit: quia egeni, qui non vivunt nisi aliorum ope, certo certius inserirent, nisi nullus eis opem ferret. Secundum autem admittatur necesse est; cur enim unus præ alio superflua erogare teneretur? Si Respublica collectivè sumpta tenetur suppeditare victum & vestitum iis qui sibi comparare nequeunt, annon singuli tanquam ejusdem corporis membra ad necessarium illud misericordiae opus, saltem ex superfluo conferre debent? Enimvero Magistratus ubi cives minus liberaliter egenis subministrant, tanquam ministri Dei, cui derelictus est pauper, summam pecuniae in subsidium pauperum singulis imponunt, exiguntque veluti rem pauperibus debitam. Porro ejusmodi civilis disciplina supponit debitum in unoquoque cive; alioquin esset injusta; nec enim licet transferre unius bona in alterum, cui ille nihil debet. Hinc S. Aug. vel quivis auctor hom. 47. nunc serm. 310. in Appendice, Deum habenti superflua sic inducit loquentem: „Plus tibi dedi, ut haberes unde pauperi dares; pauperi non dedi ob hoc, ut te probarem; non quia ambobus non habui unde darem, sed per pauperem volui te probare. Ego sum qui divitem & pauperem feci, prerogatore te constitui in bonis meis.... Quid tibi soli vindicas, quod ambobus dedi? Quare tu solus comedis, quod ambobus creavi? Quasi tuo labori hoc assignas, & tuum esse putas? Aufero auxilium meum, habe laborem tuum: aufero misericordiam meam, & tunc apparebit miseria tua, „Et S. Basilius cit. ser. ad divites: „Si fateris ea tibi divinitus provenisse, (bona temporalia), an injustus est Deus inaequaliter res nobis distribuens? Cur tu abundas, ille vero mendicat, nisi; ut bonae dispensationis merita consequaris, ille vero patientiae breviis decoretur? „Alias injusta foret rerum divisio, ut docet S. Thomas 2. 2. q. 66. art. 7.

Dices 1. ex S. Thomas, elemosyna est consilium dumtaxat extra casum extremæ necessitatis; sic enim

scri-

scribit q. 32. art. 5. *dare eleemosynam de re superflua est in præcepto, & dare eleemosynam ei, qui est in extrema necessitate. Alias autem eleemosynas dare est in consilio. Ergo.*

— Nego ant. S. enim Doctor non vult necesse esse ad inducendam obligationem erogandæ eleemosynæ, ut duo illa simul concurrant, scilicet superfluum ex parte dantis, & extrema necessitas ex parte accipientis, sed statuit obligationem illam repetendam ex alterutro capite, ut patet ex ejus responsione ad secundum, ubi sic habet: *Bona temporalia, quæ homini divinitus dantur, ejus quidem sunt quantum ad proprietatem; sed quantum ad usum non solum debent esse ejus, sed etiam aliorum, qui ex iis sustentari possunt ex eo quod ei superfluit.*

Dices 2. Rigidior est hujusmodi sententia, utpote quæ damnet plerisque divites, & eorum Confessarios: Ergo.

Nego ant. Quid enim rigidius habet nostra sententia, quam illud præceptum; *diliges proximum tuum sicut te ipsum*, quod non impletur, ut patet ex dictis, nisi proximo bene velimus & faciamus, quantum in nobis est, quando ille nostra ope indiget: *Ad dilectionem proximi pertinet*, inquit S. Thomas cit. art. 5. *ut proximo non solum velimus bonum, sed etiam operemur secundum illud* 1. Jo: 3. Non diligamus, verbo, neque lingua, sed opere & veritate. Illud ipsum ratio naturalis docuit Philosophos Ethnicos, ex quorum schola hancce definitionem cap. 10. prorsulimus, *amare est bene & facere alteri, quantum in nobis est, ipsius gratia.*

Quod opponitur ex moribus & agendi ratione quamplurimorum divitum, nullius est momenti; eisdem enim ipsos non magis in gravi & extrema necessitate pauperibus opitulari experti sumus paucis ab hinc annis, cum pauperes ubique fame interirent, namque divites illi nihil quidquam de status sui ornatu & elegantia detraxerunt, quamvis ex constanti omnium sententia ad id sub mortali tenerentur. Meminerint autem Confessarii, qui ista non vident, aut videre se
dis-

diffimulant, scriptum esse Matth. 19. v. 14. *Cecus autem si ceco ducatum præstet, ambo in foveam cadant, scilicet, & qui ducit, & qui ducitur.*

Ceterum difficilius est figere quantum quisque, præsertim si sit paterfamilias, erogare debeas in communi necessitate, quantum in gravi aut in extrema; in communi quippe necessitate divites, ut diximus, ex præcepto tenentur erogare duntaxat superflua suo statui, atqui ex S. Th. q. 32. art. 6. necessarium status non consistit in indivisibili, plura enim requiruntur ad sustinenda onera familiæ, dotandas filias, honeste collocandos liberos, prospicienda sunt, quæ frequentius accidunt incommoda, ut morbi, bella, agrorum sterilitas. Dico, frequentius. Nam ex S. Thoma q. 33. art. 5. ad 3. *Nec oportet quod consideret ad omnes casus, qui possunt contingere in futurum, hoc enim esset de crastino cogitare, quod Dominus prohibet Matth. 6. Sed debent judicari superfluum & necessarium secundum ea quæ probabiliter, & ut in pluribus occurrunt.* Inter necessaria statui computantur etiam ea, sine quibus non servaretur decorum, quod status postulat, non quidem mundanorum iudicio, sed sapientium: *Nullus quidem inconvenienter vivere debet, inquit idem S. Doctor, art. 5. ejusdem q. 32. sed inanis gloriæ & rerum fluxarum cupidis nihil videtur superfluum, immo nunquam satis: privatus v. g. qui hactenus vixit decenter, auctus ampla hereditate, pingui beneficio, largior non est in pauperes, sed profusior in sua commoda.* Similiter paterfamilias orbatu filio, quem cum aliis sustentabat prout statum ejus decebat, partem defuncti superfluam & pauperibus dividendam non reputat, sed tanquam supersticibus necessariam servat. His & similibus argumentis Sanctus Augustinus & alii Patres revincunt divites, qui cupiditatem & cordis duritiam velamine pietatis obtegere solent.

Q. 3. *Quinam sunt elemosinæ fructus?*

R. Elemosyna, quæ ex vera caritate in Deum & proximum procedit, 1. Liberat a peccatis etiam gravioribus, Tob. 4. *Elemosyna ab omni peccato & a*
moris

morte liberat, & non patietur animam ire in tenebras: Eccli. 3. v. 33. ignem ardentem extinguit aqua, & eleemosyna resistit peccatis. 2. Purgat à quotidianis delictis, Luc. 11. v. 41. *Date eleemosynam, & ecce omnia munda sunt vobis.* Unde S. Cyprianus serm. de eleemosi, „ Sicut lavacro aquæ salutaris, inquit, gehenna ignis extinguitur, ita eleemosynis atque operibus iustis delictorum flamma sopitur. Et quia semel in Baptismo remissio peccatorum datur, assidua & jugis operatio, Baptismi instar imitata, Dei rursum indulgentiam largitur. „ 3. Debita ex peccatis contracta, seu reatum pœnæ, dissolvit & expungit, Dan. 4. *Peccata tua eleemosynis redime.* Ecclesia hactenus eleemosynam inter opera satisfactoria numeravit; eamque orationi & jejunio semper adjunxit, juxta illud Tobie 12. *Bona est oratio cum jejunio & eleemosyna,* quo ostenditur deprecationes solas parum ad impetrandum valere, inquit S. Cyprianus citat. serm. de eleem. „ Nisi factorum & operum accessione satientur; neque enim promereri misericordiam Domini poterit, qui misericors ipse non fuerit, aut imperabit de divina pietate aliquid in precibus, qui ad precem pauperis non fuerit humanus. „ 4. Eleemosyna non solum liberat a malis, sed insuper omni bonorum genere abundare facit, Luc. 6. *date, & dabitur vobis,* Prov. 19. *faveatur Domino, qui misereatur pauperis.* In quem locum S. Ambrosius sic scribit lib. de Tobia cap. 15. „ Fœnerate ergo Domino pecuniam vestram in manu pauperis. „ Ille astringitur & tenetur: ille scribit quidquid egenus acceperit: Evangelium ejus cautio est... ille dicit fidem, quid dubitatis dare? quis vobis dives hujus sæculi offeratur, qui fide promittat sua pro aliquo debitore, statim numeratis pecuniam, &c. „ Quid autem pro eleemosyna Deus se repensurum promittat, lege ejus chirographum, sacram scilicet Scripturam: 1. Pro mercede invenis regnum cælorum, Matt. 25. *Possidete paratum vobis regnum...* esurivi enim, & dedistis mihi manducare. Quod expendens S. Augustinus enarr. in Pl. 102. *Vide, inquit, quid emas, quando emas; quantem emas: emis enim regnum cælorum, & non est emendi.*

tempus, nisi in hac vita. Et quam vult emas, attende. Tanti tibi valet, quantum habere potueris. Et S. Leo ser. 8. de Collectis, „Cibus egeni regni cælestis est pretium. „ Et largitor temporalium hæres efficitur æternorum. „ Unde autem exigua ista impendia tanta æstimari „ taxatione potuerunt? nisi quia pondera operum caritatis lance pensantur, & cum amatur ab homine „ quod Deus diligit, merito in ejus ascenditur regnum, in cuius transitur affectum. „ 2. Scriptura cautio est pro temporalibus etiam bonis in hac vita multiplicandis, 2. Cor. 9. v. 10. *Qui autem ministrat semen seminanti, & panem ad manducandum præstabit, & multiplicabit semen vestrum, & auget incrementa frugum justitiæ vestræ.* Sensus est: qui elemosynam tribuit, more seminantis spargit opes suas in manibus pauperum, tanquam in agro fertilis: videntur incredulis & insipientibus perire, sed permanent & fructificant, quemadmodum semina in terra jacta uberiore fructu succrescunt. Si verbo Dei scripto non credis, quid facis in domo fide perfidum pectus? Verba sunt S. Cypriani cit. serm. de elemosynâ. „ Quid, „ qui Christo omnino non credit, appellatur & dicitur Christianus? Et infra: retardat te numerositas filiorum... atqui hoc ipso operari amplius debes „ quo multorum pignorum pater es, plures sunt pro quibus Deum depreceris... Si ergo vere filios tuos diligis, si eis exhibes plenam & paternam dulcedinem caritatis, operari magis debes, ut filios tuos Deo iusta operatione commendes... Illi assigna facultates tuas quas hæredibus servas: ille sit litteris tuis tutor, ille contra omnes injurias sæculi divina majestate protector. In tuto hæreditas ponitur, quæ Deo custode servatur. Hoc est charis pignoribus in posterum providere. „ Scriptum quippe est Psal. 36. de Patre misericorde, *tota die miseretur & commodat, & semen ejus in benedictione erit.* Unde concludit idem S. Martyr: „ prævaricator itaque & proditor pater es, nisi filiis tuis fideliter consulas, „ nisi conservandis eis religiosa & vera pietate prospicias. „ Confirmat suam sententiam exemplo viduæ, quæ

quæ 3. Reg. c. 17. filiis suis abunde prospexit, ex iis
quæ Eliæ misericorditer ministravit, nec filiis, in-
quit, abstulit mater, quod Eliæ dedit, sed magis filiis
contulit, quod benigne & pie fecit.

Dixi in responsione, quæ ex vera caritate in Deum
& proximum procedit, contra absurdum eorum errorem,
qui, ut refert S. August. ex Scripturis male intellectis
colligebant divites eleemosynis salvatum iri absque man-
datorum observatione, & pecunia sua quasi emere li-
centiam peccandi: „Non se fallant, inquit S. Doctor
„Enchir. c. 77. qui per eleemosynas quaslibet largifi-
„simas fructuum suorum, vel cujuscumque pecunie im-
„punitatem se emere existimant in facinorum suorum
„immanitate ac flagitiorum nequitiis permanendo...
„qui diligit iniquitatem, odit animam suam, & qui
„odit animam suam, non est misericors, sed crude-
„lis... Si ergo vellet ei dare eleemosynam, per quam
„munda illi essent omnia, odisset eam secundum se-
„culum, & diligeret eam secundum Deum. „Animam
autem sic recte diligens, hoc est propter Deum, recte
quoque diligit proximum sicut seipsum; id est pro-
pter Deum, & eleemosyna ex illo affectu data, libe-
rat a morte, & jus tribuit ad regnum celorum.

„Eleemosynæ ergo, pergit idem S. Doctor hom. 19.
„nunc serm. 388. possunt tibi prodesse ad delenda
„peccata præterita, si mores mutaveris. Si autem in
„eisdem malis perseveraveris, eleemosynis tuis non
„corrumpas judicium Dei. Et hom. 2. nunc in ap-
„pendice serm. 53. Noli tibi pingere talem Deum;
„noli collocare in templo cordis tuis tale idolum.
„Non est talis Deus tuus, qualis non debes esse nec tu.

Eleemosyna tamen peccatoris penitentis ad obti-
nendam mortis emendationem, & justificationis gra-
tiam, quamvis non sit meritoria vite æternæ, pluri-
mum tamen valet ad flectendam Dei misericordiam,
ut constat ex dictis ubi de merito.

Q. 4. En quibus bonis danda est eleemosyna?

R. Ex bonis propriis, & alias non debitis, de qui-
bus liceat nobis disponere; scriptum quippe est Tob.

4. En substantia tua fac eleemosynam. Et Eccli. 34. da

na inimicorum non probat Altissimus ... Qui offert sacrificium ex substantia pauperis, quasi qui victimat filium suum in conspectu patris sui. Et S. Augustinus, serm. 113. alias 36. de verb. Domini, „ De justis, inquit, laboribus facite eleemosynas: ex eo quod re- „ ste habetis, date: non enim corrupturi estis Iudicem Christum.

Ergo Religiosus extra casum extremæ necessitatis; in quo omnia communia esse diximus; licite non potest eleemosynas erogare sine consensu Superioris, quia nihil habet proprium. Præsumitur autem Superior consentire in iis circumstantiis, in quibus Religiosus extra monasterium divertens, malo exemplo esset si non erogaret.

Idem dicendum de uxore, quæ non habet bona paraphernalia; quamvis enim bona dotalia sint ipsi propria, horum tamen administratio pertinet ad maritum, ac proinde sine ejus consensu non licet ei eleemosynas facere, nisi eas quæ decent ejus statum, & conditionem habita ratione rei familiaris. Plura erogare poterit, si ea eis, quæ maritus concedit in proprios usus, quædam sibi subtrahat in pauperum subsidium. Idem quoque judicium esto de filiofamilias. Sed de his iterum, Tract. de Justitia & Jure.

Dixi: *Et alias non debitis*: Qui enim obligatur ære alieno, tenetur prius liberare se, quam eleemosynas dare in incommodum creditorum, nisi tanta esset proximi necessitas, ut ipsimet creditores tenerentur ei succurrere; in illa quippe hypotheca non censerentur rationabiliter invitæ, quod debiti solutio differretur.

Dices 1. Qui injuste collegerunt, nec inveniunt quibus restituant; tenentur bona sic acquisita distribuere pauperibus: Ergo eleemosyna licite fieri potest ex bonis alias debitis.

Nego consequ. Illa quippe erogatio eleemosyna non est, sed vera restitutio, utpote opus strictæ justitiæ, non vero misericordiæ. Injuste ergo ambiunt vocari misericordes ac benefici, qui ex bonis male partis Ecclesias aut Xenodochia dotant; ista opera non minus sunt monimenta præteritarum rapinarum, unde erubescere & deijci deberent, quam præsentis satisfactionis

et poenitentiae; quae laudem non meretur; nec mercedem, si ex appetitu inanis gloriae procedat.

Dices 2. Si eleemosyna non sit eroganda, nisi ex bonis propriis, & aliunde nemo sine operibus misericordiae ingressurus sit in regnum caelorum, pauperes qui nihil habent unde tribuant, de salute desperare debent: atqui consequens longe est absurdissimum: Ergo & anteced.

Nego maj. Namque ex S. Thoma q. 32. art. 2. multiplex est eleemosynae genus: alia respicit corpus; alia animam. Eleemosynae corporalis actus sunt visitare infirmos, aut carcere detentos, cibum & potum praebere esurientibus & sitientibus, redimere captivos, vestire nudos, colligere & excipere hospites, condere, seu sepelire mortuos, quae continentur sequenti versiculo,

Visito, poto, cibo, redimo, tego, colligo, condo.

Ad eleemosynam autem spirituales pertinet docere proximum, eique consilium dare, delinquentem corrigere, afflictum aut tristem consolari, remittere offensam si in nos peccaverit, patienter, & benigne ferre ejus defectus, apud Deum pro illo intercedere, ut habetur versu sequenti.

Consule, castiga, solare, remitte, fer, ora.

Porro quilibet etiam pauperissimus, aliquo ex his misericordiae operibus proximum recreare potest: „ Nullus
est, inquit S. Gregorius hom. 9. in Evang. qui veraciter
dicat, talentum minime accepi, non est unde rationes
ponere cogar. Tantenti enim loco cuilibet pauperi
etiam hoc ipsum reputabitur, quod vel minimum accepit ... habens ergo intellectum curet omnino ne
taceat (cum scilicet proximus doctrina, aut consilio indiget) habens rerum affluentiam vigilet ne a misericordiae largitate torpescat: habens aurem qua regitur, magnopere studeat, ut usum atque utilitatem illius cum
proximo partiatur: habens loquendi locum apud divitem; damnationem pro retento talento timeat, si, cum
valet, non apud eum pro pauperibus intercedit. Et
S. August. in Ps. 134. Si non habes, inquit, noli esse
tristis, si est tibi bona voluntas ... Numquid dixerunt
Angeli pax in terra divitibus hominibus? sed: pax in
terra hominibus bonae voluntatis ... vidua illa, quae duo
minuta misit, parum seminavit, immo tantum quantum

Zachæus, minores enim facultates ferebat, sed pa-
 rem voluntatem habebat ... calix aquæ frigidæ,
 non duobus nummis, sed gratis constat; tamen sic
 gratis constat, ut habeat alius; & alius non ha-
 beat: si ergo ille qui illum habet, dederit illi qui
 non habet, tantum dederit, si de plena caritatis de-
 dit: quod dedit, quantum illa in duobus minutis,
 quantum Zachæus in dimidio rerum suarum ... Quid
 si nec hoc habeat? securus sit, pax in terra homi-
 nibus bonæ voluntatis. Caritas non potest esse
 otiosa aut infœcunda, est arbor illa bona, quæ bo-
 nos fructus facit; aut commiseratione cor movet su-
 per malis proximi, & pro illo precatur: aut mem-
 bra accommodat, ut debilem sustentet, aut linguam
 adhibet, ut irati dolorem leniat, vel errantem revo-
 cet, corrigat, adhortetur, & plus est, quam si pe-
 cuniam largiretur. Ista præsertim inculcari debent
 pauperibus, qui vulgo ita occupantur propriis mis-
 riis, ut alienis nedum tangantur, quin invident, si
 quis alteri similiter patienti opituletur.

§. III.

De correctione fraterna.

Duplex est correctio: alia judicialis, seu juridica,
 quæ fit cum auctoritate, tenditque non solum
 ad emendationem delinquentis; sed etiam ad vindi-
 ctam & pœnam infligendam, estque actus justitiæ sal-
 tem latius sumptæ pro fidelitate, qua Superiores ex of-
 ficio tenentur subditos in ordine continere, & ad ho-
 num promovere. Altera correctio dicitur fraterna, quia
 per eam proxime fraternæ, hoc est motivo miseri-
 cordiæ & caritatis, a peccato revocare nitimur. Prior
 competit solis superioribus: posterior vero eosdem spe-
 ctat quos præceptum misericordiæ & caritatis; sicut
 enim per eleemosynam succurrimus corporali indigen-
 tiæ proximi, ita per correctionem fraternam spiri-
 tuali ejus miseriæ. Hæc distinctio duplicis correctio-
 nis in primis notanda est propter eos qui obtrudere non

desinunt Superiorum esse peccantes corrigere, non inferiorum, aut æqualium, quod verum est de correctione juridica, de qua hic non agimus, sed de fraterna duntaxat, circa quam.

Q. 1. *Correctio fraterna estne necessaria necessitate præcepti?*

R. est necessaria necessitate præcepti tum naturalis, tum divini positivi, tum Ecclesiastici. Ita omnes Theologi post S. Thomam q. 33. art. 2.

Prima pars, quæ est de præcepto naturali, probatur, quia diligere Deum ex toto corde, est primum & maximum legis naturalis præceptum: secundum vere, diligere proximum sicut seipsum, *in his duobus mandatis universa lex pendet & Propheta*, Matth. 22. Atqui cum diligere ex sæpius dictis sit bene velle & bene facere dilectio, primum & maxime necessarium officium dilectionis est amovere malum a dilecto: neque enim filius ita efficaciter argueretur non amare patrem, ex eo quod commodiora quæque ei non procuraret, quam si eum liberaret, cum facile posset, a malis quibus premitur. Porro peccatum lethale est grave malum, tum Dei, utpote gravis ejus offensa, tum proximi, cum spiritualiter occidat ejus animam, & reatum æternæ damnationis inducat: Ergo lege naturali tenemur revocare proximum a peccato, cum id fieri potest per correctionem fraternam.

Confirmatur. Jure naturali tenemur per eleemosynam subvenire proximo corporaliter indigenti: ergo a fortiori per correctionem spiritualiter indigenti; nam potior cura habenda est animæ, quam corporis, cum propter illius salutem vita corporis aliquando sit amittenda. Illud ipsum agnoverunt Philosophi gentiles, ut patet e lib. 9. Ethic. cap. 3. ubi legitur magis in moribus, quam in facultatibus refendum esse auxilium. Unde Sanctus Bernardus lib. 4. de considerat. cap. 6. merito de Christianis conqueritur in hæc verba: *Cadit asina, & qui sublevet: perit anima, & nemo est qui reputet.*

Dices: præceptum caritatis non obligat nisi in proximi necessitate: atqui proximus nullam patitur peccan-

di necessitatem; peccatum enim adeo est voluntarium, inquit sanctus Augustinus, ut nisi voluntarium fuerit, peccatum non sit: Ergo nulla est obligatio illum revocandi a sordibus peccati, in quibus voluntarie & libere volutatur. Quis enim dixit erogandam esse elemosynam homini fame laboranti ex sola inertia?

Nego minor. Multum erras, inquit S. Augustinus Julianum Pelagianum alloquens, qui nullam putas peccandi necessitatem; solus Pelagianus negaverit necessarium Dei auxilium ad vincendas tentationes, quas patimur ex ignorantia, ex infirmitate naturæ lapsæ, & ex duritia cordis, quæ parit peccata malitiæ. Elemosyna quidem est deneganda homini otioso, qui labore suo victum & vestitum facile sibi comparare potest, ne videamur fovere ejus inertiam. *Si quis non vult operari, nec manducet*, inquit Apostolus, 2. Thessal. 3. & S. Augustinus epist. 93. alias 48. *utilis panis esurienti tollitur, si de cibo securus justitiam negligat, quam esurienti panis frangitur, ut injustitiæ seductus acquiescat.* Sed ejusmodi hominis fraterna correctio est adhibenda, ut a peccato, Deo interius operante, resipiscat: quamvis enim humana subsidia per se non sufficiant ad aliorum emendationem, Deus tamen iis utitur, vultque a nobis adhiberi, ut constat tum ex Ezech. 33. v. 8. ubi Pastori ait: *Si me dicente ad impium: Impie, morte morieris, non fueris locutus, ut se custodiat impius a via sua, ipse impius in iniquitate sua morietur, sanguinem autem ejus de manu tua requiram:* tum ex textibus pro secunda nostræ responsionis parte mox afferendis, in quibus speciatim præcipitur correctio fraterna; Itaque

Secunda pars, quæ est de præcepto divino positivo, probatur tum ex veteri, tum ex novo Testamento. Ex veteri quidem, nam habetur Levit. 19. *Non oderis fratrem tuum in corde tuo, sed publice argue eum, ne habeas super illo peccatum.* Eccl. 19. *corripe amicum, ne forte non intellexerit... corripe proximum... ne forte iteret: corripe amicum: sæpe enim fit commissio.* In novo quoque Testamento pluribus in locis præcipitur correctio fraterna. Epist. S. Judæ, „ hoc quidem arguite julicatos, illos vero salvate de igne rapientes, 2. Thessal. 3. Si quis non obe-

20 dic verbo nostro... ne commisceamini cum illo ;
 21 ut confundatur : & nolite quasi inimicum existima-
 22 re, sed corripite ut fratrem, 1. *Thessal.* 5. corri-
 23 pite inquietos, *Gal.* 6. si preoccupatus fuerit ho-
 24 mo in aliquo delicto, vos, qui spirituales estis ;
 25 huiusmodi instruite in spiritu lenitatis. Quod au-
 26 tem hac verba vim habeant precepti, patet ex ser-
 27 quentibus : Alter alterius onera portate, & sic adim-
 28 plebitis legem Christi, *Roman.* vers. ult. qui talia
 29 agunt, digni sunt morte ; non solum qui ea faciunt,
 30 sed etiam qui consentiunt facientibus. In quem lo-
 31 cum *Glossa* laudata a Sancto Thoma 2. 2. q. 70. art.
 32 1. sic habet, consentire est tacere, cum possis ar-
 33 guere. Et cap. Facientis, dist. 86. quod refertur &
 34 Joanne VII. Facientis culpam proculdubio habet,
 35 qui quod potest corrigere, negligit emendare ; scri-
 36 ptum quippe est, non solum qui faciunt, sed etiam
 37 qui consentiunt facientibus, participes judicantur...
 38 & negligere, cum possis deturbare perversos, ni-
 39 hil aliud est quam fovere : nec caret scrupulo con-
 40 sensionis occulte, qui manifesto sceleri desinit ob-
 41 viare. 2. Sanctus quoque Augustinus serm. 82. alias
 42 16. de verbis Domini : Peiores, inquit de eo, qui ne-
 43 gligit corrigere, latendo, quam ille convinciendo.

Sed insignis est locus Matth. 18. ubi Christus sic
 loquitur vers. 25. Si... peccaverit in te frater tuus,
 44 mado & corripe eum inter te & ipsum solum. Si te
 45 audierit, lucratus eris fratrem tuum. Si autem te non
 46 audierit, adhibe tecum adhuc unum vel duos, ut in
 47 ore duorum vel trium testimonium sit omne verbum. Quod
 48 si non audierit eos, dic Ecclesie ; si autem Ecclesiam
 49 non audierit, sit tibi sicut Ethnicus & Publicanus. In
 50 nos peccat proximus, 1. quando in Deum patrem
 51 nostrum super omnia dilectum peccat ; quis enim fi-
 52 lius non læditur, nec injuriam sibi factam exi-
 53 stimat, cum pater, ipso præsentem, conviciis læ-
 54 cessatur ? 2. Quando non testes, & quasi approba-
 55 tores iniquitatis suæ facit ; scandalum enim nobis
 56 præbet. Ita sanctus Augustinus cit. serm. 82. cap. 7.
 57 Peccavit in te frater tuus, inquit, si tu su-

1. solus nosti, tunc vere in te solum peccavit; nam si
 2. multis audientibus tibi fecit injuriam, & in illos.
 3. peccavit, quos testes suæ iniquitatis effecit. . . quan-
 4. do me audiente, fratri meo, quisque injuriam fa-
 5. cit, absit ut a me injuriam alienam putem. Pro-
 6. prius & mihi fecit; immo & nihil plus fecit, cui
 7. putavit facere quod fecit. . . Sed magis ad litte-
 8. ram, & ad mentem Christi eo loci, peccat in nos
 9. frater, quando contra nos peccat, & ita intellexit B.
 10. Petrus hæc Christi verba, ubi quæsit: *Domine quo-*
 11. *ties peccabit in me frater meus, & dimittam ei?* Ja-
 12. bebatur autem Dominus corripere contra nos peccantem,
 13. non quia nobis injuriam fecit; sed quia lethale vul-
 14. nus sibi inflixit; subdit enim Christus; *Si te audierit,*
 15. *lucratus erit fratrem tuum.* Quæ verba expendens san-
 16. ctus Augustinus laudato sermone, ait: „ Quare illum
 17. corripis; quia tu doles, quod peccaverit in te? ab-
 18. sit: si amore tui id facis, nihil facis. Si amore il-
 19. lius facis, optime facis. Denique in ipsis verbis at-
 20. tende, cujus amore id facere debeas, utrum tui,
 21. an illius? *Si te audierit, inquit, lucratus es fratrem*
 22. *tuum.* Ergo propter illum fac, ut lucreis illum.
 23. Sic faciendo lucraris, nisi fecisses, perierat. „ Quæ
 24. posteriora verba 1. supponunt grave peccatum in fra-
 25. tre, non enim periret propter peccatum leve; 2. le-
 26. thale peccatum arguunt in eo, qui non corripit occa-
 27. sione opportuna. Unde sanctus Doctor concludit eum
 28. pejorem esse delinquente, qui negligit corrigere; „ il-
 29. le, inquit, injuriam fecit, & injuriam faciendo,
 30. gravi seipsum vulnere percussit. Tu vulnus fratris
 31. tui contemnis? Tu videns eum perire, vel periisse,
 32. & negligis? peior es tacendo, quam ille convincian-
 33. do. Quando ergo in nos aliquis peccat, habeamus
 34. magnam curam, non pro nobis; nam gloriosum est
 35. injurias oblivisci, sed obliviscere injuriam suam;
 36. non vulnus fratris tui. *Similiter jam scripserat, So-*
 37. *3. Basilus in reg. brev. ubi ad interrogat. 47. num-*
 38. *quid adversus peccantes dissimulatione uti conve-*
 39. *niat; sic respondet, sane quod hoc fieri non debeat,*
 40. *perspicuum est ex præceptis Domini, qui in veteri*
 41. *„ qui-*

„ quidem Testamento dixerit „ (sc. Levit. 19. juxta
 aliam versionem) *correctione corripies fratrem tuum, &
 non assumes propter illum peccatum.* In Evangelio au-
 tem, si peccaverit in te frater, vade & corripe eum.
 Mitto alios Patres, qui divinum præceptum in lauda-
 tis Christi verbis agnoscunt, ut S. Hilarius, S. Hie-
 ronymus in cap. 18. Matth. & sanctum Ambrosium
 in cap. 17. Lucæ.

Tertia pars, quæ est de præcepto Ecclesiastico, pro-
 batur ex laudato cap. *Facientis*, dist. 86. ex cap. *Qui
 potest* 23. qu. 3. ex cap. *Ecce*, qu. 4. & ex cap. *Qui
 alios*, extra tit. de hæretici, in quo sic habetur: *Qui
 alios, cum potest, ab errore non revocat, seipsum errare
 demonstrat.*

Confirmatur responsio nostra auctoritate Academiæ Pa-
 risiensis, ad quam cum delatæ fuissent anno 1663. seq.
 propositiones: „ *Prima*, Ille ordo procedendi Evan-
 „ gelicus, neminem obligat ut præceptum, ut commu-
 „ niter accipitur a Theologis pro lege obligante ad mor-
 „ tale peccatum ejus transgressores: *Secunda*, Frustra
 „ excipiuntur tot casus & conditiones ab illo præcepto
 „ Evangelico (*correctionis fraternæ*) quia non datur tale
 „ præceptum; cum secundum naturale præceptum cari-
 „ tatis correctio fraterna debeat regulari, &c. Tercio
 „ loco ostendetur (quod gravius est) præceptum illud
 „ perniciosum fore, nedum utile; de quibus *propositio-
 „ nibus* hocce iudicium tulit Sacra Facultas; Doctrinæ
 „ his propositionibus contenta, falsa est & temeraria,
 „ sanctis Patribus contraria, & quatenus dicit fore
 „ perniciosum præceptum, si quod foret in Evange-
 „ lio Matthæi cap. 18. blasphema. „ Falsam dicit
 ejusmodi doctrinam, quia adversatur legi naturali: te-
 merariam, quia pugnat contra communem Theologo-
 rum sententiam: blasphemam, quia male sentit de di-
 vino præcepto, illudque asserit fore perniciosum in
 hypothesi quod daretur, quamvis nihil societati hu-
 manæ sit magis salutare ac necessarium.

Enimvero correctio fraterna medetur præsentibus ma-
 lis, & tuetur a futuris: *Ventus Aquilo*, inquit Sa-
 piens, Prov. 25. v. 23. *dissipat pluvias; & facies
 tristis*

tristis linguam detrahentem; Adde impudicam, blasphemam, & impiam. Ad quid enim tam obscena, tamque injusta proferuntur in familiaribus congressionibus, nisi in sociorum oblectationem? An quasi per risum sultus operabitur scelus, ut dicitur Prov. 10. peccata sua ut Sodoma prædicaturus est, si familiares amicos id ægre ferre, & inde erubescere advertat? Ergo correctio fraterna, sive fiat verbo, sive facie tristi, & aliis displicentiz signis, dissipat linguam detrahentem & quævis alia mala, non secus ac ventus Aquilo dissipat pluvias.

Ergo tollere e societate humana correctionem fraternam, idem est ac si ligentur venti, quominus flens super terram; quemadmodum enim Deus ventos de thesauris suis produxit, qui tanquam scopæ mundant aerem putridis halitibus & foetidis vaporibus, quos continuo terra expirat, quique brevi aerem corrumpere, & pestilentiam inducere, ita per præceptum correctionis fraternæ prospexit integritati morum, qui maxime periclitantur in familiaribus colloquiis, ubi, laxatis quodammodo severioris disciplinæ habentis, e natura per concupiscentiam corrupta ebulliunt plura immunda & illicita, quæ sine correctione fraterna erumpunt in pravia scandala, mores corrumpunt, tranquillitatem publicam perturbant & fulmina iræ Dei in provincias & regna integra provocant.

Ex iis efficaciter colligit S. Aug. lib. 1. de Civit. Dei c. 9. in vastationibus publicis, quibus Deus nonnunquam temporaliter ulciscitur incolarum flagitia, iuste concludi cum auctoribus criminum etiam illos, qui licet tam nefanda detestentur, timore tamen mundano ea palam improbare, & fraterna caritate arguere prætermiserunt: „ Quis tandem, inquit, facile repe-

„ ritur, qui eosdem ipsos, propter quorum horren-

„ dam superbiam, luxuriam, & avaritiam, atque ex-

„ crabiles iniquitates & impietates, Deus sicut mi-

„ nando prædixit, conterit terras, sic habeat ut haben-

„ di sunt; sic cum eis vivat, ut cum talibus est viven-

„ dum? Plerumque enim ab eis docendis, admonendis, ali-

„ quando etiam objurgandis & corripiendis, male dissimu-

„ latur; vel cum laboris piget, vel cum eorum os coram

„ vere-

55, verecundamur offendere, vel cum inimicitias devita-
 56, mus, ne impendant & noceant in illis temporalibus
 57, rebus, sive quas adipisci adhuc appetit nostra cupi-
 58, ditas, sive quas amittere formidat infirmitas: ita ut,
 59, quamvis bonis vita malorum displiceat, & ideo cum
 60, eis non incident in illam damnationem, quæ post
 61, hanc vitam talibus præparatur, tamen quia propte-
 62, rea peccatis eorum damnabilibus parcunt... jure cum
 63, eis temporaliter flagellantur, quamvis in æternum
 64, minime puniantur. *Et infra.* Quia in re non utique
 65, parem, sed longe graviolem habent causam, quibus
 66, per Prophetam dicitur: *Ille quidem in suo peccato*
 67, *morietur, sanguinem autem ejus de manu speculatoris*
 68, *requiram.* Ad hoc enim speculatores, hoc est, po-
 69, pulorum Præpositi, constituti sunt in Ecclesiis, ut non
 70, parcant, objurgando peccata. Nec ideo tamen ab hu-
 71, jusmodi culpa penitus alienus est, qui licet præpo-
 72, situs non sit, in eis tamen, quibus vitæ hujus ne-
 73, cessitate conjungitur, multa monenda vel arguenda
 74, novit & negligit devitans eorum offensiones.

Non nego hypocritas & temerarios occasione huius-
 ce præcepti nonnunquam pacem turbare; sed tolle-
 turne de medio præceptum naturale & divinum, pu-
 ta, *Dominum Deum tuum adorabis*; quia occasiones ih-
 llius non solum Infideles, sed etiam vulgus Christia-
 norum in absurdas ruit superstitiones? Nonne idem ipse
 Dominus, qui Matth. 7. v. 34. & 35. increpat hypo-
 critas, præcepit Matth. 18. ut proximum corripiamus?
Vade, inquit, & corripe eum.

Q. 2. Si proximus nos non audierit, tenemurne peccar-
 tum illius manifestare alteri, qui possit illum emendare,
 aut saltem coercere?

R. Tenemur. 1. Quia sic Christus præcipit laudato c.
 18. Matth. Si autem, inquit, te non audierit, adhibe te-
 cum adhuc unum vel duos... Quod si non audierit eos, dic
 Ecclesie. 2. Quia Ecclesia Fideles censuris compellit pa-
 tesfacere occulta proximi crimina, quæ vergunt in dam-
 num aliorum: atqui censura, utpote pœna peccati, ferri
 non potest, nisi in præcepti transgressores; Ergo. 3.
 Quia communis est SS. PP. ac Theologorum sententia, te-
 neri

neri nos ad ejusmodi declarationem, quando necessaria est ut proximus vel emendetur, vel coerceatur. S. Aug. epist. 236. alias 74. ad Deuterium, non vult Subdiaconum ex hæresi Manichæorum redeuntem, ad penitentiam admitti, nisi prius manifestaverit, quos novit eadem impietate infectos: *petenti autem penitentia locum tunc reddatur*, inquit, *si & alios, quos novit illic esse, manifestaverit vobis*. S. Th. 2. 2. q. 70. art. 1. ad 2. docet præceptum revelandi crimen occultum alteri noxium, præponderare præcepto naturali servandi secretum, „ quandoque enim, *inquit*, sunt talia cum „ ad notitiam hominis venerint, homo ea manifestare „ tenetur, puta si pertinent ad corruptionem multitudinis spirituales, vel corporalem, vel in grave damnum alicujus personæ, vel si quid est aliud hujusmodi, quod quis propalare tenetur, vel testificando, vel denunciando; & contra hoc debitum obligari non potest per secreti commissum. „ Excipit tamen secretum Confessionis Sacramentalis; quod nullo modo violari debet; „ Quia, *inquit*, hoc modo non scit ut „ homo, sed tanquam Dei Minister, & majus est vinculum Sacramenti quolibet hominis præcepto.

Q. 3. *Ordo correctionis fraternæ, Matth. 18. præscriptus, estne necessitate præcepti observandus?*

R. Observandus est, nonnullis tamen casibus exceptis, quia hæc Christi verba: „ Corripe eum inter te „ & ipsum solum . . . si autem te non audierit, adhibe tecum adhuc unum vel duos . . . quod si non audierit eos, dic Ecclesiæ, vim habent præcepti juxta constantem doctrinam SS. PP. & Theologorum: „ Corripe eum, *inquit*, S. Aug. serm. 82. alias 16. de Verb. Dom. cap. 14. inter te & ipsum solum intendens correctioni, parcens pudori: forte enim præ verecundia incipit defendere peccatum suum, & quando vis facere correctionem, facis peiorem. Etc. 7. „ quia secretum fuit, quando in te peccavit, secretum quære, cum corripis quod peccavit. Nam si solus nosti quia peccavit in te, & eum vis coram omnibus arguere; non es corrector, sed proditor. . . sic agamus, & sic agendum est, non solum quando in nos

„ pecc-

peccatur, sed quando peccatur ab aliquo ut ab al-
 tero nesciatur. In secreto debemus corrigere. « Ea-
 dem habet S. Hier. in laudata verba Matth. 18. Et S.
 Th. q. 33. art. 7. præclare quæst. solvit his verbis:
 Medicus corporalis sanitatem ægroto confert, si po-
 test, sine alicujus membri abscissione; si autem non
 potest, abscindit membrum minus necessarium, ut
 vita totius conservetur; ita etiam ille, qui studet
 emendationi fratris, debet, si potest, sic emendare
 fratrem, quantum ad conscientiam, ut fama ejus con-
 servetur, quæ quidem est utilis ipsi peccanti, non
 solum in temporalibus, in quibus quantum ad multa
 homo patitur detrimentum, amissa fama; sed etiam
 quantum ad spiritualia, quia præ timore infamæ
 multi a peccato retrahuntur. Unde quando se infama-
 tos conspiciunt, irrefrenare peccant. Sed quia con-
 scientia præferenda est famæ, voluit Dominus, ut
 saltem cum dispendio famæ fratris conscientia per
 publicam denuntiationem a peccato liberetur (*quan-
 do, scilicet, nos audire noluit.*) Unde patet neces-
 sitate præcepti esse, quod secreta admonitio publi-
 cam denuntiationem præcedat.

Dixi: Nonnullis tamen casibus exceptis; præscriptus
 enim correctionis ordo non obligat quatuor in casibus.

Primus, quando crimen est publicum; ait quippe
 Apostolus, 1. Timoth. 5. *Pescantes coram omnibus ar-
 gue, ut & ceteri timorem habeant;* in quem locum sic
 habet S. Aug. laudato serm. 82. cap. 7. „ Ipsa corri-
 pienda sunt coram omnibus, quæ peccantur coram
 omnibus: ipsa corripienda sunt secretius, quæ pec-
 cantur secretius. *Et rationem affert S. Th. q. 33. art.*
7. Quia non est tantum adhibendum remedium ei qui
peccavit, ut rector fiat, sed etiam aliis, in quorum
notitiam devenit, ut non scandalizentur. „ Ut au-
 tem crimen censeatur publicum, satis non est quod uni
 aut alteri sit notum; ita ut in Judicio probari possit,
 sed requiritur, ut, si non in omnium, saltem in plu-
 rium, v. g. septem, sive e communitate, sive e vici-
 nia notitiam venerit. Quis vero nisi superior ejusmo-
 di scandalo mederi potest? Ergo statim ei deferendum est.

Secundus: Cum crimen, etsi occultum, vergit se perniciem aliorum; quia, ut advertit S. Th. in quest. disput. q. de corr. art. 2. ad 1. secreta admonitio est periculosa; timendum quippe est, ne admonitus, v. g. patriæ proditor, fur domesticus, Pastor occulte disseminans errores contra fidem, aut sollicitans mulieres ad turpia, secreta illa monitione cautius se gerat, & minus cogitet crimen emendare, quam occultare, eoquæ plus noceat, quo adhibita nova cautione, se securiorem existimabit. Quare in ejusmodi casibus magis consulendum est securitati publicæ, & saluti cujusque innocentis, quam famæ peccatoris. Unde S. Th. quodl. 1. q. 10. art. 1. *Oportet, inquit, ordinem fraternæ correctionis sumere secundum ordinem caritatis; ordo autem caritatis est, ut quis bono proximi præferre commune bonum; item ut velit bonum proximi & conscientie & famæ; & in his magis velit bonum conscientie, quam famæ, quando utrumque haberi non potest; hoc est vulnus quoddam inferat famæ, si necesse sit, ut sanet conscientiam.*

Tertius: Quando prævidetur non profutura secreta admonitio, ut peccantibus ex habitu & ex contemptu, magis quam ex infirmitate; ii quippe validiori remedio indigent, nimirum Superioris correptione, qui monitionibus & exhortationibus minas, aut etiam pœnas, si necesse sit, adjungere potest: nec in eo peccabitur contra præceptum, *corripe inter te & ipsum solum*: tum quia ex dicendis omittenda est correctio, ac proinde monitio, quando prævidetur inutilis: tum quia ex S. Th. cit. art. ad 10. *Dominus non loquitur de culpa futura cavenda, sed de culpa præterita jam commissa.*

Quartus casus: Quando cum majori delinquentis utilitate, & sine dispendio ejus famæ, Superior tanquam pater immediate monetur. Ita S. Aug. in Regula ad Sorores: „Si, inquit, soror tua vulnus habet in corpore, quod vellet occultari, dum times secari, nonne crudeliter ab te siceretur, & miserius corditer indicaretur? Quanto ergo potius eam debet manifestare, ne perniciosius putrescat in corde?

Sed

52 Sed antequam aliis demonstretur, per quas convin-
 53 cenda est, si negaverit, Præposito debet ostendi. *Quæ*
 54 *posteriora verba expendens S. Tb. q. 33. art. 8. ad 3.*
 55 *sic habet:* Aug. intelligit, quod prius dicatur Præ-
 56 lato, quam testibus, secundum quod Prælati sunt
 57 singularis persona, quæ magis potest prodesse, quam
 58 alii, *Et quodl. 11. q. 10. art. 11.* Si ego scio, in-
 59 quit, quod frater per me corrigitur, tunc non de-
 60 beo hoc denunciare Prælato: si autem videtur quod
 61 hoc melius fiat per Prælatum, & Prælati sit nihi-
 62 lomius pius & discretus & spiritualis, non habens
 63 rancorem seu odium adversus illum subditum: tunc
 64 licite potest hoc denunciari ipsi, & tunc non dicia-
 65 tur Ecclesie, quia non dicit ei sicut Prælato, sed sicut
 66 personæ proficienti ad correctionem proximi, & emen-
 67 dam. Sed quia propter diversas condiciones Præla-
 68 torum & subditorum, non potest in hoc dari gene-
 69 rale iudicium, quia aliquando vel Prælati move-
 70 tur ad odium adversus subditum, vel subditus non
 71 bene ferret verba Prælati: ideo tenendum est hoc
 72 pro regula, quod in omnibus istis semper servanda
 73 est caritas, & quod melius & magis expedire videtur.

Q. 4. *Quando obligat præceptum correctionis fraternæ?*

Ut propositæ quæstioni fiat satis, meminisse oportet
 in quolibet præcepto affirmativo, quod præcipitur actus
 virtutis, semper intelligi præceptum negativum, pro-
 hibens peccatum oppositum; præceptum v. g. dilectionis
 inimicorum, aut correctionis fraternæ, quod affirmati-
 vum est, includit præceptum negativum, prohibens
 odium inimicorum, aut approbationem fratris coram
 nobis delinquentis. His præsuppositis;

R. 1. Præceptum correctionis fraternæ negative sum-
 ptum, obligat semper & pro semper, quia nunquam li-
 cet male agere: atqui approbare sive interius, sive ex-
 terius proximum delinquentem, laudando v. g. ejus libi-
 dines, impietates, de inimicis ultiones, &c. est ma-
 lum per se: Ergo nequidem signis exterioribus licet
 approbare, quæ coram nobis fiunt, aut dicuntur mala;
 ac proinde quamvis non semper adsit opportunitas positi-
 ve corripiendi fratrem, nec præceptum affirmativum obli-

obliget in cujuslibet circumstantiis, ut dicetur responsione sequenti; tamen est semper præcepti necessitas non blandiendi, aut applaudendi ejus peccatis: quod in primis notandum est.

R. 2. Præceptum affirmativum correctionis fraternæ non obligat, nisi quatuor concurrentibus circumstantiis. Prima, quando constat de peccato proximi, præsertim mortali; scriptum quippe est Eccli. 20. *Præquam interrogas, non vituperes quemquam*. Ea Matth. c. 7. *nolite judicare, scilicet temere*. Et certe proximus injuriæ duceret, quod crimen ei imponeretur, cujus conscius non est, & ejusmodi correctio esset contra caritatem; quæ non cogitat malum, 1. Cor. 13. Si tamen essent conjecturæ admodum probabiles cum aliqua infamia, proximus non deberet quidem corrigi & absolute condemnari, sed moneri, ut caussas, si quas dedisset suspicionis, amoveret. Sed ista magis Superiores spectant, quam æqualis, nisi familiares sint, vel proximus sit in proximo ruinæ, puta mortis periculo constitutus, nec adsit Pastor, qui illum commoveat. Secunda, quando spes, aliqua, saltem dubia affulget correptionis profuturæ, finis quippe correctionis fraternæ est emendatio proximi, quemadmodum sanitas medicinæ: ac proinde sicut remedia, quæ prævidentur fore inutilia, non sunt corpori adhibenda, maxime cum periculo ne noceant; ita nec correctio fraternæ, ubi nulla est spes nequidem dubia emendationis; tunc enim fere semper periculum subest, ne proximus deterior fiat. Atque in eo differt correctio fraternæ a judiciali; quod ista, cum spectet bonum commune, & scandalum removendum, adhiberi debet, etiamsi reus prævideatur deterior futurus. Tertia, quando nullus adest magis idoneus, v. g. Superior, qui possit & velit corrigere. Dico, *et velit*; si enim noluerit, perinde est ac si nullus adesset; ideoque sicut in casu necessitatis eroganda est eleemosyna, etiamsi adsint ditiores, qui erogare nolunt; ita & correctio ab inferiori facienda, si Superior eam negligat, forte ex inadvertentia; sed in eo casu inferior prudenter ac modeste agere debet, nempe rogando potius quam proponendo, num quæ dicuntur, aut fiunt, sint licita. Quar-

ta, quando non speratur tempus correctionis opportunius; si enim commodius & utilius proximo foret eam differre; differenda est; cum ejusmodi dilatio non sit occasio cupiditatis, sed consilium caritatis, ut loquitur S. Aug. lib. 1. de Civ. Dei cap. 9.

Dixi correctionem tum faciendam, cum constet de peccato proximi, præsertim mortali; quia nisi venialia in grave damnum vergant, v. g. ad subvertendam Monasterii disciplinam, satius est ut plurimum dissimulare, quam arguere; tum quia intolerandus esset in societate civili, qui minima quæque reprehenderet; tum quia ejusmodi correptio sæpe iram & odium potius provocat, quam emendationem, nisi fiat vel a familiari amico, vel ab eo, qui bene novit indolem & animum proximi ad omne genus virtutis propensum.

Q. 5. *Quid agendum, quando æque dubitatur an correctio profutura sit, an nocitura?*

R. Fraternalis ordinarie est omittenda, non vero judicialis; quia fraternalis correctio, utpote actus caritatis, tendit in bonum proximi delinquentis: atqui nullum apparet bonum, quando æque timetur malum, ac speratur bonum: Ergo in illa hypothese non est locus correctioni fraternæ. At correptio judicialis spectat bonum commune; propter quod negligendum est, si necesse sit, bonum privatum; Medicus enim, ut supra dicebat S. Thomas, membrum amputat, eum non potest aliter consulere salutem totius corporis.

Dixi: *Ordinarie*; Quia si quis in familiari congressu nonnulla proferret contra fidem, aut bonos mores, unde astantes inficerentur, corripiendus esset quamvis deterior futurus, modo spes foret correctionem alijs profuturam. Ergo non tenemur corrigere homines ob quodvis peccatum etiam mortale, quorum ingenium nobis est ignotum, ne scilicet pejores fiant potius, quam corrigantur.

Q. 6. *Quinam obligantur præcepto correctionis fraternalis?*

R. Omnes sive Sacerdotes, sive laici, sive iusti, sive peccatores, sive æquales, sive inferiores, sed maxime Superiores. 1. Quia Christus Matth. 18. neminem excipit,

incipit, dum ait: *Si peccaverit in te frater tuus, vade & corripe.* 2. Quia sic docent sancti Patres, ut sanctus Augustinus lib. 1. de Civitate Dei c. 9. „Nec tamen, *inquit*, ab ejusmodi culpa corripiendi alienus est, qui licet Præpositus non sit, in eis tamen, quibus necessitate conjungitur, multa monenda, vel arguenda novit, & negligit. „ Illud ipsum fufe probat S. Thomas q. 33. art. 3. 4. & 5. 3. Quia præceptum caritatis omnes, & singulos obligat: Ergo sicut singuli tenentur eleemosynam erogare proximo indigenti, ita & correctionem. Cum autem ordo caritatis postulet, ut nobis conjunctiores præferamus, ut parentes, Superiores, iis maxime debitum correctionis fraternæ impendere debemus, sed seorsim & magis obsecrando, quam arguendo, juxta illud 1. Timoth. *seniorem ne increpaveris, sed obsecra ut patrem.* Excipit tamen S. Thomas art. 4. nisi immineat periculum fidei; tunc enim publice arguendus est Superior exemplo S. Pauli, qui in faciem restitit S. Petro Gal. 2. ob idque laudatur S. Augustino epist. 82. alias 19. „ Ipse vero Petrus, *inquit*, quod a Paulo fiebat utiliter libertate caritatis, sanctæ ac benignæ pietatis accepit: atque ita rariis & sanctius exemplum posteris præbuit, quo non dedignarentur, sicuti forte recti tramitem reliquissent, etiam a posterioribus corrigi, quam Paulus; quo confidenter auderent etiam minores majoribus pro defendenda Evangelica veritate, salva fraterna caritate, resistere. Nam cum satius sit, a tenendo itinere in nullo quam in aliquo declinare, multo est tamen mirabilius & laudabilius libenter accipere corrigentem, quam audacter corrigere deviantem.

Præceptum tamen correctionis fraternæ ad plura obligat Superiores, quam privatos: Namque 1. Superiores ex officio in se suscipiunt curam subditorum, ideoque debent invigilare, num quis eorum recto itinere declinet, aut in eo negligentius incedat, explorare hunc dederit locum suspicionibus malis, quæ de eo sparguntur, quæ privatis non competunt, ut advertit Sanctus Augustinus cit. serm. 82. alias 16. de verbis Domini c. 1. ubi sic habet: „ Admonuit nos Dominus noster

„ non

non negligere invicem peccata nostra; non querere,
 „do quid reprehendas, sed videndo quid corrigas.”
 2. Superiores, non vero privati, tenentur corripere,
 etsi nulla sit spes emendationis, ut peccans saltem
 timore pœnæ coerceatur.

Dices: peccator non debet alios corrigere: Ergo
 non omnes obligantur præcepto correctionis fraternæ.

Probat. ant. 1. ex Scriptura, Matth. 7. *Hypocrita, ejice primum trabem de oculo tuo, & tunc videbis ejicere festucam de oculo fratris tui.* Rom. 2. *in quo enim judicas alterum, te ipsum condemnas; eadem enim agis quæ judicas.* 2. ex S. Patribus, S. Aug. lib. 2. de ser. Domini in monte c. 19.; „accusare vitia, inquit, est officium bonorum virorum & benevolorum, quod cum mali faciunt, alienas partes agunt.” Et S. Isidorus laudatus a S. Thoma q. 33. art. 5., „non debet vitia aliorum corrigere, qui est vitiis subjectus.

Nego ant. Absit enim ut dicatur peccator immunis a lege naturali & divina: atqui præceptum caritatis, cujus præcipui actus sunt eleemosyna & correctio fraterna, numeratur inter primaria legis naturalis divinæ præcepta: Ergo.

Ad confirmationem respondeo, hæc & similia intelligenda esse de peccatore, qui propria peccata, quamvis aliis manifesta, dissimulans, aliena corrigere præsumit, quasi ipse sit justus, & aliis sese præfert; quod cum fieri nequeat sine audientium offensa & scandalo, verbumque veritatis contemptui exponat, merito ille dicitur: *quare tu enarras justitias meas, & assumis testamentum meum per os tuum?* Psal. 40. Urgente ergo præcepto correctionis fraternæ, tenetur peccator a se remove quæ illam impediunt, nempe, quæ viderentur sapere superbiam & ostentationem, prius seipsum arguendo, & pœnitentiam signa præferendo; & ita proximum utiliter non solum verbo, sed etiam exemplo ad resipiscendum commovebit. Unde S. Aug. post laudata in objectione verba, subdit: „Si autem cogitantes nos meptilos invenimus in eo esse vitio, in quo est ille, quem reprehendere parabamus, non reprehendamus, neque objurgemus, sed tamen congemiscamus; &
 „ non

„ non illum ad obtemperandum nobis, sed ad pariet-
 „ conandum invitemus. *Et S. Thomas cit. art. 3. si*
 „ peccator cum humilitate corripiat delinquentem,
 „ non peccat, nec sibi novam condemnationem acqui-
 „ rit.

Q. 7. *Quale est peccatum omittere correctionem frater-
 nam urgente praecepto?*

R. Est ex suo genere mortale. Ita S. Thomas q. 23.
 art. 2. ad tertium, „ Prætermittitur, *inquit*, fraterna
 „ correctio cum peccato mortali, quando formidatur
 „ iudicium vulgi, & carnis excruciatio vel peremptio,
 „ dum tamen hæc ita dominantur in animo, quod fra-
 „ ternæ caritati proponantur: & hoc videtur continge-
 „ re, quando aliquis præsumit de aliquo delinquente
 „ probabiliter, quod posset eum a peccato contrahere,
 „ & tamen propter timorem vel cupiditatem prætermi-
 „ tit. „ Et ratio est, quia ex dictis tractatu de Pec-
 „ catis, gravitas peccati ex duplici capite colligitur,
 „ 1. ex pœnæ magnitudine per Legem definita contra
 „ transgressores, & ex gravitate materiæ, circa quam lex
 „ versatur: atqui pœna gravis decernitur contra eos,
 „ qui omittunt correctionem fraternam; digni sunt mor-
 „ te, ait Apostolus Rom. 1. qui consentiunt facienti-
 „ bus, hoc est, ut supra exposuimus, qui silent, cum
 „ arguere possint, materia quoque est gravis, scilicet
 „ spiritualis ruina proximi impedienda: Ergo.

Dixi, ex suo genere, ut innuerem peccatum illud esse
 nonnunquam veniale, ut agnoscat S. Aug. his verbis su-
 pra laudatis ex c. 9. lib. 1. de Civit. Dei; *quia pro-*
pterea peccatis eorum damnabilibus parcunt (scilicet ne
 temporaliter noceant.) *jure cum eis temporaliter flagel-*
lantur, quamvis in æternum non puniantur.

Q. 8. *Quandonam omissio correctionis fraterna censen-*
da est venialis?

R. 1. Cum agitur de corrigendo peccato veniali, quod
 non vergit in grave detrimentum alterius, quia ejusmo-
 di materia est levis, 2. quando ex inadvertentia mini-
 me crassa omittitur correctio etiam gravioris peccati.
 3. ex Sancto Thoma cit. art. 2. ad tertium, „ quando
 „ timor & cupiditas tardiorē faciunt hominem ad cor-
 „ rigent-

„ rigenda delicta fratris. Non tamen ita ; quod si ei
 „ constaret, quod fratrem posset a peccato retrahere,
 „ propter timorem, vel cupiditatem omitteret, qui-
 „ bus in animo suo præponit caritatem fraternam. Et
 „ hoc modo quandoque viri sancti negligunt corri-
 „ gere delinquentes. „ In quibus verbis Angelicus
 Doctor supponit hominem, qui intus in corde servat
 caritatis ordinem, juxta quem bonum spirituale pro-
 ximi in casu necessitatis præferendum est commodo
 nostro temporali ; sed quod a pudore correptus, &
 timore amittendi boni temporalis præoccupatus, non
 invenit quomodo prudenter moneat delinquentem,
 desunt verba & modus, sine quibus salutare remedium
 rejiceretur ; nisi enim correctio fraterna sit sale pru-
 dentiz condita, sæpe noxia est, nedum utilis. Ideo
 autem S. Thomas in proposito casu agnoscit peccatum
 saltem veniale ; quia timor ille mentem incertam te-
 nens est quodammodo voluntarius in causa, scilicet in
 cupiditate ; si enim esset plane involuntarius, orire-
 turque ex naturali infirmitate, excusaret a peccato,
 ut in scrupulosis, qui cum prudentia ad corripiendum
 necessaria careant, vix alios utiliter reprehendunt.

C A P U T. IV.

De peccatis Caritati oppositis.

OMnia peccata dici possunt caritati opposita, saltem
 indirecte : mortalia quidem, quia excludunt cari-
 tatis & habitum & actum : venialia etiam, quia etsi non
 destruant caritatis habitum nisi dispositive, ejus tamen
 actum excludunt. Præterea caritas, ex qua omne bo-
 num, & cupiditas radix omnium malorum, non mi-
 nus inter se pugnant, quam calor & frigus : major
 caritas, inquit S. Augustinus, minor cupiditas ; &
 perfecta caritas ut in patria nulla cupiditas, ac proin-
 de nullum peccatum. Contra vero ubi major est cu-
 piditas ; minor est caritas, & ubi dominatur cupidi-
 tas, ut in peccatoribus, nulla est caritas.

Sed

Sed sunt quædam peccata, quæ directe opponuntur caritati, formaliterque pugnant contra ejus actus scilicet amorem Dei & proximi, gaudium, pacem, & beneficentiam, seu correctionem fraternam. Contra amorem pugnant odium Dei & proximi: contra gaudium de bono Dei, tristitia, quam S. Thomas, post S. Gregorium & alios Scriptores Ecclesiasticos, vocat acediam: contra gaudium de bono proximi, invidia. Contra pacem discordia, contentio, schisma, bellum injustum, rixa, seditio. Contra correctionem fraternam scandalum, & ita decem peccata numerantur caritati opposita, de quibus S. Thomas a q. 34. ad q. 43. inclusive. Paucis perstringemus quæ spectant novem prima, & paullo diutius immorabimur circa scandalum ultimo loco recensitum.

§. I.

De novem primis peccatis Caritatis oppositis.

Nihil est quod addamus tuis, quæ dicta sunt de odio, ubi de actibus internis caritatis. De acedia & invidia plura, & quidem in praxi maxime necessaria hic dicenda essent, nisi Tractatus noster jam prolixior in immensum excurreret. Quare Lectorem remittimus ad praxim pœnitentiarum a nobis Gallice editam, ubi fuse expendimus quæ spectant illa duo vitia capitalia, scilicet eorum malitiam, causas, effectus longe perniciosissimos, proponimusque remedia, quibus curari possint. His igitur prætermisissis, pergimus ad dubia quædam solvenda circa septem alia peccata caritati opposita.

Q. 1. *Quid est discordia?*

R. Est contrarietas voluntatum, opponitur enim concordie, quæ est unio cordium, ut nomen sonat. Unionem autem illam efficit caritas, inquit S. Thomas q. 37. art. 1. „in quantum scilicet multorum corda conjungit
„ in unum, quod est principaliter quidem bonum divi-
„ num, secundatio autem bonum proximi... unde per
„ se discordat aliquis a proximo, quando scienter & ex
„ intentione dissepit a bono divino, & a proximibo-

„ no,

„ nō, in quo debet consentire (*nimirum quando recta*
 „ *agnoscitur proximi voluntas & conformis divine, que*
 „ *est omnium voluntatum regula*) & hoc est peccatum
 „ mortale ex suo genere propter contrarietatem ad ca-
 „ ritatem, licet primi motus hujus discordiæ propter
 „ imperfectionem actus, sint peccata venialia. „ Un-
 „ de Apostolus Gal. 5. dissensiones seu discordias nume-
 „ rat inter opera carnis, de quibus ait, *qui talia agunt,*
 „ *regnum Dei non consequentur.*

Dixi, discordiam esse contrarietatem voluntatum;
 quia, ut docet S. Th. ex Philosopho q. 29. ar. 3. ad
 tertium, „ ad amicitiam (*seu caritatis concordiam*) non
 „ pertinet concordia in opinionibus, sed concordia in
 „ rebus conferentibus ad vitam, & præcipue in ma-
 „ gnis; quia dissentire in parvis, quasi videtur non
 „ esse dissensus: Et propter hoc nihil prohibet aliquos
 „ caritatem habentes in opinionibus dissentire... si-
 „ militer etiam existente concordia in principalibus
 „ bonis (*que sunt de necessitate salutis*) dissensio in ali-
 „ quibus parvis, non est contra caritatem, procedit
 „ enim talis dissensio ex diversitate opinionum, dum
 „ unus æstimat hoc, de quo dissensio, pertinere ad
 „ illud bonum in quo conveniunt; „ (puta ad glo-
 „ riam Dei, utilitatem proximi, quam uterque intendit)
 „ alius æstimat non pertinere. Unde concludit S. Doctor
 cit. ar. 1. q. 37. ejusmodi dissensionem non est pecca-
 tum, nisi quando quis opinionem suam inordinate &
 cum pertinacia propugnat; tum enim contrarietati opi-
 nionum adjungitur contrarietas voluntatum, quam dicis
 esse filiam superbiæ & inanis gloriæ. Et in responsio-
 ne ad tertium, scribit discordiam quæ intercessit S. Pau-
 lum inter & S. Barnabam, Act. 15. fuisse absque pec-
 cato; quia uterque intendebat bonum: sed absque per-
 tinacia, & contentione, *uni videbatur hoc esse bonum,*
aliud, quod ad defectum humanum pertinebat.

Q. 2. In quo differt discordia a contentione?

R. In eo quod discordia præcise dicat contrarieta-
 tem voluntatum; contentio vero contrarietatem ver-
 borum & sermonis cum inordinata acrimonia, & mo-
 do indebito, puta clamoribus & dictis mordacibus:

Habert, Tom. III.

Ee

con-

contentio, inquit Glossa in cap. 1. Rom. v. 29. *est impugnatio veritatis cum confidentia clamoris.*

Q. 3. *Illud verborum contentio estne peccatum?*

R. Distinguit S. Th. q. 38. art. 1. „ Si contentio,
 „ inquit, dicatur impugnatio falsitatis cum debito modo
 „ acrimoniæ, sic contentio est laudabilis: si autem ac-
 „ cipiatur secundum quod importat impugnationem ve-
 „ ritatis, & inordinatum modum, sic est peccatum
 „ mortale: si autem accipiatur contentio secundum quod
 „ importat impugnationem falsitatis cum inordinato
 „ modo, sic potest esse peccatum veniale, nisi forte
 „ tanta inordinatio fiat in contendendo, quod ex hoc
 „ generetur scandalum aliorum. Unde & Apostolus,
 „ cum dixisset „ 2. Timot. 2. noli contendere verbis,
 „ subdis: ad nihil enim utile est, nisi ad subversionem au-
 „ dientium: subvertuntur autem, & scandalum patiuntur
 „ audientes, quoties ejusmodi contentiones eos provocant
 „ ad odium & convicia contra inordinate contendentes.

Ergo in omni controversia, in primis vitanda est con-
 tentio, utpote caritati & paci opposita, inter opera
 carnis, quæ excludunt a regno Dei, ab Apostolo repo-
 sita, Gal. 5. & uti immunda iræ ac superbiæ soboles;
honor est homini, qui separat se a contentionibus, inquit
 Sapiens Prov. 20. v. 3. *omnes autem stulti miscuntur contumeliis*, quæ vix absunt ab indecoris illis contentionibus.
 Si autem ejusmodi excessus cavendi sunt etiam ubi agitur
 de tuenda manifesta veritate aut justitia; quanto magis
 quando unusquisque pugnat pro sua opinione aut jure
 duntaxat præsumpto. Nihilominus non solum homun-
 ciones ac mulierculæ, sed & viri alioquin spectabiles,
 sæpe etiam Theologi & Sacerdotes se propterea alicujus
 culpæ conscios non advertunt, etsi data occasione, in
 eisdem excessus semper prolabantur, adeo prævalent
 in Christianorum cordibus superbia & cupiditas.

Q. 4. *Quid est Schisma?*

R. Respondet S. Th. q. 39. art. 1. est separatio
 ab unitate Ecclesiæ, cujus partes tamquam membra
 unius & ejusdem corporis caritas veluti spirituale
 vinculum copulat ac constringit. Læditur quidem illa
 unitas per quamlibet inobedientiam, qua quis præcepta

Præ-

Prælati sui contemnit; sed absolute non solvitur, nisi inobedientiæ addatur rebellio & contumacia, quia inobediens non vult subesse vel Concilio Generali, vel Summo Pontifici, vel suo Episcopo. Unde non omnis inobediens est schismaticus.

Q. 5. *Omne bellum estne peccatum caritati oppositum?*

R. Minime, quia ut argumentatur S. Augustinus epist. 138. alias 5. „ Si Christiana disciplina omnia „ bella culparet, hoc potius militibus consilium salu- „ tis petentibus in Evangelio diceretur, ut abjicerent „ arma, seque omnino militiæ subtraherent: Dictum „ est autem eis, „ neminem concusseritis, nulli cal- „ lumniam feceritis, sufficiat vobis stipendium vestrum, Luc. 13. Enimvero si licet privato cuique jus suum tueri, bona sua a raptoribus in iudicio repetere cum eorum capitis periculo, quidni & Principi? Non enim sine causa gladium portat, Rom. 13.

Q. 6. *Quæ requirantur ut bellum sit licitum?*

R. Tria, ex S. Thoma qu. 40. art. 1.

Primum est potestas, quæ residet in Principe, cui cura Reipublicæ commissa est, & eo titulo eam tamquam Dei Minister tueri debet contra infestantes hostes; *Ordo naturalis*, inquit S. August. lib. 22. contra Faustum c. 75. „ mortalium paci accommodatus hoc „ poscit, ut suscipiendi belli auctoritas atque concilium penes Principem sit; exequendi autem iussa „ bellica ministerium milites debeant paci salutique „ communi. „ Hinc duellum non solum jure canonico & civili, sed etiam naturali prohibetur; non quia præcise eligitur appetitu vindictæ; sed quia privati non habent dominium propriæ vitæ, ut eam exponant tam evidenti mortis periculo, nisi in necessitate boni communis, quod est præferendum bono privato.

Secundum est causa iusta; si enim litibus alios premere non licet absque necessitate, multo minus & urbes & provincias devastare cum plurimi sanguinis effusione. *Iusta autem bella*, inquit S. August. lib. qu. super Josue qu. 10. „ definiri solent, quæ ulciscuntur „ injurias, si quæ gens, vel civitas, quæ bello pe- „ tenda est, vel vindicare neglexerit, quod a suis im-

„ probe factum est, vel reddere, quod per injurias ablatum est. „ Sed ista ponderare eorum est, quos Principes adhibet in concilium, non vero subditorum.

Tertium est recta intentio, qua scilicet, inquit S. Th. cit. art. 1. „ intenditur, vel ut bonum promoveatur, vel ut malum vitetur. . . Potest autem contingere ut sit legitima auctoritas indicentis bellum, & „ causa justa; nihilominus propter pravam intentionem „ bellum reddatur illicitum; dicit enim August. lib. 22. „ contra Faustum c. 74. nocendi cupiditas, ulciscendi „ crudelitas, implacatus atque implacabilis animus, „ feritas rebellandi, libido dominandi, & si quæ similia, hæc sunt, quæ in belli jure culpantur.

Christianus igitur, jubente Principe, & deposito dubio num belli causa sit justa, necne; arma sumat, sed eo animo, quo Chirurgus ad nutum Medici ferrum & ignem adhibet, nimirum ad sananda Reipublicæ vulnera, & stabiliendam publicam pacem, quæ est regni salus. Quid enim tam alienum a Christianis moribus, aut tam inhumanum & crudele, quam contra hostes insurgere, veluti si avis rapax, aut canis venaticus ruat ad prædam, devictum adversarium, qui secundum militiæ leges servandus esset captivus, interficere eum spoliandi causa, quomodo venator captam feram occidit, ut pellem detrahat? Hæc & similia Confessarius inquireret non solum a gregariis militibus, sed & a militiæ Præfectis, quibus ut ipsimet palam testantur, pax & tranquillitas publica oneri est, & bellum in votis, utpote occasio, vel captandæ gloriæ, vel rei familiaris amplificandæ, eo sane peiores Judice & Medico, qui exoptarent, ille dissidia in civitate ad multiplicandas lites, ille ægritudines ad colligendas opes ex alienis malis; quo urbium subversiones, & innumeræ interneciones sunt quid longe gravius ruina unius aut alterius familiæ.

7. Quid rixæ & seditionis nomine intelligitur, & quomodo ambo illa peccata differunt a prioribus?

R. 1. Rixa est bellum privatum, in quo discordes se invicem percutiunt, ex Glossa in c. 5. ad Gal. v. 20. Igitur ex discordia seu oppositione voluntatum nascitur

scitur contentio, quæ est pugna verborum; ex contentione rixa, quæ est pugna manum & verberum. In aggressore est peccatum ex genere suo mortale: in repugnante licita est, si servet moderamen inculpatae tutelæ, illicita vero & peccatum si non servet, vel veniale, vel lethale, secundum iræ, odii, & appetitus vindictæ excessum. Ita S. Thomas q. 41. art. 1.

R. 2. Seditio ex Glossa in secundam Cor. c. 12. v. 20. laudata a S. Thoma q. 42. art. 1. est tumultus ad pugnam, cum scil. cives tumultuantur, pacem civitatis turbant, & arma sumunt ad pugnandum, non contra extraneos hostes, sed contra se invicem. Unde patet seditionem esse grave peccatum caritati oppositum.

§. II.

De Scandalo.

Q. 1. **Q**uid significat nomen scandali?

R. Offendiculum, seu pedis offensionem; ut lapsus in via, ad quem viator incaute offendens labitur. Translatum autem ad mores illud nomen Græcum, significat quidquid nobis ad beatitudinem tendentibus est causa ruinæ spiritualis, quo sensu Christus dicitur 1. Petri cap. 2. lapis offensionis & petra scandali, nempe incredulis & carnalibus.

Q. 2. *Quomodo definitur Scandalum?*

R. Definitur a S. Thoma qu. 37. art. 1. & aliis communiter Theologis; ex S. Hieronymo in cap. 15. Matth. dictum vel factum minus rectum præbens alteri occasionem ruinæ.

Dicitur 1. *dictum vel factum*, quia sola voluntas nisi exterius se prodatur dictis vel factis, non potest esse aliis offensio. Nomine autem dicti & facti intelligitur etiam externa omisso; qui enim omittit loqui vel agere cum deberet, v. g. subditum blasphemantem corrigere, Sacrum audire die festo. aliis est scandalo & offensioni.

Dicitur 2. *minus rectum*, sive illud sit per se malum, sive habeat duntaxat speciem mali, species enim mali æque inducit ad peccandum ac malum ipsum: immo si malum haberet speciem boni, non moveret alios ad

peccatum, v. g. fornicarius, qui domum mulieris frequenter ingreditur sub specie negotii necessarii, neminem scandalizat; contra vero Clericus, qui apud se puellam retinet, quamvis castimoniam illibate servet, nihilominus aliis est malo exemplo & offendiculo; quia factum habet speciem mali.

Dicitur 3. *præbens alteri occasionem ruinæ*: quia necesse non est ad rationem scandali, ut ruina actu sequatur, sed satis est ut ruinæ detur occasio.

Q. 3. *Quotuplex est scandalum?*

R. Duplex, alterum datum sive actum, cuius mox definitionem attulimus; alterum acceptum seu passivum, quod est effectus scandali activi seu peccatum, cuius causa fuit scandalum datum.

Q. 4. *Quotuplex est scandalum datum?*

R. Duplex, scil. directum, & indirectum. Directum, cum quis dictis vel factis proximum in ruinam impellere intendit, puta in fornicationem. Indirectum, cum quis non intendens ruinam proximi nonnulla dicit aut facit in proprium commodum, aut animi oblectamentum, quæ tamen sunt alteri occasio peccati.

Q. 5. *Quotuplex est scandalum passivum seu acceptum?*

R. Duplex; alterum dicitur pusillorum, quod ex proximi ignorantia, aut infirmitate oritur; alterum Phariseorum, quod nascitur ex malitia accipientis. Ideo autem dicitur Phariseorum, quia insignis fuit eorum malitia, qua ex dictis & factis Christi Domini peccandi occasionem sumpserunt.

Dices; hæc divisio non est adæquata. Triplex enim est hominum status: alii peccant ex affectu, qui oderunt veritatem, nec volunt intelligere, ut bene agant: alii sunt infirmi & pusilli, qui facile seduci possunt, & ad malum, quod oderunt, impelli: aliis sunt fortes, & in virtute firmati, ideoque ab ea difficiliter dimoventur: Ergo sicut aliud est scandalum Phariseorum, qui sunt primi status; aliud pusillorum, qui sunt secundi status: ita illud admitti debet perfectorum, qui sunt in tertio statu, ac proinde triplex est scandalum passivum.

Negat S. Thomas q. 43. art. 5. & 6. admittendum esse tertium illud genus scandali, dicitur enim Psal. 118.

pax multa diligentibus legem tuam, & non est illis scandalum. Et Prov. 1. v. 17. *frustra jacitur rete ante oculos pennatorum;* quod parabolice scriptum communiter intelligunt Interpretes de viris perfectis, qui scandalorum retia facile declinant, & e peccandi periculo prompte ad cœlestia avolant spiritualibus alis; nempe amore Dei, & timore. Immo ex conspectu prævaricantium amplius accenditur eorum caritas; agens quippe vires exerit ad præsentiam adversarii. ignis v. g. frigore impugnatus ardentior evadit, *vidi prævaricantes & tabescebam*, inquit Psalmista Ps. 118.

Quod si perfecti scandalum non accipiunt, multo minus aliis præbent, quia plus repugnat perfectioni, inquit Angelicus Doctor, scandalum activum, quam scandalum passivum: „ad perfectos enim pertinet ea „quæ agunt, secundum regulam rationis ordinare... „& præcipue hanc cautelam adhibent in his, in quibus non solum ipsi offenderent, sed etiam aliis offensionem pararent.

Ergo ex intoleranda ignorantia, sive affectata, sive crassa, nonnulli scandalum pusillorum contemnendum ducunt, vel enim nullum scandalum est cavendum, vel scandalum pusillorum cavere necesse est. Primum dici nequit, cum manifeste repugnet Scripturæ sacræ, rectæ rationi, & omnium hominum sensui, ut mox demonstrabitur: ergo secundum dicatur oportet, nempe sollicite cavendum, ne unum ex pusillis contemnamus scandalizemusque; nam scandali Phariseorum nullam habendam esse rationem docuit Magister & Dominus noster, Matth. 15. v. 12. ubi referentibus Discipulis, quod Pharisei verbis ejus fuissent scandalizati, respondit, *Sinite illos, cæci sunt*, id est, ne curetis illorum scandalum; est enim ex cordis malitia eos excæcante, & *utilius nasci permittitur scandalum, quam quod veritas relinquatur*, inquit S. Gregorius hom. 7. in Ezech. Potest quidem veritas, quam infirmi necdum ferre possint, ad tempus opportunius abscondi, sicut & correctio fraterna differri; sed longe absurdissimum foret, si Iusti, quos Deus posuit tanquam luminaria in medio nationis prævæ,

ut loquitur Apostolus, bonis operibus lucere cave-
rent, eo prætectu quod veritas improbis odium pa-
riat, & virtus sit illis lapis offensionis & petra scan-
dali. Igitur contemnendum est scandalum Phariseo-
rum, vix etiam, timendum est scandalum perfectorum,
cum scandalizari non soleant, certique simus quod si
dictum & factum minus rectum nobis excidat, illi
nos correpturi sint in misericordia, nedum scandalum
accepturi, proindeque nullum scandalum habemus ca-
vendum, nisi pusillorum.

Q. 7. *Quomodo accipi debet, quod scribit S. Thomas lo-
co citato, perfectos nec dare, nec accipere scandalum,
cum possint a perfectione sua excidere, juxta illud Apostoli*
1. Cor. 10. qui se existimat stare, videat ne cadat?

R. Illud accipiendum eo sensu, quo dixit Christus
Matth. 7. *non potest arbor bona malos fructus facere*. Et
Beatus Joannes 1. ep. c. 3. „ omnis qui natus est ex
„ Deo, peccatum non facit . . . & non potest pec-
„ care, quoniam ex Deo natus est, nempe, ut alias
diximus, quamdiu manet arbor bona, & quamdiu se-
men gratiæ Dei, qua renatus est, conservat, ejusque
ductum sequitur, caritas enim non agit perperam.
Sed perfecti, utpote in caritate fundati & radicati,
ac pro consuetudine exercitatos habentes sensus ad
discretionem boni & mali, non facile moventur præ-
vis aliorum exemplis, ut fiant arbor mala, ac proin-
de non videtur pro iis timendum.

At, inquit, non est non homo super terram qua-
tumcumque perfectus, qui non peccet, „ necesse est,
„ inquit S. Hieronymus lib. 2. contra Pelagianos, nos
„ subjacere peccato, non naturæ & conditionis (ut tu
„ calumniaris) vitio, sed fragilitate & communicatio-
„ ne voluntatis humanæ, quæ per momenta varia-
„ tur, quia Deus solus est immutabilis; „ Ergo per-
„ fecti scandalum dare & accipere possunt.

Respondet S. Th. 1. de scandalo passivo cit. art. 5.
ad tertium, viros perfectos interdum quidem labi in
peccata venialia, sed potius ex infirmitate, & ex il-
liciente concupiscentia, quæ in eis remanent, quam ex
aliorum dictis vel factis minus rectis : „ sed, inquit

„ potest esse in eis quædam appropinquatio ad scandalum, secundum illud Pl. 72. „ Mei pene moti sunt pedes.

Resp. 2. Quoad scandalum activum art. 6. ad 3. Peccata venialia perfectorum præcipue consistunt in subditis motibus, qui cum sint oculi, scandalizare non possunt. Si qua vero etiam in exterioribus dictis & factis venialia peccata committant, tam levia sunt, ut de se scandalizandi virtutem non habeant. Quod si nonnulli peccant occasione ejusmodi leviorum defectuum, S. D. in responsione ad primum & secundum, docet non viros perfectos occasionem peccandi præbere, sed ipsosmet peccantes accipere ad excusanda sua peccata exemplo perfectiorum: Non tamen, inquit, factum Petri. (de quo Gal. 2.) erat tam grave peccatum, quod merito possent alii scandalizari. Unde patiebantur scandalum passivum: non autem erat in Petro scandalum activum.

Ergo amici hujus sæculi desinant nobis obtrudere quædam dicta vel facta, quibus viri doctrina & pietate illustres, eorum vanitati & cupiditati favisse existimant. Aut enim falsa sunt, quæ de ipsis narrantur: aut si vera, non eo, quo referuntur modo, dixerunt vel fecerunt, aut si revera dixerint vel fecerint, ut dicitur, sunt defectus, non exempla quæ sequi liceat: homines quantumcunque perfecti non sunt regula regulans, inquit S. Th. sed regula regulata, hoc est non ad eorum dicta vel facta Evangelium, quod est regula regulans, flecti & detorqueri debet: quia non ex personis fidem, sed ex fide personas judicamus, ut loquitur Tertullianus, & ad rem præsentem pertinet, quod scribit S. August. ad S. Hieron. ep. 82. alias 29. Solis eis Scripturarum libris, inquit, qui jam Canonici appellantur, didici hunc timorem honoremque deferre, ut nullum eorum auctorem scribendo aliquid errasse firmissime credam alios autem ita lego, ut quantalibet sanctitate doctrinaque præpolleant, non ideo verum putem, quia ipsi ita senserunt: sed quia mihi per illos auctores canonicos, vel probabili ratione, quod a vero non abhorreat, persuadere potuerunt. Absit v. gra
ua

ut propter dissensionem quæ intercessit Apostolum Paulum inter & S. Barnabam, Act. 15. existimem licitam esse discordiam inter fratres, quam Scriptura tam dilucide numerat inter opera carnis Gal. 5. Quin ut honos tantis viris debitus servetur, eorum controversiam accommodare debeo regulæ regulanti, ut verbis Angelici Doctoris utar, & judicare illam dissensionem fuisse dumtaxat in opinionibus, illæsa caritate, sine contentione & peccato. Denique si quid leve minus tamen rectum sanctis viris aliquando excidat propter concupiscentiam, quæ semper in ipsis manens nonnunquam obrepit, nunquam trahendum est in exemplum, sed existimatio, quam multis titulis merentur, exigit, ut eorum dicta vel facta, quantum fieri potest, cum regula morum, hoc est, cum lege componamus; alioquin non illi dant occasionem, ut supra docebat S. Th. sed nos ipsi occasionem sumimus laxandi habenas propriis cupiditatibus, & ita scandalum Phariseorum est in nobis, id est, passivum & acceptum.

Ergo qui singularem pietatem præferunt, præsertim si in dignitate sint constituti, ut Pastores, præ ceteris dicta sua & facta ad regulam exigere debent, utpote quæ statim evulgentur tanquam effata & exempla, quibus nec contradicere, nec resistere licet.

Q. 7. *Scandalum estne peccatum?*

Certum est 1. Scandalum activum directum esse peccatum ex genere suo lethale: quia voluntas impellendi proximum in peccatum & ruinam formaliter pugnat contra caritatem, & est malitia prorsus diabolica.

Certum est 2. scandalum passivum, cum sit ipse lapsus illius, qui scandalum patitur, esse quoque peccatum non unius speciei, sed totuplicis, quotuplex est materia, in qua peccatur occasione dicti vel facti alterius, nempe erit peccatum injuriæ, intemperantiæ, impudiciæ, si quis ex dictis vel factis alterius furetur, inebrietur, desideria impudica concipiat.

Difficultas itaque superest dumtaxat circa scandalum activum indirectum, num scilicet qui nonnulla dicit aut facit, non ea intentione, ut proximus in peccatum

tum labatur, sed solum ut suo commodo consulat; vel suo genio indulgeat, reus sit peccati, si dicta ejus aut facta præter intentionem præbeant alteri peccandi occasionem.

R. Ejusmodi scandalum est peccatum ex genere suo mortale & speciale, ac in confessione Sacramentali exponendum. Ita omnes Theologi post S. Thom. quæst. 43. art. 3. & 4. Dux autem sunt responsionis partes. Prima, quod ejusmodi scandalum sit ex genere suo peccatum lethale. Secunda, quod sit speciale, & in Confessione Sacramentali exponendum.

Prima pars probatur 1. ex Scriptura Matth. 18. *Qui . . . scandalizaverit unum de pusillis istis qui in me credunt, expedit ei, ut suspendatur mola asinaria in collo ejus, & demergatur in profundum maris. Væ mundo a scandalis: Necessè est enim ut veniant scandala: veruntamen væ homini illi, per quem scandalum venit.* Hic agitur de scandalo, quod necesse est præbeatur in mundo agentibus, si spectentur corrupti mores eorum quibuscum conversari oportet: atqui illud scandalum est indirectum; facile enim vitari possunt, qui nos ad malum directe, v. g. consiliis & suasionibus inducant: impossibile vero quia in mundo multa videantur & audiantur illicita, quæ videntibus, & audientibus sunt occasio peccandi. Porro scandalum illud esse peccatum grave colligitur ex pœna gravissima, qua Christus dicit fore puniendum: *Væ mundo, inquit, a scandalis.* Sed Apostolus distincte ac dilucide loquitur de scandalo indirecto, cap. 14. epist. ad Rom. & cap. 8. & 10. epist. 1. ad Cor. ibi quippe agit de iis, qui in fide plene instructi idolothytis, id est, carnibus idoli immolatis vesciebantur, ut quæ nihil religionis haurirent ab idolo, quod nihil est, cum non sit quod repræsentat. Sed quia hacce Evangelica libertate utebantur coram infirmis fratribus, qui cum conscientia idoli, hoc est, putantes idolum ejusmodi carnes inficere, aliorum exemplo idolothytum quasi pollutum & illicitum cibum manducabant, ideoque peccabant, quia ex conscientia erronea id non licere arbitrabantur; manifestum est autem quod peccatum.

tum illud infirmorum, esset præter intentionem firmiorum, ut qui illud unum intenderent hacce libertate fidem suam ac religionem testatam facere in idolorum contemptum, fore cum aliqua ostentatione, propter quam illis dicitur, *scientia instat, caritas vero (quam negligebant) edificat*. Nihilominus scandalum illud quantumcunque indirectum reprehenditur ab Apostolo tanquam grave peccatum: & peribit, inquit, 1. Cor. 8. *in tua scientia frater, propter quem Christus mortuus est? Sic autem peccantes in fratres, & percutientes conscientiam eorum infirmam, & in Christum peccatis*. Quæ sane non dicerentur de peccato veniali. Unde S. Chrysost. hom. 21. in 1. Cor. de hujusmodi scandalo ait: *Est quovis vulnere gravius scandalizare, seu offensionem afferre*. Sed audiendus est auctor egregii libelli de singularitate Clericorum inter opera S. Cypriani ubi insurgit, adversus Clericos, qui prætextu caritatis, religiosas mulieres in suis domibus alebant, & contenti testimonio propriæ conscientiæ, contemnebant malas vulgi suspiciones, oblocutiones, & scandala: *Pudicitie bonum, inquit, frustra intrinsecus laborioso agone custodit, quod forinsecus efficit infamari ... Pejus est quam machari continentiam ducere criminofam, & infamiam ferre sanctimoniam*.

Prob. 2. ratione; quia sub peccato gravi tenemur amovere proximi miseriam, sive corporalem per elemosynam, sive spiritualem per correctionem fraternam: Ergo a fortiori tenemur cavere ne illum per scandalum in ruinam conjiciamus: pejus enim est proximum in malum conjicere, quam illum jam lapsum non erigere.

Confirmatur a simili. Societas humana non patitur, ut quis in proprio fundo quidquam faciat in privatum commodum, & ornamentum domus, quod sit alteri nocivum, & ruinæ periculum. Si quis, ait Dominus Exodi 21. v. 33. *aperuit cisternam & foderit, & non operuit eam, cecideritque bos aut asinus in eam, reddet dominus cisternæ pretium jumentorum*: Ergo a pari, qui scandalum sive directe, sive indirecte dederit, reus est illius damni, & ruinæ.

Dixi, scandalum indirecte datum, esse peccatum ex

genere suo mortale, ut innuerem aliquando esse veniale ob levitatem materiæ, cum scilicet est solum occasio peccati venialis, modo tamen peccatum illud veniale non vergat in grave detrimentum proximi, ut supra diximus de omissione correctionis fraternæ.

Secunda pars, nempe quod peccatum scandalum sit speciale, & in Confessione Sacramentali exponendum, probatur, quia illud peccatum est specie a ceteris distinctum, quod pugnat contra specialem virtutem; ebrietas v. g. specie differt a sacrilegio; quia est opposita virtuti sobrietatis, quæ est specie distincta a religione, quam impugnatur sacrilegium: atqui scandalum indirecte datum pugnat contra caritatem, qua tenemur diligere proximum sicut nos ipsos, hoc est, malum illius avertere, & bonum procurare. Ergo scandalum etiam indirecte datum, est peccatum speciale, & consequenter in Confessione Sacramentali exponendum; de fide enim est explicanda esse circumstantias, quæ peccati speciem mutant, ut definit Concilium Tridentinum sess. 14. can. 7.

Ergo satis non est, ut quis confiteatur se obscena colloquia habuisse, fornicatum fuisse, aut furatum cum aliis; sed tenetur insuper explicare an auctor fuerit ejusmodi colloquiorum, aut fornicationis, & furti aliorum; namque in hypothese quod actor fuerit, dupliciter peccavit, 1. contra caritatem per scandalum ab ipso datum, 2. contra castitatem in primo & secundo exemplo, & contra justitiam in tertio. Immo scandalum peccatum in eo multiplicatur pro numero eorum, quibus dedit occasionem peccandi, ut docent Navarrus Manualis c. 6. n. 19. & alii; quia sicut qui uno ictu interficeret duos homines reus esset duplicis homicidii; ita qui uno verbo obsceno duobus, tribus, quatuor &c. dat occasionem peccandi, tot peccatorum reum se constituit.

Dices: ex S. Thoma art. 3. scandalum indirecte & præter intentionem datum, non est speciale peccatum; quia, inquit, quod est per accidens, non constituit speciem: Ergo.

Distinguo antecedens: non constituit speciem primariam & essentialem actui, quæ repetitur ex objecto;
Con-

Concedo : speciem secundariam , quæ repetitur ex fine & circumstantiis , quemadmodum diximus ubi de Actibus humanis , Nego antecedens . Itaque certum est dari circumstantias , quæ in genere moris novam actui dant speciem ; quæ tamen dicitur a S. Thoma & ab aliis Theologis , bonitas vel malitia actui accidentaria ; elemosyna v. g. data Sacerdoti ex motivo religionis , licet duplicem specie habeat bonitatem , scilicet misericordiæ & religionis ; tamen sola bonitas misericordiæ , quæ repetitur ex miseria pauperis Sacerdotis , est essentialis huic actui , bonitas vero religionis accidentaria . Item si quis injuste percutiat Sacerdotem , reus est duplicis specie peccati , scilicet injustitiæ & sacrilegii ; nullusque nisi hæreticus negaverit utrumque in Confessione aperiendum ; sacrilegium tamen dicitur circumstantia actui accidentalis , & minime speciem constituens . Quod autem S. Thomas faveat nostræ sententiæ , patet ex responsione ad secundum , in qua sic habet : „ scandalum activum potest inveniri separatim ab aliis peccatis , puta , quando proximum scandalizas facto , quod de se non est peccatum , sed habet speciem mali : „ unde concludit scandalum esse peccatum a ceteris distinctum , cum possit existere in dante scandalum sine alio quovis peccato .

Q. 8. *Tenemurne omittere actionem indifferentem , vel etiam bonam ad vitandum scandalum ?*

R. 1. Ob scandalum Phariseorum , actio sive indifferens , sive bona , non debet omitti , quia illud scandalum ex sola malitia scandalizati oritur , ac proinde nulla illa illius ratio habenda .

R. 2. Actio indifferens debet omitti ob scandalum pusillorum , si quos noverimus inde ob infirmitatem commovendos , quia ordo caritatis postulat , ut omitamus quæ indifferentia sunt , cum prævidemus periculum , ne sint proximo ruinæ occasio . Si excusari nequit , qui ignem deferit cum periculo incendii in arcam proximi , in qua sunt paleæ , quis eum innocentem pronuntiabit , qui rem factis indifferentem cum scandalo fratris , quem novit infirmum ? Dico , quem novit infirmum : quia intolerabile esset onus , & janua patens in-

Innumeris scrupulis, si omittenda esset omnis actio indifferens, quæ generatim ac indeterminate posset esse occasio ruinæ, nisi actio illa de se, & prudentum judicio talis esset, quæ omnibus infirmis speciem mali præ se ferret, a qua abstinendum docet Apostolus 1. Thessal. 5. v. 21. Hinc mulieres peccant peccato scandalis, si ornatus earum sit indecens, & ad lasciviam provocans: secus si decens judicetur.

R. 3. Actio bona vel non est præcepta, vel est præcepta; si non est præcepta, censet sanctus Thomas q. 43. art. 7. propter scandalum pusillorum, aut esse occultandam, aut differendam, donec ipsis exposuerimus nostram ita agendi rationem. Quod si, expulsa jam ignorantia, nihilominus scandalum patiantur; non erit datum, sed acceptum, & Phariseorum, ac proinde contemnendum.

Major est difficultas circa bonam actionem præceptam, quæ ut salvatur, distinguendum est inter præceptum negativum & affirmativum, naturale, & positivum: præceptum naturale negativum obligat semper & pro semper, quia, ut supra diximus, prohibet actionem per se malam; nunquam autem qualibet hypothese posita, licet male agere, ac proinde propter scandalum vitandum, nefas est mentiri, pejurare, sacrilegium committere, v. g. absolutionem sacramentalem impertiri indigno, ne ex ejusmodi repulsa, longe deterior fiat. Idem judicium esto de uxore, a qua maritus propudiosa contra legem naturalem exigit, nempe morem illi gerere non debet ad vitanda gravia scandala. Secus sentiendum de præcepto negativo legis humanæ, puta de præcepto abstinendi a carnibus vel ab operibus servilibus certis diebus: Catholicus enim inter Hæreticos occultus, licite carnes comederet, si prævideret suam abstinenciam fore occasionem injustæ persecutionis: famulus licite operaretur die festo, si aliter non posset vitare iniquam heri vexationem & blasphemias.

Quod vero spectat præceptum affirmativum, sive naturale, sive positivum, cum non obliget pro semper, sed solum positis omnibus circumstantiis ad honeste agendum requisitis, potest aliquando prætermitti ad

vitandum scandalum: correctio fraterna v. g. licet sit præcepti naturalis & divini positivi, omittenda tamen est, si proximus ex ea deterior sit futurus, immo & juridica ex S. Augustino lib. 3. contra Parmenianum cap. 2. si schisma timetur. Veritas quoque, quam Christus præcepit super tecta prædicandam, aliquando tegenda est, non quidem falsitate, & æquivocationibus, quæ a mendacio non differunt, sed prudenti dispensatione, juxta illud Matth. c. 7. *Nolite dare sanctum canibus, neque mittatis margaritas vestras ante porcos*; quod S. Thomas citato art. 8. intelligit de doctrina. „Propter nullum scandalum, *inquit in responsione ad secundum*, quod sequi videatur, debet homo, prætermissa veritate, falsitatem docere. Sed ipse actus docendi inter spirituales eleemosynas commutatur. Et ideo eadem ratio est de doctrina, & de aliis misericordiarum operibus, quæ scilicet exerceri debent pro loco, tempore & personis. It tamen, quibus incumbit officium alios docendi, ut Pastores, tacere non debent propter periculum scandali, quando mendacium prævalere advertunt, v. g. contractus usurarii & injusti laudantur, & prædicantur ut liciti; tunc enim utilius nasci permittitur scandalum, utpote Phariseorum, quam si veritas relinquatur.


Utrum autem & quando temporalia sint dimittenda propter scandalum vitandum, patet ex dictis de correctione fraterna.



FINIS TOMI TERTII.







5-2

